

2


18



M







DE ORIGINIS
PECCATO DISCEPTA-
TIO, IN TRACTATVS
duodeuiginti distributa.

ITEM
DE CHRISTI SATIS-
FACTIONE, ET MAIESTATE.

*Quibus ea omnia accuratè & dilucidè explicantur, quæ in graues has
controuersias incidunt, quæque hac in parte ab Antagonistis
in questionem adducuntur,*

AUTHORE
THEODORO PELTANO,
Societatis IESV Theologo.


AD ROMANOS V.

Per vnum hominem peccatum in hunc mundum intrauit, & per peccatum mors.

PSAL. L.

Ecce in iniquitatibus conceptus sum, & in peccatis concepit me mater mea.

Tractatum & Capitulum SYNOPSIS, vnà cum copioso totius Operis
INDICE, Lector post præfationem comperiet.




COLONIAE

Apud Geruinum Calenium, & heredes Ioannis Quentelij.
Anno M. D. LXXXVI.

Cum gratia & priuilegio Cæs. Maiest. in decennium.

DE ORIGINIBUS
PECCATO ORIGINALI
E
GO MARTINVS EISENGREIN, S. Theologiæ
Doct̃or, & Academiæ Ingolstadianæ Procancellari-
us, Opus hoc DE PECCATO ORIGINALI, à Re-
uerendo & excellenti viro D. THEODORO PELTA-
NO, S. Theologiæ Doct̃ore, & Academiæ Ingolstadi-
ensis ordinario Professore conscriptum, à Theologis
verò diligenter examinatum, & vt Catholicum ab eis-
dem approbatum, meo quoque calculo, vt eiusmodi
approbo, & excudi permitto.

AD REVEREN-
DVM, NOBILEM, AC MAGNI-
FICVM VIRVM, DOMINVM VVOLFGAN-
GVM ANDREAM ROM A KETZ, AVGVSTANÆ
ECCLESIAE DECANVM, AVTHORIS
PRAEFATIO.



LIQVAM otij quietem tran-
quillitatēque, Magnifice Do-
mine Decane, à continuo illo,
diuturnoq̃ue profitendi mu-
neretandē aliquando nactus:
ne absque vllō prorsus litera-
rio negotio, publicoq̃; com-
modo illud effluat, visum est
argumenta quædam Theolo-
gica ex illis, quæ breuiter, succincteque per Theses ex-
plicāram, publiceque disputanda, ac discutienda non
paruo numero proposueram, denuo in manus sumere,
eademque in illorum gratiam, qui eiusmodi Scholasti-
cis exercitationibus interesse non possunt, paulò lati-
ùs, & ad popularium captum aliquanto accommodati-
ùs tractare, & explicare. Acuit hoc meum propositum
non parum grauium quorundam Theologorum iu-
diciū, qui existimant hoc rerum statu parem, vel eti-
am maiorem fructum hinc ad Ecclesiam redire posse,
atque ex publica professione. Cæterum cū alicunde
commentationis huius exordium sumendum esset,
inde potissimū exordiri lubuit, vnde omnis omnino
a 2 labo-

laboriosa inquisitio, & frequens illa humanæ mentis, in rebus præcipuè grauibus, hallucinatio maiorem in partem defluxit : nempe ab antiquo illo, naturæque nostræ cognato vitio. Non quòd argumentum hoc principem inter cætera locum obtinere autumem : neque quòd vnā hanc controuersiam vtilitate vel tempore cæteris omnibus antecellere persuasum habeam : (Certum est enim, qui Theologica methodo sacra tractant, prius de Deo disputare solere, quàm de homine, aut alia quauis mundi parte : de hoc, reliquarumque creaturarum multitudine, ordine, ac distinctione prius rursus, quàm de hominis lapsu, alijsque quæ ex eo lapsu confecta sunt. Aequè certum & exploratum est, si horum temporum iniquitas, aut Sectariorum improbitas pateretur, longè maiori vtilitate & fructu, multoque maiori gustu, de incarnati Verbi œconomia, de Sacramentorum vi & energia, deque alijs Salutis nostræ adminiculis tractari & disputari posse, quàm de intrinseca peccati huius notione. Sed & dubium quoque nullum est, multò antè de multis alijs in Ecclesia Dei disputatum, & dubitatum esse, quàm de hoc naturæ vitio. Nam ante exortum Pelagium altum passim de peccati huius ratione silentium obtinebat. Solū tum credebatur, & docebatur, ortu ipso contrahi : contractum verò, qua quidem noxa est, ipso denuo regenerationis Sacramento expiari. Qua autè in re vis illius posita esset, vel qua ratione, aut via ex hoc in illū transiret, istuc per id tempus, aut non inquirebatur, aut certè absque omni animi anxietate,

P R A E F A T I O.

xietate, & moleſta cōtentione inquirebatur.) Sed quòd vna hæc multarum aliarum grauiffimarum, & hac tempeſtate maximè controuerſarum quæſtionum fundamentum, ac quaſi bāſis exiſtat. In conſeſſo eſt nanquē, neminem de Chriſti Redemptoris ſatiſfactione, aut de noſtra iuſtificatione, aut de hominis in aſſentiendo vel diſſentiendo libertate, aut de infidente carni noſtrę libidine, cæteris quę pluribus, quę hinc dependent, cōmodè ſatis diſſerere poſſe, ſi, quę in hanc controuerſiam incidunt, mediocriter perſpecta explorataquē non habeat. Accedit huc quoque, quòd Sectarum magiſtri falſa peccati huius explicatione, prodigioſaquē eiufdem exaggeratione, ingentem errorum multitudinem magno Chriſtianę reipublicę incommodo inuehant, & crucem Chriſti Seruatoris ſalutiferam inſigni iniuria & contumelia afficiant. Conſingunt enim, peccatum hoc in homine, quouſque is vitę ſpiritum duxerit, ſemper viuere, ac perſtare: nulla Sacramēti vi, nulla Chriſti paſſi energia extingui poſſe. Iram, odium, verbi Dei contemptum, conſcientiæ terrores, ac deſperationes, & quiduis aliud eiufmodi, inſtar ardentis cuiuſpiam fornacis continuo, citra vllam omnino intermiſſionem euomere atque eruſtare. Imò verò non deſunt ex ſcabioloſo illo phanaticorum hominum grege, qui omnia peccata, & ſcelera, quę quouis modo in hominem cadunt, vno originalis peccati nomine completantur. Alij, qui ipſammet hominis ſubſtantiam, aut ſubſtantialem eiufdem formam originis vitium eſſe,

non tam priuatim somnient, quàm summa quoque animi contentione publicè defendant. Alij tandem, qui alia æquè paradoxa, atque in cœleste numen æquè blasphema de hoc innato naturæ vitio in vulgus profeminent. Cùm itaque eiusmodi commenta Christianæ religioni plurimùm officiant, latiusque quotidie sese diffundant, refert, atque adeò necessum est, nonnullos extare, qui cum eiusmodi monstris interdum congrediantur, hydræque capita alia atque alia cornua identidem proferentia validè contundant proterantque. Porro autem egone istuc in hoc præstiterim; hæcque, vel explicationis, vel refutationis partes vtiliter susceperim, aliorum iudiciū esto. Vnum scio, nempe vt vtrunque mediocriter præstarem, sedulò me conatum esse. Sed & spero quoque ea me hîc in medium attulisse, quæ ad veram & propriam peccati huius naturam, vim, & indolem cognoscendam, recteque iudicandam quàm maximè pertinent. Quicquid autem istuc laboris existit, id totum secundum Deum, cui, & meipsum, & omnia mea debeo in solidum, nomini tuo, vir præstantissime, inscriptum, nuncupatumque cupio. Primò quidem quòd, si vllus alius, de tota hac causa, deque conatus nostri successu, quàm optimè cognoscere, & quàm rectissimè arbitrari queas. Neque enim magnos tantum in Iuris sapientia, & Theologia progressus habes, verùm etiā in veneranda illa Synodo Tridentina, vbi de hoc originis peccato, deq; alijs grauiissimis controuersijs argutissimè disputatū, & sapien-

tissi.

Timè definitum est, amplissimi Cardinalis Augustani
 thonis, qui Christo æternū viuat, loco, nomine, &
 auctoritate, animo, corporeq; præstò fuisti. Deinde ve-
 d, quòd in celeberrimæ ciuitatis huius Cléro, hoc præ-
 certim in terregno, quo hæc scribimus, vnus inter omnes
 primatū obtineas. Ea enim auctoritate polles; eo iudi-
 cio, ac rerum vsu vales; ea, vt paucis dicā, vitæ integritate,
 morumq; grauitate præstas, præstitistiq; semper, vt ab
 omnibus dignissimus fueris habitus, qui primario Cle-
 ro in primaria totius Imperij vrbe Decanus præficerê-
 re. Quem quoq; Magistratum tanta dexteritate, tantaq;
 prudentia, & religione hætenus administras, vt spes sit
 minimè vulgaris, fore, vt breui perte id totū in pristinū
 nitorem instauretur, quod superiorū temporū iniuria,
 si non conciderat, aliquā certè in partem labefactatum
 fuerat. Postremò autem, quòd nostri ordinis homines
 iam inde ab initio amāter præ cæteris Ecclesiasticis cō-
 plexus fueris, eisdemq; perbenignè sæpe feceris. Nec
 dubitare possumus, quin pium hunc animi affectum
 maioribus subinde beneuolentiæ argumentis, euiden-
 tioribusq; humanitatis, sinceræq; dilectionis indicijs
 erga id genus hominum porrò declaraturus sis. Precor
 interim Deum Opt. Max. vt magnificentiæ tuæ, & firmā
 corporis valetudinem, & in gubernanda excellenti hac
 Ecclesiavirtutem, vberemq; gratiā largiatur. Vale. Au-
 gustæ Vindelicorum M. D. LXXV. Idibus Iunijs.

M. G. T. deditissimus

Theodorus Peltanus.

SYNOPSIS OMNIVM ET SINGVLORVM TRACTA- TVVM OPERIS HVIVS DE ORIGINIS PECCATO.

PRIMI.

Hominem solis naturæ viribus instructum multa, & nōsse, & velle,
& perficere quoque posse.

SECUNDI.

Deum Opt. Max. primum generis nostri parentem, non condidisse iustitia
vacuum, aut ex armatū, aut obliquum: sed rectum, iustitiaque & san-
ctitate egregiè instructum atque ornatum.

TERTII.

In statu naturæ integræ, cū generis nostri principem Adamum, tum cæ-
teros quoque, qui felici illo seculo ex illo nascerentur, multa præclara,
& velle, & perficere quoque per solam originis iustitiam seclusa gra-
tia potuisse.

QUARTI.

Adamum, dum diuinam legem, quam acceperat, nefariè præuaricatur,
omnibus illis opibus, virtutumque ornamentis, quibus abundabat, cum
vniuersa sua posteritate excidisse: & græue præterea vulnus, innume-
rasque misérias, & ærumnas, cū sibi ipsi, tum toti quoque, naturæ
humane accersuisse.

QVINTI.

Non solum præuaricationis Adæ pœnam, in omnes & singulos, qui ortum
ex eo ducunt, permeasse, & porrò permeare, sed noxam quoque &
maculam.

SEXTI.

Originis vitium veræ rationis peccatum esse: Neque cavillationes, qui-
bus Antagonistæ nituntur, oppositum euincere.

SEPTIMI.

Formalem peccati huius rationem, non in aliquo priuato actu, aut actuali
primi parentis præuaricatione, non in aliqua reali qualitate, aut mor-
bida

SYNOPSIS TRACTATVVM.

bida tabe, non in carnis libidine, aut nuda originalis iustitiæ debitione, non in totali totius hominis corruptione, aut aliquo alio eiusmodi: sed in habituali quadam voluntatis à Deo auersione, cæterarumque virium obliquitate præcipue positam esse.

OCTAVI.

Originale peccatum non sola imitatione, aut sola externa patrati sceleris imputatione, non seminis propriè, aut carnis infectione, aut anima ex anima, aut animæ ex semine translatione, non malitiæ ingeneratione, aut aliquo alio eiusmodi: sed ipsamet naturæ propagatione, ex Adamo in vniuersam illius posteritatem transfundi.

NONI.

Deum Opt. Max. humane generationis opus propter originis peccatum impedire non debuisse. Iustos æquè ac iniustos commune hoc naturæ vitium tantum vnà cum natura in prolem transfundere, cæterorum autem nullum omnino. Primam primi hominis ab hoste tentante victoriam non omnibus statim confirmationis gratiam pariter am fuisse.

DECIMI.

Originis peccatum, quod vnum est specie in omnibus, vnum numero in singulis, ad voluntatem, & reliquas animæ partes virus suum ita diffunderè, vt tamen eiusdem essentiae insideat proximè.

VNDECIMI.

Omnes originalis peccati effectus, & pœnas, vna mortis appellatione contineri, & vna hac sæpe quoque designari.

DVODECIMI.

Amissa, per inobedientiam, iustitia & sanctitate, hominem mox in ruborem & infirmitatem, iniustitiæque & Sathane seruitutem incidisse.

TERTIIDECIMI.

Originis peccatum nulla sensibili pœna, post vitæ huius curriculum plectti, sed tantum exilio, & pœna damni.

DECIMIQUARTI.

Concupiscencia, quæ in renatis sit reliqua, & vitium esse, & ex peccato esse, veri tamen peccati rationem non assequi, tamen si tropo quodam peccati nomine interdum designetur.

SYNOPSIS TRACTATVVM.

DECIMI QVINTI.

Firmamenta, quibus nituntur, qui concupiscentiam, quæ post Baptismi Sacramentum ritè susceptum in renatis sit reliqua, lethiferum peccatum esse contendunt, non esse satis firma, imò ne firma quidem, sed assystata planè & putrida.

DECIMISEXTI.

Liberum arbitriū neque actum esse, neque habitum, neque aliquid aliud eiusmodi, sed naturalem anime facultatem, sola ratione ac voluntate distinctam.

DECIMISEPTIMI.

Liberum arbitrium, nec omnibus inesse, nec promiscuè circa omnia occupari; sed vel solum, vel præcipuè circa media, & illa quæ aliter habere possunt.

DECIMIOCTAVI.

Originis peccatum, liberū hominis arbitrium non extinxisse, sed tantum vulnerasse: atque hoc ipsum ex Scripturis, & Patribus, tum ex ipsa quoque rationis luce, & certa experientie fide evidens esse.

SYNOPSIS CAPITVM DE CHRISTI SATISFACTIONE.

PRIMI.

Q*uæ parentis noxa conciderant, ea Deum Opt. Max. per filium suum instaurare voluisse. Alia ratione instaurare potuisse: Conuenientiori, nobisque salubriori modo redintegrare nequiuisse.*

SECVNDI.

Christum Iesum sua efficaci voluntate, perfecta quæ obedientia tantum construere potuisse, quantum Adamus sua peruersa voluntate & inobedientia euerterat.

TERTII.

Christum Redemptorem nostrum sua illa præpotenti voluntate, expedita quæ & prompta obedientia non modo tantum commodi adferre potuisse, quantum Adamus sua inobedientia attulit incommodi, sed reipsa quoque attulisse.

QVARTI.

SYNOPSIS CAPITVM.

QVARTI.

Seſtarum duces plus virium largiri parenti primo in vulnerando, quàm ſecundo in ſanando: Eoſdem rurſum multò minus tribuere Chriſti merito & ſatisfactioni in amoliendo peccati malo, quàm eidem tribuere ſolent Catholica Eccleſiæ doctores.

QVINTI.

Catholicos doctores non ſolum in amoliendo peccati malo, quod oſenſum eſt haſtenus, verùm etiam in impertiendo virtutis, iuſtitiaęque & gratia bono multò plus tribuere Chriſti liberatoris merito, quàm eidem tribuant communes Seſtarum magiſtri. Confirmatur rurſum, eoſdem illos errorum magiſtros multò plus roboris admetiri Adamo infundenti venenum, quàm Chriſto adhibenti antidotum.

SEXTI.

Citra fidei errorẽ ſatisfactionis Chriſti modum in quaſtionẽ vocari poſſe.

SEPTIMI.

Purum hominem humane ſalutis cauſa id præſtare nõ potuiſſe, quod eiufdem gratia præſtitit Chriſtus. Potuiſſe id tamen, & quiddam eo etiam amplius, ſi ponatur non ad exactam iuſtitiaę rationem, ſed tantum ſecundum legiſ præſcriptum, vel Patris acceptationem feciſſe ſatis.

OCTAVI.

Chriſtum Redemptorem noſtrum integrè pro omnibus mortaliũ omnium peccatis feciſſe ſatis, ex integra ſatisfactionis conditionibus, alijsque Scholæ rationibus, & argumentis in eundem ſcopum collimantibus demonſtratur.

NONI.

Eadem illa copioſa Chriſti Seruatoris redemptio, meritorumque eiufdem magnitudo graui quorundam Patrum authoritate denuo ſtatuitur, & confirmatur.

DECIMI.

Chriſtum Deum ac Dominũ noſtrum cumulatè id totũ, quod debebatur, exoluiſſe; ſacras quoque Scripturas non prorsus obſcurè teſtatũ facere.

VNDECIMI.

Quæ contra confert am illam cumulatamque Chriſti Domini ſatisfactionem ab Antagoniſtis adferuntur, ea, quæ enixe illi obtinere contendunt, valide non obtinere.

INDEX SEQVENTIS

OPERIS THEODORI PELTANI,

DE ORIGINIS PECCATO, CHRISTI

SATISFACTIONE ET MAIESTATE,

COPIOSVS.

A

Abrahæ facta promissio quiduis potius vult, quàm id, quod interpretantur Sectarij. fol. 185
ex Abrahæ carnali semine orti, multi pereunt, & multi hinc non orti saluantur 185.

Accidens subiecto proportionatum sit, oportet 145.

Accidens vnum ad numerum nō informat diuersa subiecta 317.

Accidentia quæ totam naturam consequuntur, ea semper vnà cum ipsa natura transfunduntur 78.

Actiones Christi quatenus finitæ & infinitæ 389.

Actionum suarum dominus est is, qui consultat 268.

Actionum humanarum omnium Deus non potest esse proximū principium 277. non est etiam causa illarum absoluta necessitas. ibid. neque natura, casus, aut fortuna earundem est causa 277.

Actionum perfectionumve Christi vis vnde spectanda 363.

Actualis noxa autorem suum non excedit 139.

per Actus quod acquiritur, per actus rursus deperdi potest 238.

Actus cuiusq; mali prauitas ex quo consideranda 359.

Adam dum legem præuaricatur, v. trānque mortem incurrisse 13.

ante peccatum erat mortalis & immortalis 15. ea solū vel potissimū sciebat, quæ in felicem illum statum cōueniebant 19. ornatus gratia primam lucē hausit 23. per solam orig. iustitiam non poterat omnia, at tamen plura & maiora, quā nos modō 25. ante lapsū procreāset ex se prolem viribus infirmam, ac sapientia rudem 28. ante peccatū nullarum virtutum, quæ vitium nullū ponunt, expers erat 36. eadem lege tenebatur orig. iustitiam retinere, & à lethifera esca abstinere 67. vitioso illo actu fuit peccans & peccator, nos tantū peccatores 70. transgressionis actu formaliter peccans, non etiam peccator erat, erat autem causaliter 86. ante & post peccatum mansit idem specie & numero 92. effectiue & dispositiue transfundit orig. peccatū, & suo modo meritoriē 125. equē verē huius vel illius animæ parens est, ac homo generat hominem 127. ad iustitiæ libellā pro omnibus non potuit satisfacere 138. fugit vt hostem, quem complēti debuit vt patrē 167. post peccatum sensit se nudum & exarmatum 168. deserēs Dominum, ad serui sui seruitiū redactus est. ibid. miseriarum author 293. primum

DE ORIGINIS PECCATO, &c. INDEX.

- mum hostis impetum non susti-
 nuit 301. insignium calamitatum
 author 303. vt nulli obest, nisi ex
 illo nascatur : ita Christus nul-
 li prodest, nisi ex illo renasca-
 tur 304.
 Adā vt Aaron & Salomon lapsus 166.
 peccauit & excusauit, & hoc gra-
 uius errauit. ibid.
 Adam & Eua non erant cæci, neque
 nuditatis suæ ignari 168. cum ani-
 mos non possent, corpora tegere
 conati sunt 169.
 Adamus ne plus potuerit, an Chri-
 stus, ex triplici capite colligi po-
 test 298.
 Adamus seruus Domini sui imperiū
 violat: Christus hæres & Domi-
 nus homini seruo ministrat 302.
 Adę posteritas non tota simul ad su-
 peros fuisset translata 14.
 in Adę filiis omnibus magna com-
 peritur *εἰς τὰς ἀνθρώπων* 42.
 Adæ & nostra macula diuersæ sunt
 rationis 69.
 Adæ personalis macula in illius po-
 steritatem per generationē in nos
 transmittitur 106.
 Adæ vnum duntaxat, illudq̃ leuissi-
 mum, præceptum datum 167.
 Adæ præuaricatione in dirā iniusti-
 tiam & Sathanæ seruitutem con-
 iecti omnes 176.
 Adæ peccatum non patitur gehē-
 nam 197.
 Adami in nominibus animalium im-
 ponendis peritia, & in eadem im-
 perium 18. in obseruādo Decalo-
 go facilitas 24.
 Adami cognitio erat quodā modo
 media inter visionem & ænigma-
 ticam noticiam 36. & cōditio quō
 extitit felicior, eō lapsus illius
 census est grauior 37.
 Adami scelus ab vniuersa illius po-
 steritate exigitur 37. non excessit
 omne scelus, quod in hominē ca-
 dit 93.
 Adami præuaricatio nō est nostrum
 orig. peccatum formaliter 81.
 Adami & Christi dissimiles conatus,
 dissimilesq̃ eorundē fructus 302.
 in Adami vno peccato multæ extite-
 runt peccatorum formæ 53.
 ex Adami præuaricatione quadru-
 plex malorū genus in nos exun-
 dauit 303.
 Adamo in ortu suo amplifs. rerū na-
 turalium scientia obtigit 17. ob-
 tigit illustre donum, quod vnā
 cum natura in posteritatem suam
 trāsmittendus erat 76. omnia gra-
 tuita quæ obtingerāt, vno orig. iu-
 stitiæ nomine designantur 21.
 Adamo collatum est quo perseuera-
 re posset, si vellet, nō ipsum quo-
 que perseuerantiæ donū 25. quæ-
 cunq̃ collata fuerāt, ea omnia vnā
 cū natura trāsiissent in illius
 posteritatem 27. quæ obuenerant
 tanquam priuatæ personæ, eaper
 generationē in illius posteritatem
 transmissa non fuissent. ibid. re-
 stituta est gratia vt priuatæ per-
 sonæ 134.
 in Adamo posteris condemnationis
 forma constituta est 52.
 in Adamo extitit viciosa actio & ma-
 cula simul, in nobis autem tan-
 tū macula existit 69.
 in Adamo, & cum Adamo malē se-
 minare, quid sit 76.
 in Adamo & cum Adamo vniuers-
 sum genus peccāsse 105.

IN OPVS SEQ THEODORI PELTANI.

ex Adamo si nullā culpā, nullā quo-
que ex illo pœnā traheremus 62.
ex Adamo qui oriuntur, onus suum
portant, non alienum 75.
ab Adamo contagionis cum Christi
regeneratione comparatio 305.
Adamū omniū artū fuisse peritum
18. deuicta prima tētatione nō fu-
turū fuisse inexpugnabilem 143.
Adamū perfectiōne aut stabilitate
non excessissent, qui ex illo nasci-
turi erant 143.
Adamum cum sua sobole, dū anima-
lem vitā ducerēt, in peccatū pro-
labi potuisse, probabile est 144.
Adamū non hostiū ming, sed vxoris
blāditie in peccatū deiecerūt 302.
per Adamū nullū malum allatum,
contra quod Christus non admi-
nistrārit antidotum 304.
Adultæ etatis pericula, clades, mise-
rix, & cruces infinitæ 38.
Aduersarij, vide Hæretici, & Sæctarij.
Amanda & auerfanda omnia quate-
nus sint 229.
Ambrosius quo sensu cōcupiscenti-
am appellet iniquitatem 222.
Amor priuatus ingentium vitio-
rum origo 39.
Angelus per angelū impediri nō po-
test, ne velit: homo aut potest 250.
Angelus multis modis impediri po-
test, ne velit, & ne hoc velit 250.
mortalium genus restituere ne-
quiuit 294.
Angelo soli & homini in ortu suo
gratia obigit 1.
Angelis scientia infusa iure debetur,
homini nequaquam 19.
Anima aliūde id mutuatur, quo cor-
pus integrū conseruatur 45. vi se-
minis nō effectiue, sed dispositiue

producitur 77. fuit naturā prius,
quā ornata fuit 95. corpus infi-
cere nō potest, vt maximè velit 97
secundū verā philosophiā nō edu-
citur de potentia materiæ 115. est
substātia per se subsistēs, morte &
materia vacans. ibid. non sortitur
peculiare semen 116. hoc ipso qua-
dantenus Adē efficitur filia, quod
corpus ab illo, ppagatū informat
125. ex quo labē cōtrahat 126. vni-
tur corpori, vt forma, non vt mo-
tor tantū 149. citra mediū vnitur
corpori vt forma. ibid. ad suas po-
tētias se habet, vt causa ad effectū
149. est primū virtutū & vitiorum
omniū subiectū 150. & peccati sub-
iectū, reliquorumq; primū. ibid.
cur personalis noxæ proximum
subiectum esse non queat 151.
Anima, qua sumus, viuimus, & in-
telligimus, mortis exors est 44.
Anima humana secundū se nō pen-
det ex corporis qualitatibus 116.
vel primū vel proximum pecca-
ti & gratiæ subiectū est 146.
Anima filij nō est ex anima patris 115.
Anima humana, nec vlla omnino ce-
lestis gratia educitur ē potentia
materiæ 21.
Animæ operationē organorum vi-
tium impedit 113.
Animæ brutorum totæ dependent à
materia 117.
Animæ cuiusmodi efficiantur cor-
poris communionē 126.
Animam orig. peccato infici, quid
sit 126.
Anselmus innuit, Adamum post pri-
mam de hoste victoriam cum to-
ta posteritate gratiæ stabilitate
potiturum fuisse 142.

Aposto-

DE ORIGINIS PECCATO, &c. INDEX.

Apostolus orig. peccatum cum suis appendicibus mortis nomine familiariter exprimit 158. nusquam docet, concupiscentiam legi Dei, aut legi à Deo carni inditæ, repugnare 226.

Apostoli illud, In quo omnes &c. ad personam, & ad noxam referri potest 69.

Astrorum magnæ vires in his locis sublunariis 175.

Aucupium & venatio iure naturali nulli non permessa 9.

Augustinus ambigit, cuiusmodi instantium in paradiso fuerit status 33. pluribus voluminibus ostendit, quæ in hac vita gemimus 45. pro vera earum crucum, quas patiuntur infantes, causâ, nunquam allegauit orig. iustitiæ debitum 86. orig. peccatum concupiscentiæ nomine passim designat 68. duplici exemplo probat fideles infideles gignere 135. anceps de personalium peccatorum transmigratione 140. illius sententiæ fauet Neotericus quidam scriptor 141. impugnat Vincentium Viêt. 180. disputationis calore actus, modum nonnihil excessit 193. de paruulorum pœna passim ancipitem se declarat 194. statuit medium inter peccatum & rectè factum 197. negat in renatis concupiscentiam esse peccatum 216. quid nomine peccati accipiat, cū secundum se concupiscentiam asserit peccatum 220.

Augustini sententia de paruulorum pœna non maioris fieri debet, quàm ratio vel authoritas, qua nititur 194.

B

Baptismus omnia peccata auferit, non ea modò radit 105. si orig. peccatum solummodo radat, quid absurdi inde sequatur 211. nulli adimit peccandi facultatem 305. reatum mortiferæ noxæ tollit, simul quoque debitum mortis æternæ 306. nō tollit concupiscentiam, vt vis animæ, animæ ve propensio est, sed vt peccatum vel pœna peccati est 308. nō tollit huius vitæ miseras 309. Sectariorum opinione peccatum non tollit, sed tantum radit vel regit 310.

per Baptismum spiritualis illa innotatio non omnem penitus excludit vetustatem 227.

Baptizatus caret omni peccato, non omni malo 205.

Beari posse, & re ipsa beatum esse, differunt 190.

Beatitudine perfecta quomodo oēs potiri possint 132.

Beneficia in Christo gratiarum actione non crescunt: in nobis necessariò crescunt 376.

Beneficia plurima in humanam naturam collata, in filium Dei nulla omnino 383.

Beneficio nouo nos obstringit ipsa gratiarum actio 373.

Bonū quod agimus, quomodo nostrum dicatur 273.

Bona quæ non sunt, diuina censurâ non approbantur 42.

Bona aut mala nullus agere cogitur 267.

Bono communi priuatum incommodum præiudicare non debet 128.

in

in Bonis haberi non potest, quod
omni ordine, lege, & ratione ca-
ret 42.

Bonitas naturæ accessoria bonitate
prior est 129.

Brentianorum infernalis de Christo
doctrina 385.

Brentianus filius Dei ipsissimas infe-
rorum penas sustinuit 385.

Bruta ad vnum certum naturaliter
determinata sunt 245. naturæ in-
stinctu aguntur. ibid.

Brutis animantibus nihil commune
est cum libero arbitrio 245.

Buceri blasphemata planeq; Sathanica
vox 121. plaustrum blasphemia-
rum 118.

Buceri blasphemias pie aures vix fe-
runt 119.

Buceri de infantibus ante rationis
vsuram extinctis iudicium 182.

Buceri sententia de concupiscencia 312.

Bullingeri de infantibus non renatis
doctrina 182.

C

CAino libertas in rebus spiritali-
bus relicta 261.

Caluinus Sycophantam agit in Pa-
tres 263.

Caluini de pueris non baptizatis sen-
tentia 182. & de Patrum consen-
su 263.

Caluiniani & Zuuingliani pollicen-
tur regnum cœlorum non bapti-
zatis 181.

Caluiniani & Lutherani pugnant cū
ratione & Scriptura, Ecclesiæ cō-
sensu & sensu 183.

Caluino nomen *euangelis* exosum 236.

Caluinistarū impium dogma de in-
fantium sanctificatione 51.

Caro est, quod ex carne nascitur, sed

non sola 90.

Caro hominis, per hominis animā,
est hominis caro 112.

Caro non est propria orig. peccati se-
des 145.

Caro ea, quæ olim ad Dei regnum su-
metur, omni praua concupiscen-
tia & infirmitate erit libera 217.

Caro non peccat, dum mentem ad
malum prouocans, eius desiderio
obnititur 226.

Caro, vt nos ad malū prouocet, vn-
de habeat 230.

Carnis sensus in hoc vitæ statu cōtra
spiritum sæpe obtinet 11.

Carnis libidinem malam esse, Apo-
stoli pronunciant 49.

Carnis resurrectio duplex ex Illyri-
ci principijs conclusa, & duplex
mors 100.

Carnis libido occupat totum homi-
nem 152.

Carnis quæ sunt propria, cur in Scri-
pturis sæpe attribuatur Deo 493.

in Carne neque effectiue, neque re-
ceptiue infectio existit 114.

in Carne qui futurus erat spiritualis,
mente propter peccatum factus
est carnalis 167.

Carnalis sensus vis magna, & vnde
hæc proueniat 11.

Catholici vnū cœlum, & vnum in-
fernum agnoscunt, tamen hunc
in alterum, & alterum secernant
197. plus tribuunt meritis & gra-
tiæ Christi, quàm noui Elymazie
211. longè honorificetius de Chri-
sti merito & satisfactione sentiūt,
quàm hæretici 314. plus tribuunt
Christi merito & satisfactioni, q̃
Sectis dediti 321. aliud sentiunt &
statuunt de nostra iustificatione,
aliud

DE ORIGINIS PECCATO, &c. INDEX

aliud hæretici. ibid.

Causa supernaturalis peccatū euer-
tit, non progignit 120.

Charitas Christi maxima, cū quo
ad affectum, tum quo ad effe-
ctum 338.

Charitas in meritis & cōtemptus in
peccatis quid operentur 338.

Christus vt communis omnium li-
berator, ita quoq; nullus ex omni-
bus peccati expers nascitur 56. so-
lus homo *ἐνομήτης* inter homi-
nes 296. ex instituto procurauit
nostram salutē 299. salutis nostræ
causā nullam molestiam, & cru-
cem recusauit 300. pro inimicis
crucis supplicium subiit. ibid. iu-
stitiæ & sanctitatis nostræ causa
meritoria 317. non suæ, sed nostræ
iustitiæ causa in hunc mundum
ingressus est 318. nullam sanctita-
tem aut internam animæ perfe-
ctionem sibi meruit, sed neque
vllam mereri potuit. ibid. eam iu-
sticiam, quæ nobis imputari falsò
asseritur, non promeruit 319. si iu-
stè non satisfecit, nihil præstitit,
quod purus homo præstare non
potuit 332. satisfaciens erat iustus,
ac Deo præ omnibus gratus 335.
totalis satisfactionis causa. ibid.
quidquid persoluebat, id totum
tanquam indebitum persolue-
bat 336. si voluisset, æternum vi-
uere poterat 340. dignissimus,
qui exaudiretur, quicquid tan-
dem peteret. ibid. nihil peti po-
tuit honestius, nihil concedi iusti-
us eo, quod efflagitabat 341. in
cruce plenissimè satisfecit 347.
frustra pro omnibus redemptionem
se dedit, si nullum iustè rede-

mit 352. propter geminam natu-
ram duarum personarū vicè ve-
rè gerebat, duarumq; munia verè
obibat 389. simul debitor & credi-
tor, simul soluens & solutionem
exigens 390. & gratiā, & ea omnia,
quibus præparamur ad gratiam,
nobis promeritus est 392.

Christus mortis & obseruationis le-
gis mandatum acceperat 377. nul-
la iustitiæ lege tenebatur, sed solū
charitatis & obedienciæ 378. serio
ardenterq; salutis nostræ causa o-
rauit 380. non orabat, quòd meri-
torum suorum pòderi disideret;
sed quòd de negligētia & indigni-
tate nostra sollicitus esset. ibid. ne-
que orabat, neq; orare poterat pa-
trem, quòd ea acceptaret, quæ salu-
tis nostræ causa operabatur, vel
patiebatur 381. non eodem modo
preces fundebat pro præfictis,
quo pro electis. ibid. in cruce nec
desperauit, neque desperare po-
tuit 388.

Christus secundum naturam assum-
ptam Patre minor 357.

Christus cur tam multa humani ge-
neris causa voluerit pati, graues
causæ 371.

Christus quæ facit vel fecit vt Deus,
facit vnà cum Patre & Spiritu S.
357.

Christus in cœlo circūscriptiue 437
& in Eucharistia incircunferi-
ptiue 439.

Christus Iesus solus perfectè sanare
& liberare nos potuit 294.

Christi aduentus nihil præsidij ætu-
lit damnatis 177.

Christi œconomia omniū virtutum
seminariū in se complectitur 296.

- Christi obedientia percelebris in Scripturis 300. & maior illustratio quàm Adam inobediẽtia 301
- Christi oblatio in cruce fuit infiniti ponderis, in ratione satisfactio- nis & gratiarum actionis 375.
- Christi meritũ in infinitũ excedit aliorum omnium meritum 297.
- Christi in nos dilectio summa secũdũ efficiẽtiã opusq̃ externũ 339.
- Christi cruciatus nõ fuerit infiniti, neq̃ extensiuẽ, neq̃ intensiuẽ 354.
- Christi incarnatione posita, quid necessariõ sequatur 330.
- Christi singulæ actiones in ratione meriti infinitæ 336.
- Christi sanguis vniuersam creaturam multis partibus excelebat 342. cum omnibus debitis comparari potest 343. vna gutta ad totius humani generis redemptionem sat erat 344. cur infinitæ virtutis fuerit 344. nullæ sordes, nulla scelera tanta, quas vel quæ integrè expiare & abolere non quie- rit 352. quibus & quomodo profuerit 372.
- Christi sanguis si non plenè peccatis satisfecisse ponatur, quid inde sequatur absurdi 351.
- Christi Satisfactio, vide Satisfactio, & Meritum.
- Christo id totum est largiendum, quod salua fide eidem largiri potest 327.
- per Christum cumulatissimè solutum est, quicquid Deo à nobis debebatur 347.
- per Christum quantum nobis collatum, in hac mortali vita nondum apparet 324.
- inter Christum & Moysen ceteros- que Sanctos latum discrimen 297.
- Cœlorum exercitui diuini honores decreti 175.
- Colebatur antiquitus totum illud, quod amabatur, vel formidabatur 175. 176.
- Concupiscentia quĩ orig. peccati materiale dici potest 109. secundũ se nõ est peccatum, nec peccati portio 137. 138. post reconcili- ationem etiamnum ispirat 171. cur peccatum dicatur 208. quæ ratio- ne obnitatur Deo & rationi 225. quatenus sit, & non sit peccatum 227. in condemnationem & mor- tis laqueum relinquitur, si Secta- rij vera prædicant 313. quid opere- tur in homine 230.
- de Concupiscentia post baptismum Aduersarij præposterè, Christi sanguine indignè sentiunt 312.
- Concupiscentiæ immoderati impe- tus est ex mundo, & mundi hui- us principe 49.
- Concupiscẽtiæ motus nõ sunt orig. peccatum 84.
- Concupiscentiæ, si illis non consen- tiamus, non sunt peccata 213.
- Concupiscentiæ expertis vitæ faci- litas 208.
- Concupiscentiæ nomine veteres o- rig. peccatum designant 108. & quĩ hoc nomine designetur, triplex ratio. ibid.
- Concupiscentiæ vis quanta sit 172. & motus præposterĩ cur pœna pec- cati appellẽtur 202. & in cœcinni motus vt homini cõpetant. ibid.
- Concupiscentiæ malũ, ceteraque, quæ id comitatur, in renatis mala cur Deus reliquerit 233.
- Concupiscentiam peccatum esse, in- sulsũ

DE ORIGINIS PECCATO, &c. INDEX.

sullè ex eo colligitur, quòd Deus illam odio habeat 229.

Concupiscentiam in renatis nõ fuisse peccatum, quanuis in Adamo fuerit libera eius pronitas 208.

Confessionistarum sententia de peccato originali 91.

Coniugalis actus neutrã virginis partem integram relinquit 30.

Cõtinere perpetuò in paradiso non licuisset 30.

Contritio ex debita inferorum pœna expungit æternitatem 362.

Corpus æmulatur statum animæ 16.

Corpus elementare ex se non habet, vt dissolui nequeat 45.

Corpus mortuum est propter peccatum, non propter terrenã fragilitatem 50.

Corpus vnum mysticum, in quo vnum existit caput, mēbra autem diuersa 75.

Corpus Christi non vi seminis, sed virtute Spiritus sancti fuit effectum 77. tantum pro membris Christi offerri debet 181.

Corpus Christi pro omnibus mortis traditum ad plenam satisfactionem fat erat 342.

Corpus hominis secundum se sumptum, nec peccat, neque peccati capax existit 96.

Corpus non est capax spiritalis co-
inquinatationis 112.

Corpus humanum hoc ipso immundum dicitur, quòd ab Adamo propagatur 131.

Corporis vita, anima, animæ Deus 160.

Corporis nuditas post peccatum omnibus ratione vtentibus ruborem adfert 169.

ad Corporis commoda omnia consilia sua transfert mortalium sollicitudo 171.

Corruptio substantialis non contingit ex partium inter se vnione 97.

Corruptum totum nullius virtutis aut vitij subiectum esse potest 92.

Creditor non obligatur diuersum specie in solutum accipere 385.

Cruciatum laborumq; Christi plures exitere causæ 296.

in Cruciatibus diris perpetuò viuere, est quoddam perpetuum mori 355.

Culpa & pœna solum à primo statu semoueri debent 32.

Cynicorum impudentia insignis. 169.

D

DAEMON in infantes nonnunquam seuit 41.62.

Dæmones & damnati quicquid de liberare volunt, id semper ad malum finem referunt 248.

Dæmones humanæ saluti infesti 294.

Damnati omnes vbicunque tandem locorum degant, vnus reipub. ciues censentur 196.

Damnati crebro ducuntur vera boni specie 248.

Dauidis vnus vita septuaginta capitum millibus redempta 364.

Debitum legis, obedientiæ, vel charitatis, iustitiæ debito nihil oneris adiungit 378.

Debita nostra minora erant, quàm beneficia in Christi humanitatem collata 373.

Deus corporis expert 3. solus clarè cognitus humane mētis amplitu-

dinem & sitim explet 8. nihil cre-
 auit in homine rubore dignum
 48. nihil homini in seuit, quod
 impetu quodam illū abripiat ad
 quodcunque peccatum 49. nō ir-
 rogat pœnas in fontibus 50. nulli-
 us peccati author est 82. solus
 contingit animam cū corpore 97.
 quicquid odit, solius peccati cau-
 sa odit 99. substātiæ & accidētis, to-
 tius & partis est conditor 102. non
 est formalis, finalis, vel effectrix
 peccati causa 119. nō est supernatu-
 ralis orig. vel alterius cuiuscunq;
 peccati causa 120. non est moralis
 peccati causa. ibid. odit & punit
 peccatum 121. nullum bonū crea-
 tum incensū amat, quān odit
 peccatū. ibid. operatur secundū
 modum & meritum causarum se-
 cundarum 126. cum omnibus cau-
 sis naturalibus quodā influxu con-
 currit 128. voluit, vt homo conti-
 nua sobolis propagatione ad se-
 culi finem vsque se porrigeret
 130. omnia condidit, quō aliquam
 bonitatis illius partem hauriant
 131. nullum admittit malum, ex
 quo non eliciat aliquod bonum
 132. æquē pronus ad parcendum
 ac ad plectendum, id tamen sal-
 ua iustitiæ suæ lege 139. in istorum
 peccata in hac vita dæmonum o-
 pera interdum plectit 178. non
 sui, sed aliorum ratione liber est
 246. quod semel vult, semper
 vult, & contrā. ibid. eligit citra de-
 liberationem & consiliū 246. ad
 malum inflecti non potest: cæte-
 ra omnia ex se possunt. ibid. nihil
 necessariū eligit propter alterum
 247. à nullo dependet: cætera

omnia ab ipso, & à se inuicem
 249. liberrimus ab omni coactio-
 ne & necessitate 250. alia ratione,
 quā per filium suum, huma-
 num genus instaurare potuit 294.
 citra vllam satisfactionem ad re-
 gnum admittere nos potuit 295.
 incensū diligebat Christū, quān
 odio habebat Adamum 299. nisi
 homo fieret, humana natura in-
 nocentiā cōsequi non poterat 330.
 nisi ad humana descenderet, nulla
 forma sapientiæ hominē à capti-
 uitate diaboli liberaret 331. poten-
 tia absoluta maiorem gratiā con-
 ferre potuit homini vel angelo,
 quā contulit Christo 333. potu-
 it communis hominis opus in
 omnium hominum & dæmonum
 salutem admittere. ibid. nō ita se-
 uerus est in plectendis peccatis,
 sicut liberalis est in remunerandis
 actibus studiosis 338.

Deus est, quod omnia gubernat & conseruat 4.

Deus doloris sensum, si quis esset, in pueris susteret 189.

Deus nullum vnquam ita exosum habuit, aut habebit, vt Christum dilexit & diligit 366.

Deus ad extra nihil acceptat, aut amat necessariū, sed omnia liberē 385.

Dei solius est instantaneē totum ali- quod absoluere 92.

Dei singulare beneficium in nos 293.

Dei beneficia ipsa gratiarum actio- ne crescunt 372.

Dei quæ sunt propria, cur in Scri- pturis sæpe ascribantur homini 403.

ei misericordia alienum est, eum regno excludere, qui culpa caret 192.

si velle liberū quid operetur 387.
si filius nisi pro nobis moreretur, non poteramus saluari 331. honorem per peccatū Deo ademptum restituens, sustulit poenæ debitum 362. quomodo humana pateretur & operaretur 368. nihil debebat, neque ratione sui, neque ratione naturæ assumptæ 375. nobis datus non solū vt redemptor, verum etiam vt morum doctor 382.

Deus Opt. Max. potentia & felicitas 365.

in Deo quo sensu multa existere dicantur 5.

in Deo quicquid est, Deus est 4. & cū substantia illius vnū est 4.

Deum esse natura clamat, & ratio demonstrat 3. & spectabilis hæc mundi machina declarat 4. per se sub fidem non cadit 5.

Deum esse, & iustum esse, naturaliter cognosci potest 6.

Deū qui non habet patrem, nō potest habitare in Dei patris domo 180.

in Deum non cadit mutatio 3.

Deorum loco veteres corporeas res habuerunt 175.

Diabolus mundi huius princeps 173. idem ius habet in damnatos ante & post Christi aduentum. ibid. sceleratos homines facili negotio, quod vult, impellit 174. iustorum salutem quæ nunc insidiatur, ac antè. ibid. rudi adhuc mundo homines ad gastrimargiæ vitium induxit 174. post inductam gastrimargiam adduxit nefarias carnis libidines 174. 175. iustitia victus, non

potentia 331.

Diaboli regnum non penitus adhuc euersum 173. amplius ante Christi exortū 174. sensim creuit, crescentibus animi morbis. ibid.

Diaboli latissimū regnum ante Christum natum 176.

Diaboli & ministrorum eius cōsuetudo 322.

Diabolo nihil in eos licuit, qui in inferorum limbo detinebantur 178.

Diabolum qui cuiuscūque substantiæ conditorem statuunt, aperte insaniunt 99.

Diabolum nullam in eos vim exercere, qui detinentur in Purgatorio, probabile est 178.

Dilectio in humanis ponit electionem 240.

Domini sui improbus contemptor, nisi resipiscat, à poenæ debito absolui non debet 361.

Dynastiæ mundi naminum loco habitati 175.

E

Ecclesia qua ratione oret, vt Sacramenta præstet, quod significant 382.

Ecclesiæ thesaurus ex redundantibus Christi meritis constat 344.

Effectus & finis in naturalibus & in moralibus sæpe in vnum incidunt 156.

Efficiens primum à nullo effectum est 4.

Electio est actus rationis & voluntatis 240. est actio appetitus 241. est eorum solū, quæ sunt ad finem 252.

Electionis quæ sit materia 253.

Erasmiani, neque verè philosophi, neq; verè quoq; Christiani 42.

Esse alterū in altero dupliciter contingit 147.

Eua cupiditate accensa nutat 157.

Exemplum, quod ex plebeiorū conditione petitur, nō est per omnia commodum 190.

- F

Fatum non infringit liberum arbitrium 264. in liberum arbitrium nihil potest 265. humanis actionibus causam non dat 277.

Felicitatis primæ delinatio 20.

Fides Catholica ponit, Deum esse 5.

Fides scientiæ habitum nō infirmat, sed confirmat 5.

Fides Sectariorum sententia vncus tātū, vel manus, qua Christi iustitia apprehenditur 316.

Fides, spes, charitas, cæteræq; virtutes à vera iustitia nō auelluntur 317.

Fidei Catholicæ regula diligēter notanda 406.

Fidei formalis ratio diuina vox 5.

Fidem voce duntaxat confiteri non satis est, nisi & eam rectē interpretaris 425.

sub Fidem non cadit modus satisfactionis Christi 327.

Fide certa tenendum est, Christum pro totius mundi peccatis satisfecisse 327.

ex Fidelibus orti cur ante baptismū appellentur sancti 184.

Filius solus carnem assumpsit 57.

Filij Dei per solum Christum efficiuntur, quicumque istuc efficiuntur 185.

Finis quænam res esse nō possint 253.

Placiani, vide Illyricani

Fœditas omnis, aut spiritalis, aut corporalis est 112.

Fomitē peccati in renatis manere,

quomodo intelligatur, & quid inde sequatur 228.

Fonte sacro tingendi, quos certē tinctos esse non constat 57.

Forma rei naturalis, & propensio, quæ eam naturaliter consequitur, nō est vna & vna, sed vna simpliciter 46.

Forma materiam, non contrā materia perficit formam 113.

à Forma manat esse, hinc operatio, & operationis modus 159.

Formaliter expetitur, quod in se primū & proximē expetitur 65.

G

Generatio non cōtingit citra corruptionem 124.

Generationis humanæ conditio 135.

Generationem qui in paradiso futuram fuisse pertinaciter negant, in errorem propendunt 31.

Generatione specifica tantū accidentia transferuntur 140.

Genitale semen cur immūdum prædicetur 55.

Gratia naturam perficit, non euertit 5. cur Adamo eiusdemq; posteris donetur 134.

Gratia nulla creditoris indiget, qui totū integrē, quod debebat, exoluit 380.

Gratia vnionis cui fuerit communicata, & quatenus satisfecerit 376.

Gratia & charitas vt in ratione meriti, ita animæ & voluntatis constitutio pro iisdem nō infrequenter habentur 151.

Gratia & orig. iustitia se inuicem excedūt, & à se inuicem vicissim exceduntur 27.

Gratia sanctificans qui ad orig. iustitiam

DE ORIGINIS PECCATO, &c. INDEX.

sticiam se habuerit, non satis exploratum 22.

Gratia Christi graues ob causas corporis mortem non tollit 309. non fuit infinita 356. non minùs est propagabilis, quàm peccatum originis 367. in ratione qualitatis finita, in ratione gratiæ infinita 385.

Gratia Christo naturalis & propria, nō aduentitia 335. Christo duplici de causa naturalis. ibid. vt fuerit Christo naturalis 384.

absque Gratia nulla vera sanctimonia aut iustitia 24.

de Gratiæ Christi efficacia opinio quorundam 384.

citra Gratiā nō patet aditus ad cœleste regnum 179.

H

Habitibus vbiq; sibi similis 238.

Habitibus habitibus non inhærent 238.

Habitibus infusi nec ex æquo, nec semper, nec omnibus insunt 238.

Habitibus acquisiti ad vnum inclinant 238.

Habitu nullo opus fuit, qui hominem ad mala, & sensuum oblectamenta pronum redderet 82.

Hæretici omnes, & hæreticissantes Scripturarum scientiam sibi arrogant 48.

Hæreticorum malitia in deprauandis scripturis 51.

Hæreticorum sophisticæ cauillationes, quibus conantur docere concupiscentiam esse peccatum 224.

de Hæreticorum obstinatorum damnatione an, & quatenus sit disputandum 326.

Hæreticorum iustitia, vide Sectar.

Homo dominum, quod in pecudes habebat, per peccatum non amisit 9. naturæ viribus naturale & morale bonum cognoscere potest. ibid. naturæ mysteria scrutari per se potest, sed non sine sudore 9. est animal politicum 10. præfixum sibi finem non assequitur. ibid. multa vult, quæ non potest 26. cum magna veritatis ignorantia, & vanitatis abundantia venit in hunc mundum 39 si suapte natura fuit mortalis, frustra Deus mortem est illi comminatus 63. dicitur peccator & peccans, non eodem 70. quidquid molitur, peccatum est falsa Sectariorum opinione 89. non eo prorsus modo generat hominem, quo leo leonem 116. rectè generare dicitur hominem, propter corporis & animæ vnionem 117. malus est ex ipsius libera voluntate 268. ad quodcunque libuerit, voluntariè it 269. non solùm liber est in operibus externis, sed & internis 270. per peccatum peccati & libidinis mancipium effectus 171. suæ libertati est relictus 272. cur dicatur peccare & non peccare posse. ibid. est suarum actionum causa per liberum arbitrium 278. vt in integrum restitueretur, Deum hominem fieri oportuisse 329. quicquid per peccatum Deo abstulerat, hoc totū per Christū illi restituit 385.

Homo primus ante admissum peccatum impatibilis perinde ac immortalis 17. fide infusa, alijsq; cœlestibus virtutibus ac donis egregiè fuit instructus 19. poterat, quæcunque volebat 26.

Homo

IN OPVS SEQ. THEODORI PELTANI

- Homo primus poterat, quæcunque volebat 26.
- Homo compositi tantum, cæteragen-
nerantia & compositi & formæ
causæ existunt 117.
- Homo hominem redimere non po-
tuit 294. 330.
- Homo per Christum multo plus exol-
uit, quam debebat 383.
- Hominis causa omnia visibilia con-
dita sunt, & homine inferiora
sunt 8.
- Hominis inferiorem partem oblu-
ctari superiori, superiorem au-
tem seruire inferiori, iniquum
est 45.
- Hominis inferioris partis impetus
contra rationis imperium, non est
illi à naturæ auctore insitus, sed
aliunde ascitus 45. 46.
- Hominis ortus & vita, brutorum ex-
ortu & vita multis partibus cala-
mitosior 38.
- Hominis caro, per hominis animam,
est hominis caro 112.
- Hominis triplex vita, anima, gratia,
gloria 160.
- Hominis vnus finis absolutè vlti-
mus 192.
- Hominis primi præstans forma, in-
gentesq. corporis illius dotes 13.
- Hominis primi impatibilitas exter-
nis præsidij maiorem in partem
nitebatur 17.
- Hominis primæui succincta descri-
ptio 20.
- Hominis primi vis oriebatur ex ple-
na eiusdem sanitate, hæc autem ex
orig. iust. & peculiari Dei prou-
identia 26.
- Hominis primi lapsus, diaboli lapsu
non fuit grauior, sed leuior 93.
- Hominis primi noxa quæ concide-
rant, per Christum in meliorem
statum euecta sunt 324.
- Hominis nulla fit reconciliatio cum
Deo, nisi ablato peccato 224.
- Hominis primi cur prægatiuæ orig-
iustitiæ appellatione designetur,
causæ diuersæ 21.
- quæ Hominis partes peccati subie-
ctum esse possint 146.
- Homini non ea facultas adest ad vo-
landum, quæ pueris non renatis ad
cæleste regnum 190.
- Hominem Deus condidit, non qua-
lem potuit, sed qualem, ut con-
deret, decuit 12.
- Hominem in ipso vitæ limine ingens
malorum ac miseriarum vis mox
excipit 38.
- Hominem si secundum formam spe-
ctes, mors naturæ illius est dissen-
tanea 45.
- Hominem metaphorica corruptio-
ne corruptum dici quid sit Secta-
riorum interpretatione 94.
- in Homine nulla pars, quæ per pec-
catum vulnus aliquod non acce-
perit 170.
- Hominē q. tantum cõtaminent' 209.
- Hominem ex Christi merito & gra-
tia perfectè iustificari 210.
- Hominem liberi arbitrij Deus con-
stituit 270. & liberum Deus fecit,
nec eum vi cogit 271.
- in Hominem magis conuenit secun-
dum rationem viuere, quam se-
cundum sensum 10.
- in Hominem triplex cadit vita, tri-
plex esse, & triplex vitæ operatio
159. item triplex mors 160.
- Homines soli cur inter omnia ani-
mantia iudicio agant 279.

Homi-

DE ORIGINIS PECCATO &c. INDEX.

Hominum filij cur sæpe impingant,
& in multis multū cæcuriant 171.

Hominum maior pars contra ratio-
nem sensū ducitur 44.

Humana mens, seclusa fide, non fer-
tur in Deum ut est veræ beatitu-
dinis obiectum 8.

Humana natura debebat omnia, fi-
lius Dei nihil omnino 368. per
peccatum est vulnerata, nō etiam
mutilata 187.

Humanum genus profunda tenetur
ignorantia 39.

Humanum genus per Christū non-
dum esse redemptum, ex Illyri-
canis dogmatibus conuincitur
101.

Humanæ vires quid solæ per se que-
ant, non satis compertum 2.

Humanæ rationes fidem non pariūt,
sed partem stabiliunt 7.

Humanæ generationis opus si diuina
virtute non expleretur, nulli ex-
tarent sancti, nulli redempti, nul-
lus Redemptor 129.

Humani generis liberatio cur appel-
letur emptio, cur item redemptio
391.

in Humanam naturam plurima be-
neficia collata, in filium Dei nulla
omnino 383.

Humanarum actionum amissis cer-
ta diuina voluntas 104.

Humanitatis cum diuinitate quanta
sit vnio 400.

Hypostaseon trium diuinarum, &
creatæ imaginis partium discrimen 7.

Hypostaseon triū vnus conceptus 7.

Ignorationis triplex genus 256.
Illyrici phantasia de orig. peccato,

ad delirium vsque phantastica est
98. ex illius inimento conlequitur,
iustos & iniustos specie inter
se differre 100.

Illyricani plus tribuunt nostræ mor-
ti, quàm vitæ aut merito Christi
100.

Illyricani dogmatis de orig. peccato
absurditas 101.

Illyricani, & plerique Lutherani im-
pingunt in sententiam Bucerii 119.

Illyricanorum commētum de orig.
peccato, exponit omnes damnati-
onis discrimini 100.

Illyricanorum Symmystæ in eun-
dem ferè cum Flacianis lapidem
offendunt 103.

Imago Trinitatis in homine subob-
scura 7.

Imaginis ratio ex qbus spectetur 6.

Immortalitas prima inchoata veri-
us, quàm consummata 13. poten-
tia erat sempiterna 14. non erat ab-
solutè transnaturalis, neque natu-
ralis. ibid. potuit verè naturalis
esse 15.

Immortalitas terrestris & cœlestis
paradisi eiusdem sunt potentia,
non eiusdem quoque status, aut
perfectionis 16.

Immortalitatis primæ gemina ex-
titit causa 16.

Imputationis insulsum commētum
372.

Imputatione sola, vel imaginatione
quod transmittitur, re ipsa non
transmittitur 111.

in Incarnationis mysterium neuti-
quam curiosè inquirendum 330.

Indulgentiæ fidei derogant, qui satis-
factionis Christi iustitiam impu-
gnant, vel negant 337.

d

Infans

Infans ne quidem immunis à sorde nascitur 54.

Infans nullo proprio actu, vel scelere à diuina lege sese auertit 105.

Infanti nulla, vt saluus fieret, opus esset ablutione, si nullæ illi cohererent sordes 55.

Infantes eò iustius ad Baptismi Sacramentū admittuntur, quò illis hic remittuntur nō tam propria, quàm aliena 58. si sensus pœnam pendunt, disparibus meritis par pœna irrogatur 188. vt nullo sensu in Deum commiserunt, ita nullam sensus pœnam pendunt. ibid. in limbo infusa & acquisita fide destituuntur 180.

Infantes non renati ad beatorū consortium non pertinent 59. neque secundum carnem, neque secundum spiritum filij Abrahæ sunt 185. habuerunt ius ad cœleste regnum, sed remotum 190.

Infantes non regeneratos qui tantum damni pœnæ subiiciunt, tutissima illorum sententia 186. vtrunque pœnam depensuros esse, ex suprema iudicis sententiā necessariò non colligitur 195. ad commune omnium iudicium comparituros, creditur tutius. ibid. misericordiæ opera exercere nō potuerunt 195. in Infantes dæmon nonnunquam lauit 41.62.

Infantes primæui status non simul in lucē fuissent fusi, & ad perfectum robur adducti 33.

Infantium fletus, vagitus, ploratus, aut morbus in paradiſo nullus omnino obtinuiſſet 33.

Infantium sine Baptismo morientium quæ, & qualis sit pœna 191.

in Infantibus primæui status magna comperta fuisset dissimilitudo, disparitas, ac diuersitas 33.

Infantibus nō renatis pœnam damni & sensus aliqui decernunt 178. sunt, qui illos ab vtraque pœna eximant 180.

Infantibus non renatis melius est esse, quàm non esse 194.

Inferni pœna ponit propriā noxam, eamq; capitalem 387.

in Inferno obtinet actuale odium, & ira, &c. 193.

Infernalis Brentianorum de Christo doctrina 387.

Inferorum locus sensus pœnam necessariò non infert 196.

Infideles iudicis sententiā in extremo iudicio non redarguuntur 195.

Infinitas peccati & boni operis ex quo fit 365.

Infinitas, quæ in peccato comperitur, non impedit iustam satisfactionem 366.

Infinitatis rationes, quæ comperiuntur in peccato, comperiuntur quoq; in quouis opere iusto 364.

Infinitum simpliciter in infinitum simpliciter non agit 366.

Iniustum non patitur sciens & volens 295.

Innocentiæ status nullum admittebat peccatū, ne veniale quidē 24.

in Innocentiæ statu orti, pro ætatis ratione firmi & validi exitiſſēt 32.

Infantes cœlo prohiberi à Deo, & pueros ab actuali peccato immunes apud inferos torqueri, durū est 192.

Integritas duplex 95.

Intellectus ad nullum assensum propriè cogitur 251.

Intel-

DE ORIGINIS PECCATO &c. INDEX.

Intellectus vis non minor est, quàm sensus 9.

Intellectus operationem quicquid impedit, voluntatis quoque opus impedit 250.

Ira filium nasci, amplius quiddam est, quàm qualem cunque peccantem amulari 54.

Ira ac mortis filij cur nasci dicamur 73.

Iudicis sententia accipienda est secundum vniuscuiusque meritum 196.

Iudicis terreni & cœlestis discrimen 200.

Iure æquo, admirabilique modo è tenebrarum potestate erepti sumus 307.

Iuste potestate exiit, qui potestate sua abutitur 307.

Iustitia Sectariorum tota merù ens rationis est 320.

Iustificare Christum solum imputatiuè quid sit 323.

Iustificati cur animales & carnales appellentur 228.

Iustitia orig. cum lethifero crimine consistere nequibat 23. erat gratia gratis data 26. ex æquo adfuisse omnibus 35. vt vniuersis in Adamo cōcessa fuit, sic in eodem vniuersis amissa 70. vt felicitatem Adami, sic orig. peccatum miseriam æquat in omnibus 78. extra speciem hominis rationem erat 113. post lapsum nulli mortalium obligit secundum omnem effectum 134. proximè animæ substantiæ insidebat 148.

Iustitia orig. omnes vacui, omnes innumeris miserijs obstricti nascuntur 37.

Iustitia vacui, & culpæ obnoxium

nasci, differunt 87.

Iustitia eiusdè ad seipsum nulla est, Antagonistarum sententia 388.

Iustitia vbi exulat, ibi regnat iniustitia 171.

Iustitia eiusdè ad seipsum extat, modò is geminā psonā sustineat 389.

Iustitia diuina nusquam non sibi similis 199.

Iustitia & sanctitas omnis, cū Christi iustitia & sanctitate collata, est imperfecta 197.

non **Iustitia** formali eadem caput & membra iusti sunt 317.

Iustitia imputata non verè iustificat 319.

de **Iustitia** imputatiua commentum pugnat cum inani Sectariorum gloriacione 318.

Iustitiæ nulla lex adigebat Christum ad mortem 195.

Iustitiæ nudā imputationem ex vniuersis Christi sudoribus reliquā nobis Sectarij faciunt 315.

Iustitiæ solam imputationem Christum nobis promeritum esse per absurdè asseritur 319.

Iustitiæ orig. amplitudo oratione exprimi non potest 22.

Iustitiæ orig. priuatio veriùs est orig. peccati causa, quàm ipsum secundum se peccatum 107.

Iustitiæ orig. & iniustitiæ orig. idem est subiectum 145.

Iustitiæ imputatiuā Christi meritis & Scripturæ esse contrariā 210.

Iustitiæ eam, quæ nobis imputari falsò asseritur, Christus non promeruit 319.

ob **Iustitiæ** orig. mors, & cetera quæ ed pertinent, in hominem sequuntur 202.

Iustificatus imputatiuè, non est verè iustus, nec verum Christi membrum, nec verè à peccatis absolutus 322.

Iustus cur nō generet iustum, ac cur sapiens non generet sapientē, eadem ratio 135.

Iustus sibi ex condigno, alteri ex congruo mereri potest 390. plus mereri potest alteri non iusto, quàm iniustus sibi ipsi. ibid.

L

Aboris fructu frustrari, cū pœna coniunctum est 31.

Leo solus de tribu Iuda omnem iustitiam implere potuit 332.

Lex est possibilem 67. illis ferri non debet, qui legem explere nullo modo possunt 86.

Lex oppositorū fallit in Adami præuaricatione & satisfactione 139.

Lex nō excludit, sed libertatem probat 271.

Lex iustæ satisfactionis rationē non infringit 378.

Legis transgressio quomodo Adami voluntate fuerit voluntaria, & reliquorum 71.

ex Legis præuaricatione nascitur ira, vltiscendūq; studium 362.

Legem violant per inobedientiam, quicumque peccant 53.

Legem ponit omne verè rationis debitum 85.

in Legem temere peccans, in legem, legislatorem, & in proximum iniurius est 361.

Legum ciuiliū scopus, pax, publicatq; utilitas 10.

Libera quæ sunt, nō æquè libera sunt omnia 249.

Libertas omnis à Deo est 258.

Libertas à violentia an vera sit libertatis ratio 244.

Libertas à coactione non sat est ad constituendam veram libertatis rationem 244.

Libertas maior à culpa & miseria in iniustis, quàm in peccatoribus 249.

Libertas cuiusque eō censetur maior, quò natura extiterit excellentior 251. 252.

Libertas humanæ voluntatis non perijt per orig. peccatum 266.

Libertas in rebus spiritualibus Caino relicta 261.

Libertatis nostræ author Christus 293.

Libertatis radix, ratio vel intellectus 242.

Libertatis totius radix & fons est ratio, rationisq; discursus 243.

Libertatem arbitrij cunctis ratione vtentibus conuenire 274.

Liberum arbitrium quicumque negant, cum Scripturis, Patribus, & ratione pugnant 259. cum manifesta experientia pugnant, & euerunt hominis naturam, & philosophiam moralem 280. omnē tollunt virtutem 282. tollūt omnem laudem & vituperationem. ibid. pari ratione omnem consultationem & deliberationem 282.

Liberum arbitrium à ratione & voluntate denominatur 236. Græci *ἐντελέχεια* appellant. ibid. quid Petro Lombardo definitore sit 236. non est hominis quispiam actus. ibidem. non est infusa vel acquisita intellectus species 237. nec passio est, nec patibilis qualitas. ibidem. non est habitus per actus acquisitus 237. non est habitus

DE ORIGINIS PECCATO, &c. INDEX.

bitus infusus 238. non est habitus congenitus. *ibid.* non est potentia habitu perfecta 238. vt sit indifferens, nullo habitu indiget. *ibid.*

Liberum arbitrium excellenti modo est in Deo 245. non eodem modo est in Deo, quo in angelis & hominibus 246. primum locum post Deum obtinet in angelis, ceterisque beatorum spiritibus 247.

Liberum arbitrium est potentia 238. intrinsecè non constat pluribus potentijs 239. inter synderefin & sensualitatem medium obtinet. *ibid.* aliarum potentiarum actus in suum vsum conuertit 239. essentialiter alterutrum est, ratio videlicet aut voluntas 240. est voluntas formaliter, & intellectus casualiter, aut vice versa. *ibi.* est rationalis appetitus 241. respicit eam voluntatem. *ibid.*

Liberum arbitrium quicquid eligit, sub ratione alicuius boni eligit 247. per se non potest ferri in malum sub ratione mali. *ibid.* in damnatis nunquam bonum, in beatis nunquam malum vsum sortitur 249. est in omnibus hominibus, etiam in iniustis & peccatoribus. *ibid.*

Liberum arbitrium cur Deus homini tribuerit 274.

Liberum arbitrium, liberi actus principium 237.

Liberum arbitrium circa quod occupetur 253. non est absolute bonorum, nec est absolute malorum 254. quicquid respicit, sub ratione mali respicit: quicquid rursus eligit, sub ratione boni

eligit. *ibid.*

Liberum arbitrium rectè appellatur, quàm arbitraria libertas 242

Liberum arbitrium potentia vna in vno homine 240.

Liberum arbitrium & Dei præsentia optimè simul consistunt 265.

Liberum arbitrium & voluntas differunt eo ferè modo, sicut ratio & intellectus 241.

Liberum arbitrium viresque quæ illi subseruiunt non per omnia fanant 248.

Liberum arbitrium tollere quàm grauis sit error 259.

Liberum arbitrium habere, liberi arbitrij vsum habere, & verum ac proprium liberi arbitrij habere vsum, differunt 248.

sub **Liberum arbitrium** non cadunt, quæ naturaliter expetuntur 238.

in **Liberum arbitrium** ea quoque maiorem in partem cōueniunt, quæ in voluntatem 242.

Liberi arbitrij obiectum ex quo colligatur 252. illius proprium opus quod sit. *ibid.*

Liberi arbitrij & hominis idem finis 258.

Liberi arbitrij iudex & consiliarius, ratio 242.

Liberi arbitrij quisque est 270.

ad **Liberi arbitrij propriam rationem** quid pertineat 248.

de **Liberi arbitrij intrinseca ratione** non est, posse peccare 247.

de **Liberi arbitrij viribus variaz sententiarum** 258.

Libero arbitrio vim omnem adimentium rationes 259.

cum **Libero arbitrio brutis animantibus nihil commune est** 245.

nec Libido semen, nec semen carnem, nec caro inficit animam 114.
 Lucta inter carnem & spiritum in omnibus locum habet 90.
 Lutheri blasphemata de libero arbitrio sententia 260.
 Lutherani se inuicem oppugnant 102.
 Hosiandrizant 318.
 Lutherani & Buceriani non regeneratis utranque poenam necessariò decernunt 179.

M

Macula sua cui libet verè ac propriè cohæret, non vna omnibus 70.
 Macula post patratum scelus in Adamo fuit maior, quàm est in illius posteris 105. & gemina secundùm rationem post scelus patratum in illo fuit reliqua 106.
 Macula naturæ per generationem in nos transmittitur 106.
 ex Malitia certa quinam peccent 257.
 Malum libidinis non ex Deo, sed ex diabolo fluxit 48.
 Manichæi dæmonem scelerum omnium causam statuerunt 119.
 Mares & fœminæ in primæuo statu nati fuissent, & fortè numero pares 31.
 Maria plura debet Deo, quàm vllus mortalium 374.
 Maria, vt primo homini, gratia fuit cōcreata, atq; hac ratione ab orig. peccato fuit præseruata 77.
 Maris & fœminæ in paradiso omnis congressus fuisse fructuosus 31.
 Mater virgo plura debebat filio, quàm filius matri 376.
 Materia ritè disposita naturaliter anhelat ad formam 129.

Melanchthonis iudicium de cōcupiscentia, quæ in renatis sit reliqua 312.
 Melius est non esse, quàm tartareis flammis perpetuò addictum esse 194.
 Membrorum paruitas, & viriū imbecillitas naturaliter conuenit in ætatem infantilem 32.
 Mens hominis propria, corpus illi cum brutis commune est 146.
 Mens humana, seclusa fide, non fertur in Deum, vt est veræ beatitudinis obiectum 8.
 Mentis tranquillitas cum inferiorum virium pugna consistere potest 137.
 Mereri aliquid aliquem trifariam contingit 346.
 Mereri iustus sibi ex condigno, alteri ex congruo potest 390.
 Mereri plus potest iustus alteri non iusto, quàm iniustus sibi ipsi 390.
 Meritum Christi in infinitum excedit aliorum omnium meritum 297.
 Meriti omnis perfectio & plenitudo in Christo fuit 346.
 Merito Christi plurimum derogant Sectarij in amoliedo peccati malo 315.
 ex Merito & gratia Christi perfectè iustificari 210.
 cum Merito quod habetur, honorificentius habetur, quàm quod citra meritum 296.
 Meriti Christi infinita 344.
 Meriti Christi an pro vno secundùm iustitiæ rigorem non satisfecisse rectè dicantur 337.
 de Meritis illius qui nihil meruit vanè quæritur 397.

DE ORIGINIS PECCATO, &c. INDEX

ex Meritis Christi redūdantibus cō-
stat Ecclesiæ thesaurus 344.
Meritoriz actionis duo principia,
gratia, & liberum arbitrium 336.
Miraculū diuinę virtutis opus 356.
Miseriz renatorum an poenę sint di-
cendę 234.
Miserias huius vitę Baptismus non
tollit 309. virtutis aut satisfactio-
nis materiam esse posse, Sectarij
negant 313.
Morbida quędam tabes quę ex femi-
ne in carnem, & hinc in spiritum
transferatur, difficile captu 112.
Morborum adiumenta sunt tormen-
ta 41.
Mores parentum redundant in libe-
ros 79.
Mors prima duas, mors secunda o-
mnes complectitur 13.
Mors, mortisq; prodromi ex pecca-
to & diabolo sunt 49.
Mors, & mortis meritum ex Adami
præuaricatione in nos deriuatur
51.
Mors, vitę priuatio 158. piorū dor-
mitio 161.
Mors triplex cadit in vnum homi-
nem 160.
Mors corporis necessaria, mors ani-
mę voluntaria 160.
Mors corporis mala 160. non est ad-
modum mala, nedū pessima 161.
à vitę huius miserijs liberat. ibi.
Mors animę, corporis morte peior
161. 162. non est in hac præsertim
vita absolutē pessima 162. com-
plectitur vitę finem, & cætera o-
mnia, quę viam ad illam muni-
unt 163.
Mors gehennę omnium pessima &
funestissima 162. duplicem, & suo

etiam modo triplicem mortem
complectitur. ibid. post commu-
nem carnis resurrectionem con-
summata 163.
Mors infantis multō ad satisfaciē-
dum efficacior, quā mortis 308.
Mors vnius secundū carnem o-
mnium hominum vitę præpon-
derat 342.
Mortis vtriusque causa peccatum 13.
Mortis vtriusque omnes reos nasci
certū est, nullūq; nisi per Chri-
sti sanguinem ab hoc reatu ab-
solui 67. 68.
Mortis chirographum Antagonista-
rum sententia per Christum non
aboleri 311.
Morti hodie viciniōres q̄ heri 164.
Mortem à peccato tanquā effectum
à causa Apostolus fecernit 51.
ad Mortem omnes æquo passū ten-
dunt 164.
Mortem corporis cur Christi gratia
non tollat 309.
ante Mortem Christi diuinę iustitię
non erat satisfactum 369.
Mortalium nemo per proprium ac-
tum incurrit originis vitium 68.
qui Moriuntur amici vel officij cau-
sa, non tā moriūtur, quā mor-
ti paululū obuiam procedunt
339.
inter Motorem & mobile naturalis
quędam proportio intercedit 44
Motus speciē à termino sortitur 242
Munus suū & alienū explere, non
eiusdem est semper operę 373.
Munera in Christi humanitatē col-
lata summa 372.

N

Nascitur nemo immūnis à sorde
54.

Nata

Nata ex causis merè naturalibus, monstruosa esse possunt, peccaminosa esse non possunt 120.

Nati ante peccatum, rerum rudes fuissent nati 34.

Natura humana in statu innocentie ea via & medio propagata fuisset, quo propagatur modò 28. nulla in eo statu obtinisset obscenitas, nulla libido, nihil honesti contrarium 28. 29.

Natura homini nouercam, cæteris plerisque omnibus matrem se exhibet 46.

in Natura nostra reliquum est, quo sanari queat 130.

Natura ab hypostasi quo distinguitur 397.

Naturæ mysteria scrutari homo per se potest, sed non sine sudore 9.

Naturæ rei nihil essenziale potest addi, vel adimi, citra specificam illius mutationem 102.

Naturæ communis vitium vnà cum natura transfundi, non mirum 127.

Naturæ partes non eodem modo existerunt in Adamo 147.

Naturæ ordine perfectum prius est imperfecto, generationis ordine verò contrà 148.

Naturæ ordine originis peccatum prius est in anima, ordine verò generationis prius in corpore 148.

Naturæ vulnera, vitæq; huius incommoda, naturalia esse contendunt nonnulli 201.

Naturæ vulnera non sunt verè aliquæ naturæ, sed communis naturæ defectus 170. cur habituum

nomine designentur. ibid.

Naturæ vitium, quod in prole heret formaliter, in parente existit casualiter 137. cur orig. peccatum appelletur, ratio multiplex 55.

Naturalis oblectationis primæuus status expers non fuisset 29.

Nemo tam cautè incedit, ut interdum non cespitet.

ut Nemo seipsum generat, ita nemo quoque seipsum regenerat 304.

Nōsse, velle, & posse, non paribus passibus incedunt 10.

Notitiæ prædictæ & theoricæ discrimen 10.

Noxæ vniuscuiusque grauitas ex quo spectetur 365.

Nusquam quod est, non est, & per consequens vnum numero non est 111.

Nutritio generationi seruit, sed remotè 153.

O

Obediencia Christi percelebris in Scripturis 300.

Oblatio Christi fuit infiniti ponderis, in ratione satisfactionis & gratiarum actionis 375.

Obiecta ad potentias eo ferè modo se habent, quo principia vel causæ ad sua effecta 252.

Omnia non ex vno in omnes, sed vnum tantum ex vno in omnes pertransiit 52.

Opera Christi secundum se finita, in ratione meriti & satisfactionis infinita 367. ingentem vim habebant ex gratia, sed multò maiorem ex persona 369. personaliter erant inter se paria, quidditatiuè partim paria, partim disparia 370.

Opera externa Trinitatis sunt indi-

DE ORIGINIS PECCATO, &c. INDEX.

diuisa 388.
 Operum diuinorum certa ratio reddi non potest 371.
 Optimum, vel non nasci, vel natum cito mori 46.
 Orationum, precum, & supplicationum Christi multæ graues causæ 381.
 Ordo productionis duplex 148.
 Origenistæ Sectarijs errandi ansam in quo præbuerint 91.
 Originis vitium non solum naturæ, sed personæ quoque peccatum est 71. eo ferè modo est voluntarium, quo membrorum officia 72.
 Orig. peccatū in prauo habitu positum est, personalia in prauo affectu 72.
 Orig. naturæ vitium est, cætera personæ 73. aliena voluntate constatur, cætera propria. ibid.
 Originis labem non esse veræ rationis peccatum, Antagonistarum cauillatio 63.
 Originis malum, vt mali rationem assequatur, ad Adami transgressionem referatur, oportet 75.
 Originis mala secundum effectum non vnum tantum vni, sed vni multa adsunt 81.
 Originale veniale peccato grauius existit 199.
 Originale in auersione, veniale in conuersione præcipue situm est 200.
 Originale peccatum, vide Peccatum.
 Originalis iustitia, vide Iustitia.

P

Paradiso orti, sensim ad iustum corporis robur fuissent euecti 34. neque ijs scientia fuisset in-

fusa, vt Adamo: neque, si quæ infusa fuisset, ea tamen in infantili ætate constituti vti potuissent. ibid.

in Paradiso nullus vexasset error, nulla defatigatio aut deceptio 35. non æquè docti & ingeniosi fuissent. ibid. aliquod dominij specimen obtinuissent 35. omnes ex æquo fuissent immortales & impati- biles 36.

Parentes primi in paradiso generassent secundum naturæ præscriptum 30. quod ad corporis robur attinet, non tales procreassent, quales ipsi à Deo conditi fuerant 32.

Parentes primi iustitia vestiti, externa veste nulla indigebant 168. non erant cæci, neque nuditatis signari. ibid. cum animos non possent, corpora tegere conati sunt 169.

Parentes etiam si generarent citra libidinis ardorem, adhuc proles orig. vitium contraheret 114.

Parentum probra redundant in filios 77.

Parentum personalia scelera transire in illorum posteros, nullo modo probabile sit 142.

Parentum nulla sanctitudo tanta est, quæ infantes interiori sine Baptismo emundare queat 184.

Paruuli recens nati in peccatorum remissionem baptizandi 57.

Paruuli dum baptizantur, non absoluntur à iustitiæ debito, sed expiantur à peccato 87.

Paruulos dæmones vexant 41. 62. in Paruulis non iustitiæ vacuitas, sed peccata puniuntur 87.

Passio

Passio Christi pro humani generis peccatis nō solum sufficiens fuit, sed superabundans 346.

Pater in diuinis Filium non liberè, sed naturaliter generat 376. non poterat reijcere quod filius offerebat, quodcumque tandem obtulisset 386.

Patres in limbo erāt captiui, sed Dei, non diaboli 178.

Patrum consensum reijcere, summæ temeritatis & impudentiæ est 263.

Patripassiani sectatores Sabellij appellati 418.

Peccans temere in legem, in legem, legislatorem, & in proximum iniurius est 361.

Peccant in Deum per pauci ex absoluto contemptu 360.

quicumque Peccant, per inobedientiam legem violant 53.

Peccat grauius, qui ex contemptu peccat, quàm qui ex quadâ mentis præcipitatione 93.

quid Peccet propriè in Deum 231.

Peccare posse, impotentia est, non potentia 120.

Peccare posse, non est de intrinseca liberi arbitrii ratione 247.

Peccator & sanctus, iræ & regni filius non potest idem simul nasci 183.

Peccantium omnium non idem scopus, neceadem peccatorum omnium ratio 359.

Peccatum naturæ ordinem non interuertit 9. 170. diaboli naturam non corrumpit 93. est iniquitas & legis transgressio, à quocumque tandem ortum sit 64. imputatur illi à quo est, & illi in quo est, mo-

dò tamen cum aliquo illius consensu insit 64. non sustulit naturam, sed cōmunem naturæ prerogatiuam 78. non corrumpit Adamum physica corruptione 92. neque metaphorica quidem corruptione secundum substantiam 94. ordinis, modi, & speciei expers est 99. ibi occurrit, vbicumque occurrit exorbitatio à prima regula 104. formaliter sumptum, priuationem indicat 113. deficientē causam sortitur veriùs, quàm efficiētē 119. 145. vbicumque concipitur, Deus nullo modo peccati causa existit 121. nō est in partibus hominis rationis expertibus 20. propriè, & verè quid sit 225. naturales proprietates rei non adimit 248. ex parte effectus sortitur quandam infinitatem 367.

Peccatum solum à cœli aditu prohibet 55.

Peccatum mors animæ 56.

Peccatum omne est malum voluntarium 11. est contra legem 121. pugnat cum honore & reuerentia, quæ Deo debetur 122.

Peccatum omne adiunctam habet aliquam ignorantiam 256.

Peccatum non omne est, quod ad peccatum inuitat 85. 225.

Peccatū non est, nescire, quæ te scire oportet, sed nolle ea discere 47.

non Peccatum omne sortitur materialem sui partem 108.

Peccatum ex malitia non excludit omnem boni electionem 257.

Peccatum damnum quod adfert, tantum est, quantum est commo-

dum quo priuat 354. diuinæ beatitudini aduersum 355. intrinsecæ

Dei

DE ORIGINIS PECCATO, &c. INDEX

Dei felicitati aduersatur 355.
 Peccatum vt ratione obiecti dicitur infinitū, ita quoq; bonū opus 359.
 Peccatum nullum intrinsece est infinitum 359.
 Peccatum vtrinq; infinitum 365.
 Peccatum nullū quantumlibet enorme corrūpit hominis naturā 93.
 Peccatum ipso ortu contrahere: & hunc vel illum peccantem imitari, differunt 52.
 Peccatum lethale infinita pœna dignum 354. plectitur infinita pœna. ibid. orbat bono infinito 354.
 Peccatum non solum mortale, sed etiam veniale ex se natum est Deo tristitiam adferre 366.
 Peccatum veniale & orig. in quo differant 200.
 Peccatū causa supernaturalis euerit, non progignit 120.
 Peccatum per accidens infiniti temporis pœna plectitur 360.
 Peccatum & gratia vt verè opposita, nunquam simul cōsistunt 145.
 Peccatum, & mors & Sathan nihil possunt in beatos 177.
 Peccatum nullum personale parentum in illorum liberos transmittitur 139.
 Peccatum vnum personale si transmitteretur, transmitterentur omnia 140.
 Peccatum personale posterorum, in illorum liberos transitorium fuisse, non sit verisimile 143.
 Peccatum Adz non patitur gehennam 197.
 Peccatum originis non est voluntarium formale, virtuale, aut interpretatiuum 66. est actū malū in sui ratione non includat, ex malo

tamen actū primò ortū est 68. cur naturæ vitium appelletur, triplex ratio 72. inter mortifera minimum. ibid. non est eiusdem rationis cum cæteris personalibus 72.
 73. magis aduerfatur spiritali vitæ, quàm veniale 73. non auulsum à natura, sed ipsi naturæ impactum vnà cum natura ex hoc in illū transferatur 77. prouenit ex productiuij principij vitio 78. non est aliquod dictum aut factum illius, cui coheret 80. non est vnum numero in omnibus, sed vnum ad numerum in singulis 81. non est aliqua natura subsistens, vel inherens 82. nec infusus, nec acquisitus, nec congenitus habitus est. ib. cur habitus nomine designetur, causæ 83. inclinatur, vt causā per accidens. ib. formaliter nō est morbida quædā qualitas, vel tabes. ibid. nō est ipsa carnis cōcupiscentia 84. nō est ipsa vis cōcupiscentis secundū se absolute sumpta. ibid. nō est pronitas animi ad malū 85. non est propriè carētia iustitię debitz inesse. ibid. Sectariorū sentētia est prorsus inexpressibile 89. qui hominis substantiam esse dicūt, infantiū 98. si substantia est, pessima substantia nō est, imò ne mala quidem est 99. si esset ipsa essentialis hominis forma, Adā ante & post peccatū nō fuisset eiusdē speciei. ibid. neq; substantia, neq; aliquod p̄dicamentale, vel reale accidens est 103. quid non sit, facilis explicatur, quàm qd sit. ib. veteres concupiscentię nomine designant 108. & qui hoc nomine designetur. ibid. quomodo

quæve via ex hoc in illum transfundantur, semper controuersum fuit 19. si sola imitatione trāfferetur, in infantibus nullum orig. peccatum existeret 110. quæ via & ratione transmittatur & propagetur 122. qui non contrahant 123. quatenus sit naturæ peccatū 124. per genitale semen transfunditur tanquā per instrumentū 125. transit per modū propaginis naturā consequētis. ibid. est malū sanabile 129. ponit communis doni amissionem per peccatum 139. quomodo ab Adamo ad singulos homines deriuetur 146. aliqua etiam ratione in carne existit 146. etiam in carnem sese diffundit, suamq̃ vim in eā exerit 147. quomodo sit in carne. ibid. ordine naturæ prius est in anima, ordine verò generationis prius in corpore 148. proximè & propriè inheret animæ. ibid. ex animæ essentia se diffundit ad voluntatem, & alias animæ vires 150. est peccatum naturæ, & cur. ibid. vt inheret, proximè animæ essentiam, vt autem operationis principium est, proximè voluntatem spectat 152. cur multitudinis numero interdum designetur, variz opiniones 153. qui propter actus vnitatem in omnibus vnum esse dicūt, impropriè loquuntur 154. cur vnū specie in singulis constituere liceat, ratio. ibid. est vnum tantū ad numerum in vno 155. ad diuersa vitia per acti dēs inclināt. ibid. nullius non mortis reatunt adducit 163. non solum, sed cætera quoque peccata naturam vulnerant 170.

baptismo penitus tollitur 217. Sectariorum sententia indebiliter animæ inheret 310. suo modo est infinitum 359.

Peccatum originale qui contrahant 77.

Peccatum originis ex sola Apostoli doctrina constitui potest 51.

Peccatum orig. qui in orig. iustitiæ priuatione ponunt, habitualem à Deo auersionē non excludūt 108.

Peccatū orig. cōtrahere, quid sit 144

Peccatum orig. & personale, nec genere, nec specie inter se conueniunt 106.

Peccatum orig. quid Sectariorum sententia 310.

Peccati originalis quæ sit formalis ratio, magna apud eruditos est controuersia 80.

Peccati orig. propagatio 122.

Peccati orig. vis, pro rei natura exposita est perspicuè ac clare 109. non est posita in corporis infirmitate, aut carnis rebellionē, aut moriendi necessitate 85. aut in sola absentis iustitiæ debitione 86. aut in totali totius hominis & omnium partiū eius corruptione 88. intrinseca vis in quadam habituali à Deo auersione est posita 103.

Peccati orig. vis & improbitas maximè euidens in inferioribus viribus 152. illius ortus & vis cui familiaris adferibatur. ibid.

Peccati orig. proximi effectus non sunt illi, quos assignāt Sectarij 156 ex Peccati orig. varijs causis & effectis variz de interna illius vi nata sunt opiniones 107. 108.

Peccati ratio citra vllum actū constare potest 68.

Peccati

DE ORIGINIS PECCATO, &c. INDEX.

ccati subiectum quę hominis partes esse possint 146.

ccati labes quantafit in peccatore, & poenitentię efficacia 105.

ccati propria radix est mala voluntas 230.

ccati infinitas, & boni operis ex quo fit 365.

Peccati effectus est omnis poena, non contrā 157. & omnes effectus vno mortis vocabulo designatur. ibi.

Peccati mort. malitiam vis infinita minor expugnare non potest 356.

Peccati vim nō habet id omne, quod quoquo modo legi repugnat 225.

ex Peccati seruitute, altera Sathanę nata 172.

in Peccato infinitatis rationes quę comperiuntur, comperiuntur in quouis quoque iusto opere 364.

Peccato originis obstrictum nasci, quid sit 76.

in Peccato orig. obseruanda varia causarum & effectuum series 107.

Peccato orig. qui obstricti tenentur, alicuius perfectionis & felicitatis capaces existunt 132.

Peccato orig. obnoxium esse melius est, quā omnino non esse 133.

in Peccato commissionis duo comperiuntur 104.

Peccata iustorum Deus in hac vita dæmonum opera interdum plestit 178.

Peccata personalia parentum quare non transfundantur 79.

Peccata mortalia non numero, sed pondere sunt infinita 356.

Peccata parentum in illorum liberis sępe vindicantur 79.

Peccata orig. tot ex Adamo trahuntur, quot indiuiduę naturę 154.

Pelagiani sola imitatione orig. peccatum transfundi sentiunt 110.

Pelagiani omnia, quę in hac vita perperimur, ad nostrę naturę principia referunt 41. paruulis nō renatis promittunt beatitudinis sedem extra cœlū 181. dupl. ces beatorum sedes constituunt 197.

Pelagianorum error 51.

Pelagius vehemens disputator 193.

Perfectum vnumquodque quando censeatur 129.

Personę diuinę singulę in singulis, & singulę in omnibus 7.

Pestes illę, quas Sectarij orig. peccati nomine comprehendūt, ex anima in corpus non deriuantur 97.

Philippi impia sentētia de libero arbitrio 260.

Philosophi ex sola philosophia Trinitatis mysterium non hauserunt 7. originis noxam, & Christi gratiam ignorabant 47.

Philosophi veteres sanius de natura nostrā iudicant, quā recentes Pelagiani 43.

Philosophi meliores senserunt, quę in hac vita videmus & gemimus, ex peccato nata esse, sed in altera vita designato 46. 47.

Philosophorū veterum triplex error de humanarum virium *ετασι* *ιτρασι* 43.

Pighij & Amb. Catharini de orig. peccato opinio 110. neque tuta est, neque ratione nixa est 111.

Pios ita Christi virtutem & gratiam imitari, vt impios Adami vitia & labem 53.

Pœna, vt pœna, culpam ex se nō generat 137.

Pœna soli culpę authori infligitur

- Pœna** omnis veræ rationis culpam quoque ponit 60.
- Pœna** omnis vocabulo ignis interdum designatur 193.
- Pœna** conuersionis à solo Adamo exacta 198.
- Pœna** sensilis propter sensilem oblationem irrogatur 186.
- Pœna** sensus cōuersioni debetur potius, quàm auersioni 187. aduersatur bonæ naturæ constitutioni, naturaliq; eiusdem integritati. ibid.
- Pœna** sensus eadem tam ortis in puris naturalibus, quàm in originis peccato 191.
- Pœna** minima sensus inferni, maxima est huius mundi 188.
- Pœna** inferni ponit propriā noxam, eamq; capitalem 385.
- Pœna** damni sensus pœnam parit, si damnum sentiatur, secus nequam 189.
- Pœna** orig. peccato debita omnium mitissima 187.
- Pœna** Christi minima maioris roboris erat, quàm omnium Martyrum pœnz in vnū constat 363.
- ex **Pœna** ordinaria lege non progignitur culpa, sed contrā 113.
- Pœnz** orig. peccati in renato, nō tam pœnz quàm ægritudines dicuntur, & cur sint relictæ 203.
- Pœnz** huius vitæ, pœnz taxatæ appendices 199.
- inter **Pœnam** taxatam, & pœnā, quæ ex taxata consequitur, multū interest 199.
- de **Pœnis** malorum Spirituum apud inferos an, & quatenus inquirere liceat 326.
- Pœnitētia** est opus spiritale 261. post excursum semel vitæ studiū, amplius locum non habet 191.
- Pœnitentia** incensa tollit omnē noxam & pœnam, sed non eodē ordine 362.
- Pœnitentia** vera absque interno dolore consistere non potest 363.
- Potentia** nulla naturalis inuita fertur in suum obiectum 251. fertur in id, quod intra obiecti sui amplitudinē non continetur 256.
- Potentis** personam spectant veriū, quàm naturam 150. quomodo discernantur & cognoscantur 240.
- Potentis** cuiusque proprius vsus operatio 258.
- Potentis** duz distinctæ tantū sunt in mente hominis 240.
- Præceptum**, Non concupisces, quidnam vetet 218.
- Præceptum** de Deo diligendo, quomodo in hac vita possit à nobis impleri 219.
- Præcepti** propria ratio disparitatem ponit 377.
- Præcepti** nomine significatur summa filij cum patre concordia 377.
- Præmium** vt nō debetur habitui bono, nisi sequatur opus, ita nec pœna quoque propensionis male 187.
- Præscientia** Dei voluntatis libertatem non infirmit 265.
- Præscitos** Christus mundum appellat 381.
- Præuaricationis** ipsa macula nobis coheret, non ipsa præuaricationis actio 69.
- in **Præuaricationem** legis singuli assenserunt, nō actu, sed potentia 71.
- Preces** Christus non eodem modo fundebat pro præscitis, quo pro electis 281.
- Princeps** propter priuatos legis transgresso.

DE ORIGINIS PECCATO, &c. INDEX.

gressores, nō debet vñlem legem
refigere 133.

uatio & habitus circa idem ver-
santur 134.

eri non tantum, sed & adulti quo-
que vix aliquid vtiliter volunt
40.

eri in limbo iudicio recto non ca-
rent 189.

erorum varia terriculamenta 40.
niti hic pficimus vel deficimus,
in altero seculo non item 189.

thagorici de naturæ nostræ mor-
bo Pelagianis rectius statuerūt 2.

Questio infusa: Cur Deus creat
animam, quam peccato in-
fectum iri nouit? 128.

uestio, cur Deus illos nasci finit,
quos ab orig. labe nunquam libe-
randos nouit 132.

uestio haud leuis, cur iusti & sancti
generent iniustos, & sanctitatis
exortes 133.

uestionem habet, sit'ne orig. pec-
catum vnus tantum volūtatē vo-
untarium, an verò omnium &
singulorum 71. & qua via ea sce-
rerum phalanx, quam orig. pec-
cato assignant Sectarij, irruat in
hominem 96.

Ratio sensus importunitatē po-
test comprimere 11.

io liberè iudicat hoc vel illud
medium idoneū, vel inidoneum
esse 243.

ionis bonū propter multas cau-
as & min⁹ mouet, & minus quo-
que curatur 12.

tum mortiferæ noxæ quicquid
ollit, simul quoque tollit debi-

tum mortis æternæ 306.

Redemptionis nostræ modus præ-
nobilis, nobisq; salutaris 296.

Redemptionis humanæ qui contra-
hentes, precium, & merx 391.

Redemptorem ἀναμάρτητον esse oport-
tebat 330.

Regenerati concupiscendi pronita-
tem retinent, & multos concupi-
scentiæ motus subinde sustinent
85. qua ratione Sectariorum sen-
tentia dicantur iusti vel mundi
320.

Regeneratis nullum mortiferum in-
herere peccatum 214.

non Renati equè sunt sancti, atq; pa-
gani 183.

Resurrectio carnis duplex ex Illyri-
ci principijs conclusa, & duplex
mors 100.

S

Sacra & sacrificia veterum foedis-
sima & immanissima 176.

Sacramenta vt præsent, quod signi-
ficant, qua ratione Ecclesia ore
382.

Salomon regum florentissimus 165.

Sanctum esse, & sanctificatum esse,
re ipsa inter se non differunt 183.

Sancti cur ante Baptismum appel-
lentur ex fidelibus orti 184.

Sancti pro nobis intercedunt 436.

Sanguis humidus & calidus 117.

Sanctificare interiùs, solius Dei opus
est 183.

Sanctificari quid sit 183.

Sapientes huius seculi naturæ nostræ
vitiū animaduertebant, vitij cau-
sam non item 2.

Sathanæ equa semper potestas in da-
mnatos 177.

Sathanæ imperiū in homines, ostēdit
Christi

Christi pugna & victoria 173.
 Sathanæ regnum non penitus adhuc
 euerſum 173.
 Satisfacere ſolus Chriſtus ad iuſti-
 tiæ amuſſim poterat, & quare
 343.
 ſi Satisfacere Chriſtus ad iuſtitie le-
 gem non potuiſſet, cœleſtis pater
 diros illos cruciatus ab eo nō ex-
 giſſet 350.
 non Satisfaciebat Chriſtus vt Deus,
 ſed vt homo 357.
 Satisfecit Chriſtus in cruce plenissi-
 mē 347.
 qui non Satisfaciunt integrē, nec verē
 quoque ſatisfaciunt 351.
 Satisfecit Chriſtus vt Deus homo
 388.
 Satisfecit & paſſus eſt Chriſtus ſo-
 lus : non Pater, nec Spiritus ſan-
 ctus 388.
 Satisfeciſſe Chriſtū pro totius mun-
 di peccatis, certa fide tenendū eſt
 327.
 quatenus Satisfecerit Chriſtus per
 gratiam 384.
 quomodo Satisfecerit Chriſtus De-
 us & homo 389.
 Satisfaciens Chriſtus erat iuſtus, ac
 Deo præ omnibus gratus 335.
 non Satisfaciens Chriſto, an an-
 gelus aut homo ſatisfacere potue-
 rit 329.
 Satisfacit integrē pro omnibus acce-
 ptis, qui totum, quod acceperat,
 integrē reddit 337.
 qui Satisfecit pro alijs, pro ſe quoq̃
 ſatisfacere potuiſſet, ſi quo debi-
 to obſtriſtus fuiſſet 390.
 Satisfactum non erat diuinæ iuſtitie
 ante Chriſti mortem 369.
 Satisfactorum plenē pro homine,

Deum & hominem eſſe oportuit
 332.
 Satisfactio Deo placitura qualis eſſe
 debeat 334.
 Satisfactio plena an neceſſariō nos
 extra debiti ſtatum euehere debu-
 erit 374.
 Satisfactio æqua quid depoſcat 374.
 Satisfactio Chriſti emptionis & re-
 demptionis nomine ſignificatur
 390.
 Satisfactio abſolutē iuſta excludit o-
 mnem creditoris gratiam & mi-
 ſericordiam 382.
 Satisfactio noſtra totum ſuum ro-
 bur & vim mutuatur à Chriſti ſa-
 tisfactione 340.
 Satisfactionis totalis cauſa Chriſtus
 335.
 de Satisfactionis Chriſti modo nihil
 hucusque definitum ab Eccleſia
 325.
 Satisfactionis Chriſti modus ex ſa-
 cris literis nō eſt euidentis 325. non
 cadit ſub fidem 327.
 Satisfactionis Chriſti plenitudo ex
 ſola eiſdem æconomia cōſtitui
 poteſt 328.
 Satisfactionis Chriſti iuſtitiam qui
 impugnant, vel negant, derogant
 Indulgentiæ fidei 337.
 Satisfactionis Chriſti cur non omnes
 participes ſiant, cauſa 392.
 cum Satisfactionis iuſtitia creditoris
 liberalitas non pugnat 382.
 Satisfactionis iuſtæ rationē lex non
 infringit 378.
 Satisfactionis perfectæ quatuor par-
 tes 334.
 Satisfactionis perfectæ rationes &
 condiciones 386.
 Satisfactionem Chriſti quātum Or-
 thodoxi

DE ORIGINIS PECCATO &c. INDEX.

thodoxi extollunt, tantum ean-
 dem Hæretici deprimunt 321.
 Satisfactionem cumulatam Christi
 qui acrius impugnant, minùs re-
 uerenter agunt 328.
 Satisfactionem iustam infinitas non
 impedit, quæ in peccato comperi-
 tur 366.
 Satisfactionem Christi cõmune sa-
 crofanctæ Triados decretum non
 infirmat, sed amplificat 379.
 de Satisfactione Christi plena cumu-
 lataq; qui authores, quòve loco
 agant 347.
 Scelerũ quæ sit origo in homine 96.
 Schmidelinus Monothelizat 411.
 425. in Sabellij hæresin se præci-
 pitat 422. 425. insignis Nestoria-
 nus 423. 425. nouus Eutyches
 420. 425. & Ubiquetarius 427. sa-
 crilegij crimen committit 424.
 Schmidelini impietas imperita 418.
 ars sathanica 425. 426.
 Scoti, & aliorum quorundam de
 orig. peccato opinatio refutatur
 111.
 Scripturæ nihil produnt de pacto cū
 Deo inito 67.
 Scripturæ & Patres cur ea quando-
 que seiungant, quæ seiungi non
 possunt 384.
 Scripturæ & Patres familiariùs agũr
 de ipsa satisfactione secundum
 se, quàm de satisfactionis modo
 348.
 Scripturarum & Patrum traditioni
 se opponere, est intolerabile 48.
 Sectarij deprauant Anselmi definitio-
 nem 88. iustitiæ & iniustitiæ no-
 minibus quid cõplectantur. ibid.
 prodigiola de orig. peccati natu-
 ra & ratione statuunt 88. non ex-

aggerant orig. peccati malitiam,
 vt Christi gloriam amplificent,
 sed quò statuunt suos errores 89.
 quæ de orig. peccato prædicant, si
 vera sunt, nemo sit saluus. ibid.
 Scripturæ, quas pro se allegant, ni-
 hil ad rem faciunt 90. ex vna ve-
 ra, & altera falsa paralogizant 91.
 de cõcupiscentia post Baptismum
 præposterè, Christi q; sanguine in-
 dignè sentiunt 312. concupiscen-
 tiam in condemnationem & mor-
 tis laqueum relinqui, prædicant
 313. vitæ huius miseras virtutis
 aut satisfactionis materiam esse
 posse, negant. ibid. inter animæ
 vires, earumq; habitus & actus
 nihil secernunt 314. Pelagianis &
 Manichæis se infaniores ostendũt.
 ibid. plurimum derogant merito
 Christi in amolendo peccati malo,
 & impertiendo virtutis bono
 315. ex vniuersis Christi sudoribus
 nudam iustitiæ imputationem re-
 liquam nobis faciunt. ibid. nul-
 lam veræ iustitiæ partem admit-
 tunt 316. minorem vim tribuunt
 Christi obedientiæ, quàm Adami
 inobedientiæ 320. quanta affici-
 ant Christum iniuria 322. morti-
 feri peccati infinitatem ex tribus
 colligunt 354.
 Sectarij vnde colligat erroris sui oc-
 casiones 405. 433.
 Sectariorum sententia orig. pecca-
 tum est prorsus inexpiabile 89.
 mortis chirographum per Chri-
 stum non aboleri 311. fides vncus
 tantum, vel manus, qua Christi
 iustitia apprehenditur 316. rege-
 nerati ea ratione dicũtur iusti vel
 mudi, qua Christus peccator 320.
 f orig.

- orig. peccatū indelebiliter animæ inhæret. *ibid.* eiusdem ad seipsum nulla est iustitia 388.
- Sectariorum totius hominis corruptionis ineptæ interpretationes 94. 95. absurda, de scelerum horrendorum in depulsæ iustitiæ suffectione 95. 96. argumenta contra cumulatam Christi satisfactionem 353. 356. 369. 372. 377. 382.
- Sectariorum falsa opinione quicquid homo molitur, est peccatum 89. Baptismus peccatum non tollit, sed radit, vel regit 310.
- Sectariorum sententia quid orig. peccatum 310.
- Sectariorum absurda mediatio 311.
- Sectariorū iustitia nuda relatio, fundamento destituta 318.
- Sectariorum tota iustitia merum ens rationis est 320.
- Sectis additi orig. peccatum supra modum exaggerant 74.
- Seminis vis non attingit animam effectiue, sed tantum dispositiue 125.
- Senectutis incommoda omnem orationis & cogitationis modum excedunt 38.
- Sensuum obiecta nusquam non obuia, ciendisq; animi motibus apprimè idonea 12.
- de Serpentis virulento afflatu quod dicitur, nulla ratione nititur 84.
- Spiritus sancti idem donum subleuat & sanat, iustificat, & peccata expiat 25.
- Spiritale & corporale toto genere differunt 115.
- Spiritualia in hac vita ex effectis cognoscuntur melius, q̃ ex seipsis 156.
- Somnus secum adfert molestias 41.
- Status illorum, qui ante lapsum ex Adamo orti fuissent 28. 29.
- Substantia omnino omnis à Deo est, nec aliunde esse potest 98.
- Substantia accidētibus naturā prior 149.
- Susanna præ peccato, liberè elegit mortem 261.
- T
- Triados mysterium, cæteraque, quæ per se sub fidem cadunt, naturæ viribus deprehendi non possunt 6.
- Trinitatis imago in homine & angelō extat 6.
- Trinitatis imago in homine subobscura 7.
- Trinitatis opera externa sunt indiuisa 388.
- Trinitatis vestigium extat in omnibus quæ extant 6.
- Tristitia de ijs est præcipue, quæ nobis inuitis accidunt 189.
- Trinitatis opera ad extra sunt indiuisa 402.
- V
- Vbi quæritur quæ incōmoda incurrant 435.
- Velle & intelligere vnde proficiscantur 244.
- Velle liberū Dei quid operetur 387.
- Velleitas est quorundam impossibilitium 254.
- Vestigium non prodit internā ipsius rei vim 6.
- Vincentius Viêt. non renatis, modò intra, modò extra cælum beatitudinis locum assignat 181.
- Virginitas non per se absolutè, sed tantum per accidens bona 29.
- Virginitatis partē neutram integram coniugalīs actus relinquit 30.

DE ORIGINIS PECCATO, &c. INDEX.

- de Virginitatis materiali & formali parte quorundam opinatio 30.
- Virginitatis formale, continendi propositum: materiale, Venereorum *et* *trugia* 30.
- Virginitatem habitualement cum proli propagatione in paradiso consistere potuisse opinantur nonnulli 30.
- Virium omnium summa in primo tranquillitas, & inter se consensio 21.
- Virium inferiorum & superiorum optimus status qui 43.
- Virium animæ ubi vera *ira* *gratia* adest, ibi corpus seruit, animus dominatur, maiora bona anteponuntur minoribus, &c. 44.
- Virium omnium quassatio ex peccato consecuta 170.
- Viribus maioribus opus est, ut lapsus aliquid instaures, quàm ut integrum euertas 138.
- Virtute expetitur, quod in altero indiuulſe connexo expetitur 66.
- Virtutes Theologicæ reliquarum præsidio destitutæ, infirmæ, & penè nullæ 316.
- Vis infinita minor pro toto genere humano satisfacere non poterat 138.
- ad Vitium hoc illud ve ut vnus altero maiori impetu feratur, unde proueniat 234.
- Vitijs & flagitijs prohibitio & eruditio modum ponunt 40.
- Vitalis operationis primum principium est ipsa viuientis forma 159.
- Vita perfecta moralis deponit non nullum externum præsidium 11.
- Vita animantis in calido & humido præcipue sita 117.
- Vita corporis, anima: animæ, Deus 160.
- Vita præsens vitæ nomen vix meretur 39. mors est verius quàm vita 164.
- Vita Christi mortalium omnium vita præstantior 306. 339. ex coniuncta diuinitate habebat infinitum valorem 345.
- Vita vnus Davidis septuaginta capitum millibus redempta 364.
- Vita vna iusti principis est maioris momenti, quàm mille rebellium subditorum 364.
- Vitæ diurnæ causæ variz 15.
- Vitæ communis miseriz innumera 40. 41.
- Vitæ nomine, ipsa vitalis operatio, & ipsum vitæ principium significatur 158.
- Vitæ triplex principium in hominem cadit 159. item, triplex vita, triplex esse, & triplex vitæ operatio, ibid.
- Vitæ tempus, cursus ad mortem 164.
- Vitæ huius deliciæ & diuitiæ sunt meræ afflictiones, & vanitates 165.
- Vitæ concupiscentiæ expertis facilitas 208.
- Vitæ huius miseria virtutis aut satisfactionis materiam esse posse, Sectarij negant 313.
- Vitæ Christi bonitas in infinitum excedit malitiam omnium peccatorum 345.
- ad Vitam, vel ad opprobrium non omnes resurrecturos, probabile 198.
- Viuientis propria operatio, aliquamotus specie se mouere 158.
- Viuentium & non viuentium discriminis

IN OPVS SEQ. THEOD. PELT. INDEX.

- crimen 158.
 Viuendi ritus, vita appellatur 159.
 Viuere simul & mori incipimus 163.
 qui Viuunt diutius, non citius cur-
 runt, sed plus spatij conficiunt
 164.
 Vnguentum preciosum impuro vel
 fragili vasi committere, non est
 sapientis 130.
 Vnusquilibet vt priuata persona, &
 vt communitatis membrū consi-
 derari potest 75.
 Voluntas, qua lex violata est, fuit
 communis naturæ veriùs, quàm
 priuatae personæ 71.
 Voluntas complacentiæ est necessa-
 riorum 254.
 Voluntas non fertur in incognitum
 239. sola essentialiter libera 242.
 circa absolutè bona & mala quo-
 modo sit libera 254. bifariam
 considerari potest 255. nos fa-
 cit supplicio vel præmio dignos
 267.
 Voluntas Christi ad quiduis pro-
 merendum & propulsandum ef-
 ficacissima 298.
 Voluntatis intensionem æmulatur
 conatus 299
 Voluntatis Christi certissimus in-
 dex externum opus 300.
 Voluntatis obiectum quod sit 256.
 Voluntatem nulla creata vel increa-
 ta vis cogere potest, vt inuita ve-
 lit 251.
 Voluntatem posse ferri in malum
 sub ratione mali, opinio quorun-
 dam 255. pugnat cum ratione &
 experientia. ibid.
 Voluntarium triplex 65.
 Voluntarium iuris fictione mul-
 tis modis quippiam censetur
 66.
 Voluntarium iuris præsumptione
 quid sit 66.
 Vota Christi cuiusmodi extiterint,
 qualiâque petere solius erat
 341.
 Z
 V Vinglianorum error 51.

FINIS INDICIS.

THEO-

THEODORI PELTANI,
SOCIETATIS IESV THEOLOGI,
DE ORIGINIS PECCATO DISCEPTATIO,
IN DVODEVIGINTI TRACTATVS
DISTRIBVTA.

TRACTATVS PRIMVS.

*Hominem solis naturæ viribus instructum multa, & nôsse, & vel-
le, & perficere quoque posse.*



E originis peccato, deprauatæque naturæ nostræ conditione, ac miseranda illa primi hominis prolapsione disputationem instituturi: ab ipsa humanæ naturæ secundum se absolutè consideratæ vi initium facere placuit. Non quòd huiusmodi naturæ status aliquando extiterit, aut olim extiturus sit, sed quòd eiusmodi quispiam extare

Aug. lib. 3. c.
12. & lib. 3. c.
20. de lib. ar.

potuerit, atque etiam nunc, si cœlesti numini ita visum esset, extare possit. Etenim vt Deus Opt. Max. cætera omnia, quæ infra hominem & Angelum posita cernimus, nullis gratiæ prerogatiuis aucta produxit, ita & hominem quoque solis naturæ præsidijis munitum, nisi aliud lubuisset, procreare potuit. Neque istuc apud eruditos in quæstionem cadit: Nôrunt quippe primo ac summo illi rerû omnium opifici eque proclive fuisse, & esse, condere, & hoc, vel illo modo affectum condere.

Genes. 1.
Soli Angelo
& homini in
ortu suo gra-
tia obtigit.

Imò aliud de hominis ortu seculi huius sapientibus in mentem nunquam venit, neque venire quoque, citra peculiarem diuini spiritus illapsum potuit. Videbant illi sanè vniuersum mortalium genus corpore quidem infirmo, fragili, ac nudo; animo verò omni rerum cognitione vacuo, & virtutum or-

Aug. lib. 4. c.
12. cont. Iul.

Eccle. 40.

Ad Rom. 7.

Cic. de Rep.
Aug. loco cit.

Seculi huius
sapientes na-
turæ nostræ
vitium ani-
maduertebat
vitij causam
non item.

Aug. lib. 4. c.
23. cōt. Julian.

Aug. lib. 4.
cont. Julian.

Pythagorici
de naturæ no-
stræ morbo
Pelagianis
rectius sta-
uerunt.

Quid solæ hu-
manæ vires
per se quæ-
rent, non satis cō-
pertum.

namentis destituto in lucem edi. Animaduertebant grauem & planè acerbam iam inde ab ipso exortu humanæ vitæ conditionem existere. Experiebantur alteram, & alteram in membris suis legem: tum animo se esse ad molestias anxio, ad timores humili ac fracto, ad labores molli & ignauo, ad libidines plùs satis propenso. Cernebant, vt verbo absoluiam, ingentem malorum vim circumquaq; volitare: Attamen hanc tantam malorum segetem, hoc tam irreconciliabile inter carnem & spiritum bellum, ex protoplasti scelere originem trahere, id ne per febrim quidem somniârant aliquando.

Nec mirum sanè vulgares Philosophos, qui de primi hominis statu & lapsu nihil audiuerant, nihil, vt hîc statuimus, legérant, veram ac propriam tanti huius mali causam subodorari nequiuisse; cùm ex ijs quoque, qui Christo nomina dederant, ac fidei lucem vnà cum lacte hauserant, non defuerint, qui, & mortem, & carnis cum spiritu pugnam, & cetera incommoda, quibus præsens hæc vita agitur, merè & absolutè naturalia esse definire auderēt. Digni profectò, qui illis posthabererentur, qui hominem ob suscepta in altera vita scelera in tristē hanc, ac molestijs plenam lucem profundi persuasum habebāt. Nam etsi *μετὰ λύπην* commentum statuentes, hominum more errarent, & quidem foedè ac turpiter errarēt, quippiam tamen funestum ac triste, quodcunque tandem illud esset, communi hominum naturæ accidisse, sapienter diuinabant.

At quænam, inquis, eiusmodi homo neuter, & quasi medijs, hoc est, nulli peccato aut vitio contaminatus, nec vllò rursum diuinæ gratiæ dono ornatus: qualem quidem Deus nullum condidit, condere tamen, vt modò aiebam, potuit, aut intelligere, aut velle, aut perficere potuisset, aut posset, si quispiam talis modi in rerum vniuersitate existeret? Sanè id certò definire cō minùs procliue est nobis, quò de humanarum virium magnitudine, deq; accepti per peccatum vulneris grauitate, & de conatuum singulorum quantitate minùs certò nobis constat. Dici tamen potest istiuscemodi hominem, Deum esse,

se, eundemque iustum & sanctum esse, per se deprehendere potuisse, & posse. Vtrunque enim ipsa quodam modo natura clamat, & ratio clara demonstrat. Nā qui aut mouentiū ordo? aut necessariorū ratio? aut efficientiū series? aut perfectionū dissimilitudo? aut ordinatissima illa rerū omnium, & earū maximē, quę mēte & ratione destituūtur, œconomia? certa; vniuersiūsq; in suum finē impulsio, & nixus cōstare possēt: nisi in rerū vniuersitate extaret vnū primū efficiēs, nō effectū: mōuens, nō motū, per se absolutē necessariū, per se ἀπλῶς ἐν, & ὡς κατὰ πάντα, & ὡς ἐν ὅλῳ ἔχον, quod suam proinde, aut necessitatis, aut quidditatis, aut vnitatis, aut simplicitatis causam aliunde non mutuatur: ceteris omnibus perfectione & bonitate præstans: imò verò ceteris omnibus omnē, qua pollēt, bonitatem & perfectionē liberaliter impertiēs: cetera tandē omnia sapienter gubernans, ac suauiter in suos fines dirigens? Hanc autem tam excellentem naturam, hanc tam nobilem, potentemque, & sapientem *ὁυσίαν* cum vniuersa Theologorum & Philosophorum Schola Deum appellamus.

Deum esse naturā clamat.
Arist. 8. Phys. & 12. Meta.

Deum esse ratio demonstrat.

Plato in Tim. Arist. 8. Phys. & 12. Meta. Thom. 1. q. 3. 2

At nouimus interim nō deesse, qui has Philosophi rationes, aliasq; hisce cognatas labefactare contendant: Sed hi pfectō casso labore se fatigāt. Nā etsi quādā ex illis eneruari utcunq; queant, & singulę per se sumptē minus quoque virium habeant: certum est tamen, si quod in tota rerum vniuersitate extat, in quod omnes hę excellentiē & prerogatiue simul cōueniant, id diuinitatis expers esse non posse. Sed neq; incertum quoque est, Augustinum, Ambrosium, Damascenum & alios cōplures eximios Theologos; imò ipsum quoq; Apostolum, his ipsis, & alijs pterea quibusdā his minūsq; euidētibus & efficacibus, ut verē euidētibus & efficacib⁹ in hac materia vsos esse.

Petr. de Alia. 1. q. 3.

Quod vna nequit, plures rationes euincunt.

Augustinus: Viderūt Philoſophi, quos ceteris nō immeritō fama atq; gloria prælatos videmus, nullum corpus esse Deū, atque ideo cūctā corpora transcendunt quęrentes Deum. Viderūt quicquid mutabile est, nō esse summū Deū: atq; ideo omnem animā, mutabilesq; spiritus omnes transcederunt,

Lib. 8. c. 6. de ciui.

Deus corporis expers. In Deum non cadit mutatio.

Omac, quod
est, à primo
ente est.

Quicquid in
Deo est, De-
us est.

Ad cap. I. ad
Roman.

Aspestabilis
hęc munda
machina, De-
um esse de-
monstrat.

Lib. I. c. 3. de
orth. fid.
Primum effi-
ciens à nullo
effectum est.

Quod omnia
gubernat, &
conseruat,
Deus est.

Rom. I.

Quicquid in
Deo est, cum
substantia il-
lius vnū est.

quærentes summum Deum. Deinde viderunt omnem speci-
em in re quacunq; mutabili, qua est, quicquid illud est, quo-
quo modo, & qualiscunq; natura est, nō esse posse, nisi ab illo,
qui verē est, quia & incōmutabiliter est. Quia non aliud est illi
esse, viuere, & intelligere, & beatum esse. Propter hanc autem
incommutabilitatem & simplicitatem intellexerunt eum, &
omnia ista fecisse, & ipsum à nullo fieri potuisse.

Ambrosius: Notitia Dei manifesta est, ex mundi fabrica.
Ut enim Deus, qui natura inuisibilis est, & à visibilibus possit
sciri, opus factum est ab eo, quod opificem sua visibilitate ma-
nifestaret: vt per certum incertū possit sciri: vt per hoc, quod
cæteris impossibile est, ille esse Deus ab omnibus crederetur,
qui hoc opus fecit. Hęc ille, non ad Philosophi solū, verūm
& ad Apostoli sensum admodum appositè.

Damascenus: Oportet opificem increatum esse. Nam si
ipse quoque creatus est, omnino ab aliquo creatus sit oportet: & eousq; procedemus, dum quippiā occurrat increatum.
Hoc autem quid aliud fuerit, quā Deus? & addit: Sed & ipsa
quoq; mundi coopratio, conseruatio & gubernatio Deum ef-
fē apertè nos docent. Quomodo enim aduersantes naturæ,
ignis, aquæ, aëris, ac terræ, in vnus mundi complementum ad
inuicem concurrissent, & sine dissolutione perdurarent, nisi
quæpiam omnipotens virtus, & ea coniunxisset, & semper
conseruet indissoluta?

Apostolus Paulus: Quod notum est Dei, manifestum est in
illis. Deus enim illis manifestauit. Inuisibilia enim ipsius à cre-
atura mundi, per ea quæ facta sunt, intellecta conspiciuntur,
semper eterna quoque eius virtus ac diuinitas: ita vt sint inexcusa-
biles. Quia cū cognouissent Deum, non sicut Deum glo-
rificauerunt, aut gratias egerunt, sed euauerunt in cogitati-
onibus suis, & obscuratum est insipiens cor eorum.

Exprimit autē Apostolus Deū hoc loco multitudinis nume-
ro, nō quod multi dii sint, aut quod multa in ipso existāt re ipsa
inter se distincta: (est enim Deus *diuina* quædā simplicissima nul-
lam,

lam, aut partium, aut accidentiū diuerſitatem admittens) ſed quòd eminenti quadam ratione omnia in ſe contineat, pluribusque modis, ac rationibus cognoſci à nobis queat, & cognoſci quoque ſoleat. Enimuerò ex creaturarum perpetuitate, cōditor earum dignoſcitur, & prædicatur æternus: ex magnitudine omnipotens: ex gubernatione & conſeruatione earundem bonus. &c.

Quo ſenſu multa in Deo exiſtere dicantur.

Hiſce authoritatibus & rationibus adde, ſi lubet, axioma illud, Deus eſt, inter ea, quę per ſe ſub fidem cadūt, cenſeri non ſolere. nec iniuria: Siquidem formalis fidei ratio eſt diuina vox, vel reuelatio. Ideo enim hoc vel illud creditur, quia Deus, qui mentiri, aut fallere non poteſt, per ſe, vel per alterū Chriſtiano orbi patefecit. Iam ſi id ſolū fide complecti obligor, quod Deus per ſe, vel per alterum reuelauit, conſequens fit priùs natura in animum cadere Deum ſecundū ſe abſolutè conſideratum eſſe, quàm hoc vel illud ab ipſo patefactum eſſe. Ipſa enim reuelatio certum quoddam diuinę erga nos clementię argumētum exiſtit. Et hoc ruruſum priùs, quàm actū, vel habitu ab hoc vel illo creditum eſſe. Quare Deum eſſe veriùs eſt totius fidei, hoc eſt, eorum omnium, quę creduntur, aut credenda proponūtur, certa quædam baſis ac fundamentum: vel, vtille docet, certum quoddam ad ea, quę credere oportet, præambulum, quàm certum aliquod fidei caput, aut membrum.

Deū eſſe, per ſe ſub fidem non cadit.

Thom. de ver. q. 1. 12. q. 67. 22. q. 1

Formalis ſi dei ratio diuina vox.

Catholica fides ponit Deum eſſe.

Thom. 1. q. 2.

Fatendum eſt tamen, infulę fidei habitum ad hoc ipſum quoque fidei fundamentum, vel præambulum in ijs ſeſe extendere, qui vnà cum fide ſcientiam, vel euidentiam habent. Nam aliàs idiotę, & literarum rudes, maiorem de hoc principio certitudinem haberent, quàm ſummi Theologi, quod falſum eſt. Quandoquidem vt gratia naturam non deſtruit, ſed perficit: ita fides quoque cognitionem rationis ope comparatam non infirmat, ſed confirmat. Iam ſi hoc principium, Deus eſt, vel hæc maxima, Deus iuſtus eſt, per ſe propriè ac primò ſub fidei obiectum non cadit, vt reuera non cadit, ſed

Fides ſciētiam habitum non infirmat, ſed confirmat.

Gratia naturam perficit, non euertit.

Deum esse & iustum esse, naturaliter cognosci potest.

Thom. 1. q. 12.

Triados mysteriū, ceteraque, quę per se sub eadem cadunt, naturę viribus deprehēdi nō possūt. Aug. lib. 1. c. ult. de Trinit.

Trinitatis vestigium extat in omnibus quę extant.

Vestigium nō prodit inter, nam ipsius rei vim.

In homine & Angelo extat Trinitatis imago.

Genes. 1. Ex quibus imaginis ratio spectatur.

Aug. lib. 10. de Trinit. c. 11.

August. lib. loc. cit.

tantum per accidens, & secundariō, poterit ergo certa ratione demonstrari; & per consequens, homo solis naturę opibus instructus cum generali numinis pręsidio illud poterit cognoscere. Hoc ipsum autem est, quod nos de homine in meris naturalibus constituto, nuperrimē affirmabamus.

Verū quod earum rerum, quę sub sensum cadunt, author sit Deus, non vt hypostasi trinus, sed vt essentia vnus, non potuisset sola rationis luce nixus, vel ad sacrę Triados notitiam, vel ad quamcunque aliam illustrem diuinorum mysteriorum cognitionem assurgere. Extat sanē omnibus in rebus obscurum quoddam sacrosanctę Trinitatis vestigium: omnia nanque, quę diuina arte fabrefacta constant, quandam in se vnitatem, & speciem, & ordinem ostendunt, suoque pondere, numero, ac mensura Deum Opt. Max. potentem, sapientem, ac bonum esse testatum faciunt: At illud interim vestigium diuinorum attributorum indicium existit veriūs, quā hypostasiv. Attributorum autem conceptus, hypostasiv conceptum necessariō non includit. Potest enim Deus vt potens, vt sapiens, vt bonus; imō etiam vt intelligens, ac volens, animo concipi, etiam si non concipiatur vt generans, vel spirans. Mitto hīc vestigium, vt eiusmodi, non tam rem ipsā, ipsiusve rei naturam, quā quędam tātū externa ipsius rei accidentia p̄odere.

Sit ita, ais, at in homine & Angelo non solū vestigium, hoc est, obscura quędam Trinitatis nota existit, sed eiusdem quoque imago, & similitudo. Nam vt Pater, & Filius, & Spiritus sanctus non sunt tres dii, aut tres vitę, aut tres naturę, sed vnus Deus, vna vita, vna natura: ita memoria, notitia, & amor, ex quibus imaginis ratio pręcipuē spectatur, non sunt tres mentes, aut tres vitę, aut tres *diuitias*, sed vna mens, vna vita, vna essentia. Aut si hęc non sunt, certē tria hęc vnus sunt vitę, vnus mentis, vnus naturę.

Rursum vt singulę personę existunt in singulis, & singulę rursum in omnibus: atque ita singulę sunt ēquales singulis, & singu-

ingule rursum omnibus: ita singula hæc tria aliqua etiam ratione singulis sunt æqualia, & singula rursum omnibus. Memini enim me habere memoriam, intelligentiam, & voluntatem: & intelligo me intelligere, velle, & meminisse: & volo me velle, meminisse, & intelligere.

Personæ diuine singulæ in singulis, & singulæ in omnibus.

Tandem vt simul patrem, simul filium, simul vtriusque Spiritum mente concipio: ita dum tria hæc recolo, aut volo, aut intelligo, tota simul recolo, intelligo, ac volo. Cum ergo imago certam ad prototypum viam munire soleat, videri possit hominem solo rationis præsidio adiutum, ad diuinæ Trinitatis arcanum pertingere posse.

Aug. lib. 9. de Trinit.

Vnus trium hypostaseon conceptus.

Negari non potest, cum diuinarum hypostaseon vestigium, tum earundem quoque imaginem, ac similitudinem in homine & Angelo existere. Siquidem vt de hoc sub persona regis Tyri, scriptum extat, Tu signaculum similitudinis, plenus sapientia, & perfectus decore: ita de illo, Creauit Deus hominem ad imaginem, & similitudinem suam. Sed & imaginis quoque ratio, & fundamentum per se, & essentialiter in utroque comperitur. At hæc interim nota, imago, vel similitudo, multò plus dissimilitudinis, quàm similitudinis obtinet. Neque enim tria illa, quorù paulò antè meminimus, aut vnus homo sunt, aut idē cum anima sunt, aut *ὑποστάσεις*, hoc est, per se subsistentia sunt, aut simul natura existunt, sed tria isthæc in vno homine, & in vna anima sunt, & *ἀνυπόστατα*, hoc est, certo quodam ordine alteri inhærentia sunt. Quare licet mysterij huius cognitione iam illustratos, pieque, ac religiosè erga Deum, diuinasque res affectos, plurimum confirmare queant, per se tamen eam vim non habent, vt mentem humanam citra ullam aliam internam, aut externam lucem, ad summæ illius vnitatis, & admirabilis Trinitatis cognitionem erigere valeant.

Ezech. 28. Genes. 1.

Imago Trinitatis in homine subobscura.

Aug. vbi sup.

Latè discriminē inter tres diuinas hypostases, & creaturæ imaginis partes.

Humanæ rationes fidem non parant, sed partem stabiliant.

Quòd si qui ex seculi huius sapientibus comperti sunt, qui ad sacrosanctum hoc, & abstrusissimum *μυστηριώδες* mysterium, aut ad aliud quodcunque cuiusmodi: (par enim omnium ferè

Philosophi sola Philosophia Trinitatis mysteriū nō hauserunt.

corum

Thom. 1. q. 12.

Num. 23.

Ican. 11.

Matth. 7.

corum est ratio, quæ certa tantum fide tenetur) vmbatili quadam ratione alluisse videntur, illi haud dubie suis ænigmatibus, vel aliò tendebant, vel aliunde eam notitiam hauerant. Neque enim præpotens Deus solas iustorum mentes Spiritu suo irradiat, sed interdum quoque improborum & iniustorum animos lucis suæ radijs collustrat. Et vt nullam illi fidei lucem ex Deo proximè hausissent, potuerunt tamen ex alijs, quibus cum cōsuetudinem habebant, aliquid eiusmodi discere, aut ex sacris quoque codicibus mutuare. Constat enim Septuaginta editionem non Iudæos tantum, sed quosdam quoque præputiatos triuisse. Vt cunque sit, certum est, trium diuinarum hypostaseon arcanum solis naturæ viribus Philosophos assequi nequaquam potuisse.

Humana mens, seclusa fide, nō seruit in Deū. vt est veræ beatitudinis obiectum.

Solus Deus clare cognitus humanæ mentis amplitudinem, & sitim explet.

Omnia, quæ sub aspectum cadūt, hominis causa cōdita sunt, & homine inferiora sunt.

Et quemadmodum istiuscemodi physicus vel neuter homo Deum, vt in se est, hoc est, vt hypostasi trinus, & essentia vnus est: vel vt vltimus absolutè hominis finis est, ex se dignoscere non potuisset, nec posset: ita nec desiderio quoque sub trini, vel absolutè vltimi finis ratione in eūdem ferri. Nam vt in obscurum vtcunque possit, in omnino tamen ignotum animus consultò, & quasi data opera erigere se nēquit. Posita tamen eiusmodi cognitione per fidem, vel aliud cognitionis medium, naturaliter in eum assurgeret. Imò verò citra fidem omnes naturali quodam inipetu huc ferri videntur. Ostendit hoc ingens illa humani cordis capacitas, & inquietudo. Nihil enim præter Deum clarè, vt in se est, cognitum extat, quod vel insaturabilem illius sitim extinguat, aut naturale eiusdem desiderium plenè expleat.

Idem ille, neque iustus, neque rursus iniustus, hoc est, medius homo, eodem illo naturæ lumine omnia, quæ sensibus subiecta cernuntur, hominum causa condita esse depræhendere valuisset. Siquidem omnia hæc, & natura, & prudentia, & ordine, & vsu homine inferiora existunt. Inferiora autem superiorum gratia fabrefacta esse, atque ideo hæc illis seruire, suoque modo subesse debere, etiam in hoc rerum statu, nedum

dum ante exortum peccatum, communis animorum conceptio est.

Est sanè dominium illud, quod homini in pecudes, & cætera his abieciore collatum initio fuerat, per peccatū nonnihil labefactum, & quo ad vsum, & executionem multum quoque imminutum: verum adius, vel iurisdictionem quod spectat, mansit id planè integrum, & inuiolatum. Quandoquidem vt peccatum naturam non sustulit, sed tantum sauciauit: ita naturæ quoque ordinem non interuertit, sed nonnullas tantum vsui, vel executioni illius difficultates obiecit. Quare vt aucupium, piscatio, & syluestrium animalium venatio, ante peccatum secundum se erant iustæ, & naturales, & nulli non homini licitæ: ita si iuris naturalis rationem tantum spectemus, etiamnum omnibus sunt permixtæ, & integræ. Vt cætera tamē per se alioqui licita, & isthæc quoque per causam aliquam externam illicita fieri possunt.

Potuisset nihilo secius, quæ naturali vi mentis cum cōmuni numinis synergia inuestigari, & capi possunt, multa cōnando, ac sudando paulatim inuestigare & capere: atque ita industria ac studio, si non celerem & exactam, certè rudem ac feram naturalium rerum notitiam comparare. Frustra nanque intelligendi vis homini indita esset, si nihil omnino cum generali diuini Spiritus ope, aut inuestigare, aut intelligere posset. Nec enim minor, aut debiliior censenda est rationis vis, quam sensus: at hic vi naturali, & citra errorem, & citra difficultatem, quæ sub obiectum illius per se cadunt, haurit ac percipit: haustaque atque percepta, cum opus fuerit, in commodum vsum vertit.

Potuisset tandem inter bonum & malum, inter turpe & honestum, inter præmio & supplicio dignum discernere, cætæque omnia, quæ ad politicæ vitæ institutum faciunt, vtcunque per spicere ac iudicare. Nam hæc omnia etiam in hoc difficili, & deprauato rerum statu naturæ viribus non infrequenter præstantur, & à multis præstita sunt sæpe.

B

Quid?

Genes. 1.
Homo dominiū, quod in pecudes habebat, per peccatum non amisit.

Peccatū naturæ ordinem non interuenit.

1. Pol. 5.

Aucupium & venatio iure naturali nulli nō permissa.

Thom. 12. q. 109. 1.

Naturæ mysteria scrutari homo per se potest, sed nō diuisari.

Non minor vis intellectus est quam sensus.

12. q. 109. 2. 2.

Homo naturæ viribus nō solum naturale & physicum, sed morale & practicum quoque bonū cognoscere potest.

Thō. loc. cit. Quid? Quòd homo, de quo hīc nobis sermo est, morale ac practicum bonū non solum cognoscere, sed cognitum quoq; velle ac perficere potuisset, id tamen non pari facultate, nec pari quoque constantia. Siquidem nōsse, & velle, & posse, maximè verò post læsam per peccatum naturam, non æquis semper passibus incedunt. At potuisset tamen: quandoquidem notitia practica, quam illi (vt & reliqua quoq; humanarum actionum principia) necessariò tribuimus, nō sui, vt theoricæ, sed operis causa existit. Accedit huc etiam, hominem nō quoduis animal esse, sed politicum, mente ac ratione præditum: atque adeò ciuilitate ac politicè, hoc est, secundum rationis præscriptum viuere & operari natum. Is autem politicus, & secundum rationem viuere, & operari rectè censetur, qui etsi non omnia concepto animi voto, & expressè, quæcunque dicit, facit, vel instituit, ad Deum, vel ad publicam vtilitatem & pacem, (Hæc duo enim leges ciuiles, quæ ex naturali iure ortum ducunt, potissimum spectant) vel ad aliū honestum finem referre contendit, omnia tamen virtute, & quasi ex obliquo huc dirigit.

Nōsse, velle, & posse non paribus passibus incedūt.

Notitia practica opus spectat, theoricæ rei naturā cōsiderat.

Homo est animal politicū

Legum ciuiliū scopus pax, publicæque vtilitas.

Omnia præter hominē præfixum sibi finem vt plurimum affequantur.

In hominem magis conuenit secundum rationem viuere, quàm secundum sensum.

Tandem cum omnia orta operationes naturæ suæ conuenientes edant, & quidem constanter, & cum voluptate edant: finemq; ab ipso naturæ authore sibi præstitutū, vt plurimum consequi soleant: miserrimum profectò foret solum hominem nullo vitio contaminatum, nullo naturæ vulnere sauciaturum, citra aduentitiam alterius opem, nihil quod naturæ suæ propriè conueniat, aut ad præfixum finem viam muniat, præstare posse. Præsertim cum multò veriùs & perfectiùs in ipsum conueniat secundum rationem viuere & operari, quàm secundum sensum, aut sensualitatis impulsū. Conuenit hoc enim in illum secundum genus, vel materiam; illud verò secundum formam vel speciem. Quæ autem secundum formam conueniunt, ea simpliciter conueniunt; quæ verò secundum genus, vel materiam conueniunt, ea propriè & absolutè non conueniunt, vel certè non ita absolutè, & propriè conueniunt, ac ea, quæ secundum formam vel speciem conueniunt.

Est

Est sanè sensuum impetus vehemens, & inferiorum facultatum vis oppidò importuna & incitata: attamen non est ea vis tanta, vt rationem omnino pessundet, aut veluti seruum prohibitò huc illucq; impellat. Potest enim ratio, si modò viribus vi velit, sensualitatis insultibus obniti, & quæ suarū sunt partium strenuè obire. Nam si ratio, vel rationis appetitus sensuum impetui nullo conatu, nulla vi obsistere posset, non peccarent vtique, qui sensitiui appetitus impulsu contra rationis iudicium sectarentur. Peccatum enim, vt est apud diuum Augustinum, malum est adco voluntarium, vt nullo modo peccatum sit, si voluntarium non sit: peccant autem, possunt ergo illi resistere, & importunos illius insultus propulsare.

Ratio sensus importunitatem posset comprimere.

At verò licet homo in puris naturalibus constitutus bonum morale intelligere, & velle, & cognitum quoque, & expectatum vtcunque exercere ac perficere potuisset, non omnem tamen, nec semper, nec perfectè: sed ex parte tantum, & imperfectè. Namin tam diuturno, ac tam assiduo carnis & spiritus conflictu, non potuisset ratio illius interdum non languere, non cæcutire, non etiam succumbere. Deberet profecto humana mens absolutum in omnes inferiores animæ vires dominatum obtinere: verum quicquid tandem in statu purè naturali futurum erat, in hac sanè mortali vita cum non obtineret. Insurgit enim caro aduersus rationem, pars vtique inferior & abiectior in superiorem & nobiliorem, & nisi summa esset cautio, & peculiaris adhuc cœlestis numinis fauor, abiectior potiore in fraudem identidem abripit. Siue hæc creatura de hoste victoria ex aliqua occulta conspuitatione illi bueniat: siue ex nostra ignauia & cæcitate: siue ex eo etiam, quòd ea, quæ ad carnis sensum faciunt, multò sint & notiora, & concitandis animi motibus in hoc præsertim concuciata: naturæ statu efficaciora, quàm quæ ad mentis, vel rationis legem ritè colendam, & studiosè obseruandam conueniunt.

lib. de vera rel. c. 14

Omne peccatum est malum voluntarium.

Thom. 13

q. 109.

Conflictus perfectæque vitæ moralis deponit non solum externum præsidium.

Ad Galat. 5.

In hoc vitæ statu carnis sensus contra spiritum sepe obtinet.

Carnalis sensus vis magna, & vnde hæc pueniat.

Etenim quæ sensuum appetitum mouent, ea nusquam non in

sensuum ob-
iecta nufqua
nō obuia, ci-
endisq; ani-
mi moribus
apprimē ido-
nea.

Rationis bo-
num propter
multas cau-
sas & minus
mouet, & mi-
nus quoque
curatur.

oculos incurrunt, & diu multumq;ue, vtpote, iam inde ab ineunte ætate, vsq; ad vltimum vitę hiatum nobiscum perfeuerant: & propter sensilem oblectationem illis adiunctam magna vi incitant, & quę his aduersa accidunt, peracres doloris aculeos in animos defigunt. At verò quę integra ratione constant, atq; ideo certā ad vera illa & constantia bona viam muniant, ea post multos vix tandem annos sui cognitionē pariūt, & parum accuratē plerunq; dinoscuntur: & quia parum cognita habentur, fit vt parum quoq; diligantur, & illis aduersa parum quoq; afflicent & sentiantur. Quis enim ex vulgaribus illis seculi mancipijs nō maiorem sæpe dolorem capit ex parua aliqua honoris vel famę nota, aut ex pecunię & interdum non admodum magnę iactura, quā ex amissa Spiritus sancti gratia?

Quę hæcenus exposuimus, ea planum faciūt, hominem in puris naturalibus constitutum, si quem talem Deus Opt. Max. condidisset, quę naturę vires non excedunt, & nōsse, & velle, & vtcunque quoque perficere potuisset: proximum est, vt, qualem ille condiderit, paucis nunc explicemus.

Deum Opt. Max. primum generis nostri parentem, non condidisse iustitia vacuum, aut exarmatum, aut obliquum: sed rectum, iustitiaque & sanctitate egregiē instructum atque ornatum.

TRACTATUS SECVNDVS.



Deus homi-
nem cōdidit,
non qualem
potuit, sed
qualem, vt
conderet, de-
cuit.

Erūm enimuerò licet præpotens Deus hominem viribus infirmū, ingenio tardum, voluntate ad fluxa fortunę bona, carnisq; commoda plūs satis incuruatum, alijsq; vitę huius miserijs, & ægritudinibus obstrictum condere potuerit: pro sua tamen sapientia, immensaq;ue in genus nostrum clementia, talem non condidit: sed qualem eum condi decebat, cuius vnus causa vniuersam hanc mundi machinam præcipuē molitus erat.

Fuit

Fuit itaque primus ille generis nostri parens ac princeps excellenti specie & pulchritudine : fuit sensibus maximè vigentibus & acutis : fuit viribus præstantibus & planè eximijs : fuit, vt verbo absoluam, eiusmodi, qui toto corporis habitu quandam veræ immortalitatis speciem præ se ferret. Imò vero, qui, nisi peccatum obstar, re ipsa immortalis esset. Certum est enim (quicquid tandem de altera duntaxat morte, aut mortis parte concionantur, qui cum Pelagio faciunt) diuinam illam comminationem, Quocunque die comederis ex eo, morte moriemini, non priorem tantum primæ mortis partem, vbi anima priuatur Deo ; nec tantum posteriorem, vbi corpus priuatur anima ; nec solum ipsam totam primam, vbi anima, & à Deo, & à corpore separata punitur : sed quicquid mortis est, vsque ad nouissimam, quæ secunda dicitur, & qua nulla est posterior, integrè complexam esse.

Vnde id colligis? Ex Apostolo, ex Mileuitana Synodo, ex Augustino, ex perpetua & constanti Ecclesiæ traditione. Paulus : Per vnum hominē peccatum (quod vtrique animæ mors est) intrauit in hunc mundum, & per peccatum mors. Synodus Mileuitana : Quicumque dixerit Adam primum hominem mortalem factum, ita vt, siue peccaret, siue non peccaret, moreretur in corpore, hoc est, de corpore exiret, nō peccati merito, sed naturæ necessitate, anathema sit. Augustinus : Cū quæritur, quam mortem Deus primis hominibus fuerit comminatus, si mandatum ab eo acceptum transgrediretur : vtrum animæ, an corporis, an totius hominis, an illam, quæ secunda dicitur, respondendum est omnes. Prima enim constat ex duabus, vna animæ, altera corporis, secunda ex omnibus. Hæc illi de primi hominis immortalitate ante lapsum, & vtriusque mortis merito post lapsum ; quorum sententiæ astipulatur vniuersus orthodoxorum cœtus.

At non erat prima illa primorum hominum immortalitas omnibus numeris consummata, aut secundum vsum quoque sempiterna. Neque enim homo in illo felicitatis gradu,

Præstanti primi hominis forma, ingentesque corporis illius opes.

Genes. 3.

Aug. lib. 13. c. 12. de ciuit. Adam dum legem præuaricatur, vtriusque mortem incurrisse.

Ad Rom. 5.

„

„

Can. 1.

Vtriusque mortis causa peccatum.

De ciuit. lib. 13. c. 12.

Mors prima duas, mors secunda omnes complectitur.

Prima immortalitas inchoata verius, quam consummata.

Adx posteri-
tas non tora
simul ad fu-
peros fuisset
translata.

Prima im-
mortalitas
potentia erat
sempiterna.

Prima im-
mortalitas
non erat ab-
solutè trans-
naturalis.

Prima im-
mortalitas
non erat ab-
solutè natu-
ralis.

aut immortalitatis statu, in quo conditus fuerat, perpetuò hē-
sisset. Sed inde ad gloriæ, perfectæque immortalitatis statum
porrò transiisset. Siue id futurum erat sub seculi finem, electo-
rum numero iam expleto, vt opinantur nonnulli: siue post
exactum certum annorum spatium, vt nobis sit verisimilius.
Nam aliàs quò quisque ætate, vel tempore extitisset prior, eò
merito quoque & sanctitate euassisset opulētior: quippe cū
ordinaria Dei lege idem moriendi & merendi soleat esse ter-
minus: Isti autem omnes, vt hīc ponimus, iustitia & gratia fu-
issent ornati, atque ideo faciendis meritorum stipendijs ido-
nei: Quare prioribus seculis orti, innumeris partibus cū in
merito, tum in præmio quoque eos excelluissent, qui posteri-
oribus annis in lucem prodiiissent. Erat tamen immortalitas
illa potentia, & habitu æterna; poterat enim homo, si non
peccāisset, semper viuere: Imò verò nisi peccaret, aut animi
statum secundū peccati actum mutaret, non poterat mori,
alioqui enim Deus, id quod ab illius clementia, & consuetu-
dine alienum est omnino, prius extitisset vltor, quàm homo
peccator.

Nec erat rursū ea immortalitas absolutè transnatura-
lis: Deposcebat enim locum innoxium, & commodum: au-
ram puram, & ab omni infectione immunem: humanam in-
dustriam & cautionem: alimenta certa mensura, statisque di-
ebus, vel temporibus percepta, quæ humidum radicale, quod
continua insiti caloris actione exhauritur, & necessariò ex-
hauritur, (aliàs enim humanum corpus in immensum exerce-
sceret) subinde instaurarent, natiuique caloris vim fouerent,
suoque in vigore & robore perpetuò conseruarent: & alia id
genus nonnulla, quæ omnia constat esse naturalia. Nec erat
ea denique simpliciter naturalis: nam vt integrā vsque consi-
steret, exigebatur quædam amica, ac familiaris humanæ men-
tis cum diuina voluntate coniunctio: tum originalis quoque
iustitiæ prærogatiua: tum peculiaris rursū cœlestis numi-
nis prouidentia, Angelorumque custodia non qualiscunque,
sed

eiufmodi, quæ omne illud, quod aut corpori detrimento, aut homini interitum afferre posset, perpetuò arceret, propulſaret: tum alia tandem eius generis nonnulla: quæ omnia habentur gratuita, & ſupernaturalia.

Potuit tamen immortalitas illa merè naturalis eſſe. In *Potuit prima immortalitas merè naturalis eſſe.*

perito, eſt enim, quò corporis conſtitutio extiterit melior, locus continens, & aura ambiens ſalubrior ac gratior, cibus, qui ſumitur, efficacior & purior, hominiſque cautio ac prudentia eiufdem maior, eò vitam diuturniorem eſſe *Diuturnæ vitæ cauſæ variae.*

ſolere. Si ergo Adam paradifo iam pulſus, originaliſque iuſtitia, ac cæteris gratiæ præſidijs deſtitutus, vitam producere va-
luit ad mille annos: ſanè in paradifo, vbi omnia hæc naturæ
commoda abundè ſuppeteabant, ad duo aut tria annorum
millia vitam producere potuiſſet: at productiore vita, pri-
uſquàm ad cœleſtem beatitudinem trãſſerretur, opus fortaf-
ſis non erat. Imò verò, ſi cum grauibus quibuſdam Theologis
ſtatuamus, vitalis ligni fructû ſua vi id integrè ſemper inſtau-
rare potuiſſe, quod genuini caloris actione, vel eiufdem quoq;
ἐν τῷ αὐτῷ quouis modo deperdebatur, nec non illius eiufdem
vitalis ligni virtutem & energiam fuiſſe perpetuam, ac natura-
lem, (id quod inde colligi vtcunq; poſſe videtur, quòd admiſ-
ſo iam peccato, ſuam adhuc vim retineret, ſcriptum eſt enim: *Genef. 3*
Nunc ergo ne fortè mittat manum ſuam, & ſumat de ligno vi-
tæ, & comedat, & viuat in æternû) naturaliter in omne æuum
vivere potuiſſet. Veruntamen poſitam mortis lege poſt man-
datum violatum, ſicut reipſa poſitum nouimus, non poterat
Adam, in quamcunque demum partem ſe verteret, certa tan-
dem mortis præda non fieri.

Interroganti proinde mortalis ne Adam ante peccatum
extiterit, an immortalis? Cum Auguſtino, Damasceno,
alijsque diuinorum oraculorum interpretibus reſpondere
licer, vtrunque fuiſſe: immortalem quidem gratia, morta-
lem verò natura. Sortiebatur enim corpus ex elementis con-
cretum, & animale: eiufmodi tamen, quod & animæ ſequax, &
inter-

Adam ante peccatum vtrunque erat, mortalis nimirum, & immortalis.

Greg. lib. 4. c.
25. Moral.

Corpus emu-
latur statum
animæ.

internum eiusdem animæ statum ad viuum exprimere natum esset. Quare cum liberum hominis arbitrium (quod in animæ regno principem locum obtinet) ita vigeat, ut peccare posset, & non peccare, stare rursus & cadere, (qua sanè virtute in statu naturæ integræ polluisse constat) homo tum mori potuit, & potuit rursus non mori. Cum autem idem illud arbitrium diuina gratia firmatum, nulla amplius peccati labe poterit contaminari, (ut in cœlesti paradiso) homo iam tum quoque non amplius poterit mori. Nunc autem, quia non potest non aliquo plerunque peccato affinis fieri, fit, ut in hoc rerum statu homo non possit non mori.

Cæterum sint ne prima & secunda immortalitas eiusdem rationis, an verò diuersæ, id multis hoc loco disputare non attinet. Solùm dixerim, ut non alia est anima, quæ sensum, animalemque vitam corpori impertitur, (Cuiusmodi vitæ ratio in hac iam peregrinatione obtinet, & ante hominis lapsum obtinebat in paradiso) & alia rursus, quæ cœlestem planèque spiritali vitam de se fundit, sed eadem ad numerum, (licet alio interim & alio modo sit affecta) ita terrestris ac cœlestis paradisi immortalitatem diuersi quidem status, diuersæque perfectionis esse, non tamen diuersæ potentia, sed vnius & eiusdem.

Terrestris & cœlestis paradisi immortalitas eiusdem sunt potentia, non eiusdem quoque status, aut perfectionis. Primæ immortalitatis gemina extitit causa: interna, externa altera.

Quæ hæcenus exposuimus, planum faciunt, primæ illius immortalitatis causam geminam extitisse: vnā internam, externam alteram. Interna complectebatur iustitiam originalem, & cætera omnia, quæ vel ex illa, vel ex quibus illa dependebat. Externa verò vitalis ligni escam, & reliquarum fructuum paradisiacorum annonam: peculiarem quoque Angelorum curam, & Dei prouidentiam. Hæc enim occulta quadam vi efficiebat, effecissetque semper, si per opus spiritali vitæ contrarium, moriendi potentia, quæ suapte natura inerat, in actum reducta non fuisset: ne aut ignis in fontem adureret, aut aqua vel terra præfocaret, aut pestifer aër inficeret, aut bestia, vel alia quæuis res creata lethaliter offenderet, aut vim

vin aliquam mortiferam adferret. Isthec autem cura & prouidentia ita erat gratuita, vt tamen non propriè esset prodigiosa. Erat enim ordinaria, & statui illi primo suo quodam modo iure debita. Et vt primus homo immortalis, ita & impatibilis quoque erat.

Erat autem impatibilis, non quòd ferrum, aut aliud quodcunque telum, si quo ea su in eum incidisset, ipsum vulnerare non posset, aut potuisset : potuisset enim, vt qui non secus atque nos illius posteri molli scitilique carne vestitus esset. Nec ea rursus de causa, quòd prorsus ἀπαθής esset. Habuisset enim & ille quoq; sua πάθη suaque παθήματα, licet nulla omnino molesta, aut rationi dissentanea, aut ex illato, vel oblato, vel intentato, vel formidato malo, vel incommodo orta, vt sunt metus, fuga, odium, dolor, ægritudo, desperatio, affligens desiderium, &c. sed ea tantum, quæ ex bono iam oblato, vel pro tempore iam expectato naturaliter oriuntur. Neque ob id tandem, quòd communium ac naturalium affectionum omnino expers esset. Sentiebat enim, & intelligebat, ciboq; & potu, & somno quoque, quanuis quidam id negent, perinde ac cetera animantia indigebat : sed quòd Deo Opt. Max. per se, aut per ministros suos Angelos noxia quæque arcente, ac propulsante, nihil vnquam in eum cecidisset, quod vllum ipsi dolorem, aut ægritudinem, aut animi perturbacionem, aut infirmitatem adducere posset. Hic igitur corporis primi parentis status fuit, hæ eiusdem prerogatiuæ, hæ ornamenta.

Primus homo ante admisionem peccati impatibilis perinde ac immortalis.

Alexander. Gregorius.

Primi hominis impatibilis exterioris prædijis maiorem in partem acciebat.

Adamo in ortu suo amplius rerum naturalium scientiam obtinisse.

Iam verò animus illius quantis virtutum, coelestiumq; donorum ornamentis floreret, quantisq; scientiæ ac sapientiæ prædijis abundaret, vel illud vnum, vt cætera, quæ, & plurima, & maxima fuisse constat, mittantur, euidenti nobis argumento esse potest, quòd vbi primum vitalem lucem hausit, cunctis statim animantibus vi quadam occulta ad se adductis, nomina, quæ in illorum naturas quàm maximè quadrarent, imponeret. Vnde nomina, quæ is tum non absque diuina qua-

Chryf. homil.
17. in Genef.

dam ſapientia impoſuerat, ea in perpetuum collatæ ſcientiæ & ſapientiæ monumentum, in hodiernum uſque diem ſtationem ſuam retinent.

Chryf. homil.
14. in Genef.

Animantia
ad Adamum
adducta, ſuis
que nominibus
ab eodem
inſignita, &
ſcientiâ, qua
pollebat, &
dominium
rurſus, quod
in illa obtinebat,
nobis
adumbrabât.

Sunt qui dominatum, quem in vniuerſa obtinebat, ea animantium applicatione & nomenclatione designatum exiſtimant. Quandoquidem ut mancipiorum eſt ad dominorum imperium præſtò adeſſe, promptæque eorundem iuſſa capeſſere: ita dominorum viciffim eſt, quæ viſum fuerit nomina, ſuis vernaculis imponere, quæque placitum fuerit eiſdem imperare. At vtrunque hîc uſu veniſſe nouimus. Nam & leones, & pardi, & tigrides, & vipera, & ſcorpiones, & alia his truculentiora, non ſecus ac domeſtica mancipia cum omni ſubiectione & manſuetudine accedunt, ſuaque præſentia ad omnem uſum ac miniſterium vltroneâ operam offerunt. Adam autem tanquam potens quiſpiam paterfamilias ſingulis ſua nomina indidit, ſingulisque quod lubuit, operis impoſuit. At non ita multum refert, hoc ne, vel illo, vel vtroque, vel alio etiâ modo exponas, dum modò tamen verè, Scripturæque conſentaneè exponas. Nobis ſat ſit Adamum inſigni rerum naturalium ſcientia præditum fuiſſe.

Adamum nō
ſolum phyſica,
& meta-
phyſica, ſed
politica quoque
& æconomica,
& monaſtica
ſcientia inſigniter
ornatum fuiſſe.

Huic porrò ſcientiæ phyſicæ, qua illuſtri planè generis noſtri princeps pollebat, iure meritoque alteram quandam adiungimus, nempe eam, qua inter turpe & honeſtum ſecernere, ſeſeque ac cæteros, qui ad ſe attinebant, ad ciuilem politicamque viuendi rationem inſtituere poſſet. Nam ut ſtirpem ex ſe procreare nequibat, niſi in ipſo ſtatim ortu perfectò corporis robore præſtaret, ita ſobolem quoque ex ſe propagatam honeſtè, ciuilitèque imbuere ac gubernare non valebat, niſi peſtus politica & æconomica prudentiâ egregiè delibutum haberet. Aderat illi & altera rurſum, qua ſuam originem, ſuumque finem, hoc eſt, à quo, & ad quid conditus eſſet, & alia præterea, quæ naturali lumine cognoscere non poterat, & cognita tamen, perſpectaque habere debebat, cognosceret. Nec enim minùs opus erat ipſi lumine, quo ſe ſuosque

in

in rebus spiritualibus, & fidei myſterijs erudiret, quàm quod
& alios in negotijs politicis, & œconomicis regeret. Ad-
erat illi tandem virtutum ſupellex tanta, quantam ampla illa
naturalium ſupernaturaliumque rerum cognitio meritò de-
oſcebat: quippe cùm nihil non in nobili illo ſigmento ex-
uatum, & ad ſummam quandam harmoniam, & proportio-
em redactum eſſet.

Veruntamen! vt in Adamo non omnes virtutes, nec
omnia rurſum Spiritus ſancti dona extabant ſimpliciter,
ſed ea vel ſolum, vel potiſſimùm, quæ in felicem illum na-
turæ ſtatum quadrabant, vel ad illum ipſum probè tuen-
um, & exornandum neceſſaria cenſebantur: ita quoque non
omnia fidei myſteria abſolutè comperta habebat, ſed ex
his, quemadmodum & ex Phyſicis, & Metaphyſicis, &
Mathematicis, cæterisque, quæ in Philoſophorum Scho-
lis tradi ſolent, tantum cœleſti numine infundente hauſe-
rat, quantum pro ſtatu illius conditione ſat erat. Nulla
nim! ratio credere nos compellit, aut ſtellarum nume-
rum, aut ſingularum vim, ac proprietates, aut quicquid
emmarum, aut lapidum, aut aliarum rerum in terræ vi-
ceribus, aut pelagi fundo abditum latitat, hoc totum illum,
perſpicere, tenuiſſe. Harum enim ac ſimilium rerum ſcientia
ad eius inſtitutum, vel ad illius ætatis ſtatum non erat neceſ-
ſaria.

De Angelis, quibus homines interdum comparantur,
ſua eſt ratio: ſiquidem Angelo infuſa rerum naturalium co-
gnitio iure debetur, vt qui corpore, ac ſenſu proinde corpo-
re deſtitutus, phantaſmata colligere, & inde ſcientiã emen-
ſcare non queat. Homini autem, cui interna & externa
comparandarum ſcientiarum præſidia ſuppent multa,
illa diuinitus inſita rerum naturâ conſtantium ſcientia de-
betur. Obſiguit tamen illa primo homini, & alijs præterea non
illis ex peculiari Dei munere. Et quoniam per gratiam acce-
rat, & non tanquam iure naturali ſibi debitam; accidit vt

Primū homi-
nem cū fide
infuſa, tum
alijs quoque
cœleſtibus
virtutibus, ac
donis egre-
giè fuiſſe in-
ſtructum.

Adam non
omnia ſcie-
bat, ſed ea, vel
ſolum, vel
potiſſimùm,
quæ in felice
illum ſtatu
conueniebāt.

Angelis ſci-
entia infuſa
iure debetur,
homini ne-
quaquam.

non omnem acciperet simpliciter, sed quantam oportebat, ut & ipse secundum se perfectus esset, & munus suum, quo ad alios cum dignitate obire posset.

De his primi hominis prærogatiuis, singularique eiusdem excellentia, quamcunque tandem illius partem spectare lubuerit, Damascenus alicubi hunc in modum scribit: Deus condidit hominem primum omnis prauitatis exortē, rectum, virtutibus ornatum; ægritudinibus, ac tristibus curis vacuum; bonis omnibus cumulatam, tanquam alterum quendam mundum paruum, in mundo hoc magno: alterum Angelum adoratorem ex utroque concretum, aspectabilis creaturæ inspectorem, inaspectabilis verò mystam: terræ, & eorum, quæ in terris degunt, regem, superiorum potestatum subditum. Eundem terrenum simul ac coelestē, mortale & immortalem, spectabilem & intelligibilem, spiritum & carnem: spiritum, quo tantorum bonorum authorem glorificet: carnem, ne se efflerat, ac vtiliter pati queat. Hæc ille & alia in eandem sententiam permulta. His concinunt isthæc Augustiniana quoque:

Lib. 2. c. 12. de
orth. fide.

Succincta
primæ ho-
minis descri-
ptio ex Da-
mascono.

Lib. 14. c. 26.
de ciuit.

Primæ felicitatis deli-
neatio ex Au-
gustino.

Viuebat homo in paradiso, ait ille, sicut volebat, quàm diu volebat, quòd Deus iusserat: fruens Deo, ex quo bono erat bonus. Viuebat sine vlla egestate, ita semper viuere in potestate habens. Cibis aderat, ne esuriret: potus, ne sitiret: lignum vitæ, ne illum senectus dissolueret. Nihil corruptionis in corpore, vel ex corpore vllas molestias vllis illius sensibus ingerebat. Nullus intrinsecus morbus, nullus ictus metuebatur extrinsecus: humana in carne sanitas, in anima tota tranquillitas. Sicut in paradiso nullus æstus, aut frigus, sic in eius inhabitatore nulla ex cupiditate aut timore accedebat bonæ voluntatis offensio: nihil omnino triste, nihil erat inaniter lætum: gaudium verum perpetuabatur ex Deo, in quem flagrabat charitas ex corde puro, & conscientia bona, & fide non ficta. Atque inter se coniugum fida ex honesto amore societas, cōcors mentis corporisq; vigilia, & mādati sine labe custodia. Non lassitudo defatigabat ociosum, non somnus

1. Timoth. 1.

remebat inuitum. Hactenus Augustinus. quæ omnia admirabilem primorum hominum felicitatem, & opulentiam, animorumque & corporum eorundem sanitatem, ac venustatem extitisse clarè ac disertè testantur.

Verumenimverò inter omnia, quibus primi stirpis nostræ parentes affluebant maximè, maxima dignum erat admiratione, omnes vtriusque corporis & animæ vires, ea harmonia inter se fuisse aptas, ea concordia & pace inter se consociatas, vt nullum vnquam intestinum experirentur bellum, nullum intra se fouerent dissidium, nunquam contrarijs votis secum ipsi pugnarent, in nullum vsquam, quod illos offenderet, aut ab officio dimoueret, incurrerent. Corpus omnesq; eiusdem partes penè ad nutum obsequebatur animo: animus quantus erat, totus ex rationis iudicio, volūtatisque pēdebat imperio, voluntas tandem & ratio toti Deo affixæ hærebant.

Hanc tam illustrem partium omnium inter se concordiam, hanc tam eximiam vtriusque partis venustatem, hanc, vt verbo absoluiam, tam insignem cœlestium bonorum supellectilem, quæ generis nostri fonti in ipso exortu obtigerat, Scholæ Patres originalis iustitiæ nomine designant. Iustitiæ quidem, quod eam, de qua modò diximus, inter corpus & animam, inter carnem & spiritum, inter Deū & hominem, inter hominem tandem & reliquas res creatas pacem ac concordiam constitueret: Originalis verò, non quod ex naturæ principijs, vt accidentia, quæ propria appellantur, emanaret: multò verò minùs, quod naturæ à Deo institutæ forma, aut quæuis essentialis illius pars existeret: sed quod vnà cum homine coëxistisset, quodque vnà cum natura tanquam verum illius accedens, si Adam non peccasset, in totâ illius posteritatem transfunditur erat. Aut certè quod vnà cum ipsa anima homini infusum fuisset. Nam vt humani corporis forma, ex potentia materiæ nō educitur, atque ita vnà cum semine, aut natura propriè non transfunditur, sed à Deo procreatur, procreataque corpori infunditur: ita nullum cœleste, ac supernaturale do-

Suma in primo tranquilitas, & virilium inter se consensio.

Omnia gratuita, quæ Adamo in ortu suo obtigerat vno originalis iustitiæ nomine designantur.

Cum primi hominis prærogatiue orig. iustitiæ appellatione designentur, causæ diuersæ.

Nec anima humana, neque illa omnino cœlestis gratia educitur è potentia materiæ.

Thō. i. q. 100. 1

num vnà cum natura propagatur, vel transfunditur, sed omne eiusmodi ipsi homini, vel potiori eiusdem hominis parti, in ipso ortu, vel post ortum, diuinitus infunditur.

Designant eodem nomine & veteres Theologi quoque: At verò sacræ & diuinę literę imaginis, ac rectitudinis vocabulo familiarit̃us in hac materia vtuntur, quàm virtutis, vel iustitię voce. quanuis alibi & illa quoque vtantur. Legimus h̃ic enim: Creauit Deus de terra hominem, & secundũ imaginem suam fecit illum, & secundũ se vestiuit illum virtute, hoc est, iustitia & sanctitate. Verũ siue hoc, siue illo, siue alio quocunque nomine originis iustitiam appelles, aut definitione exponas, certum est donum extitisse planè cœlestē, & admirabile: cuius proinde dignitatem & amplitudinem, neque animo concipere, neque oratione satis pro dignitate exprimere valeamus.

Ecd. 7.
Genes. 1. 3.
1. Cor. 11. 15.

Ecd. 17.

Orig. iustitię
amplitudo
oratione ex-
primi non
potest.

Quæ sanctifi-
catis gratia ad
orig. iustitię
se habuerit,
non satis ex-
ploratum.

Ceterũ præclaro ne illi, & admirabili iustitię dono gratia gratũ faciens essentialiter fuerit inclusa, an vt basis quædã eidem substrata, an verò ornatus causa forinsecus tantũ illi affixa, id certò definitum necdũ vidi. Vnde vt in talibus fieri a- solet, alij primæuę iustitię vt fundamentum substernunt: alij vt veram & essentialē partem illi includunt. Volunt hi familiarem mentis cum Deo coniunctionem in hoc originalis iustitię edificio formæ, ceterarum verò partium rectum ordinem materię locũ expleuisse. Addunt eandem humanę mentis ac voluntatis cum diuina mente ac voluntate cõcordiam & pacem per Baptismum ritè susceptum in integrum restitui: Integram verò reliquarum partium sanitatem & ordinẽ non item. Alij denique ab ea omnino diuelli posse contendunt. Aiunt enim Euam post diuinam gratiam & amicitiam amissam originalis iustitię vim & energiam in se adhuc retinuisse. Idem de ipso quoque Adamo asserunt. Nam & hic quoque prius de interdicto ligno voluit comedere, quàm actu comedit, atque ideo prius mortifero scelere se obstrinxit, quàm interdictam escam attigit, & tamen non prius nuditatem suam

ani-

animaduertit, quàm manducationis piaculum expleuit.

Sed hæc opinio cæteris minùs probatur. Nam communi Theologorum sententia, homo per originis iustitiam, & vndiquaque reclusus erat, & Deo per omnia subiectus erat: per quoduis autem mortiferum peccatū, & à Deo prorsus auertitur, & quantus est, totus ad caduca, & fluxa incuruatur. Si ergo Adam & Eua priùs è gratia exciderant, quàm lethalem escam manducassent, vt re vera exciderant, nō poterant profectò originalis iustitiæ iacturam ante id tempus non fecisse. Præterea si venialis natus cum originali iustitia cōsistere nequibat, vt multi graues Theologi defendunt, multò sanè minùs lethiferum crimen cum ea existere quiuisset. Deniq; sententia hæc, & paucorum est, & nulla graui ratione, aut auctoritate nixa est. Neque enim necessariū fuit, vt corporum probra statim se proderent: vel vt illi in tanta mentis perturbatione constituti, statim illa animaduertent: vel vt idem quoque animaduersionis, & narrationis ordo existeret.

Orig. iustitia
cū lethifero
crimine con-
sistere nequi-
bat.

Tandem siue gratia gratum faciens ad originis iustitiam se haberet vt pars, siue vt proprietas, siue etiam vt commune accidens, certum est Adamum priùs gratiæ gratificantis beneficio fuisse potitum, quàm legem infringeret. Siue eam ille gratiā vnā cum natura & originis iustitia acceperit, quod nobis sit verisimile: siue post naturam & originis iustitiam acceptam eo munere donatus fuerit, ita vt natura perinde antecesserit gratiam, atque gratia antecedere solet gloriam, vt existimant nonnulli. Neque enim fas est arbitrari, omnia tunc in illo primo ortu perfectiones proprię cuiusque naturæ consentaneas habuisse, solum hominem aliarum rerum principem perfectione sua caruisse. Caruit autem, si diuinæ gratiæ exorsuit: ex hac enim manat omnis omnino vera iustitia, & absoluta perfectio. Sed Synodi Tridentinæ ea de re pronunciatum audire lubet.

Augustin. lib.
de cor.
Bern. ser. 29.
Cyril. lib. 1. c.
15. in Ioan. l. 3.
cap. 3. in
eundem.

Adamus or-
natus gratia
primā lucem
hauit.

Si quis, inquit illa, non confitetur, primū hominē Adamū, cū mandatum Dei in paradiso fuisset transgressus, statim iustitiam

Sess. 5. can. 2.

Nulla vera
sanctimonia,
aut iustitia
absq; gratia.

stitiam & sanctitatem, in qua constitutus fuerat, non amisisse, anathema sit. At citra gratiā nullavera sanctimonia, nulla perfecta constare potest iustitia. Valeant ergo, qui nullam, neque Angelo, neque homini ante lapsum gratiam obtigisse con- cionantur: nos autem ad originalis iustitię vim & energiam, innocentisq; Adę posteritatem stilum iam vertamus.

In statu naturę integrę, cū generis nostri principem Adamum, sum ceteros quoque, qui felici illo seculo ex illo nascerentur, multa pręclara, & velle, & perficere quoque per solam origi- nis iustitiam seclusa gratia potuisse.

TRACTATUS TERTIVS.



Thō. 12. q. 109.
& quodlib. 1.
q. 4.

Bernar. ser. 1.
de annun.

Adamus po-
tuit omnia De
calogi præce-
pta persequi
citra ullam
molestiam
obscuare.

Thom. 2. d.
24. & 3. c. 119.
contra gent.

Bona. 2. d. 21.

Hila. ad Psal-
mum 118.
Aug. de bon.
peric. cap. 13.

Orrò autem beato illo, ac planè fortunato rerum statu Adamus quęcunque vel mente versabat, vel opere moliebatur, vel alia quacunque ratione instituebat, in Deum, vt in primum rerum omnium naturā constan- tium principium, ac in vltimum earundem finem referre poterat. Poterat ipsum eun- dem vt totius vniuersi caput ac columen, & supra seipsum, & supra cętera omnia diligere. Et quia nulla corporis mole pre- mebatur, nullo carnis languore pręgrauabatur, nulla intesti- na lucta exercebatur, nulla tandem externarum rerum cura præpediebatur, poterat mentem, quoties lubebat, in illum erigere. Poterat reliqua omnia Decalogi præcepta citra mo- lestiam explere.

Poterat omnes omnino tentationes quātumlibet molestas, ac graues superare: & per consequens omnia peccata, non solū mortifera, verū ea etiam, quę venialia appellantur, declinare. Imò verò dum vitę statum, quem acceperat, inte- grum tueretur, veniali noxa constringi non poterat, ne ea quidem, quę generi suo eiusmodi est. Atque hoc multum præ- stabat ille non solū hominibus sceleratis & impijs, verū illustr

illuſtri quoque iuſtitia & ſanctitate ornatis. Nam etſi iſtiuſce-
modi iocoſa mendacia, verba ocioſa, & cætera, quæ neque ex
carnis infirmitate, neque ex prauit actus inchoatione: ſed ex
ſe venialia ſunt, & venialia dicuntur, euitare poſſunt, omnia
tamē & ſingula abſolutē, & ſemper, abſque peculiari Dei pri-
uilegio ſubterfugere non queunt: **Qu**anuis ob id nō omnes
ſtatim Adamo, aut ſanctitate, aut perfectione inferiores cen-
ſendi ſint.

Poterat idem ille acceptam iuſtitiam conſeruare, poterat
eandem quoque amittere. Nam etſi perſeuerantię donum, vt
magno noſtro incommodo euentus declarauit, non accepe-
rat, acceperat tamen perſeuerandi virtutem, hoc eſt, id, quo
perſeuerare poſſet, ſi vellet. Acceperat poſſe, inquit Auguſti-
nus, ſi vellet, ſed non habuit poſſe, quo vellet: nam ſi habuiſſet,
perſeuerāſſet. & alio rurfum loco idem: Sic factus eſt homo
rectus, vt & manere in ea rectitudine poſſet, nō ſine diuino ad-
iutorio: & ſuo fieri peruerſus arbitrio. Vtrumlibet horū ele-
giſſet, Dei voluntas fieret, vel ab illo, vel de illo. Et quia ſuam
maluit facere, quā Dei, de illo facta eſt voluntas Dei.

Poterat bona velle, & quę voluiſſet perficere, tamenſi per
ſolam originis iuſtitiam non omnia promiſcuē, ſed ea ſolū,
quæ naturæ viribus paria eſſent. Nam his abſolutē maiora, ea
abſque gratia, nec efficaciter velle, nec perficere quoque va-
lebat. At faciliūſ is tum ardua & homine digna, & velle, &
perficere quoque poterat, quā nos illius poſteri modō.
Quandoquidē cū integra ille ſanitate potiretur, dono tan-
tū naturam ſubleuante egebat: At nobis infirmis, planēq;
proſtratis, vtroque opus eſt, & ſubleuante, & ſanante. **Q**uanuis
interim rei pſa nō aliud ſit, quod ſubleuat, aliud quod vtcunq;
ſanat. Nam integra ſanitas in hac mortali vita nulli obtingit.
Sicut non aliud quoque eſt, quod iuſtificat, aliud, quod pec-
cata expiat, aliud, quod nos Deo reconciliat, ſed idem ad nu-
merum.

Poterat tandem, quęcunq; volebat. Nam quæ abſolutē

D non

Greg. Homil.
17. in. Euā. &
18. Mor. c. 4.
Beda ad c. 1.
ad Rom.
Bernard. de
trip. miſ.
Aug. lib. 11. c.
12. de ciuir.

Adamo colla-
tum eſt quo
perſeuerare
poſſet, ſi vel-
let, nō ipſum
quoque perſe-
uerantię
donum.

Inench c. 107

Aug. lib. 14. c.
15. de ciuit.
Tho. 12. q. 109

Adam per ſo-
lam originis
iuſtitiam nō
perceat omnia
at poterat ta-
men plura &
maiora, quā
nos illius po-
ſteri modō.

Idem Spi-
rituſ ſancti do-
num ſubleuat
& ſanar, iuſti-
ficat, & pec-
cata expiat.

Lib. 14. c. 15.
de ciuit

Primus ho-
mo poterat,
quæcunque
volebat.

Homo multa
vult, quæ non
potest.

Vis primi ho-
minis orieba-
tur ex plena
eiusdē sani-
tate, hæc autē
ex orig. iust.
& peculiari
Dei provi-
dentia.

Aug. lib. 14.
c. 16. de ciui.
Bern. ser. 1. de
annun.

Scorus.
Argeoti.
Marfil.

Orig. iustitia
erat gratia
gratis data.

non poterat, ea nec volebat quoque. Quæ, inquit Augustinus, alia est hominis miseria, nisi aduersus eum ipsum ipsius inobedientia, ut quoniam noluit, quod potuit, quod non potest, velit? In paradiso enim etsi non omnia poterat ante peccatum, quicquid tamen non poterat, non volebat. Nunc autem, sicut in eius stirpe cognoscimus, & diuina Scriptura testatur, homo vanitati similis factus est. Quis enim enumeret, quàm multa, quæ non potest, velit? dum sibi ipsi, id est, voluntati eius, ipse animus eius, còque inferior caro eius, non obtemperat? Ipso nanque inuito, & animus plerunque turbatur, & caro dolet, & veterascit, & moritur, & quicquid aliud patimur, quod non pateremur inuiti, si natura nostra voluntati nostræ omnino atque ex omnibus partibus obediret.

At unde, inquis, hæc tanta vno in homine vis? hæc tanta ad quiduis arduum expugnandum facilitas? Non aliunde sanè, quàm ex integra omnium virium sanitate, debitoque ac recto earundem inter se ordine. Hæc autem tanta virium omnium integritas, hæc earundem inter se harmonia, hæc tanta totius hominis sanitas ex originali quidem iustitia fluebat, tãquam ex causa interna, & propria: ex peculiari verò Dei Opt. Max. prouidentia, & synergia, tanquam à principio quodam còmuni & externo. Etenim iustitia illa occulta quadam vi numinis vegetata, præter alia multa, quorum supra meminimus, efficiebat ut homo ille nullum in se experiretur virium languorem, nullam carnis rebellionem, nullam mentis caliginem, nullam ex consequenti, aut ad benè operandum difficultatem, aut ad malè agendum pronitatē, nihil denique corū omnium, quæ iustos in spiritali vitæ huius stadio decurrentes, & vexant plurimum, & remorantur subinde non parum.

Non erat, ut hîc ponimus, originalis iustitia secundum se gratia gratum faciens, nec eam, ut multis placet, necessariò quoque includebat; sed quædam tantum gratia gratis data, ut linguarum, aut sanitatis, aut prophetiæ donum. Attamen quòd non secus atque gratia illustris quædam naturæ perfectio esset, cius

eius præsidio multa perficiebantur, & perfici poterant, quæ in hoc deprauato naturæ statu citra peculiarem numinis opem perfici nequaquam possunt: Et quædam præterea per illam obtinebantur, quæ per ordinarium gratiæ præsidium obtineri non solent. Constat enim iustificantem gratiam humanam voluntatem Deo ita coniungere, ut tamen carnis infirmitatem, inferiorumque virium rebellionem non tollat. Hoc tamen originalis iustitiæ præstat gratia, quod una hæc, & hominis opus, & ipsum quoque hominem Deo efficiat simpliciter charum, capeßendæque, vel promerendæ gloriæ absolutè idoneum: neutrum autem horum per se, hoc est, seclusa gratia, poterat originis iustitia.

Gratia & orig. iustitia se inuicē excedūt, & à se inuicē vicissim exceduntur.

Rom. 7.

Sed neque prima ortus nostri stirps sola, hæc tanta, & tam illustria possidebat, & valebat: possedissetque, & valuisset semper, si, ut poterat, & par erat, in vocatione, & ordine suo solidè constitisset: sed ceteri quoque omnes, quicunque communi generationis lege originem ex eo tracturi erant. Quandoquidem præclarum illud primæque iustitiæ donum non ipsi soli collatum fuerat, sed in illa, & per illam toti naturæ humanæ, olim ab illa, & per illam propagandæ: Quam ob rem, quotquot visitato naturæ cursu à primo illo parente descendissent, omnes, ut cæteras naturæ proprietates, & affectiones, ita & originis quoque iustitiam unā cum natura ex eo hausissent. Semper enim accidentia, quæ naturam consequuntur, nisi vel error, vel vitium aliquod in ipsa naturæ operatione contigerit, unā cum ipsa natura transfunduntur, vel infunduntur.

Quæcumque Adamo collata fuerit tanquam naturæ principio, ea omnia unā cum natura transissent in illius posteritatem. Aug. de cor. & gra. c. 10. & in ench. c. 107. Ansel. de cō. virg. cap. 20. Thō. 1. q. 100. Dur. 2. d. 20. Aug. 3. de gē. Thō. 2. d. 20.

Porro autem quæ de ipsa originali iustitia, eiusdemque iustitiæ transfusione, aut infusione hoc loco dicuntur, ea omnia & de illis quoque dicta accipiuntur, quæ necessariam cum eiusmodi iustitia connexionem habebant. At verò quæ Adamo obtigerant non iam ut primæ humani generis radicis, sed ut personæ priuatæ, aut promiscuo humanæ naturæ indiuiduo, ea unā cum natura in prolem transmissa

Quæ Adamo obuenerant tanq̃ priuatæ personæ, ea per generationē in illius posteritate transmissa non fuissent.

non fuissent. Sicuti nec modò quoque singulorū accidentia per generationem transferuntur, nisi forsan pauca quædam materialia, (nec enim medicus medicū, aut philosophus generat philosophum) sed ea tantūm, quæ, secluso errore, naturam specificam sequi nata sunt.

Quauis ergo generis nostri princeps omnem, & animi, & corporis perfectionem vnà cum ipsa natura accepisset, (neq; enim postea factus est, aut maior, aut firmior, aut noua rerum cognitione multò quoque præstantior: creuit hic tamē nihil, non solum cognitionis modo, sed cognitorum quoque numero) semini tamen illius neutrius partis perfectio in ipso statim exortu obuenuisset: sed more aliarum rerum, quas natura fundit, per temporum interualla, & sensim. Nam illorum opinationem, qui humanum genus, si Adamus legem seruasset, non vi naturali, aut per sexuum permixtionem, sed per diuinam potentiam propagandum, ac multiplicandum existimant, vt minùs probabilem, imò verò vt diuinæ Scripturæ, rationisq; luci parum admodum consentaneam, cum diuo Augustino meritò reijcimus. Quandoquidem si Adamo non peccante, nullæ vnquam, vt isti putant, futuræ erant nuptiæ, si matres nullæ, si naturalis propagatio nulla, quorsum Adamo opus fuit adiutorio? quorsum utroque sexu? quorsum diuino propagationis præcepto?

At nihil, inquit illi, quod cum primæui status illius perfectione, aut integritate, aut honestate pugnet, vel alstruere, vel recipere fas est. Atqui trita illa, & vulgata generationis via, cum incorrupto illo, ac felici naturæ institutæ statu non parum multūm pugnare videtur, vt quæ suapte natura eiusmodi sit, vt latebras quærat, & virginitatis florem tollat, & mentis aciem obnubilet, & alia præterea non pauca incommoda secum trahat.

Nē in hoc deprauato rerum statu omnia isthæc sobolis propagationem vt plurimūm comitantur: at in altero illo, quem peccatum non fecerat, sed Deus instituerat, nihil horum

Aug. lib. 6. c. 13. in Genes. & lib. 1. c. 16. & 37. de peccata remitt.

Adamus procreasset ex se prolem viribus infirmā, ac scientia rudem.

Greg. Nyss. lib. de homine cap. 18.

Chrys. hom. 18. in Genes. Damasc. lib. 4. cap. 14.

Eurhym. ad psal. 130.

Aug. lib. 14. c. 22. de ciuit.

In statu innocentie natura humana ea via & medio propagata fuisset, quo propagatur modo.

Ratiões suadentes in statu innocentie nullam naturalem sobolis propagationem obtenturam fuisse. Aug. 14. c. 16. de ciuit.

Nulla in primo statu obtinuisset

orum omnium futurum erat. In tanta rerum facilitate, inquit Augustinus, & hominum felicitate, absit ut suspicemur non potuisse prolem fieri sine libidinis morbo. Ut enim ad pariendum non doloris gemitus, sed maturitatis impulsus oeminea viscera laxaret: sic ad foetandum, & concipiendum non libidinis appetitus, sed voluntarius usus naturam utranque coniungeret. Hec Augustinus.

Iam si omnis istic ab futura erat libido, ergo omnis quoque indecorus membrorum motus, omnisque immoderatus oblectationis sensus, & omne præterea aliud, quod vel ruboris causam adferre, vel rationi tenebras offundere potuisset. Neque ob id tamē illecebra illa, quam natura, vel ipse naturæ author huic naturæ operi adiunxit, defutura erat. Imò verò quò in primis illis hominibus omnes animæ, & corporis vires viuaciores, perfectioresque erant, cò singulæ ex proprijs obiectis intensiorem voluptatem hausissent. Gratius tum fuisset somnus, suavior cibus & potus, iucundior coniugalis thori usus, dulciora cætera denique omnia, quàm sunt hoc tempore, etiam in optima corporum constitutione. Isthec tamē omnia citra ullam, ut modò aiebam, vel rationis perturbationem, aut contemplationis iacturam. Obtinisset tunc ergo vera & solida oblectatio, sed non exundans, non effervescentes, non modum excedens, non turpis, aut rubore digna, ut modò, sed honesta, & moderata & ad rationis libellam ubique exacta.

Quod de virginitatis iactura porrò addebatur, nihil id nos mouere debet. Cõstat enim iacturam illam felici illi innocentie statui nihil quicquam incõmodi allaturum fuisse. Nam cum virginitas secundum se absolutè accepta, aliud nihil ob oculos nobis ponat, quàm generationis priuationem vel negationem, in quam communis natura propter speciei conseruationem propendet: quamque ipse naturæ author in primo illo statu præceperat, non est illa per se absolutè bona, aut in laude ponenda: sed tantum per accidens, quatenus nimi-

obscœnitas,
nulla libido,
nihil honestati
contrarium.
Lib. 14. c. 16.
de ciuit.

Primæus
status natu-
ralis oblecta-
tionis expe-
rit non fuisset.

In paradiso
maior sensu-
um omnium
voluptas ob-
tinuisset, &
modò.

Nulla in pa-
radiso oblec-
tatio quan-
tuncunque
intensa ob-
turbasset ra-
tionis iudici-
um.

Alex. 9. 94.
Dux. 2. d. 20.

Virginitas nõ
per se abso-
lutè, sed tan-
tùm per acci-
dens bona.

In paradiso
perpetuò cō-
tinere non
licuisset.

Thom. 2. d.
20. q. 1.

Opinatio
quorundam
de materiali
& formali
virginitatis
parte.

Habitalem
virginitatem
cū plis pro-
pagatione in
paradiso cō-
sistere potu-
isse opinan-
tur nonnulli.

Coniugalis
actus neutra
virginitatis
partem inte-
gram relin-
quit.
Formale vir-
ginitatis, cō-
tinendi pro-
positum: ma-
teriale, Vene-
reorum actus
est.
Lib. 4. c. 26.
de ciuit.

Primi paren-
tes in paradiso
generassent
secundum naturam
prescriptam.

rum spiritualis vitæ cursum promouet, aut aliud quodcunque bonum auctori suo conciliat. At in paradiso hoc propagandæ sobolis mysterium, neque politicæ, neque spiritali vitæ vllum omnino detrimentum attulisset. Quare perpetuò istic continere non magis licuisset, quàm perpetuò à cibo, vel potu abstinere.

Sunt, qui sobolis propagationem salua potiore virginitatis parte in paradiso constare potuisse existimant. Imaginantur hi virginitatem mentis tantum & carnis integritatem complecti : hanc quidem, vt materiam ; illam verò, vt formam. Addunt, carnis integritatem quouis Venero congressu tolli, & quidem necessariò tolli ; mentis verò copula legitima secundum actum quidem dissolui, secundum habitum autem non item : illegitima autem secundum vtrunque non posse non aboleri. In paradiso verò, quòd omnis ibi libido ab futura erat, neque secundum actum, neque secundum habitum quoque deperitram fuisse, & per consequens primos parentes formali virginitatis parte incolumi, nuptiale mysterium celebrare potuisse.

Sed sanè quocunque loco, vel statu coniugalis actus exerceatur, vtrunque virginitatis partem infringit. Siquidem formalis huius rei vis non consistit in rationis vigore, aut aliquo alio eiusmodi, sed in firmo perpetuò continendi proposito : materiale eiusdem autem non in carnis integritate, vt isti dicunt, sed in Venerorum *actus* positum est. At verò carnis integritas ad virginitatis decus per accidens se habet, vt quæ multis modis, salua per omnia illius dignitate, violari queat. Et in statu innocentiz, vt diuo Augustino, & alijs quibusdam placet, integra constitisset.

Generassent itaque protoplasti in paradiso, cæteri que, qui ex illis nascerentur. Et generassent per coitum. Nam hæc procreandi foetus ratio communis est ijs omnibus, quæ simile secundum speciem naturaliter generant. Agens enim naturale in subiectam materiam non agit, sed nec

agere

gere quoq; naturaliter in illam potest, nisi eo modo ipsi conungantur, quo à natura definitum est. Et sanè aliud de prois propagatione pertinaci studio propugnare, aliud nihil est, quàm primos parentes non vulgari naturæ perfectione priuare, & ipsum præterea naturæ opus non absq; erroris suspitione in ius vocare. Nam cum à primo illo naturæ statu nihil remoueri soleat, nec remoueri quoque debeat, nisi noxa, & pœna inde nata: affirmare nullam in paradiso futuram fuisse generationem, aut nullam maris & foeminæ coniunctionem, est plano sensu indicare coniugalem copulam citra peccatum exerceri non posse, ne in optimo quidem naturæ statu: Id quod omnino falsum, & iam olim hæreses condemnatum est.

In errorem propendunt, qui generationem in paradiso futuram fuisse pertinaciter negant.

Generassent ergo, & secundum legem à natura præscriptam generassent, & certò generassent. Nam & viribus præditi erant ad generandum aptissimis: & nobile illud naturæ opus nunquam nisi pio ac sincero propagationis studio tentassent. Sed nec alio quoque fine, aut animo tentare licuisset: vt quod sola generationis causa indictum atque permissum esset. Erat enim matrimonium ante peccatum, non in aliquod libidinis remedium institutum, vt modò: sed tantum in naturæ officium, hoc est, in humani generis propagationem & conseruationem. Et quoniam hoc illorum studium fuisset sanctum, rationique, & legi per omnia consentaneum, authore naturæ pijs illorum conatibus aspirante, nunquam sua spe frustrati fuissent. Nam aliàs aliquo modo dependissent pœnam, ante admissam culpam. Est enim pœna non contemnenda incassum conari, aut expectato laboris fructu frustrari.

Alex. 2. q. 94.
Omnis maris & foeminæ in paradiso congressus fuisset fructuosus.

Sola proles causa in paradiso coire licuisset.

Laboris fructu frustrari, cum pœna coniunctum est.

Generassent autem non mares solùm, tametsi mares foeminis sint perfectiores: nec rursus foeminas tantum, sed mares & foeminas promiscuè, & fortè numero pares. Nam cum natura, quæ secus ac per sexus vtriusque copulam propagari nequit, per optimè esset constituta, nec vlla, vt modò

In primo statu nati fuissent mares & foeminæ, & fortè numero pares.

modò dicebamus, obtentura istic fuerit sterilitas, nec vlla rursus perpetua virginitas, sed magna prolis foecunditas: quilibet, vbi ad iustum corporis robur peruenisset, suam habuisset coniugem, & quælibet vicissim suum maritum.

Denique licèt Adam & Eua, quòd proximè citra vllam naturæ synergiam ab ipso naturæ authore formati essent, eo ipso statim momento, quo conditi sunt, omnibus naturæ partibus & numeris perfecti fuerint, (vnde in ipso mox vitæ primordio, ne ab omni externo opere vacui forent, vt paradisum excolerent, eundemque custodirent, liberisque procreandis, quæ vitæ perfectorum officia sunt, operam darent, mandatum acceperunt) ipsi tamen ex se non procreassent membrorum mole perfectos, aut corpore validos, sed quales natura foetus primo statim ortu procreare solet: nempe mole ac quantitate paruos, viribusque ac membris infirmos ac inuálidos.

A primæuo statu solum culpa, & pœna semoueri debent.

Membrorum paruitas, & virium imbecillitas naturaliter conuenit in ætate infantilem.

In innocentia statu orti, pro ætate ratione firmi & validi existant.

Cur non firmos ac validos? Quia, vt paulò antè indicatum est, à statu naturæ integræ nihil omnino semouendum est, præter culpam & pœnam, aut aliquid hinc natum, aut his cognatum: nisi quid aliud forsàn, aut per diuinam Scripturam orbi esset patefactum, aut per Ecclesiam definitum, aut à maioribus acceptum. Atqui membrorum infantilium infirmitas, & paruitas, nec culpa est, nec pœna est, sed quiddam planè naturale est. Nam vt infantes pro molis ratione cerebrum sortiuntur prægrande, & excellenter humidum: ita corpora quoque sortiri solent admodum tenera, & mollia: Hæc autem tanta carnis teneritas ac mollities, & gressus celeritatem, & linguæ volubilitatem, & cæteras functiones, quæ robur, & agilitatem exigunt, necessariò prohibent.

At quanvis ex materni vteri angustiis parui, viribusque inuálidi in lucem fusi fuissent, pro ætate tamen ratione firmi, ac cum primis vegeti extitissent. Nec enim vlla omnino in eiusmodi infantibus comperta fuisset, aut ægritudo, aut corporis vitium, aut membrorum deformitas: Nec vllus rursus illo-

rum

rum vagitus, aut fletus, aut ploratus quenquam omnino interfecisset. Nam hæc, & his affinia alia, ex dolore & cruciatu pro-
ueniunt, quæ nullum ea ætate locum habuissent. Verumta-
men non omnes nati fuissent, aut æquè validi, aut æquè etiam
venusti, sed alij alijs grandiores, ac venustiores, prout nunc
quoque fieri cernimus. Siquidem corpora naturæ legibus ne-
quaquam fuissent exempta: Atqui pro varia syderum positio-
ne, corporumque constitutione, & animorum affectione, ma-
xima in corporibus humanis contingit disparitas, maxima
dissimilitudo, maxima varietas.

Et quemadmodum primorum hominum foetus ante pec-
catum non simul in vtero fuissent concepti, & ad ortus
maturitatem adducti, sed paulatim, & per certa dierum
& mensium intervalla: ita non simul quoque ex vtero in
lucem fuissent editi, & ad perfectum robur, & membro-
rum molem euecti, sed sensim, & subcisiuè, prout ea re-
rum incrementa non solum in animantibus, & plantis
observare licet, verum etiam in lapidibus, & cæteris mi-
neralibus. Neque enim naturæ à Deo institutæ simul est
inchoare & absolvere: (Nam aliàs nihil inter naturam,
& naturæ authorem intercederet) sed illius est aliquo ope-
ris rudimento posito, paulatim progredi, & ad perfectio-
nem niti, diuvs Augustinus tamen ancipitem hîc se ostendit.
ait enim:

Mouet nos, si primi homines non peccassent, vtrùm tales
filios essent habituri, qui nec lingua, nec pedibus, nec mani-
bus vterentur. Nam propter vteri necessitatem fortè neces-
se erat paruulos nasci. Sed quauis exigua pars corporis sit
costa, non tamen propter hoc paruulam viro coniugem fecit.
Vnde & eius filios poterat omnipotentia Creatoris mox
natos grandes facere. Sed vt hoc omittam, poterat certè il-
lis præstare, quod multis animantibus præstitit, quorum pul-
li, quauis sint paruuli, tamen mox vt nascuntur currunt, &
matres sequuntur: contrà homini nato, nec ad incessum pe-

In paradiso
nullus omni-
no obtinuit.
set infantium
fletus, nullus
illorum vagi-
tus, aut plo-
ratus, ac
moibus.

Magna in il-
lius gratia ic-
sanctibus co-
perta fuisset
dissimilitu-
do, magna
disparitas, ac
dilectitas.

Primum sta-
tus infantes
non simul in
lucem fuis-
sent fusi, & ad
perfectum
robur addu-
cti.

De peccat.
meris, & re-
miss. c. 37.

Cuiusmodi
infantium in
paradiso fu-
turus fuerit
status, ambi-
git Augusti-
nus.

des idonei sunt, nec manus saltem ad scalpendum habiles, & iuxta se positis mammis, magis possunt esurientes flere, quàm sugere. Proprie verò infirmitati mentis congruit hæc carnis infirmitas. Hactenus Aurelius Augustinus. Verùm propter rationes paulò antè allatas, & alias complures, quas, si opus foret, in hunc locum adferre adhuc liceret, nobis eorum opinio magis probatur, qui non solùm paruulos nascituros statuunt: sed per temporum quoque interualla, eadem lege, qua nunc humanam natiuitatem ordinatam cernimus, statuerè incrementum, & vsum membrorum recepturos fuisse defendunt. Ita vt in illis expectaretur gràs ad ambulandum, ad loquendum, ad discernendum, sicut modò in nobis nostrique similibus.

Mag. Sent. 2.
d. 20. & Scho-
læ PP. ibid.

In paradiso
orti sensum
ad iussu cor-
poris robur
fuisse eue-
cti.

Ante peccatū
nati, rerum
rudes fuissent
nati.

Thom. 1.101.

In paradiso
ortis, neque
scientia fuis-
set infusa, vt
Adamo, neq;
si, quæ infusa
fuisset, ea ta-
men in infan-
tili ætate cō-
stituti vt po-
tuisent.

Et vt natura in primo statim vitæ exortu non fudisset robustos, sed viribus imbecilles: ita eadem quoque non edidisset prudentes, & callidos, sed simplices, ac rerum rudes. Nec enim credibile sit singulos, vt iustitia & sanctitate, ita rerum quoque naturalium scientia expolitos in lucem prodituros fuisse. Et vt maximè naturalium rerum species, perinde ac Adamus, infusæ habuissent, (id quod nullo modo nobis sit verisimile: Nam vt communis eruditorum opinio habet, scientia Adæ infusa non erat accidens naturæ specificæ, sed naturæ tantum priuata) ijs tamen propter cerebri humiditatem, & organorum δυσπρασίαν, in infantilibus annis constituti, vt nequaquam potuissent: sed tum demum, quum quantum sat erat, per dies & annos adoleuissent. Quod eò tamen citiùs, & feliciùs ijs contigisset, quò pro ætatis ratione, & firmiora, & nobiliora corpora, & disciplinis capessendis aptiora sortiti fuissent organa.

Verùm licèt hæc ipsa & alia præterea multa comparandarum scientiarum præsidia ipsis suppetiissent, (nam & commenti fuissent citra defatigationem, & ratiocinati citra errorem, & aliorum dicta hauissent citra deceptionem. Siquidem defatigatio, error, deceptio, aliaque his cognata cruciatum,

&

In paradiso
nullus veritas
set error, nul-
la defatigatio
aut deceptio.

In paradiso
non esse do-
cti, neque x-
que ingeniosi
fuissent oēs.

& pœnam, & intellectus morbum, quæ ante peccatum nulla futura erant, necessariò coniuncta habent.) non omnia tamen sciuisent omnes, nec paria omnes : sed alijs alijs plura, prout quisque vel diligentior, vel ingenio extitisset melior. Nulli tamen omnium, ne infimo quidem, prudentia vitæ conseruanda, sanctæque & religiosè instituendæ necessaria in se, vel in altero defutura erat. Neque enim in felici illo & aureo planè seculo id homini denegatum iri credibile sit, quod animantibus rationis luce destitutis præsitum quotidiano experimento animaduertimus. Cernimus enim agnum, nullo mouente vel impellente, lupum, ut vitæ hostem fugere ac detestari : matrem, ut altricem, vitæque conseruatricem amare, ac consecrari, & alias item alia.

In paradiso
aliquid quo-
que dominij
specimen eb-
tineuit.

Alex. q. 2. 99.
Thom. 1. q. 96

Ansel. de cō.
virg. c. 20.
Thom. 2. d.
20. & 1. q. 100.
Orig. iustitia
ex æquo ad-
fuisset omni-
bus.

Et quoniam nec pari ætate, nec æquali quopque sapientia futuri erant omnes, sed alijs alijs ea in parte præstantiores, ut inter Angelos, ita & inter ipsos quoque quidam ordinum, ac dignitatum gradus obtinuissent. Nam & parentes iure meritoque prelati fuissent liberis, mariti vxoribus, seniores ac prudentiores iunioribus ingenio ac rerum vsu minùs adhuc valentibus, & alijs item alijs, prout in quauis Republica benè ac sapienter instituta passim fieri cernimus. Ea tamen subiectio nullam attulisset molestiam, nullam pœnam, aut seruitutem, quin summam potiùs animorum voluptatem, ac libertatem. Verùm in originalis iustitiæ possessione, cæterisque, quæ absolutè ex illa dependebant, nulla, aut certè non admodum magna extitisset, aut dissimilitudo, aut disparitas, aut graduum distinctio ; licet interim vis illius in alijs eluxisset magis, in alijs minùs : Sicut nunc quoque in alijs apertiores originalis peccati effectus depræhenduntur, in alijs minùs aperti, ex quacunque tandem causa ea effectuum diuersitas proueniat.

Aug. in Gen.
Chry. in Gen.
Basilus in
Hexa.

Quòd si ut originis iustitiam, ita & gratiam quoque primò illi statui propriam fuisse statuamus, ut multi statuunt : & fidei, & spei, & charitatis, & reliquarum virtu-

Ambros. in
Hexa.

Adam ante
peccatū nec
fidei, neque
aliarum vir-
tutum, quæ
vitium nullū
ponunt, ex-
pers erat.

Lib de sacr.
c. 14.

Mag. 2. d. 21.

Adami cogna-
tio erat quo-
dā modo me-
dia inter visi-
onem & æni-
gmaticā no-
tiam.

In paradiso
omnes ex æ-
quo fuissent
immortales
& impartibi-
les.

tum habitus, quæ gratiam consequuntur, & imperfectio-
nem nullam includunt, ijs quoque largiamur oportet. Nam
quæ noxam ponunt, vel poenam adferunt, ut poenitentia, mise-
ricordia, verecundia, patientia, aliæque his cognatæ, illæ fortu-
nato illo seculo nullum habuissent usum. De fidei tamen habi-
tu, vel eiusdem potius usu, non idem sentiunt omnes. Sunt
enim, qui Adamum ante mandatum violatum clarè, quæ
nos credimus, vidisse arbitrantur. Sed hæc opinatio non
placet: Nam cum viator adhuc esset, in gratia nondum
confirmatus, ut exitus probauit, nullo modo infusa fide, aut
infusæ fidei opere caruisse putandus est. Obtigit tamen illi cla-
rior diuinarum rerum notitia, quam communibus viatori-
bus solet. Vnde quidam inter beatos, ceterosque, qui ad be-
atitudinem adhuc tendunt, medium illum constituunt. Pri-
mus homo, inquit Hugo Victorinus, & post illum Mag-
Sent. cognouit à quo creatus fuerat, non eo cognoscendi
modo quo ex auditu solo percipitur, quomodo à credentibus
absens queritur; sed quadam interiori inspiratione, qua Dei
presentiam contemplabatur: Non tamen ita excellenter, sic-
ut post hanc vitam visuri sunt sancti; nec ita in ænigmatē, quæ
liter in hac vita videmus.

Fuissent tandem ad vnum omnes imperfectæ cuiusdam
immortalitatis participes: ut qui ex æquo omnes principia,
ex quibus illa dependebat, paria sortiti essent. Omnibus nanq;
adfuisset diuina cura & prouidentia, omnibus peruigil An-
gelorum custodia, omnibus originalis iustitia, omnibus pro-
posita fuisset vitalis ligni esca, & reliqua quæ paradisi suppe-
ditabat alimenta, omnes deniq; afflasset, & recreasset terre-
stris paradisi aura & gratia. Sed hæc tamen omnia non præsta-
bant perfectam aliquam immortalitatem, sed quandam tan-
tū verè immortalitatis speciem. Perfecta autem immortali-
tas, in ea vita & regione expectabatur, ad quam post certam
annorum periodum excursam, vel simul, vel subcisiuè trans-
misisent omnes.

Hic

Hic igitur fuit Adami status ante lapsum, talesque, ac tanti extitissent omnes, quotquot felici illo quo ex illo orti fuissent. Nunc qualis tatus ille vir post peccatum factus sit, & nos omnes in illo, paucis ut enodemus, rerum tractandarum series postulat.

*Adamum, dum diuinam legem, quam acceperat, nefarie prauari-
catur, omnibus illis opibus, virtutumque ornamentis, quibus ab-
undabat, cum vniuersa sua posteritate excidisse: & graue præ-
terea vulnus, innumerasque misérias, & ærumnas, cum
sibi ipsi, cum toti quoque nature hu-
mane accersuisse.*

TRACTATVS QVARTVS.



Verum enimvero quò prima generis nostri origo Adamus maioribus virtutum præstigijs instructus, maioribusque cœlestium donorum opibus cumulatus in lucem prodierat, eò lapsus illius grauior, offensique numinis ira iustior extitit. Quare tantę ingratitudinis iniustitięque haudquaquam iniustus vltor Deus, neutiquam contentus fuit ipsum sceleris authorem, malorumque caput omnibus gratis exutum, ut ingratum hostemque perfidum suo è cõspectu, amœnissimoque illo deliciarum horto proieceret, proiectumque morti, & alijs innumeris miserijs deuotefere: verum æternum, ac terribile planè patrati sceleris monumentum erigens, vniuersum illius semen, eadẽ illa præuaricationis lege, ac pœna, dum per filij sui sanguinem expleretur, perpetuò obstrictum teneri voluit.

Quò Adami conditio extitit felicior, eò lapsus illius grauior.

Adami scelus ab vniuersa illius posteritate exigitur.

Et quidem omnes omnino homines originalis iustitię stola exutos, ceterisque omnibus, quę illius iustitię nomine continebantur, orbatos nasci, natosque innumeris molestijs, cladibus, miserijsque afflictati, id eum ad sensum pateat, operosa

*Omnes origi-
iustitia vacui,
omnes innu-
metis mis-
erijs mœcū-
obstricti.*

Ortus & vita
hominis bru-
torū exortu
& vita multis
partibus ca-
lamitosior.

probatione non admodum indiget. Constat enim ad eò nul-
lum nos omnino pristinę illius felicitatis & excellentię vesti-
gium retinere, vt ipsis quoque iumentis, ac brutis animanti-
bus parte quadam miserabiliores queamus videri. Nam etsi
belluę, & pecudes omnes, cū sermonis vsu, tū rationis quo-
que ope destituantur, maior tamen illarum pars magnis mu-
nita naturę pręsidij in lucem funditur. Solum hominem, &
omnem hominem nudum, inopem, vagientem, statusque sui
miseriam miserabiliter lamentantem, ac deplorantem nasci
cernimus: natum verò quanta in ipso mox vitę limine malo-
rum miseriarumque vis excipiat, quanta pericula circumsēpi-
ant, quis fando exprimere valeat? Vt nihil interim de curis,
molestijs, crucibus ac solitudinibus dicamus, quas, dum
ętate non nihil firmetur, illius causa subeant alij.

In ipso vitę
limine ingēs
malorum ac
miseriarū vis
hominē mox
excipit.

Infantię &
pueritię in-
cōmoda in-
numera.

Ex infantia porrò & pueritia per innumera incommoda;
vitęque discrimina, quę in teneram illam ętatem incidere so-
lent, ad pubertatem: & hinc porrò per æquę multa & magna,
& sæpe etiam per maiora naufragia ad adultiorē ętatem eue-
ctus, bone Deus, quot agitur fluctibus? quot iactatur tem-
pestatibus? quot percellitur fortunę ventis? Hinc infesti in
illum incurrunt amores: inde cruenta dissidia irruunt: isthinc
voluptates multis plerunque & magnis sudoribus eniptę in
animum se inferunt, viresque & omnes corporis nervos ex-
hauriunt. His carnificibus adde, si lubet, dominandi libidinem
inexhaustam, nuptiarum molestias incredibiles, fallacem ami-
corum fidem, crebras inimicorum insidias, cruentas ciuium
discordias, familię dedecora, & reliqua malorum & vitiorum
monstra, & mirabere vel paucos ex plurimis ad maturioris
æui stadium pertingere quandoque posse.

Adultę ętatis
pericula, cla-
des, miserię
& crucis infi-
nitę.

Senectutis
incommoda
omnem ora-
tionis & co-
gitationis mo-
dū excedunt.

De extremę ętatis morbis, varijsque eiusdem molestijs, &
miserijs prolixē hīc differere superuacaneum existimo. Pla-
num est enim eas esse tātas, vt omnem meditationis modum,
dicendique copiam longē post se relinquant. Quid multis?
tanta vbique malorum seges in vnum grassatur hominem,
tot

tot tantęque in vniuersum genus nostrum defauiunt pestes
& clades, vt nouo vulnere nouus vix pateat locus, verissimę
que illud Prophetę, aliõ cęteroqui pertinens, in illum tor-
queri queat: A planta pedis vsque ad verticem cępitis non est
in eo sanitas. Vulnus, & liuor, & plaga tumens non est cir-
cunligata, nec curata medicamine, nec fota oleo. Sed quia
sanctorum Patrum & præcipuę veterum vox dulciũ sonat,
& acriũ mouet, & faciliũ quoque persuader, agetum vnum
omnium loco ea de re differentem audiamus.

Esa. i.

c.

c.

c.

Ad primam originẽ quod pertinet, ait Augustinus, omni-
um mortalium progeniem fuisse damnatam, hæc ipsa vita, si
vita dicenda est, tot ac tantis malis plena testatur. Quid enim
aliud indicat horrenda quędam profunditas ignorantię, ex
qua omnis error existit, qui omnes filios Adam tenebroso
quodam sinu suscipit, vt homo ab illo liberari, sine labore, do-
lore, timore, non possit? Quid amor ipse tot rerum vanarum
atque noxiarum? Et ex hoc mordaces curę, perturbationes,
mætores, formidines, insana gaudia, discordię, lites, bella, in-
sidia, iracundię, inimicitię, fallacia, adulatio, fraus, furtum,
rapina, perfidia, superbia, ambitio, inuidia, homicidia, par-
ricidia, scēitia, luxuria, impudicitia, adulteria, incesta stupra,
sacrilegia, hęrefes, blasphemię, periuria, calumnię, falsa testi-
monia, iniqua iudicia, & quicquid talium malorũ in mentem
non venit, & tamen de vita hominis nõ recedit? Verũ quod
Augustino obijci pōterat, non omnium hæc esse, sed scelera-
torum tantũ, ab ipsis penẽ cunabulis exorsus eodem illo vo-
lumine, voluminisque segmento prolixẽ ostendit, nullam
ætatem, nullum sexum, nullam hominum conditionem, si
naturam ipsam spectemus, ab ijs malis faciliẽ immunem vi-
uere.

Aug. lib. 12.

c. 22. de ciul.

Vita præfens

vitę nomen

vix meretur.

Humanũ ge-

nus profunda

tenetur igno-

rantia.

Priuatus 2-

mor ingenti-

um viutorum

origo.

Quis ignorat, inquit, cum quanta ignorantia veritatis,
quę etiam in infantibus manifesta est, & cum quanta abun-
dantia vanę cupiditatis, quę in pueris incipit apparere, homo
veniat in hanc vitam: ita vt si dimittatur viuere, vt velit, &
face. hunc mundũ.

Homo cum

magna veri-

tatis ignora-

tia, & vanita-

tis abundan-

tia venit in

Prohibito & eruditio vitijs & flagitijs modum ponunt.

Varia puerorum tetricula lamenta.

Eccli 30.

facere quicquid velit, in hæc facinora & flagitia, quæ commemoravi, & commemorare nō potui, vel cuncta, vel multa perueniat? Sed diuina gubernatione non omnimodo deferente damnatos in ipsis sensibus generis humani prohibitio & eruditio contra istas, cum quibus nascimur, tenebras vigilant: & contra hos impetus opponuntur, plenæ tamē etiam laborum & dolorum. Quid enim sibi volunt multimodę formidines, quæ cohibendis paruulorum vanitatibus adhibentur? Quid pædagogi, quid Magistri, quid ferulæ, quid lora, quid virgæ, quid disciplina illa, qua Scriptura sancta dicit dilecti filij latera tundenda esse, ne crescat indomitus, domari quæ iam durus, aut vix possit, aut fortassis nec possit? Quid agitur his pœnis omnibus, nisi vt debelletur imperitia, & praua cupiditas refrænetur, cum quibus malis in seculo viuimus? & paucis interiectis subdit:

Non pueri tantum, sed & adulti quoque vix aliquid vtiliter volunt.

Communis vitæ miseræ innumeræ.

Sed præter puerorum pœnas, sine quibus dici non potest, quod maiores volunt, qui vix aliquid vtiliter volunt, quot & quantis pœnis genus agitetur humanum, quæ non ad malitiam, nequitiamque iniquorum, sed ad conditionem pertinent, miseriamque communem, quis vlllo sermone digerat, quis vlla cogitatione comprehendat? Quantus, quæso, est metus, quanta calamitas, quantus luctus à damnis, & damnationibus? à deceptionibus, & mendacijs hominum? à suspicionibus falsis, ab omnibus violentis facinoribus, & sceleribus alienis? Quandoquidem ab eis, & depredatio, & captiuitas, & vincula, & carceres, & exilia, & cruciatus, & amputatio membrorum, & priuatio sensuum, & alia multa horrēda sæpè contingunt. Quid ab innumeris casibus, qui forinsecus corpori formidantur, æstibus, frigoribus, tempestatibus, imbribus, alluionibus, coruscatione, tonitru, grandine, fulmine, motibus, hiatibusque terrarum, oppressionibus ruinarum, ab offensione, & pauore, vel etiam malitia iumentorum, ac tot venenis fruticum, aquarum, aurarum, bestiarum ferarum? & infra rursus:

Quæ

Quæ mala patiuntur nauigantes? quæ terrena itinera gradientes? Quis ambulat vbicunque non inopinatis casibus subiaccens? De foro quidam rediens domum sanis suis pedibus cecidit, pedem fregit, & ex illo vulnere finiuit vitam. Quid videtur sedente securius? de sella in qua sedebat, cecidit Heli sacerdos, & mortuus est. Agricola, inò verò omnes homines quot & quantos à cælo, & terra, vel perniciosis animalibus casus metuunt agrorum fructibus? Contra milleformes demonum incurfus, quis innocentia sua fidat? Quandoquidem ne quis fideret etiam paruulos baptizatos, quibus cerè nihil est innocentius, aliquando sic vexant, vt in eis maxime, Deo sinente, ista monstretur huius vitæ flenda calamitas, & alterius desideranda felicitas? Jam verò de ipso corpore tot existunt morborum mala, vt nec libris Medicorum cuncta comprehensa sint? In quorū pluribus, ac penè omnibus, etiam ipsa adiumenta, & medicamenta, tormenta sunt, vt homines à poenarum exilio poenali eruatur auxilio. tandem concludens subiungit hæc:

Terra marique
pericula im-
mensa.

Etiam paru-
los daemones
vexant.

Morborum
adiumenta,
sunt tormenta.

Etiam somnus
suas secus
molestias.

Pelagianum
omnia, quæ in
hac vita per-
petimur, ad
naturæ nostræ
principia re-
ferunt.

Ipse postremò somnus, qui propriè quietis nomen accipit, quis verbis explicet, sæpe somniorum visis quàm sit inquietus? & quàm magnis licet falsarum rerum terroribus, quas ita exhibet, & quodammodo exprimit, vt à veris eas discernere nequeamus, animam miseram, sensusque perturbet? Qua falsitate visorum etiam vigilantes in quibusdam morbis, & venenis miserabiliter agitantur. Hæc de humanæ vitæ miserijs, ac calamitatibus Augustinus, quæ semipelagianorum quorundam commenta non minùs validè refutant, quàm nostra confirmant. Enierunt enim nostra hac memoria philosophastri quidam solo nomine Christiani, qui apertè Pelagianizantes omnem hanc malorum segetem ac miseriarum turbam, quæ ab ipso vitæ exordio vsque ad vltimum vitæ hiarum nos vrgent, non ad aliquam noxam, aut animæ pestem, sed ad internam naturæ nostræ conditionem, tanquam ad veram & propriam causam referant. Aiunt enim hoc ipso

F quòd

quòd ex elementari materia concreuimus, carneque & spiritu constamus, non posse nos ijs incommodis, casibus, & afflictionibus affines non esse, quæ eiusmodi elementarem, & concretam naturam naturaliter consequuntur, quæque in bruta animantia, in quæ peccatum nullum cadit, æquè ac in hominem grassantur. Quare si illi vera prædicant, corporis morbus, carnis cum spiritu pugna, eiusdemque fomes, ac concupiscentia, mentis cecitas, voluntatis curuitas, ceteraque, quæ in catholicis Scholis naturæ vulnera appellantur, aliud nihil sunt quàm quædam tantùm naturæ pathemata.

Erasmiani,
neque verè philosophi,
neque verè quoque Christiani.

Genes. 1.
Sap. 8. 11.
Eccli 39.
Marc. 7.

Quæ bona non sunt, diuina censurâ non approbantur. Quod omni ordine, lege, & ratione caret, in bonis haberi non potest.

In omnibus Adæ filijs magna compertur ætasia, magna au-
malia.

Verùm etsi hi, & Christiani, & Philosophi quoque haberi volunt, neutrum tamen sunt verè. Nam si hoc, vel illud essent solidè, multò verò magis si vtrunque essent perfectè, non ex abiectioni hominis parte contra fidem syllogizarent, sed ex fidei principijs huiusmodi ratiocinationem instituerent. Deus Opt. Max. in mundi primordio quàm optimè, & quàm sapientissimè instituit omnia. Scriptum est enim, Quæcunque fecerat, visa fuisse valdè bona. Alibi: In omnibus, quæ fecerat, oblectatum esse, hoc est, omnia quæ condiderat, suo calculo approbasse. Atqui quod bonum non est, id ille tanquam à se alienum diligere, suæque censura approbare non potest. At quod omnis, & ordinis, & legis, & rationis expers est, id absolutè bonum censi nequaquam potest. Ordo autem omnis ibi meritò abesse putandus est, ubi ancilla, quam parere & subesse oportuit, arrepto per vim imperio, superbe & arroganter in dominam se effert, seruus in dominum, cæcus in itineris ducem. Atqui eiusmodi iniquam peruersitatem, peruersamque iniquitatem, in ijs omnibus dominari certum est, qui ex Adamo originem trahunt. Constat enim certo rerum usu, & experientia quotidiana, carnem insurgere aduersus spiritum; spiritum rursus, & carnem aduersus Deum, qui fecit illum. Huius autem peruersitatis, & ætasia, totius ordinis ac bonitatis fontem confingere, grande pia-

depiaculum est. Aliquid ergo turbatum & ἀτακτον, quod author naturę in natura nostra non seuerat, naturę nostrę aliunde accesserit, necessum est.

Debebant adhęc Philosophi illi (si hanc tamen appellationem iustè promerentur) meminisse animę facultates, quę rationis secundum se expertes sunt, tum demum florere, recteque in homine constitutas esse, cùm promptè rationis iudicio, voluntatisque imperio obsecundantur: cęteras vero, quas secundum se vel essentialiter rationales appellant, cùm heroicis virtutibus ornatę ad diuinas functiones, diuinarumque rerum commentationem, quàm optimè sunt dispositę. Hoc enim veterum Philosophorum, priusquam Pthagius & qui illum sequuntur, nascerentur, de optima partium hominis constitutione iudicium fuit, & illud quidem sanum, licet vt homines in eo errarent, quod perfectam illam virium omnium pacem, & inter se concordiam, nostris viribus consequi nos posse existimarent: tum in eo rursum, quod vltimam hominis felicitatem in ea partium *lutaξία*, vel certè in quadam animi ἀραδίᾳ sitam crederent: tum in eo tandem, quod plerique ex illis Scripturarum ignari ἀταξίαν illam, quam in nobis experimur, totam ex naturę principijs ortum ducere persuasum haberent. Quare licet in voluntate iustitiam, in mente prudentiam, & in alijs humanę naturę viribus & facultatibus alias virtutes morales collocarent, non ideo tamen id faciebāt, quod vllis omnino virtutum præsidijs tanquam medicamentis, quibus partes illę à morbo, quo teuebantur, sanarentur, opus esse putarent, sed quo ad operationes naturę suę consentaneas obeundas perficerentur, habilesque, & expedite redderentur. Iam si hoc veterū Sapientum de optima hominis constitutione iudicium fuit verum ac sanum, vt reuera verum ac sanum fuit, consequens fit, insanum, & à ratione prorsus alienum illorum esse commentum, qui perpetuam illam partium inter se luctam & concertationem, naturalem, rationique consentaneam esse prædicant.

Optimus inferiorū viriū status, cū superioribus promptè obsequuntur: superiorū vero, cū ad diuinā quā optimè affectę sunt.

Triplex veterum Philosophorū error de humanarum virium ἀταξία & ιραξία.

Arist. 2. & 3. Ethic. Plat. in Phæd. & Charm.

Sanis de natura nostra iudicāt veteres Philosophi, quā reccentes Pelagiani.

Vbi vera virtū
animæ iura-
ssa adest, ibi
corpus feruit,
animus do-
minatur: ibi
maiora bona
anteponitur
minoribus,
æterna cadu-
cis &c.

Psal. 13.

Luc. 14.

Matth. 22.

Maior homi-
num pars cō-
tra rationem
sensu ducitur.

Aug. lib. 4.
hypo.

Animæ, qua
sumus, vi-
uimus, & in-
telligimus,
mors exors
est.

Immortalis
animæ à cor-
pore separa-
tio, pugnat
cum naturali
illius deside-
rio.

Inter moto-
rem & mobi-
le naturalis
quædam pro-
portio inter-
cedat, opor-
tet.

Decebant rursus iisdem illi semichristiani philoso-
phastri, quibus cum hic nobis certamen est, meminisse vix
vllum vnquam vel inter gregarios Philosophos extitisse, qui
animæ ne an corporis imperio vtendum sit, in quæstionem
vocaret: vel qui huius ne an illius commoda studiosius expe-
tere, ac consèctari oporteat, seriò ambigeret. Si ergo huma-
na natura nullo *δυσχερσίας* vitio laborat, si nullo *ἀταξίας* mor-
bo languet, bona vtique maiora anteponet minoribus, æter-
na caducis, primarium mouens instrumento, herum seruo,
heram seruæ. Atqui in omnium oculis est, potiorem mortali-
um partem ardentiori desiderio in ea ferri, quæ suauia sunt
corpori, quàm in ea, quæ salutaria sunt animo; in terrena &
fluxa fortunæ bona, quàm in cœlestia & sempiterna: multo-
que plus deferre carnis sensui, quàm rationis legi. Perspicu-
um sit ergo, naturam nostram non omnis prorsus vitij exper-
tem esse. Quis enim cum gustatus sensum sanum dixerit, qui
quod dulce est, vt amarum refugit, vel contrà quod amarum
est, vt dulce appetit?

Sed nec vlli quoque Christiano homini, nedum Phi-
losopho Christiano de animæ, qua sumus, viuimus, & intel-
ligimus, immortalitate dubitare fas est. Atqui contra partis
naturam, naturalemque eiusdem propensionem est ab alte-
ra, qua cum essentialiter consociata fuerat, perpetuoque ma-
nere ardentè desiderabat, & perpetuò quoque manere po-
terat, diuelli, ac separari: Vel ipsa igitur immortalis animæ à
corpore, quod *ἐστιασμός* informabat, separatio, hoc est, mors ali-
quam in naturam nostram pestem irrepsisse neutiquam ob-
scure insinuat.

Etenim si motor est æternus & suapte natura immortalis
profectò, semoto impedimento, naturale & proprium illius
organum interitus quoque exors erit, aliàs enim inter partes
totum essentielle absoluentes non satis apta proportio, &
symmetria intercederet. Quare etiam nobiliores Scholæ

Theo-

Theologi disertè profitentur, si hominem ex forma spectemus, ex qua res potissimum spectari solet, & spectari quoque debet, ut quæ speciem constituat, mortem & quæcunque viam ad ipsam muniunt, ipsi innaturalem esse: Atque ad hoc nequaquam decuisse, ut præpotens Deus, qui omnia disponit suauiter, & moderatur sapienter, animam suapte natura immortalem infunderet in corpus morti obnoxium, hoc est, in corpus eiusmodi, quod ipsa anima, aut vi propria, aut energia aliunde accepta, perpetuò integrum & incorruptum conseruare non posset. Siquidem corpus ex elementis concretum eam ex se firmitatem non habet, ut semper esse, & viuere possit, sed si quid eiusmodi habet, hoc totum aliunde mutuetur oportet.

Mirum est sanè morosophos illos Augustino, quem vnum aliàs inter Theologos philosophi appellatione dignum prædicant tot libris ac tractatibus contra tetrum hunc errorem acerrimè disputanti tam impudenter sese obicere. Quod si de istius sententia, vel nostra fide ambigunt, legant commentarios, quos Hypognosticon inscripsit. Euoluant, quæ de peccatis, & remissis de gratia item & lib. arbit. de natura rursus & gratia inuulgauit. Percurrant quæ contra Iulianum, qui hanc carnis infirmitatem, & virium *ἀσθένειαν* ut bonam, naturæque nostræ consentaneam propugnabat, & alias præterea multas ineptias, nugæque sanæ fidei aduersas in vulgus profeminabat, pluribus voluminibus elucubrauit. Vbi etiam inter alia, quibus insanum hoc dogma infectatur, hac illum oratione videntem comperient:

Si scires Iuliane, profectò iniquitatem esse videres, cum pars hominis inferior repugnat superiori, & meliori. Nec enim nulla iniquitas est, cum in vno homine, vel superiora inferioribus turpiter sentiunt, vel inferiora superioribus contumaciter reluctantur, etiam si vincere non sinantur. Hæc Augustinus non minùs profectò philosophicè, quàm Christianè. Nam si inferioris partis motus vel impetus cōtra rationis iudicium,

Thom.
Alesan.
Argent.
Ambros.
Si hominem
secundum
formam spec-
tes, mors
naturæ illius
est dissenta-
nea.
Anima aliunde
id mutuatur,
quod corpus
integrum
conseruatur.
Corpus ele-
mentare ex
se non habet,
ut dissolui
nequeat.

Augustinus
pluribus vo-
luminibus
ostendit, quæ
in hæc vita
gemimus,
ex peccato
orta esse.

Iniquum est,
inferiorem
hominis partem
obscu-
ri superiori,
superiorem
autem semi-
te inferiori.
Inferioris
partis impe-
tus cōtra ra-

modò dicebamus, obtentura istic fuerit sterilitas, nec vlla rursus perpetua virginitas, sed magna prolis fœcunditas: quilibet, vbi ad iustum corporis robur peruenisset, suam habuisset coniugem, & quælibet vicissim suum maritum.

Denique licet Adam & Eva, quodd proxime citra vllam naturæ synergiam ab ipso naturæ authore formati essent, eo ipso statim momento, quo conditi sunt, omnibus naturæ partibus & numeris perfecti fuerint, (vnde in ipso mox vitæ primordio, ne ab omni externo opere vacui forent, vt paradisum excolerent, eundemque custodirent, liberisque procreandis, quæ vtique perfectorum officia sunt, operam darent, mandatum acceperunt) ipsi tamen ex se non procreassent membrorum mole perfectos, aut corpore validos, sed quales natura fœtus primo statim ortu procreare solet: nempe mole ac quantitate paruos, viribusque ac membris infirmos ac inuálidos.

Primi parentes, quod ad corporis robur attinet, non tales procreassent, quales ipsi à Deo conditi fuerant.

A primæuo statu solum culpa, & pœna semoueri debent.

Membrorum paruitas, & vlrimum imbecillitas naturaliter conuenit in ætate infantilem.

In innocentiam ordinemque rationis firmi & validi extitissent.

Cur non firmos ac validos? Quia, vt paulò antè indicatum est, à statu naturæ integræ nihil omnino semouendum est, præter culpam & pœnam, aut aliquid hinc natum, aut his cognatum: nisi quid aliud forsitan, aut per diuinam Scripturam orbi esset patefactum, aut per Ecclesiam definitum, aut à maioribus acceptum. Atqui membrorum infantilium infirmitas, & paruitas, nec culpa est, nec pœna est, sed quiddam planè naturale est. Nam vt infantes pro molis ratione cerebrum sortiuntur prægrande, & excellenter humidum: ita corpora quoque sortiri solent admodum tenera, & mollia: Hæc autem tanta carnis teneritas ac mollities, & gressus celeritatem, & linguæ volubilitatem, & ceteras functiones, quæ robur, & agilitatem exigunt, necessariò prohibent.

At quanuis ex materni vteri angustijs parui, viribusque inuálidi in lucem fusi fuissent, pro ætatis tamen ratione firmi, ac cum primis vegeti extitissent. Nec enim vlla omnino in eiusmodi infantibus comperta fuisset, aut ægritudo, aut corporis vitium, aut membrorum deformitas: Nec vllus rursus illo-
rum

rum vagitus, aut fletus, aut ploratus quenquam ompino infestasset. Nam hæc, & his affinia alia, ex dolore & cruciatu proveniunt, quæ nullum ea ætate locum habuissent. Veruntamen non omnes nati fuissent, aut æquè validi, aut æquè etiam venusti, sed alij alijs grandiores, ac venustiores, prout nunc quoque fieri cernimus. Siquidem corpora naturæ legibus nequaquam fuissent exempta: Atqui pro varia syderum positione, corporumque constitutione, & animorum affectione, maxima in corporibus humanis contingit disparitas, maxima dissimilitudo, maxima varietas.

Et quemadmodum primorum hominum foetus ante peccatum non simul in utero fuissent concepti, & ad ortus maturitatem adducti, sed paulatim, & per certa dierum & mensium intervalla: ita non simul quoque ex utero in lucem fuissent editi, & ad perfectum robur, & membrorum molem cuecti, sed sensim, & subcisiuè, prout ea rerum incrementa non solum in animantibus, & plantis observare licet, verum etiam in lapidibus, & cæteris mineralibus. Neque enim naturæ à Deo institutæ simul est inchoare & absolvere: (Nam aliàs nihil inter naturam, & naturæ authorem intercederet) sed illius est aliquo operis rudimento posito, paulatim progredi, & ad perfectionem niti. diuus Augustinus tamen ancipitem hîc se ostendit. ait enim:

Mouet nos, si primi homines non peccassent, vtrum tales filios essent habituri, qui nec lingua, nec pedibus, nec manibus vterentur. Nam propter vteri necessitatem fortè necesse erat paruulos nasci. Sed quanvis exigua pars corporis sit costa, non tamen propter hoc paruulam viro coniugem fecit. Vnde & eius filios poterat omnipotentia Creatoris mox natos grandes facere. Sed vt hoc omittam, poterat certè illis præstare, quod multis animantibus præstitit, quorum puli, quanvis sint paruuli, tamen mox vt nascuntur currunt, & matres sequuntur: contrà homini nato, nec ad incessum pe-

In paradiso nullus omnino obtinisset infantium fletus, nullus illorum vagitus, aut ploratus, aut morbus.

Magna in illius gratiis infantibus cõperta fuisset dissimilitudo, magna disparitas, ac diversitas.

Primæui status infantes non simul in lucem fuissent fusi, & ed perfectum robur adducti.

De peccatis, & remissis. c. 37.

Cuiusmodi infantium in paradiso futurus fuerit status, ambigit Augustinus.

des idonei sunt, nec manus saltem ad scalpendum habiles, & iuxta se positis mammis, magis possunt esurientes flere, quàm sugere. Proprie verò infirmitati mentis congruit hæc carnis infirmitas. Hæcenus Aurelius Augustinus. Verùm propter rationes paulò antè allatas, & alias complures, quas, si opus foret, in hunc locum adferre adhuc liceret, nobis eorum opinio magis probatur, qui non solum paruulos nascituros statuunt: sed per temporum quoque interualla, eadem lege, qua nunc humanam natiuitatem ordinatam cernimus, staturę incrementum, & vsum membrorum recepturos fuisse descendunt. Ita vt in illis expectaretur etas ad ambulandum, ad loquendum, ad discernendum, sicut modò in nobis nostrique similibus.

Mag. Sent. 2.
d. 20. & Scho-
læ PP. ibid.

In paradiso
ortu sensum
ad iustum cor-
potis robur
fuisse cue-
cti.

Ante peccatū
nati, rerum
rudes fuissent
nati.

Thom. 1. 101.

In paradiso
ortis, neque
scientia fuisse
infusa, vt
Adamo, neque
si: quæ infusa
fuisse, ea ta-
men in infan-
tili ætate co-
stituti vt po-
tuerunt.

Et vt natura in primo statim vitę exortu non fudisset robustos, sed viribus imbecilles: ita eadem quoque non edidisset prudentes, & callidos, sed simplices, ac rerum rudes. Nec enim credibile sit singulos, vt iustitia & sanctitate, ita rerum quoque naturalium scientia expolitos in lucem prodituros fuisse. Et vt maximè naturalium rerum species, perinde ac Adamus, infusas habuissent, (id quod nullo modo nobis sit verisimile: Nam vt communis eruditorum opinio habet, scientia Adæ infusa non erat accidens naturę specificę, sed naturę tantum priuatę) ijs tamen propter cerebri humiditatem, & organorum δυσχερείαν, in infantilibus annis constituti, vt nequaquam potuissent: sed tum demum, quum quantum sat erat, per dies & annos adoleuissent. Quod eò tamen citius, & felicius ijs contigisset, quò pro etatis ratione, & firmiora, & nobiliora corpora, & disciplinis capessendis aptiora sortiti fuissent organa.

Verùm licet hæc ipsa & alia præterea multa comparandarum scientiarum præsidia ipsis suppetiissent, (nam & commenti fuissent citra defatigationem, & ratiocinati citra errorem, & aliorum dicta hauissent citra deceptionem. Siquidem defatigatio, error, deceptio, aliaque his cognata cruciatum,

&

& poenam, & intellectus morbum, quæ ante peccatum nulla futura erant, necessariò coniuncta habent.) non omnia tamen sciuisent omnes, nec paria omnes : sed alij alijs plura, prout quisque vel diligentior, vel ingenio extitisset melior. Nulli tamen omnium, ne infimo quidem, prudentia vitæ conseruanda, sanctæque & religiosè instituendæ necessaria in se, vel in altero defutura erat. Neque enim in felici illo & aureo plane seculo id homini denegatum iri credibile sit, quod animantibus rationis luce destitutis prælitum quotidiano experimento animaduertimus. Cernimus enim agnum, nullo mouente vel impellente, lupum, vt vitæ hostem fugere ac de testari : matrem, vt altricem, vitæque conseruatricem amare, ac consecrari, & alias item alia.

In paradiso nullus vexasset error, nulla defatigatio aut deceptio.

In paradiso non eque docti, neque æque ingeniosi fuissent oēs.

Et quoniam nec pari ætate, nec æquali quoque sapientia futuri erant omnes, sed alijs alij ea in parte præstantiores, vt inter Angelos, ita & inter ipsos quoque quidam ordinum, ac dignitatum gradus obtinuissent. Nam & parentes iure meritoque prælati fuissent liberis, mariti vxoribus, seniores ac prudentiores iunioribus ingenio ac rerum vsu minùs adhuc valentibus, & alij item alijs, prout in quauis Republica benè ac sapienter instituta passim fieri cernimus. Ea tamen subiectio nullam attulisset molestiam, nullam poenam, aut seruitutem, quin summam potiùs animorum voluptatem, ac libertatem. Verùm in originalis iustitiæ possessione, cæterisque, quæ absolutè ex illa dependebant, nulla, aut certè non admodum magna extitisset, aut dissimilitudo, aut disparitas, aut graduum distinctio ; licet interim vis illius in alijs eluxisset magis, in alijs minùs : Sicut nunc quoque in alijs apertiores originalis peccati effectus depræhenduntur, in alijs minùs aperti ; ex quacunque tandem causa ea effectuum diuersitas proueniat.

In paradiso aliquod quoque dominij specimen continuisset.

Alex. q. 2. 99.
Thom. 1. q. 96

Ansel. de cō. virg. c. 10.
Thom. 2. d. 20. & 1. q. 100.
Orig. iustitia ex æquo adfuisset omnibus.

Quòd si vt originis iustitiam, ita & gratiam quoque primò illi statui propriam fuisse statuamus, vt multi statuunt : & fidei, & spei, & charitatis, & reliquarum virtu-

Aug. in Gen. Chry. in Gen. Basilii in Hexa.

Ambros. in
Hexa.

Adam ante
peccatū nec
fidei, neque
aliarum vir-
tutum, quæ
victum nullū
ponunt, ex-
pers erat.

Lib. de sacr.
c. 14.

Mag. 2. d. 23.

Adami cogi-
tatio erat quo-
dā modo me-
dia inter visi-
onem & æni-
gmaticā no-
titiā.

In paradiso
omnes ex æ-
quo fuissent
immortales
& impatibi-
les.

tum habitus, quæ gratiam consequuntur, & imperfectio-
nem nullam includunt, ijs quoque largiamur oportet. Nam
quæ noxam ponunt, vel pœnam adferunt, vt pœnitentia, mise-
ricordia, verecundia, patientia, aliæque his cognatæ, illæ fortu-
nato illo sæculo nullum habuissent vsum. De fidei tamen habi-
tu, vel eiusdem potiùs vfu, non idem sentiunt omnes. Sunt
enim, qui Adamum ante mandatum violatum clarè, quæ
nos credimus, vidisse arbitrantur. Sed hæc opinatio non
placet: Nam cū viator adhuc esset, in gratia nondum
confirmatus, vt exitus probauit, nullo modo infusa fide, aut
infusæ fidei opere caruisse putandus est. Obtigit tamen illi cla-
rior diuinarum rerum notitia, quàm communibus viatori-
bus solet. Vnde quidam inter beatos, ceterosque, qui ad be-
atitudinem adhuc tendunt, medium illum constituunt. Pri-
mus homo, inquit Hugo Victorinus, & post illum Mag.
Sent. cognouit à quo creatus fuerat, non eo cognoscendi
modo quo ex auditu solo percipitur, quomodo à credentibus
absens queritur; sed quadam interiori inspiratione, qua Dei
præsentiam contemplabatur: Non tamen ita excellenter, sic-
ut post hanc vitam visuri sunt sancti; nec ita in ænigmatē, quæ
liter in hac vita videmus.

Fuissent tandem ad vnum omnes imperfectæ cuiusdam
immortalitatis participes: vt qui ex æquo omnes principia,
ex quibus illa dependebat, paria sortiti essent. Omnibus nanq;
adfuisset diuina cura & prouidentia, omnibus peruigil An-
gelorum custodia, omnibus originalis iustitia, omnibus pro-
posita fuisset vitalis ligni esca, & reliqua quæ paradysus suppe-
ditabat alimenta, omnes deniq; afflasset, & recreasset terre-
stris paradisi aura & gratia. Sed hæc tamen omnia non præsta-
bant perfectam aliquam immortalitatem, sed quandam tan-
tū veræ immortalitatis speciem. Perfecta autem immortali-
tas, in ea vita & regione expectabatur, ad quam post certam
annorum periodum excursam, vel simul, vel subcisiuè trans-
misisent omnes.

Hic

Hic igitur fuit Adami status ante lapsum, talesque, ac tanti extitissent omnes, quotquot felici illo euo ex illo orti fuissent. Nunc qualis tatus ille vir post peccatum factus sit, & nos omnes in illo, paucis vt enodemus, rerum tractandarum series postulat.

Adamum, dum diuinam legem, quam acceperas, nefarie prauaricatur, omnibus illis opibus, virtutumque ornamentis, quibus abundabat, cum vniuersa sua posteritate excidisse: & graue praeterea vulnus, innumerasque miseriatur, & ærummas, cum sibiipso, cum toti quoque naturæ humane accersuisse.

TRACTATVS QVARTVS.



Vt enim inuero quò prima generis nostri origo Adamus maioribus virtutum presidijs instructus, maioribusque cœlestiũ donorum opibus cummulatus in lucem prodierat, eò lapsus illius grauior, offensique numinis ira iustior extitit. Quare tantę ingratitudinis iniustitięque handquaquam iniustus vltor Deus, neutiquam contentus fuit ipsum sceleris authorem, malorumque caput omnibus gratuitis exutum, vt ingratum hostemque perfidum suo è cõspectu, amœnissimęque illo deliciarum horto proijcere, proiectumque morti, & alijs innumeris miserijs deuotere: verũ eternum, ac terribile planè pattati sceleris monumentum erigens, vniuersum illius semen, eadẽ illa preuaricationis lege, ac pœna, dum per filij sui sanguinem expiaretur, perpetuò obstrictum teneri voluit.

Quò Adami conditio extitit felicior, eò lapsus illius census est grauior.

Adami scelus ab vniuersa illius posteritate exigitur.

Et quidem omnes omnino homines originalis iustitię stola exutos, ceterisque omnibus, quę illius iustitię nomine continebantur, orbatos nasci, natosque innumeris molestijs, cladibus, miserijsque affligari, id cum ad sensum pateat, operosa

Omnes orig. iustitia vacui, omnes innumeris miserijs nascuntur obstricti.

Ortus & vita
hominis bru-
torū exortu
& vita multis
partibus ca-
lamitosior.

In ipso vitæ
limine ingēs
malorum ac
miseriarū vis
hominē mox
excipit.

Infantiæ &
pueritiæ in-
comoda in-
numera.

Adulteræ ætatis
pericula, cla-
des, miseriz
& cruces infi-
nitæ.

Senectutis
incommoda
omnem ora-
tionis & co-
gitatiōis mo-
dū excodunt.

probatione non admodum indiget. Constat enim adeò nul-
lum nos omnino pristinæ illius felicitatis & excellentiæ vesti-
gium retinere, ut ipsis quoque iumentis, ac brutis animanti-
bus parte quadam miserabiliores queamus videri. Nam et si
belluæ, & pecudes omnes, cum sermonis usu, tū rationis quo-
que ope destituantur, maior tamen illarum pars magnis mu-
nita naturæ præsidij in lucem funditur. Solum hominem, &
omnem hominem nudum, inopem, vagientem, statusque sui
miseriam miserabiliter lamentantem, ac deplorantem nasci
cernimus: natum verò quanta in ipso mox vitæ limine malo-
rum miseriarumque vis excipiat, quanta pericula circumsēpi-
ant, quis fando exprimere valeat? Ut nihil interim de curis,
molestijs, crucibus ac sollicitudinibus dicamus, quas, dum
ætate non nihil firmetur, illius causa subeant alij.

Ex infantia porrò & pueritia per innumera incommoda,
vitæque discrimina, quæ in teneram illam ætatem incidere so-
lent, ad pubertatem: & hinc porrò per æquè multa & magna,
& sæpe etiam per maiora naufragia ad adultiorē ætatem eue-
ctus, bone Deus, quot agitur fluctibus? quot iactatur tem-
pestatibus? quot percellitur fortunæ ventis? Hinc infesti in
illum incurrunt amores: inde cruenta dissidia irruunt: isthinc
voluptates multis plerunque & magnis sudoribus eniptæ in
animum se inferunt, viresque & omnes corporis nervos ex-
hauriunt. His carnificibus adde, si lubet, dominandi libidinem
inexhaustam, nuptiarum molestias incredibiles, fallacem ami-
corum fidem, crebras inimicorum insidias, cruentas civium
discordias, familiæ dedecora, & reliqua malorum & vitiorum
monstra, & mirabere vel paucos ex plurimis ad maturioris
æui stadium pertingere quandoque posse.

De extremæ ætatis morbis, varijsque eiusdem molestijs, &
miserijs prolixè hîc differere superuacaneum existimo. Pla-
num est enim eas esse tãtas, ut omnem meditationis modum,
dicendique copiam longè post se relinquant. Quid multis?
tanta ubique malorum seges in vnum grassatur hominem,

tot

tot tantęque in vniuersum genus nostrum defcuiunt pestes
& clades, vt nouo vulnere nouus vix pateat locus, verissimę-
que illud Prophetę, aliđ ceteroqui pertinens, in illum tor-
queri queat: A planta pedis vsque ad verticem capitis non est
in eo sanitas. Vulnus, & liuor, & plaga tumens non est cir-
cunligata, nec curata medicamine, nec fota oleo. Sed quia
sanctorum Patrum & precipuę veterum vox dulcius sonat,
& acrius mouet, & facilius quoque persuader, agedum vnum
omnium loco ea de re differentem audiamus.

Esa. i.

cc

cc

cc

Ad primam originę quod pertinet, ait Augustinus, omni-
um mortalium progeniem fuisse damnatam, hęc ipsa vita, si
vita dicenda est, tot ac tantis malis plena testatur. Quid enim
aliud indicat horrenda quędam profunditas ignorantię, ex
qua omnis error existit, qui omnes filios Adam tenebroso
quodam sinu suscipit, vt homo ab illo liberari, sine labore, do-
lore, timore, non possit? Quid amor ipse tot rerum vanarum
atque noxiarum? Et ex hoc mordaces curę, perturbationes,
mœrores, formidines, insana gaudia, discordię, lites, bella, in-
sidię, iracundię, inimicitię, fallacia, adulatio, fraus, furtum,
rapina, perfidia, superbia, ambitio, inuidentia, homicidia, par-
ricidia, scēitia, luxuria, impudicitia, adulteria, incesta stupra,
sacrilegia, hērefes, blasphemię, periūria, calumnię, falsa testi-
monia, iniqua iudicia, & quicquid talium malorū in mentem
non venit, & tamen de vita hominis nō recedit? Verū quōd
Augustino obijci pōterat, non omnium hęc esse, sed scelera-
torum tantū, ab ipsis penē cunabulis exorsus eodem illo vo-
lumine, voluminisque segmento prolixē ostendit, nullam
ętatem, nullum sexum, nullam hominum conditionem, si
naturam ipsam spectemus, ab ijs malis faciliē immunem vi-
uere.

Aug. lib. 12.

c. 22. de ciu.

Vita pręfens

vitę nomen

vix meretur.

Humanū ge-
nus profunda
tenetur igno-
rantia.Priuatus 3-
mor ingenti-
um vitiorum
origo.

Quis ignorat, inquit, cum quanta ignorantia veritatis,
quę etiam in infantibus manifesta est, & cum quanta abun-
dantia vanę cupiditatis, quę in pueris incipit apparere, homo
veniat in hanc vitam: ita vt si dimittatur viuere, vt velit, &
face.

Homo cum
magna veri-
tatis ignorā-
tia, & vanita-
tis abundan-
tia venit in
hunc mundū.

Prohibito & eruditio virtutis & flagitij modum ponunt.

Varia puerorum terribilia lamenta.

Ecclesi 30.

Non pueri tantum, sed & adulti quoque vix aliquid vtiliter volunt.

Communis vitæ miseriam innumerat.

facere quicquid velit, in hæc facinora & flagitia, quæ commemoravi, & commemorare non potui, vel cuncta, vel multa perueniat? Sed diuina gubernatione non omnimodo deferente damnatos in ipsis sensibus generis humani prohibitio & eruditio contra istas, cum quibus nascimur, tenebras vigilant: & contra hos impetus opponuntur, plenæ tamē etiam laborum & dolorum. Quid enim sibi volunt multimodę formidines, quæ cohibendis paruulorum vanitatibus adhibentur? Quid pædagogij, quid Magistri, quid ferulæ, quid lora, quid virgæ, quid disciplina illa, qua Scriptura sancta dicit dilecti filij latera tundenda esse, ne crescat indomitus, domarique iam durus, aut vix possit, aut fortassis nec possit? Quid agitur his pœnis omnibus, nisi vt debelletur imperitia, & praua cupiditas refringatur, cum quibus malis in seculo viuimus? & paucis interiectis subdit:

Sed præter puerorum pœnas, sine quibus dici non potest, quod maiores volunt, qui vix aliquid vtiliter volunt, quot & quantis pœnis genus agitetur humanum, quæ non ad malitiam, nequitiamque iniquorum, sed ad conditionem pertinent, miseriamque communem, quis vlllo sermone digerat, quis vlla cogitatione comprehendat? Quantus, quæso, est metus, quanta calamitas, quantus luctus à damnis, & damnationibus? à deceptionibus, & mendacijs hominum? à suspicionibus falsis, ab omnibus violentis facinoribus, & sceleribus alienis? Quandoquidem ab eis, & depredatio, & captiuitas, & vincula, & carceres, & exilia, & cruciatus, & amputatio membrorum, & priuatio sensuum, & alia multa horrenda sæpè contingunt. Quid ab innumeris casibus, qui forinsecus corpori formidantur, æstibus, frigoribus, tempestatibus, imbribus, alluionibus, coruscatione, tonitru, grandine, fulmine, motibus, hiatibusque terrarum, oppressionibus ruinarum, ab offensione, & pauore, vel etiam malitia iumentorum, ac tot venenis fruticum, aquarum, aurarum, bestiarum ferarum? & infra rursum:

Quæ

Quæ mala patiuntur nauigantes? quæ terrena itinera gradientes? Quis ambulat vbicunque non inopinatis casibus subiaccens? De foro quidam rediens domum sanis suis pedibus cecidit, pedem fregit, & ex illo vulnere finiuit vitam. Quid videtur sedente securius? de sella in qua sedebat, cecidit Heli sacerdos, & mortuus est. Agricola, imò verò omnes homines quot & quantos à cælo, & terra, vel perniciosis animalibus casus metuunt agrorum fructibus? Contra milleformes demonum incurfus, quis innocentia sua fidat? Quandoquidem ne quis fideret etiam paruulos baptizatos, quibus certè nihil est innocentius, aliquando sic vexant, vt in eis maxime, Deo sinente, ista monstretur huius vitæ fienda calamitas, & alterius desideranda felicitas? Jam verò de ipso corpore tot existunt morborum mala, vt nec libris Medicorum cuncta comprehensa sint? In quorū pluribus, ac penè omnibus, etiam ipsa adiumenta, & medicamenta, tormenta sunt, vt homines à pœnarum exilio pœnali cruātur auxilio. tandem concludens subiungit hæc:

*Tetra maris;
pericula im-
mensa.*

*Etiā paru-
los daemones
vexant.*

*Morborum
adiumenta,
sunt tormēta.*

Ipse postremò somnus, qui propriè quietis nomen accipit, quis verbis explicet, sæpe somniorum visis quàm sit inquietus? & quàm magnis licet falsarum rerum terroribus, quas ita exhibet, & quodammodo exprimit, vt à veris eas discernere nequeamus, animam miseram, sensusque perturbet? Qua falsitate visorum etiam vigilantes in quibūsdam morbis, & venenis miserabiliter agitantur. Hæc de humane vitæ miserijs, ac calamitatibus Augustinus, quæ semipelagianorum quorundam commenta non minùs validè refutant, quàm nostra confirmant. Emerserunt enim nostra hac memoria philosophastri quidam solo nomine Christiani, qui apertè Pelagianizantes omnem hanc malorum segetem ac miseriarum turbam, quæ ab ipso vitæ exordio vsque ad vltimum vitæ hiatum nos vrgent, non ad aliquam noxam, aut animæ pestem, sed ad internam naturæ nostræ conditionem, tanquam ad veram & propriam causam referant. Aiunt enim hoc ipso

*Etiā somnus
suas secūfert
molestias.*

*Pelagiani
omnia, quæ in
hac vita por-
petimur, ad
naturæ nostræ
principia re-
ferunt.*

quòd ex elementari materia concreuimus, carneque & spiritu constamus, non posse nos ijs incommodis, calibus, & afflictionibus affines non esse, quæ eiusmodi elementarem, & concretam naturam naturaliter consequuntur, quæque in bruta animantia, in quæ peccatum nullum cadit, æquè ac in hominem grassantur. Quare si illi vera prædicant, corporis morbus, carnis cum spiritu pugna, eiusdemque fomes, ac concupiscentia, mentis cecitas, voluntatis curuitas, ceteraque, quæ in catholicis Scholis naturæ vulnera appellantur, aliud nihil sunt quàm quædam tantùm naturæ pathemata.

Erasmiani,
neq; verè phi-
losophi, neq;
verè quoque
Christiani.

Verùm etsi hi, & Christiani, & Philosophi quoque haberi volunt, neutrum tamen sunt verè. Nam si hoc, vel illud essent solidè, multò verò magis si utrunque essent perfectè, non ex abiectioni hominis parte contra fidem syllogizarent, sed ex fidei principijs huiusmodi ratioeinationem instituerent. Deus Opt. Max. in mundi primordio quàm optimè, & quàm sapientissimè instituit omnia. Scriptum est enim, Quæcunque fecerat, visa fuisse valdè bona. Alibi: In omnibus,

Genes. 1.
Sap. 1. 11.
Eccli 39.
Marc. 7.

Quæ bona nō
sunt, diuina
censurā non
approbantur.

Quod omni
ordine, lege,
& ratione car-
et, in bonis
haberi non
potest.

In omnibus
Adq; filijs ma-
gna comperti-
tur *erastia*,
magna *astu-*
malia.

quæ fecerat, oblectatum esse, hoc est, omnia quæ condiderat, suo calculo approbasse. Atqui quod bonum non est, id ille tanquam à se alienum diligere, suæque censura approbare non potest. At quod omnis, & ordinis, & legis, & rationis expers est, id absolutè bonum censeri nequaquam potest. Ordo autem omnis ibi meritò abesse putandus est, vbi ancilla, quam parere & subesse oportuit, arrepto per vim imperio, superbe & arroganter in dominam se effert, seruus in dominum, cæcus in itineris ducem. Atqui eiusmodi iniquam peruersitatem, peruersamque iniquitatem, in ijs omnibus dominari certum est, qui ex Adamo originem trahunt. Constat enim certo rerum vsu, & experientia quotidiana, carnem insurgere aduersus spiritum; spiritum rursus, & carnem aduersus Deum, qui fecit illum. Huius autem peruersitatis, & *erastias* totius ordinis ac bonitatis fontem confingere, grande pia-

depiaculum est. Aliquid ergo turbatum & ἀτακτον, quod author naturę in natura nostra non scuerat, naturę nostrę aliunde accesserit, necessum est.

Debebant adhęc Philosophi illi (si hanc tamen appellationem iustę promerentur) meminisse animę facultates, quę rationis secundum se expertes sunt, tum demum florere, rectęque in homine constitutas esse, cū promptę rationis iudicio, voluntatisque imperio obsecundantur: cęteras vero, quas secundum se vel essentialiter rationales appellant, cū heroicis virtutibus ornatę ad diuinas functiones, diuinarumque rerum commentationem, quā optimę sunt dispositę. Hoc enim veterum Philosophorum, priusquam Pelagius & qui illum sequuntur, nascerentur, de optima partium hominis constitutione iudicium fuit, & illud quidem sanum, licet ut homines in eo errarent, quod perfectam illam virium omnium pacem, & inter se concordiam, nostris viribus consequi nos posse existimarent: tum in eo rursum, quod vltimam hominis felicitatem in ea partium *ἁρμονία*, vel certę in quadam animi *ἀρμονία* sitam crederent: tum in eo tandem, quod plerique ex illis Scripturarum ignari *ἀτακτικὴν* illam, quam in nobis experimur, totam ex naturę principijs ortum ducere persuasum haberent. Quare licet in voluntate iustitiam, in mente prudentiam, & in alijs humanę naturę viribus & facultatibus alias virtutes morales collocarent, non ideo tamen id faciebāt, quod vllis omnino virtutum pręsidijs tanquam medicamentis, quibus partes illę à morbo, quo tenebantur, sanarentur, opus esse putarent, sed quo ad operationes naturę suę consentaneas obeundas perficerentur, habilesque, & expedite redderentur. Iam si hoc veterū Sapientum de optima hominis constitutione iudicium fuit verum ac sanum, ut reuera verum ac sanum fuit, consequens sit, in sanum, & à ratione prorsus alienum illorum esse commentum, qui perpetuam illam partium inter se lucidam & concertationem, naturalem, rationique consentaneam esse prædicant.

Optimus in
feriorū viriū
status, cū
superioribus
promptę ob-
sequuntur: su-
periorū vero,
cū ad diui-
na quā opti-
mę affectę
sunt.

Triplex vete-
rum Philoso-
phorū error
de humana-
rum virium
ἁρμονία &
ἁρμονία.

Arist. 2. & 7.
Ethic.
Plat. in Phæd.
& Charm.

Sanius de na-
tura nostrā
iudicāt vete-
res Philoso-
phi, quā se-
centes Pela-
giani.

Theologi difertè profitentur, si hominem ex forma spectemus, ex qua res potissimum spectari solet, & spectari quoque debet, ut quæ speciem constituat, mortem & quæcunque viam ad ipsam muniunt, ipsi innaturalem esse: Atque adco nequaquam decuisse, ut præpotens Deus, qui omnia disponit suauiter, & moderatur sapienter, animam suapte natura immortalem infunderet in corpus morti obnoxium, hoc est, in corpus eiusmodi, quod ipsa anima, aut vi propria, aut energia aliunde accepta, perpetuò integrum & incorruptum conseruare non posset. Siquidem corpus ex elementis concretum eam ex se firmitatem non habet, ut semper esse, & viuere possit, sed si quid eiusmodi habet, hoc totum aliunde mutuetur oportet.

Thom.
Alexas.
Argent.
Ambros.
Si hominem secundum formam spectes, mors naturæ illius est dissidentia.
Anima aliunde id mutuat, quo corpus integrum conseruatur.
Corpus elementare ex se non habet, ut dissolui nequeat.

Mirum est sanè morosophos illos Augustino, quem vnum aliàs inter Theologos philosophi appellatione dignum prædicant tot libris ac tractatibus contra tetrum hunc errorem acerrimè disputant tam impudenter sese obiectare. Quod si de illius sententia, vel nostra fide ambigunt, legant commentarios, quos Hypognosticon inscripsit. Euoluant, quæ de peccato, & remissionis de gratia item & lib. arbit. de natura rursum & gratia inuulgauit. Percurrant quæ contra Iulianum, qui hanc carnis infirmitatem, & virium *ἀναξίαν* ut bonam, naturæ quæ nostræ consentaneam propugnabat, & alias prætereà multas ineptias, nugasque sanæ fidei aduersas in vulgus profeminabat, pluribus voluminibus clucubrauit. Vbi etiam inter alia, quibus insanum hoc dogma infectatur, hac illum oratione vtemus comperient:

Augustinus pluribus voluminibus ostendit, quæ in hac vita gemimus, ex peccato orta esse.

Si sciperis Iuliane, profectò iniquitatem esse videres, cum pars hominis inferior repugnat superiori, & meliori. Nec enim nulla iniquitas est, cum in vno homine, vel superiora inferioribus turpiter sentiunt, vel inferiores superioribus contumaciter reluctantur, etiam si vincere non sinantur. Hæc Augustinus non minùs profectò philosophicè, quàm Christianè. Nam si inferioris partis motus vel impetus cōtra rationis iudicium,

Iniquum est, inferiorem hominis partem oblectari superiori, superiorem autem sentire inferiori.
Inferioris partis impetus cōtra ra-

zationis imperium non est illi à naturæ auctore infusus, sed aliunde ascitus.

Forma rei naturalis, & propensio, quæ cum naturaliter cōsequitur, non est vna & eyna, sed vna simpliciter.

Natura homini nouercam, ceteris plerisque omnibus matrem se exhibet.

Aug. lib. 4. c. 12. cōt. Iulian. Cice. lib. 3. de Repub.

Optimum, vel nō nasci, vel natum cito mori.

Lib. 4. c. 15. cont. Iulian.

Meliores Philosophi senserunt, quæ in hac vita videntur

est illi absolutè naturalis: necessariò rationis iudicio, aut voluntatis imperio obsequi, erit contra naturam eiusdem inferioris partis motum. At quis hoc sobrius dicere, aut publicè defendere audeat? Quare impetus ille sensualitatis contra rationem & voluntatem, non est ipsi à naturæ opifice initio infusus, sed diaboli fraude, & impostura incensus, & excitatus. Si quidem nulla omnino naturalis vis, duas pluresque propensiones, vel motus inter se omnino pugnantes, à natura, vel naturæ auctore ingeneratas habet. Sequitur enim hic motus, vel hæc propensio formam, quæ non est vna, & vna in vna re, sed vna simpliciter.

Deniq; miserandam naturæ nostræ conditionem, palpabilemque eiusdem languorem, & ἀναισθησιαν variæ illæ & crebræ Sapientum huius seculi de natura nostra conquestiones, & querimoniarum plures satis apertè declarant. Sunt enim, qui vnum ex omnibus animantibus hominem non à matre, sed à nouerca natura in lamentabilem hanc vitam editum dicunt. Atqui si nihil in illo existeret vitij, nihil lāguoris aut morbi, oppositum, & dictum, & factum quoque oportuit. Constat enim pleraque omnia, quæ sub aspectum nostrum cadunt, vnius hominis causa condita esse. Multiob ingens malorum pelagus, quibus humana vita assiduò exercetur, & tantum non quasi vehementibus quibusdam procellis obruitur, vel non nasci, vel natum citò mori, optimum ducunt. Nonnulli tandem aliquid sceleris, propter quod in hac præsentī, & momentanea flagelletur, in altera vita designasse opinantur, quorum opinatiōe licet falsa, & à fide aliena, diuus Augustinus Iuliani ἡγεμονισμὸν alicubi impugnat. ait enim:

Quanto te melius veritatiq; viciniùs de hominum generatione senserunt, quos Cicero in extremis partibus Hortensij, velut ipsa rerum euidentiā ductus, compulsusq; commemorat? Nam cum multa, quæ videmus & gemimus, de hominum vanitate atq; infelicitate dixisset, ex quibus humanæ, inquit, vitæ erroribus & ærumnis sit, ut interdum veteres illi, siue vates, siue

in

in sacris initijsque tradendis diuinæ mentis interpretes, qui nos ob aliqua scelera suscepta in vita superiore pœnarum luendarum causa natos esse dixerunt, aliquid vidiſſe videantur, verumque ſit illud, quod eſt apud Ariſtotelem, ſimili nos affectos eſſe ſupplicio, atque eos, qui quondam, cum in prædonum Hetruſcorum manus incidiffent, crudelitate excogitata necabantur, quorum corpora viua cum mortuis, aduerſa aduerſis accommodata, quàm aptiſſimè colligabantur: ſic noſtros animos cum corporibus copulatos, vt viua cum mortuis.

Sed hæc illi, inquit idem Auguſtinus, concionabantur, & de natura noſtra queritabantur, quos latebat, cur eſſet graue iugum ſuper filios Adam à die exitus de ventre matris eorum, vſque ad diem ſepulturæ in matrem omnium: quia ſacris literis non eruditi, ignorabant originale peccatum, & gratiam, quæ per Mediatorem liberandis hominibus conceſſa eſt. Sed nunquid ob hoc illi Dei iudicium euadent? nequaquam. vapulabunt enim, & quidem grauiter vapulabunt, non quia ignorant, ſed quia quæ ſcire poterant, & ſcire quoque debebant, ſcire non laborant. At multò tamen minùs, quàm illi, qui poſt acceptam Spiritus ſancti illuminationem in Philoſophorum, ac veterum hæreticorum errores vltro ſe denuo præcipites dederunt. Quales inter alios complures ſunt, qui hæc hominum ætate ex pecudum natura, de humanæ naturæ conditione pronunciant. Non audio, inquebat Eraſmus, eum, qui dicit ſœdam illam pruriginem, & Veneris ſtimulos non à natura, ſed à peccato proſectos. Quid tam diſſimile veri? in cæteris animantibus vnde hi ſtimuli? à naturæ an à peccato? Idem de morte, mortisque prodromis, ac cæteris naturæ noſtræ vulneribus nugantur quidam alij.

Poſſent hi ab inſigni hac temeritate, vt aliud nihil grauius dicam, in partem excuſari, ſi catholica hæc veritas humanis tantùm rationibus, & argumentis, qualia nonnulla nunc in mediũ propoſuimus, niteretur: Verùm contra aper-

& gemimus, ex peccato naſci eſſe, ſed in altera viâ deſignato.

Lib. 4. c. 12. cont. Iulian.

Eccle 40.

Philoſophi originis no. x3, & Chriſti gratiâ ignorabant.

Neſcire, quæ re ſcire oportet, non eſt peccatum, ſed nolle ea diſcere.

In encom. matrim.

caſus omni

Tolerabile eſt, ſolis humanis rationibus obaſti-

tas

at Scripturas
 rum & Patrum
 traditioni se
 opponere, in-
 tolerabile est
 profus.
 Hæretici oēs,
 & hæreticif-
 santes Scri-
 pturarum sci-
 entiam sibi
 arrogant.

tas Scripturas, contra vnanimem sanctorum Patrum doctrinam, contra expressam Ecclesiæ definitionem hæc effutire, id demum intolerabilis est arrogantie. Miror profeud non parum homines, qui tantam Scripturarum scientiam iactitant, tamque oculati, & emundæ naris Theologi haberi volunt, dum Moysen & Prophetas, dum Apostolos & reliquos Spiritus sancti interpretes, & quasi amanuenses legunt, hunc animi morbum, hanc carnis infirmitatem, hoc fœdæ erubescendæque libidinis malum non subodorari.

Lib. 4. hypog.

Genes. 3.

Genes. 2.

Nihil creauit
 Deus in ho-
 mine rubore
 dignum.

Etenim si naturale bonum est ista libido, & nihilest in ea, quod pudeat, quæro cum diuo Augustino, qua ex causâ protoplasti post transgressionem naturalia membra texerunt? & non sicut ante peccatum fuerant, permanserunt, quando vtique nudi erant, & non confundebantur? Nihil enim Deus, vnde confunderetur homo, cum eum plasmaret ad suam imaginem, in eius forma creauit. Quod si secundum fidem nostram de accidentis libidinis malo post peccatum confusi non sunt, secundum dogma vestrum Deus fecit in illis, vnde confunderentur. Nec enim aliud dicitis, cum turpissime libidinis Deum authorem esse predicatis.

Malum libi-
 dinis non ex
 Deo, sed ex
 diabolo flu-
 xisse, Scrip-
 tura diserte
 prodant.

Sed respondes forsân? Absit vt Deus fecerit quempiam in protoplastis pudorem. Iterum ergo iterumque percunctor: Si nihil vnde pudeat Deus fecit, & plena fide dicitur, quia penitus non fecit, & malum libidinis ex diabolo non est, quod recta fide non dicitur, quia ex ipso est: cur texerunt genitalia membra post culpam, quæ à die institutionis suæ inuicem videbant, & non tegebant? Si dixeris, propter peccatum: ergo confiteri, & accusa malam libidinem, cuius impudentiam pudentes folijs fici texerunt. Quod si id dicere nequis, aperte Deum pudoris huius authorem esse criminariis: quia cum ex malo libidinis à vobis negatur confusio contigisse, Deus hominum opifex apertissime accusatur.

En ex hoc Scripturæ loco beatus Augustinus manifestè ostendit, infamem illam carnis libidinem, non esse bonum
 natu-

naturæ nostræ ab ipso opifice insitum, sed certum naturæ vitium, per peccatum in terrarum orbem inuectum. Quare & gentium doctor, & ceteri quoque Apostoli perinde de ea loquuntur, ac scribunt, ac de re mala, fugaque & odio digna. Paulus enim modò peccatum, modò peccati legem, modò absolutè malum appellat.

Facit idem & beatus Iacobus quoque: Nemo, ait, cum tentatur, dicat, quoniam à Deo tentatur. Deus enim intentator malorum est, ipse autem neminem tentat. Vnusquisque verò tentatur, à concupiscentia sua abstractus, & illectus. Deinde concupiscentia cum conceperit, parit peccatum, peccatum verò cum consummatum fuerit, generat mortem. & infra: Vnde bella, & lites in vobis? nonne ex concupiscentiis vestris, quæ militant in membris vestris? Atqui nefas est credere, Deum Opt. Max. quippiam eiusmodi homini in seuisse, vnde is ad lites, vel bella, vel alia cuiuscunque generis flagitia tanta vi impellatur.

Vtrique Apostolo per omnia astipulatur discipulus ille, quem diligebat Iesus. Filioli, inquit, nolite diligere mundum, neque ea quæ sunt in mundo. Si quis diligit mundum, non est charitas patris in eo. Quoniam omne quod est in mundo, aut est concupiscentia carnis, aut concupiscentia oculorum, aut superbia vitæ, quæ non est ex patre, sed ex mundo est: & mundus transit, & concupiscentia eius. Quòd si concupiscentia ex Deo esset, neque Apostolus eam ex patre esse negaret, neque nos tantopere ab ea absterret.

Porro autem quòd mors, cæteraque, quæ illam vel antecedunt, vel eidem quoque adiuncta sunt, non ex Deo, sed ex peccato, peccatiue inuentor, & incentore diabolo orta sint, id ex sacra & diuina Scriptura ipsa meridiana luce clarius est. Quid enim ait illa? Deus mortem non fecit, neque latatur in perditione viuorum. Creauit enim vt essent omnia, & sanabiles fecit nationes orbis terrarum. & infra: Deus creauit hominem inexterminabilem, & ad imaginem su-

Rom. 7. 5.
Apostoli eac.
nihil libidinem
malam esse
pronunciant.

Iacob. 1.

cc

cc

cc

cc

cc

cc

cc

Deus nihil
homini in se-
uit, quod im-
petu quodam
illud abripi-
piat ad quod-
cunque pec-
catum.

1. Ioan. 2.

cc

cc

cc

cc

Immoderati
concupiscentiæ
impetus, vt &
supbia quoque
non sunt ex pa-
tre, sed ex mū-
do, & mundi
huius princi-
pe.

Mors, mor-
tisque pro-
dromi ex pec-
cato, & dia-
bolo sunt, non
ex Deo.

Sap. 1.

Sap. 2.

am fecit illum. Invidia autem diaboli intrauit mors in orbem terrarum.

Rom. 5.

Apud Apostolum hac ipsa de re ita scriptum extat : Si
 Christus in vobis est, corpus quidem mortuum est, pro-
 pter peccatum : spiritus autem vita est, propter iustitiam.
 Hic Augustinus, puto quod non expositorem, sed tantum
 lectorem opus habet, tam clara & aperta sententia. Corpus,
 inquit, mortuum est non propter fragilitatem terrenam, quia
 de terra pulvere factum est, sed propter peccatum, quid am-
 plius querimus? Tandem cum Apostolus ait, Per hominem
 mors, & per hominem resurrectio mortuorum : quid ali-
 ud significare vult, quam Adamum mortis extitisse au-
 thorem, Christum verò resurrectionis ex mortuis? Nul-
 lo itaque modo mors est ex Deo, sed ex peccato, & Satha-
 ne dolo.

Lib. 1. c. 14.
 de pec. mor.
 Corpus mor-
 tuum est pro-
 pter peccatū
 non propter
 terrenā fra-
 gilitatem.
 1. Cor. 15.

His de bonorum iactura, quam in Adamo fecimus, & ma-
 lorum lerna, in quam diaboli invidia, & impostura decia-
 dimus, breuiter constitutis, consequens est ut de proxima
 horum malorum, & miseriæ causa nonnulla quoque in
 medium adferamus.

*Non solum præuaricationis Adæ pœnam, in omnes & singulos, qui
 ortum ex eo ducunt, permeasse, & porro permeare,
 sed noxam quoque & maculam.*

TRACTATUS QUINTVS.



Deus non in-
 rogat pœnas
 infonibus.

Tñ verò ex ijs, quæ à primo ortus nostri
 dic, vsque ad supremum vitæ spiritum per-
 petimur, haud difficulter colligi queat, ali-
 quid in nobis quandoq; hæsisse, vel etiam-
 num herere, quod Deo displiceat : (nam
 cum is æquissimus meritorum æstimator
 sit, nullo modo verisimile sit pœnis sœuire
 in infonτες.) Attamen cum hac tempestate non desint, qui
 aperte

apertè id negant, vt noui Pelagiani omnes: Alij rursum, qui obliquè, vt illi, qui citra sacramentale præsidium fidelium infantibus certam salutem pollicentur: Alij denum, qui præposterè admodum de hoc peccati genere loquuntur, & scribunt, cuiusmodi inter alios multos sunt, qui nullum veri nominis peccatum ex Adamo in nos deriuari contendunt, sed morbum tantum, moriendi què necessitatem: Non erit ab institutæ disputationis scopo alienum, si paucis ex Scriptura, communi què Ecclesiæ consensione, & Patrum doctrina commonstrauerimus, non solum carnis ægritudinem, & mortem, alia què eiusmodi incommoda, sed mortis quoque, carnalis què infirmitatis meritum, & causam, hoc est, culpam ex Adami præuaricatione in vniuersum genus nostrum dimanare, & ad vltimum vsque caput dimanaturum esse.

Zuingliani.

Et mors, & mortis meritum quoque ex Adami præuaricatione in nos deriuatur.

Quòd ergo in omnibus & singulis, qui communi procreationis lege originem ex Adamo trahunt, aliquod verè rationis vitium tantisper hæreat, dum per Christi sanguinem ab illo expientur, id ex Apostoli doctrina adèdè perspicuum, & planum est, vt ex ea vel sola controuersia hæc dirimi queat. Scribit is autem in hunc modum: Non solum autem, sed & gloriamur in Deo, per Dominum nostrum Iesum Christum, per quem nunc reconciliationem accepimus. Propterea, scilicet, ut per vnum hominem peccatum in hunc mundum intrauit, & per peccatum mors, & ita in omnes homines mors pertransiit: in quo omnes peccauerunt. Hic Apostolus mortem, vt proprium peccati stipendium ab ipso peccato planissime fecernit. asserit enim, per hominem peccatum, & per peccatum mortem pertransiisse in omnes.

Ex sola Apostoli doctrina originis peccati constitui potest. Rom. 5.

“
“
“
“
“
“

Apostolus fecernit mortem à peccato tanquam effectum à causa.

Nihil tam planum & clarum, quod sinistra interpretatione hæretici non deprauent, & obfcurant.

Verum quòd nihil ferè tam perspicuè exponi, nihil tam apertè proponi queat, quod improborum calumniæ non pateat, quod què ab illorum ducibus in sensum præposterum, & ab authoris mente prorsus alienum detorqueri non soleat: non defuerunt aliquando, sed nec hodie quoque defunt, qui

planissimum hunc Apostoli locum, à vero & legitimo Apostoli sensu, in sensum ab Apostolica mente alienissimum ob torto collo trahunt. Aiunt enim omnes in vno hactenus peccasse, quatenus vnum omnes peccantem strenuè imitantur. Verùm si ob id solum verè, & propriè in vno omnes peccasse dicuntur, quòd vnus exemplum impigrè sectentur omnes: nihil obstabit, quòd minùs superbos omnes in diabolo peccasse defendamus. Ab ipso enim omnis superbia, imò verò omne peccatum initium sumpsit. Omnes rursus parricidas in Cain, omnes parentum illusoires in Cham, omnes tandem tyrannos, infantumque oppressores in Nemrod, atque ita de reliquis: & tamen nullus vnquam Prophetarum, nullus Apostolorum, nullus Patrum, aut vulgariū quoque Theologorum sic locutus comperitur.

Quin & cætera quoque, quæ in illo ipso capite proximè consequuntur, eiusmodi interpretationem nequaquam admittunt. Scribitur hîc enim, peccatum regnasse ab Adam vsq; ad Moysen, etiam in eos, qui in similitudinem præuaricationis Adæ non peccarant, hoc est, in eos, vt interpretatur Augustinus, qui nondum sua & propria voluntate sicut ille peccauerant, sed ab illo peccatum traxerant, qui est forma futuri. In illo nanque, vt ait idem, posteris ex illius propagine olim nascituris condemnationis forma constituta erat.

Et quò præposteris illis Scripturarū interpretibus os magis adhuc obstruat, paucis interiectis, admonet rursus non omnia ex vno in omnes pertransiisse, sed vnum duntaxat. ait enim: Non sicut per vnum peccatum, ita & donū. Nam iudiciū quidem ex vno in cōdemnationem, gratia autem ex multis delictis in iustificationem. Si enim vnus delicto mors regnavit per vnum, multò magis abundantiam gratiæ, & donationis, & iustitiæ accipientes, in vita regnabunt per vnum Iesum Christum. Igitur sicut per vnus delictum in omnes homines in condemnationem, sic & per vnus iustitiam in omnes homines in iustificationem vitæ.

Atqui

Proverb. 1.

*Ecclesi. 10.
Genes. 4.
Genes. 9.
Genes. 10.*

Aliud, peccatum ipso ore contrahere: aliud, hunc vel illud peccantem imitari.

Lib. 1. de pecc. rem.

In Adamo posteris condemnationis forma constituta est.

Rom. 5.

Non omnia ex vno in omnes, sed vnam tantum ex vno in omnes pertransiit.

Atqui si sola imitatione in Adamo peccant, quicunque in illo peccant: (peccant autem in eo, quicunque ortum ab illo ducunt) non vnum tantum ex illo trahent, sed multa, vel etiam omnia. Nam quicunque peccant, per inobedientiam mandatum violant.

Quicunque peccant, per inobedientiam legem violant.

Mitto hic in vno illo scelere, quo generis, & delicti parens seipsum, & nos omnes in seipso perdidit, multas extitisse noxas. Siquidem, ut post Augustinum Leo Magnus exponit, erat illic superbia, qua in sua potius homo esse, quam in Dei potestate, dilexit: & sacrilegium, quia Deo non credidit: & homicidium, quia se precipitavit in mortem: & fornicatio spiritualis, quia integritas mentis humanę serpentina suasionem corrupta fuit: & furtum, quia prohibitus usurpatus est cibus: & auaritia, quia plus, quam sufficere ei debuit, appetiuit, & si quid aliud in hoc vno admissum, diligenti consideratione poterit inveniri. Hęc Leo.

Epist. 26.
In vno Adam peccato multe extiterunt peccatorum forma.

Quauis ergo, inquit Augustinus, Adamum imitentur, quotquot per inobedientiam mandatum Dei transgrediuntur: aliud tamen est, quod exemplum est voluntate peccantibus; aliud, quod origo est cum peccato nascentibus. Nam & Christum quoque imitantur Sancti: sed præter hanc externam imitationem, illuminationem quoque, iustificationemque nostram interius operatur. Sicut ergo ille, in quo omnes viuificabuntur, præterquam quod se ad iustitiam exemplum præbeat imitantibus, dat etiam sui spiritus occultissimam fidelibus gratiam, quam latenter infundit, & paruulis quoque: Sic & ille, in quo omnes moriuntur, præterquam quod ijs, qui præceptum Domini voluntate transgrediuntur, imitationis exemplum est, occulta etiam tabe carnalis concupiscentiæ tabificat in se omnes à sua stirpe venientes. Atque hinc omnino non aliunde dixit Apostolus: Per vnum hominem intrauit peccatum in mundum, & per peccatum mors. Non ergo ob id solum peccato contaminamur, quod Adam inobedientiam æmulamur, sed ob id maximè, quod naturaliter ex eo nascimur.

Lib. 1. cap. 9.
de pecc. meriti.

Veri pios non solum Christi obedientiam æmulantur, sed internam quoque gratiam ex illo hauriunt: ita mali & scelerati omnes non modo Adam inobedientiam imitantur, sed occultam quoque labem ex illo contrahunt.
1. Cor. 15.
Rom. 5.

Ad Ephes. 1.

Acquē illustre est & alterum illud eiusdem Apostoli quo-

que: Aliquando, inquit, conuersati sumus in desiderijs car-

nis nostræ, facientes voluntatem carnis, & cogitationum: &

Irē filij nasci,
amplius quā
dā est, quam
qualem cun-
que peccantē
æmulari.

cramus natura filij iræ, sicut & cæteri. Profectò hominē suā-

pte natura iræ filium nasci, non est maiorum vitia æmulari,

aut extrinseca tantū denominatione peccatorem dici: aut

carnis ægritudine, vel moriendi necessitate teneri: sed & ipso

ortu vitio quopiam contaminari. Nec enim aliud est, iræ ob-

noxium nasci, quā in iniquitate & peccato concipi, iuxta il-

Psal. 50.

lud Prophetæ: Ecce in iniquitatibus conceptus sum, & in pec-

catis concepit me mater mea. Constat nanque iniquitatem, &

peccatum, cuius sacer vates hīc meminit, ad parentes referri

Non peccat,
qui legitimē
liberis dant
operam.

non posse: Tantum enim abest vt legitimi coniuges legitimē,

hoc est, secundū legis præscriptum, liberis operam dantes

peccent, aut aliquid pœna dignum admittant, vt eiusmodi

quoque præmio digni censerī soleant. Referenda est ergo hæc

iniquitas ad prolem, quæ hoc ipso peccato contaminatur,

Psal. 14.

quod naturaliter cōcipitur. Eodem pertinet & alterum illud

eiusdem prophetæ quoque: Omnes, ait, declinauerunt, simul

Si omnes de-
clinauerūt, &
inutiles facti
sunt, ergo &
infantes quo-
que.

inutiles facti sunt: non est qui faciat bonum, non est vsque ad

vnum. Nam si infantes ad rationis vsuram nondum euecti, ne-

que in seipsis, neque in altero quoq; quicquam vnquam pec-

cauerunt, quomodo aut declinâsse, aut inutiles euasisse verē

dici possunt?

Iob 14.
Nemo immu-
nis à sorde
nascitur.

Sed quia Antagonistæ hanc Prophetæ querimoniam ad

solos forrē adultos torquebunt, agedum quid beatus Iob de

communi hac mortaliū omnium labe alibi tradat, audiamus.

Nemo, canit ille, mūdus est à sorde, nec infans, cuius est vnus

dici vita super terram. Ita hunc locum exponunt Septuaginta.

rursum: Quis potest facere mūdum de immundo conceptum

semine, nisi tu, qui solus es? Præclarum hoc sanē de commu-

ni originis macula testimonium. Vocat autem genitale semen

immundum, nō quod suapte natura eiusmodi existat, sed quia

illa virtute, & energia, qua ante primum peccatum pollebat,

caret.

caret. Siquidem Adam initio ita institutus erat, vt originis iustitiam vnà cum natura transfundere posset. Quare vt anima, ita originalis quoque iustitia aliqua ratione in semine inclusa hērebat. Per peccatum autem & ipse originis iustitia, & semen quoque, quod ex illo descendit, supernaturali illa vi exutum est. Atque ea de causa immundum, hoc est, mancum, vel mutilum, vel imperfectum hoc loco appellatur.

Genitale semen immundum prædicatum, quia vi illa, qua initio pollebat, destituitur.

Quia ergo nemo omnium à peccati huius labe immunis nascitur, sit vt nemo prius quoque ad regnum illud, quod omne omnino pollutum respuit, admittatur, q̃ saluari aqua à cōtractis illis sordibus repurgetur. Nisi quis, inquiebat Christus, renatus fuerit ex aqua & Spiritu sancto, non potest intrare in regnum Dei. At quorsum, quæso, infanti opus est palin-genesia? quorsum ablutione, si nulla in eo inhereant sordes? si nullo tenetur peccato? Certum est enim, vt in operibus diuinis, ita in Ecclesię quoque ritibus, & cēremoniis, nihil existere vanum, nihil ociosum, nihil superuacaneum.

Apoc. 12.

Ioan. 3.

Nulla infanti ut saluus fieret, opus esset ablutione, si nullæ illi cohererent sordes.

Nouimus Pelagianos hīc cauillari solere, infantes vtiliter ablui, non vt à peccato expientur, sed ne à regno Dei excludantur. Verū hęc cauillatio rudis est omnino: nullus enim ab hoc regno excluditur, nisi culpa aliqua constringatur. Si ergo in recens natis infantibus nullum hēret peccatum, nihil erit cur à regno Dei exclusi, ad terrestrem paradysum, veluti ad mite quoddam exilium ablegentur. Patet itaque in ipsis quoque infantibus aliquid extare, propter quod, & à rectitudine declinasse, & inutiles facti esse, & ablutione egere, rectè dicuntur. Hoc aliquid autem nihil est aliud, quàm originis peccatum: Siue nomen hoc inde sortiatur, quod proprio consensu non confletur, sed ipsa origine vel ortu ipso contrahatur, siue, quod originali iustitiæ, vt aliud nullum aduersetur: siue tandem, quod ab eo, à quo vniuersa hominum natura ortum ducit, deriuetur.

Nihil à cœli aditu prohibet, nisi peccatum.

Psal. 17.

Cur naturæ vitium originis peccatū appellerur ratio multiplex,

Mitto hīc alia leuiora, vt est illud: Conclussit Scriptura omnia sub peccato, vt promissio ex fide Christi daretur credenti-

Ad Gal. 3.

Ecclesi 15. dentibus. & illud rursus: A muliere factum est initium peccati, & per illam omnes moriuntur. & illud tandem: Solummodo hoc inueni, quod Deus hominem fecit rectum, & ipse se miscuit infinitis quaestionibus. Huc etiam omnia illa faciunt, quae Christum Dominum, ut communem omnium Redemptorem in carnem venisse testantur. Nec enim omnes ille redimere potuit, nisi omnes captiui, hoc est, peccati pedicis irretiti tenerentur. At infantes propriae, vel personalis noxae vinculo constringi nequeunt, ut qui rationis vsura destituantur: tenentur hi ergo originis vitio obstricti. Porro Scripturae loca, quae Christum Dominum communem omnium liberatorem praedicant, sunt penè innumera. Secundum Scripturas proinde non solum poena praeparationis Ade transijt in illius posteros, verum etiam noxia, & macula.

Verum quod Scripturae oracula, tametsi clara, & ad constituendam quamlibet controuersiam idonea, praua interpretatione infirmari, vel in alienum quoque sensum detorqueri queant, visum est, quid Ecclesia, fidissima diuinarum literarum interpres, eadere cauerit, ac perpetuo docuerit, paucis hoc loco repetere.

Sess. 5. c. 3. Synodus itaque Tridentina inter ceteros de hoc peccati genere eiusmodi anathematismum edidit: Si quis Adae praeparationem sibi soli, & non eius propagini, nocuisse; & acceptam à Deo sanctitatem, & iustitiam, quam perdidit, sibi soli, & non nobis etiam eum perdidisse; aut inquinatum illum per inobedientiae peccatum, mortem, & poenas corporis tantum in omne genus humanum transfudisse, non autem & peccatum, quod mors est animae, anathema sit: cum contradicat Apostolo dicenti: Per unum hominem peccatum intrauit in mundum, & per peccatum mors: & ita in omnes homines mors pertransijt, in quo omnes peccauerunt. In eandem prorsus sententiam, praeter Africanam, & Aurasicanam, & alias praeterea non paucas, conspirat & Mileuitana, & Toletana sexta, & Elibertina, & Moguntiacae quoque Synodus.

Synodus

Quicquid
bar Christum
communem
omnium libe-
rator, idem
quoque pbat
nullum ex
omnibus pec-
cati expetit
affici.

Peccatum mors
animae.
Rom. 5.

Synodus Milcuitana: Placuit vt quicunque paruulos recentes ab vteris matrum baptizandos negat, aut dicit in remissionem peccatorū eos quidem baptizari, sed nihil ex Adamo trahere originalis peccati, quod lauacro regenerationis expiatur, anathema sit. Quoniam non aliter intelligendū est, quod ait Apostolus, Per vnum hominem peccatū intrauit in mundum, & per peccatum mors: & ita in omnes homines mors pertransiit, in quo omnes peccauerunt. Eadem ad verbum repetit Synodus Africana.

Can. 2. de cōf. d. 4. c. Placuit Paruuli recēs nati in peccatorum remissionem baptizandi.

Rom. 5.

Synodus Toletana sexta: Ex his tribus diuinitatis personis, solum Filium fatemur ad redemptionem humani generis propter culparum debita, quę per inobedientiam Adę originali-ter, & nostro libero arbitrio contraximus, resoluenda à secreto Patris, arcanoque prodijisse, & humanitatem sine peccato de sancta semper Virgine assumpsisse.

Can. 77. Solus filius carnis assumpsit.

Synodus Elibertina: Qui aliquando fuerit catechumenus, si nunquam ad Ecclesiam accessisset, si eum de clero quisquam cognouerit voluisse esse Christianum, aut testes aliqui extiterint fideles: placuit Baptismum ei non negare, cō quod in veteri homine deliquisse videatur. Neminem rō videatur offendat: Nam etsi verbum hoc hęsitantis formam prę se ferat, non semper tamen hęsitat, sed sæpenumero absolute affirmat.

Can. 45.

Synodus Moguntiaca: Hoc primorum hominum peccatum propagatione in omnes homines transiit, & secū pœnam suam trahit, vt sint natura omnes homines irę Dei, damnationis, & mortis rei, & ad peccatum proni.

Can. 5.

Synodus Carthaginensis quinta: Placuit de infantibus, quoties non inueniuntur certissimi testes, qui eos baptizatos esse sine dubitatione testentur: neque ipsi sunt idonei de traditis sibi Sacramentis respondere, absque vllō scrupulo eos esse baptizandos, ne ista trepidatio faciat eos Sacramentorum purgatione priuari. Quod si paruuli indigent sacramentali expiatione, ergo sunt contaminati: Quo autem, nisi pecca-

Can. 6. de cō. sec. d. 4. c. Placuit.

Sacra fonte tingēdi, quos cerō tinctos esse nō cōstat

to? At nullum ipsi opere designârunt, aliquod ergo ipso ex-
ortu contraxerunt.

Can. 2.

Synodus Auraficana : Si quis soli Adę præuaricationem
suam, non & eius propagini asserit nocuisse : Aut certè mor-
tem tantum corporis, quę pœna est peccati, non autem &
peccatum, quod est mors animæ, per vnum hominem in
omne genus humanum transiisse testatur : iniustitiam Deo
dabit, contradicens Apostolo dicenti, Per vnum hominem
peccatum intrauit in mundum, & per peccatum mors. Hæc
de originis peccato Synodi, non quidem œcumenicæ omnes,
omnes tamen, vna duntaxat excepta, vel ab œcumenicis, vel
ab Ecclesia Romana approbatæ, & confirmatæ.

Rom. 5.

29 dabit, contradicens Apostolo dicenti, Per vnum hominem
29 peccatum intrauit in mundum, & per peccatum mors. Hæc
de originis peccato Synodi, non quidem œcumenicæ omnes,
omnes tamen, vna duntaxat excepta, vel ab œcumenicis, vel
ab Ecclesia Romana approbatæ, & confirmatæ.

Eandem fidei regulam vnanimi sensu atque consensu te-
nuere magna illa Ecclesiæ lumina, Irenæus, Hilarius, Cy-
prius, Hieronymus, Ambrosius : imò omnes quotquot iam
inde ab Apostolorum ætate vsque ad deploratum hoc nostrum
seculum in Ecclesia Catholica catholicè vixerunt, aut scrip-
serunt.

Iren. cit.
Aug. cont.
Iul.

Irenæus : Non aliter saluantur homines ab antiqua plaga
serpentis, nisi credant in eum, qui secundum similitudinem
carnis peccati, in ligno martyrij exaltatus à terra, & omnia
traxit ad se, & viuificauit mortuos.

Lib. 1. cont.
Marcion.

Tertullianus : Homo damnatur ob vnus arbusculæ de-
libationem : & exinde profiliunt delicta cum pœnis, & pereunt
iam omnes, qui paradisi nullum cespitem norunt.

Cyprianus : Porro autem si grauissimis peccatoribus, &
in Deum multum etiam peccantibus, cum postea credide-
runt, remissio datur peccatorum, & à Baptismo, & gratia ne-
mo prohibetur : quanto magis prohiberi non debet infans,
qui recens natus nihil peccauit, nisi quod secundum Adam
carnaliter natus, contagia mortis antiquæ prima natiuitate
contraxit ? Qui ad accipiendam peccatorum remissionem
hoc ipso facilius accedit, quod illi remittuntur non pro-
pria, sed aliena peccata. hoc est, quæ non proprio consen-
su,

Ep. ad Fidū.
cit. hunc locū.
Hier. lib. 3.
cont. Pelag.
Aug. lib. 1. c.
1. cont. Iul.
Infantes eo
iustius ad Ba-
ptismi Sacra-
mentum ad-
mittuntur, quò
illia hic re-
mittuntur nō
sunt propria
q̃ aliena.

su, sed consensu alieno habet.

Hilarius ad illum psalmi versiculum: Viuet anima mea, & laudabit te. Viuere se in hac vita non reputat, quippe qui dixerat, Ecce in iniquitatibus conceptus sum, & in peccatis concepit me mater mea. Scit enim sub peccati origine, & sub peccati lege se natum.

Ambrosius: Antequam nascamur, maculamur contagio: & ante vsuram lucis, originis ipsius excipimus iniuriam, in iniquitate concipimur. & alio rursus loco idem: Cum omnes homines velit Deus saluos fieri, quid est quod aliena à salute perpetuâ tanta infantium multitudo, totque in his ætatibus hominum millia extra vitam relinquantur æternam? quasi ad hoc tantum conditi sint ab eo, qui neminem odicens creauit, vt quia in hunc mundum cum peccati carne venerunt in insolubilis culpæ vincula sine reatu propriæ actionis inciderent? Quid hoc profundius? quid mirabilius esse potest? Neque credi fas est eos, qui regenerationis Sacramentum adepti non sunt, ad vllum beatorum pertinere consortium.

In apolog.
David.
De voc. gen-
lib. 2. c. 8.
1. Tim. 2.

Infantes non
regenerati
ad beatorum
consortium
nō pertinēt.

Hieronymus. Critobolus: Dic, quæso, & me omni libera quæstione, quare infantuli baptizentur? Atticus: Vt eis peccata in Baptismate dimittantur. Critob. Quid enim commemorare peccati? quisquam ne soluitur non ligatus? Attic. Me interrogas? respondeat tibi euangelica tuba, doctor gentium, vas aureum in toto orbe resplendens: Regnauit mors ab Adam vsque ad Moysen, etiam in eos, qui non peccauerunt in similitudinem præuaricationis Adæ, qui est forma futuri,

Lib. 3. cont.
Pelag.

Rom. 5.

Augustinus: Firmissime tene, & nullatenus dubites omnem hominem, qui per concubitum viri & mulieris concipitur, cum originali peccato nasci, impietati subditum, morti que subiectum, & ob hoc naturaliter nasci iræ filium, de qua dicit Apostolus: Eramus natura filij iræ, à qua ira nullus liberatur, nisi per fidem Mediatoris hominis Iesu Christi.

De fide ad
Petr. de con-
sec. d. 4. c.
Firmissime.

Ephes. 2.

Ad c. 15. pri-
mi Reg.

Gregorius exponens illud Samuelis : Sicut fecit mulieres absque liberis gladius tuus, sic absque liberis erit inter mulieres mater tua. Quæ est mater carnalis* sensus, nisi originalis culpa? Quia enim ante peccatum primi hominis nulla membris libido inerat, rex Amalechita non erat. Erat quippe sensus, sed turpis ac libidinosus non erat : Sed statim ut ad culpam cecidit, membrorum pruritus sensit: quia obediens carnis motum habere non potuit, quando ipse Deo inobediens fuit.

Cont. Cels.
c. 120.

Prosper: Quid peccato læsum est, si id læsum non est, unde peccatum est? Nisi fortè dicatur in Adæ posteros pœnam transiisse, non culpam, quod omni modo falsò dicitur, & ab hoc fortè non dicitur: nimis enim impium est hoc de Dei sentire iustitia, quòd à præuaricatione liberos cum reis voluerit esse damnatos. Patet ergo culpa, ubi non later pœna, & societas peccati conuincitur de communione supplicij.

Omnis veræ
rationis pœ-
na culpam
quoq; ponit.
De incar. c. 14

Fulgentius: Si qui ergo mortem solam, & non etiam peccatum ex homine primo transiisse in genus humanum nituntur asserere, mirum si non intelligunt, quibus sententiæ suæ laqueis obligentur. Primò, quia Deum dicunt iniustum, in eo quòd mori facit paruulos, quos nulla volunt isti originalis peccati contagione pollutos, quòsque manifestè cõstat in infantili ætate aliquid actualis peccati propria non posse voluntate contrahere.

Ser. de nativ.

Gregorius Nazianzenus: Venerare natiuitatem, per quam terrenæ natiuitatis vinculis liberatus es. Honora Bethleem pusillam & minimam, per quam regressus ad paradysum tibi patefactus est. & oratione de Baptismo: Persuadeat tibi de hoc quoque sermo Christi dicentis, neminem posse introire in regnum cœlorum, nisi renatus fuerit ex aqua & Spiritu sancto. Per hunc primæ natiuitatis maculæ purgantur, per quam in iniquitatibus concipimur, & in delictis genuerunt nos matres nostræ.

Joan. 3.

Psal. 50.

Retici-

Reticius: Hanc esse principalem in Ecclesia indulgentiam, Sermo de Baptif.
 neminem præterit, in qua antiqui criminis omne pondus exponimus, & ignorantie nostræ facinora prisca deleamus: vbi & veterem hominem cum ingentis sceleribus exuimus,

Innocentius eius nominis primus: In profunda præuarcationis demersus Adam, nihil quemadmodum inde surgere posset inuenit, suæque in æternum libertate deceptus, huius ruinæ latuisset oppressu, nisi eum postea Christi pro sua gratia liberasset aduentus, qui per nouæ regenerationis purificationem omne præteritum vitium sui Baptismatis lauacro purificauit. Epist. ad Syn. Carthag.

Innocentius tertius: Etsi originalis culpa remittebatur per Circumcisionis mysterium, & damnationis periculum vitabatur: non tamen perueniebatur ad regnum cœlorum, quod vsque ad mortem Christi fuit omnibus obseratum: sed per Sacramentum Baptismi Christi sanguine rubricati, culpa remittitur, periculum vitatur, & ad regnum cœlorum peruenitur. De Bapt. c. Maiores.

Leo primus: Gratia vnicuique principium iustitiæ, & bonorum fons, atque origo meritum est. Sed ideo ab illis per naturalem industriam dicitur perueniri, vt quæ ante gratiam proprio clara sit studio, nullo videatur peccati originalis vulnere sauciata. Ideo etiam paruulos dicunt, si sine Baptismo hinc de seculo exierint, non posse damnari, neque reos in peccato Adæ teneri, Cùm Apostolus dicat: Per vnum hominem peccatum intrauit in mundum, &c. Ep. 16. ad Nic. Episcop. Aquil.

Bernardus: Cùm adhuc inimici tui essemus Domine, & mors in omnem carnem exerceret dominium, cui omne semen Adam erat obnoxium lege primordialis culpæ, recordatus es verbi misericordiæ tuæ, & prospexisti ex sublimi habitationis tuæ in hanc vallem plorationis & miseriæ. Ser. de pass. Domini.

Anselmus: Per vnum hominem, qui primus peccauit, intrant originale peccatum in hunc miserum mundum, id est, in vniuersum genus humanum. Quoniam peccando omnem Ad cap. 5. ad Roma.

suam stirpem in se ipso, tanquam in radice vitiauit, ut quicquid proles ex semel damnata, per quam peccauerat, coniuge per carnalem concupiscentiam, in qua inobedienti poena similis tributa est, nasceretur, traheret peccatum originale.

Hec de originis labe Patres illi, ex quibus, ut & ex ceteris quoque, quæ toto hoc segmento exposuimus, perspicuum euadit, omnes homines non solum corporis mortem, moriendi ve necessitatem ex Adamo trahere, sed ipsam quoque animæ mortem, hoc est, noxam. Imò verò si nullam prorsus noxam ex eo traheremus, nulli quoque morti, alteri ve pœnæ obnoxij nasceremur. Siquidem veræ rationis pœna tantum ad culpam ordinem dicit. Nam etsi insons quispiam plecti possit, ea tamen punitio, ut cruciatus vel supplicium dici queat, pœna tamen propriè dici non valet. Quas autem pœnas Deus à nobis exigit, eas tanquam iustas, ac promeritas exigit. Vnde etiam non tantum adultos varijs subinde morbis & cladibus exercet, verum eos etiam, qui nihil adhuc sceleris per se admiserunt, neque per ætatem admittere potuerunt.

Si nullam ex Adamo culpam, nullam quoque ex illo pœnam traheremus.

Lib. 1. c. 5. cōt. Julian.

Dæmonia infantes quoque nonnunquam faciunt.

Lib. 6. c. 4.

Nos certè, inquiebat Augustinus, causam, cur sub diabolo sit, qui nascitur, donec renascatur in Christo, peccati ex origine dicimus esse contagium. Vos autem, qui hæc negatis, ea saltem, quæ aperta sunt, intuemini: cum nonnulli etiam patiantur dæmonem infantes, nisi forsan & ipsos, aut esse, aut sub diabolo esse negabitis. & infra: Tu, Iuliane, asserere si potes, quomodo sibi non obscure, sed apertè vendicat paruulos, quos immundi spiritus vexant. Si ei traditos dicis, videmus ambo supplicium, tu dic meritum? Ambo cernimus pœnam, tu qui nulla mala merita dicis ex parentibus trahi, cum Deum iustum esse ambo fateamur, demonstra ista pœna dignam, si potes, in infantibus culpam? Hæc Augustinus.

Et ut nulli ex illis dæmonum vexationes experirentur, omnes tamen interitus legi obnoxij sunt: hanc autem legem non

non aliunde quàm ex peccato ortum ducere, ex Scripturis evidens est: In quacunque die comederis ex eo, (comminatur Deus) morte morieris, hoc est, corruptionis, & mortis legibus obstrictus teneberis. Incassum autem hanc poenam Deus comminaretur, si homo ex primæua naturæ suæ institutione moriendi necessitate teneretur. Hac ratione, quæ irrefragabilis est, inter alios & ipse quoque Fulgentius alicubi vtitur.

Genes. 3.

Si homo suæ
ptæ naturæ fu-
it mortalis,
frustra Deus
mortem est
illi commi-
natus.

De incarn.
c. 14.

Qua, inquit ille, iustitia paruulus subijcitur peccati stipendio, si nulla in eo est peccati pollutio? Vel quomodo videmus morte punctum, si non sensit aculeum? Et cum non sit iniquitas apud Deum, qui fecit hominem ad imaginem suam, quæ iustitia est, vt imago Dei, quæ nihil potuit per seipsam delinquere, si non redimatur sanguine filij Dei, in regnum Dei non permittatur intrare? Hæc ne est Creatoris benignitas, vt imaginem suam creet, eamque sine vlla iniquitate condemnet, cum non sit iniquus Deus, qui infert iram? Constitutum sit ergo, non solum adultæ ætatis hominibus iustas damnationis causas adherere, verum ipsis quoque infantibus recens in hanc lucem editis. Iustæ autem damnationis causæ, aut nullæ sunt, aut noxæ sunt.

*Originis vitium veræ rationis peccatum esse: Neque cavillationes,
quibus Antagonistæ nituntur, oppositum euincere.*

TRACTATVS SEXTVS.



Tu dicis forsân: Quod voluntarium, aut in hominis potestate situm non est, id ipsi vitio verti, aut in poenam imputari iuste non potest: (de intrinseca nanque peccati ratione est libertas) atqui vt seruus vel liber, iustus vel iniustus, vel alio modo affecti nascamur, id in nostro arbitrio nullo modo positum est: Nihil ergo, quod veræ culpæ rationem obtineat, per solam naturæ communicationem in nos transfundi potest.

Originis la-
bem non esse
veræ rationis
peccatum, ex
libertatis de-
fectu, Anta-
gonista ostē-
dere conatur.

Qui

contrarium est. Nam etsi vitium hoc vel hæc iniquitas non sit propriè ab illis, est tamen in illis non solum subiectiue, sed suo quoque modo despoticè: hoc autem modo inhærere, est verè peccati reum constituere.

Concupiscentiæ malum, inquit Augustinus, tantum quia inest, infantes in morte tenet: & pertraheret ad vltimam mortem, nisi eius vinculum in illa, quæ sit in Baptismo, remissionem peccatorum omnium solueretur. Per malum autem concupiscentiæ ille suo more totum id accipit, quod est de intrinseca originalis peccati ratione. Et hæc quidem solutio huic Pelagianorum Achilli sat esse poterat. Verum quia hoc vnum argumentum multos iam olim exercuit, & vexauit plurimum, & etiamnum multos exercet, & vexat non parum, non grauabimur alteram, quæ fortè non minus ad rem faciat, adhibere: non quòd iam adhibita non sit firma & vera, sed quòd non æquè fortassis omnibus sit clara, nec æquè in Scholis quoque trita.

De pec. orig.
c. 39. & lib. 6.
c. 5. cont. Iulian.

D. Aug. orig.
peccatū concupiscentiæ nomine passim designat.

Cum illi ergo hunc in modum ratiocinantur: Quod non est voluntarium, id nullo modo est peccatum: originis peccatum non est voluntarium, ergo non est veri nominis peccatum: Responderelicet priorem argumentationis huius partem admitti posse. Certum enim videtur, quod nullo titulo, nulla iuris fictione, nulla legum interpretatione est voluntarium, id iustè puniri non posse. Atqui omne iustæ notionis peccatum iustam promeretur poenam. Interim verò non id solum, & in foro, & in Scholâ voluntarium habetur, quod per se, ac formaliter volitum est, sed illud etiam, quod virtute, vel iuris præsumptione, vel alio simili modo voluntarium est. Formaliter id expetitur, quod non in altero, vel alterius ratione expetitur, sed per seipsum, & secundum seipsum primò expetitur. Hoc voluntatis genere læmargi desiderium fertur in esculenta & poculenta: philargyri, in argentum & aurum: studiosi, in Deum, vel virtutis bonum: & alterius cuiuscunque in alterum, pro-

Voluntarium triplex, formale, virtuale, interpretatiuum.

Formaliter expetitur, quod in se primò, & proximè expetitur.

ut sua quemque aut voluptas trahit, aut voluntas ad hoc vel illud rapit.

Virtute expectitur, quod in altero indiuisè connexo expectitur.

Virtute id voluntarium censetur, quod in seipso proximè, vel secundum seipsum absolutè non est volitum, & expectitum, sed in altero, cui illud intrinsecè, & indiuisè cohæret. Hac voluntarij specie diuinam offensam velle rectè dicuntur, etiamsi de Deo nihil quicquam cogitent, qui in furtum, vel adulterium, vel hominis eedem, vel aliud quodcunque eiusmodi flagitium spontè, ac deliberatè consentiunt. Fieri nanque non potest, ut quis absolutè patrare id velit, quod lege prohibitum est, quin simul virtute, hoc est, secundariò, & indirecè in legislatoris offensionem incurrere velit. Cohæret enim offensio transgressioni indiuiduè, non secùs atque motus ambulationi.

Iuris præsumptione voluntarium dicitur, quod contingenter alicui rei, vel actui absolutè voluntario coniungitur.

Iuris præsumptione id tandem voluntarium dicitur, quod alicui rei, vel actui ita connexum est, ut rarò admodum ab eo separetur: licèt absolutè ab eo separari queat. Hoc voluntarij schemate quempiam lædere velle præsumitur, qui in hominum turba constitutus, telum mittere non veretur: inebriari, qui largiùs vult potare: mendacio teneri, qui multa temere vult effutire. At nullo istorum modorum originis peccatum, aut præuaricatio, ynde illud consecutum est, nobis est voluntaria. Constat enim nos scelus illud non perpetrâsse, neque ut perpetraretur authores extitisse: Sed neque vllum quoque actum, cui Dei offensa, vel necessariò, vel contingenter coniuncta esset, per nos edidisse. Si ergo nulla alia voluntarij ratio extaret, difficile foret verè rationis peccatum hîc constituere.

Iuris fictione multis modis quippiam voluntarium censetur.

Verùm non id solum iuris fictione, vel interpretatione voluntarium est, quod modò expositum est: sed id etià, quod altero iubente, vel suadente perfectum est: tum illud rursum, quod ex metu non satis iusto impellente, vel ignorantia factum non excusante, commissum est: tum illud demum, quod ab altero austerius tamen absentis commodi causa susceptum, vel institutum

stitutum est : siquidem nemo mente valens suo commodoaduersari præsumitur. Hac ratione, quod tutores pupillorum, vel parentes liberorum gratia volunt, faciunt, vel instituunt, ipsi pupilli, vel liberi velle, vel facere, vel instituere dicuntur, etiamsi absint, vel nondum quoque nati sint. Et hoc postremo modo nonnulli originale peccatum voluntarium opinantur. Afferunt enim Adamum communi omnium, qui olim ab ipso nascituri erant, nomine & loco, de præstanda obedientia, deque iustitia, quam in communem omnium usum acceperat, retinenda, sanctè cum Deo pactum esse. Pacto itaque violato, ipsum cum tota posteritate amissæ iustitiæ reum factum esse, vt quam totam ille in sua persona sustineret.

Sed sanè licèt sententia hæc quosdam authores habeat, & quendam quoque probabilitatis colorem præ se ferat, & in politicis præterea celebrem usum obtineat Scripturæ tamen de eiusmodi pactione nihil quicquam commemorant. Obligabatur haud dubiè protoplastus ab interdictione arboris fructu abstinere, & per consequens iustitiam, quam communi omnium nomine acceperat, retinere ; verùm id non alio, & alio præcepto, sed vno eodemque planè. Sicut nos quoque non alia lege, aut alio præcepto iubemur diuinæ gratiæ affines esse, alio rursus legem ipsam obseruare ; sed vno eodemque prorsus. Mitto hîc, puero infanti incassum, vt hac vel illa prærogatiua donatus, vel ex parente hoc vel illo modo affecto nascatur, legem figi : siquidem nihil horum positum est in illius potestate : lex autem eorum est, quæ fieri possunt.

Scripturæ nihil produnt de pacto cum Deo inito.

Eadem lege Adamus renebatur originis iustitiæ retinere, & à leuifera esse abstinere.

Lex est possibilium.

Sed vrget : Si quod nobis ingeneratur vitium, nec hoc, nec illo, nec villo alio modo hætenus exposito voluntarium est : quo ergo modo, aut qua tandem voluntate voluntarium est ? aut si omnino voluntarium non est, quomodo aliquod peccatum est ? Vnum est hîc certum, & apud orthodoxos omnes extra quæstionem positum : nempe omnes & singulos, quot

Certum est, omnes vtriusque mortis

reos nasci,
nullumque
nisi per Chri-
sti sanguine
ab hoc reatu
absolui.

quot ex Adamo nascuntur, vtriusque mortis reos nasci: nec
vllum omnino ab hoc reatu, nisi per Christi mortem & san-
guinem absolui.

Nemo mor-
taliū per
proprium
actum incur-
rit originis
vitium.

Acquē certum & indubitatum est, nullum omnino mor-
taliū hunc mortis reatum per actum aliquem proprio con-
sensu perfectum incurrere. Nam si actu proprio, qui ex Ada-
mo oriuntur, istiusmodi malum sibi consciscerent: vel
illud sibi consciscerent actu qualicumque ante ortum edito,
aut actu post ortum perfecto, aut ipsomet ortu. Non actu
ante ortum edito: nam aliās prius aliquid operis moliti
essent, quā in humanis extitissent, quod est impossibile.
Nec actu rursū post ortum perfecto: nam tunc pecca-
tum hoc non esset originale, sed personale, vel actuale.
Nec ipso denique ortu: siquidem nasci non est agere, sed
pati: est præterea opus naturæ in solidum: quod autem eius-
modi est, hoc, cæteris seclusis, mortis meritorium non est.

Peccati ratio
estra vllum
actum con-
sciscare potest.

Si ergo statueretur peccatum citra proprium actum con-
sistere non posse, vt illi statuunt, qui peccatum per actionem
regulæ suæ dissentaneam definiunt: originis vitium ad mor-
tem imputari non facilè posset. Sed quia falsò id statuunt,
quemadmodum de eo peccati genere manifestum est illud,
quod non in mala actione, sed in praua bonæ actionis omissi-
one positum est: ideo statuendum est, originis labem veræ
rationis peccatum esse, & tamen actum, cui proximè inhære-
at, substratum non habere. Quanuis interim, si secundum se
absolutè, & non vt in hoc, vel illo existit, consideretur, non
omnis actionis expers sit: Constat enim per malum actum
primò constatum esse. Quandoquidem vna ad numerum acti-
one vniuersa natura gratuita exuta est, & à Deo abalienata est.
Quemadmodum etiam vna illa actione, qua decimatus est
Abraham, decimatus est & Leui quoque, & quotquot in Leui
lumbis virtute continebantur.

Est originis
peccatū actū
malum in sui
ratione non
includat, ex
malo tamen
actu primò
ortum est.

Atq; huc rēdit Apostolus, cū in vno omnes peccasse præ-
dicat. Siue illud, In quo oēs peccauerunt, ad personā referas,
siue

siue ad noxam. vtrunque enim in idem penè redit. Si, inquit Augustinus, peccatum intellexeris, quod & per vnum hominem intrauit in mundum, & in quo nihilominus omnes peccauerunt: mox cōsequitur alia esse peccata cuique propria, in quibus hi tantum peccant, quorum propria sunt; aliud hoc vnum, in quo omnes peccauerunt, quoniam omnes vnus ille homo fuerunt. Si autem nō ipsum peccatum, sed vnum illum hominem, in quo vno homine omnes homines peccauerunt, adhuc ea manifestatione nihil est manifestius.

Illud Apostoli, In quo oēs & ad peccatam, & ad noxam referri potest.

Lib. i. c. 10, de pecca. merit.

Non extitit sanè illa vitiosa actio, qua Dei Opt. Max. testamentum dissipatum est in nobis; neque in nobis existere, aut à nobis prodire aliquando potuit; vt qui per id tempus in rerum natura nondum existeremus, (producere autem necessario ponit esse) sed tantum in Adamo: Veruntamen reatus, vel macula, vel quicquid istud est, quod post vitiosam actionem in peccatore reliquum est, Deo illum exosum, & pœna dignum reddēs, cuius proinde ratione homo formaliter peccator est, &, donec per pœnitentiam Deo reconciliatur, peccator appellatur, hoc ipso nobis adhærescit, & porro, dum per Christi gratiam liberemur, adhærescere pergit, quod virtute, dum mandatum ille violaret, in illo extitimus, quodque naturaliter ab ipso propagamur. Fatendum est tamen hunc nostrum reatum, vel hanc nostram maculam non eiusdem rationis, nec eiusdem quoque ponderis. esse cum illo, vel illa, qui, vel quæ cohæsit Adami personæ. Verum de hoc suo postea loco ex instituto.

Genes. 3.

Nō ipsa pręuaricationis actio, sed ipsa pręuaricationis macula nobis cohæret.

Nostra & Ade macula diuersæ sunt rationis.

Si quis ergo in hoc originis peccato vitiosam actionem quæsierit, illam profectò comperiet, non in nobis, sed in Adamo: Si verò reatum, vel maculam ex actu illo vitioso natam, cam vtroque inueniet; & in Adamo actu iam perfecto & absoluto priusquā respiceret, & in nobis rursus donec per Mediatoris gratiam ab ea emundemur. Comperiet autem vtroque non externa tantum denominatione, aut nuda solum imputationis imaginatione, sed verè, ac propriè. Siquidē

In Adamo extitit vitiosa actio, & macula simul: in nobis aut tantum macula existit.

Quilibet verè
ac propriè co-
heret sua ma-
cula, non vna
omnibus.

vnusquibet mortalium communi propagationis lege ab Adamo descendendum, non ab aliena, sed à propria macula intrinsecè, ac formaliter sibi inherente, antequam regeneretur, peccator est, verèque, ac propriè peccator appellatur.

Adam vitioso
illo actu fuit
peccans, &
peccator, nos
tantum pec-
catores.

Et quoniam in Adamo non ipse tantum prauus actus extitit, sed illud ipsum quoque, quod post perfectum eiusmodi actum reliquum erat, fit vt vnus hic omnium ab vtroque verè, ac propriè denominari potuerit. Ab ipso quidem actu peccans, ab eo verò, quod post actum relinquebatur, peccator. Nos autem ab actus illius effectu, peccatores verè dici possumus, ab ipso verò actu peccantes nequaquam, vt qui verè, ac formaliter in nobis non extiterit. Nec enim idem est prorsus, quo peccantes, & quo peccatores dicimur. Quandoquidem ab actuali legis transgressione peccantes rectè appellamur, peccatores non item: Aut si hoc quoque, id tamen non eadem ratione: non enim id dicimur, aut sumus formaliter, sed tantum causaliter: Legis nanque præuaricatio peccatorè efficit. Peccatores autem sumus, & appellamur per illud, & secundum illud, quod ex peccaminoso actu in animo relinquitur, quodcunque tandem illud fuerit.

Vt orig. iusti-
tia primo ho-
mini obue-
nerat, non vt
primatæ hypo-
thesi, sed vt
tius generis
nostri prin-
cipi, ita pecca-
tū, quo illam
amisit, mor-
temq; incur-
rit, in omnes
cum suis ap-
pendicibus
pertransit.

Mira sunt hæc, inquis, & in humanis exempli ignara. Sunt sanè, at nō aduēta, nec omnino etiam disparata. Nam vt primo generis nostri parenti Adamo originalis iustitia obuenierat, non quidē vt priuatæ personæ, sed vt totius naturæ radici, ac quasi fonti: (quare eam quoque transfusus erat in omnes) ita abstinentiæ legem, quam cœlestis pater ipsi tanquam communi, & primo eiusdem naturæ principio imposuerat, per inobedientiam conuellens, foedèque infringens, iustitia & sanctitate in peccati poenam iustè despoliatus, non sibi tantum numinis iram, animæque & corporis mortem asciuit, sed cæteris quoque omnibus, qui virtute ac potentia in ipso continebantur, & quorum personam ille gerebat.

Cum ergo voluntas, (vt tandem ad aliquam voluntarij rationem, quæ suprâ inquirebatur, veniamus) qua peccatum illud

illud admissum est, & ipsum nihilominus peccatum non tam priuatæ illius personæ extiterit, quàm totius humani generis fontis, neque magis rursus personæ sustinentis naturā, quàm naturę sustinentis personam: non omnino difficile fuerit colligere, quo voluntarij gradu peccatum hoc singulis voluntarium dici debeat. Est enim singulis eo modo & gradu voluntarium, quo modo & gradu singuli in Adamo, cum ipse mandatum infringeret, continebantur. Atqui iam tum in ipso non erant actu, aut formaliter, sed potentia tantum & virtute, eo quæ ferè modo, quo ramus est in radice.

Sunt hæc aliqua, ais. nam si peccatum hoc communis naturæ voluntate designatum est veriùs, quàm priuatæ personæ studio, ergo vt singuli per generationem communicant naturæ, ita & illius quoque voluntati, quę in communi illa naturā existerat: At nondum satis perspicio, vnus ne tantum voluntate peccatum hoc voluntarium censi debeat, an vnus cuiusque. Et si vnus solùm, quomodo in nobis, qui Adamo peccante nondum extabamus, proprij voluntarij rationem sortiri queat?

Et vnus tantum, & omnium rursus & singulorum voluntate voluntarium dici potest, quanuis id non pari gradu, nec eadem quoque ratione. Est enim vnus Adami voluntate simpliciter, & absolute voluntarium: omnium verò & singulorum non simpliciter, sed tantum secundum quid. Neque enim singulorum voluntate est voluntarium, vt singuli sunt, siue vt quædam priuatæ personę secundum se seorsum consideratę existunt: nec est singulorum rursus, vt proximè ex hoc, vel illo parente orti sunt: Sed est singulorum, vt naturales Adę filij existunt: siue vt naturam illam participant, quæ tota, virtute ac potentia in Adamo comprehensa, & peccauit, & peccare voluit. Nam vt proximè indicatum est, peccatum hoc naturæ veriùs peccatum est, quàm personæ.

Ceterum dum hoc loco asseritur originis maculam, naturæ peccatum, vel naturę voluntate designatum esse, non est id

Voluntas, quæ lex violata est, fuit communis naturę veriùs, quàm priuatę personę.

Singuli asserunt in legis prævaricationem, non actum & formaliter, sed potentia, & virtualiter.

Questiones habet, sit ne peccatum hoc vnus tantum voluntate voluntarium, an verò omnium & singulorum.

Legis transgressio Adami voluntate simpliciter fuit voluntaria: reliquorum, quæ potentia in illo continebantur, tantum secundum quid.

Originis vitium non solum naturam, sed personam quoque peccatum est.

Cut orig. peccatum naturæ vitium appellatur, triplex ratio.

Orig. vitium eo ferè modo est voluntarium, quo membrorum officia.

Orig. peccatum inter mortifera minimum.

Orig. peccatum non est eiusdem rationis cum cæteris peccatis.

ita accipiendum, quasi personæ quoque vitium censeri non debeat. vtriusque enim censeri debet. Nam vt vnus cuiusque hominis actus primò quidem ac proximè ipsam, ex qua egreditur, personam spectat, eandemque, si vitiosus est, commaculat, mox verò naturam, singulasque eiusdem partes: ita scelus Adc primò quidem & proximè infecit illius personam, hinc naturam, quā persona illa sustinebat, postremò omnia membra & partes, quæ vel actu, vel potentia in ea comprehendebantur, hoc est, omnia, & singula humanæ naturæ indiuidua: quæ iuris fictione aliud nihil sunt, quàm quædam communis illius naturæ partes, vel membra. Appellatur autem naturæ peccatum non ob id solum, quòd nulla generantis personæ habita ratione vnà cum natura perpetuò transfundatur, eandemque vt propria passio perpetuò consequatur, verum ob id etiā, quòd per actum naturæ proprium, puta per generationem, perpetuò propagetur. Patet ergo originis vitium peccatum esse, & voluntarium esse.

Verum enim verò quòd non omnino planè voluntarium sit, sed ad eum ferè modum, quo manuum, vel pedum, vel oculorum, vel aliorum quorumlibet membrorum, vel partium officia, (Planum est autem opera huiusmodi externa, secundum se voluntaria non esse: nec enim manus, aut pedes, aut oculi, aut cætera hominis membra propriam sortiuntur voluntatem, aut propriam electionem: sed hæc tenus tantum, quatenus ad humanam voluntatem referuntur, aut quatenus ab humana voluntate diriguntur, & impelluntur) fit vt cæteris, quæ personalia dicuntur, & à Deo sciungunt, minùs malum, minùsque funestum existat. Nam vt meritum secundum voluntarij intentionem intenditur, ita peccatum quoque & demeritum.

Et vt cæteris mortiferis lenius est, ita neque eiusdem quoque cum cæteris rationis est. Cætera nanque in turpi aliquò actu, turpis ve cuiuspiam actus deformitate consistunt: hoc autem non in actu, aut in actus cuiusvis obliquitate positum est,

est, sed in habituali quadam auersione, viriumque omnium infirmitate, & curuitate: At multò citra omnem controuersiam peius est habere malum actum, quàm prauum habitum: quippe cùm prauus habitus nōnunquam in iustis quoque commperiantur. Cetera rursus propria cuiusque voluntate & lapsu suscipiuntur, ac perficiuntur: hoc autem non propria sed alienę voluntatis consensu in caput nostrum deriuatur: idque præter lapsi propòsitum. Neque enim primus parens Deum offendere, aut originalis iustitię iacturam facere voluit, tamen id facere voluerit, ac reipsa quoque fecerit, ad quod vtrunque necessariò consequebatur. Cetera tandem sunt peccata personę, licet naturam in persona existentem sua quoque turpitudine polluant: hoc autem, vt antè ostensum est, naturę veriùs quàm personę peccatum existit. At multò leuiora sunt vitia illa, quę ex origine adsunt, quàm quę ex personali actu accesserunt.

Personalia in prauo actu, orig. in prauo habitu posita sunt.

Cetera propria, orig. aliena voluntate confluunt.

Cetera personę, orig. nature vitia est.

At dices: Si peccatum hoc cum alijs collatum leue est, vel omnium quoque minimū est, cur illius ergo causa irę, & condemnationis, & mortis filij nasci dicimur? Nusquam à nobis assertum est omnium minimum esse simpliciter: (certum est enim illud magis aduersari spiritali vitę, quàm quoduis veniale) dictum est autem in ratione proprij, & voluntarij inter minima censerī posse, & hoc verum est. Dicimur porrò irę, & mortis, & condemnationis filij nasci, non quòd Deo æquè inuisi, aut æquè exosi nascamur, aut habeamur iam nati, atque illi, qui in illius legem studio præuaricantur: sed quia gratię, & iustitię, quam in primo generis nostri parente acceperamus, expertes nascimur: perindèque ac verè maiestatis rei, propter cohærens vitium à regno in exilium pellimur, morteque tandem, & alijs multis incommodis malè multamur.

Pecc. originale magis aduersatur spiritali vitę, q̃ veniale.

Cur irę, ac mortis filij nasci dicimur.

Hęc tamen omnia, præter peccatum, incommoda in eos etiam caderent, qui aliunde quàm ex Adamo ortum ducerent: Tamen isthęc in illis, nec pœnæ, nec culpę quoque

K ratio-

Scētis addi-
cti orig. pec-
ca um supra
modum ex-
aggerant.

rationem propriè obrinerent, sed proprietatum tantùm naturæ. Sicut nec illa quòque, quæ brutis accidunt, pœnæ, aut supplicia appellantur propriè, sed tantùm naturæ pathemata. At verò qui Scētis addicti sunt, dum de peccati huius ratione loquuntur, aut scribunt, nihil suaue, aut humanum, aut humile sonant; sed omnia tragica, & infernalìa. Verùm de insana horum hyperbola scētionē proxima ex instituto: nunc vnum adhuc aut alterum argumentum ex Pelagianorum Schola petiit in medium proponamus.

Ezech. 18.
4. Reg. 4.
1. Par. 15.
Gala. 4.
Prima Pela-
gianorum ra-
tio.

2. Cor. 9.
Secūda ratio.

Tertia ratio.

Quarta ratio.

Quinta ratio.

Sexta ratio.

Septima ra-
tio.

Quòd ergo nulla omnino verè rationis noxa ex primis parentibus in illorum posteritatem transfundatur, sed neque transfundi quoque queat, Pelagiani eiusmodi rationibus, & argumentis probant. Si, inquit illi, noxa vnus alteri potest esse fraudi, vel in pœnam alteri imputari, falsò asseritur, neque filium patris, neque patrem rursus filij iniquitatem, sed vnumquemlibet onus suum portaturum esse. Falsò, quod quisque seminauerit, siue boni siue mali, hoc olim & messurum quoque. Falsò, accidens de subiecto in subiectum non transire. Falsò, Christum Dominum, sacratissimamque eiusdem matrem, qui perinde ac ceteri ab Adamo ortum trahunt, ab omni peccati nœuo semper immunes extitisse. Falsò, quæ natura insunt, ea probri, ac noxæ expertia esse. Falsò, producta, vel orta, producentium, vel procreantium naturam, & qualitatem referre. Nam, vt hîc ponimus, producentia sunt integra, omnisque vulneris, & vitij expertia. Falsò tandem, sobolem proximorum progenitorum similitudinem exactiùs exprimere solere, quàm procùl positorum. Proximi enim parentes nullum ex se vitium in prolem transmittunt. Hæc illi, & alia quædam his cognata: Ad quæ eò faciliùs licebit respondere, quò singulorum fundamenta validiùs iam antè quassata, labefactataque vidimus.

Gala. 4.

Cùm ergo ex Scripturis allegant, vnumquemlibet onus suum baiulaturum: responderi potest, quicquid ex Adamo oriuntur,

tur, neque Adami, neque alterius cuiuspiam onus, iniquitatem portare, sed suum, ac proprium. Nam quotquot naturam ex Adamo trahunt, omnes iustitia, & sanctitate orbatam, & à Deo ex consequenti auersam, ex eo trahunt. Hoc autem aliud nihil est, quam in originis peccato nasci, vel nascendo originis peccatum contrahere. Quod si singuli, qui hoc naturæ vitio laborant, non ut ab illo descendunt, qui ut commune mortalium omnium principium illustribus in ortus sui primordio virtutum ornamentis cumulatus erat: sed secundum se absolūtè, prout nimirum quædam priuata personæ existunt, nullo naturæ morbo, nulla virium deformitate, nulla animi agritudine, aut noxa teneri depræhenduntur: Siquidem culpa omnis deposcit voluntarium, hoc autem, ut sub priuatorum ratione concipiuntur, locum in illis nullum habet.

Primæ rationis vel authoritatis discussio.

Qui ex Adamo oriuntur, onus suum portant, non alienum.

Originis malum, ut malitiam assequatur, ad Adam transgressionem referatur, oportet.

Quo hæc solutionis appendix aliquanto explicatior habeatur, meminisse oportet, vnumquemlibet mortalium bifariam considerari posse: Vno modo absolūtè, ut priuata persona: altero modo relatè, ut mystici, vel politici corporis membrum. Ut priuata vel singularis. persona est, id totum, & solum ad illum spectat, quod ipse priuato iudicio, vel imperio designat, quodcunque tandem illud fuerit: At verò ut vniuersitatis portio est, id ad illum quoque pertinet, quod ab vniuerso collegio, vel potiore collegij parte, vel ab ipso quoque collegij præfecto, vel vniuersitatis principe communis omnium nomine suscipitur, vel instituitur, vel quouis etiam modo designatur. Secundum hanc igitur capitis & membrorum, totius rursus & partium inter se analogiam, vniuersa hominum multitudo, quæ ab vno principio fluxit, concipi potest, & in hac controuersia concipi quoque debet, ut vnum aliquod collegium, vel ut vnum aliquod corpus mysticum, in quo corpore varia & inter se distincta existunt membra, quæ singula, geminam illam considerationem, de qua modo dicebamus, recipiunt.

Vnusquislibet bifariam considerari potest: & ut priuata persona, & ut communis mem-
brum.

Vniuersa mortalium multitudo constituit vnum corpus mysticum, in quo vniuersi existit caput, membra autem diuersa.

Adamo in
ortu suo ob-
tigit illustre
donum, quod
vna cum na-
tura in posse-
ritatem suam
transmissurus
erat.

Orig. iust. or-
batum, & à
Deo auersum
nasci, est ori-
ginis peccato
obstrictum
nasci.

Diluitur se-
cundus Pelag.
locus.

Malè in Ada-
mo, & cum
Adamo semi-
nare, est natu-
ra, quæ in illo
deprauata
fuerat, parti-
cipem fieri.

Huic contemplationi alteram, si lubet, adde: nempe primo illi, & communi humani generis principio in ipso statim ortus sui vestibulo obtigisse donum quoddam supernaturale, cuius vi, & energia efficiebatur, vt mens Deo, menti sensus, & tota inferior hominis portio, corpus tandem totum integrè subderetur animo. Obtigisse autem hoc illi non vt solus illo felix esset, sed quò per generationem in vniuersam posteritatem suam illud transfunderet. Quia ergo eximium hoc ornamentum non sibi soli, sed cæteris quoque omnibus, qui olim ex eo nascituri erant, suscep-erat, semperque, si Deo Opt. Max. quam debebat fidem, & obedientiam prastitisset, seruaturus erat: euenit vt non ipse solus, posteaquam legis mandatum transgressus est, ex ea gratia excideret, peccati que mancipium, & Sathanæ spoli-um fieret, sed vt cæteri quoque omnes, qui potentia in il-lius lumbis iam tum hærebant, eandem illam iacturam face-
rent, idemque peccati & seruitutis incommodum incurre-
rent. Atqui hoc ordinis, vel relicitudinis munere orbatum,
& per consequens à Deo auersum alienumque nasci, est ori-
ginis labe obstrictum nasci.

Addunt illi, vnum hoc solùm vnumquemlibet messurum quod ipse seminârat: infantes autem nihil, vel cum Adamo, vel in Adamo seminâsse. Sed neque seminare quoque aliquid in illo, vel cum illo, potuisse, vt qui per id tempus vitalem lucem nondum haussissent. Næ qui actu non existunt, nullum illi ex-ternum, aut internum opus seminare possunt. Verùm de hoc operum, vel sationis genere hoc loco nō est sermo. Ecquid est hic ergo, inquis, in Adamo vel cum Adamo seminâsse? Aliud sanè nihil, quàm naturæ, quæ per legis inobedientiam in illo deprauata, iustitiæque & sanctitate orbata fuerat, cōmunicâsse. Nam vt obiter indicatum est antè, non is solùm peccato obstringitur, qui aliquid flagitiosum per se ipsum designat, verùm is etiam, qui naturam peccato subiectam participat.

Acque

Refellitur
tertius Pelag.
cauillus.

Orig. peccatū
non auulsum
à natura, sed
ipsi naturæ
impactū vnā
cū natura ex
hoc in illum
transfertur.

Anima vi se-
minis, non
effectiue, sed
dispositiue
produciuntur.

Excutitur
quarta Pelag.
ratio.

Si solum orig.
peccatū contra-
hant, qui
trita genera-
tionis via ex
Adamo na-
scuntur.

Virgini, vt pri-
mo homini,
gratia fuit co-
creata, atque
hac ratione
ab orig. pec-
cato fuit pre-
seruata.

Corpus Chri-
sti non vi se-
minis, sed vir-
tute Spiritus
sancti fuit ef-
formatum.

Respondetur
ad quantum
Pelag. argu-
mentum.

Patenetū pro-
bra reduci ad
in filios.

Aequè ἀδύνατον est, quod de accidentis μετακίνησις vrgent. Quandoquidem vt naturæ vitium ab hoc in illum transferatur, nulla hic opus est prodigiosa accidentium transmigratio-
ne, sed solo naturæ opere, hoc est, generatione: Cū idem virobique translationis sit modus, eadem via, idem medium. Est sanè primarium peccati huius subiectum anima, quæ vi
seminis effectiue non producitur, producitur tamen eiusdem
virtute dispositiue. Si quidem corpori masculi seminis energia
organizato perfectoque infunditur anima, non quidem san-
cta, aut illustri aliqua virtutum suppellectile exornata, (qualis
vtrique infusa fuisset, si Adam non concidisset) sed nuda,
omnibusque gratuitis, & supernaturalibus donis destituta:
qualem nimirum corpus ab ingrato propagatum iure prome-
ratur.

Quod de Christo deinde in erroris sui patrocinium adfe-
runt, indignum est, cui solutio aliqua adhibeatur. Constat
enim non omnes simpliciter originis peccatum contrahere,
sed illos solū, qui naturali, ac trita generationis via ex Ada-
mo oriuntur. Quauis ne isti quidem maculam vllam contra-
herent, si Deus, vt matri Virgini, vnā cum ipsa anima gratiam
illis infunderet. Christus autem licet corporis sui materiam ex
Adamo mutuatus fuerit: Credimus enim illum ex Maria vir-
gine natum: corpus tamen quod assumpsit, Adamici seminis
virtute, & energia non fuit efformatum, sed virtute & opera
Spiritus sancti temporis momento perfectum. Quare dici so-
let ex Adamo descendere secundum corpulentam substanti-
am, non etiam secundum seminalem rationem.

Ad antepenultimum propositæ argumentationis mem-
brum respondetur, etiam illa, quæ ab ortu insunt, cum non
nulla interdum nota coniuncta esse. Constat nanque paren-
tum probra in liberos plerumque redundare. Quauis hic lon-
gè diuersissima sit ratio: Nam quicquid infanti vitii ab ipso
ortu inest, hoc totum sua culpa ipsi inest. peccauit enim in
Adamo, & cū Adamo, quod in alijs locum non habet. Quam

ob rem si mente concipiatur, non vt filius Adæ, sed vt filius Titij, vel Męuij, quicquid illi cohęserit, natura erit, noxa non erit.

Occurritur
sermo Pelag.
cauillo.

Orig. pecca-
tum prouenit
ex productiui
principij vi-
tio.

Peccatum nõ
sustulit natu-
ram, sed cõ-
munem natu-
ræ præro-
gatiuam.

Refutatur po-
strema Pelag.
argumenta-
tio.

Vt orig. iust.
in paradiso
omnes assi-
milasset A-
damo, ita nõc
orig. pec. oēs
eidem assi-
milat in hoc
miseriarum
pelago.

Accidentia
quæ totam
naturam quouis
modo conse-
quuntur, ea
semper vnā
cũ ipsa natura
transuadū-
tur.

Ad penultimum respondeo, falsò sumi originis peccatum non puenire ex aliquo productiui principij vitio, vel vulnere: prouenit enim ex iusta primæuæ iustitiæ, ac rectitudinis priuatione. Nam etsi illustre illud iustitię donum non fuerit simpliciter naturale, aut naturę absolutè debitum: hætenus tamen naturale dici potuit, & potest, quatenus naturæ in sui primordio gratuitò collatum, vnà cum ipsa natura tanquam proprium illius *πᾶσιν* propagandum fuit. Quare licet aliquo sensu admitti possit, naturalia omnia homini post peccatum mansisse integra, simpliciter tamen id admitti non debet. Nam esto, nullum omnino bonum ademptum sit homini peccanti, quod ad illius speciem vel ad intrinsecam humanæ naturæ rationem pertineat: illud tamen bonum, quod ex peculiari Dei Opt. Max. beneficio communi naturæ accesserat, per peccatum sublatum est funditus.

Ad postremum dici potest: Vt iustitia originalis, tanquam vera naturæ specificę proprietas, in omnes homines vnà cum natura transitura erat, atque ita omnes ea parte primi parentis similitudinem expressissent: ita peccatum originale (quod originali iustitiæ quasi ex aduerso opponitur) in omnes & singulos, qui naturam humanam secundum naturæ legem participant, tanquam proprium eiusdem naturę *πᾶσιν* per generis rationem transfundi, omnesque & singulos secundum hanc partem primę suę causę, hoc est, Adamo assimilare. Quapropter licet dici soleat, & verè quoque dicatur, liberos parentibus in ijs tantum perpetuò assimilari, quæ ad specificam vtrorunque naturam pertinent: non tamen assimilantur in his tantum, sed in ijs quoque, quę toti naturę gratuitò adijciuntur, vel toti rursus naturę propter ingratitudinem, vel aliquam aliam causam in pœnam adimuntur.

Ceterum quoddam personalia proximorum parentum crimi-

na in prolem non transferuntur, vt peccatum originale, hoc inde non prouenit, quòd hoc illa sint leuiora : (sunt enim pleraque multis partibus grauiora) sed quia isthæc communis naturæ accidentia non sunt, vt illud, sed huius tantum, vel illius singularis personæ propria. Constat autem, quæ alicui conueniunt, vt hoc vnum est, siue vt hæc indiuidua substantia est, ea sibi conuenire, vt ab alijs singularibus secernitur : quæ vero totam aliquam naturam consequuntur, ea in singula illius naturæ conuenire, non vt à se inuicem distinguuntur, sed vt cum alijs in natura, vel in aliqua naturæ proprietate consentiunt.

Personalia parentum peccata non transferuntur, quia sunt accidentia priuata personæ, non communis naturæ.

Veruntamen licet proximorum parentum peccata in filios eorum propriè non transcant, sæpe tamen grauiter in illis vindicantur: Nec in illis solum, sed illorum quoque nepotibus, & abnepotibus. Deus nanque maiorum sceleribus prouocatus sæpenumero eorum posteris infert supplicium, peccatis eorundem alioqui debitum, quod illis fortè non intulisset, si præcedentibus parentum sceleribus ad hoc incitatus non fuisset. Sæpe quoque paternorum flagitiorum occasione & merito infelix soboles in lucem editur. Videmus enim quosdam ad peculiaria quædam flagitia, vel ad omnem quoque nequitiam, naturæ quodam impetu rapi : alios contrà ad omnem modestiam, & honestatem spontaneo, ac quasi naturali quodam ductu ferri. Hoc autem discrimen, licet ex alijs

Parentum peccata in illorum liberis sæpe vindicantur.

Mores parentum redundant in liberos.

quoque causis prouenire queat, plerunque tamen ex varia educatione, diuersisque parentum moribus accidere so-

let. Constitutum sit ergo, vitium, quod ipso ortu

contrahimus, veri quidem nominis peccatum

esse, inter ea tamen simpliciter mini-

um, quæ à Deo separant : nunc ad

ea, quæ ad formalem peccati

huius rationem spe-

ciant, se vertat

oratio.

Formalem

Formalem peccati huius rationem; non in aliquo priuato actu, aut actuali primi parentis præuacatione, non in aliqua reali qualitate, aut morbida tæbe, non in carnis libidine, aut nuda originalis iusticie debitione, non in totali totius hominis corruptione, aut aliquo alio eiusmodi, sed in habituali quadam uoluntatis à Deo auersione, cæterarumque uirium obliquitate præcipuè positam esse.

TRACTATVS SEPTIMVS.



De formali orig. peccati ratione magna apud eruditos est cōtrouerfia.

Refellitur eorum opinio, qui docēt orig. peccatum actum esse. Orig. peccatum non est aliquod dictum, aut factum illius, cui cohereret.

Idem originis peccatum esse, & quidem veri nominis peccatum esse, tametsi non omnium funestissimum: proximum est, ut, quidnam illud sit, siue in quo nam formalis illius ratio præcipuè posita sit, quanta perspicuitate fieri poterit nunc ostendamus. Est enim locus hic admodum obscurus, ac difficilis; in cuius proinde tractatione, & explicatione tanta est doctorum hominum varietas, & inconstantia, ut vix vlla alia in re maior.

Et primò quidem certum est, originis peccatum non esse aliquod improbum illius dictum, aut factum, aut concupitum, qui illo obstrictus tenetur. Nam si quid eiusmodi esset, originis peccatum non esset: neque infantes, qui per ætatem nihil improbum, diuinæ uel legi, aut rationis luci dissentaneum dicere, aut facere, aut concupiscere possunt, vlla omnino originis labe sorderent: Atque ita, quod falsum est, superuacaneò Baptismi Sacramentum in peccatorum remissionem capesserent. Quanuis ergo omnes & singuli, qui ex Adamo genus ducunt, peccato obnoxij oriantur, verèque, & propriè, dum per Christi meritum expientur, peccatores appellantur, nullo tamen proprio actu hanc sibi pestem aliquando acciuerunt.

Ad præuacationem non est

Nec dici potest, vnum illud piaculum, quo generis nostri prin-

princeps legem perfregit, formaliter nostrum originale existere. Siquidem vitiosus ille prauaricationis actus iam olim euauit: eratque personalis. Actiones enim supposito- rum, rerumque per se existentium sunt, non partium, aut potentia tantum extantium. Adhuc si primus ille transgressionis actus esset verè, ac propriè vniuscuiusque originale, non singula extarent in singulis, sed vnum duntaxat numero in omnibus, & singulis: at hoc salua fide defendi non potest. definitum est enim: Si quis hoc Ada peccatum, quod origine vnum est, & propagatione, non imitatione transfusum omnibus, inest vnicuique proprium, vel per humanæ naturæ vires, vel per aliud remedium afferit tolli, quàm per meritum vnus Mediatoris Domini nostri Iesu Christi, anathema sit.

En huc claris, disertisque verbis decernitur, singulis suum proprium inesse, non vnum etiam ad numerum omnibus, & singulis. Nec causam obtineas, si vnicuique suum proprium secundum effectum inesse dicas. Nam secundum effectum non vnum tantum inest vni, sed vni multa, & multis plurima. Constat enim huius vnus peccati multa, & inter se distincta, effecta esse. Sed neque Synodus quoque singulis vnum peccati effectum, vel vnum peccatum secundum effectum inesse prædicat, sed vnicuique suum proprium adesse pronunciat; Atqui aliud est peccati cuiuspiam effectus, aliud ipsum peccatum. Mitto hic, si ita Synodorum decreta exponere liceret, quiduis ad quemlibet sensum facili negotio detorqueri posse.

Denique si personale Adami peccatum omnium, & singulorum originale foret, qui ex Adamo orirentur, extrinseca tantum denominatione, & imputatiue peccatores essent, ut quibus nihil omnino morte dignum reipsa inhereret. Atqui hoc defendere, est non solum à fide, & Apostolica doctrina exorbitare, sed apertam quoque ad imputatiuæ iustitiæ commentum viam munire. Et qui,

nostri orig.
peccatum
formaliter.

Adami pign. et iust. Sacerdot.

Syn. Trident.
Sess. 5. c. 2.

Non vnum
numero in
omnibus, sed
vnum ad nu-
merum in sin-
gulis est orig.
peccatum.

Secundum
effectum non
vnu tantum
vni, sed vni
multa adfunt
originis ma-
la.

Si Adami
prauaricatione
nostri orig.
esset, extrin-
seca tantum
denominati-
one peccato-
res nascere-
mur.

Transgressio-
nis actu A da-
mus formaliter
peccans non
erit peccator
erat: erat
hoc autem
causaliter.

obsecro, actus ille prævaricationis nostrum originale peccatum esset, aut formaliter nos peccatores denominaret, qui ne ipsum quidem malorum fontem formaliter peccatorem denominare potuerit, sed tantum causaliter? Neque enim, si tamen propriè loqui velimus, Adamus actu illo transgressionis peccator erat, sed tantum peccans.

Conuelli-
tur, planeque euer-
titur eorum
sententia, qui
statuunt orig.
pec. aliquem
habitu, vel
aliquod reale
accidens esse.

Originis pec-
catum non est
aliqua natu-
ra subsistens,
vel inherens.

Deus nullius
peccati au-
thor est.

Orig. pecca-
catum nec in-
fusus, nec ac-
quisitus, nec
congenitus
habitu est.

Ad hæc originis peccatum non est aliquis habitus, aut aliqua qualitas, aut aliud quodcunque reale accidens homini, dum per Christi gratiam exhauriatur, verè ac propriè inherens. Siquidem omnis qualitas, & omnis omnino natura, & entitas, siue ea substantia sit, siue accidens, & bona est, & ex Deo est: Deus autem, cum nullum non peccatum grauius inhibeat, & magna quoque seueritate punire soleat, nullius peccati author est, neque salua pietate peccati alius author censi potest.

Præterea si originis vitium esset aliquis veri nominis habitus, aut esset is infusus, aut acquisitus, aut congenitus. At non est habitus à Deo infusus: Nam cum Deus sit optimus, & ad bonum creaturæ, quod ad se quidem attinet, propensissimus, nulli mortalium prauos habitus infundit. Nec est rursum habitus improbis actibus acquisitus: Aliàs enim in pueris infantibus esset omnino nullus. Nec est postremò habitus naturalis: Quandoquidem si tale quid foret, malum non esset, neque per Christi gratiam expiari posset; gratia enim naturæ opus non soluit, sed perficit.

Nullò opus
fuit habitu,
qui hominē
ad mala, &
sensuum ob-
lectamenta
proriam red-
deret.

Denique nulla hinc opus fuit qualitate, aut habitu, qui vel quæ hominem in peccati poenam in deteriorem partem abriperet, aut animum illius in vitiosos actus inflecteret. Nam veniens a uulso temone spontè, quæ tempestas rapit, fertur: & fera bestia vinculo, quo ligata tenebatur, soluto, citra delectationem in obuia quæque furiosè grassatur: & saxea moles basi, qua sustentabatur, excussa, suo mox pondere vergit ad ima: & singula tandem corpora, & corporata, impedimento semoto, vl-

to, vltro feruntur ad loca ppria: ita originali iustitia, quæ animi vires in suo quasque ordine, & officio arctè immoteque continebat, sublata, singulæ cuestigio in sua obiecta præcipites abierunt.

Designatur nihilominus originis peccatum in hærentis habitus nomine non infrequenter. Non quòd re ipsa habitus, aut qualitas aliqua infusa, aut innata, naturæ ve inspersa, aut aliunde ascita verè existat: Sed quòd non secùs atque veri habitus solent, diu multumque perstet, animumque ad diuersa vitia, & carnis oblectamenta inclinet. Inclinat autem malum hoc originis, non vt causa per se, ac directè; sed vt causa per accidens, & indirectè. Semouit enim iustitiam originalem, quæ incitatum illum inferiorum virium impetum, carnisque motum sisteat, ac intra rationis cancellos continebat. Ea itaque prolabendi facilitas, & ad carnis commoda procliuitas, non prouenit ex forma aliqua inherente, aut inclinante, quæ ab ipsa potentia verè sit distincta: sed ex virium appetentium infirmitate, ac destitutione; siue ex eo, quòd vinculum illud, quo eiusmodi incitati naturæ impetus sistentur, ac coercerantur, submouit: hoc est, ex legis præuariatione tanquam à causa prima; ab originalis autem iustitiæ amotione, tanquam à causa proxima.

Ejdem illæ rationes planum faciunt, originis peccatum formaliter acceptum, non esse aliquam tabem, aut morbidam qualitatem, carni vel corpori insidentem. Nam si peccatum hoc intrinsecè ac quidditatiuè aliqua rabes, aut aliqua morbida qualitas, hoc est, res quæpiam positiua carni adhærens, ipsamque ad omnem concupiscentiam, & rebellionem inflammans existeret, profectò peccatum nullum esset; quippe quod non aliunde quàm ex vno illo dimanaret, ex quo omne, quod vel per se subsistit, vel alteri inexistit, ortum ducit. Sed etiam olim quoque in tot partes secta, atque dissecta euauisset. Et æquè tandem ex quouis scelere proueniret. Siquidem nulla apparet ratio, cur vnum, vel vnus flagitium

Cur orig. peccatum habitus nominè designetur, causæ.

Inclinat originis peccatum, vt causa per accidens

Orig. peccatum formaliter non est morbida quædā qualitas, vel tabes, vt alij quidam sentiunt.

Si orig. peccatum morbida qualitas esset, verè rationis peccatum non esset.

Quod de vi-
r ilento Ser-
pentis afflatu
dicitur, nulla
ratione niti-
tur.

istiusmodi tabem progignere oporteat; alterum, vel alteri-
us progignere non oporteat. Nam quod de virulento serpen-
tis afflatu quidam hic concionantur, id nulla graui ratione
nititur: Imò cum ratione neutiquam obscure pugnare vi-
detur.

Orig. peccatū
non est ipsa
carnis con-
cupiscentia.

Quòd si illi per tabem, vel morbidam qualiratem, non ali-
quam naturam ab ipso carnis appetitu distinctam, sed ipsam-
met vim concupiscentem originali iustitia destitutam expri-
mere volunt, tunc sanè aliquid ad rem faciens exprimunt; at-
tamen veram, ac formalem peccati huius rationem nondum
satis aperiunt. Certum est enim, carnis concupiscentiā, quam
& fomitem, & membrorum legem, & inhabitans peccatum,
& tyrannum, alijsque id genus nominibus appellant, non esse
originis labem. Siue concupiscentiæ nomine ipsam concupi-
scendi facultatem secundum se absolutè sumptam accipias:
siue incitatum illius ad res lege prohibitas impetum: siue
naturalem eiusdem ad ea, quæ carnis sensum demulcent,
propensionem, hoc est, naturam ipsam vnà cum suo pon-
dere.

Orig. peccat.
non est ipsa
vis concupi-
scens secun-
dum se abso-
lutè sumpta.

Non est ipsa vis secundum se absolutè sumpta: Quando-
quidem si ipsa concupiscendi facultas carni insita, (de illa enim
illi agunt) vel ipsa sensualitas, originis peccatum esset, profe-
ctò vitium hoc nullo modo peccatum esset; aut quadam tan-
tū analogica ratione peccatum esset. Constat enim, vim il-
lam, neque ex Adami peccato esse, neque ex nobis esse, neque
iniquitatem esse, neque Deo secundum se exolam esse, neque
vlla lege inhibitā esse, neq; vlli legi secundum se contrariam
esse: Si ergo nihil horum omnium est, quomodo verè rationis
peccatum est? Nec ipsi rursus inordinati concupiscentiæ
motus ad carnis illecebras peccatum, de quo hic disserimus,
formaliter existunt. Nam si istiusmodi animi impetus secun-
dum se originis peccatum essent, pueri infantes, qui per etate-
m inordinatè, ac deliberatè concupiscere non queunt, ori-
ginalis maculæ expertes in lucem prodirent.

Concupiscen-
tiæ motus nō
sunt orig. pec-
catum.

Nec

Nec ipsa denique naturę propensio, vel animi pronitas ad ea, quę carnis sunt; aut vis ipsa cum tali pronitate, vel pondere, peccatum origine contractum verè dici potest. Quando quidem si ea naturę inclinatio animive propensio originale vitium verè & propriè esset, profectò peccatum hoc in iam olim regeneratis etiamnum hęreret: ut qui, & malè concupiscendi pronitatem in se retineant, & multos præterea inordinatos motus subinde sentiant. Sed neque id omne quoque, quod ad peccatum quouis modo inuitat, aut allectat, peccatum est statim: nisi forsàn, & dēmonem, & mūdum, & carnem ipsam peccatū esse existimes. Nam hęc omnia huc allectant, & inuitant indefessè. Patet ergo concupiscentiam vteunque acceptam non esse originis labem.

Pronitas animi ad malum non est orig. peccatum.

Regenerati, & concupiscendi pronitatē retinent, & multos concupiscentiæ motus subinde sustinent.

Non omne, quod ad peccatum inuitat, peccatum est statim.

Sed neque in corporis quoque infirmitate, aut in carnis contra spiritum rebellionē, aut in virium animę turbatione, aut in moriēdi necessitate, aut in alio quopiam eiusmodi propria & formalis peccati huius ratio posita est. Siquidem hæc omnia & alia præterea multa, quę horum nominibus cōtinentur, originalis peccati effectus sunt veriùs, quàm ipsum secundum se peccatum. Neque tam per ortum contrahuntur, quàm à Deo peccatum vlciscente insiguntur. Ideo enim carnis libidine incēdimur, eiusdemque contumacia infestamur: ideo virium omnium infirmitatem experimur: ideo tandem mortis legibus obstricti tenemur, quia, originalis peccati macula infecti in hæc lucem fundimur. Mitto hęc omnia isthęc etiam post susceptum Baptismi Sacramentum, quo tamen nullum non peccatum penitus aboletur, reliqua fieri, & certa quadam consideratione naturalia posse cehseri.

Originalis peccati vis ad est posita in corporis infirmitate, aut carnis rebellionē, aut moriēdi necessitate, ut contendunt nonnulli.

Propiùs ad rem accedunt, qui formalem peccati huius rationem in originalis iustitię debitę inessē priuatione constituunt. Sed neque hi quoque omnem penitus difficultatem euadunt. Possēt enim illis non iniuria obijci: Omne veræ rationis debitum aliquam legem, vel aliquod præceptū, vel aliquid statutum ponere. Nam etsi aliquod eximiæ dignitatis

Orig. peccati non est propriè carentia iustitię debitę inesse, ut multi defendunt. Omne veræ rationis debitum legem ponit.

bonum, Deo, vel altero quocunque largiente, obtentum, meaignauia, aut culpa amittam, atque ob id iustā reprehensionem meritò incurram: ipsa tamen tanti illius tamque illustris boni absentia secundum se absolutè considerata, nunquam culpæ erit obnoxia, nisi extet lex, vel statutū, quod ad perpetuam boni, vel doni illius conseruationem iure ac legitimè me obliget: Atqui nulla profertur lex, nullum statutum, nullum præceptum, quod perpetuam originalis iustitiæ conseruationē ab Adamo exigeret; vel quod hoc ipso peccati reum illum pronunciaret, quodd doni illius expers esset.

Lex illis ferri non debet, qui legē explere nullo modo possunt.

Deinde vt maximè aliqua eiusmodi lex Adę imposita fuisset, ea apud illius posteros nullum robur obtineret. Nam vt lex quæpiam vim obtineat, non debet illis ferri, qui, quod lex iubet, nulla vi explere possunt. At in nullius potestate sitū est, vt hoc, vel illo dono ornatus nascatur, vel vt nullam vnquam carnis infirmitatem, aut virium rebellionem experiatur, vel vt hinc citra vllam mortem, aut calamitatem, ad meliorem vitam transferatur.

Orig. peccati vis non est in sola absentia iustitiæ debitione posita.

Cum ergo posteritas Adę illam originale iustitiam *αυτοπροσώπως* non acceperit, sed solus Adam; licet & ipsa quoque, si peccatum nullum intercessisset, dono illa potitura fuerit: nec vlla rursus lege ad illā obstricta sit, neque iure quoque obstringi potuerit, vt quæ nulla vi illam, vel ex se, vel ex altero consequi possit: (certum est enim Deum nulli mortaliū in hac vita illā impertiri decreuisse) nec vllō tandem proprio opere illam amiserit: non video quomodo tota, & propria, & formalis peccati originalis ratio, in sola illa absentis debitione posita sit.

Aug. pro vera eorum cruci, quas patiuntur infantes, causa, nunquam allegauit orig. iustitiæ debitū.

Adde his, si lubet, diuum Augustinum, licet ob eas, quas quotidie videmus, & audimus, paruulorum cruces, multum interdum ab Antagonistis vrgeretur, nusquam tamen hoc absentis iustitiæ debitum pro vera tantarum afflictionum, ac miseriæ, quæ in teneram illam ætatem incidunt, causa allegasse. Imò verò suam hic ignorantiam fateri, & aliorum tam abstru-

abstrusa de re sententiam audire maluit, quàm vel solo verbo huius carentiæ, vel debiti mentionem ullam facere. Ad Hieronymum de hoc arcano ita scribit:

Deus bonus est, Deus iustus est, Deus omnipotens est: hæc ^{Epist. 28} dubitare omnino dementis est. Tātorum ergo malorum, quæ ^{Deus bonus, iustus, & omni-} ^{potens est.} fiūt in paruulis, causa iusta dicatur. Nempe cū maiores ista patiuntur, solemus dicere: aut sicut in Iob merita examinari, aut sicut in Herode peccata puniri. Et de quibusdā exemplis, quæ Deus manifesta esse voluit, alia, quæ obscura sunt, coniectare conceditur: sed hæc in maioribus. De paruulis autem quid respondeamus ediffere, si pœnis tantis nulla in eis sunt punienda peccata? Nam utique nulla est in illis ætatibus examinanda iustitia. En disertè fatetur ætatem illam omnis iustitiæ vacuam nasci, nec hoc in quæstionem vocandum putat: Sed quia eam vacuitatem ad tantas pœnas, quæ paruulis irrogantur, fat esse non existimat, peccata, quæ in ipsis puniantur, inuestigat. Nam iustitia vacuum nasci, nō est peccatis obstrictum nasci, vel certè non est id necessariò. Etenim ut aliud est virginitatis, vel martyrij præmio potiri, aliud, ppter admisum adulterium, vel abiuratam fidem plecti: ita aliud quoque est originalis iustitiæ fructibus destitui, aliud propter inherens peccatum puniri.

In paruulis non iustitiæ vacuitas, sed peccata puniuntur.

Aliud iustitia vacuum, aliud culpæ obnoxium nasci.

Mittamus Augustinū, rem ipsam expendamus. Quis, quæso, dicere audeat, paruulos dum baptismi Sacramento inician-
tur, ab hoc solo iustitiæ debito absolui? vel id solum hinc consequi, ne videlicet illa iustitiæ absentia illis in noxam imputetur? Certè si hunc nodum ex communi loquendi vsu soluere velimus, nullam difficultatem experiemur. Neque enim infantes, dum baptizantur, ab aliquo debito absolui dicuntur, sed expiari, sed ablui, sed innouari, à quo autem, si nō à culpa, & macula? At quanuis à debito non ineptè absolui, vel relaxari dicimur, attamē à debito expiari, vel ablui nequaquam rectè dicimur.

Paruuli dum baptizantur, nō absoluntur à iustitiæ debito, sed expiantur à peccato.

Deni-

Lib. i. de
part.

Sectarij de-
prauant An-
selmi defini-
tionem.

Sectarij iusti-
tiæ nomine
Decalogi le-
gē, iniustitiæ
quicquid cō-
tra Decalogi
legem com-
mittitur, com-
plectuntur.

Orig. peccati
vis non con-
sistit in totali
totius homi-
nis & omniū
partium eius
corruptione,
vt mention-
tur Sectarij.

Sectarij, p.d-
ligiofa de orig.
peccati natu-
ra & ratione
statuunt.

Denique licet communis illa Anselmi definitio ad com-
modam sententiam trahi, atque ideo admitti queat: eo tamen
sensu, quo illam Sectarij exponunt, nullo modo admitti debet.
Etenim cum illi iustitiæ nomine vtriusque tabule præcepta
complectantur, iniustitiæ verò vocabulo, quæ iustitiæ ex aduer-
sum opponitur, omnia peccata ac scelera, quæ quouis modo
contra Decalogi præcepta committi possunt: sit vt vniuersum
scelerū omnium chaos in vnius huius peccati ratione inclu-
dant, vnoq; peccati huius vocabulo cōprehendant. Hinc iam
portenta illa de ira & odio Dei, de horrore iudiciorū Dei, de a-
more rerum fluxarum vsque ad contemptū Dei, & alia id ge-
nus innumera, quæ ipsi vni huic peccato stultè affingunt. Ne-
que enim isthæc sunt næui origine contracti, sed grauissima
propriæ voluntatis scelera, quæ adeò non cadunt in infantes
rationis vsura adhuc destitutos, vt ne in omnes quoque adul-
tæ ætatis homines cadere soleant.

Tandem formalis, & propria peccati huius ratio non con-
sistit in eiusmodi corruptione, cuiusmodi Antagonistæ con-
fingunt: Aiunt enim originale peccatum aliud nihil esse, quàm
totalem totius hominis, & omnium partiū eius, tam substan-
tialium, quàm accidentalium corruptionem, camque vsque
adeò atrocem, & immanem, vt totus homo quantus est mise-
randa quadam metamorphosi in carnē omnis spiritus exper-
tem, nec nō in fœdam quandam vitiorum ac scelerum omni-
um sentinam demutatus, nihil possit aliud, nihil velit aliud,
nihil studeat aliud, quàm tota vi Deo, eiusque legi aduersari;
quàm ipsum eundem toto corde odisse, ac verbum illius con-
temptui ducere; quàm, vt verbo absoluam, perpetuò horrenda,
nefariaque peccata horrendis nefarijsque peccatis accu-
mulare.

Et quò spectaculum hoc nusquam non appareat horren-
dum, vereque tragicum, ceteris, quæ plusquam tragicè, imò
plusquam sathanicè de ingenti peccati huius malitia, & gra-
uitate euomunt, addunt exitiale peccati huius virus tam altis

ac firmis radicibus humanę naturę infixum hęrere, vt nullo pietatis studio expungi, nulla Sacramętorum vi aboleri, nulla prece, aut precio in mortali hac vita queat redimi. Tum vnum hoc in causa esse, vt quicquid ex se hominis natura fundit, quicquid agitatur, aut molitur, etiam si is, qui aliquid agere instituit, sit iustus, hoc est, fide & charitate ad Christum adiunctus, seseque quanta vi potest ad aliquod sanctũ opus in Dei gloriam perficiendum excitet, nihil aliud edere possit, quàm dirum ac capitale facinus, suapte natura, nisi per diuinam clementiam steterit, sempiterni ignis flammis dignum. Hęc illi, qui se solos post tot annorum hecatontadas peccati huius naturam deprehendisse gloriantur.

Verũ quis hęc tam dira, ac tragica; hęc tam sathanica, & ab omni prorsus sensu, & ratione aliena, patiẽti animo audire, nedum vt ipsissimum Dei verbum admittere valeat? Etenim si homo mortifero peccato perpetuò hęret obstrictus, si diuinę gratię nunquam verè sit affinis, si peccati huius malitia impeditus, officium nunquam facit, sed neque facere potest vnquam: quid aliud illi restat, quàm vt nolit velit in omne omnino æuum pereat miserrimè?

Eccur, quæso, vnum hoc peccati genus tam atrociter exaggerant? Profectò non ideo hoc faciunt, quò prodigiosa illa auxilii Christi gloriam, eius' ve meritum illustrent: (Nam si alibi vsquam, hęc sanè plurimùm vtrunque obscurant. Quæ enim, aut quãta est meriti Christi energia, si tota sua vi vnum hoc peccatum abolere non potest? Docent nanque per regenerationis lauacrum tantùm radi, vel, ne in pœnam imputetur, solùm tegi, non etiam absumi.) sed quò insanos illos de libero arbitrio, de perpetua hominis seruitute sub peccato, de bonorum operum inefficacitate, de legis Christi, & naturę impossibilitate, aliosque consimiles errores, quos miserę plebeculę pro ipsissimo Euangelio obtrudunt, facilius tueri, ac persuadere queant.

At quibus, quæso, Scripturistæ tetrum hoc errorum chaos

M

firmant?

Orig. peccatum Sectariorum sententia est prorsus inexplabile.

Quicquid homo molitur, peccatum est falsa Sectariorum opinione,

Nemo sit saluus, si vera sunt, quæ Sectarij de orig. peccato prædicant.

Sectarij nõ exaggerant orig. peccati molitiã, vt Christi gloriam amplificent, sed quò statuunt suos errores.

firmat? Nullis. Attamen ne hîc omnino Pythagorizare vide-
 antur, allegant illud Ecclesiastæ: Deus fecit hominē rectum,
 ipse autem infinitis quæstionibus semiscuit. Tum illud Gene-
 sis: Sensus & cogitatio humani cordis ad malum prona sunt
 ab adolescentia sua. Tum illud rursus Christi: Quod natum
 est ex carne, caro est: & quod natum est ex spiritu, spiritus est.
 Tum illud tandem prophete regij: Non est iustus, non est qui
 faciat bonum, nō est vsque ad vnum. Sed quid hæc ad rem? Si-
 quidem quod ex Ecclesiastæ adfertur, aut nihil omnino probat,
 aut non illud probat, quod isti instituunt. Cōstat enim pue-
 ros infantes nullis inutilibus quæstionibus se occupare, neque
 per etatē occupare quoque possē: & tamen ab originalis pec-
 cati labe immunes nō nascūtur. Locus ex Genesi petitus cau-
 sam tantūm, cur Deus Opt. Max. clementiūs, quā peccata
 nostra promerentur, plerunque nobiscum agat, assignat.

Quod ex car-
 ne nascitur,
 caro est, sed
 nō sola, quia
 ex sola carne
 non oritur.

Lucta inter
 carnē & spi-
 ritū in omni-
 bus mortali-
 bus locū ha-
 bet, & per cō-
 sequens in o-
 mnibus est
 spiritus, etiā
 in peccatori-
 bus.

Nemo tam
 cautē incedit,
 vt interdum
 aon cespitet.

Christi porrō Domini nostri oraculum, etiamsi simpliciter
 vt iacet exponas, causam nostram non grauat. Nihil enim am-
 bigimus totum id carnem esse, quod ex sola carne gignitur; &
 totum rursus id spiritum esse, quod ex solo spiritu oritur. Sed
 nunquid, aut sola caro generat, aut sola quoque generatur?
 non opinor. Nam quod generat homo est, & quod generatur
 rursus homo est: Homo autem, nec tantūm spiritus est, nec
 solū quoque caro est, sed vtrunque simul est: Qui id negat,
 Paulum & vniuersam Ecclesiam mendacij accusat. Nec enim
 in solis regeneratis pugna illa & lucta inter carnē & spiritum
 locum habent, verū etiam in iniustis & peccatoribus: imō
 euidentiūs in illis. Viuit ergo & viget in iniustis & infidelibus
 quoque aliquis spiritus, alioqui omnis omnino pugne ex-
 pertes viuerent.

Postremum solūm probat, nullum tam iustum, nullum
 tam cautum ac prouidum, qui, nisi gratia obftet, interdum
 non cespitet, non impingat, naturæ ve impetui non cedat. nec
 hoc nos inficiamur, sed quid hoc ad rhombum?

Quod si qui primam foedi erroris huius radicem quæ-
 rant,

rant, illos equidem ad veteres Origenistas ablegandos existimem. Nam cum illi imaginis rationem ad hominis mentem, ad voluntatis libertatem, ad animæ immortalitatem, ad celestis beatitudinis capacitatem, ad cætera, quæ homini intrinseca, & propria sunt, non referrent; sed ad quædam externa, puta ad iustitiam, ad sanctitatem, ad reliqua virtutum, ac donorum gratuitorum ornamenta: tradebant, prout falso hoc fundamento iacto secus tradere non poterant, imaginem Dei Adamo impressam per peccatum fuisse deletam, planèque extinctam.

*Origenistæ
Sectarij errā
di ansam hoc
ipso præbue-
runt, q̃ ima-
ginis rationē
præposterè
interpretati
sunt.*

Ex hoc ergo principio erronco, & altero rursus catholico ac vero, moderni Origenistæ hunc in modum paralogizant: Imago communi veterum sententia, ad hominis essentiam pertinet: (hoc enim illi inter imaginem & similitudinem discrimen assignant, quod hanc ad gratiam, illam ad naturam referre oporteat.) Atqui imago Dei humanæ menti initio impressa, in ipsa, & ex ipsa per peccatum deleta & extincta est. Ergo peccatum vniuersam hominis naturam corripit, eiusdemque substantiam prorsus euerit. Quod si qui alium, aut veriolem, aut viciniorem huius erroris fontem compertum habeant, eum illi patefaciant: nobis sat est, quid hac in re verisimile videatur, indicasse. Nunc totalem illam totius hominis corruptionem, in qua illi propriam originalem peccati rationem constituunt, paucis expendamus.

*Sectarij ex
vna vera, &
altera falsa
paralogizant.*

Si ergo originis vitium formaliter, vt isti dicunt, in totali totius hominis corruptione positum est, (Ego, inquit Musæus, post Bucerum, Lutherum, & alios eius farinae Sectarios, disertè profiteor, originale peccatum esse totalem corruptionem, non tantum accidentium in nobis, sed etiam totius substantiæ, tam secundum materiam, quam secundum formam. & paucis interiectis: Simpliciter affirmo originale peccatum esse totalem corruptionem totius hominis animæ & corporis &c.) Si, inquam, originis vitium in totali totius hominis corruptione positum est, ergo subiecti expers est. nam vt to-

Musæus contra Illyric.

Confess. sententia de peccato originali.

Totum corruptū nullius virtutis aut vitij subiectū esse potest.

tum corruptum nullius studiosæ, aut virtuosæ actionis, ita neque ullius quoque peccati, aut virtutis subiectum esse potest. Quod si subiecti expers est, ergo peccatum non est, quia nusquam est. Sed seriò & ad rem propiùs.

Peccatum nō corrumpit Adamum physica corruptione.

Si prima legis prævaricatio Adamum, & vniuersam illius posteritatem cum illo, & in illo secundum corpus & animam, & totum illud, quod quouis modo in illo, vel illis existit, totaliter corrumpit: aut corrumpit illū corruptione physica & vera; aut corruptione metaphorica, vel similitudinaria, vel quocūque tandem nomine alteram illam appellare lubeat: (nō enim occurrit vocabulum aliquod ad rem hanc designandam satis idoneū) sed neutra corruptionis specie totaliter illū corrumpit.

Adamus ante & post peccatum manet idem specie & numero.

Non physica & vera: certum est enim nullam omnino verè ac propriè rationis corruptionem contingere posse citra formę illius, quod corrumpitur, à materia diuulsionē. Quicquid enim quouis modo corrumpitur, semper per illius formę, qua constabat, diuulsionem corrumpitur. Quare si primum primi hominis peccatum substantiam illius vera corruptione totaliter corrumpit, necessum est, vt formā, quę ad naturę illius integritatem pertinebat, illi ademerit: At nullā eiusmodi illi ademit, Adamus enim post admissum scelus non solū superstes fuit, sed idem etiā, qui ante, & genere, & specie, & numero quoque fuit, permanetque constanter.

Solius Dei est instantaneè totū aliquod absoluere.

Si dicant, eodem illo momento, quo peccauit, atque ideo à priori forma excidit, alteram rursus formā in adeptę locum fuisse suffectam: Quæro an forma suffecta eiusdem rationis fuerit cum pulsa, an diuersæ. Si eiusdem, nulla fuit causa, cur prior sede sua pelleretur: Si diuersæ, ergo Adamus ante & post peccatum non fuit eiusdem speciei: & per cōsequens homo non erit species infima, sed media. Sequeretur hinc quoque, non alium quàm ipsummet Deum totius huius prauitatis & corruptionis aut horem esse: Huius enim solius est totum aliquod opus instantaneè absoluere, vel totum in alterum permutare.

Præ-

Præterea certò statuere licet, primorum hominum lapsum non fuisse grauiorem peccato dæmonū. Imò verò fuit hoc illo multò grauius: siue peccati grauitatem ex peccati genere meriare: siue ex peccantiū cōditione: siue ex cuiuscunq; alterius circumstantiæ qualitate. In cōfesso est enim diabolū mala fraude ab altero non fuisse circumuentum, Euam autem non spontè furentem, sed ab ipso deceptam mortis poculum haussisse, haustumq; incauto marito propināsc. Et tamen hoc tantum, ac tam enorme Angelorum peccatum, eorum naturam non corrumpit, neque secundum substantiam, neq; secundum aliquam naturalem proprietatem. Siquidem, vt Dionysius Areopagita docet, & Patrum consensus post ipsum confirmat, naturalia omnia Angelis manserunt integra.

Primi hominis lapsus, diaboli lapsu non fuit grauior, sed leuior.

Peccatum diaboli naturā non corrumpit.

Imò verò tantum abest, vt primi parentis lapsus, nefarium illud dæmonum flagitium, malitia excesserit, vt non omnium quoque scelerum, quæ in hominem cadunt, maximum extiterit. Planum est enim, hæresin, blasphemiam, cœlestis numinis contemptum, eiusdemq; odium, & cetera omnia, quæ contra æternam Dei legem committuntur, suo genere multò grauiora esse illis, quæ contra legem disciplinæ, aut quodcunque iuris positiui præceptum designantur. Acquæ certum est, qui peccant ex contemptu, vel ex certa malitia, quales sunt, qui ipsummet Dei contemptum, vel ipsammet numinis offensam peccati sui obiectum constituunt, longè nequius peccare, quàm qui ex quadam mentis præcipitatione peccant, etiam si non adsit intellectus error, aut carnis infirmitas. Adam autem neque ex contemptu, neque ex malitia, neque contra ius naturæ, aut æternam Dei legem peccauit, sed tantum contra legem disciplinæ.

Adami scelus non excessit omne scelus, quod in hominem cadit.

Gravius peccat, qui ex contemptu peccat, quàm qui ex quadam mentis præcipitatione.

Cum ergo odium, vel contemptus Dei, hæresis, infidelitas, blasphemia, & illa quoque flagitia, à quibus genus nostrum abhorret, hominis substantiam non corrumpant, sed neque in minimo quoque corrumpere queant: (Nam si peccatum quantumlibet enorme aliquid substantiæ adimeret, aut etiam adi-

Nullum peccatum quantumlibet enorme corrumpit hominis naturam.

mere posset, multa, & grandia vniuersam tandem hominis naturam abolerent) nullo modo existimandum est interdixitque escae abusum protoplastorum substantiam, aut corrupisse, aut in alteram demurasse. Denique sententia hæc de physica hominis corruptione per peccatum, & propter peccatum adeò absurda est, vt nullos, præter illos, qui absurdissima quæque oraculorum loco habere solent, sectatores habere existimem. Quare non est vt pluribus hanc vrgeam.

Dicent ergo tragici illi, vel ex illis saltem aliqui, peccatum non physica, sed quadam metaphorica corruptione secundum omnem sui partem hominis naturam corrupisse. Dicent, inquam, Adamum cum tota sua posteritate hætenus totaliter, secundum materiam & formam, secundum substantiam & accidens corruptum dici, quatenus præclaris illis virtutum ornamentis, quibus initio splendebat, exutus in extremam deiectus est ignorantiam, impotentiam, vanitatem, malitiam, mentisque cecitatem, & impuritatem. Audio quid exponant. Sed illa interim expositio aperte ostendit Glossatores illos, errorumque architectos, vel sceleratissime labi, vel certe impropiissime loqui.

Quod vt clarè perspiciatur, quæro ex illis an illa ornamenta, illæ dotes, illæ prærogatiue, fuerint tandem quantecunque, & qualescunque voluerint, aut potuerint, pertinerent ad intrinsecam ipsius hominis, vel animæ eiusdem rationem; an verò non ad ipsam animæ naturam, aut quidditatē, sed tantum ad quandā externū illius ornatū. Quod si ad animæ substantiam spectasse respondeant, quacunque demū ratione ad illam spectauerint, citra manifestum illius interitum ab ea sciungi non poterant. Nec hoc in quæstionem cadit: Nulli enim rei adimi potest, quod ad quidditatem illius pertinet, citra certam eiusdem internecionem. Si verò illa ornamenta ad animæ naturam non pertinebant, sed extrinsecus illi aduenerant, vt reuera aduenerant: quo modo abscessu suo corruerunt totam illius substantiam, & omnes illius vi-

res;

Quid sit hominē metaphoricā corruptione corruptum dici Sectatorum interpretatione.

Diuisione ostenditur, peccatū non corrupisse hominē, ne metaphoricā quidē corruptione secundum substantiam.

res; imò totum hominem, tam secundum materiam; quam secundum formam; tam secundum substantiam, quam secundum accidens?

Dicent forsan, ea ornamentorum, vel prerogatiuarum despoliatione, non ipsam animæ substantiam secundum se fuisse corruptam, sed integritatem, vel sanitatem illius fuisse læsam. Sed hæc exceptio in easdem penè difficultates incidit. Nam vt duplicia animæ sunt ornamenta, ita geminam quoque eidem sanitatem assignare licet: essentiælem vnam, accidentariam alteram. Id *ἡ ἀποστροφὴ* integrum, vel sanum dicitur, cui nihil deest ex illis omnibus, quæ ad illius quidditatem, vel naturam deposcuntur: Porro id *ἡ τὰ συμβεβηκός* sanum censetur, quod externo suo ornatu, aduentitia ve perfectione non destituitur. Si ergo de prioris sanitatis, vel integritatis ratione loquantur, clarum est eam animam salua abscedere nequiuisse. Si autem de posterioris sanitatis genere id asserunt, imperitissimè ineptiunt. Nā vt externa illa ornamenta, vel externa illa perfectio animæ iam perfectæ, & in suo vigore constitutæ accesserant, (prius enim naturā anima fuit, quàm ornata fuit) ita eadem illa per omnia incolumi denuo abscedere poterant. Sed & illa ipsa quoque integritas non potuit adimi, nisi à Deo, qui non est author peccati. Adā enim, neque; ademit, neque; ademptā voluit, nisi forsan meritorie. Tandē si homo eo corruptionis genere totaliter secundum substantiā esset corruptus, nihil vnquā de se fundere posset, nisi merā corruptionē, hoc est, merā peccatorū saniē. Hoc autē et si Aduersarij nō inuitē cōcedāt, salua tamen pietate & veritate nullo modo concedi potest.

Easdem difficultates, & absurditates offerunt horrendæ illæ pestes, ac scelerū portenta, quæ in submotarū virtutū, vel ornamentorū locū successisse plerique; ex illis contendunt. Aut enim per tetras illas animæ pestes, ac scelerum monstra, intelligunt reales aliquos habitus, aut nudam tantum eorum ornamentorum, virtutum ve, quæ ante peccatum inerant, priuationem. Si aliquos habitus, vel qualitates, Deū vtiq; totius huius

Alia Sectariorum totalis illius rotius hominis corruptionis interpretatio, sed æquè inepta.

Duplex integritas, vna essentialis, altera accidentaria.

Prius naturā fuit anima, quàm ornata fuit.

Æquè absurda sunt, quæ de scelerum horredorum in depulsa

iaſtitiz locū
ſuſceptione
vel ſuccellio-
ne ſectarij
ſcribunt.

huius corruptionis, vel deprauationis authorem faciunt, ſiquidem omnis omnino qualitas, & entitas à Deo exiſtit: Sin autem meras nudasque priuationes, non vera monſtra, ſed quedam tantum inania ac terrifica monſtrorum nomina iactant. Quippe cum ea priuatio aliud nihil ſit, quam quedam tantum naturæ ſolitudo, ac denudatio: quæ & ipſa quoque non aliunde eſt, quam ab eo, qui ſuſtulit habitum, nempe à Deo. Mitto hîc, eadem illa primæque iuſtitiz ornamenta (de illis enim ipſi agunt) & nunc maiorem in partem de eſſe iuſtis, & illis quoque defutura eſſe, qui in puris naturalibus conderentur: & tamen nulla, neque in iſtis, neque in illis ſunt, eſſent ve ſclerum monſtra, aut tetra animorum peſtes.

Sed diſputationis cauſa donetur Antagoniſtis ad tempus tales animorum peſtes, taliaque ſclerum prodigia, atque ad eò totalem corruptionem, vt ipſi loquuntur, ſtatim poſt violatam legem quaſi impetu quodam factio in primi parentis animum iruiſſe. (Erat enim illius peccatum perſonale, & grauiffimum, non originale, vt noſtrum.) At per quod oſtium, quaſo, eadem illa ſclerum phalanx, totalisque corruptionis calamitas illabitur in filios Adæ? Nunquid ea per corpus deriuatur in animam, an contrà per animam in corpus, an in vtrunque per vtriuſque, inter ſe copulam, an verò per aliquam aliam fenestram tranſmittitur in totum hominem?

Sanè non transferitur per corpus in animam: Corpus enim tale eſt, qualia ſunt principia, ex quibus intrinſecè conſtat, quæ vtique ſuapte natura fluxa, caducaque, & mutationi obnoxia ſunt. Cauſæ autem eiufdem externæ ſunt Deus, homo, & aſtra, ex quibus non trahit corruptionem, aut non eſſe, ſed eſſe. Fertur illud in ſuauiſa ſanè, ſibi que comoda: verum ſecundum ſe abſolutè conſideratum non magis hoc impetu peccat ac pecus, quod famelicum, aut ſitibundum præceps in cibum, aut potum rapitur: etiam ſi illa ipſa, in quæ fertur, iuſtitie eſſent aduerſa. Tandem ſit corpus qualecunque viſum fuerit, certum eſt, antequam rationali anima perficiatur, nihil in

co

Quæſtionem
habet non fa-
cilè, qua via
ea ſclerum
phalanx, quæ
orig. peccato
aſſignant ſe-
ctarij, irruat
in hominem.

Non tranſ-
fertur per cor-
pus in animam
ea vitiatorum
colluuiæ.

Corpus ho-
minis ſecun-
dum ſe ſum-
ptum, nec pec-
cat, neque pec-
cati capax
exiſtit.

eo existeret, neque existeret quoque posse, quod Deo sit exosum: Deus enim solum peccatum odit, & peccatorem propter peccatum, cuius corpus secundum se capax non existit.

Sed neque ediuerso quoque per animam transfertur in corpus. Anima enim non corrumpit corpus: neque corruptione naturæ, neque infectione quoque culpæ. Imò verò corpus secundum se imperfectum, per animæ aduentum perficitur. Et quo, obsecro, contagio, aut toxico anima ex se totum corpus inficere, aut totaliter illud corrumpere queat; ut maximè illud studeat? Etenim ipsa tota procreatur à Deo, & prius quidem naturam creatur, & prius quoque perfectionis ordine existit, quam corpori infundatur, eidem ve uniatur: prout omnis omnino causa naturam prior est suo effectu. In illo autem priori talis utique est anima, qualis procreatur à Deo: & quicquid interim obtinet, hoc totum à Deo obtinet. Atque ideo in illa naturam prioritate ab omni prorsus peccati infectione libera, immunisque existit: aliàs enim peccatum à Deo esset. Nullam itaque labem, aut corruptionem corpus contrahit ex anima.

Iam si neutrum horum ex se, ac secundum se seorsum sumptum totaliter est corruptum; nec alterum rursus secundum substantiam corrumpit alterum: profectò quod formali, ac naturali eorum inter se unione constituitur, omnis substantialis corruptionis expers erit. (de hac enim hic agitur ex instituto, non de aliqua peccati labe.) Nam vnde, quæso, talismodi corruptio proueniret? Tale enim est totum, quales sunt partes, ex quibus conflat: Nisi forsitan in ipsa unione aliquis error, aut vitium aliquod committatur: Si quidem artificis incititia ex bona farina insipidus interdum panis conficitur; & ex bono panno deformis nonnunquam toga. At id hic locum non habet: quandoquidem qui has partes inter se coniungit Deus est: Hic enim solus corpori iam organizato, & quantum sat est, perfectò infundit animam. Cum ergo hæc ita habeant, ineptiunt prorsus, qui origi-

Pestes illæ, quas Sectarij orig. peccati nomine comprehendunt, ex anima in corpus non deriuantur.

Anima corpus inficere non potest, ut maxime velit.

Non contingit substantialis illa corruptio ex partium inter se unione.

Solus Deus coniungit animam cum corpore.

nis peccatum per totalem totius substantiæ, & omnium partium illius corruptionem definiunt.

Insaniūt, qui orig. peccatū hominis substantiam esse dicunt.
In refut. cōt. Muzsum.

Illyrici sententia de originis peccatū.

At multò verò magis insaniunt, qui originis peccatum ipsammet hominis substantiam, vel ipsammet hominis animam, vel ipsummet hominis cor esse contendunt. Ego, inquit Flacius, ostendi in libello, cui titulus, Angelus tenebrarum, & in alijs meis scriptis Lutherum studio, & ex professo istam Sophistarum sententiam oppugnasse, & contendisse originale peccatum non esse accidens, sed quiddam de essentia, & natura: Imò, esse ipsam essentiam, ac naturam hominis, denique esse ipsum cor, ipsam rationem cum omnibus optimis viribus. & paucis interiectis, subdit: Articuli Schmalcaldici etiam largiùs, quàm ego, loquuntur. Dicentes verum peccatum, seu de quo poenitere, & condonationem petere debeamus, esse id totum, quod homo est. Hæc ibi Illyricus, quæ alibi ad nauseam vsque inculcat, & repetit. Totus enim in hoc est, vt persuadeat originis peccatum non esse aliquod accidens, sed ipsam hominis substantiam, vel essentialem eiusdem hominis formam.

Illyrici phantasia de originis peccato, ad deliriū vsque phantastica est.

Omni omnino substantia à Deo est, nec aliunde esse potest.

Est autem hæc Illyrici phantasia (si tamen id ille verè sensit, serioque tueri voluit, quod verba illius ubique disertè sonant; quodque Consecrarij eiusdem citra vllam hēsitationem aperti erroris in illo condemnant) vsque adedò delira, ac phantastica, vt eam in proscenium adduxisse, sit quodammodo refutasse. Etenim si originis peccatum est ipsamet hominis substantia, vel ipsummet hominis cor, vel essentialis eiusdem forma, (quæ utique alia non est, quàm anima mente & ratione prædita) non poterit profectò aliud, quàm ipsummet Deum, authorem habere: quippe eum quicquid vsquā substantiarum extat, siue id materia sit, siue forma, siue quippiam ex utroque conflatum, totum hoc integrè ex vno hoc fonte dimanet. At quis, nisi mentis sensu penitus destitutus, Deum id velle, vel etiam efficere, dicere audeat, quod ille tam

inccn-

incensè odit, vt cætera omnia quæcunque tandem odit, huius vnus causa odio habeat? Nec enim quicquam omnino est quod, vel in homine, vel dæmone auerſetur Deus, nisi peccatum: vt quod vnum ipsum hominem & dæmonem ab ipsius bonitate auertat; cumque honore, & reuerentia, quæ ab omni creatura iure illi debentur, hostiliter pugnet; ac nullum tandem ordinem, nullum modum, aut speciem in se contineat.

Quod si Deum peccati huius authorem negant, vt fortè negant, diabolum pessimæ huius substantiæ, vel formæ architectum definiant, oportet: (Neque enim credibile sit eò vesaniæ progressos, vt castissimas illas ac sanctissimas mentes, quos Angelos dicimus, cuiusque peccati authores pronuncient) atqui diabolum quarumcunque substantiarum opificem effingere, aliud nihil est, quàm manifestè insanire.

Dicent fortè, diabolum non esse substantiæ, vel naturæ authorem absolutè, sed tantum pessimæ huius substantiæ, vel pessimæ huius formæ. Verùm dum hoc dicunt, nouū inscitia suæ testimoniū proferunt. Nā si peccatū, quod ipsa origine ex Adamo trahimus, substantia est, pessima substantia nō est, imò ne mala quidē est. Est enim omnis omnino substantia bona, nec vlla omnino potest esse mala, vt substantia est. En in quas difficultates sese conijciant, qui originis peccatum ipsissimam hominis substantiam, vel ipsissimam hominis formam esse nungantur. Sed nunquid in has solas? nequaquam.

Etenim si originis vitium est ipsamet hominis substantia, vel essentialis eiusdem forma ab ea, quæ primo homini in ortu suo obtigerat, planè diuersa: vnde cunque tandem forma hæc fluxerit: (Nam hoc ad paradoxa, quæ inferre hinc licet, impertinens est) consequens fit Adamum ante & post patratum peccatum non vnus eiusdemque speciei extitisse, sed diuersæ. Siquidem essentialis forma rei, cuius forma est, esse specificum largitur. Vbi ergo diuersæ adsunt essentialis formæ, ibi diuersæ quoque rerum species constituantur, necessum est.

Quicquid Deus odit, solius peccati causa odit.

Peccatum ordinis, modi, & speciei expers est.

Aperè insaniunt, qui diabolum cuiuscunque substantiæ cōditorem statuunt.

Si orig. peccatū substantia est, pessima substantia non est: imò ne mala quidē est.

Si orig. peccatum esset ipsa essentialis hominis forma, Adam ante & post peccatū nō fuisset eiusdē speciei.

Ex eodem illo *paradoxi* principio conficitur rursum, fideles & infideles, iustos item & iniustos specifica ratione inter se differre. Nam cum per Baptismi energiam, aut fidei virtutem, ut ipsis magis probatur, pessima hæc forma aboleatur, aliaque noua & bona creetur & infundatur, & illa quoque essentialis, vel nihil video, vel noua hinc hominum constituetur species. Atque ita vniuersa Philosophia, & Theologia quoque reclamante, iusti & iniusti sola materia, vnde genus peti solet, inter se communicabunt.

Ex Illyrici cōmento cōsequitur, iustos & iniustos specie inter se differre.

Quod si per fidem, vel fidei Sacramentum pessimam hanc formam, quæ Deo exosos nos reddit, diaboli que imperio ac potestati subijcit, in mortali hac vita aboleri posse negent, atque ita specificam vnitatem conseruari contendant: videant ne hac sua responsione communem de omnibus damnationis sententiam proferant. Impossibile est enim hominem Deo exosum, & pessima illa forma deformatum, cœlesti beatitudine potiri.

Flacianorum commentum exponit oēs damnationis discrimini.

Respondebunt fortè, pessimam hanc formam per mortem aboleri. Video quid respondeant, at interim admirabile quiddam videri potest mortem, quæ peccati huius proles est, (per peccatum nanque mors intrauit in orbem) nec aliud quam mera vitæ priuatio est, id sua vi efficere posse, quod fides, vel Sacramentum, vel Christi passi meritum non potuit.

Rom. 5. Flaciani plus tribuunt nostræ morti, quam vitæ aut merito Christi.

Conficitur hinc tertio, quicumque per Christi gratiam iustificatur, eos non solum peccato, sed hac quoque nota & animali vita defungi: Siquidem essentialis formæ abscessum, compositi interitus necessariò comitatur. Quod si hominem verè quidem corrumpi, statim tamen, & quasi temporis puncto denuo instaurari responsitent: geminam mox carnis resurrectionem nobis obtrudent; vnam in hac vita solis iustis propriam, alteram in fine mundi omnibus communem.

Ex Illyrici principij cōfiscitur, qui peccato inter moriuntur, simul mortali hac vita defungi, atque adeo geminam carnis resurrectionem conueniendū esse.

Consequitur hinc postremo, (nam singula paradoxa, quæ

ex bello illo cōmento inferri possent, hīc inferre, vel etiam re-
ferre nullum est operæ precium) nos per Christū Iesum non-
dum verè redemptos esse. Quandoquidē id solum, iuxta san-
ctorum Patrum traditionem, redemptum est, quod à Verbo
assumptum est. Cū ergo Verbum pessimam illam formam
non assumpserit, sit vt speciem, quę per pessimam illam for-
mam constituebatur, non redemerit quoque. Atque ita vni-
uersum mortalium genus, quod cum forma hac pessima na-
scitur, etiamnum peccato obstrictum hęrebit. At hæc omnia
sunt perabsurda, & in Christum, eiusque meritū apertè con-
tumeliosa.

Quod si non de substantiali totius hominis forma, sed tan-
tū de essentiali ipsius animę actu hæc se statuere dixerint;
primò insignis inconstantia testes de se producant. Nam
alibi, & id quidem frequenter, & clarè, pessimam hanc sub-
stantiam non partis alicuius præcisè, sed totius hominis for-
mam; imò verò ipsam hominis naturam esse garriunt. Dein-
de in nouas rursus difficultates, & absurditates se coniiciunt.
Quandoquidem si pessima hæc substantia est essentialis ani-
mę forma, sequitur animam rationalem non esse substantia-
lem hominis formam: formæ enim non datur alia substantia-
lis forma; nam aliàs daretur processus in infinitum. Sequitur
nihilominus eandem illam animā, tam intra, quā extra cor-
pus esse quoddam perfectum ac rotum per se subsistens: quod
ipsum denuo confirmat, non esse proprium humani corporis
actum. Sequitur tandem, animā hominis interitui obnoxiam
esse: Fatentur enim formam illam pessimam tametsi essentia-
lem ab ea sciungi posse. Ad formę autem amotionem necessa-
riò consequitur interitus: Substantia quidē, si separetur, sub-
stantialis; accidentis verò accidentaria. Postremò absurda,
quę suprà percensuimus, non euadunt. Nam cū hæc animæ
forma sit, quędam quoque substantia, à Deo, vel diabolo pro-
ducta sit, necessarium est.

In similia incommoda incidēt, si originis peccatum, neque

Si quæ illi lyri-
cant de orig.
peccato præ-
dicant, vera
sunt, morta-
les per Chri-
sti sanguinē
nondum re-
dempti sunt.

Flaciani affi-
gnata inco-
moda nō vi-
tant, sed au-
gēt, dum sen-
tentia suam
ad animę for-
mam adscri-
bunt.

In eadem ab-
furda incidit
Illyricani, si
orig peccatū
nobiliorē,
vel potiorē
animæ facul-
tatem dixe-
rint.

Naturæ rei
nihil essenti-
ale potest ad-
di, vel adimi,
citra specifi-
cam illius
mutationem.

animam, neque animæ formam, sed nobiliorē, vel potiorē illius vim, vel partem esse defendant: puta mentem, vel rationem, vel liberum arbitrium, vel aliquid aliud eiusmodi. Siquidem omnis omnino essentialis mutatio, quæ in formam inciderit, speciem necessariò mutat. Habent se nanque formæ, & species hinc constitutæ, vt numeri, quibus vtrique nihil addi, nihil adimi potest citra numericę speciei mutationem. Igitur vt denario binarium adimēs constituis octonarium, & eidem rursum denario vnitatem adiiciens, absoluis vndenarium: ita si homini ademeris mentem, aut liberum arbitriū, aut vnicum ex omnibus sensum, ita vt eum nec habeat, neque secundum naturę suę conditionem habere queat, totam mox hominis speciem sustuleris. Siue ergo integram hominis substantiam, siue partem huius substantię originale peccatum Flaciani appellent, non possunt in hæc, quæ diximus, absurda non impingere.

Lutherani se
inuicem op-
pugnant.

Deus substi-
tū & accidē-
tis, totius &
partis est cō-
ditor.

Lib. 13. c. 24.
de ciuit.

Licuisset pluribus prodigiosi dogmatis huius absurditatem ostendere. Verū quòd ipsimet Lutherani magna contentione illud impugnent, & iam certam sibi de hoste quantumlibet pugnace & pertinace victoriam polliceantur, nolumus hanc illis arenam turbare. Solū monuerim, cautione opus hīc esse, ne suis se mucronibus conficiant, hoc est, in errorem Illyricano cognatum impingant. Certum est enim, non modò substantias, omnesque substantiales partes, & proprietates à Deo Opt. Max. fluxisse, ac porrò fluere, sed omnia quoque vera, & realia accidētia. Credimus enim Deum omnium simpliciter, hoc est, aspectabilem & inaspectabilem, per se subsistentium rursum & alteri inherēntium, totius denique & partium omnium conditorem esse. Nequaquam fas est, inquit, Augustinus, vllius naturæ quantumlibet minimæ mortalisque creatorem, nisi Deū credere ac dicere, etiam antequam possit intelligi.

Cū ergo plerique ex illis, qui Flacianos impugnant, originis peccatum aliquod reale accidens esse, cōcedere videantur:

tur: caueant ne Illyricani omnia illa tela, quibus à Symnystis suis impetuntur, in illorum capita retorqueant. Nouimus malum hoc accidētis appellatione designari posse. Accidit enim homini formale huius peccati, quodcunque tandem illud sit. Vnde etiam diuus Augustinus, & alij quoque Patres accidentis vocabulo non infrequenter in hac materia vtuntur: sed accidentis prædicabilis, non etiam prædicamentalis, vt in Scholis loquimur. Originis itaque peccatum, neque substantia est, neque aliquod reale, aut prædicamentale accidens est, neque aliquod denique eorum omnium, quæ hætenus reieciimus, vel impugnauimus, formaliter est.

Flacianorum Symnystæ & Antagynistæ in eundē ferè cū Flaciania lapidem offendent.

Orig. peccatū neq; substantia est, neque aliquod prædicamentale, vel reale accidens est.

At iure meritoque hîc nobis obieceris: Si originis peccatum non est substantia, neque aliquod verè rationis accidens, neque aliquod denique eorum omnium, quæ huc vsque, vel vt falsa, vel vt minùs probabilia reieciimus, in quo ergo formalis illius ratio præcipuè consistit? Sanè quod de alijs quibusdam dici solet, hoc & de hoc ipso quoque peccato verissimè dici potest: nempe multò faciliùs explicari quid nō sit, quàm quid sit. Est enim res non parum abstrusa, & à vulgarium hominum sensu procùl posita. Esse, & omnibus, qui ex Adamo oriuntur, inesse, Scripturæ sacræ prædicant: prædicant idem quoque Patres, & Synodi œcumenicæ: Quid autem sit formaliter, id aut non explicant, aut non ea perspicuitate explicant, quæ omnem mox scrupulum omnibus eximat.

Faciliùs explicatur, quid non sit orig. peccatum, quid sit.

Veruntamen quia & hîc quoque certi aliquid pronunciamdum est, (est enim vnus hic præcipuus disputationis huius locus) simpliciter censeo inter omnes, qui de hac controuersia sententiam tulerunt, eos propiùs ad veram, & intrinsicam peccati huius vim, naturam, & quidditatem accedere, qui propriam ac formalem vitij huius rationem, in quadam habituali mentis à Deo auersione, & ex consequenti, in quadam inordinata eiusdem ad caducas istas & fluxas res conuersione, (hæc duo enim se inuicem consequuntur) ex Adami peccato in natura nostra relictis & infixis, constituunt. Siue habitua-

Auersione
Intrinsicæ orig. peccatū vis in quadā habituali à Deo auersione posita est.

lem

lem illam, hoc est, fixam, constantemque à Deo auersionem, & ad creaturam conuersionem, cum diuo Augustino reatum vel maculam: siue cum Araficana, & Tridentina Synodo animæ mortem: siue cum quibusdam Scholæ Theologis originalis iustitiæ priuationem: siue alio quocunque eiusmodi nomine rem hanc appellare, aut oratione definire lubeat.

Quò hæc de formali peccati huius vi & ratione sententia, quam verissimam existimo, certior explicatioque habeatur, vnum hîc vt certum, ac indubitatum in morali Philosophia principium ponere oportet: nempe in quouis commissionis peccato duo cõperiri, ipsi peccato quàm maximè intrinseca:

In quouis cõmissionis peccato cõperiuntur duo, actus nimirum, & actus deformitas.

Alterum, quod se habet per modum materiæ: Alterum, quod per modum formæ. Materiale peccati est ipsa vitiosus actus substantia, vel ipse actus vitiosus secundum se absolutè consideratus: vt, exempli causa, rei alienæ ablatio: cibi lege interdicti vsurpatio, vel aliud quiduis eiusmodi. Formale aut peccati est ipsa operis vel actus deformitas, vel obliquitas: aut ipsa ornatus, vel ordinis, vel rectitudinis, quæ vel quâ actui adesse oportuit, priuatio. Nam vt actio regulæ suæ consentanea, hoc est, ad regulæ suæ modum expressa, est bona: ita legi, vel regulæ suæ dissentanea, hoc est, à regulæ suæ ratione exorbitans, est mala.

Humanarum actionum amissionis certa diuina voluntas.

Cùm igitur omnium humanarum actionum regula, amissionisque certissima sit diuina voluntas, (bonum vtiq; modis omnibus infinitum, ac nulli prorsus mutationi, aut obliquitati, aut deformitati obnoxium) consequens sit vnumquodque hominis opus, hætenus rectum, ac laude dignum iure censeri, quatenus cum prima hac, & inobliquabili regula per omnia consentit: hætenus rursus obliquum, & vitiosum, quatenus ab hac ipsa amissi, vel regula dissentit. Quamobrem vbicunque abest omnis omnino à summa illa, & indemutabili lege, quæ Deus est, auersio, ibi omne quoque abest peccatum: & ediuerso vbicunque occurrit aliqua istiusmodi à prima illa regula, vel lege deflexio, ibi necessariò obtinet aliquod peccatum, vel vitium.

Vbicunque occurrit exorbitatio à prima regula, ibi necessest occurrat peccatum.

Rectè

Rectè hæc, inquis: at nondum formalem originalis peccati rationem hinc satis apertè colligo. Nec enim infans scelerè aliquo à summa illa lege, vel regula quandoque sese auerit, aut ad bonum caducū, præter rationis ordinem aliquando sese conuertit, vt ob id peccato obstrictus nasci verè diceat. His igitur, quæ de duplici peccati parte, altera materiali, altera formali, modò exposuimus, adde: scelere perfectò, auctuque peccaminoso iam absoluto, elapsoque, authorem illius tantisper adhuc peccato obnoxium teneri, vereque peccatorem esse, & peccatorem dici, donec per Christi gratiam absoluaatur, & à contracta labe emundetur. Nam vt auctu, dum scelus patrabat, à Deo sese auerterebat, & ad rem, quā Deo potiore ducebat, turpiter sese conuertebat, abiiciebatque: ita absoluto iam crimine per modum habitus à Deo auersus, rebusque caducis, quas Deo anteposuerat, affixus hæret.

Hoc autem constituto, ex superioribus tandè repetas vniuersam humani generis naturam in Adamo, dum auctu transgressus est legem, tanquā in capite extitisse; atque ad eò omnes nos non quidem verè, ac propriè, (nec enim verè, ac propriè per id tempus adhuc existebamus) sed potètia tantum, ac virtute, vel quadam quoque iuris fictione per eundem illum Adamicè præuaricationis auctum Dei legem perfregisse, ac testamentum illius, vt Scriptura loquitur, dissipasse. Atque ita clarè, & quasi ad oculum perspicies auersionem illi ipsi, quæ post peccatum admissum in Adamo reliqua erat, haud dissimilem per modum habitus, hoc est, fixè, perseveranterque in natura, quam per generationem participamus, relictam, propriè ac formaliter nostrum originis peccatum esse.

Dixerim autem auersionem illi ipsi, quæ perfectò scelere Adamo adhærebat, haud dissimilem, non etiam parem, aut equalem, generève, aut specie eandè. Nam vt Christi Redemptoris iustitia, quæ per regenerationis lauacrum in nos deriuatur, multò in illo extat perfectior, & absolutior, quàm in nobis adoptiuus illius filijs: ita macula illa multis partibus in

Infans nullo proprio auctu, vel scelerè à diuina lege sese auertit.

Scelere perfectò, sceleratus tantisper peccato hæret obstrictus, dū Deo per penitentiam reconciliatur.

Vniuersa humani generis natura extitit in Adamo peccate, vnaque cum illo & in illo peccauit, & maculam contraxit.

Genes. 17.

Macula, vel auersio post patrati sceleris in Adamo fuit maior, quàm in illius posteris.

Adamo extitit deformior, & grauior, quàm in nobis naturalibus eiusdem filijs. Vnde hæc dissimilitudo? Inde nimirum, quia nostra non proprio aliquo ac personali scelere, vt illius, constat, sed ipso ortu contrahitur.

Post scelus
patrum ge-
mina, secun-
dum ratione
in Adamo re-
liqua sunt ma-
cula, vel a-
uersio.

Personalis
Adæ macula
in illius poste-
ritatem per
generatione
nō transmittitur.

Macula natura,
hoc est, a-
uersio Adami
vt erat com-
mune naturæ
principiū, per
generatione
in nos transmittitur.

Peccatū orig.
& personale,
nec genere,
nec specie in-
ter se conue-
niunt.

Qui orig. pec-
cati vim in
habitu à
Deo auersio-
ne, & qui in

Clariùs aliquanto discrimen illud edifferam, facit enim ad rem, non parum. Aduerte ergo post legis præuaricationem geminam secundum rationem auersionem, vel maculam per modum habitus in Adamo reliquam fuisse: Vnam personæ, alteram naturæ. Hæc illi adhærebat, vt erat commune totius naturæ principium: Illa verò, vt erat priuata quædam persona. Personalis macula, quòd proximè ex prauo ipsius Adami actu esset conflatà, ipsumque formaliter peccatorem denominaret & constitueret, per generationem in nos non transmittitur; neque est nostrum originale peccatum. Aliàs enim nostrum originale & Adami personale eiusdem prorsus rationis, & quantitatis forent, quòd est absurdum.

Macula autem, vel auersio naturæ, quæ est proximus personalis auersionis effectus, infelixque eiusdem foetus, vna cum ipsa natura tanquam naturalis quædam eiusdem naturæ proprietates per generationem in nos transfertur, & formalem in hoc nostro originis vitio rationem obtinet; nosque formaliter & propriè ante regenerationem peccatores denominat. Neque mirum videri debet illud nostrum esse originale formaliter, quod formalis auersionis Adæ effectus extitit. Quandoquidem peccata hæc sunt primo diuersa, sola nominis analogia inter se conuenientia. Alterum enim, vt modò dicebatur, proprio actu asciscitur: alterum verò ipso ortu contrahitur.

Ex hac explanatione, & duplicis maculæ distinctione planum euadit, quæ de originalis peccati natura, & quidditate hætenus exposuimus, ea cum illorum opinione, qui in originalis iustitiæ priuatione formalem peccati huius rationem collocant, non tam sententia, quàm loquendi ratione pugnat. Nam si voluntas per gratiam, quam ipsi originali iustitiæ,

vel

vel essentialiter inclusam, vel radicaliter substratam fuisse tradunt, formamque illius appellant, cum Deo coniuncta, aut secundum se recta non est; ab eo auersa, & ad terrena inflexa sit, necessum est. Si, inquam, formalis originalis iustitiae ratio posita erat in perfecta, plenaque voluntatis rectitudine, amicaque, ac beneuola quadam eiusdem cum Deo societate, atque coniunctione; materialis verò in recto inferiorum virium ordine, perfecta que earundem cum ratione & voluntate concordia & pace: profecto originis peccatum, quod originali iustitiae quasi exaduerso opponitur, formaliter in habituali quadam voluntatis à Deo auersione, vel elongatione, vel abalienatione consistet: Materialiter verò in turpi quadam inferiorum virium perturbatione, pertinacique earundem contra rationem & voluntatem pugna, ac rebellionem.

Hoc tamen sententiæ illæ inter se dissident, quòd altera proximam peccati huius causam veriùs assignare videtur, quam intrinsicam illius rationem: Siquidem ex gratiæ, & iustitiæ priuatione, quam passus est primò Adamus, & nos omnes in illo, proximè consecuta est habitualis illa animorum abalienatio, & voluntatis à Deo auersio: hinc verò inferiorum virium rebellio, ac perturbatio. Sunt sanè hæc omnia indissociabili quadam copula in se apta, atque connexa: attamen copula illa non obstante, singula certum inter se ordinem sortiuntur. Nam ex perpetrato scelere, nata est iustitiæ & gratiæ priuatio: ex hac autem priuatione euestigio consecuta est habitualis illa voluntatis à Deo auersio: inde tandem profecta est foeda illa virium omnium tum superiorum, tum etiam inferiorum rebellio, & perturbatio. Atque vnam hanc causarum seriem, effectuumque inter se coherentiam, ac mutuam dependentiam tot opinionibus, quot de intrinseca peccati huius ratione emerferunt olim, & subinde adhuc emergunt, non minimam causam subministrasse crediderim.

Ex eo, inquam, quòd isthæc omnia, quæ obiter modò exposuimus, indiuisè inter se coherent, & certo quodam

orig. iustitiæ
priuatione
collocat, ver-
borum forma
veriùs inter
se discrepât,
quæ sententia.

Orig. iustitiæ
priuatio veri-
us est orig.
peccati causâ,
quàm ipsum
secundum se
orig. pecca-
tum.

In orig. pec-
cato obserua-
re licet vari-
am causarum
& effectuum
seriem.

Ex varijs pec-
cati huius
causis & effe-

Atque variz de
interna illius
vinitate sunt
opiniones.

Qui orig. pec-
catū in orig.
iustitiæ priua-
tione ponūt,
habitualement
Deo auersio-
nem hinc nō
excludunt.

Veteres orig.
peccatū concu-
piscenciæ
nomine de-
signant.

Qui orig. pec-
catum concu-
piscenciæ no-
mine designe-
tur, triplex
ratio.

Non omne
peccatū for-
titer materia-
le sui partē.

ordine ex se inuicem dimanant, factum est vt Orthodoxo-
rum alij (nam Hæreticorum commenta nihil hîc moramur)
peccati huius vim collocarent, in habituali quadam mentis
à Deo auersione: alij in originalis iustitiæ priuatione: alij in
virium omnium destitutione: alij tandem in morbida qua-
dam tabe, vel qualitate: Imò verò vt vnus & idem ad nume-
rum non in eodem constitueret illud semper, sed modò in
hoc, modò in illo. Qua de re nunc non est agendum prolixi-
ùs. Solùm monuerim, qui in originalis iustitiæ priuatione
illud constituunt, eos habitualement voluntatis à Deo auersio-
nem hinc non excludere, sed includere. Quandoquidem vt
illi originalis iustitiæ nomine non accipiunt gratuitum illud
donum secundum se absolutè ac præcisè, sed vnà cum prima-
rio ac principali eiusdem illius doni effectu, qui vtique alius
non extitit, quàm integra mentis ad Deum cōuersio: ita
originalis peccati appellatione, non tantum gratuiti illiusce
doni priuationem designant, sed principalē quoque eiusdem
priuationis effectū, nempe mentis, ac voluntatis à Deo auer-
sionem.

Veteres concupiscenciæ nomine peccatū hoc designant
familiarius, quàm auersionis, aut priuationis: non quòd hæc
secundum se sit ipsum originale peccatum, aut materialis
quoque eiusdem peccati pars, eo saltem modo, quo actus
proprius peccati subiectum dicitur, (neque enim, vt actus
rectè obliquus, vel vitiosus, ita concupiscencia quoque rectè
peccatrix appellatur) sed quòd manifestior illius effectus exi-
stat: tum ob id quoque, quòd ex peccato prodeat, incautos-
que ac desides facilè in peccatū inducat: tum ob id demum,
quòd generationis actui, per quem natura vnà cum peccato
transfunditur, indiuulsè cohæreat.

Obijcies forsàn: Si peccati huius materiale non est con-
cupiscencia, ergo aliud sit oportet? Non est id necessum:
constat enim culpabilem præcepti omissionem verè ac pro-
priè rationis peccatum esse, & illud quidem personale: & ta-
men

men neque actum, neque aliud quicquam omnino, quod materiae locum expleat, sortiri. Vtrunque tamen peccati genus sortitur proprium subiectum, quod materiale illius appellare licet; puta ipsum hominem, vel ipsam hominis animam. Sed & ipsa quoque concupiscentia, certa quadam analogia ad communem materiam, peccati huius materiale appellari posset. Nam vt communis rerum materia suis affecta dimensionibus, post generationem remanet in composito, inferioremq; gradum in eodem obtinet: ita concupiscentia post obtentam reconciliationis gratiam in corpore, quod afficiebat, restat; & in originalis peccati ratione infimum locum tenet, & varijs tandem carnis partibus, ac dimensionibus, tanquam propriae sedis inhæret, insidetque.

Concupiscentia, certa ad communem materiam analogia, orig. peccati materiale dici potest.

In quo propria originalis peccati vis, formalisque eiusdem peccati ratio, præcipuè posita videatur, quantum res per se alioqui obscura patiebatur, explicuimus vtcunque clarè, ac perspicuè, & nisi vehemèter fallimur, Scripturæ & veterù Patrum doctrinæ satis cõsentaneè. Nunc quæ effectrices illius causæ existant, paucis explanemus, vt tractationis ordo postulat.

Orig. peccati vis, pro rei natura exposita est perspicuè & clarè.

Originale peccatum non sola imitatione, aut sola externa patrati sceleris imputatione; non seminis propriè, aut carnis infectione, aut animæ ex anima, aut animæ ex semine traductione; non malitiæ in generatione, aut aliquo alio eiusmodi: sed ipsamet natura propagatione, ex Adamo in vniuersam illius posteritatem transfundi.

TRACTATVS OCTAVVS.



Vt nunquam apud syncerè Catholicos dubitatum est, quin præuaricationis Adæ noxa simul & poena, in totam eiusdem Adami stirpem, vnà cum natura transfunderetur: ita apud doctos & indoctos nõ parum semper controuersum fuit, quamam via vel ratione; aut, vt ille aiebat, per quasnam rimas peccatum illud in naturam nostrâ se insinuaret, eandemque,

Quomodo, quæue via orig. peccatū ex hoc in illā transfundatur, magnam semper questionē habuit Iul. Pelag.

& rectum illius ordinem, ac statum tam foedè turbaret. Neque enim peccare videtur, qui nascitur, vt qui nihil hîc agat, sed tantum patiat: Nec ille rursus, qui gignit, cum coniugalis actus sæpe sit, & semper esse possit meritorius: Nec ille tandem qui condit, siue qui corpori seminis virtute iam perfectio animam infundit, vt qui naturæ à se institutæ opus tantum adiuuet, illudque, quod natura ipsa per se non poterat, clementer expleat.

Pelagiani.

Pelagiani sola imitatione orig. peccati transfundi sentiunt.

Si orig. peccatorum sola imitatione transferretur, in infantibus, qui æmulati adhuc nequeunt, nullum orig. peccati existeret.

Pigij & Amb. Catharini de orig. peccato opinio.

Pigij & Catharini opinio refellitur.

Conc. Trid. Sess. 5.

Fuerunt igitur, qui sola imitatione illud in nos transfundi docerent. Putabant hi ob id tantum in Adamo præuaricatos nos dici, quod præuaricationis illius exemplum æmulati, nefariè interdum in Deum committamus, commissamque noxam improbè plerunque excusemus. At huius sententiæ authores, tanquã qui originis peccatum apertè negent, Apostolique doctrinam foedè deprauent, (aliud est enim prauum cuiuscunque exemplum imitari, aliud peccato obstrictum nasci: pueri infantes peccatores nasci possunt, & reuera nascuntur: ad aliorum autem exemplum peccare omnino non possunt. Obstat enim ætas, & rationis vsura, quia sola peccatur) iam olim vt hæretici ab Ecclesia proscripti sunt.

Sunt alij Catholici alioqui, & egregiè pij, qui originis vitium ita admittunt, vt nihil tamen quicquam, quo formaliter peccatores denominemur, & simus, nobis agnasci contendant. Imaginantur hi illud ipsum crimen, vel illum ipsum præuaricationis actum, quo generis nostri princeps mandatum infregit, omnibus & singulis perinde ac proprium, cum in pœnam, tum etiam in noxam imputari.

Sed nec hæc quoque sententia, quæ recipiatur, satis idonea est. Quandoquidem si ob id solum peccatores nascuntur, qui ex Adamo nascuntur, quod præuaricatio illius in noxam illis, vel etiã in pœnam imputetur: profectò non verè peccatores nascuntur, sed tantum imputatiuè: Neque singulis suum inheret proprium, vt definit Concilium, sed omni-

omnibus & singulis vnum tantum : imò ne vnum quidem omnibus fat verè, & propriè. Nam si macula, quam Adamus peccando contraxit, & in naturam induxit, non reipsa in eos transmittitur, qui communigenerationis lege ex ipso oriuntur, sed nuda tantum imputatione, haud dubiè non transmittitur : idem est enim non transmitti, & sola imputatione transmitti : Aut si qua ratione transmittitur, secundum se tamen non transmittitur, sed tantum secundum effectum. Sicut etiam læsæ maiestatis crimen, quod parens admisit, reuera secundum se in liberos non transfertur, sed tantum secundum aliquem sui effectum. Imputatur enim illis perinde in pœnam, atque ipsimet admissi criminis auctori, tametsi non in tantam.

Iam si hoc naturæ vitium vnà cum natuta reuera non transfunditur; neque naturæ, quæ per generationem propagatur, reipsa inheret, ita vt verè proprièque peccatricem illam denominet, sed tantum imaginariè, vel imputatiuè; reipsa ergo nusquam est; vel, si alicubi est, in illius solum scientia est, cui nihil omnium præteritum est. Quod si nusquam est, ergo vnum ad numerum non est. Neutiquā proinde hanc imaginationem tanquam probabilem aliquam opinionem tueri fas est: non ob id solum, quod ratione, & auctoritate careat, & malè præterea sonet: sed ob id etiā, quod illorum errorum non obscure faueat, qui imputatiuæ iustitiæ commentū hac tempestate plurimum vrgent; tum illorum quoque, qui nihil veræ noxæ ex Adamo in nos transmitti concionantur, sed nudam tantum pœnam, moriendi ve necessitatem.

Comperiuntur, qui animum quidem ex corpore, vel corporis tabe; corpus verò ex seminis contagione infici, ac certa quadam ratione pollui contendunt. Existimant hi genitale semen hoc ipso morbida quadam tabe, ac veluti scabiosa quadam contagione infici, quod ab infecta generantis natura, non absque incenso libidinis ardore decidatur. Hanc autem impurati seminis tabem, hinc quidem

in

Quod sola imputatione, vel imaginatione transmittitur, reipsa non transmittitur.

Quod nusquam est, non est, & per obsequens vnum numero non est.

Pigij & Catharini opinio neque rata est, neque ratione nixa est.

Refutatur Ioan. Scoti, & aliorum quorundam opinatio.

Difficile cap-
tu, qui exse-
mine in car-
nem, & hinc
in spiritum
transferatur
morbida que-
dam tabes.

in corpus, vel carnem, inde verò in animam transfundi. Sed sanè captu perdifficile est, quonam modo morbida illa, & peccans qualitas, semini insidens per generationis actum infundatur in carnem; multò verò difficilior, quàm per corpus transmigret in animam: vel ex ea in carne remanente, altera similis transferatur in spiritum: vel ab ipso spiritu hauriatur ex corpore. Est enim spiritus corporibus, rebusque corporatis multis partibus præstantior: agens autem præstantioris virtutis esse debet illo, in quod agit.

Hominis ca-
ro, per homi-
nis animam,
est hominis
caro.

Mitto hîc, humanam carnem aliter, quàm per humanam formam, hoc est, per animam rationis compotem, hominis carnem esse non posse: nec enim plures vno in homine formas admittimus. Priùs itaque naturæ ordine anima rationalis coniungitur vt forma vel actus materiæ, quàm caro sit hominis caro, vt quæ ad intrinsecam humanæ carnis naturam pertineat. Vt enim hoc vel illud nequit esse caro bubula, aut hœdina, aut agnina, nisi adsit bouis, vel hœdi, vel agni anima: ita quoque hoc vel illud nō potest esse humana caro, nisi hominis adsit forma. Iam quod non est, hoc sordibus ab altero infici non potest. Falsò proinde asserti videtur, hominis carnem ex semine infici, animam verò per hominis carnem.

Fœditas om-
nis, aut spi-
ritalis, aut
corporalis
est.

Corpus non
est capax spi-
ritalis coin-
quinationis.

Omnis cor-
poralis de-
formitas, de-
fectu vel ex-
cessu constat.

Si dixerint sola vegetante, vel sentiente anima humanam carnem constitui, atque ideo per naturalem illam sympathiam, quæ inter materiam & formam intercedit, hanc ab illa infici, hoc est, originalis peccati labe contaminari: adhuc falsa illa assertione, vel sumptione veriùs, non omnem prorsus difficultatem euadent. Siquidem fœditas illa, quæ carni affingitur, aut spiritalis est, aut corporalis. Non spiritalis: nam cum caro sit quiddam materiale, ac corporeum, non potest spiritalis cuiuspiam coinquinationis, aut qualitatæ sedes esse.

Nec est rursus corporalis: Siquidem nulla istiuscemodi infectio, aut fœditas, aut deformitas rei naturali vnquam ad-est, nisi, vel aliquid eiusmodi illi ademptum sit, quod naturali illius integritati adesse oportuit, vel aliquid contrà eiusmodi

extrin-

extrinsecus illi accesserit, quod cum naturali illius integritate, ac venustate apertè pugnat. vtrunque enim faciem deturpat, & nasus iusto grandior, & nasus rursus iusto exilior. Prius hîc locum non habet: quandoquidem per peccatum nihil ademptum est humanę naturæ, quod specifica illius ratio necessariò deposceret. Subducta est sanè originalis iustitia, sed illa extra specificam hominis rationem existebat. Atque ita ablata hominis speciem intrinsecè non deformabat. Et vt maximè orbitas illa aliquid deformitatis attulisset, adhuc illud pœnæ rationem sortitū fuisset veriùs, quàm culpę. Ex pœna autem non progignitur culpa, sed contrà ex culpa enascitur pœna: est enim hæc illius causa: & omnis præterea pœna, vt pœna est, & à Deo est, & iusta est: Iustū autem, vt eiusmodi, iniustitiam ex se procreare nequit. Sed neque posterius quoque admitti debet: Siquidem peccatum formaliter sumptum priuationem denotat: hæc autem subiecto, de quo prædicatur, nihil rerum adiungit; sed quiddam tantum, quod adesse oportuit, ab illo abesse indicat.

Orig. iustitiæ
extra specifi-
cam hominis
rationē erat.

Ex pœna or-
dinaria lege
non progi-
gnitur culpa,
sed contrà.

Peccatū for-
maliter sum-
ptum priua-
tionem indi-
cat.

Denique rationes, quibus Theologi illi nituntur, nō sunt necessaria. Allegant in causæ suæ patrociniū dūo: ex parte seminis vnū, ex parte carnis alterum. Ex parte seminis, incensum libidinis ardorē: ex parte carnis, mutuam materiæ & formæ inter se sympathiam: At neutrum horum est satis validum. Nam ad partium essentialium sympathiam quod attinet, licet anima, quæ propria corporis forma est, materiam perficiat, suasq; perfectiones, licet non omnes, illi impertiat: materia tamen formam non perficit, neque pathemata sua in illam transfundit. Secludimus hinc ea *παθήματα*, casque proprietates, & operationes, in quibus obiectiue, vel subiectiue inter se communicant. Videmus enim animam, pro varia corporis, cui vnita est, cōstitutione, variè affici. Ob prauam nanque organorum dispositionem operationes naturæ suę consentaneas sepe exercere nequit. At nulla interim spiritalis affectio ex carne, vel corpore in illius essentiā, vel potentiā transmitti potest.

Ratiōes, qui-
bus huius ter-
tiæ opinatio-
nis authores
nituntur, non
sunt firmę.

Forma mate-
riam, nō con-
trà materia
perficit for-
mam.

Organorum
vitium impe-
dit animæ o-
perationem.

Etiam patet
generaret ci-
tra libidinis
ardorem, ad-
huc proles
orig. vitium
contraheret.

Quod porro de libidinis estu adferebatur, id tantum non est, vt multum nos mouere debeat. Nam etsi omnis omnino incensa libido, vel sensilis oblectatio hic suspendatur, vel impediatur, (quod diuina virtute fieri posse, dubitat nemo) adhuc proles originis vitio contaminata in lucem funderetur. Signum est ergo certum, & quasi euidens, animam ex immoderata illa sensualitatis oblectatione, vel inordinata generantium libidine non infici. Nam si libido esset per se causa, primaq; totius huius infectionis radix, profecto ea quacumq; potentia sublata, ex generationis opere nulla sequeretur macula.

Nec libido
semen, nec
semen carnem,
nec caro infi-
cit animam.

Cum ergo, nec libido semen, nec semen carnem, nec caro animam inficiat; frustra hic duæ, vel plures constringuntur morbidæ qualitates: vna in semine, altera in carne, tertia demum in anima. Siue eas illi infectiones, morbidas, ve qualitates formaliter constituent in semine, vel carne: siue tantum causaliter. Nam si qua eiusmodi macula in semine vel carne existit, necessum est vt effectiue in ea existat, vel receptiue. At non existit in ea tanquam in principio actiuo: siquidem materia non agit in formam, nec corpus in spiritum, cum hic illo multo excellentioris sit virtutis, nec in materia cum eo communiceret. Neque existit in illa rursus receptiue subiectiue: Nam si quas caro extrinsece susceperet sordes, iam non tantum causaliter sordida esset, sed formaliter quoq; & denominatiue. Nihil proinde sordium spiritus contrahit ex carnis sordibus, aut caro ex seminis contagione, aut semen ex libidinis ardore: & per consequens originis peccatum non transfunditur ex genitalis seminis tabe in carnem, & inde in animam, vt habebat tertia illa opinio.

Exponitur, &
refutatur coru
sententia, qui
animam vna
cu orig. pec-
cato de pote-
tia materie
educi opinati
sunt.

Non defuere, quibus hominis formam de potentia materie aliarum forniarum more educi persuasum esset. Censebant hi, vt ex genitali semine propagari nequit corpus secundum se immortale, integrumq; ac incorrupte sanitatis, agile item ac vegetum; sed quicquid hinc nascitur, id totum suapte natura tardum, infirmum, mortiq; atq; corruptioni obnoxium est: ita

cx

ex eodem illo semine produci formam, vel animam, corpori istiuscemodi caliginoso, ægro, tardoq; per omnia cognatam; puta animale, ad caduca & terrena abiectā, incuruatamq;e, à rebus diuinis alienam, cæcam tandem ac surdam, manisque omnibus & miserijs plenam, hoc ipsum autem esse hominem originali peccato obstrictum nasci.

Verum licet hic translationis modus, eiusdemque fundamentum multis claris, & illustribus Scripturarum testimonijs non facile queant refelli: est tamen vtrunque falsum, veræque Philosophiæ dissentaneum. Nam cum anima humana sit substantia per se subsistens, materia & morte vacans, nullo, vt operetur, corpore indigens: (vfitur sanè phantasmate, dum est in corpore, at id non vt operetur, sed ne desit circa quod operetur) fieri nullo modo potest, vt orta sit ex semine: alioqui enim actio virtutis modis omnibus corporeæ pertingeret ad effectum modis omnibus spirituale, & immaterialē, quod fieri posse meritò ab omnibus negatur. Spiritale nanque & corporale toto genere inter se differunt: atq; ideo hoc illud producere nequaquam potest: quippe cum nihil agat, sed neque agere quoque valeat, ultra suam speciem, imò omne agens eo, in quod agit, præstantius sit oportet.

Horum errori proximè accedunt, qui animam ex traduce esse contendunt. Quandoquidem si anima filij procreatur ex anima vel per animam patris, vt corpus ex corpore: aut procreatur per illam ex nihilo, aut ex ipsamet paternæ animæ substantia, aut ex patris semine. Non ex nihilo: nam aliàs nō esset ex ppagine, sed ex creatione, quod isti negāt. Mitto hîc, res creatas nō creare, nec creare posse. Nec est rursum ex patris anima: quia nō ex tota, nec ex parte. Non ex tota, alioqui vna anima esset in duobus, vel certè generās generādō scipsum perimeret. Nec est ex parte rursum, qā anima nō est scitilis. Non est tandē ex semine, siquidē anima p se ferere nequit, cum materiæ expers sit. Nec geminū hîc deciditur semen, corporis vnū, animæ alterū, sed vnū vtriq; cōmune. Dices forsan animā pe-

Anima secundum verā philosophiā non educitur de potentia materiæ.

Anima est substantia per se subsistens, morte & materia vacans.

Spiritale & corporale toto genere differunt.

Proponitur & euertitur illorū cōmentum, qui animam ex traduce esse deducunt.

Anima filij non est ex anima patris, quia nec ex tota, neque ex parte.

Anima non
fortitur pe-
culiare semē

culiare semen sibi vindicare? Sit ita: At cū generationis opus non infrequenter suo fine frustretur, quēro abste ecquid nam de semine illo nequicquam elapso fiat. Nam si illud interire respondeas, interitus sententiam in animam feres: Fieri enim non potest, vt morte id careat, cuius synonyma stirps corruptioni subiacet. Si autem non perit, quid obstat ergo, quō minū anima hinc prodeat?

Humana ani-
ma secūdū
se non pen-
det ex corpo-
reis qualita-
tibus.

Dices rursum, nō semper inde animam educi, sed tum, demū cū oēs illæ qualitates, ac dispositiones, quę ad animæ pdu-ctiōnē necessariō depoſcūtur, adfuerint. Verū dū hoc respōsitas, animę substantiā, cū in fieri, tum etiam in cōseruari, ex quibusdā corporeis qualitatibus pēdere haud obscurē insinuas: ita vt illis semotis, aut etiā desideratis, neq; fieri queat, neq; cōseruari. At cū nonnullæ ex illis inter se necessariō sint pugnantes, (nam si nulla vnquam cum altera pugnaret, sed omnes in vnum semper conspirarent, semper generatio contingeret) non poterunt eiusmodi qualitates corruptioni non esse obnoxia: ijs ergo vel in partem, vel etiam in totum corruptis, necessariō & ipsa quoque anima corrumpetur. Sed anima corrumpi non potest, cū simpliciter sit immortalis. Impossibile est ergo vt anima propagetur ex anima, vt corpus propagatur ex corpore.

Adferūt at-
rumēta, qui-
bus probari
videtur huma-
nas animas
ex semine, vel
ex traduce
esse.

Genſ 46.
Leuit. 17.
Diluitur pti-
mum argu-
mentum.
Homo nō eo
profus mo-
do generat
hominē, quo
leo leonē, &
tanien verē
generat.

Sed inquis: Si humana anima nō est ex semine, nec rursum ex traduce: falsō ergo asseritur, hominem ex homine progigni? falsō, omne agens virtute formę, qua agit, producere sibi simile secundū speciē: falsō tandem, ex femore iacob septuaginta animas prodixisse, & alio loco, omnem carnis animam esse in sanguine.

At isthęc, quę de animæ creatione traduntur, non infirmant. Nam etsi homo non eo prius modo generat hominem, quo leo leonem, aut elephas elephantem: verē tamen, & propriē generat, quia vera, & propria, & per se causa est, vt hæc forma vniatur huic materiæ, vel vt hæc anima huic corpori.

Quæ

Quæ ratio discriminis? Hæc nimirum, quia cùm animæ
brutorum per se non subsistant, neque per se esse, neque quic-
quam omnino per se extra materiã operari queant, sit vt to-
tę à materia dependant: atque adeò vt virtute in ipsa mate-
ria herentes, naturalis agentis vi & energia inde educi vale-
ant: Forma autem hominis, quòd per se subsistat, ceterisque
omnibus altioris ordinis existat, ita materiæ coniungi potest,
vt tamen de potentia materiæ educi non possit. Cetera pro-
inde animantia, dum generant, non solum compositi, quod
propriè generatur & generat, causa existunt; sed ipsius quo-
que formæ, qua compositum absoluitur, & in esse constitui-
tur. Homo autem licet per multas alterationes, & generati-
ones materiam disponens, ac præparans efficiat, vt hæc forma
recipiatur in hanc materiam, ipsam tamen formam effectiue
non producit, neque propter causas iam expositas producere
potest.

Animæ bru-
torum totę
dependant à
materia.

Cetera gene-
rãtia & cõpo-
siti & forma
causæ exi-
stunt, homo
compositi
tantum.

Ex his patet, quid ad locum ex Genesi petitum responderi
queat: siue quod inde adferebatur planè & ἀσχηματισμένως ex-
ponas; siue συνεκδοχικῶς. Nam hoc ipso quòd vis seminis vltima
dispositione materiam ad formam disponit, corporis & animæ
vñionem, & per consequens humanam naturam efficit. Qua-
re licet quolibet hominis pars ex genitalem semine non proce-
dat, sed materialis tantum: rectè tamen, propter naturalem
illam animæ & corporis inter se coniunctionem, vi & energia
seminis effectam, has vel illas animas, seu hos vel illos homi-
nes, ex huius vel illius lumbis prodijisse, asseritur.

Propter cor-
poris & ani-
mæ vñionem,
q̃ vi seminis
efficitur, ho-
mo rectè ge-
nerare dicit-
ur hominē.

Ex Leuitico tandem quod allegabatur, solum indicat ani-
mam non cuiusvis corporis actum esse, sed viuentis, & senti-
entis: Siquidem animalis vitæ ratio præcipuè in calido & hu-
mido posita videtur: vtrunque autem nutritur, & conseruatur
per sanguinem. Nam & hic quoque suapte natura humidus
& calidus existit. Patet ergo animas hominum ex semine non
procreari, vt animæ pecudum; neque ex generantium rursus
animabus traduci, atque ideo modum translationis originalis

Vita animan-
tis in calido
& humido
præcipuè sita.
Sanguis hu-
midus & ca-
lidus.

peccati, quem assignat hæc quarta opinio, non esse satis idoneum.

Extiterunt, & etiamnum extant, quintò & postremò, (Nam omnes, quæ ea de re prodierunt opiniones, in medium adferre nullum est operæ precium.) qui certò statuerunt, vt Deus Opt. Max. Adamo originalem iustitiam concreauit, eandemque omnibus, qui olim ex illo nascituri erant, porrò concreaturus erat: ita nunc versâ vice post legem violatam omnibus & singulis ortum ab illo ducentibus concreare peccatum & iniustitiam. Hanc in Deum blasphemam sententiam inter alios disertis verbis propugnat Martinus Bucerus. Quauis non hanc solam, sed alias complures equè absurdas, & in Deum equè blasphemias.

Proponitur
blasphemia
illorū senten-
tia, & refelli-
tur, qui docēt
Deum Opt.
Max. iniqui-
tate anima-
bus cōcreare.
Bucerus.

Cont. cens.
Coloni.
Leg. Billich.

Asserit enim originale peccatum vitium esse, quo totus homo aduersatur Deo. Asserit, vniuersam hominum naturam ab illa imagine, ad quam initio efformata fuerat, per peccatum excidisse. Asserit, vniuersos homines sempiterno illo originis vitio deprauatos, Deo, eiusque verbo, ac legi semper repugnare: omnibus suis viribus, & partibus semper peruersè, ac iniuste vti. Asserit, quicquid à perfecta illa imagine, quæ Christus est, alienum est, & damnabile, & damnans peccatum esse. Asserit, sententiam de nouarum animarum inspiratione non necessariò sibi recipiendam esse: & quod ad rem, de qua hîc differimus, facit maximè, asserit, Deum creare generationem peccato obnoxiam, animamque in ipsis Dei manibus vitari, vitiatamque & peccato obnoxiam vitiato corpori infundi. Asserit, nō consequi, Est opus Dei, ergo vitium vel malum non est. Asserit, Deum prauos motus, noxias perturbationes, & scelcratas actiones hominibus immittere. Asserit, nihil vetare, diabolum ea horrenda efficere in animis infantium, quæ efficit in mentibus adulatorum, inprimis autē incredulitatem, & dissidentiam, qua sint inimici fidei. Asserit, infantes recens natos habere propriam iniquitatem, propriam, inquam, actua-lem: peccare in legem illis inditam, à qua declinant, alioqui
non

In plaustrum
blasphemiaz
sum Bucer.

non renatos iuste damnari non posse. Hæc ille, & alia his cognata, quæ piæ aures vix ferunt.

Bucerî blasphemias piæ aures vix ferunt.

In eandem sententiam impingunt omnes illi, qui originis peccatum, vel ipsammet hominis substantiam, vel ipsam rationem, vel ipsum cor, vel essentialem illius formam: vel aliud quod etiam reale eiusdem accidens esse defendunt. Constat enim hæc omnia non aliunde proficisci, neque aliunde quoque proficisci posse, quam ex primo illo rerum omnium fonte, qui Deus est. Verum contra hoc hominum genus, quantum satis videbatur, actum est iam antè: Contra Bucerum autem ut prolixè agatur, omnino superuacaneum duco. Nam Deum Opt. Max. cuiusvis peccati autorem asserere, res est usque adeo absurda, adeoque ab omni pietatis sensu aliena, ut Manichæi, homines alioqui multis & magnis erroribus contaminati, demonem scelerum omnium & vitiorum architectum maluerint pronunciare, & per consequens liberum arbitrium homini adimere, quam notâ usque adeo foedâ summo illi, ac sanctissimo numini inurere. Attamen ne qui irrefutabile opinetur, adferam contra impium hoc dogma breuiter nonnulla.

Flaciani, & plerique Lutherani impingunt in sententiâ Bucerî.

Contra Flacianos supra actum.

Manichæi demonem scelerum omnium causam statuerunt.

Igitur si Deus Opt. Max. vel originalis, vel alterius cuiuscunque peccati vera, ac propria causa existit, necessariū est, ut vel materialis, vel formalis, vel finalis, vel effectrix illius causa existat. At non est formalis, aut materialis illius causa, ut notum est satis; neque probatione ulla id indiget. Si enim Deus nullius rei essentialis pars esse potest, multò minùs peccati materia, aut forma esse poterit. Nec est rursus finalis eiusdem causa: Siquidem peccatum nullum ad illum, tanquam ad finem, ordinem, nullam habitudinem, nullam aptitudinem obtinet, imò simpliciter ab ultimo illo fine, qui ipse est, quam remotissimè seuocat.

Deus non est materialis, aut formalis peccati causa.

Deus non est finalis peccati causa.

Neque est denique efficiens illius causa, quia peccatum formaliter sumptum causam deficientem sortitur veriùs, quam efficientem: Deus autem, cum sit infinitè potens, infinitè sapiens, infinitè bonus, non potest deficientis causa existere. De-

Deus non est effectrix peccati causa.

Peccatū deficientem causam sortitur veriùs, quam efficientem.

inde

Nata ex cau-
sis merè natu-
ralibus, mon-
struosa esse pos-
sunt, pecca-
minosa esse
non possunt.

inde quæ oriuntur ex causis merè naturalibus, licet propter principij alicuius vitiū monstruosa esse queant, vitiosa tamē, vel peccaminosa, vt ex eiusmodi causis oriuntur, esse non possunt: dici enim solet, quæ naturaliter accidunt, ea in peccatis, vel meritis haberi iure non posse. Postremò cum Deus sit author naturæ, non potest nisi absurdissimè illius causa censerī, quod ordini naturæ ab ipso institutæ quàm maximè aduersatur: Atqui peccatum omne, vt legi, & rectæ rationi, ita naturæ hu- manæ, quæ vtrique rationalis est, est vt quod maximè dissenta- neum: Imò si illi dissentaneum non esset, propriæ rationis pec- catum non esset.

Deus non est
supernatura-
lis orig. vel al-
terius cuius-
cunque pec-
cati causa.

Possē peccare
impotentia
est, non po-
tentia.

Causa super-
naturalis pec-
catū euerit,
non pignit.

At dicet fortè quispiam: Esto, Deus non sit naturalis pec- cati causa, potest tamē supernaturalis, vel moralis illius causa existere. Sanè si non est peccati huius, vel alterius cuiuscunque naturalis causa, multò minùs erit supernaturalis, vel moralis eiusdem causa. Nam vt naturalis causa per verum realemq̃ influxum id producit, quod naturæ vires non excedit: ita su- pernaturalis per veram actionem, propriumq̃ illapsū id efficit, quod naturæ viribus maius existit: Atqui peccare, vel peccare posse, nō est alicuius supernaturalis potētia, sed merè impotentia. Mitto hīc, causam supernaturalem, vt eiusmodi, peccati interitum moliri solere, non etiam eiusdem constru- ctionem. Constat enim, filio Dei nullam aliam, aut certè nul- lam aliam potiorē causam extitisse, cur carnem assumeret, crucemq̃, & mortem subiret, quàm vt peccati regnū euer- teret, ipsumq̃ peccatum in profundum demergeret. Deus itaq; sub spiritalis, vel supernaturalis causæ ratione animo cō- ceptus, ipsum peccati regnum nō construit: sed peccatorum expiationem, sed iustificationem, sed glorificationem efficit.

Deus non est
moralis pec-
cati causa.

Porro autem quòd idem gloriosus Deus nullius peccati moralis causa existat, patet: quia nullum is peccatum præci- pit, nullum suadet, ad nullū omnino mouet, aut impellit: imò inhibet grauitē, ne fiat, factumq̃ seueris pœnis castigat. Quapropter licet cum quibusdam statueretur, peccatum se-
cundū m

cundum vtranque sui partem, materiale, inquam, & formale, aliquid reale includere, adhuc Deus propria illius causa non existeret: tum quia nō esset moralis illius causa, sed tantum naturalis; peccatum autem, vt eiusmodi, est ens morale: tum maximè, quia is deformitatem illam, quæ intrinsecè in eo continetur, nulla lege euitare obligatur; peccatum autem omne est contra legem. Addunt quidam, ideo nullius peccati causam existere, quia nullius proxima causa existit. Sed hæc ratio non est admodum firma. Nam præter alia incommoda sequeretur hinc, neque boni quoque operis authorem esse; par enim vtrobiq; est ratio.

Vtq; peccatum concipitur, Deus nullo modo peccati causa existit.

Peccatū omne est contra legem, Deus nullius superioris lege tenetur.

Denique si Deus est peccati causa, falsò ergo asseritur, nihil ipsum eorum omnium, quæ fecit, odisse. Certum est enim, & ex Scripturis manifestum, omne omnino peccatum, omnemque iniquitatem, & iniustitiam ex animo detestari. Et vt Scripturæ taceant, mala tamen, quæ patimur, & quibus vniuersus mundus iam inde ab initio exercetur, euidenter id probant. Falsò rursus, neminem vnquam malum aliquod eligere, aut diligere, nisi bonum, ex quo eiusmodi malum consequitur, ardentius diligit, quàm malum illud odio habeat. Certum est autem, Deum nullum bonum infra se positum incensius amare, quàm odit quodcunque peccatum. Nec iniuria: nam si boni & mali æquè ille ac nos capax existeret, peccatum vtique multò plus detrimenti ipsi adferret, quàm commodi illi conciliare posset, quodcunque bonum creatum. Quandoquidem si mœror, aut tristitia in ipsum caderent, peccatum vtrunque simul ipsi adimeret, nempe, & esse, & beatum esse: at nullum bonum creatum quantumuis illustre conferre illi potest, aut esse, aut beatum esse: nullo igitur modo Deus vult peccatum, propter cuiuscunque boni euentum; liberè tamen admissum, pro summa illa sua potentia & sapientia, in magnum aliquod bonum conuertere potest, & sæpe conuertere solet.

Deus odit & punit peccatum, ergo nō est author peccati.

Deus nullum bonum creatum incensius amat, quàm odit peccatū.

Falsò deniquè, Deum impensissimè amare suam gloriam, suumque honorem, & reuerentiā: Siquidem omne omnino

Q pecca-

Peccatū omne
pugnat cum
honore, & re-
uerentia, quæ
Deo debetur

Blasphema
planeque Sa-
thanica vox
Buceri.

peccatum, præcipuè verò blasphemia, Dei odium, eiusdém-
que contemptus, hæresis, desperatio, & id genus alia, honori
& reuerentiæ, quæ iure ab omni creatura illi debentur, quàm
maximè aduersantur. Nō potest ergo vllum ille omnino pec-
catum, aut velle, aut facere, aut factum amare: & per conse-
quens blasphema planeque sathanica vox est Buceri, qua as-
serit, Deum creare generationem peccato obnoxiam; tum
animas in illius manibus vitiari, vitiatasque vitiatis corpori-
bus infundi; tum eundem illum quoque prauos motus, noxias
perturbationes, ac sceleratas actiones hominibus immitte-
re, & alia complura eiusmodi, quæ passim in illius commenta-
tionibus & tractatibus occurrunt.

His igitur, alijsq; similibus malefanis opinionibus reiectis,
simpliciter statuendum est originis peccatum non alio modo
vel medio, nec alijs organis vel instrumentis traduci; nec per
aliud ostium in mundum, vel in animum ingredi, quàm produ-
citur, ac in mundum ingreditur ipsa natura humana. Hac au-
tem, vt nemo eruditorum ignorat, communi generationis le-
ge & ordine transfunditur, & propagatur.

Sciscitanti proinde ecquisnam peccatum illud, quod origi-
nale dicimus, transfundat? aut quam via, vel ratione illud
transfundat? Huic breuiter & absolutè respondere licet, gene-
ris nostri principem Adamum, non quidem per se proximè,
sed per proximos genitores in omnes & singulos, qui origi-
nem ex illo trahunt, illud transfundere. Transfundere autem
non quidem ipsum creando, vel efficiendo, (nam cūm pecca-
tum hoc, vt & cetera quoque peccata & priuantia omnia, verâ
naturâ nulla constet, vanum est causam illius effectricem que-
rere) sed naturam, qualem ipse post peccatum habuit, cōmu-
ni, & vtitata procreationis via, ac ratione producendo. Nec
enim vlla alia quàm hac regia ac trita procreationis via su-
am ille in nos iniquitatem transfundere potest, aut in vllum
vnquam transfundere potuit, aut poterit.

Vnde si quis alia, quàm vulgari illa, ac protrita generatio-
nis

nis lege produceretur; quemadmodum in mūdi exordio producta est Eua, & post illam Christus Dominus: (Nam etsi hic secundum corpulentam substantiam ex Adamo descendat, non tamen secundum seminalem rationem. Neque enim sacratissimum illud corpus, quod totum ex sacra Virgine assumptū est, occulta aliqua vi seminis in vtero virgineo efformatum est, aut per certa dierum intervalla, vt cætera solent, perfectum est, sed tēporis pūcto virtute & manibus Spiritus sancti organizatum est. vnde Ecclesia: Non ex virili semine, sed mystico spiramine, Verbum Dei factum est caro.) Si quis, inquam, vel aliūde quā ex Adamo, aut ex Adamo quidem, non tamen protrita illa & nota procreationis via hanc in lucē prodiret, ille originalis peccati maculam non contraheret.

Eq̄uis enim hoc casu posito transfunderet? Non Deus: ab ipso nanque, vt antē euidenter ostēsum est, nulla est culpa. Nec rursus natura: hæc enim nō potest aliquid vitij, aut perfectionis in illud, vel in illū transfundere, in quod, vel in quem nullam potest actionem exercere: transfusio nanque (vt & transmissio quoque) actionem denotat: Ad eum autem, qui diuina virtute citra vllam generationē ex humana carne formaretur, (quemadmodum initio nascētis mūdi ex costa Adæ formata est Eua) merē patibiliter sese haberet: Solū enim subministraret materiam, cuius vtique est moueri ac pati, nō etiam mouere aut agere. Vnde etiam pro comperto habetur, si sola Eua mandatū violāset, nullum originis peccatū in Adę posteritatem trāsiturum fuisset. Nam in generationis opere, vt grauiores Philosophi statuunt, sola materia per mulierē suggeritur. Nec deniq; Adamus, vel alius ab ipso: nā vt manus, vel pes, vel aliud corporis membrū, nihil cōmune habet cum voluntate, nisi ab ipsa moueantur: ita iste, vel ille nihil quicquam negotij habet cum Adamo, nisi ab illo moueatur. Istæ autem motio non aliter contingit, quā per seminalem rationem, vel actiuam generantis virtutem.

Sed, inquis, originis peccatum, communi Theologo-

Qui secūs, ac protrita generationis via, producerentur, illi orig. peccatū non contraheret.

Damas. lib. 1. c. 2. ortho.

Qui secūs, q̄ vulgata generationis via in lucē fundetur, ille, neque ex Deo, neque ex Adamo, neque ex ipsa natura, neque ex vlla alia re peccatū traheret.

rum sententia, est peccatum naturæ: Natura autem non secundum hanc, aut illam partem præcisè, sed secundum omnem sui partē primī parentis scelere corrupta ac deprauata est. Quare virium hoc homini adhærebit ex quacunque tandem carnis parte efformetur? Sanè si Sedariorum commenta de totali humanæ naturæ corruptione admitteremus, difficile foret rationis huius vim eneruare: Verum quia aliud longè sanius de originalis peccati natura nobis persuasum est: respondemus originis labem, naturæ peccatum non esse simpliciter, sed hæcenus tantum, quatenus communi generationis ratione ab Adamo propagatur. Nec enim vniuersa carnis nostræ massa in protoplasto corrupta est formaliter, cum formaliter in eo nunquam extiterit, sed tantum radicaliter: prout nimirum tota in ipso erat tanquam in actiuo generationis principio, siue secundum rationem seminalē: hoc autem modo in illo non existunt, neq; vnquā extiterūt, qui miraculo, aut extraordinaria Dei virtute ex eiusmodi massa formantur.

Et vt maximè tota hominis caro formaliter corrupta, vel infecta foret, adhuc quod inde formaretur, infectionis expertus esset. Nam cum nulla contingat generatio citra corruptionem, non prius ab eiusmodi carne aliquid formaretur, quam ipsa secundum se corrumperetur, atque adedò à naturali sua dispositione semoueretur, & per consequens à labe, qua tenebatur, repurgaretur. Nullam itaque peccati immunditiam contraherent, qui secus quam per ordinariam generandiviam humanæ naturæ participes euaderent. Verum qui communi & ordinaria ortus ratione ex Adamo nascuntur, illi omnes communi, & ordinaria lege peccatum illud contrahunt. Neque probabile sit, vel vnum ex omnibus, præter sacratissimam Virginem matrem, ex communi hac & ordinaria lege vnquam fuisse exemptum, aut vnquam futuris temporibus eximendum esse.

Et quoniam genitale semen instrumentum est, quo natura ab Adamo propagatur: (nec enim generans naturam suam in prolem

Orig peccatū
nō est naturæ
peccatū simpliciter, sed
hæcenus tantum, quatenus
naturæ opere ab Adamo, & per
Adamū transfunditur

Non contingit generatio
citra corruptionem.

Sola Virgo
mater à communi lege
exempta fuit.

prolem transfundere posset, nisi per generandi potentiam, quæ vires suas per vim semini inclusam exeret) haud inrudite à Scholæ Theologis proditum est, originis peccatum in semine contineri, & per semen, tanquam per instrumentum in vniuersam Adami posteritatem transfundi & propagari. Non attingit sanè vis seminis animam rationalem, nec eam efficit: attamen hoc ipso, quòd occulta virtute materiam ad formæ susceptionem disponit, animæ & corporis vnionem, atque adeò naturam humanam, cuius naturæ essentialis pars est anima, efficit.

Orig. peccati per genitale semen transfunditur tanquam per instrumentum.

vis seminis non attingit animam effectiue, sed tantum dispositiue.

Et quia Adamus per se, vel per alium generans, (in idè enim vtrunque redit) animam per corpus propriè non attingit, eruditi tradunt non tam effectiue, vel dispositiue originis peccatum in genus nostrum transfundere, quàm meritoriè. Hoc tamen non ita accipi debet, quasi peccatum istuc in Adami posteritatem transeat per modum meriti, sicut vis mortis, & crucis Christi: (transit enim per modum propaginis, vel proprietatis naturam consequentis: Nam vt vnusquisque suam sortitur naturam, ita suam quòque sortitur peccatum, quòd eadem naturæ suo modo (est enim mera priuatio) formaliter inheret) sed quòd suo ille insigni scelere, & inobedientia effecerit, vt anima, quæ munda alioqui à Deo creatur, ex societate, quam cum corpore ab ipso propagato init, maculam contrahat.

Adamus non solum effectiue, sed dispositiue transmittit originis peccatum, sed suo etiam modo meritoriè.

Orig. peccati transit per modum propaginis, vel proprietatis naturam consequentis.

Quod de peccati merito hinc dicitur, hunc sensum habet: Anima rationis compos in humanum corpus recipitur tanquam naturalis quidam eiusdem corporis actus, essentialisq; eiusdem perfectio, ac forma. Quia ergo hæc, vel illa anima procreatur, vt forma huius, vel illius corporis ab Adamo propagati, fit vt eo ipso quadantenus vera ipsius Adami filia efficiatur, quòd hoc, vel illud corpus ab illo deriuatum ac propagatum informat ac perficit: Atque ideo vt talis, quod quidem ad externum ornatum attinet, infundatur, qualem secundum Adami meritum infusam oportuit; aut certè, qualè ipsemet

Anima hoc ipso quadantenus Adæ efficitur filia, quòd corpus ab illo propagatum informat.

Adam produceret, si per se solus cū generali Dei auxilio totum hominem produceret; puta, inops, omnique cœlestium donorum, & gratiarum præsidio destituta, & à Deo nihilominus auersa. Hanc tamen auersionem non contrahit, vt à Deo procreatur, sed vt humanę naturæ, quam Adamus ad modum paulò antè expositum propagat, essentialis pars efficitur.

Anima non contrahit labem ex eo, quod à Deo procreatur, sed ex eo, quod humani corporis forma efficitur

Deus operatur secundum modum, & meritum causarum secundarum.

Cur non ornata, & sancta infunditur? Quia licet Deus Opt. Max. ad extra liberè operetur, tamen secundum ordinem sapientissimè à seipso institutum, operatur secundum modum, ac meritum causarum secundarum, & naturalium. Atqui Adamus infami illa rebellionē, & scelere grauissimo iustissimè promeritus erat, vt Deus naturam humanam, quam vniuersam ille potentia ac virtute in se sustinebat, singulari clementia & beneficio in ortus sui primordio iustitia & sanctitate insigniter ornata, eo ornatu spoliaret, nudamque, ac bonis omnibus, quibus abundabat, exutam, veluti nihil ad se pertinentem, imò verò vt sibi inuisam atq; exosam desereret, missamque faceret. Eiusmodi autem naturam à Deo desertam, & ab alienatam participare, est in originis peccato nasci, vel originis peccatum nascendo contrahere.

Communione corporis eiusmodi efficiuntur animæ, cuiusmodi natura ipsa humana peccatrix, & vitiosa, Deoque inuisa, mediante persona produceret, si humanæ animę, vt cæterarum rerum forme, ex semine prouenirent, nempe omni gratia & iustitia destitutæ. At verò propter peccatum exutum esse iustitia, vel gratia, qua sola in filios Dei cooptamur, & in qua Deus initio hominem constituerat, est nasci filium iræ, & à regno nihilo seciùs, & domestica Dei consuetudine alienum, & pœnæ tandem maledictoque obnoxium.

Quamobrem post scdam illam primi parentis nostri prauaricationem, non ex cœlesti numine, sed ex corporis communione eiusmodi efficiuntur animæ, cuiusmodi natura ipsa humana peccatrix, & vitiosa, Deoque inuisa, mediante persona produceret, si humanæ animę, vt cæterarum rerum forme, ex semine prouenirent, nempe omni gratia & iustitia destitutæ. At verò propter peccatum exutum esse iustitia, vel gratia, qua sola in filios Dei cooptamur, & in qua Deus initio hominem constituerat, est nasci filium iræ, & à regno nihilo seciùs, & domestica Dei consuetudine alienum, & pœnæ tandem maledictoque obnoxium.

Animæ originis peccato infici, est corpori

Animam itaque originis vitium per corpus contrahere, est naturali vinculo huic, vel illi corpori ab Adamo propagato
con-

coniungi: Vel huius, illius' ve corporis naturaliter ab Adamo propagati formam effici: Atque ideo per naturæ ab Adamo propagatę participationem, illius quoque auerſionis, & obliquitatis, quæ in natura ex Adami peccato relicta fuit, participationem fieri. Forma nanque naturę indolem, ac dispositionem æmulatur: prout id omne, quod in alterum recipitur, secundum recipientis conditionem, modumque ac meritum recipi plerunque conſuevit.

ab Adamo
ppagato el-
ſentialiter
coniungi.

Quodd ergo Adamus eque verè ac propriè huius, vel illius animę parens appellatur & exiſtit, atque homo verè ac ppriè hominem ex ſe progignit, hoc inde non prouenit, quod ipſe aliquam eiufmodi animam ex ſe procreet, aut de potentia materię educat: ſed quodd corpus, cui illa vt proprius actus, vel forma cõiungitur, ex ſe progeneret. Nihil enim Adamus cum hac vel illa anima commune haberet, niſi hæc vel illa, hoc vel illud corpus ex ſe proſeminatũ perficeret ac informaret. Atq; huc forſan tendebant, qui animam ab ipſo corpore, cuius eſſentialis forma eſt, veluti à vitioſo quodam vaſe infici, ac contaminari aiebant, tamen illorum verba id non ſonent.

Adam æque
verè huius vel
illius animæ
parens eſt, ac
homo gene-
ras hominem

Et quid mirum, obſecro, vitium toti naturæ valiſſimè impactum, vnà cum natura transfundi, & propagari? cum quaſdam quoque ſingulares, ac personales indiuiduarum naturarum affectiones, ac proprietates in ipſam interdum prolem traduſtas cernere liceat? Nam etſi ſimiles non perpetuò generent ſimiles, sæpe tamen geherant. Experimur enim fortes ac validos, procreari ex fortibus & validis: ignauos & timidos, ex ignauis & timidis: & quod magis mirandũ eſt, (nam iſthęc maiori ex parte ad corpus pertinent) ingenioſos ac induſtrios, ex induſtrijs & ingenioſis: mites, placidos, faciles, ac verecundos, ex mitibus, placidis, ac verecundis. Contrà verò iracundos ac tetricos, ex tetricis & iracundis: bardos denique ac ſtupidos, ex bardis ac ſtupidis. Quauis pro varia generantium, vel corporum quoque cœleſtium conſtitutione nonnunquam hæc fallant.

Non mirum,
communis
naturæ vitium
vnà cum natura
transfundi,
cũ quæ-
dam quoque
personales
proprietates
interdũ tranſ-
fundantur.

Deum Opt. Max. humanæ generationis opus propter originis peccatum impedire non debuisse. Iustos æquè ac iniustos commune hoc naturæ vitium tantum vnâ cum natura in prolem transfundere, cæterorum autem nullum omnino. Primam primi hominis ab hoste tentante victoriam non omnibus statim confirmationis gratiam pariteram fuisse.

TRACTATUS NONVS.

Infulsa quæstio : Cur Deus creat animam, quæ peccato infestâ iri nouit ?



Deus cum omnibus causis naturalibus naturali quodam influxu concurrat.

His patet, iniustam, imò & fatuam quoque illorum esse querelam, & quæstionem, qui, vel secum non absque stomacho queruntur, vel ab alijs, si casus ita tulerit, curiosè sciscitantur: Cur Deus procreat animam, quam, vbi primùm corpori consociata fuerit, contaminatum iri certò nouit? Dicitur enim, & ob morosos illos quæsitores repetendum est sæpe, Deum Opt. Max. iam inde ab initio certò constituisse cum omnibus causis naturalibus, iuxta cuiusque modum, naturamque, ac meritum concurrere, ijsdemque ad producendum effectus naturæ suæ consentaneos assistere ac *συμπεριεῖν*. Quo igitur ordine, lege, & ratione hoc statuit, ijsdem quoque humanæ generationis opus, quod natura per se absolute non poterat, explere certum deliberatumque habuit. Expletur autem non aliter, quàm per animæ infusionem.

Privatum incommodum communi bono præiudicare nõ debet.

Cæterum quodd vltimæ huic naturæ perfectioni nonnullum incommodum adiungatur, hoc communem naturæ legem infringere, aut infirmare non debet. Nam vt commune populi bonum præstabilius est privato huius vel illius commodum; & multitudinis detrimentum, detrimentosius, & ob id vitandum impensius, quàm singulare cuiusvis indiuiduæ substantiæ damnum: ita bonum vniuersi excellentius est, atque idè studiosius fouendū, & accuratiùs conseruandū est, quàm particulare privati cuiuspiam commodum; & vitium rursum,

sum, vel exitium, quod redundat in vniuersum, multò malignius, exitiusque cēsendum est illo, quod in exiguā tantum vniuersitatis partem cadit. Atqui licet originis peccatum totum humanum genus cōsequatur, semper tamen est particulare huius vel illius malum, & illud quidem sanabile: verum ne hoc malum accidat, humani generis propagationē ē medio tollere, (quod vtiq; necessum est, si corporibus ex Adam ortis forma, quam ex se habere nō possunt, denegetur) est rerum vniuersitati prēnobile membrum adimere, atque ideo ingens toti rerum vniuersitati damnum adferre. Si enim nulla existeret hominum generatio, nulli ex consequenti existerent Apostoli, Prophetæ nulli, Martyres nulli, Virgines nullę; qui alterum redimeret, aut doceret, aut regeret, nullus: Quorsum enim opus esset, aut redemptore, aut doctore, aut rectore, si nulli adessent, qui vel redimi, vel doceri, vel regi queant?

Orig. peccatum est malū sanabile.

Si humanę generationis Opus diuinę virtutis non expleretur, nulli extarent Sancti, nulli redempti, nullus Redemptor.

Et vt toti rerum vniuersitati nulla hinc clades, nullum accederet incommodum, quod hinc tamen accedere non posset non maximum: primarię tamen vniuersitatis parti, hoc est, humanę naturę, hęc calamitas necessariò accederet, quod nunquam, neque simile secundum speciem generare, neque naturale desiderium suum satis explere posset. Constat enim materiam vi seminis eo, quo par est, modo affectā, perfectamque naturaliter ad formam anhelare: rursum tum demum vnumquodq; perfectū cēseri solere, cū se alterum potest progignere. Interuenteretur hac quoq; ratione, naturalis illa rerū series, & dependentium series: quę vtiq; in eo pręcipuē posita est, vt posterioribus casu aliquo sublatis, ea integra & inconcussa persistant, quę natura, vel tempore antecedunt. Neq; enim si aliquod interdum indiuiduum ē medio tollitur, totam mox speciē tolli necessum erit: aut si species aliqua, genus vniuersum: aut si habitus quispiā, ipsum quoq; subiectum. Atqui bonitas naturę quauis accessoria, siue ea acq̃sita sit, siue diuinitus collata, naturā quidē semp, sepe quoq; tēpore prior existit. Quare submota per peccatū originis iustitia, quam Deus

Materia ritē disposita naturaliter abe- lar ad formā.

Tum vnumquodque perfectum, cū se alterū potest progignere.

Bonitas naturę accessoria bonitate prior est.

R

naturę

naturę adiecerat, neutiquam consentaneum erat, vt aliquid eorum omnium auferret, aut demutaret, quę ad naturę quidditatem, aut ad naturalem ac intrinsecam illius integritatem pertinebant: maximè verò, cùm in ipsa natura reliquum fieret, quo totum illud, quod per peccatum deperditum fuerat, instaurari posset: quanuis non per illud solùm.

In natura nostra reliquum est, quæ sanari queat.

Deus voluit vt homo cõtinuus sobolis propagatione ad seculi finem vsque se porrigeret.

Frustraretur hinc tandem, prorsusq; eluderetur primarius diuinę institutionis scopus. Nā vt ex diuinis literis manifestū est, nō eade causa cōdiderat hominē Deus, vt statim interirer, vel vt solus omnis humanę societatis expers in orbe hoc subluari vitā degeret, sed quō per generationē se diffunderet, cōtinuāq; ppagatione, & sobolis pcreatione, ad finē vsq; seculi sese porrigeret, vtcunq; tandē sese gereret. Fecerat enim cum arbitrio liberū, & per cōsequens talē, qui nullā, siue staret, siue caderet, earū rerū, quę naturę debito ad se pertinebāt, iacturā faceret. Quod si illū statim post lapsum extinctū, aut generādi vi voluisset orbatū, vtiq; nō cōdidisset, aut certē voluntatis libertate nō donāisset. Hoc enim modo institutus in peccatum, in eaq; incōmoda, quę hinc cōsequuta sunt, incidere nō potuisset. Multę itaque, magnęq; fuerunt causę, cur ob originalis peccati malū, humanę generationis bonū euerti nō debuerit.

Non est sapientis, preciosum vnguentum, vel thesaurum impuro & fragili vasi committere.

At nō est sapiētis, inq; vnguentū preciosum eiusmodi vasi cōmittere, in quo aliquid vitiū nō potest non cōtrahere: Aut opus moliri, qđ ad finē pręfixū nō potest perducere: Aut malum tandē, quod citra vllū incōmodū ab opere suo excludere poterat, nō excludere: Deū aut in hęc omnia hoc ipso impingere posse videri, quod corpori ex Adamo ppagato animam infundit? Sanē ad pauca respiciēti hęc alicuius sortē momenti haberi poterant, sed reuera nullius sunt ponderis omnia.

Parum esset, qui preciosum vnguentum mallet amittere, quā vasi minus idoneo committere.

Ad primum igitur motę cauillationis membrum respondetur, illum parū prudenter facturum, qui nō parui precij vnguentum, vel thesaurum (in idem enim redit) mallet amittere, quā loco minūs puro, aut tuto recondere: maximè verò, si spes foret non vana, à contracto vitio repurgari quandoque posse:

posse. Eiusmodi autem quippiam hîc vsu venire. Nam si hæc anima huic corpori non vniretur, omnino non crearetur. Nec enim vlla prorsus creatur, nisi vt huius vel illius corporis forma efficiatur. Addo, preciosum hoc vnguentum vitium non contrahere ex Deo infundente, sed ex homine vas impurum, cùm mundum debuisset, & potuisset, exhibente. Deus nanque iã inde ab initio certo animi pposito decreuerat, quęcunq; , & qualiacunq; , & quotcunq; Adamus vasa per generationem præpararet, ea intelligētis animæ creatione, ac infusione perficere. Quia ergo Adamus eiusmodi præparat, & exhibet, vnde preciosus hic thesaurus maculam necessariò contrahit, sibi ille hoc imputet, nō Deo. Vno quod dicimus exēplo illustremus.

Preciosus 2.
nimæ thesau-
rus non pol-
latur ex Deo
creare, sed ex
Adamo im-
mundum vas
porrigente.

Sit diues quispiam ac clemēs paterfamiliās, qui cuiuscunq; conditionis pauperi certò promittat, se omnia vasa, qualiacunq; , & quotcunq; tandem ille, vel exhibuerit, vel exhibere voluerit, vino cūprimis præstanti, ac generoso referturum esse: & is singulari hac gratia oblata, nullas offerat serias, nulla dolia, vasa nulla nisi infecta & vitata; & ea quidem infectione, vt vinum alioqui præstans, ac generosum in illa transfusum, non possit statim non aliquod vitium inde contrahere: profectò vitium hoc patrifamiliās nullo iure posset adscribi, infudit enim is vinum optimum; sed stulto illi, & ignauo colono, qui cùm munda vasa præparare potuisset, ac debuisset, præparauit infecta, atq; immūda: hoc hîc locū habet. Dicitur aut vas hoc, id est, corpus humanum infectum: non quòd qualitatē aliquam inficientem formaliter sibi inherētem habeat, sed ob vnum hoc, quòd ab eo propagatum est, qui totam naturam suo scelere infecit, & perdidit.

Appositum
exemplum
infectionis
animæ ex
corpore.

Ad alterum illud, quod de opere finē à natura sibi præstitutum cōsequi haud valente, allegabatur; respōderi potest, Deū Opt. Max. cùm hominē ipsū, tū cætera quoq; omnia condidisse, cōditaq; tueri, & cōseruare, quò bonitatis illius, quacūq; ratione, participia fiant: Satiusque esse vel modicam in partem ad eam participationē admitti, quàm ad nullam omnino.

Corpus hu-
manum hoc
ipso immun-
dum dicitur
quòd ab Ada-
mo propaga-
tur.

Deus omnia
condidit quò
aliquem bo-
nitatis illius
partem hau-
dant.

Etiā illi, qui orig. peccato obstricti tenentur, alicuius perfectioris, & felicitatis capaces existunt.

Omnes qui sibi non desunt, perfecti, non solum inchoata illa beatitudine potius possunt.

Deus nullum admittit malum, ex quo non eliciatur aliquid bonum, & plerumque maius, quam est ipsum malum.

Quæstio est, cur Deus illos nasci sinat, quos ab orig. labe nudos liberos nouit.

Quauis ergo, qui originis peccato obstricti nascuntur, indigni sint, qui ad illam diuinæ bonitatis communicationem admittantur, quæ simpliciter beatos efficit: non sunt tamen indigni, qui ea potiantur perfectione, vel felicitate, quæ in hominem secundum participiorum suorum conditionem conuenit, vel qui eam finem consequantur, quem natura secundum se præfigit. Et quia eam perfectionem, vel beatitatem, aut certò consequuntur, aut consequi certò possent, si sibi non deessent, imò verò illam alteram quoque, quæ simpliciter beat: (proponitur enim omnibus nouum noui Adami semen, per quod renascantur, renatiq; ad vltimum illum, & supernaturalem finem euehantur) fit vt non prorsus suo fine frustrati dici queant, qui originis peccato contaminati in hanc lucem prodeunt, etsi casu aliquo ab ea peste nunquam liberentur.

Ad postremum respondetur, illū iure meritoq; malū, quod citra incommodum potest, ab opere suo arcere debere, qui ex malo permissio, vel nullū, vel nō tantum colligere potest commodum, quantum est ipsum malum, quod permittit: Deum autem vsq; adeò potentem, bonū, ac sapientē esse, vt nullum vnquā permittat malum, ex quo nō par, aut etiā maius eliciatur bonum. Antè quoque ostensum est malum, de quo hic agitur, citra graue totius vniuersi, & ordinis à Deo instituti detrimentum, præpediri nō posse: Inter duo autem mala minus anteponendum esse maiori. Tandē si argumētum, quod Antagonista proponit, aliquid necessariò euinceret, euinceret quoq; Deum nullum omnino peccatum, aut malum permittere debere: siue id faceret peccati materiam subtrahendo, siue hominis voluntatem in bono confirmando, siue alio quocunque modo.

Sed esto, ais, propter originalis peccati labē eorum ortum impedire non debuerit, quos per gratiam ab illa peste liberatos, magna olim cum gloria & honore ad cœlestes illas sedes transituros nō rat: videri tamē queat illorū efformationē præpedire debuisse, quos nullo vnquam tēpore ab huiusmodi viti-

tio

ratio absoluēdos, atque ideo vltimo suo fine perpetuò frustrandos certum erat. Cuiusmodi inter cēteros sunt omnes illi, qui prius in vtero, vel extra vterum extinguuntur, quàm per Baptismum, aut aliud Sacramentum regenerationis beneficio potiantur.

Ad hoc dici potest: Vt princeps, vel alius legitimus magistratus ob id legem Reipublicę vtilem, vel necessariam nō refigit, quòd nonnulli, vel malitia occęcati, vel alia causa impulsī in eam pręuaricantur, & per consequens noxam simul & poenę debitum sibi aſciscunt: ita prępotentem Deum communem illam propagationis legem, quam in mundi exordio tulerat, legitimequę promulgauerat, propter particulare plurium, vel etiam omnium incommodum interuerrere, aut omnino tollere non debuisset: maximè verò, cū illud incommodum suum quoque adiunctum habeat commodum. Certum est enim melius esse, originali peccato obnoxium esse, etiam si nunquam inde sis absoluendus, quàm omnino non esse. Quippe cū in eo ipso quoque esse multę contineantur illustres diuinę bonitatis atque perfectionis participationes. Et vt maximè hoc illo minus bonum, aut maius etiam malum esset, adhuc ratio proximè allata firma persisteret. Patet ergo iniustam, & homine Christiano indignam eorum esse querelam, qui opus Dei propter originis peccatū in ius vocant, vel palàm etiam condemnare non dubitant.

Quę de originalis peccati traductione, hactenus exposita sunt; videlicet Adamum post admissum peccatū haud aliam in filios naturam transmittere potuisse, quàm suā ipsę culpa, & inobedientia effecerat, puta contaminatam, gratiaque, & vitę spiritu vacuam, atque ob id à Deo alienam: inoffenso pede procederent, inquis, si quidem Adam prius procreāſſet liberos, quàm amissam gratiam redintegrāſſet. At quòd iam in gratiam receptus, & à virio, quod per rebellionem contraxerat, expiatus; & alij item fideles (eadem nanque est ratio de vtrisque) in Baptismo spiritus nouitatem adepti, adhuc

Princeps propter priuatos legis transgressores, nō debet vtilem legē reſigere.

Melius est orig. peccato obnoxii esse, quàm omnino non esse.

Questio haud leuis, cur iusti & sancti generent iniustos, & sanctitatis exortes.

Deo inuisos, iræque filios pariant, id humanum sensum vix capere, id paruos simul & magnos admirari, vt quod maximè.

Orig. iustitia post primum lapsum nulli mortaliū obtrigit secundū omnem effectum.

Adamo restituta est gratia vt priuatæ personæ priuata autem non transeunt cum natura.

Priuatio & habitus eidem versantur.

Gratia Adamo eiusdemque posteris donatur, non vt ipsi sanctos generent, sed vt à peccato resurgant.

At cessaret omnis hæc admiratio, mentisque titubatio, si, vt par est, cogitaretur, sanctitatem & gratiam (nam originis iustitia, post primum lapsum, nulli vnquam mortalium in hac vita obrigit, saltem secundum omnem effectum) Adamo non fuisse restitutam vt totius naturæ principio ac stirpi, sed tantum vt priuatæ conditionis homini. Planum est autem, externa indiuiduæ substantiæ accidentia ordinaria lege vnâ cum natura non transfundi, sed ea solùm, quæ specificam naturam, vel per se, vel Creatoris sanctione, vel aliqua alia simili occasione consequi solita sunt: Quale quid erat originalis iustitia, & quæ huic exaduerso opponitur, originalis peccati macula. Nam cum priuatio & habitus eidem subiecto successiue inexistant, & pari quasi passu incedant: vt originalis iustitiæ donum singulari Dei beneficio naturæ præstitum, (licet ad speciei rationem intrinsecè non pertineret) à primo homine in omnes & singulos, qui olim ex illo nascerentur, pertransiturum erat; ita originis peccatum, per quod donum illud tollitur, in vniuersum mortalium genus sese diffundit. Vnde etiam omnes moriuntur, & quasi aqua dilabuntur.

Iam quod de Adam iustificatione, eiusdemque cum Deo reconciliatione hoc loco asseritur, hoc ipsum & de cæteris quoque omnibus, qui quouis modo vel medio ab hac peccati labe expiantur, assertum intelligatur. Quandoquidem vt diuina clementia Adamum suo per inobedientiam deiectum gradu, misericordiæ suæ dextera crexit, suæque gratia paternè donauit: non iam quò ille illam ipsam in alios deriuaret, vt primæuam iustitiam, quam communi omnium nomine acceperat, huc deriuaturus erat: sed quò seipsum à mortis laqueo, quo obstrictus tenebatur, expediret: ita eadem illa cœlestis patris benignitas eandem iustificationis, vel reconciliationis gratiâ eiusdè Adam posteris gratuito ac liberaliter impertitur,

tur, non quò alios carnali generatione sanctificent, sed quò ipsi *αὐτοπροσώπως* per Christi gratiam liberati, illustrium meritorum stipendia faciant, ac perfectam mortali hac vita defungentes salutem consequantur.

Cùm ergo quicumque generant, non vt adoptionis filij generent, sed vt homines, idque secundùm corpus, & vires inferiores, quę etiamnum suo modo infectę manent, (neque enim ea vis per gratiam infunditur animę, vti à morte, vel patibilitate corpus tueri queat: Vel vt inferiores vires ab innata illa contra spiritum rebellionē perpetuò coerceat: hæret nanque, & perstat adhuc in partibus illis, secundùm quas generatio contingit, vetustas poenę) non est mirum si homines tantùm, non etiam homines sanctos generant. Imò verò miraculum esset apertissimum, si vel pios, vel regni filios ex se generarent. Quo modo, inquit Augustinus, præputium per circumcissionem auferitur, manet tamen in eo, quem genuerunt circumcisi: quo modo etiam palea, quę opere humano tanta diligentia separatur, manet tamen in fructu, qui de purgato nascitur tritico: Ita peccatum, quod per Baptismum in parentibus mundatur, manet in eis, quos genuerunt. Ex hoc enim gignunt, quod adhuc vetustum trahunt; non ex hoc, quòd lex in nouitate promouit eos inter filios Dei. Nò enim generant parentes filios secundùm illam generationem, qua denuo sunt nati, sed potiùs secundùm illam, qua carnaliter & ipsi primùm sunt geniti. Hęc ille, & rectè.

Sciscitanti proinde, Cur baptizatus, vel aliàs iustus non generat iustum? ab hoc vicissim sciscitari licebit, Cur olim circumciscus non generabat circumciscum? aut cur hoc tempore astrologus nò generet astrologum, aut medicus medicum, aut sapiens sapientem? Excipiet haud dubiò & dicet, hoc ideo fieri, quia astrologum, aut medicum, aut sapientem esse, est huius, vel illius singularis personę accidens, idque externum, & planè aduentitium, non etiam communis naturę proprietas: aliàs enim fore, vt quicumque humanę naturę participes fierent,

Qui generat, non generat vt adoptionis filij, sed vt homines ab omni vetustate non prius adhuc exempti.

Lib. 7. cap. 9. de pec. merit.

Duplici exemplo probat Aug. fideles infideles gignere.

Eadem ratio, cur iustus nò generat iustum, ac cur sapiens non generat sapientem.

rent, iisdem simul, vel astrologi, vel medici, vel aliud quidvis eiusmodi essent. Iam tu hic rursus: Ut ergo te asserente, & quotidiano experimento apertè confirmante, ex homine erudito nascitur infans rerum omnium rudis; ex grano mundo & nitido, quod seminatur, alterum glumis & aristis oblitum; ex molli & leui castanea, altera hirsuta & aspera, & alia itidem ex alijs: ita etiam ex pijs, fidelibus, & sanctis parentibus oritur proles omnibus virtutum omnium ornamentis destituta, atque adè naturæ vitio obnoxia.

Probatur aliquor Antagonistarū rationibus, iustos ex se progignere.

At nondum, inquis, facessit hīc omnis omnino difficultas: Nam etsi cōcupiscentia, inferiorumque virium infirmitas ac pugna, post susceptum Baptismum reliqua maneat; nullo tamen modo ipsum originis peccatum obmanet, ut quod cum iustitia, diuinæque gratiæ prerogatiua vnà consistere nequaquam valeat. Cū ergo effectus causam suam non excedat, quo pacto concupiscentia, cæteraque naturæ vulnera, quæ in generante iam iustificato tantum pœnæ rationem habent, & hoc ipsum quoque non admodum adhuc propriè, in genito culpæ rationem sortiuntur? Rursus cū gratia efficacior sit peccato, & misericors Deus ad ignoscendum pronior esse soleat, quàm ad puniendum: quī sit ut vnum vnus Adami peccatum & iniustitia cōdemnare, hoc est, culpæ & pœnæ totum humanum genus subijcere potuerit; eius autem iustitia, & satisfactio idem illud totum in illo collapsum in integrum restituere non potuerit? maximè verò, cū apud Anselmum disertè proditum extet, Adamum suam iniustitiam ad eos, quos ex se progeniturus erat, nequaquam transmittere quiturū fuisse, si suam iustitiam ad eos traducere non valuisset. Denique (& redit in idem penè) si ob id omnes in Adamo peccauerunt, quòd virtute in illo peccante extiterunt, cur in eodem omnes non satisfecerunt, qui potentia in illo satisfaciente latuerunt? An non si oppositum est causa oppositi, propositum erit causa propositi?

Etsi verò his omnibus, per illa, & ex illis, quæ iam antè exposu-

posuimus, occurri possit: tamē amplioris lucis causa, & quod hīc nouē quēdam de cœlestis gratiæ, Adami cęquē satisfactio- nis vi difficultates obiter tactæ videātur, ad singula argumen- tationis huius membra seorsum respondere visum est. Cū ergo gratiam, vel iustitiam cum originali peccato vnā consi- stere posse negatur, id sanē negatur, quod nemo vnquā sanus affirmauit: si tamen vtrunque ex æquo, & secundū idem acci- piatur: secūs si non secundū idem, vel non eodem modo vtrunque sumatur; sed alterum formaliter, alterum tantū materialiter. Potest nanque mentis tranquillitas & sanitas, in qua formalis originalis iustitię ratio præcipuē posita erat, cum inferiorum virium ægritudine, & rebellionē, quas origi- nalis peccati materiale nonnulli appellant, consistere. Sed ad argumenti formam.

Mentis tran-
quillitas cū
inferiorum
virium pugna
consistere
potest.

Concupiscentia, inquit illi, & cætera naturæ vulnera in regenerato tantū sunt pœnæ, & illud ægrē, ergo in genito non possunt esse veræ rationis noxæ. Ad hoc igitur cum gra- uissimo quodam Thcologo respondemus, vitium naturæ, quod in regenerato pœnæ tantū rationem sortiebatur, in pro- lem transfusum culpæ naturam induere. Nam etsi pœna, vt pœna est, culpæ causa esse non queat; benē tamen culpam ex se progignere potest, vt ex culpa ortum ducit: siquidem ef- fectricis causæ vis incolumis persæpe in effectis persistit. At effectus, aiunt illi, causam excedere nequit. Sit ita, (tamen si in instrumentali causa, qualis vtique hīc est libidinosa satio, vel ipsum genitale semen non absque libidine & concupiscentia profeminatum, falsum id sit) sed nihil hoc ad nos: effectus enim causam suam hīc non excedit. Nam vitium naturæ, quod in prole existit formaliter, in parente heret causaliter, aut radicaliter, vt fructus in semine, vel ramus in radice.

Thom. 2. d.
31. q. 1.

Pœna, vt pœ-
na, culpā ex
se non gene-
rat.

Vitium natu-
ræ, quod in
prole heret
formaliter,
in parēte exi-
bit causaliter

Antē quoque ostensum est, & hoc nunc loco denuo repe- tendum est, (facit enim ad rem non minimē) concupiscentiam secundū se, neque peccatū, neque propriam peccati huius culpam esse, ne materiale quidem, etsi certa quadam ad ma-

S

teriam

Concupiscē-
tia secūdū
se non est pec-
catum, nec
peccati por-
tio.

teriā propriā proportionē, & analogia, materialis illius por-
tio nonnunquam appelletur: sed proprium, ac manifestiorem
eiusdem effectum. Quæ autē vera, ac propria, quæ item instru-
mentalis, & meritoria originalis peccati causa existat, id iā antē
explicatū est fusē, & quantū res patiebat, perspicuē & clarē.

Adamus ad
iustitiā libel-
lam pro omni-
bus nō potuit
satisfacere.

Ad secūdū dicitur, licet gratiæ diuinæ energia sit magna,
& cœlestis patris propensio Dei ad ignoscendū neutiquā par-
ua, Adamū tamē pro se, cæterisq; omnibus, ad æquam iustitiæ
libellā satisfacere nō potuisse. Nam & mortē, & vitæ huius ca-
lamitates suo ipse nomine debebat: & gratia, quam diuina be-
nignitate recuperārat, suā ipsius personā non excedebat: Nec
enim ob id ille in gratiā receptus erat, quō gratiæ sibi collatæ
subsidio mundū seruaret, sed quō caput suū mortis discrimine
eriperet. Quapropter licet amplissima gratia illi obligisset, vt
fortē obligit, nihil tñ alijs illa cōtulisset. Sed & natura quoq; ,
p qua factū satis oportuit, propagatione in infinitū diffūdi po-
terat: atq; ideo, neq; Adam⁹, neq; vllus alius finita tātū virtute
præditus illius præciū equare, aut vitiū illius abolere valebat.
Et offensa tandē, quā amoliri debebat, tanta erat, quātus is, in
quē ceciderat, q vtiq; modis oībus immēsus erat. Nullo p inde
ope quantūlibet heroico Adam⁹ naturā cō reuocare poterat,
vnde illius scelere deciderat: & p cōsequēs, ne posterī illius ori-
ginis peccatū cōtraherēt, nulla vi, aut studio efficere poterat.

Vis infinitā
minor pro
toto humano
genere satis-
facere nō po-
terat.

Cæterū bonū ne gratiæ, an malū culpæ maiori vi pol-
leat, parū id ad rem præsentem facit. Nam, vt suprā ostensum
est, Adq; peccatum nō tam per modū efficientiæ inficit naturā,
(quanuis & hoc modo quoque inficiat) q̄ per modum meriti:
Nam inobediētia sua iustē ille promeritus est, vt cum tota sua
posteritate ex paradisi, & originalis iustitiæ possessione pelle-
retur, ijsq; miserijs & calamitatibus, quas præsens hæc vita ad-
ferre solet, inuolueretur. Mitto hīc, longē maiorū virium opus
esse aliquod collapsum in integrum restituere, q̄ integrum ali-
quod in suas partes resolvere. Experimur enim per multa effi-
cacia pharmaca id quandoq; nō posse exhauriri, vel instaura-

Maiores
opus est viri-
bus, vt colla-
psum aliquod
instaurare, q̄
vt integrum
eueras.

ri,

ri, quod per vnā tantū noxiā efcā, aut porionē ingeftū fuerat.

Sic fatendū est quoque, Deū Opt. Max. equē pronū, & suo quoq; modo proniorē esse ad miserendū, & absolūendum, q̄ ad puniendū, vel condemnandum, id tamen salua iustitiē suę lege: at hęc multò maiorē satisfactiōē deposebat, q̄ Adā tota sua vi p̄stare poterat. Quod tandē ex Anselmo adferebatur, id nullū causę nostrę p̄iudiciū adfert: loquitur is enim nō de satisfactoria iustitia, sed de primēua, siue de originali, quam Adamum, si constitisset, in posteros transmisiurum prädicat, nō secūs atq; nūc in eosdē trāsmittit peccatū, & maculā: Quod vtiq; verum est, & apud oēs doctos & indoctos in confesso est.

Ad id quod postremò allegabatur, iam antè responsum est clarē, dictū est enim, Adami satisfactiōē nō cōmunē naturā, sed illius duntaxat personā in integrū restituisse: Eiusdē autem peccatū, non alterum tātū, sed vtrunq; simul deprauāsse. Ex quo etiā sequitur, oppositorū legē hīc locū nō habere: Siquidē satisfactio Adē nō opponebatur illius culpæ, vt hęc cōmunem omniū naturā inficiebat: sed hactenus tantū illi aduersabatur, quatenus illius personā inficiebat, eādēq; satisfactiōis debito obstrictā tenebat. Patet ergo, neq; Adamū, neq; aliquē aliū ex Adamo secūdum seminalē rationē ortū, suam iustitiā, vel sanctitatē in plem ex se genitā trāsmittere potuisse, aut posse.

Et quemadmodū proximorū parentū pietas, vel sanctitas in eorundē liberos per generationē nō trāsfertur, neq; ordinaria lege trāsserri potest: ita neq; eorūdē quoq; improbitas, vel impietas, vel vllum omnino personale illorum flagitiū, aut peccatum in eorundem genus propagatione transmittitur. Nam si eiusmodi peccatum in nepotes, vel liberos transmittitur: aut transmitteretur quo ad culpam, aut quo ad pœnā. Nō quo ad culpā: culpa enim omnis, vel actualis est, vel originalis. Actualis suppositū, vnde egreditur, non excedit. Et si quo casu in alterū pertransiret, iā in illo nō actualis vel personalis, sed originalis esset, quāuis ne hoc quoq; satis ppriē. Quandoquidē originalis noxa cōmunis doni priuationē ponit. At nullū spiri-

Deus equē pronus ad parcendū, ac ad plestendū, id tamen salua iustitię suę legē.

Oppositorum lex fallit in Adami priuatione, & satisfactioe.

Nullum personale parentum peccatū in illorum liberos transmittitur.

Actualis noxa auctorem suum nō excedit.

Orig. peccatū ponit cōmunis doni amissionem per peccatum.

tale donum ordinaria lege per generationē in prolem transmittendum in proximis parentibus extat, vel extitit aliquando, quod per aliquod personale illorum peccatum amissum sit, aut quouis modo amitti potuerit. Amissum est sanè originalis iustitię beneficium, sed id non per actum aliquem proximorum progenitorum, sed per primi hominis flagitium.

Soli culpę auctori pœna infligitur.

Nec rursum quo ad pœnam: siquidem nulli pœna in culpā vindictam infligitur, nisi culpę auctori. Quòd si qua insoniti interdū irrogatur, in eo nō fortitur propriam rationē pœnæ, sed vel medicinæ, vel alterius eiusmodi. Adhęc per generationem ea tantūm accidentia communi, & perpetua lege

Generatione specificā tantū accidentia transferuntur.

transferri solent, quę ex conditione naturæ, vel ex Dei munere totam naturam specificam consequuntur: atqui peccata personalia, vt nomen ipsum indicat, nō ad communem naturam, sed ad personam pertinent. Denique si peccatum vnum, vel vnus transmitteretur in prolem, & alterum quoque vel alterius huc transmitteretur, cū par omnium sit ratio: at non omnium, nec omnia transmittuntur: nam aliās, qui extremis illis temporibus orirentur, immensa peccatorum mole obruerentur; essentque suis maioribus multis semper partibus improbiore, quod experientia in multis ostendit esse falsum. Videmus enim pessimos ex optimis, & optimos rursum ex pessimis interdum nasci. Ergo nullum omnino præter illud primum, quo amota est originalis iustitia, per generationem in posteros traducitur.

Augustinus anceps de personarum peccatorum migratione.

In Ench. c. 45

Fatendum est tamen, Augustinum de ea re aliquādo non nihil hęsitasse, imò verò in aientem partem inclinatiùs propendisse. Siquidem de fide ad Laurentium scribens hęc inter cętera habet: Parentum quoque peccatis paruulos obligari, non solum primorū hominum, sed etiam suorum, de quibus ipsi nati sunt, nō improbabiler dicitur. Illa quippe diuina sententia, Reddā peccata patrū in filios: tenet eos vtiq; anteq̃ per regenerationē ad Testamentū nouū incipiāt pertinere. & paucis interiectis: Ac p̃ hoc nō ob aliud instituta est regeneratio, nisi

1xod. 20.

nisi quia vitiosa est generatio, vsq; adeò, vt etiã de legitimo matrimonio pcreatus dicat, In iniquitatibus cõceptus sum, & in peccatis cõcepit me mater mea. Neq; hîc dixit, In iniquitate vel peccato, cùm & hoc rectè dici posset: sed iniquitates & peccata dicere maluit. Quia & in illo vno quod in oēs homines pertransijt, atque tam magnum est, vt in eo mutaretur & conuerteretur in necessitatem mortis humana natura, sicut suprà differui, reperiuntur multa peccata, & alia parentum, qui etsi non ita possunt mutare naturam, reatu tamen obligant filios, nisi gratuita gratia & misericordia diuina subueniat.

Ab hac Augustini sententia, (si tamen sententia dici debeat, disputatorem nanque agit veriùs, quàm definitorem) non multùm abhorrere videtur ex neotericis quidam: Nam mota quæstione, cur proximorum progenitorum scelera in suos posteros non transmittantur, sicut primi hominis, hunc ille in modum respondet: Respõdendum videtur, omne quidem scelus eius esse conditionis, vt suum authorem, & totam eius posteritatem eo modo inficiat, quo infecit prima hominis transgressio. Quia qui facit peccatum, meretur seruus peccati fieri: & seruus factus, non nisi seruos sibi similes generare possit. Quod nascitur ex carne, caro est. Sed quemadmodum Deus vindictam primæ transgressioni debitam sic temperauit, vt ex lapsis parentibus multos non tam peruersos filios sinat generari, quàm iusto iudicio nascẽretur, nisi eis misericorditer indolem meliorem indulgeret: sic etiam Deus vindictam posterioribus parentum sceleribus debitam sic temperat, vt frequenter, neque parentes ipsos suis peccatis ita corrumpi sinat, sicut eorum meretur transgressio, neque corruptionem scelerum vsu contractorum in filios traduci sinat. Hæc ille. Quibus haud obscure insinuat, omnia peccata suapte natura eiusmodi esse, quæ in prolem transmitti queant, imò verò re ipsa, nisi per diuinam elementiam staret, omnia in prolem transitura esse. Verùm propter rationes iam antè allatas, & multas præterea alias, quas hunc in locum adhuc adferre

Augustino
fauet Neoteri-
cus quidã
Scriptor.

Ioan. 3.

Nulla modo
probabile fit,
personalia pa-
rentum fecer-
era transire
in illorum
posteror.

liceret, & communem Theologorum Scholæ sententiā, nullo modo id admittendum existimo. Effer enim paruulorum absq; regenerationis gratia hinc decedentiū, imò omniū omnino mortalium conditio longè durissima. Iugum, quod vnus homo nobis imposuit, vix sustinemus: & omnium maiorum, quotquot iam inde ab initio vsque ad hanc præsentem ætatem nos antecesserunt, portabimus?

Non omnis
quæstionis
expers est, an
Adamus pri-
mæ tentatio-
ni resistens,
cum tota sua
posteritate in
gratia confir-
matus fuisset

Porro autem vt proximorum parentum peccata ordinaria saltem lege in eorum liberos non transmitti certum est: ita non omnis quæstionis expers est: An, si Adamus primæ tentationi non cessisset, aut omnino non peccasset, eximium illud originalis iustitiæ donum ita firmatum, naturæq; infixum in posteros transmissurus fuerit, vt nullo ipsi deinceps peccati genere illud deperdituri fuerint: an verò tam ipse, quàm reliqui omnes, qui ex ipso nascituri erant, dum ad alteram meliorem vitam transferrentur, æquè peccare, iustitiæque & sanctitatem amittere potuissent, ac si nulla antè pugna, aut victoria intercessisset.

Anselmus in-
nuir, Adamū
post primam
de hoste victo-
riam cum to-
ta posteritate
gratiæ stabi-
litate potitu-
rum fuisse.

Statim post primam de hoste victoriam, cum ipsum, tum vniuersam quoque illius posteritatem confirmationis donum obtenturū fuisse, innuere videtur Anselmus. ait enim: Si primi parentes sic vixissent, vt tentati non peccassent, ita confirmarentur, cum omni propagine sua, vt vltra peccare non possent. Hæc Anselmus ad illud Gregorij Magni satis consentaneè. Si, scribit ille, parentem primum nulla putredo peccati corrumperet, nequaquam ex se filios gehennæ generaret: sed hi, qui nunc per Redemptorem saluandi sunt, soli ab illo electi nascerentur. Isthæc ante Anselmum Gregorius, quibus ex Scholæ Theologis astipulentur nonnulli.

Alij in alterum quasi extremum dilapsi, defendunt Adami stirpem, etiam si is post obtentam de hoste victoriam stabilitatis dono potius fuisset, hostis insidijs capi, ac labi, amissaque iustitia, & sanctitate mori: imò verò contractam abs se iniustitiam, non secus in eos, qui ex ipsis nascerentur, transmittere potu-

potuisse, & reipsa quoque transmissuros fuisse, atque nunc Adamus suæ præuaricationis lābem in illos transfundit, qui ex illo oriuntur. Verumenimvero licet, quæ de personali Adæ confirmatione, deque reliquorum in vtranque partē libertate, hic traduntur, admitti queant, cetera tamē difficultate non carent. Nā si sola Eva, vel ipso quoque Adamo alio peccati genere (vt quidā volunt) illum, à quo conditus fuerat, ad iram provocante, nullum originis peccatum in posteros transiturum erat: nulla grauis apparet ratio, cur personale proximorum parentum peccatū, cum quibus nullū pactum initum fuerat, in genus illorum pertrāsiturum fuisse cōcedi debeat: maximè vero, cum post naturā peccato deprauatā paterna vitia in plem transferri non soleant, neque naturaliter quoque transferri queant. Quauis ergo infantes pueri in statu innocentie eiusmodi nascerentur, qui peccare & labi possent; etiam si Adamus diaboli pulsatus inuidia immotus constitisset: (nec enim probabile sit, plus illis in ortu suo, aut perfectionis, aut stabilitatis obuenerunt fuisse, quàm in creatione sua obuenerat Adamo: hic autem, vt euentus probauit, labi potuit, vt & reipsa quoque lapsus fuit) attamen si, Adamo stante, ipsi corruissent, lapsus eorum macula necessariò in eorundem sobolem per generationem deriuata non fuisset.

Non sit verisimile, personale posterorum peccatū, in illorum liberos transiturum fuisse.

Non excessissent Adamum perfectione, aut stabilitate, qui ex illo nascituri erant.

Et quemadmodum nullo necessario argumento nituntur, qui hanc scelerum filiorum Adæ μεταίχεσίαν statuunt: ita nullo quoque aut grauium rationum pondere, aut Scripturarum autoritate fulciuntur, qui Adamum post primam deiciendam temptationem, cum tota sua posteritate confirmationis gratia donandum fuisse contendunt. Sed quid ad Anselmum & Gregorium? Anselmus de hac controuersia disceptans, id, quod ex illo allegauimus, absolutè non asserit, sed tantum pponit. ait enim: Videtur autem, si primi parentes sic vixissent. Ad Gregorium porro quod attinet, nihil ille de communi illa omnium cōfirmatione prædicat: solum monet, Adamū, si in innocentia sua perstitisset, nullos ex se gehennæ filios progeneraturum.

Nulla ratio, nulla Scriptura auctoritas euincit, Adamum post primam deiciendam temptationem inexpugnabilem euasurū fuisse.

Ex Grego. & Ansel. euidenter colligi non potest, Adamum post primam deiciendam temptationem, cum tota sua posteritate in gratia cōfirmatū fuisse.

raturum fuiffè. & hoc verum eſt, quia ex pio & iuſto nullum iniuſtitia, aut impietatis venenum traxiffent, ſed illuſtre iuſtitia, ac ſanctitatis donum. Hoc tamen nihil quicquam prohibet, quò miuſ ipſi ad rationis uſuram iam eueſti, ex ſe per liberum arbitrium acceptam iuſtitiam amittere, atque adeò gehennæ filij euadere poſſent. Quòd ſi omnino nulli ex illis in peccatum plapſuri erant, vel in peccato perpetuò morituri, id ex ſingulari Dei cura & prouidentia, & peruigili Angelorum cuſtodia conſequuti fuiſſent veriùs, quàm ex vllò confirmationis munere.

Lib. 14. c. 10.
de ciuit.

Probabile ſit,
Adamum cū
ſua ſobole,
dum anima-
lem vitā du-
cerent, in pec-
catum prola-
bi potuiſſe.

Orig. peccati
contrahere,
eſt naturam
in Adamo
deprauatam
communi ge-
nerationis
via partici-
pare.

Si qui tamen ſunt, qui Gregorium & Anſelmum eius opini-
onis fuiſſe exiſtimant, & illos ſequi malunt, quàm Auguſti-
num, & alios complures eximiæ eruditionis & ſanctimonie
Patres, qui Adamum vnà cum ſua prole, dum vitam animale
ducerent, & liberis operam darent, confirmationis beneficio
neutiquam potituros fuiſſe defendunt, eos nos ſuo in ſenſu
abundare haud inuiti patimur. Nobis ſat ſit, vtcunque perſpi-
cuet, & clarè oſtenſum & explicatum eſſe, quod hîc oſtenſum
& explicatum volebamus: nempe originis peccatum contra-
here, aliud nihil eſſe, quàm naturam in Adamo, & per Ada-
mum originali iuſtitia orbatam, atque adeò à Deo auerſam,
abalienatamque, protrita generationis via participare, fili-
um ve, vel filiam Adami fieri. hoc eſt, proximè, vel perſona
quacunque intercedente, ex ipſo progigni. Tum peccatum v-
num hoc per generationem perpetuò transfundi, cuiuſcunq;
tandem ſanctimonie proximi progenitores extiterint. Tum
demum, quæ de generali omnium confirmatione poſt pri-
mam victoriam prædicantur, baſi non admodum firma niti.

Sicut nec illa quoque, quæ de originali peccati propaga-
tione, alio quàm Adamo peccante, à quibuſdam af-
ſeruntur. His ergo de originali peccati pro-
pagatione conſtitutis, ad alias eiuf-
modi peccati cauſas ſe con-
ſerat diſputatio.

Originis

Originis peccatum, quod vnum est specie in omnibus, vnum numero in singulis, ad voluntatem & reliquas animæ partes virus suum ita diffundere, vt tamen eiusdem essentiae insideat proximè.

TRACTATUS DECIMVS.



QUOD Vt formalis, quæ item effectrix, (si tamen effectrix: peccato nanque, vt antè quoque monuimus, deficiens causa assignatur verius, quàm efficiens) originalis peccati causa existat, expositum est hucvsque: nunc verò, quæ materialis eiusdem peccati causa, siue quod proprium, ac proximum peccati huius subiectum censerì debeat, paucis vt ostendamus, res ipsa monet.

Et quidem carnem, quæ gignitur, aut semen, quod in cuiusq; ortu à generante deceditur, aut aliquam aliam corporis partem, primam ac propriam peccati huius sedem non esse, extra controuersiam positum est. Etenim quod per se primò originalis iustitiæ, aut diuinæ quoque gratiæ subiectum rectè assignari non potest, id neque peccati quoque sedem aptè sat assignaueris: siquidem priuatio & habitus circa idem versantur, peccatum autem & gratia, etsi absolutè opposita nō sint, in hoc tamen corrupto naturæ statu vt verè opposita nunquam simul, sed perpetuò alternis insunt. At verò carnem secundum se totam, aut aliquam eius partem primum diuinæ gratiæ, aut verè alicuius virtutis subiectum esse nō posse, apud eruditos quæstionis expers est.

Et cur carnem primum peccati huius subiectum assignare non liceat? Quia primum ac proprium cuiusque accidentis subiectum, ipsi proportionatū, & quodammodo adæquatum sit, oportet: neque enim id primum ac proprium felicitatis subiectum esse potest, quod felicitatis secundum se nullo modo capax est: neque id proprium rursus visionis receptaculum,

Peccatum deficiente verius, quàm efficiens, causam fortiter.

Caro non est propria orig. peccati sedes.

Idem orig. iustitiæ & orig. iniustitiæ subiectum est.

Peccatum & gratia vt verè opposita nunquam simul consistunt.

Accidēs subiecto proportionatum sit, oportet.

Anima humana vel primum vel proximum peccati & gratiæ subiectum est. Mens homini propria, corpus illi cum brutis commune est.

lum, quod ex se videre natum non est. Cum ergo in hominis naturam cadant gratia & amicitia, &, quæ his opponuntur, noxa & inimicitia, non possumus id primum & proprium utriusque subiectum non assignare, quod homini, ut homo est, maximè proprium est : eiusmodi autem est, mens, vel anima mente & ratione prædita : Corpus enim & corporis affectiones cum cæteris animantibus communes habet.

Ad eum ferè modum originis peccatum ab Adamo ad singulos homines derivatur, quo peccatum personale ad singulas hominis partes peccatificas.

Adde huc non omnino inusitatam in Scholis sententiam esse, originis peccatum ad eum ferè modum ab Adamo in uniuersum mortalium genus fluere, quo modo peccata propria vel personalia ad reliquas hominis partes, ac facultates dimanant. Quemadmodum ergo isthæc non ad quasvis hominis partes dimanant, sed ad eas tantum, quæ peccati subiectum, vel instrumentum esse possunt : cuiusmodi cæ solùm censeri solent, quæ voluntatis imperio, aliquo modo parere, & obsequi natæ sunt : ita originis peccatum non permeat ad omnes omnino homines simpliciter, sed ad eos tantum, qui per motum generationis ab Adamo fluxerunt. Nec ad omnes rursus & singulas hominum inde prodeuntium partes absolutè, sed ad eas solas, quæ peccati subiectum esse possunt : quales utique sunt illæ præcipuè, quas paulò antè assignauimus ; & ipsa rursus intelligens anima, quæ harum omnium radix ac basis existit. Ad reliquas autem si quid vitij ex primo illo hominis peccato descendit, id pœnæ rationem sortitur verius, quàm noxæ.

Non omnes hominis partes peccati subiectum esse possunt, sed eæ solùm, quæ rationis exortes non sunt.

Asseruimus autem carnem, & quæ cum carne affinitatem habent, primam ac propriam originalis sedem esse non posse : non etiam nihil quicquam cum carne commune habere : vel nullo existendi modo in carne, vel corpore existere posse. Constat nanque, & in carne quoque peccatum hoc aliqua ratione existere. Nam ut in generis nostri principe Adamo extitit, tanquam in principio remoto ; in parentibus proximis, ab-

orig. peccatum aliqua etiam ratione in carne existit.

auis

auis item & proauis, tanquam in propinquo; (sunt enim hi ve-
ræ ac propriæ ipsius naturæ, cum qua vnâ cooritur, causæ) in se-
mine tandem, vt in instrumento, per quod transfunditur: ita
in carne vel corpore, secundum effecta sua existit. In oculis
enim omnium est, peccatum hoc sua virulentia non solum fa-
mi, & siti, & alijs præterea innumeris calamitatibus ac mise-
rijs nostram hanc carnem obnoxiam reddidisse, verum etiam
mortis legibus, moriendi ve necessitati eandem subiugasse.
Imò verò non solum in carne est tanquam causa quadam in
suo effectu, verum etiã est in illa vice versa, hoc est, tanquã ef-
fectus in sua causa, tamen si id minùs propriè, diuersaq; ratione.

*Orig. peccatū
etiam in car-
nem sese dif-
fundit, suam-
que vim in ea
excit.*

*Orig. peccatū
est in carne vt
causa in suo
effectu, & vice
versa quodā
modo.*

Edisseram id clariùs: Generali quadam ratione, (nam spe-
ciales inexistenti modi sunt varij) dupliciter alterum in alte-
ro esse contingit: vno modo, vt in subiecto: altero modo, vt
in causa. Omne autem quod est in altero tanquam in cau-
sa, vel est in illo tanquam in causa principali, vel tanquam
in causa instrumentali. Quod in principali causa existit, siqui-
dem agens synonymum fuerit, secundum formæ similitudi-
nem in eo existit. Quod autem in causa instrumentali existit,
id tantum secundum virtutem, quam à principali agente re-
cipit, in eo existit, non etiam secundum formæ similitudi-
nem. Vt ergo statua Mercurij in ære vel ligno existit, tan-
quam in proprio & immediato subiecto; in artifice vel artifi-
cis mente, tanquam in causa principali; in dolabris demum
& malleis, & alijs id genus organis, tanquam in causa instru-
mentali: ita originis peccatum in anima quidem existit tan-
quam in proprio subiecto; in semine autem, quod ex carne
deriuatur, & in carnem rursum transmutatur, transmutatque
vicissim, si masculum fuerit, tanquam in causa instrumentali;
in Adamo tandem, tanquam in causa principali: quanuis inte-
rim naturæ partes non eodem modo in ipso extiterint. Nam
corpus in ipso extitit tanquam in causa efformante, vel effi-
ciente: anima verò tanquam in causa materiam ad certam for-
mæ susceptionem disponente, ac preparante.

*Alterum in,
altero, vel vt
in causa, vel
vt in subiecto.*

*Quod est in
altero tanquā
in causa, vel
est in illo tā-
quam in pri-
maria, vel tā-
quam in se-
cundaria.*

*Similitudine
exponitur,
quomodo o-
rig. peccatum
sit in carne,
vel corpore.*

*Naturæ par-
tes non eodē
modo extite-
runt in Ada-
mo.*

Duplex productionis or-
do: naturæ vnus, generationis alter.

Naturæ ordinis perfectum prius est imperfecto, Generationis ordine verò imperfectum perfectum.

Ordine naturæ orig. peccatum prius est in anima, ordine verò generationis prius in corpore.

Orig. peccatū proximè & propriè inhæret animæ.

Orig. iustitia proximè animæ substantiæ inhæbat.

Et quemadmodum duplex est productionis causa: altera primaria, altera secundaria: ita duplex quoque generationis ordo existit: naturæ vnus, generationis alter. Ordine naturæ forma prior est materia, actus potentia, & omne omnino perfectum naturæ ordine prius est imperfecto. At verò generationis ordine materia prior est forma, potentia actu, & omne imperfectum, & inchoatum hoc ordine prius est perfecto, & consummato. Quia ergo forma perfectior est materia, & anima rursus perfectior est corpore, fit vt originale peccatum ordine naturæ prius sit in anima, quàm in corpore vel carne: nam in hac est tanquam in causa instrumentali, quantum hoc quoque satis propriè; in illa tanquam in subiecto. In carne tamen prius est ordine generationis: hinc enim ad modum suprâ expositum, anima vitium trahit. Nam cum certò illud contrahat, & non per aliquod priuatum opus; aliàs enim peccatum hoc originale non esset, sed actuale: nec rursus ex Deo creante; Deus enim nulli omnino concreat peccatum: nec ex Deo tandem infundente; alioquin in pœnam non satis iustè posset imputari: necessum est, vt ex eo illud contrahat, quòd tali carni vel corpori, ex Adamo videlicet per viam seminalē propagato, vt propria forma vnitur. Quòd si tantum vt motor ei coniungeretur, non magis inde contaminaretur, quàm solis radij inficiuntur ex rerū sordibus, quas contingunt. Hæret ergo & in carne quoq; originis peccatum: quantum id non eo modo, quo hæret in anima, sed lōgè diuerso. Hæret autem in anima non quouis modo, aut gradu, sed proximè, & propriè. Nam vt originalis iustitia non huic, aut illi animæ parti, vel facultati insidebat, vt primo, proprio, ac proximo subiecto; sed ipsimet animæ secundum se, siue ipsius animæ substantiæ: (vnde & dos quoque naturæ appellata est) ita originis peccatū, quod illi opponitur, (est enim priuatio totius illius rectitudinis, quam originalis iustitia præstabat, ex scelere Adami orta) primò, per se, & proximè ipsam animæ *obscuro* occupat: Licet hinc ita non hæreat, quin inde quoque

*ad anima obsequium
le pœnam & iustitiam*

quoque ad voluntatem, & alias animæ vires, quæ noxa aliqua cõtaminari possunt, porreter se se diffundat. Nam vt fluxu quodam naturali, ac necessario ab essentia animæ dimanant eiufdem animæ potentia & vires: ita quicquid in ea tanquam in proprio & immediato subiecto existit, id totum inde certo quodam ordine ad naturales illius facultates quoq; sese porrigit.

Quicquid animæ proximè insidet, id inde ad illius potentias se fundit.

Fateor hanc de proximo & proprio originalis peccati subiecto sententiam nõ esse omnium simpliciter: est tamen plurius, & rationibus præterea nõ nixa vulgaribus. Etenim cum anima corpori vniatur, nõ vt motor tantum, neque vt proximum operationis principium, sed vt essentialis illius forma: (quo nimirum ex ea & corpore confletur vnum aliquod per se) necessarium est vt proximè per essentiam suam coniugatur ipsi carni vel corpori. Nam si per aliquod medium hæ partes inter se conducerentur, non exurgeret vnum per se, sed vnum tantum per accidens. Cum ergo originis peccatum inde contingat, quod hæ anima vniatur huic corpori, vt vera, essentialis, & proxima illius forma: nõ potest profectò peccatum hoc primò, & proximè illius essentiam non attingere, & per consequens non potest naturæ ordine non prius in ea tanquam in vero ac proprio subiecto existere, quàm in potentijs, quæ naturali quodam fluxu ab illa, vel ex illa dimanant. Siquidem substantia accidentibus naturâ quidem & ratione semper, sæpe quoq; tempore prior existit. Nec enim, vt corpus ad animam, ita etiam anima ad suas affecta est potentias. Quandoquidem corpus ad animam comparatur, vt materia ad suam formam: materia autem etsi non ordine naturæ, aut perfectione, via tamen generationis formam antecedit: At verò substantia animæ comparatur ad suas facultates, vt causa ad sua effecta: fluunt enim hæ ab illa.

Anima vniatur corpori, vt forma, non vt motor tantum.

Anima citra medium vniatur corpori vt forma.

Substantia accidentibus naturâ prior.

Anima ad suas potentias se habet, vt causa ad effectum.

Vt ergo anima coniungitur carni, (vnde peccatum, de quo hîc disputatur, contrahitur) non per suas vires, sed per semetipsam, siue per essentiam suam proximè; potentia autem

Orig. peccatū ex animæ essentiali se diffundit ad voluntatem, & alias animæ vires.

Orig. peccatum, est peccatum naturæ, & cur.

Potentia personam spectant verius quam naturam

eidem illi carni vniuntur, non per se proximè, sed anima, quæ corporis est forma, mediante: ita originis peccatum proximè quidem sese infundit in animam, per hanc autem in voluntatem, (in qua etiam præcipuam suam vim exercet) mox certo quodam ordine ad reliquas animæ facultates virus suum diffundit. Et quia peccatū hoc, prius, & pressius inheret animæ, quàm vlli omnino eiusdem animæ virtuti, aut potentia, sit vt naturæ vitiū appelletur familiariùs, quàm personæ: Non enim personam respicit nisi per naturam, cuius vtique essentialis pars, non est aliqua vis animæ, aut aliqua eiusdem animæ potentia, sed ipsa met anima absolutè accepta. Potentiæ autem, quòd sint quædam tantum naturæ proprietates, ac operationum principia, ad personam pertinent verius, quàm ad naturam. Nam ad naturam ea solùm spectare traduntur, quæ speciem constituunt: Ad personam autem, & hæc ipsa, & illa præterea, quibus persona à persona scernitur, & ad exercendum opus aliquod idonea redditur; qualia inter cetera sunt potentia, earumque organa, & instrumenta: sunt enim actus suppositorum: actus autem potentias ponunt tanquam principia. Extant & aliæ quoque causæ, cur naturæ vitium appelletur frequentius, quàm personæ: sed quia illas suprà exposuimus, nullum est operæ precium eas nunc hoc loco de nouo repetere. Proxima ergo peccati huius sedes sit animæ *quædam*.

Anima est primum vel proximum virtutū & vitiorum omnium subiectum.

Anima orig. peccati subiectū proximum, reliquorum primum.

At obijcies hinc fortè: Anima secundum se virtutis subiectum esse nequit, ergo nec vitij quoque. Falsò id sumitur. nam cum secundum se verum & proprium omnium moralium actuum subiectum existat, verèque & propriè peccatrix, vel virtutum cultrix denominari queat, & denominari quoque soleat, sit profectò vt omnium omnino virtutum & vitiorum, vel primum, vel certè proximum subiectum necessariò censeri debeat. Est autem originalis peccati subiectum primum, ceterorum autem primum: personalia enim peccata non recipit in se proximè, sed hac vel illa potentia intercedente. Quòd si vitium omnium expers ipsa per se immediatum suarum

suarum operationum principium existeret, non solum proximum originalis peccati subiectum foret, sed reliquorum quoque omnium, absque vlla omnino exceptione.

Causa itaque, vel ratio, propter quam anima secundum se, vel essentia animę proximum personalis culpę subiectum esse non possit, non est illius ineptitudo, vel inhabilitas; sed intrinseca actualium, vel personalium scelerum conditio: Quoduis enim personale peccatum semper prauo actu aliquo consistat, vel sanę praua boni alicuius actus omissione. Quandoquidem quodlibet eius generis peccatum est aliquod, dictum, vel factum, vel concupitum contra legem Dei. Cum ergo actus omnes proximę ab aliqua potētia dimanent, sit vt anima absq; voluntatis, aut alterius alicuius potētię intercessionē, eiusmodi peccata in se recipere non valeat. Si qua igitur extaret culpa, ad quam nullius omnino potētię actus deposceretur, illius vtique anima immediatum, vel proximum subiectum esse posset. Talis autem culpa est originalis labes: non enim constat hęc per actum propriū, aut personalem, sed, vt saepe iam repetitum est, ex origine contrahitur.

Nec aduersantur his, qui originis peccatum in originalis iustitię priuatione, aut voluntatis auersione positum asserunt. Quandoquidem non vsurpant illi priuationem illam pro sola voluntatis obliquitate vel destitutione, sed pro totali totius iustitię & sanctitatis à toto animę regno proscriptione, hoc est, non solum à voluntate, alijsq; viribus ab illa dependentibus, sed ab ipsa quoq; voluntatis radice: quę sanę non est alia, quàm ipsamet intelligentis animę substantia. Sunt sanę duę hęc destitutiones, vel priuationes suo modo inter se distinctę: tamen quia altera ex altera consequitur, & se habent per modum arboris & fructus, vel causę & principalis eiusdem effectus, pro eodem accipi possunt, & passim quoque pro eodem accepta comperiuntur. Quemadmodum etiam, licet gratia & charitas, vt causa & effectus inter se sint distincta, in ratione tamen meriti non infrequenter pro eodem vsurpantur.

Ratio cur anima personalis noxę proximum subiectum esse non, queat.

Ve gratia & charitas in ratione meriti, ita anima & voluntatis destitutio pro iisdem non infrequenter habentur.

Verum-

Orig. peccatum, vt inhæret, proximè animæ essentiam; vt autè operationis principiū est, proximè voluntatē spectat.

Verumenimverò licet originis peccatum, si secundum se absolutè, vel vt inhære natum est, spectetur, prius insideat animæ, quàm occupet voluntatem, vel alias eiusdem animæ partes: attamen si illud consideres, vt per se, vel per satellitium suum multa obscœna, & illiberalia desideria, multasque turbas, ac seditiones in animæ ditione excitat, haud dubiè prius ipsam voluntatem sibi vendicat, quàm, vel animæ substantiam, vel vllam aliam eiusdem animæ potentiam. Siquidem anima per se proximè non operatur, sed per facultates suas: inter has autem voluntas primatū facilè obtinet. Constat enim vnam hanc ceteras omnes mouere, & ad opus instigare: nec quicquam omnino extare pœna, vel præmio dignum, quod per se, aut per accidens hinc non fluat.

Peccati orig. vis & improbitas maximè euidēs in inferioribus viribus.

Carnis libido occupat totū hominem.

Quod si verò peccatum hoc non ex propria naturæ suæ conditione, neque ex motuum, quos in nobis ciēt, improbitate; sed ex radice, vel ortus sui ratione æstimare lubeat: altus in sensum tactus, generandique, & concupiscendi vim insedisse deprehendemus, quàm in vllam aliā totius hominis partem. Hic nanquē, si alibi vsquam, virus & energiā illius experimur maximè euidētem, maximequē molestam, & improbam: nec enim hanc tantum, vel illam hominis partem infestat, & occupat, sed totum penè hominem. Libido, inquit Augustinus, quæ obscœnæ corporis partes excitantur, non solum totum corpus sibi vendicat, nec solum extrinsecus, verum etiam intrinsecus totum commouet hominem, animi simul affectu cum carnis appetitu coniuncto atque permixto. Hec ille, & alia in hunc sensum plura ibidem.

Orig. peccati ortus & vis familiaritè describitur generandi virtuti, tactusque sensui, & vi concupiscendi, quæ nutritiæ vel augmentatiæ facultati.

Cur, inquis, peccatum hoc generandi facultati tribuitur frequentius, quàm nutriendi, vel accrescendi virtuti, cum nulla ex his omnibus rationi parere nata sit? Ad hoc dici potest, originis peccatum, ob id virtuti generatiuæ, tactusque sensui, & vi concupiscendi familiaritè adscribi, quàm nutritiæ facultati, vel augmentatiæ, tametsi nulla ex his omnibus rationis imperio obsequi soleat, quod tria hæc maiorem cum actu, quo

quo natura propagatur, cognationem habeant, quàm reliqua duo. Complectitur enim hic actus duo inter cetera maximè sibi intrinseca: nempe suam ipsius substantiam, & oblectationem à naturæ opifice ipsi adiunctam. Oblectatio ad sensum tantus pertinet: actus autem substantia gignendi quidem vi tribuitur ut exequenti: vi autem concupiscendi ut imperanti: Eius enim est tendere in id, quod est conueniens, vel oblectabile secundum sensum. At verò vis nutritiua huic propagationis actui, aut non seruit, sicut nec augmentatiua quoque: aut hæcenus tantum seruit, quatenus semen preparat. dici enim solet, Superfluum alimenti semen esse. Non est ergo mirum, si peccati huius infectio gignendi facultati familiaris tribuatur, quàm nutriendi, vel augmentandi virtuti. Quòd autem nulla ex omnibus istis rationi obsecundet, id solùm probat peccatum personale non magis vni posse tribui, quàm alteri: at non probat originis vitium, quod non à voluntate eius, qui illud contrahit, deriuatur, sed ex origine hauritur, non posse virtuti generatiuæ iustius adscribi, quàm nutritiuæ, vel augmentatiuæ.

Nutritio generatiōi sensui, sed remotè.

Superfluum alimenti semen

Porrò autem ex hac tanta partium dissimilitudine, ac multitudine, quas peccatum hoc inficit, vel afficit, quidam natum volunt, ut multitudinis numero interdum exprimat. scriptum est enim: Ecce in iniquitatibus conceptus sum, & in peccatis concepit me mater mea. Alij ob deformitatem, ex quibus primò ortum est, vel certè ob effectuum, quos ex se progignit, varietatem, multitudinis numero designatum existimant verius, quàm vllam aliam ob causam. Verùm licet hæc omnia verissima sint: nam & multos acerbos fructus ex sese fundit, & multas animæ partes turpiter inficit, & scelus, ex quo primùm natum est, multas deformitates per se tulit: attamen non est necessarium, ut ad eam multitudinem Propheta respiciens multitudinis numero illud extulerit. Quandoquidem anallagæ illæ personarum, & numerorum in Scripturis sunt vstitutissimæ, & in illo ipso quinquagesimo psalmo, vn-

Varie opinionēs, cur originis peccatū multitudinis numero interdum designetur.

Psal. 50.

de hic locus petitus est, singulare pluralis loco aliquoties vsurpatum legitur, & idem alibi accidit sæpissimè. Taceo, locum hîc allegatum, cùm Hebræum contextum, tum Chaldaicam quoque periphrasim vnitatis numero cef-
ferre.

Improprie lo-
quuntur, qui
orig. peccatū
propter actus
vnitatem in
omnibus vni
esse dicunt.

Sed quid? est'ne ergo vnum tantū, an plura? Qui rem hanc ex actu, ex quo primò natum est, metiuntur, illi vnum omnium esse dicunt. Sed hi admodum improprie loquuntur. Siquidem actus ille non erat originis peccatum, sed personale peccatum Adæ. Erat tamen originalis peccati causa, vel principium. Qui verò non ipsum præuaricationis actum, sed mentis auersionem, vel reatum, vel maculam inde in vniuersam mortalium naturam deriuatam spectant, illi tot huius generis peccata constituunt, quot hominum sunt capita, & hoc rectè. Nam vt singuli singulas ex Adamo naturas, tanquam communis naturæ membra, vel partes trahunt: ita singulas quoque eiusdem naturæ infectiones, vel maculas ex eodem illo mutantur. Quauis ergo aliquo vero sensu dici posset, esse vnum tantū, quia est vnum causaliter: simpliciter tamen id dici non debet, neque verè quoque dici potest, quia singuli singula sortiuntur. Est tamen vnum omnium secundū speciem: sicut etiam vna omnium specifica est natura.

Assignantur
rationes, cur
vnum specie
originis pec-
catum in sin-
gulis consti-
tuere liceat.

Sed nunquid, qui vnum in omnibus genere, vnum autem in singulis specie constituerent, procū à vero aberrarent? non opinor, ais. Nec enim potest vnum ad numerum accidens, in diuersis, ac numero distinctis subiectis existerè: nec vnus ad numerum habitus ad plura, eaque inter se opposita vitia animum inclinare: nec vna ad numerum noxa pluribus pœnis obnoxia esse. Atqui originis vitium non hanc aut illam hominis partem tantū occupare videtur, sed omnes promiscuè: nec animum ad hoc vel illud vitium solū inclinare, sed ad omnia absque vlllo ferme discrimine: nec vno tandem supplicij genere mul-
tari,

tari, sed nullo non ferè.

Sanè æquè à veritatis scopo aberrant, & qui vnum ad numerum in pluribus, vel in omnibus, & qui multa rursum numero in vno collocant. Nam cum primaria illius causa sit tantum vna; & principale & proximum illius subiectum, sit solum vnum; & potissima eiusdem tandem poena sit tantum vna: in vno homine plura originis peccata numero tantum inter se differentia iusto titulo constitui non possunt. Quare quicquid in tripartita illa ratione sumebatur, totum illud falsò sumebatur. Nec enim inhæret peccatum hoc pluribus subiectis primò & proximè, sed vni duntaxat, puta essentiæ ipsius animæ. Si quas autem illius partes inficit, vt reuera inficit, eas inficit vt certum ad hanc vnā radicem ordinem sortiuntur, siue vt potentiales illius vnus partes existunt. Quemadmodum etiam originalis iustitia licet in vna animæ substantia, tanquam in proprio domicilio propriè resideret, hinc tamen sese effundens, & diffundens, omnes ipsius animæ vires, & facultates in officio continebat, & ipsum præterea corpus ab interitu & patibilitate conseruabat.

Vnū tantum ad numerū in vno est orig. peccatum.

Rationes, quibus probabatur in vno homine plura esse orig. peccata, non sunt firmæ.

Sed neque ad diuersa quoque vitia per se inclinat, sed tantum per accidens, remouendo nimirum prohibens. Nam vt mixti compage per continentis virtutis absentiam submota, omnia mox elementa, vnde illud constabat, tendunt in opposita: rursum vt excussa columna, quæ solidum aliquod corpus sustentabat, grauiâ, quæ continebantur, illicò descendunt; leuiâ verò, quæ sustentati corporis obiectu arcebantur, ascendunt: Ita iustitiæ originalis harmonia per originis peccatum sublata, diuersæ animæ partes ad diuersa feruntur, singula nimirum ad sua propria obiecta. Neque diuersis tandem pœnis plectitur primò, sed vna tantum: ex ea vna tamen certo quodam ordine fluunt aliæ non paucae: sed nec nouum quoque est, aut iniustum, vnā noxam pluribus multare pœnis, dummodo tamen omnes simul vni-

Orig. peccatum ad diuersa vitia per accidens inclinat.

us culpæ quantitatem non excedant. verùm hac de re postea
fusiùs.

*Omnes originalis peccati effectus, & pœnas vna mortis
appellatione contineri, & vna hac sepe
quoque designari.*

TRACTATUS VNDECIMVS.



Is de originalis peccati subiecto, materia-
liue causa breuiter constitutis, consenta-
neum est, vt nõnulla hinc de eiusdem pec-
cati effectis, & pœnis quoque, in medium
adferamus: vt quæ à veris ac proprijs pec-
cati huius causis, de quibus vtcunque ac-
curatè hactenus disputatum est, nequa-
quam aliena censenda sunt. Constat enim, cùm in naturali-
bus & physicis, tum in moralibus quoque & ethicis, effecta
& fines non infrequenter in vnum incidere. Nam vt gene-
rationis finis & effectus est sornia geniti; statuarij finis & ef-
fectus, Cæsaris effigies vel statua: ita belli finis & effectus si-
mul est pax, vel victoria; diuinę gratię finis simul & effectus,
iustitia, vel vita æterna; peccati tandem finis & effectus simul
mors, & sempiterni ignis flamma. Accedit huc, cùm verè spi-
ritalia omnia, tum cætera quoque, quæ sub sensum non ca-
dunt, ex effectis faciliùs dinosci solere, quàm ex seipsis: atqui
originale peccatum sub sensum non cadit, vt quod secun-
dum se, ac formaliter sumptum quidam defectus ac priuatio
sit veriùs; quàm aliquid reale ac positium.

Effectus &
finis cum in
naturalibus,
tum etiam in
moralibus
sepe in vnum
incidunt.

Spiritualia in
hac vita ex ef-
fectis cogno-
scuntur me-
lius, quàm ex
se ipsis.

Proximus o-
rig. peccati
effectus non
sunt illi, quos
assignant Se-
ctarij.

Inter proximos autem ac proprios peccati huius effectus,
nullum omnino ex ijs omnibus reponendum existimamus,
quos Sectis additi, vel primo loco huic assignare solent. Nam
vacare metu ac fiduria Dei, odisse iudicium Dei, fugere De-
um iudicantem, irasci Deo, desperare gratiam, & alia his
cogna-

cognata, neque huius, neque alterius cuiuscunque sceleris effectus, sed nefaria, carcereque ac flammis digna scelera sunt. Scripturæ igitur non hos, sed alios ab his non parum diuersos, primæ præuaricationis, quæ & nostra quoque censetur, effectus exponunt. Quia, inquit Dominus, audiisti vocem vxoris tuæ, & comedisti de ligno, ex quo præceperam tibi, ne comederes, maledicta terra in opere tuo: in laboribus comedes ex ea, cunctis diebus vitæ tuæ: spinas & tribulos germinabit tibi, & comedes herbas terræ. In sudore vultus tui vesceris pane tuo, donec reuertaris in terram de qua sumptus es: quia puluis es, & in puluerem reuerteris. & ad mulierem: Multiplicabo ærumnas tuas, & conceptus tuos: in dolore paries filios, & sub viri potestate eris, & ipse dominabitur tui.

Genes. 3.

Omnes hi originalis peccati effectus vel pœnæ (pro eodem enim cum diuo Augustino & alijs egregijs Theologis vtrunq; usurpamus: tametsi alterum altero latius patere non nesciamus, est enim omnis omnino pœna peccati alicuius effectus, non omnis tamen eiusdem effectus, est etiam propriæ rationis pœna) eodem illo capite, & alibi percrebrò vno mortis vocabulo designantur. Tulit ergo Dominus Deus hominem, ait Scriptura, & posuit eum in paradysum voluptatis, vt operaretur, & custodiret illum: præcepitque ei, dicens: Ex omni ligno paradisi comede, de ligno autem scientiæ boni & mali ne comedas: In quacunque die comederis ex eo, morte morieris. Eandem mortis pœnam & Eva quoque cum antiquo serpente disceptâs, repetit: sed non candidè, addidit enim, Etenim interroganti angui, Cur præcepit vobis Deus, vt non comederetis ex omni ligno paradisi? respondit illa: De fructu lignorum, quæ sunt in paradiso, vescimur: de fructu verò ligni, quod est in medio paradisi, præcepit nobis Deus, ne comederemus, & ne tangeremus illud, ne fortè moriamur. Hæc Eva, sed mala fide: iam enim tum animus illius ingenti cupiditate accensus, cœperat labare, cœcutire, & ad violandam fidem Deo pactam inclinare.

Omnis pœna peccati effectus: non omnis peccati effectus, est etiam pœna.

Genes. 2.

Omnes orig. peccati effectus vno mortis vocabulo designantur.

Genes. 3.

Eva cupidine accensa mutata.

Quin & ipse quoque Apostolus vix vlllo alio ferè vnquam, quàm mortis nomine, quæ ex Adami scelere incommoda accepimus, exprimere assolet. Sicut, inquit ille, per vnum hominem peccatum in hunc mundum intrauit, & per peccatum mors, & ita in omnes homines mors pertransijt, in quo omnes peccauerunt. & infra: Sed regnavit mors ab Adam vsq; ad Moysen, etiam in eos qui non peccauerunt in similitudinem preuaricationis Adæ. & paucis interiectis rursum: Si enim vnus delicto mors regnavit per vnum, multò magis abundantiam gratiæ & donationis & iustitiæ accipientes, in vita regnabunt per vnum Iesum Christum. Hæc Apostolus. Interroganti proinde ecquænam germana, ac propria originalis peccati pœna censenda sit? huic breuiter, & absolutè respondere licebit: Proprium vitij huius stipendium, ac meritum, mortem esse, vel vitæ priuationem. Nec enim aliud est mors, quàm vitæ absentia, aut vitæ priuatio.

Vitæ nomine, & ipsa vitalis operatio, & ipsum rursum vitæ principium significatur.

Propria viuētis operatio, aliqua motus specie se mouere.

Discrimē inter viuētia & non viuētia petiūm ex animātib.

Animalia dū se amplius mouere non possunt, mortua cēsentur.

Vitæ autem appellatione, cum ipsum vitalis operationis principium, tum ipsa quoque viuētis operatio venire solet. Propria autem, & prima, & quasi formalis ipsius viuētis operatio nihil aliud est, quàm aliqua motus specie sese mouere. Vnde, quæ se mouere, aut in opus aliquod prodire non possunt, vt elementa, & pleraque ex his concreta, ea inanima, & vitæ expertia dicuntur: Contrà vero, quæ operari, ac se mouere possunt, esto nihil externi operis moliantur, vt cum sopore, morbo, vel alio vinculo impedita tenentur, ea viuæ, vel viuētia vulgò appellantur.

Hoc autem inter viuētia, & vita carentia discrimen nō aliunde petiūm videtur, quàm ex animantibus. Solet enim cuiusvis generis animantes tum demum vitam auspicatæ dici, cum se aliqua motus specie agitare dinoscuntur: tantoq; temporis spatio viuētes iudicari, quāto aliquāliter mouere se possunt. Cum autē nullo motus genere se amplius mouent, nec mouere possunt, mortua appellantur. Mouentur & graua, & leua quoque, sed hoc non à se, sed ab altero: nec mouentur

ad

ad omnem loci διαφοράν, sed ad vnam tantum: imò ne ad vnam quidem, nisi extra naturalem locum vel dispositionem vi aliqua externa pellantur. Illa itaque propriè viuunt, quæ aliqua motus specie mouere se possunt: siue motus accipiatur propriè, vt est actus imperfecti: siue communiter, vt est actus perfecti.

Porro autem primum vitalis operationis principium, est ipsa viuentis forma: Hinc enim ipsum viuentis esse vel existere proficiscitur. Ab ipso autem esse proximè dimanat omnis operatio, omnisque operationis modus, & perfectio. Eò nanque vnumquodque nobiliores edit operationes, quò nobilius sortitur esse: cò contrà abiectiones, quò esse sortitum fuerit vilius. Vnde homo multò præstantiores actiones edit, quàm brutum; & Angelus, quàm homo; & Deus, quàm Angelus. Quid ita? quia multis partibus nobilius est esse Dei, quàm Angeli; & Angeli, quàm hominis; & hominis tandem, quàm bruti. Quin & habitus ad hoc vel illud vitæ genus per modum naturæ inclinantes, viuendi veritus, ac consuetudines, interdum quoque vitæ nomine appellantur. Dicitur hic enim vitam ducere monasticam vel solitariam; ille communem vel politicam; iste honestam, vel turpem, vel alio modo affectam; ille demum actioni vel contemplationi deditam: & sic dereliquis.

Iam vt duplex, vel etiam triplex in hominem cadit vitæ principium, vnum internum vel innatum, alterum externum extrinsecè ve ascitum: & hoc rursùm (quod quidem ad nostrum institutum attinet) bipertitum: alterum, quod ira accidit, vt tamen abscedere possit: alterum, quod vbi semel accesserit, nunquam ampliùs abscedit, neque communi lege abscedere potest: Ita triplex quoque in eundem cadit vita, & triplex rursùm esse: vnum nimirum naturæ, alterum gratiæ, tertium gloriæ: & triplex tandem vitæ operatio: vna animalis, altera spiritalis, tertia beatifica. Vita & operatio animalis procedunt ab ani-

Primum vitalis operationis principium est ipsa viuentis forma.

A forma manat esse, hinc operatio, & operationis modus.

Viuendi ritus, vita appellatur.

Triplex vitæ principium in hominem cadit.

In hominem triplex cadit vita, & triplex esse, & triplex vitæ operatio.

Triplex homi- anima: hæc enim est internum, vel innatum vitalis opera-
nis vita, ani- tionis principium. Vita autem & operatio spiritalis prodeunt
ma, gratia, ex inhærente charitate, vel gratia. Vita denique & operatio
gloria beatifica, oriuntur ex lumine gloriæ.

Triplex in v- Cum ergo vnum oppositorum tot membra completi so-
num hominē leat, quot alterum, consequens fit triplicem quoque interiu-
mors cadit. tum vel mortem in hominem conuenire: vnam corporalem,
 alteram spiritalem, tertiam ex vtraque constatam. Mors cor-

Corporis vita poralis est abscissio animæ à corpore. Mors spiritalis est abs-
anima, ani- cissio Dei ab anima: nā vt vita corporis est anima, sic animæ
mæ Deus. vita est Deus. Quomodo, inquit Augustinus, si anima deserat,
Lib. de vera moritur corpus: sic anima moritur, si deserat Deus. Ipsa est
relig. cap. 10. gratia eius, vt resuscitet, & sit nobiscum. & alio rursus loco:
& ad Psal. 70. Sicut anima est vita corporis, sic vita animæ est Deus. Deus

Mors corpo- amissus, mors animæ: anima amissa, mors corporis: mors
ris necessaria, corporis necessaria, mors animæ voluntaria.
mors animæ
voluntaria.

Fit autem diuortium hoc inter Deum & animam per cul-

Cap. 18. pam, tanquam per causam meritoriam. Anima, inquit Ezechi-
 el, quæ peccauerit, ipsa morietur. Mors æterna est irreparabilis
 diuinæ gratiæ, & per consequens luminis gloriæ, iactura: per
Psal. 48. hoc enim tanquam per principium formale & proximum æ-
 terna constat vita. hinc illud Psalmistæ: Non videbit lumen
 in æternum. Postrema hæc mors, quod perpetuæ priuationi
Matth. 18. adiunctam habeat perpetuam sensus pœnam, si in adultos ce-
 ciderit, gehennæ nomine exprimi interdum consuevit. Si ocu-
 lus tuus scandalizat te, inquit Christus, erue eum, & proijce
 abs te: bonum est tibi vnum oculum habentem in vitam
 intrare, quàm duos oculos habentem mitti in gehennam
 ignis.

Mors corpo- Inter has mortes prima est mala, secunda peior, tertia pes-
ris mala, ad- sima. Est, inquam, mors prima mala: habet enim asperum
iunctū enim sensum, & contra naturam est vis ipsa, qua vtrunque diuelli-
habet dolo- tur, quod fuerat in viuente coniunctum atque consertum, &
ris sensum. tam diu moratur & viget, donec omnis tandem adimatur
 sensus,

sensus, qui ex ipso inerat animę carnisque complexu. Quam tamen totam molestiam vnus nonnunquam ictus corporis, vel animę raptus intercipit, nec eam sentiri præueniente celeritate permittit. Quicquid tamen illud est in morientibus, inquit Augustinus, quod cum graui sensu adimit sensum, pię fideliterque toleratum auget meritum patientię, non aufert vocabulum poenę. Est ergo mors ob adiunctum doloris sensum, eiusque rei, quam omnia expetunt maximę, priuationem mala.

Lib. 13. c. 6 de ciuit.

At non est tamen hæc mors pessima, imò ne mala quidem impensę: quia non perpetuò, sed tantum ad tempus vitali spiritu orbat. Nam quotquot modò vita hac defunguntur, omnes illi olim denuo ad alteram vitam exuscitabuntur. Vnde in sacris literis mors isthęc non tam mortis, quam dormitionis nomine designari solet. hinc illa: Dormiuit Dauid cum patribus suis. item: Diues cum dormierit, non sumet omnia secum. rursum: Lazarus amicus noster dormit, sed vado vt à somno excitem illum. demum: Non est mortua puella, sed dormit. Ex eadem resurrectionis spe, & mortis morte natum est, vt loca, quę fidelium cadauera excipiunt, κοιμητήρια appellentur familiarius, quam sepulchra, vel busta.

Mors corporis nō est admodum mala, nedū pessima, quia nō est diutina.

3. Reg. 2.

Iob 22.

Ioan. 11.

Matth. 27.

Mors piorū, dormitio.

Habet præterea & hoc quoque mors hæc inter cætera commodum, quòd ab omnibus vitę huius miserijs & crucibus absoluat: quam liberationem quidam tanti fecere, vt vltro vitam sibi abrumpere non dubitarent. Quòd si, vt nō nunquam fit, pro pietate iustitię depēdatur, vel eo etiam quo par est animo, vndecunq; tandē accesserit, excipiat: non solum à vitę huius ærumnis ac calamitatibus liberat, sed sæpe quoque vitę huius munere perfunctos, in tuto æternę felicitatis portu collocat. Verum quòd hæc commoda sua vi non adferat, fit vt secundum se considerata, quatenus videlicet proprium munus in morientibus exercet, nunquam censenda sit bona, sed mala, quia poenę & cruciatui semper est obnoxia.

Mors corporis à vitę huius miserijs liberat.

Mors animę corporis mor

te peior, pri-
uat hæc enim
summo bono.

Mors anima
in hac præfer-
tim vita ab-
solutè non est
pessima, quia
non adimit
omnem spem
vitæ.

Apocal. 3. »

Mors gehen-
næ omnium
pessima &
funestissima.

Mors gehen-
næ duplicè, &
suo etiã modo
triplicè mor-
tem comple-
ctitur.

mors animæ. Hæc enim non vulgari aliquo, aut passim obui-
commodo priuat hominem: sed omnium maximo, & præstan-
tissimo: nempe Deo, & omnibus præterea verè spiritualibus &
sanctificantibus eiusdem Dei muneribus, verarumque virtu-
tum ornamentis. Veruntamen tanta hac bonorum iactura
non obstante, non potest adhuc mors isthæc omnium pessima
absolutè dici. Nam etsi vitâ tollat, & vitâ quidem nobilissimâ,
puta diuinâ: non omnem tamen adimit reuiuiscendi spem, aut
facultatem: Siquidem multi per Christi gratiâ ex ea morte ex-
scitâtur ad vitâ, & omnes ex ea resurgere possunt. Deus nanq;
præstò est omnibus: Stat enim ad ostium, & pulsat. Attamen
quod plurimi sua culpa ex hac morte nunquâ exurgant, non
immeritò mors hæc inter spirituales prima appellatur.

Omnium itaque pessima & funestissima est mors gehennæ.
Hæc vna enim inter omnes citra omnem omnino recuperandæ
vitæ spem, perimit & perdit. Nam quæ a mittitur vita per pri-
mam, hoc est, per carnis mortem, ea certò instauratur: quæ
aut deperditur per secundâ, hoc est, per gratiæ abscissionem, ea
instaurari potest, & sæpe instauratur: quæ verò per tertiam, ea
instaurari potest, & sæpe instauratur: quæ verò per tertiam, ea
instauratur nunquam, nec cõmuni lege instaurari potest. Etsi
in eos mors hæc fortè ceciderit, qui euadere poterant, non so-
lùm bonis omnibus illos exuit, sed innumeris quoq; pœnis &
cruciatibus afficit. Quin & alia quoque ratione mors hæc cæ-
teris omnibus exitior, funestiorque existit. Quandoquidem
ceteræ vnam duntaxat mortem complectuntur: nec enim ne-
cessum est, si anima separatur à corpore, vt Deus quoque se-
paretur ab anima; vel contrâ si Deus sciungatur ab anima,
vt anima quoque diuellatur à corpore. Hæc autem duas sem-
per, imò certa quadâ ratione omnes simul in se includit: Nam
quotquot humani spiritus apud inferos ardent, separati sunt
omnes, & à corpore, & à Deo, & à gloria, & in omne æuum ab
hac, & illo separati manebunt.

Non contingit sanè pessima mors hæc plenè antequam
anima corpori, quod informauerat, ita denuo consocietur, vt
nulla

nulla ampliùs direptione ab ea diuelli queat: Verūtamē quòd post communem omniū resurrectionem impiorum animæ non tam informatæ sunt sua corpora, vt viuant, quàm vt pœnas & cruciatus hauriant, non prorsus ineptè dici queat, nouissimam mortem vtriusque partis mortem in se completi. Quauis in nouissima damnatione homo sentire non desinat, inquit Augustinus, attamen quia sensus ipse nec voluntate suavis, nec quiete salubris, sed dolore pœnalis est, non immeritò mors est potiùs appellata quàm vita.

Mors gehennæ post communem carnis resurrectionem cõsummata.

Lib. 13. c. 11.
de ciuit.

Harum autem omnium mortium reatum, vnum illud naturæ peccatum, in quo nascimur omnes, secum trahit. Nam cùm Deus Opt. Max. primo illi homini, quem in paradiso constituerat, de verita esca dixit: Quacunque dic ex illo comederis, morte morieris: non tantùm primæ mortis partem priorem, vbi anima priuatur Deo: nec tantùm posteriolem, vbi corpus priuatur anima: nec solum totā ipsam primam, vbi anima, & à Deo, & à corpore separata punitur: sed quicquid mortis est vsque ad nouissimam, quæ secunda dicitur, & qua est nulla posterior, comminatio illa complexa est. De his igitur tribus mortibus, earumque partibus, & appendicibus, maximè verò de prima & secunda, (Nam de tertia, quatenus sensus pœnam adiunctam habet, alibi à nobis scriptum, & disputatum est fusè) iam nunc ordine differemus, breuiter id tamen & succinctè.

Nullus non mortis reatū adducit orig. peccatum.

“ Genes. 2.

“

Aug. lib. 13. c. 11. de ciuit.

In dispu. de Inferno.

Prima igitur, non tempore, nec malignitate, sed explicationis serie, mors carnis esto. Mortis autem nomine completimur hoc loco omnes mortis comites, & antambulones, vt sunt fames, sitis, mœror, luctus, ægritudo, senium, & sexcenta id genus alia, quæ à primo vitæ ortu, vsque ad vltimum eiusdem vitæ halitum, consumunt & perimunt. Nec enim putandum est tunc demum mortem vim suam adhibere, cùm interimendi finem facit: Nam vbi primùm in vitam hanc ingredimur, statim nos mors ponè à tergo insequitur, ipsamque vitā continuò conficit atque consumit: nec cõficere vnquam

Mors corporis completimur non solum vitæ finem, sed cetera quoque omnia, quæ viam ad illā muniant.

Simul viuere & mori incipimus.

desinit, donec tandē vniuersam exhauserit. Sed diuū Augustinum ea de re paucis, & clarē differentem audiamus.

Lib. 19. c. 10.
de ciuit.

Ex quo, inquit ille, quisq; in isto corpore morituro esse coeperit, nunquā in eo non agitur, vt mors veniat. Hoc enim agit eius mutabilitas toto tēpore vitæ huius, si tamen vita dicenda est, vt veniatur in mortē. Nemo quippe est, qui non ei post annum sit, quā ante annum fuit, & cras quā hodie, & hodie quā heri, & paulò post quā nūc, & nunc quā paulò antè propinquior: quoniam quicquid temporis viuatur, de spatio viūdi demitur; & quotidie fit minus minusque, quod restat: vt

Hodie morti
viciniores q̄
heri.

omnino nihil sit aliud tempus vitæ huius, q̄ cursus ad mortem. In quo nemo vel paululum stare, vel aliquando tardiùs ire permittitur: sed omnes vrgentur pari motu, nec diuerso impelluntur accessu. Neq; enim cui vita breuior fuit, celerius diem duxit, quā ille cui longior: sed cū æqualiter equalia momenta raperentur ambobus, alter habuit propius, alter remotius, quò non impari velocitate ambo currebant. Aliud est autē

Tempus vi-
tæ, cursus ad
mortem.

A quo passu
omnes ten-
dunt ad mor-
tem.

Qui diutius
viuit, non ci-
tius currunt,
sed plus spa-
tij cōficiūt.

amplius vitæ peregrisse, aliud tardiùs ambulāsse. Qui ergo vsque ad mortem productiora spatia temporis agit, non lentiùs pergit, sed plus itineris cōficit. Porro si ex illo quisq; incipit mori, hoc est, esse in morte, ex quo in illo agi coeperit ipsa mors, id est, vitæ detractio: quia cū detrahendo finita fuerit, post mortem iam erit, non in morte: profectò ex quo esse incipit in hoc corpore, in morte est. Hec Augustinus, & alia multa in eandem sententiam.

Nec secus de vitæ huius miseria, & breuitate, continuoque ad mortem cursu seribunt, ac conqueruntur alij Theologi & Philosophi. Nec hoc sanè non verissimè, & iustissimè. Quis enim continuum quoddam inter mori meritò non censeat, etiam si tempus pedem figeret, in curis tristissimis, in laboribus immēsis, in luctu & lachrymis assiduus, in terra hac inculta, vepribus & sentibus obsita, inter tot noxia & infesta animantia, inter tot pericula & vitæ discrimina miserā hanc & ærumnosā vitā ducere? Nec obstrepat nobis hīc quispiam,

Vita præfens
propter ingē-
res miseria,
quas adiun-
ctas habet,
mors est ve-
ritas, quā
vitæ.

ac miserorum hæc esse dicitur: sunt enim omnium promiscue,
etiam si qui felicissimam vitam agere videantur.

Magnificauit opera mea, (inquit Salomon, sapientia ceterisq; omnibus, quæ, vel expeti, vel obtingere in mortali hac vita possunt, Regum omnium florentissimus) & edificauit mihi domos, & plantaui vineas, feci hortos & pomaria, & conserui ea cuncti generis arboribus. Et extruxi mihi piscinas aquarum, ut irrigarem syluam lignorum germinantium. Possedi seruos & ancillas, multamque familiam habui: armenta quoque & magnos ouium greges ultra omnes qui fuerunt ante me in Hierusalem. Congregavi mihi argentum & aurum, & substantias regum & prouinciarum. Feci mihi cantores & cantatrices, & delicias filiorum hominum, scyphos, & vrceolos in ministerio ad vina fundenda. Et supergressus sum opibus omnes qui ante me fuerunt in Hierusalem. Sapientia quoque perseuerauit mecum. Et omnia quæ desiderauerunt oculi mei, non negavi eis: nec prohibui cor meum quin omni voluptate frueretur, & oblectaret se in his quæ præparaueram: & hanc ratus sum partem meam, si vterer labore meo. Cumque me conuerterem ad vniuersa opera mea quæ fecerant manus meæ, & ad labores in quibus frustra sudaueram, vidi in omnibus vanitatem & afflictionem animi. Hæc ille de præsentis vi-

ta ærumnis, etiam si vulgò beatissima habeatur. Et

de prima, vel corporis morte tantum: nunc

de animæ seruitute, & morte non-

nulla quoque depro-

namus.

Si vira huius
deliciæ & di-
uitiæ sunt me-
re afflictiones
& vanitates,
quantæ sunt
ipsæ afflictio-
nes, & vani-
tates?

X 3

Amiffa,

*Amiffa, per inobedientiam, iustitia & fanctitate, hominem mox in
ruborem & infirmitatem, iniustitieque & Sathana
feruiturem incidisse.*

TRACTATUS DVODECIMVS.



Egimus, naturæ authorem hominem mente quidē condidisse sagacem ac prouidum, voluntate autem rectum, corpore verò firmum & validum: Sathanam porrò, quòd tantæ illius felicitati inuideret, per mulierem ab hac illum felicitate, & voluntatis rectitudine deijcere molitum esse, & reipsa quoque deieciſſe: non quòd dolo illum per mulierem ceperit, vt mulierem ille ceperat per colubrum; (nec in Adam fuit ſeducſus, ſed in Eva) ſed quòd animi illius conſtantiam per blandam mulieris orationem fregerit. Etenim vt Aaron erranti populo ad idolum fabricandum non conſenſit inductus, ſed ceſſit obſtrictus: nec Salomon, ſacrilego idolorum cultu ſe polluit, quòd idolis ſeruicium eſſe crederet, ſed quòd ſœminarū importunitati, ne quid ægrè amor ſuo accideret, morem gerere veller: ita exiſtimandum eſt Adamum quoque Eue ad diuinę legis tranſgreſſionem malè prouocanti, non tanquam verum loquēti credidiſſe ſeducſum, ſed ſociali quadam neceſſitudine ac beneuolentia paruiſſe deuiatum.

Verumenimuerò licet non ambo ſint decepti credendo, ambo tamen ſunt capti, & diaboli laqueis irretiti peccando. Et quidem eò capti iuſtiùs, & implicati inextricabiliùs, quò poſt præceptum violatum ſuperbia elati, vel errore exæcati ſe excuſarunt imprudentiùs. Nuſquam enim hîc vlla omnino perſonabat, aut proprię culpę incuſatio, aut ſupplex veniæ petitio, aut conſtans medicinę imploratio. Quid enim ille?
 “ Mulier, inquit, quam dediſti mihi, hæc mihi dedit de ligno, &
 ” comedi, quaſi dicat: Si lapſus ſum, nō mea, ſed mulieris, quam dediſti mihi, culpa lapſus ſum: huic, ſi quid criminis admiſſum eſt,

1 Tim. 2.

Exod. 32.

Aug. lib. 14.
c. 11. de ciuit.

Adam vt Aaron & Salomon lapſus.

Adam peccauit & excuſauit, & hoc grauius egreſſus.

est, imputetur, non mihi. Sed nunquid mulier crimen in se reiectum agnoscit? minimè verò. Interrogata nanque, Cur hoc fecisti? nihil cunctata, suam in serpentis fraudem noxam mox transfert. ait enim: Serpens decepit me, & comedi.

Quia ergo contemptus est Deus iubens, qui hominē creauerat, qui ad suam imaginē eum fecerat, qui ceteris animantibus præposuerat, qui in paradiso constituerat, qui rerum omnium copiam salutisquē præstiterat, qui præceptis, nec pluribus, nec grauib, nec difficilibus onerauerat, sed vno tantum, eodemquē breuissimo atque leuissimo, ad obedientiæ salubritatem adminiculatus fuerat, quò super eam creaturam, cui libera seruitus expediret, se esse Dominum commonebat: eiusmodi damnatio in hominē irruit, vt qui mandatum custodiendo futurus erat in carne spiritalis, mente, non corpore tantum fieret omnino carnalis; & ita quidem carnalis hebes, cæcus, & miserabilis, vt eum ipsum etiam, quem vt vnicum salutis medicum, certumquē in tantis illis malis, in quæ se deiecerat, solatium omni studio inquirere, summoquē honore & reuerentia prosequi iure meritoquē debebat, haud aliter ferè ac hostem capitalem fugeret, ac formidaret. Constat enim, vt primùm funestis epulis sacratissimum illud fœdus perfidè violâisset, statim ex scelerum conscientia, veluti vefania quadam actum, latebras omnes, quibus se à conspectu Dei omnia prouidentis, intimosquē animorum recessus penitissimè introsipientis, occultaret, anxie perquisuisse, atq; adeò inter opacas pardisi arbores instar fugitiui cuiuspiam mancipij sese abdidisse. Cùm, inquit Scriptura, audiuiissent vocē Dei deambulantis in paradiso ad auram post meridiem, abscondit se Adam & vxor eius à facie Domini Dei, in medio ligni paradisi.

Et vnde, quæso, hic tantus metus, tam repentiè obortus? hæc tanta mentis titubatio, & inconstantia? hæc tanta, ac tam anxia de contegendis obscœnioribus corporum partibus sollicitudo? (Nam & campestria quoque sicuum frondibus obi-

Aug. lib. 14. c. 15. de ciuit.

Ad eū dū duntaxat, illudq; leuissimū, præceptū datum.

Qui in carne futurus erat spiritalis, mente, propter peccatum factus est carnalis.

Adamus fugit vt hostem, quem complecti debuit vt patrem.

Genes. 3.

cc

Adam post
peccatū sen-
sit se nudum
& exarmatū.

Aug. lib. 3. c.
13. de ciuit.

Adamus de-
ferēs Domi-
num, ad serui-
sui seruitium
reductus est.

Primi patres
iustitia vesti-
ti, externa ve-
ste nulla in-
digeant.

Lib. 13. c. 13.
de ciuit.

Adam & Eva
non erant ce-
ci, neque nu-
ditas suā
ignari.

Genes. 3.

ter inter se confertis sibi confecisse leguntur) Inde nimirum, quia simulatque mortiferum illud serpentis venenum incaute hausissent, cuestigio se nudos & exarmatos, omni que cultu, quo antè intus forisque nitebant, turpiter exutos animaduuerterunt. Senferunt enim nouum quendā inobedientis carnis suæ motum, tanquam reciprocā pœnam inobedienciæ suæ. Iam quippe anima libertate in peruersum propria delectata, & Deo dedignata seruire, pristino corporis seruitio destituebatur. Et quia superiorē Dominū suo arbitrio deseruerat, inferiorem famulum ad suum arbitrium non tenebat: nec omnino subditam habebat carnem, sicut semper habere potuisset, si Deo subdita ipsa mansisset.

Sanè antequam capitale illud facinus consciuissent, veste, qua nudas corporis partes tegerent, nulla indigebant. Nec enim quicquam tunc extabat, quod vllam illis quantumlibet nudis, aut verecundiam cōciliaret, aut molestiam pareret, aut » periculum adferret. Et erat vterque nudus, inquit Scriptura, » Adam scilicet, & vxor eius, & non erubescabant. Hic Augustinus: Nudi erant ambo, nō quòd eis sua nuditas esset incognita, sed turpis nuditas nondum erat: quia nondum libido membra illa præter arbitrium commouebat: nondum ad hominis inobedientiam redarguendam sua inobedientia caro quodammodo testimonium perhibebat. Neque enim cæci creati erant, vt imperitum vulgus opinatur: quandoquidem & ille vidit animalia, quibus nomina imposuit, & de illa legitur: Vidit mulier quia bonum est lignū in escam, & quia placet oculis ad videndum. Patebāt ergo oculi corū, sed adhuc nō erant » aperti, hoc est, non attenti, vt cognoscerent quid eis indumento gratiæ præstaretur, quando membra eorum voluntati repugnare nesciebant. Qua gratia remota, vt pœna reciproca inobedientia plesteretur, extitit in motu corporis quædam impudens nouitas, vnde esset indecens nuditas: & fecit attentos, reddiditque cōfusus. Ante peccatum ergo, & nudi erant, & cognoscentes erant, & tamen non erubescabant.

At

At verò post facinus indignum patratum, post amissum
cœlestis numinis fauorem, cùm iam animorum nuditatem
vidissent, & quam in sceleris susceptione, cupiditate occæcati,
cernere non poterant turpitudinem, quæ ex animorum con-
fusione in ipsa quoque corpora redundabat, conspicati essent,
iam tum demum, quòd animos nō possent, corpora turpitu-
dine affecta obtegere conati sunt: siquidem vitæ innocentia,
iustitiæque, & sanctitate deperditis, animoque omnibus ijs
opibus, quibus antè splendebat, viresq; omnes in officio con-
tinebat, & ipsum nihilo minùs corpus ab omni iniuria tueba-
tur, denudato, insigne mox dedecus, ac turpitudinis in vtriusque
corpore erupit: Cui cùm alia re non possent, arborum frondi-
bus, & larebris, & fuga consulere nequicquam conati sunt.

Cùm animos
non possent,
corpora tege-
re conati
sunt.

O miram inopiam, ex summa opulentiâ & rerum omnium
affluentia tam subitò natam, ac tam latè propagatam? Nec
enim vllus omnino extat iudicio & ratione valens, cui obscœ-
næ illæ corporis partes, si fortè nudæ deprehensæ fuerunt, ru-
borem non adferant. Vnde omnes omnino gentes, populi, &
nationes, vsque ad eò insitum tenent secretas corporis partes
velare, vt quidā alioqui barbari illos corporis artus ne in bal-
neis quidem nudos habere sustineant. De opere porrò ipso,
quod partiū eiusmodi ministerio peragitur, non est quòd pro-
lixè hîc differamus. Constat enim propter insignem rei obscœ-
nitatē, non solùm adulteros, & scortatores, sed legitimos quo-
que coniuges latibula, & ab arbitris secessus perquirere. Vnde
hoc, inquit Augustinus, nisi quia sic geritur, quod deceat ex
natura, vt etiā quod pudeat, comitetur ex pœna? & quibusdā
interiectis subditidem: Hoc illi canimi philosophi, hoc est, Cy-
nici non viderunt, proferentes contra humanā verecundiam,
quid aliud quàm caninam, hoc est, inimūdam impudentemq;
sententiam: vt scilicet quoniam iustum est, quod sit in vxore,
palàm non pudeat id agere. Vicit tamen pudor naturalis opi-
nionem huius erroris. Hęc ille, & multa præterea alia de rubo-
re illo, & crubescencia, ex primi hominis transgressione nata,

Ex summa co-
pia mira ino-
pia cōsecuta.

Post peccatū
corporis nu-
ditas om̃ibus
ratione vten-
tibus ruborē
adfert.

Lib. 14. c. 18.
De ciuit.

Cap. 20.
Cynicorum
impudentia
indignia.

& in vniuersum hominum genus latè diffusa.

Omnium vir-
tū quassatio
ex peccato
consecuta.

Peccatū na-
turam non
euerit.

Nulla in ho-
mine pars,
quæ per pec-
catum vulnus
aliquod non
acceperit.

Vulnera natu-
ræ, non sunt
veræ aliquæ
naturæ, sed
communis
naturæ defe-
ctus.

Cur naturæ
vulnera habi-
tū nomine
designantur?

Non solum
orig. pecca-
tū, sed cætera
quoque pecca-
ta naturam
vulnerant.

Verū vt nullum ferè malum soleat esse solitarium, ex mi-
serando illo bonorum omnium spiritalium naufragio, non ea
solum, de qua nūc obiter differuimus, verecundia, & genitaliū
membrorum inobedientia cōsequuta est, sed ingens præterea
totius hominis quassatio, viriumq; omnium, & partiū eiusdem
perturbatio: Non quod natura ipsa sit interuersa, aut in alterā
demutata, aut quod naturales illius facultates sint extinctæ,
aut penitus euerse: sunt enim illæ, manentq; secūdum substan-
tiam eēdem in vtroq; statu: sed quod virtutū *παραωλία*, qua antè
munita erat, detracta, effecta sit egra, & ad præstandū constan-
ter & cum dignitate officiū inualida. Nam & intellectus in ple-
risq; vehementer caligat, & inferiorum virium libido plūs æ-
quo feruet, & portio, quā irascibilem appellant, ad ardua egrè
admodum assurgit, & voluntas compescendis inordinatis
concupiscentiæ motibus parum gnauiter incumbit, denique
nulla in homine reliqua est portio, quæ per peccatum vulnus
aliquod non acceperit.

At hæc interim, siue inscitia, siue malitia, siue cōcupiscenti-
a, siue etiam ignauia vulnera, non sunt verè aliquæ naturæ,
aut veri habitus: sed quædam tātū egritudines, vel orbitates,
vel virium destructiones. Nam sublata per peccatū originis ius-
titia, turbatus est corū ordo, dissolutus concentus, enervatus
vigor. Significantur aut hæc vulnera habitus nomine quan-
doque: Quia vt veri habitus diurni sunt, & hominē ad ope-
randum agilem, & expeditū reddunt: ita hæc quoque, & diu mul-
tumq; durant, & hominem, cui insunt, ad patiendū idoneū effi-
ciunt, vel certè ad resistendum infirmum, ac inidoneum. Nec
mirum sanè videri debet naturæ peccatū aliquid eiūsmodi in-
firmitatis peperisse, aut in cōmodi attulisse, cum per similes lā-
guiores, & animi egritudines, cætera quoque peccata, p̄gignere
soleāt. Certum est enim quod quisque peccatis magis laxauerit
fræna, cō diuinis rebus capeffendis hebetiorē, coercēdisq; cō-
cupiscentiæ motibus infirmiorē sensum reddi. Imò verò multi-
plicatis

plicatis subinde sceleribus, vulnera isthęc ad eò nonnunquam incrementum, vt hominem in apertam quodammodo desperationem adigant. Quoties audire contigit, qui dicerent, se non posse, aut tentationibus resistere, aut ab hoc vel illo flagitio desistere, aut aliàs officium facere?

At quia vbi iustitia & sanctitas exulant, ibi necessàriò impunitas & iniustitia regnât: (Sunt enim hęc pugnantiũ more inter se succedanea) accidit vt homo per eandem illam Adam præuaricationem efficeretur seruus peccati & iniustitiæ, indomitęq; libidinis & cõcupiscentię mancipiũ: iuxta illud: A quo quis superatus est, huius seruus est. & illud rursum: An nescitis quoniã cui exhibetis vos seruos ad obediendũ, serui estis eius, cui obedistis: siue peccati ad mortem, siue obeditionis ad iustitiam? & illud demum: Qui facit peccatum, seruus est peccati.

Ex graui hac autem naturę infirmitate, ferreaq; peccati seruitute, ac sęua concupiscentię tyrannide, prouenit, vt plerique filiorũ Adę in multis cęcuriant multũ, sępius labantur, officium negligant, & leui pulsati tẽtatione facili succũbant. Nec secũs ferẽ molesta hac peccati seruitute, & libidinis tyrãnide regnum obtinente, fieri potest. Nam cũ humana mens diuinę gratiæ lumine destituta, quasi cæcis quibusdam tenebris inclusa teneatur, fit vt aliud ferme nihil cernat, nihil amet, nihil admiretur, vel exspectat, nihil ad se pertinere existimet, nisi id vnum, quod ad corporis commodum spectat.

Quã ob rem corporis cupiditati & obsequio addicta, omnia vitę consilia, & studia ad illius vnus vsũ, & ministeriũ cõfert. Et cũ in longinquũ nõ prospiciat, sed instar bruti ad id tantũ oculos cõijciat, quod ante pedes iacet, & fallaci quadam specie carnis sensum oblectet, & allestet: fit vt diuina rarò cõsideret, rariũs cœlestis numinis opem candidè & ex animo imploret, nisi tũ forsan, cũ grauibz iactatur incõmodis, rarissimè ad seriam resipiscentiã, ac vitę emendationẽ sese cõponat.

Ad hanc peccati seruitutem, & cõcupiscentię tyrannidem, quę etiam post reconciliationẽ non infrequenter insurgit, vi-

Vbi exulat iustitia, ibi regnat iniustitia.

Homo p peccatum peccati & libidinis mancipiũ est.

1 Pet. 2. Rom. 6.

Ioan 8.

Cur filij hominum sepe impingant, & in multis multum excutiant.

Ad corporis commodum omnia consilia sua transfert mortalium sollicitudo.

Concupiscentia post reconciliationem etiamnum spirat.

resque, nisi perpetuò prematur, subiinde colligit, Apostolum spectasse existimari potest, dum sumpta communi infirmorum persona, de continua illa inter carnem & spiritum pugna, hunc in modum queritur: Condelector legi Dei secundum interiorem hominem: video autem aliam legem in membris meis, repugnantem legi mentis mei, & captiuantem me in lege peccati, quæ est in membris meis. Infelix ego homo, quis me liberabit de corpore mortis huius? Hæc Paulus

Concupis. vis
santa, vtri-
centem sur-
gere, stantem
interdum nõ
prolabi, sit
non param
arduum.

non minùs queribūdè, quàm palpabiliter verè. Tam latè nanq; in natura hoc malum dominatur, tantaq; cõtentione & vi aduersarium suum nunquam nõ vrget, vt difficilimum sit iacentem surgere, aut stantem interdum non prolabi, ac ruerè.

Ex peccati
seruitute, al-
tera Sathana
nata.

Ex hac dira porrò & improba peccati seruitute, sæuæque & inexpugnabili quodam modo domestici hostis tyrannide & dynastia (nam etsi vis hæc p gratiã ligetur ne sæuiat, nunquam tamen per illam ira premitur, vt interdum non insurgat) nata est altera diaboli æquè propemodum dira & improba: siue hoc ille dominium in vniuersum Adæ semen obtinuerit iure, siue iniusta vsurpatione, siue iusta Dei permissione, siue alia quacunque ratione. Quia, inquit Augustinus, homo sua superbia sibi placuerat, Dei iustitia sibi donatũ est, ne, sicut affectabat, in sua esset omnimoda potestate, sed à seipso quoque dissentiens, sub illo cui peccando consensit, pro libertate quam concupiuerat, duram miseramq; ageret seruitutẽ, mortuus spiritu volens, & corpore moriturus inuitus: defertor æternæ vitæ, etiam æterna, nisi gratia liberaret, morte damnatus. Hæc Augustinus.

Iib. 14. c. 15.
de ciuit.

Ad hunc diaboli in filios hominum dominatum, haud obsecrè alludunt illa Christi oracula: Nunc, ait, princeps huius mundi eiicietur foras. rursum: Venit princeps mudi huius, & in me non habet quicquam. tandem: Cùm fortis armatus custodiat atrium suum, in pace sunt ea quæ possidet: Si autẽ fortior eo superueniens vicerit eum: vniuersa arma eius auferet in quibus confidebat, & spolia eius distribuet. Sanè si diabolus est mundi

Ioan. 12.

Ioan. 14.

Luc. 11.

mundi huius princeps: si idem mundus eiusdem diaboli atri-
um existit: si homines originali, vel alio quocunque lethali
peccato obstricti, sunt illius *πρωκ*, hoc est, vasa, vel instru-
menta: consequens sit profecto, vt aliquam ille in omnes
omnino homines communi generationis lege ex Adamo
propagatos potestatem quandoque obtinuerit, quęcunque
tandem illa extiterit.

Idem Sathanę in omnes peccatores, imò verò in omnes
omnino homines iugum, (Omnes enim peccauerunt, & egent
gloria Dei) validè confirmant scripturę illę, quę Christum
Dominum mundi Redemptorem, hominum liberatorem,
demonum ac inferorum expugnatorem, alijsque id genus
nominibus appellant, ac titulis ornant. Si filius vos liberaue-
rit, inquit Christus, verè liberi eritis. Et Apostolus: Qui
eripuit nos de potestate tenebrarum, & transtulit in regnum
filij dilectionis, suę. Et alio rursus loco idem: Chirographum
decreti, quod erat contrarium nobis, tulit de medio, affigens
illud cruci, & expoliās principatus & potestates, traduxit con-
fidenter palām. Et David: Dicant nunc, qui redempti sunt à
Domino, quos redemit de manibus inimici. Alia eiusmodi
cū apud Dauidem, & alios Prophetas, tum apud veteres
quoque Ecclesię Patres, permulta occurrunt passim.

Ceterum: sęua illa & diuturna antiqui hostis in genus ho-
strum tyrannis, per filij Dei in carnem aduentum, & mortem,
ita est quassata, & infirmata, vt tamen non penitus adhuc sit
extincta: obrinet enim etiamnum in partem. Nam vt ante
Christi mortem, in scelere defunctos, abripiebat ad inferos:
ita etiā nunciis iuscemodi sceleratos ac perditos homines illò
abripit. Quę, inquit Gregorius, est manus Philistiim, nisi pote-
stas illa tenebrarum, qua mortuas in peccato animas ad æ-
terna tormenta perducunt? Ab ista Philistiim manu solus li-
ber fuerat, qui dicebat: Venit princeps huius mundi, & in me
non habet quicquam. Rursum vt idem ille communis salu-
tis nostrę hostis ante Christi Redemptoris nostri ortum obsti-

Rom. 3.

Sathanę im-

perium in ho-
mines, offen-
dit Christi pu-
gna & victo-
ria.

Ioan. 1.

Colof. 1.

Colof. 2.

Psal. 106.

Sathanę re-

gnum non pe-
nitius adhuc
euersum.Diabolus idē
ius habet in
dānos ante
& post Chri-
sti aduentum.

Ioan. 14.

Diabolus sce-
leratos homi-
nes facili ne-
gotio, quo
vult, impellit

Diabolus ius-
torum saluti
æquè nunc
insidiatur,
ac antè.
1. Pet. 5.

Amplius dia-
boli regnum
ante Christi
exortum.

Diaboli re-
gnum sensim
creuit, crescè-
tibus animi
morbis.

Diabolus rudi
adhuc mado
homines ad
gastrimargiæ
vitium indu-
xit.

Post inductâ
gastrimargiæ,
diabolus ad-

natè improbos, tanquam abiecta quædam mancipia de pecca-
to præcipites agebat in peccatum, de facinore in facinus, de
errore in errorem: ita & nunc quoque eiusmodi nequam &
impuros homines plerunque, quod vult, & ad quod vult,
nullo ferè negotio impellit. Demum ut iustorum salutem, spi-
ritualique eorum vitam varijs quondam modis & artibus
insidias moliebatur, nec id sæpe incassum: ita & hoc quoque
tempore eisdem non pareit. Semper enim, ut est apud Apo-
stolorum principem, tanquam leo rugiens circumit, quærens
quorum deuoret.

At fatendum est tamen, potestatem illam, sæuamque ty-
rannidem ante orbem redemptum multò extitisse amplio-
rem, multoque molestiorem ac periculosiorem, quam post
eundem ab interitu assertum. Quauis quoque ante id tem-
pus non æquè semper molesta, nec æquè rursus ampla exti-
terit semper. Excrescebat enim illius ditio, crescentibus
paulatim animorum morbis, & hominum vitijs. Nam ut in
reliquis rebus nihil repente solet esse perfectum, sed ab ali-
quo rudimento initium fiat oportet: ita scelus quoque &
improbis non statim ad summum fastigium euasit, sed à
paruis exorsa vires paulatim & incrementa suscepit.

Primò nanque callidus ille & versipellis scelerum inuen-
tor sat habebat, si illos, quos in vtranque seruitutem scelere
suo coniecerat Adamus, ad gulæ ventrisque studium ut-
cunque excitaret. Vnde qui diluuium antecesserunt, non li-
gna aut lapides coluisse, aut productitium quippiam numi-
num loco habuisse cognoscuntur, sed edisse, & bibisse, nupsi-
seque, ac nuptui tradidisse. Ad quas res *μυρίστρος* ille cō faci-
lius hominē inducere potuit, quò ex carne & sanguine cōcre-
tus, peccatoq; deprauatus, ac intestino cōcupiscētiæ incendio
inflāmatum prior ad ea fertur, quæ sensum aliqua suauitate &
oblectatione perfundūt, quæ ad illa, quæ eundē carnis sensum
spiritus imperio subijciunt. Verum hoc gastrimargiæ funda-
mento utcunque iacto, ad varias mox planeque nefarias car-
nis

nis libidines progressus factus est: Inde tandem ad absurdissimas quasque idolomanias, vanissimasque de Deo, diuinis que rebus opiniones ascensum est. Quauis & hic quoque non statim ad ipsam arcem peruentum sit, sed quidam quoque gradus & incunabula intercesserint.

Etenim cum veterum plerique flagitijs illis, quorum modo meminimus, maiorem in partem contaminati, Deum inuestigarent, (*Abel* enim vitam sustentare se posse omnino diffidebant) neque mentem tamen a sensibus ac rebus corporatis auocatam ad spiritalia & incorporata transferrent: neque hinc illam transferre sedulo aliquando studerent, rudi Minerva, perfunctorieque illis Deum querentibus, vix vlla alia, quam corporeæ species occurrebant. Ex qua re consequabatur, ut Deo haud secus atque homini corpus, corporeorumque membrorum lineamenta affingerent, diuersasque res corporatas, crescentibus paulatim erroribus, & mentium tenebris subinde gliscentibus, Deorum loco haberent, ac colerent.

Quam ob rem cum Solem, & Lunam, ceteraque sidera admirabili splendore, egregiaque venustate toto sparsim caelo micantia viderent; suaque vi & energia inferiora hæc vegetare, continere, ac tantum non administrare animaduertent: (experimur nanque admirabiles quosdam, ac plane diuinos cum Solis & Lunæ, tum reliquorum quoque astrorum in orbem hoc sublunari effectus) gloriam, quæ soli Deo debetur, eque stolidè ac impiè ad opera illius transferentes, cælorum exercitui diuinos honores decreuerunt.

Mox cum terreni corporis pressi pondere, rutilum astrorum splendorem diu contemplari non possent, aut etiã non vellent, deosque iam non in caelo, aut aliàs procùl positos, sed in terra sibi quærent; vel metu impulsì, vel tyrannidi turpiter aduolati, ipsos mundi dynastas in dijs habere cœperunt. Hinc tandem ad eam amentiam plurimi ex illis progressi sunt, ut totum illud, quod, vel amarent, vel metuerent, religioni consecra-

duxit nefarias carnis libidines.

Reliquorum flagitiorum fundamentum iacto, Sathan tandem Colophonis loco superinduxit variâ idolomaniâ.

Veteres res corporeas deorum loco habuerunt, & coluerunt.

Magnæ astrorum vires in locis his sublunaribus.

Cælorum exercitui diuini honores decreti.

Mundi dynastie numinum loco habit.

Totum illud antiquitus colebatur, quod

rent;

amabatur, vel
formidaba-
tur

rent; imò verò vt immanes belluas, humiq̃ue nascentes fru-
tices publicè adorarent.

Læta exultat
improbitas.

Lariss. diabo-
li regnum an-
te Christum
datum.

Fœdiss. &
immaniss.ima
veterum sa-
cra & sacri-
cia.

Sic itaque vsu venit, prout in tanta morum deprauatione,
tantaq̃ue hominum cæcitate, & impietate secùs euenire non
poterat, vt lætè vbique exultarent impietas & improbitas,
humaniq̃ue generis hostis erectus, ac alacer toto passim or-
be circunuolitans, vniuersum humanum genus non solùm
indomitè cupiditatis vinculis alligatum teneret, verùm etiam
impurissima superstitione constrictum, grauissima seruitute
miserimè premeret. Tantus enim furor, tantaq̃ue amentia,
& cæcitas multorum mortalium mentes obsederat, vt nu-
men non satis placare se posse crederent, nisi phana omnia
dedecore ac turpitudine fœdè contaminarent. Nam & virgi-
nes in deorum honorem publicè prostituebant, & delubra
humano cruore nefariè polluebant, & proprios liberos ad
deorum aras crudelissimè mactabant, & immolabant. Deniq̃;
nullum tam execrabile vitium, aut flagitium extat, quod Sa-
crorum suorum procurationi miserimi illi homines non ad-
miserent.

Adæ præuari-
catione in-
dira iniusti-
tiæ & Satha-
næ seruitutē
coniecti oēs.

Patet ergo in quàm duram & improbam iniustitiæ & Sa-
thanæ seruitutem Adæ præuaricatio deiecerit omnes, quan-
tumq̃ue spiritalis illa animæ mors regnum in vniuersum
mortalium genus aliquando obtinuerit, & etiam nunc obri-
neat in multis passim. Restat vt de originalis peccati pœnis,
post decursum præsentis vitæ spatium, nonnulla quoque
in medium adferamus. Nam & hæc quoq̃; dispu-
tatio controuersie huius explicatio-
ni non parum lucis
adferet.

Originis

*Originis peccatum nulla sensibili pœna, post vitæ huius curriculum plecti;
sed tantum exilio, & pœna damni.*

TRACTATVS TERTIVS DECIMVS.



Vidimus in partem, quid peccatum, quid item diabolus per peccatum in eos possit, qui in vitæ huius stadio etiamnum decurrunt: nunc paucis explicandum est, quid iuris in illos habeat, qui luce hac vitali defuncti, ad alterum vitæ vel mortis genus hinc translati sunt. Et quidem vnum hîc certum est: nempe neutrum horum quicquam omnino in eos posse, aut iuris habere, qui beata immortalitate cum Christo Redemptore iam potiuntur. Sunt enim illi, de quibus scriptum extat: *Qui sedet in throno, habitabit super illos.* Non esurient neque sitient amplius, neque cadet super illos sol, neque vllus æstus: quoniam Agnus qui in medio throni est, reget illos, & deducet eos ad vitæ fontes aquarum, & absterget Deus omnem lachrymam ab oculis eorum.

Peccatum & mors & Sathan nihil possunt in beatos.
cc Apoc. 7.

Aequè certum & indubitatum est, quicquid peccatum, vel diabolus in homines iusto Dei iudicio sempiternis ignibus addictos poterat ante Verbum incarnatum, hoc ipsum & hac quoque tempestate posse, & semper potuisse. Siquidem incarnatio isthæc nihil omnino præsidij, aut solatij abiectis illis inferorum mancipijs attulit. Quare si quod ius Sathan ante filij Dei in carnem aduentum in istiusmodi sceleratos homines habuit, hoc ipsum & nunc quoque integrum obtinebit. Contra verò si nihil tunc ipsi in illos licuit, neq; nunc quoque aliquid in eosdem ipsi licebit. At licuit ipsi in illos citra omnem controuersiam non parum.

Aequa semper Sathan potestas in damnatos.

Christi adiutus nihil præsidij attulit damnatis.

Quid porro, quantumq; cruentæ illi bestię in patres, qui ante orbem redemptum in inferorum limbo detinebatur, permissum fuerit, id nonnullâ fortè quæstionē recipit. Nā & Christus captiuitatem captiuam duxisse, & portas æreas & vinctes ferreas

Ephes. 4.
Psal. 106.
Heb. 2.

1. Cor. 15.
Osec 11.

„ confregisse, & diabolus vsq; ad eiusdem Christi mortē, mortis
„ imperium tenuisse legitur: Quæ omnia in omnes & singulos
ad cœleste regnum nondum admissos, nonnihil iurisdictionis
ac potestatis tartareo illi draconi tribuere videntur.

Diabolo ni-
hil in eos li-
cuit, q̄ in in-
ferorū lim-
bo detinebā-
tur.

Veruntamen, hoc autoritatum pondere non obstante,
oppositū multò pbabilius asseritur. Erant enim ad vnū omnes
selecti Dei amici, in charitate & gratia confirmati, carnisque,
& nūdi, & dēmonis victores declarati. Quare & Lazari quoq;
anima non per dēmones, sed p̄ Angelos ad Abrahæ sinū depor-
tata scribitur. Erant nihilominus ante persolutū redemptionis
precium diui illi verè captiui, sed id Dei, non etiā diaboli. Vo-
luit enim Deus, vt istic ab omni interim dolore & luctu, nisi
quem fortè mora, vel melioris vitę desiderii peperisset, im-
munes tantisper opperirentur, dum per Christi sanguinem in
primam libertatem assererentur.

Patres in lim-
bo erant ca-
ptiui, sed Dei,
non diaboli.

Probabile sit,
diabolū nul-
lū in eos vim
exercere, qui
detinentur in
Furgatorio.

Et quod de sanctorum patrum spiritibus non absq; magna
pbabilitate hoc loco asruitur, hoc ipsum & de ijs quoq; astrui
fortassis queat, qui, vel tunc in purgatorijs poenis distineban-
tur, vel etiam nunc in iisdem detinentur (par nanq; vtrorunq;
videtur ratio) Nā & hi quoq; Deo sunt oppidū chari, & in gra-
tia stabiliti, illustremq; de carne, diabolo, & mundo victoriam
consecuti. Sunt tamen, qui istiuscemodi demortuorum spiri-
tus non ab omni prorsus dēmonum vexatione insultuq; libe-
ros degere existimant. Quorū sanè opinatio etsi minùsquàm
altera huic aduersa recepta sit, non est tamen omnino vana.
Quauis enim nullum in illis extet peccatum saltem grauius,
extant tamen quædam adhuc peccatorum reliquæ, quas De-
us Opt. Max. dēmonum ministerio perinde istic punire & ex-
piare potest, atque eas eorundem opera non infrequenter in
hoc seculo punire & expiare consuevit.

Deus iustorū
peccata in
hac vita dē-
monū opera
interdū ple-
cit.

Sunt, qui in-
fantibus non
renatis vtrāq;
penam decernant,

Tota itaque difficultas est de infantibus ante rationis vsu-
ram, nullo fidei Sacramento suscepto, extinctis. Sunt enim,
qui vtranque poenam illis decernant. Nam cū ad illorum
ordinem non pertineant, (aiunt illi) qui lætum illud, Venite
bene-

benedicti, olim audituri sunt: restat vt illorum gregi accenseantur, in quos horribile illud fulmen, Discedite à me maledicti in ignem æternum, sub seculi finem casurum dinoscitur. Aeterni autem ignis nomine vtraque pœna designari asolet. Hanc Scripturę authoritatem huiusmodi ratione fulciunt: Si (inquiunt) istiusmodi pueri nulla post hanc vitam sensili pœna afficerentur, sed nudo tantum exilio à regno multarentur, disparibus meritis par pœna irrogaretur. Constat enim hanc exilij pœnam in eos quoque conuenire, qui in puris naturalibus vita defuncti forent: siquidem citra gratiæ præsidium nullus omnino ad cœleste regnum admittitur.

Citra gratiam non patet aditus ad cœleste regnum.

Sanè quicquid sit de alijs, certum est omnes illos in imminentem hanc sententiam impingere, & necessariò impingere, quicumque, & quocunque recens natis propriam malitiam tribuunt, propriam, inquam, & actualement. Quales vtique sunt omnes illi pseudotheologi, qui originis peccatum eiusmodi vitium esse definiunt, quo totus homo secundum omnem sui partem aduersatur Deo: quòque ea omnia, & animo probat, & voluntate expetit, & reliquis omnibus viribus sectatur, quæ eidem displicent. Nam, vt isti pleno ore clamitant, peccatum hoc non solum complectitur habitualementis cecitatem, eiusdemque tarditatem & ignorantiam, voluntatis rursus peruersitatem, & concupiscendi pronitatem; sed actualement quoque Dei contemptum, eiusdemque odium & fugam, incredulitatem item & desperationem, & alia id genus complura, quorum supra meminimus.

Lutherani & Buceriani non regeneratis vtranque peccatam necessitudo decernunt.

At quia communis tantum sensus iudicio vti animaduertunt, hæc tanta scelerum portenta in teneram illam ætatem cadere non posse, quidam ex illo grege aiunt, nihil vetare, quò minus statuatur diabolus ea omnia in infantium animis operari, quæ in adultorum mentibus efficit, maxime verò diffidentiam & incredulitatem, qua, & fidei sint inimici, & in legem sibi inditam committant. Nam alias, inquiunt

Bucerus.

ijdem, nondum renati iuste damnari non possent, propterea quod Deus neminē damnare soleat, neq; iuste quoq; damnare queat, cui propria iniquitas aut peccatum nullum inest. Hęc illi perabsurdē quidem, suis tamen principijs neutiquam dissentaneē. Nam si nulli omnino, ne vnus quidem diei infanti, citra proprium fidei actum obtingit vita, vt isti palam docent: consequens fit vt damnatio vel mors in nullum quoq; deficiat, qui propria culpa vacat. Deus nanque æquē propensus, vel etiam propensior est ad ignoscendum & miserandum, quàm ad damnandum & puniendum.

Sunt, qui infantes nō renatos ab vtraque pena eximant.

Lib. 2. de ani.
orig. c. 10.
Vincentius
Victorinus.

Sunt alij, qui in alterum extremum dilapsi, eiusmodi infantes, vbi primū hac luce perfunguntur, ad beatam illam immortalitatem statim transferri opinantur. Hoc errore, præter Pelagianos, Vincentium Victorinum quoq; laborasse constat. Verba illius, allegante Augustino, sic habent: Ausim dicere, istos (infantes citra Baptismi Sacramentum extinctos) peruenire posse ad originalium indulgentiam peccatorum, non tamen vt cœleste inducantur in regnum: sicut latroni confessio quidem, sed non baptizato, Dominus non cœlorum regnum tribuit, sed paradisum, cū vtique iam manaret, Nisi quis renatus fuerit ex aqua & Spiritu sancto, non intrabit in regnum cœlorum: præcipuē quia multas esse mansiones apud patrem suum Dominus proficitur. Haftenus Vincentius: sed longē aliter Augustinus.

Luc. 23.

Ioan. 3.

” vtique iam manaret, Nisi quis renatus fuerit ex aqua &
” Spiritu sancto, non intrabit in regnum cœlorum: præcipuē
quia multas esse mansiones apud patrem suum Dominus proficitur. Haftenus Vincentius: sed longē aliter Augustinus.

Aug. lib. 2. c.
10. de orig.
anim.
Augustinus
impugnat
Vincentium
Vict.

Gernis, ait ille, hominem paradisum & mansiones, quę sunt apud patrem, separare à regno cœlorum, vt etiam non baptizatis abundent loca sempiternę felicitatis. Nec videt cū ista dicit, ita se nolle baptizati cuiuspiā paruuli mansionē à regno cœlorū separare, vt ipsam Dei patris domum, vel aliquas partes eius inde separare non timeat. Neque enim Dominus, in vniuersitate creaturę, vel in qualibet vniuersitatis parte, sed in domo patris mei, dixit, mansiones multę sunt. Quo modo ergo erit in domo Dei patris non baptizatus, cū Deum patrem habere non possit nisi renatus? Verūm
idem

Qui Deū non
habet patrē,
non potest ha-
bitare in Dei
patris domo.

idem ille Vincentius, vel sui oblitus, vel aliter persuasus, alibi ipsummet cœleste regnum eiusmodi paruulis polliceri non dubitat.

Cum de illis paruulis, inquit idem Augustinus, qui morte præueniuntur priusquam baptizentur in Christo, respondere voluisset, ausus est eis promittere non solum paradysum, verum etiam regnum cœlorum: non inueniens, quâ exiret, ne Deum animas innocentes dicere cogeretur æterna morte damnare, quas, nullo merito præcedente peccati, carni inserit peccatrici. & paucis interiectis subdit denuo: Videns ergo, in quam se profunditatem naufragosi gurgitis iccerit: Sanè, inquit, pro illis oblationes assiduas, & offerenda iugiter sanctorum censo sacerdotum sacrificia. Contrà Augustinus: Ecce aliud, vnde nunquam exiturus est, nisi eum dixisse poeniteat. Quis enim offerat corpus Christi, nisi pro eis qui mēbra sunt Christi? Ex quo autem ab illo dictum est: Nisi quis renatus fuerit ex aqua & Spiritu sancto, non potest intrare in regnum Dei. & alio loco, Qui perdiderit animam suam propter me, inueniet eam: nemo sit membrū Christi, nisi aut Baptismate in Christo, aut morte pro Christo. & caput absolvens, ait:

Nemo ergo non baptizatis paruulis inter damnationem & regnum cœlorum promittat quietis vel felicitatis cuiuslibet atque vbilibet quasi medium locum. Hoc enim eis etiam hæresis Pelagiana promissit, quia nec damnationem metuit paruulis, quos nullum putat habere originale peccatum: nec sperat eis regnū cœlorum, si non perueniunt ad Baptismatis Sacramentum. Ille autem cum confiteatur paruulos originali obstrictos esse peccato, eis etiam regnum cœlorum non baptizatis ausus est polliceri. Quod nec illi ausi sunt, qui eos asserunt sine vllō prorsus esse peccato. Huc vsq; Augustinus contra Vincentium Victorinum.

In hunc Vincentinum errorē apertè cōcedunt Calviniani, & Zuuingliani omnes. Nam etsi illi non omnibus promiscuè vitam æternam polliceantur, sed ijs tantum qui ex Christianis

Lib. 1. c. 9.

Vincentius, sui oblitus, non tenatis, modò intra, modò extra cœlum beatitudinis locum assignat.

Corpus Christi, tantum p mēbris Christi offerri debet.

Ioan. 3.

Matt. 10.

Marc. 8.

Luc. 9.

Pelagiani paruulis non renatis promittunt beatitudinis sedem extra cœlum.

Caluiniani, & Zuuingliani pollicetur regnū cœlorum non baptizatis.

Genef. 17. » parentibus ortum ducunt, propterea quòd scriptum extat, Ero
 1. Cor. 7. » Deus tuus, & seminis tui fœdere perpetuo. rursum : Sanctifi-
 » catus est vir infidelis propter mulierem fidelem, & sanctifica-
 » ta est mulier infidelis propter virum fidelem; alioqui filij vestri
 » immundi essent, nunc autem sancti sunt: ex cōsequenti tamen
 omnibus citra ullam omnino exceptionem eandem vitam, &
 immortalitatem pollicetur: quippe cū m vna prorsus eadē m-
 que omnium sit ratio. Nec enim vllum aliud inter hos & illos
 discrimen intercedit, quàm quòd hi vel inuitis parentibus Ba-
 ptismi Sacramento initiari queant, & initiari quoque debeant,
 non etiam illi. Quauis & illi quoque, si initiarentur, non in-
 cassum initiarentur. Calvinus de eiusmodi paruulis hunc in
 modum scribit:

In anti. cont.
 Con. Tridica.

Infantes Patribus Concilij à regno Dei arcere libuit, qui
 antè crepti sunt ex hac vita, quàm ad Baptismum offerri potu-
 erunt. Quasi de nihilo dictū sit, eos nasci sanctos, qui ex fide-
 libus nascuntur. & paucis interiectis addit: Quòd si Deus eos in
 regnum suum adoptauit, quanta iniuria sit promissioni? quasi
 per se ad illorum salutem non sufficiat? Inclusa est infantium
 salus in pmissione, qua fidelibus testatur, se fore illis in Deum,
 & semini eorum. Hec ille, & alia multa in hanc rem æquè in-
 sulsa, & impia: nec secus ferè Bullingerus.

Ad c. 7. 1. Cor.
 Bullingeri de
 infantibus nō
 renatis do-
 ctina.

Hic, ait ille, obseruandum est, quòd Paulus Apostolus ma-
 ritum nominat sanctificatum, sed liberos ipsos ex sancta ma-
 tre natos sanctos. Hi enim virtute Testamenti gratiæ, & pro-
 missionis Dei, sancti sunt, non vtiq; virtute natiuitatis secun-
 dū carnem: sunt enim filij promissionis, nam verbum pro-
 missionis est: Ero Deus tuus, & seminis tui in sempiternum.

Genef. 17.

Bucerus porro ad tertium caput Matthæi commentans, (nam
 alibi eiusmodi pueros grauissimæ damnationi subijcit) idē fe-
 rè quod Calvinus & Bullingerus de istiusmodi infantibus scri-
 bit & sentit. At nō nritur ille illo promissionis, aut sanctifica-
 tionis fundamēto, quo illi, sed occulto prædestinationis secre-
 to, ait enim: Sacramenta signa sunt tantū apud homines:

Nec

Buceri de in-
 fantibus ante
 rationis vsu-
 ram extinctis
 iudicium.

Nec ideo paruulus saluatur, quia baptizatus est: multi enim baptizati statim morientes damnantur, & alij non baptizati saluantur &c.

Verùm cum hæc omnia cum ratione, communiq̃ue totius Ecclesię sensu atque consensu, nec non cum sacris & diuinis literis apertè pugnent, nulla opus hîc erit proluxa refutatione. Enimuerò si ad vnum omnes, quotquot ex Adamo nascuntur, qualescunque tandem proximi eorum progenitores extriterint, peccato, iræq̃ue, & condemnationi obnoxij nascuntur, vt citra controuersiam nascuntur omnes: impossibile est vt nascantur sancti, hoc est, à peccato liberi. pugnant hæc enim inter se, sanctum nasci, & peccatorem nasci: regni rursus vel promissionis hæredem nasci, & filium iræ nasci.

Caluiniani & Lutherani pugnant cum ratione & Scriptura, Ecclesię cōsensu & sensu.

Non potest idem simul peccator & sanctus, iræ & regni filius nasci.

Non renati æquē sunt sancti, atque pagani.

Sanctum esse, & sanctificatum esse, (in hoc enim illi vim faciunt) in idem plane recidunt. Quandoquidem fieri omnino non potest, vt aliquid verè ac propriè sit sanctificatum, quin idem etiam sit sanctum: cùm sanctificationis effectus, vel terminus, sit sanctitudo; & sanctum omne, aliqua sanctitudine, vel sanctimonia sit sanctum. Atqui certum est, coniugem infidelem, vt infidelis est, per fidelem non sanctificari, hoc est, à peccato mundari, & Spiritus sancti gratia donari. Nam aliàs simul mundus esset & immundus, simul amicus & inimicus, simul ouis & lupus, simul fidelis & infidelis. Mitro hîc, sanctificare, hoc est, animam interiùs per gratiam emundare, non hominis cuiuscunque, sed solius Dei opus esse.

Sanctificari, est à peccati foribus repurgari, & Spiritus sancti gratia donari.

Interiùs sanctificare, solius Dei opus est.

At qua ergo parentum sanctitudine nascuntur sancti? Nulla sanè supernaturali: ea enim non confertur per carnis natiuitatem, sed per viam ex aqua & Spiritu sancto regenerationem. Dicuntur autem eiusmodi mundi, vel sancti, quadam

Ad c. 7. 1. Cor.
Ex fidelibus
ortiente Ba-
ptismū appel-
lantur sancti,
quia sunt le-
gitimi, Ba-
ptismi q; cā-
didati.

Aug. lib. 3. c.
26. de pec-
merit.

quadam politica munditia, & sanctimonia: Nam eiusmodi, vt est apud Ambrosium, non habentur spurij aut nothi, sed legiti-
mi, & quod ad naturalium rationem attinet, mundi: quales
vulgò non haberentur, si diuulso matrimonij vinculo, paren-
tes ad alias nuptias sese conferrent. Vel sancti sunt, & sancti
appellantur, secundum Hieronymum, quia fidei candidati, &
animi destinatione Christo iam deputati, & quodammodo ap-
propriati. Qua etiam ratione vasa & loca quædam appellantur
sancta: nec enim omnia, quæ diuino cultui mancipata, vel ad
vsum sacrum destinata sunt, semper quoque oratione aliqua,
aut cæremonia consecrata, aut initiata sunt, & tamen omnia
isthæc communi appellatione sancta vocantur. Quia & eo
quoque modo sancti dici, & sancti haberi possunt, quo Cate-
chumeni, Baptismi gratia necdum potiti, sancti nonnunquam
dicuntur: Hi autem non propter Baptismi signaculū, aut Spi-
ritus sancti incolatum sancti appellantur; sed propter com-
munem Ecclesiæ orationem, propter manuum impositio-
nem, propter signi Christi impressionem, & alia quædam eius-
modi.

Lib. 1. c. 17. de
pec. merit.

Nulla paren-
rum sanctitu-
do tanta est,
quæ infantes
interius sine
Baptismo cō-
mūdare que-
at.

Tandem vtcunque sanctitatis vocabulum exponas, vel ac-
cipias: (nam aliter exponitur ab alijs) absque vlla dubitatio-
ne tenendū est, inquit Augustinus, eiusmodi sanctificationem
non valere ad faciendos Christianos, atq; ad dimittenda pec-
cata, nisi Christiana & Ecclesiastica institutione & Sacramētis
efficiantur fideles. Nam nec cōiuges infideles quamlibet san-
ctis & iustis coniugibus cohæreant, ab iniquitate mundantur,
quæ à regno Dei separatos in damnationem venire compellit:
nec paruuli de quibuscumque sanctis iustisque procreati origi-
nalis peccati reatu absoluuntur, nisi in Christo fuerint bap-
tizati: pro quibus tanto impensius loqui debemus, quanto pro
seipsis minùs possunt.

Rom. 4. 1.

Ad promissiones porrò Abrahæ & semini illius factas quod
attinet, illæ, vt Apostolus ad Romanos scribens planè demon-
strat, & ipsa quoque ratio cōfirmat, longè aliam, quàm Secta-
rij in

rij in medium adferunt, interpretationem deposcunt. Certum est enim innumeros, qui ex Abrahami semine nō descendunt, æterna salute iam olim esse potitos, & multos subinde potiri: Ediuerso innumeros, qui hinc ortum duxerant, ex eadem illa salute & promissione excidisse, & multos subinde ex ea excidere. Quòd si illa promissio ad carnale illius semē tantum spectaret, neque qui de altero semine prodijissent, salui fieri; neque qui ex eo orti essent, salutis iacturam possent facere, etiamsi Christi Redemptoris fide destituti forent. Atqui vtrunque per absurdum, Apostolicæque doctrinæ omnino dissentaneum existit. Aliter proinde pactum illud cum Abrahamo & semine eius initum exponi debet: sicut & alio quoque sensu orthodoxi Patres illud exponunt, & inter alios Rupertus Tuitiensis, vir in quo pietas & eruditio ex æquo decertant.

Hoc, inquit ille, pactum est in Christo Mediatore Dei & hominum, per quem solum Abraham factus est pater multarum gentium: Imò pater omniū filiorum Dei. Omnes enim quotquot filij Dei dicuntur, & sunt, non nisi per Christum talem gratiam acceperunt. Hic autem secundum veritatem carnis assumptæ semen est Abraham. Igitur omnium, quorum Deus pater est, illorum quoque & Abraham pater est. Distinctio autem quam facit Deus dicendo, Inter me & te, & semen tuum post te: item, Vt sim Deus tuus, & seminis tui fœdere perpetuo: sic rectè accipienda est, vt nomine Abraham omnes electos, qui ex carne simul & fide illius sunt; nomine autem seminis illius post ipsum, omnes electos ex gentibus intelligamus. Qui quidem non caro & sanguis Abraham sunt, sed per fidem seminis eius, quod est Christus, semen eius sunt. Atqui infantes ante regenerationis Sacramentum susceptum, neque per fidem cōiunguntur Abrahamo, neq; per carnis natiuitatem: Quare neque semen quoque illius vllō vero sensu appellari possunt. Constat ergo, vt pseudotheologorum illorum sententia est falsa, aperteque erronea: ita fundamenta quoque, quibus nituntur, esse planè infirma & putida.

Promissio Abraham facta quiduis potius vult, q̄ id quod interpretatur Sceleratij.

Multi ex carnali Abraham semine orti pereunt, & multi rursum hinc non ori saluantur.

Lib. 5. in Genesim.

Per solum Christū filij Dei efficiuntur, quicunq; istuc efficiuntur.

“

“

“

“

Infantes non renati, neque secundum carnem, neq; secundum spiritū filij Abraham sunt.

Tutissima il-
lorum senten-
tia, qui tantū
dāni poenæ
regeneratos
subijciunt.

Sunt alij igitur, qui paruulos ante susceptam regeneratio-
nis gratiam extinctos, præter exilium à regno, nihil quicquam
supplicij in altera vita perpessuros tradunt. Quorum senten-
tia, vt inter duas illas extremas, media est, ita omniū tutissima,
diuinæq; miserationis & benignitatis abyſſo omnium dignif-
sima est. Quis enim credat perinde in altero seculo cum illis
agi, qui hoc vno miseriam illam, qua tenentur, incurrerunt,
quod communi generationis lege ortum ab Adamo traxe-
runt, ac cum nefarijs diuinę legis contemptoribus? Cū, in-
quam, vitij huius gentilitij malitia, cum eorum scelerum pra-
uitate collata, quæ studio committūtur, sit perquam exigua,
quis sempiternam gehennæ flammam, (nisi quis forsā ipsam
damni poenam gehennæ vocabulo cum veteribus quibusdam
exprimere velit) propriam illius peccati poenam esse dicere
audeat?

Sensilis poe-
na, ppter sen-
sibilem oble-
stationem
introgatur.

Nullum illi-
citiū opus cō-
fingi potest,
ex quo sen-
sus oblectatio
redierit ad
pueros infan-
tes.

At quia non satis est, hoc vel illud æquum, vel iniquum es-
se, asserere; verū simul quoque assertę veritatis aliquam
idoneam rationē oportet reddere: agedum mediam hanc vi-
am, æquitati, rationisq; legi quā maximè consentaneam es-
se, paucis ostendamus. Primò igitur tritum in Scholis axioma
est, Sensibilem poenam propter sensibilem oblectationem, ex
opere lege prohibito, vel aliās illicito haustam vel malè quęſi-
tam, ordinaria lege tantū irrogari: (oblectatio enim vt fun-
damentum ponit operationem) Atqui nullum illicitum opus
cōfingi potest, ex quo aliqua ad illos pueros sensus oblectatio
redierit, qui in originali peccato oriuntur, vel moriūtur. Non
propriū: tale enim nullum extat, quippe qui prius labe hac
inficiantur, quā vllum omnino hominis opus edere valeant.
Nec alienum rursū: nam ex actū, quo Adam præuaricatus est
legem, nulla in illos redundauit voluptas, cū per id tempus
in rerum naturā nondum existerent.

Et quanuis suprā ostensum fuerit, & verum quoque sit, ex il-
lo ipso Adamicæ præuaricationis actū, quandam vniuersalem
virium omnium obliquitatem, habitualemque à Deo auerſi-
onem

onem in naturam, quam ipsi participant, deriuatam esse, ob id tamen sensibilis pœnæ incommodo addici non debent. Nam ut præmiū vel merces non debentur animo ad hoc vel illud opus propenso, nisi opus ipsum externum, vel internum consequatur: ita vice quoq; versaabilitas, vel propensio, vel inclinatio ad malum non meretur supplicium, nisi malum ipsum opere designetur, aut, ut designetur, sedulo incubatur. Periniquum enim foret, ob id hominem punire, quod ad furandū, vel scortandum, vel aliud flagitium videretur propensior. Habile enim esse ad opus, non est actu operari. Vbi autem omnis abest operatio, ibi nulla quoq; adest oblectatio, & per cōsequens omnis proprii meriti ratio. Mitto hīc, sensus pœnam conuersioni præcipuè deberi, non etiam auersioni.

Ve præmiū non debeat habitui bono nisi sequatur opus, ita nec pœna quoq; propensioni malæ.

Sensus pœna conuersioni debetur potius quàm auersioni.

Deinde verò licet natura per primi hominis peccatum sit vulnerata, hoc est, multis & magnis prærogatiuis, quæ singulari Dei beneficio ipsi obtigerant, spoliata: non est tamen verè imminuta, aut mutilata, aut extra statū, qui naturaliter ipsi debetur, eiecta. Peccatū enim nihil ademit, quod naturalē illius integritatem violaret, aut essentialē eiusdem cōstitutionem interuerteret. Atqui sensus pœna non potest naturali illius integritati, bonæq; eiusdem dispositioni non maximè aduersari. Natura namq; ab omni eo abhorret, & quidem naturaliter abhorret, quod pœnā adfert. Nec iniuria: pœna enim si vera est, cruciatum, verèq; rationis perpeffionē includit: Vera autem perpeffione id rei, quæ patitur, adimitur, quod secundū naturam in ipsam cōuenit, & ex quo natura oblectationē aliquam carpit. Adimit sanè & damni quoque pœna homini, quod in ipsum conueniebat, sed id interim naturæ illius secundū se consideratæ non erat debitum, sed gratuitò ac supernaturaliter ipsi adiunctum.

Humana natura per peccatum est vulnerata, non etiam mutilata.

Sensus pœna aduersatur bonæ naturæ cōstitutioni, naturalique eiusdē integritati.

Denique Augustinus, & qui illum sequuntur, fatentur pœnam vitio huic debitam omnium poenarum esse mitissimam. At si infantes nullo suscepto Sacramento hinc erepti, præter exiliū à regno, sensus quoq; pœnā experiuntur, profectò non

Pœna orig. peccato debita omnium mitissima.

Minima sensus pœna infœrni, maxima est huius mundi.

Qui leuissimè plectitur, leuius plecti non potest.

Si infantes sensus pœnâ pendunt, disparibus meritis par pœna irrogatur.

Vt infantes nullo sensu in Deû commiserunt, ita nullâ sensus pœnâ pendunt.

e. Maiores, de Baptis.

omnium mitissimâ, imò ne mitem quidem experiuntur. Constat enim minimam gehennæ pœnam omnes mûdi huius cruciatus multis partibus excedere. Quod si non omnî mitissimam simpliciter, sed omnium mitissimam quæ in damnatum cadere potest, sustinere, respondeant, adhuc non omnem difficultatem declinant. Nam si damnatorum omnium leuissimè plectuntur, ergo leuius plecti nō possunt: at multò citra omnē controuersiam leuius plectuntur, qui sola damni pœna plectuntur, quàm qui damni & sensus pœna simul.

Dicent fortè minimâ sensus pœnam perpeti? Verùm dum id dicunt, in hoc rursum incommodum incidunt, quod disparibus meritis pares cruciatus decernunt. In confessio est enim omnes sensilis pœnæ gradus comparari inter se posse, vt qui omnes eiusdem rationis existant. At originis peccatum cum nullo personali cōferri potest, vt quod, nec specie, nec genere cum vllò omnino conueniat, sed tantum quadam communi & analogica ratione. Si ergo originale æquè ac quoduis personale multatur sensus pœna, profectò comparatione aliorum non multatur mitissima, sed grauissima pœna. Siquidem sola graduum dissimilitudo vel inæqualitas non cōstituit tantam pœnarum disparitatem, quanta intercedit inter quoduis personale flagitium, & originis nœuum. Vt ergo infantes nullo prorsus sensu in Deum commiserunt, neque committere potuerunt: ita nullam quoque sensus pœnam exoluere existimandi sunt. Atque hoc Innocentiana illa distinctio, non tam insinuat, quàm omnino clarè & euidenter demonstrat. ait enim: Originalis peccati pœna, est carentia diuinæ visionis; actualis verò peccati, est gehennæ perpetuæ cruciatus.

At summum, inquis, animi supplicium, cœli aditu prohiberi? Est sanè sentientibus, non sentientibus autem nullum omnino est. Illi autem soli eam iacturam dolenter ferent, qui cum ad tantas opes peruenire potuissent, openi sibi clemēter à Deo oblatam repulère, diuinæque iustitiæ munera animo ingrato & impio contempserunt: non ij, qui de cœlesti beartudine

tudine ne suspicari quidem aliquid potuerunt. Eiusmodi autem sunt pueri illi, de quorum pœna hîc differimus. Neque enim quicquam illi de peccato, quo obstricti tenentur; neque de felicitate, quam peccati huius occasione amiserunt, exploratum habent. Vtrunque enim per solam acquisitam, aut infusam fidem habetur, qua ipsi modis omnibus destituuntur: Acquisita quidem, quia fidei mysteria publicè proponi, nec audierunt, nec, si casu audierint, intelligere potuerunt: Infusa verò, quia nulla apparet ratio cur nudam fidem Deus illis infundere debeat, qui ad regnum illius nulla ex parte spectant: maximè verò, cum eiusmodi fidei infusio eorum miseriam & infelicitatem augeret potius, quàm eleuaret.

Cùm ergo quid amiserint nesciant, neque causam, propter quam eam iacturam fecerint, compertam habeant, fit vt de cœlestis beatitudinis priuatione nullam omnino tristitiam concipiant. Vt enim gaudium notitiam boni: ita tristitia cognitionem ponit mali. Siquidem tristitia deijs esse dicitur, quæ nobis inuitis, ac nolentibus accidunt. Et vt maximè subodorari quippiam ea dere possent, adhuc priuationem illam egrè non exciperent. Habent enim voluntatem pro naturæ suæ conditione & qualitate rectâ, & rationis iudicium integrum: At non parum à rationis lege alienum foret, vel de iusta pœna, vel de illius rei absentia, quæ nullo tibi iure debebatur, vehementiùs angi. Quis enim impatienter ferat, quòd auium more volare non valeat? aut si plebeius sit, quòd Regum vel principum more non imperet? Sed & Deus quoque, qui moderatur omnia suauiter, proque meritorum ratione punit delicta leuiter, omnem in illis egritudinis sensum, si quis hinc forsân exoriretur, pro sua clementia perfacile sistere & impedire potest.

Hæc ad illud, quod de interno infantillum animorum mœrore paulò antè obijciebatur, ex gymnasticis respondēt multi, neque istuc non rectè. Veruntamen exempla, quibus hanc rem illustrent, non ita multum virium habent. Nec enim ea

Damni pœna
sensus pœnæ
parit, & da-
mnum senti-
atur, secus
nequaquam.

Infantes in
limbo infu-
sa, & acqui-
sita fide de-
stituuntur.

Tristitia de
ijs est præci-
pue, quæ no-
bis inuitis
accidunt.

Pueri in lim-
bo iudicio re-
cto non ca-
rent.

Deus doloris
sensum, si
quis esset, in
pueris sibi.

Non ea facultas adest homini ad volandum, quæ pueris illis ad cœlestē regnum.

Sap. 3.

facultas inest homini ad volandum, quæ pueris illis ad cœlestē numen intimè cognoscendum, cognitumque sincerè ac constanter amandum. Siquidem, posse volare, æquè alienum est ab humana natura, atque ab auium natura alienum, posse ratiocinari. Volabunt sanè sancti, & sicut scintillæ in arundinetō discurrent: sed hoc non naturæ pennis, sed gratiæ, vel gloriæ alis. At verò cœlesti beatitudine posse potiri, id humanæ naturæ aded non repugnat, vt in eam quoque quàm maxime conueniat: quippe cū beatitudo, vel clara Dei visio, vltimus & proprius ipsius hominis finis existat. Quanuis, inquam, gratiam vel gloriā re ipsa obtinere, opus sit diuinæ misericordiæ, & gratiæ: huius tamen, vel illius capacem esse, conditio est humanæ naturæ.

Posse beari, conditio est humanæ naturæ: re ipsa beatum esse, opus est diuinæ misericordiæ.

Exemplum, quod ex plebeiorum conditione petitur, non est per omnia commodum.

Infantes non renati habuerunt ius ad cœlestē regnum, sed re-

Exemplum de plebeio allatum magis aliquanto ad rem hęc institutam facit: attamen & hoc ipsum quoque non nihil disparitatis habet. Nam etsi plebeij naturæ nō repugnat principū more regnare: repugnat id tamen illius conditioni, vel statui, vt cui nullum omnino ius in regnum competat, neq; remotum, neque propinquum: At verò licet originis labe obstricti nullum vnquam prōpinquum ius ad regnum obtinuerunt, (nec enim gratiam vnquam ex Baptismo, vel proprio merito habuerunt) remotum tamen hoc ipso in illud obtinuerunt, quod iustitiam, & sanctitatem in Adamo tanquam in radice acceperunt. Vnde vt legitimi filij ob amissam propter paternum crimen hereditatem dolent, & iure optimo dolent: ita & illi ipsi quoque infantes, si miseriam, quam patiuntur, vel iacturam, quam fecerunt, intelligerent, vicem suam vehementer deplorarent. Sed quia nihil horum, vt diximus, assequuntur, neque naturaliter assequi possunt, fit vt nullam quoque animi ægritudinem inde capiant.

Sed nunquid, quærat hęc quispiam, si statum, in quo hęc, diuina reuelatione, aut alio quocunque interno externove indicio agnoscerent, aliquem hinc internū dolorem aut contritionis sensum conciperent? Cōciperent utique, quanquam

ob rationes paulò antè expofitas quidā id negent: verùm dolor ille non eſſet propriæ rationis contritio. Contritio enim non eſt de ijs peccatis, quæ aliena voluntate contrahuntur, ſed de perſonalibus, deq; ijs, quæ proprii arbitrij facultate uſi, cuitare potueramus: atqui originis peccatum, neque propria voluntate conſlatum, neq; poſt primi hominis lapſum vlla creata vi cuitari poteſt. Mitto hîc, veri nominis contritionem veræ pœnitentię ſtatū ponere. Nec enim aliud eſt conterî, quàm peccatum, vt Deo aduerſatur, deteſtari, hoc autem eſt pœnitentia. Pœnitentia porrò poſt excuſum ſemel vitæ huius ſtadium ampliùs locum non habet.

Dolerent inſantes illi, ſi, quod patiuntur damnum, intelligerent: ſed is dolor non eſſet contritio.

Pœnitentia poſt excuſum ſemel vitæ ſtadium ampliùs locum non habet.

At primæ opinionis ratio adhuc vrget, inquis: Nam ſi inſantes per Chriſti gratiam non renati, omnis omnino pœnæ externę, internęque expertes ætatem agunt, agentque ſemper: perparū ergo intererit inter eos, qui originis peccato contaminati occumbunt, & eoſ, qui, ortu aliunde quàm ex primo parente ducto, in puris naturalibus mortem optent. Sanè ſi rem hanc ex pœna, quę extrinſecus adfertur, aut ex ægitudine, quę propter acceptum damnum animo concipitur, definiamus, non admodum multum: niſi forſan hos illis maiores mentis tenebras experiri, ſemperque experturos eſſe, cum quibuſdam tueri lubeat. Hoc tamen inter hos & illos intercederet, ſi quos cuiſmodi Deus cõfingeret, aut aliquando conſinxiffet, quòd alteris exiliū illud à regno vera eſſet pœna, quia vera ex culpa natum, alteris autem non eſſet. Sicut nudum, vel animo infirmo conditum eſſe, ſecundum ſe, & per ſe non eſt pœna: nam aliàs quicunq; nudus, vel animo infirmus eſſet, pœnæ obſtrictus eſſet, quod falſum eſt. Eſt tamẽ pœna, denudatū, vel veſte ſpoliatum eſſe. vel magis ad rem: Homini plebeio priuatā ducere vitā, nō eſt pœna: eſt tamẽ pœna ſtirpi regiæ, parentis ſui ſcelere vel ignavia regno orbatæ. Excluduntur hi ergo à regno non ob id ſolum, q̃ nuptialis veſtis ornatu carcāt; ſed ob id etiā, q̃ veris maculis ſordeāt, quodq; in iuſta cœleſtis ſpõſi indignatione hæreāt;

Quod ad ſenſus pœnam atiner, nō diſferunt, qui in puris naturalibus oriuntur, ab illis, qui in originis peccato.

Henri. quod. lib. 6. q. 21.

Carere regno infantibus pœna eſt vera, veraque priuatio: ceteris qui orig. peccato carent, nec pœna eſt, nec priuatio, ſed ſimplex tantum negatio.

Pueri non ſenſu excluduntur à regno, & quia nudi ſunt, & quia ſordidi ſunt: ceteri in puris naturalibus conſtituti, ob id ſolum, quia nudi ſunt.

illi

illi autem ob id vnum hinc arcentur, quòd candida stola destituantur.

Alienum est à Dei misericordia, enim à regno excludere, qui culpa caret.

Vnus hominis finis absolute ultimus.

Vtrumque durum est, & dicere Deum cœlo illos prohibere, qui carent omni culpa, & dicere eundem illos apud inferos torquere, qui nulla personali tenentur noxa.

Qui hinc decesserunt sine actuali odio, inuidia, superbia, &c. illis nihil tale accedit in altera vita

Quin & aliter quoque, & fortè planiùs, ad hoc argumentum responderi posset, nempe à diuina benignitate, & ordine suauissimo ab ipso instituto omnino alienum videri, vt hominem condatur, qui nulla, vel sua, vel alterius culpa impeditus, vltimo suo fine frustretur. Nam quod de duplici hominis fine, altero naturali, altero transnaturali, à quibusdam traditur, id tanti non est, vt ob id cum Pelagianis, aut Vincentianis, duos nos cœlos confingere oporteat, alterum pro initiatis, alterum pro profanis culpe tamen exortibus. Longè hîc probabiliùs differere videntur, qui vt vnum duntaxat beatorum domicilium, ita vnum tantum absolute vltimum hominis finem constituunt. Hoc tamen non impedit, quò minùs geminam perfectionem homini tribuere liceat, alteram naturalem, alteram transnaturalem. Aliud est enim loqui de qualicunque hominis perfectione, aliud de vltimo eiusdem fine.

Et quemadmodum pius animus non capit, vt Deus, cuius clementia omnem modum excedit, suo regno illum excludat, qui nulla prorsus culpa tenetur, tamen si absoluta potentia vsus, facere id possit: ita idem ille ægrè admodum admittit quoque, eundem illum benignissimum patrem veris in illos cruciatibus ac supplicijs desequi, qui nihil quicquam vnquam sceleris per se admiserunt, neque quicquam eiusmodi per ætatem admittere potuerunt.

Et vt hoc, & illud quoque propter imperscrutabilem diuinorum iudiciorum abyssum, admitti queat: nulla tamen ratione admitti debet, neque salua quoque veritate & pietate admitti potest, qui nullo in hac mortali vita actuali fastu aut superbia intumuerant, nulla vnquam in Deum ira aut furia exarserant, nullo denique scelere sese polluerant, illos in altera tandem vita, demutata iam mente & voluntate, superbiæ initium facere, immanique odio & ira in Deum tanquam in deterrimam pestem sese efferre: At qui certum est, quotquot sen-

sili

fili apud inferos pœna torquentur, eos omnes pertinaci in Deum ira, inuidia, ac furia ardere, ingentiq̃ue superbia & contumacia in eundem insurgere. scriptum est enim: Superbia eorum qui te oderunt (quales vtiq̃ue sunt omnes illi qui in tartareis locis pro admissorum scelerum ratione sensus pœnas pendunt) ascendit semper.

Quamobrem dum Augustinus contra Pelagium, qui originis peccatum negabat, suisq̃ue sophismatis in magnas difficultates Antagonistas suos interdum conijciebat, acrius disputans, sempiterno ignei cuiusmodi infantes puniendos asserit, vel rerum difficultate compulsus, vel disputationis feruore actus, (id quod Christi amore, & fidei zelo incensus, dum contra Ecclesię hostes Ecclesię causam agunt, vsu venire quandoque solet) modum nonnihil excessit: aut cerre, quod nobis vero similis sit, sempiterni ignis nomine damni pœnam expressit: Nam omnem omnino cruciatum, & pœnam, ignis vocabulo generatim exprimi posse, cùm Scripturæ, tum ipse quoque de cuius sententia hoc loco disputamus, aperte testantur.

Meritò, inquit ille, quæritur, cùm Dominus propter illum, qui de anathemate furtum fecerat, præceperit eum, qui fuisset ostensus, igni cremari, cur eum ostensum Iesus lapidari potius à populo fecerit. An ita eum mori oportuit, quemadmodum Iesus, qui propius Dominum sequebatur, verba iubentis intelligere potuit? Sic enim alius quisquā non facile potuit. Vnde magis quærendū est, cur lapidationē ignē appellauerit Dominus, quàm credendū Iesum aliud fecisse q̃ iusserat Dominus. Nam neq; ad intelligendū verba Domini quisquā potuit esse sapiētior, neq; ad faciendū quisquā obediētior. Proinde ignis nomine pœnā potuisse significari, Scriptura testis est in Deuteronomio, vbi dicitur ad filios Israhel: Et eduxi vos de fornace ferrea ex Aegypto: vbi vtiq; durā tribulationē intelligi voluit. Hęc Augustinus de metaphorica ignis notione, & benè.

Alibi idem Pater docet satius esse originis labe contamina-

Bb

tum

Psal. 71.

In inferno ob
tinet actuale
odium, & ira,
& furia, &c.

Vehemens dis-
putator Pela-
gius.

Aug. disputa-
tionis calore
actus, modū
nonnihil ex-
cessit.

Omnis pœna
ignis vocabu-
lo interdum
designatur.

Aug. q. 9. in
Iosue.
Iosue 8.

Deut. 4.

Lib. 5. cap. 8.
cont. Iulian.
Infantibus
non renatis
melius est ef-
se quàm non
esse.

Melius est,
nò esse, quàm
tartareis flā-
mis perpetuò
addictū esse,

tum esse, quàm omnino non esse. Quis inquit, dubitauerit paru-
ulos non baptizatos, qui solum habent originale, nec ullis
proprijs aggrauantur, in damnatione omnium leuissima fu-
ruros? Quæ, qualis, & quanta erit, quanuis definire non pos-
sim, non tamen audeo dicere, quòd eis, vt nulli essent, quàm
vt ibi essent, potiùs expediret. At melius haud dubiè est,
omnino non esse, quàm tartareis ignibus perpetuò mancipa-
tum esse. Quin & aliud quoque ad rem faciens non parum
ex hoc ipso loco colligere licet: puta Augustinum, cuius sen-
tentiam multò, quàm par est, obstinatiùs vrgent nonnulli, de
pœnæ, quæ in eiusmodi paruulos conuenit, qualitate & quan-
titate fuisse planè incertum. Clarè enim pronunciat, Quæ,
qualis, & quanta ea futura sit, se definire non posse.

Aug. Epist. ad
D. Hieron.

Augustinus
de paruulorū
pœna passim
incipitem se
declarat.

Eandem animi anxietatem, & de pœna hac incertitudinem
equè disertè alibi prodit quoque. Nam cū diuo Hieronymo de
hac cōtrouersia disceptās, hæc inter cetera depromit: Cū ad
pœnas ventum est, paruulorū magnis, mihi crede, coarctor an-
gustijs, nec quid respondeam prorsus inuenio. Non solum eas
pœnas dico, quas habet post hanc vitā ista damnatio, sed eas
ipsas, quæ in hac vitā ante oculos versantur: quas enumerare
si velim, priùs tempus quàm exempla deficient. Hæc Augusti-
nus, & multa in eandem sententiam alia. Ex Augustino itaque
euidenter euinci non potest, propriam peccati huius pœnam
gehennæ flammam esse: licèt de fide ad Petrum scribens (si is
tamen commentarij illius author existit) ignis vocabulo illam
designauerit.

Ad cap. 5. ad
Rom.
Non maioris
fieri debet Au-
gustini sen-
tentia, quàm
ratio, vel au-
thoritas, qua
aitur.

Et vt is maximè in hanc, quàm in illam partem propensior
exitisset, vt fortè exitit: adhuc in hac, præsertim tam cruda
& peregrina sententia, non magis illius authoritas apud nos
valere deberet, quàm Ambrosij, Innocentij Pontificis maxi-
mi, aliorumque doctissimorum, piissimorumque hominum iu-
diciam, qui oppositum literis prodiderunt: vel certè quàm ra-
tio, vel authoritas, qua ipse nititur, quæ profectò, vel nulla est,
vel omnino infirma est. Neque enim aliud quicquam ab stabili-
endum

endum illud tam durum, pijsque auribus tam ingratum placitum in medium adfert, quam generalem illam mortalium omnium in hoccos & oves sequestrationem, disparemque vtriusque partis sententiam: Et tamen sempiternum gehennæ incendium in istiuscemodi infantulos perpetuò deserviturum esse, hinc non euincitur: imò verò contrarium hinc potius euincitur.

Marth. 27.

Ex suprema iudicis sententia necessatio nō colligitur, infantes non tenatos vtriusque pernam deservituros esse.

Primò enim solo originali peccato obstrictos ad generale illud iudiciū præstò futuros, damnationisq; sententiā vnā cum ceteris audituros, id ex hoc Scripturæ loco certò nō colligitur. Deinde verò, vt maximè compareant huc oēs, (hoc enim creditur tutius, & cōmuni Doctorū sententiā asseritur cōuenientiùs) adhuc horribile illud iudicis fulmen, Discedite à me maledicti in ignē æternum, qui paratus est diabolo & angelis eius, illos neutiquam perstringeret, vt qui opera misericordiæ, vel alia quæcunque bona, vel mala per ætatem exercere nequaquam potuerint. Nec enim æquissimus iudex ad illos aliquando dicturus est, Esuriui, & non dedistis mihi manducare: Sitiui, & non dedistis mihi bibere.

Creditur tutius, infantes non tenatos ad commuræ omnium iudicium comparituros, Marth. 25.

Infantes misericordiæ opera exercere non potuerunt.

Imò verò non desunt, qui formidabilem illam iudicis sententiam in eos tantum detonituram existimant, qui spiritalis ædificij fundamento per fidem iacto, nulla virtutum officia superinduxerāt. Omnes, inquit Gregorius Magnus, resurgunt etiam infideles, sed ad tormentum, non ad iudicium. & infrà: Professionem fidei retinentes, sed professionis opera non habentes, redarguuntur vt pereant. Qui verò nec fidei Sacramenta tenuerunt, increpationem iudicis in extrema examinatione non audiunt: quia præiudicati infidelitatis suæ tenebris, eius, quem despexerant, inuentione redargui non merentur. Sed & diuus Augustinus quoque ad eundem ferme modum hanc Euangelistæ locum edisserit, ait enim: Erit ergo æterna combustio, sicut ignis, & eos in illam ituros veritas dicit, quorum non fidem, sed opera bona defuisse declarat.

Lib. 26. c. 24. Moral.

Infideles iudicis sententia in extremo iudicio non redarguuntur.

Si ergo iudicium illud non erit omnium adultorum, aut non eorum omnium propriè : multò sanè minùs eorum erit, qui per se nihil mali designârunt, neque per ætatem designare potuerunt. Tandem vt iudicis sententia ad

iudicis sententia accipienda est sicutum vniuscuiusque meritum.

omnes pertineat simpliciter, accipienda est tamen secundum meritorum vniuscuiusque rationem. Nam etsi vna sit secundum se, applicanda est tamen secundum vniuscuiusque opus : alioqui enim parem pœnam subirent

Apoc. 18.

omnes, contra illud : Quantum glorificauit se, & in delicijs fuit, tantum date illi tormentum & luctum. & illud rursum :

Rom. 2.

Reddet vnicuique secundum opera eius, prout in corpore

1. Cor. 5.

gessit. & infra : Omnes nos manifestari oportet ante tribunal

Deut. 25.

Christi, vt referat vnusquisque propria corporis prout gessit,

sive bonum, sive malum. & illud demum : Pro mensura peccati, erit & plagarum modus. Patet ergo locum hunc parum firmum esse ad statuendum sensibilem infantium non renatorum pœnam.

Sed instas eiusmodi ratione : Si paruuli illi cum diabolo & angelis eius nō cēsentur, mediū ergo inter cœlū & infernum

Damnati oēs vbique tādē locorum degant, vnius reipub. ciues cēsentur.

locū eisdem assignes oportet : hoc autē citra Pelagianæ hereseos suspicionē non licet. Ad hoc dici potest, oēs quotquot

damnantur, hoc est, in omnē æternitatē à cœlesti regno p̄scribuntur, generali quadam ratione eiusdem reipub. municipes

censeri posse, etiā si eundem locum præcisè non teneant omnes. Nam & qui in terris meritorū stipendia adhuc faciunt,

& qui in purgatorijs locis detenti pœnas pendunt, eiusdem Ecclesię militantis cēsentur ciues : & tamen non solū statu,

sed & loci quoque intercapedine, & qualitate plurimū inter sese dissident. Sic quoq; dēmonum alij torquentur in

abyssō, alij vexant, & vexantur vicissim in aëre hoc caliginoso : & tamen omnes vnus tyrāni satellites, omnes vnus eiusdemque prætorij catnifices habentur. Et vt maximè ad inferos

Inferorum locus sensus pœnam necessariò non infert.

amandarentur omnes, neutiquam tamen hinc sensilis pœna inferri posset. Nam & patres quoq; ante Christum passum

ad

ad tenebras & subterranea regna descendebant, neque ob id tamen poenæ alicui sensibili obnoxij erant.

Nec est quòd Pelagiani erroris notam incurfuros nos formidemus, etiamsi non omnes, qui à regni aditu prohibentur, ad vnum omnino ergastulū ablegemus. Pelagiani enim duplices beatorum sedes confingebant; alteras extra, alteras intra cœlum empyreum: Nos vnum tantum cœlum, & vnū duntaxat infernum recipimus: Tametsi vnum hunc in alterum, & alterum, hoc est, in eum, vbi poena damni tantum; & in eum rursum, vbi damni & sensus poena simul obtinent, cum diuo Augustino, & alijs præterea compluribus Theologis secernendum existimemus. Etenim dum quidam ex illo percunctantur: Quid opus erat vt nasceretur, qui antequam iniret vltimum vitæ meritum, excessit è vita? Aut qualis in futuro iudicio deputabitur, cui neque inter iustos locus est, quoniā nihil rectè fecit; neque inter malos, quia nihil peccauit? cuiusmodi responsum tulere:

Pelagiani duplices beatorum sedes confingunt.

Catholici vnum corlū & vnū item infernum agnoscunt, tametsi hunc in alterum, & alterum fecerint.

Ad vniuersitatis complexum, & totius creaturæ, vel per locos, vel per tempora ordinatissimam connexionem, non posse superfluo creati qualemcunque hominem, vbi folium arboris non superfluo creatur. Sed sanè superfluo quæri de meritis eius qui nihil meruerit. Nec enim metuendum est ne vita esse potuerit media quædam inter rectè factum atque peccatum: & sententia iudicis media esse non possit inter præmiū atque supplicium. Hic medium quoddam inter rectè factum & peccatum statuitur: Atqui vbicunque status haberetur medius, ibi locum quoque inter gehennam & cœlestem Hierusalem medium statuere licet. Siquidem locus secundum iustum Dei iudicium æmulatur statum ac meritum.

Aug. lib. 3. c. 23. de lib. arb.

Vanè quæritur de meritis illius qui nihil meruit.

Aug. statuit mediū inter peccatum & rectè factum.

Fauet eidem de medio statu & loco assertioni & diuus Ambrosius hoc ipso quoque, quòd gehennæ poenam ex Adæ delicto prouenire disertè inficiatur. ait enim: Est alia mors, quæ secunda dicitur, in gehenna, quam nō peccato Adæ patimur, sed eius occasione proprijs peccatis acquiritur. Cū hi ergo

Ad cap. 5. ad Rom.

Peccatū Adæ non patimur gehennam.

pueri Adę tantum delicto obstricti teneantur, sit vt ad gehennam cum impijs perpetuò arsurī neutiquam amendantur, quemcunque tandem ad locum ablegentur : nam de hoc aliquid certi pronunciare nequaquam possumus.

Quin & Daniel propheta quoque ab hac sententia nō multum abludit. ait enim : Et multi ex his qui dormiunt in terræ puluere, euigilabunt: alij in vitam æternam, alij in opprobrium sempiternum, vt videant semper. Siquidem vcula hæc, multi, indicium non prorsus obscurum facit, ex vniuerso mortalium numero non defuturos quosdam, qui ad neutrum euigilent : Hos autem, aut nullos omnino, aut pueros, de quibus hic sermo est, fore haud improbabiler assertitur : hi enim soli neque resurgunt ad vitā, quia gratia destituuntur; nec rursus ad sempiternum opprobrium, quia propriæ voluntatis noxa earent. Nihil est ergo cur paruulos illos, vt merito, ita loco quoque ab impiorū grege sequestrare vereamur. Quauis & loci quoque τὰύτης, si fortē concedatur, pœnæ identitatem non inferat, aut certē necessariò illam non inferat.

At nondum hic conquiescunt Antagonistę nostri. aiunt enim: Vt auersio pœna exilij, ita conuersio puniri solet pœna sensili: Atqui Adamus, cuius noxam nos luimus, non solum à summo illo & indemutabili bono sese auertit, verum etiam ad funestum pomū sese conuertit, imò verò aliquo modo prius huc se conuertit, quàm inde sese auertit. Negari sanè nō potest generis ac delicti nostri parētem ad mortis escam se conuertisse, vorauit enim: verum vt ipsa præuaricatio, vel ipse præuaricationis actus secundum se absolute sumptus, ad illius tantum personam spectabat, nō ad communem hominum naturam: ita oblectatio, quam is ex lethali illa esca, & per consequens ex praua eiusmodi conuersione hauriebat, ad priuatam eiusdem personam pertinebat, nō ad naturam, quam ille sustinebat. Quare ab ipso solo conuersionis illius pœna exacta est, semperque exacta fuisset, nisi per pœnitentiam cum Deo in gratiam redijset; non etiam ab illius propagine: huic enim plus

Probabile, nō
omnes ad vi-
tam, vel ad
opprobriū æ-
ternū resur-
recturos.

Conuersionis
pœna à solo
Adamo ex-
acta.

plus satis est, quòd auersionis illius partem perferre necesse habet.

Sunt tandem, qui illam à pœna sensibili immunitatem eiusmodi cauillo infringere se posse existimant: Nulla, inquiunt, apparet ratio, cur in hac vita magis puniri conueniat originis labem, quàm in altera: cùm diuina iustitia nusquam non sibi similis existat: Atqui vitium hoc in vitæ huius stadio punitur seuerè, & vt ad sensum patet, admodum variè. Nulla item, cur peccatum veniale, quod leuius habetur, (non enim pugnat cum gratia, vt alterum illud) vtrobiue vtraque pœna puniri soleat, non etiam originale, quod illo grauius esse constat.

Diuina iustitia nusquam non sibi similis.

Orig. veniale peccato grauius existit.

Sed hæc quoque argumentatio eiusdem penè cum cæteris roboris est: nam etsi Deus Opt. Max. nullo non loco & tempore sibi similis est, non ideo tamen eodem modo peccatum vtrobiue punire solitus est. Quandoquidem hîc ab illo puniti proficimus aut deficiamus, emendamur vel obdurescimus. Quare vitæ huius pœnæ (nisi forsitan oblata merendi occasione respuamus) certam virtutum ac meritum materiem offerunt: in altero autem seculo nouo merito, aut nouo peccato nullus amplius locus fit reliquus. Accedit huc etiam quòd pleræque vitæ huius miseriæ quædam primariæ pœnæ comites, vel appendices existant veriùs, quàm pœnæ per se huic peccato primò decretæ. oriuntur enim ex primaria & proxima, quamcunque tandem primariam & proximam peccati huius pœnam esse statueris. At verò in altero seculo, vbi vita, quæ recto & alimento indigeat, nulla obtinet, nulla grassatur fames, nulla vexat sitis, nullus excruciat morbus, pestis nulla, nihil denique cæterorum omnium, quæ in hac vita molestiarum plurimum adferunt.

Hic puniti proficimus vel deficiamus, in altero seculo non item. vnde vitæ huius pœnæ virtutum materies existunt.

Pœna huius vitæ, pœnæ taxatæ appendices.

Interest autem inter pœnam primariam, hoc est, inter pœnam pro ratione sceleris à iudice taxatā, vel ab eodem quoque inflictam, & pœnam, quæ ex taxata vel illata consequitur, non parum. Siquidem iudex primariam per se decernit, & vult,

Multum interest inter pœnam taxatam, & pœnam, quæ ex taxata consequitur.

Iudex terrenus præuidere non potest incommoda omnia, quæ ex pœna taxata oriuntur, unde illa quoque ordinate non potest: cœlestis aut vtrūque potest.

vult, & reo per se infligit: eam autem, quæ ex decreta vel interrogata oritur, neque per se vult, neque per se decernit, neque reo per se infligit: sed neque per se quoque ad certum aliquem finem dirigit, nec ad certum quoque finem dirigere valet: ut qui, quæ, & quot, & qualia incommoda ex pœna inflicta consequi possint, præuidere non queat. Manifestum est enim, dum princeps, vel alius magistratus, in aliorum terrorem, aut patrati sceleris vindictam maleficum exoculat, per se non intendere exoculati mendicitatem, aut crebram eiusdem impactionem, aut capitis vertiginem, aut animi molestiam, aut aliud quodcunque ex his, quæ cæcis communiter accidere solent: sed ipsam tantum exoculationem. At verò Deus, qui omnia priusquam fiant præuidet, non solum pœnam taxatam ad certum finem destinat, sed omnes quoque taxatæ pœnæ comites, & appendices: atque ita non est mirum, si illius voluntate hæc quædam molestiæ obtineant, quæ in altero seculo locum non habent.

Peccatum veniale, & personale est, & voluntarium est: orig. autem neutrum est, unde hoc pœna sensus non plectitur, illud plectitur.

Orig. in auersione, veniale in conuersione præcipue positum est.

Quæ de veniali porro noxia in eadem illa cauillatione addebantur, ea, quæ de immunitate à sensili pœna supra exposita sunt, non infirmant. Nec enim vlla est hæc consecutio: Veniale peccatum sensus pœna plectitur vtroque, ergo & originale quoque. Siquidem peccatum veniale, & personale est, & simpliciter voluntarium est: originale autem neutrum simpliciter est. Sed & formales quoque vtriusque rationes inter se sunt admodum dissimiles. Originale enim in quadam habitu. ali auersione præcipue positum est, veniale autem in quadam inordinata conuersione. Cum ergo sensus pœna respondeat conuersioni, damni verò auersioni: non est mirum, alterum pœna sensili plecti, alterum eiusmodi pœna non plecti.

Hactenus itaque nihil allatum est, quod ad gehennam ignis eiusmodi paruos ablegare nos compellat.

Concupiscentia, quæ in renatis fit reliqua, & vitium esse, & ex peccato esse, veri tamen peccati rationem non assequi, tamen si tropo quodam peccati nomine interdum designetur.

TRACTATUS QUARTUSDECIMVS.



AT sunt interim, qui, & mortem, & ægri-
tudinem, & famem, & sitim, & inscitiam, &
carnis contra spiritum insolentiam, & cre-
aturarum rebellionem, & alia eiusmodi,
quorum supra meminimus, per se, etiam si
nullum omnino peccatum adsit, in huma-
nam mortalemque naturam cadere con-
tendant. Nónne, inquit illi, qui absque omni gratia & pec-
cato natus foret, aliquândo sitiret & esuriret? Nónne mortem
eiusque comites formidaret? Nónne cum morbis & dolori-
bus interdum configeretur? An non præter rationis ordinem
multa sæpe appeteret? Nónne dura & aspera moleste ferret?
Nónne amore, odio, spe, metu, lætitia, alijsque eiusmodi per-
turbationibus agitated mentis statum identidem mutaret?
Nónne extra paradisi delicias ætatem ageret? an alia complu-
ra id genus incommoda non sentiret, aut commoda non desi-
deraret? Vtique. Signum est ergo certum, quodd isthæc ex pec-
cato ortum non ducant.

*Naturæ vul-
nera, vitæque
huius incom-
moda, natura
lia esse con-
tendunt nō-
nulli.*

Iam antè ultro concessum, prolixèque expositum est, & hæc
ipsa, & alia præterea permulta his non absimilia, naturaliter
in hominem cadere, si illum secundum se absolutè, vel ex
viliiori sui parte, hoc est, ex materia, vel corpore, quo con-
stat, spectes. Nam cum corpus habeat crassum & caliginosum,
vtpote ex caliginosis crassisque elementis conflatum, nō po-
test profectò morbis, & ægri tudinibus, mortique, & dissoluti-
oni obnoxius nō esse. Secus si eundem relatè, & ex forma, hoc
est, immortalis animæ natura consideres. Nam secundum hanc
partem, quæ, & potior, & nobilior, ipsique magis propria existit,

*Incommoda
naturæ, natu-
raliter in ho-
minem, qua
parte corpo-
re, non verò
anima con-
stat, cadere.*

(alteram nanque cum belluis communem habet) immortalitas veriùs in illum conuenit, quàm moriendi necessitas: tamen si vi sua ad immortalem vitam peruenire non queat. Verùm quod natura per se nõ poterat, hoc originalis iustitia, quę singulari Dei beneficio naturæ aliunde accesserat, abundè explebat. Et quoniam homo præcellens hoc naturæ præsidium sua culpa amisit, fit vt mors, & cetera, quę viam ad mortem muniunt, vt iusta præuaricationis pœna meritò in illum seuiant.

Ob amissam
originalē iu-
stitiam, mor-
tem, cetera.
que eo perti-
nentia, in ho-
minē seui-
re.

Inconcinni
concupiscen-
tiaz motus,
homini, vt
mente orna-
tus est, nõ cõ-
petunt: vt ve-
ro animal,
suo quodam
iure.

Quibus ex
causis, concu-
piscentiæ mo-
tus prepos-
iti, pœna pec-
cati appella-
tur.

Pari modo, quòd inferior appetitus incitatiùs in ea fertur, quę carnem & carnis sensum oblectant, id, vt homo propriæ rationis animal est, suo quodam modo iure facit: Animalium enim est, in illa, quæ sensum quadam suauitate perfundit, incitatori quodam impetu rapi. At verò vt homo non quoduis animal est, sed mente & ratione præditum animal est, alienum ab illius natura existimandum est, quòd præter rationis ordinem, imò verò cõtra rationis legem, rectæque voluntatis propensionem, vi illa, quę seruire & subesse debebat, ad turpia quęque & illicita subinde sollicitetur, & impellatur. Iusto proinde titulo inconcinni illi & præposterì concupiscentiæ motus peccati pœna appellantur: Non ob id solùm, quòd ex originis peccato tanquam ex causâ semouente prohibens exorti sunt: verùm ob id etiam, quòd naturę hominis, vt homo est, rectoque eiusdem ordini planè aduersi, ac dissentanei sint.

Sed instant illi nihilo seciùs, & quæ de peccati huius pœnis iam antè exposuimus, eiusmodi ratione denuo impugnâr. Sacramentum, inquiunt, Baptismi non omnem solùm culpam & maculam eluit, sed omnem quoque pœnam peccato debitam è medio tollit. Atqui mors, mortisquę satellites, concupiscencia, & quę ponè illam in sequuntur comites, vt sunt ignoratio, mentis cæcitas, & præcipitatio, & alia eius farina non pauca, etiam post susceptum Baptisma in baptizato reliqua depræhenduntur. Sunt ergo isthęc quædam potiùs mortalis naturæ affectiones & proprietates censendæ, quàm propriæ

priæ originalis peccati pœnæ.

Negari non potest, quin multa ex ijs, quæ originalis peccati pœna appellantur, etiam post obtentum salutare laudum in renato obmaneat: Verùm iam tum nō ampliùs veri nominis pœnæ existunt, tamen si propter adiunctum cruciatum pœnarum nomine plerunque designentur: sed quædam tantum ægritudines ac molestiæ ad certamen & meritum reliquæ. Quanvis & ipsa mors carnis, inquit Augustinus, de peccato primi hominis originaliter venerit, tamen bonus eius usus gloriosissimos martyres fecit. Et ideo non solum ipsa, sed omnia sæculi huius mala, dolores, laboresque hominum, quanquam de peccatorum, & maximè de peccati originalis meritis veniant, vnde facta est & ipsa vita vinculo mortis obstricta, tamen & remissis peccatis remanere debuerunt, cum quibus homo pro veritate certaret, & vnde exerceretur virtus fidelium; vt nouus homo per Testamentum nouum, inter mala huius sæculi nouo sæculo præpararetur, miseriam, quam meruit vita ista damnata, sapienter tolerans, & quia finietur prudenter gratulans: beatitudinem verò, quam liberata vita futura sine fine habitura est, fideliter & patienter expectans. & alio rursum loco idem:

Pœnas originalis peccati in renato, nō tam pœnas quàm ægritudines dici, easque ob copiosius merita relictas.

Lib. 1. c. 16. de Tñit.

Qui dicunt, Si peccato mors ista corporis accidisset, non utique post remissionem peccatorum, quam Redemptor nobis tribuit, moreremur, non intelligunt, quomodo res, quarum reatum, ne post hanc vitam obsint, Deus soluit, tamen eas ad certamen fidei finit manere, vt per illas erudiantur & exerceantur proficientes in agone iustitiæ. Hæc ibi Augustinus, & alibi in eandem sententiam plura, quæ Antagonistarum argumentationem prorsus enervant. Addo his tamen, & meritò addo: Si isthæc, quæ renati patiuntur in hac miseriarum valle, & illi maximè, qui per rationis vsuram nondum peccare valuerunt, essent pœnæ verè ac propriè debitæ, ad mentis exercitationem & Christi Domini nostri imitationem non relictæ, profectò si in hac vita nō exoluerentur,

Lib. 1. c. 9. de peccat. mer.

necessariò dependerentur in altera. Atque ita pueri infantes, si non satis pœnarum hîc exoluissent, post susceptum Baptismum ad purgatoriũ, vel alium tormentorum locum ad tempus adhuc ablegandi forent: hoc autem & assertu ineptum, & à recta in Deum fide alienum est prorsus.

Tantum abest
se ut ipsa concupiscentia secundum se, vel primi eiusdem motus, in renatis debeat dici peccatũ, ut ne quidem hoc locũ habeat in infidelibus.

In Adamo illa eadẽ non noxam, sed pœnam tantum ex ea consecutam exiit.

Iam si ipsa secundum se concupiscentia, vel pondus illius ad ea, quæ lege inhibita sunt, vel subiti illius motus in regeneratis propriæ rationis pœnæ non sunt, sicut reuera non sunt: multò sanè minùs capitales noxæ censendæ erunt. Imò verò tantum abest, ut vel ipsa secundum se concupiscentia, vel naturalis illius ad carnis illecebras propensio, vel primi omnino eiusdem motus in renatis vllum omnino peccatum existant, (quicquid tandem Sectarum Antesignani ea de re blaterant) ut ne in ipsis quidem infidelibus in peccatis haberi debeant. Sed neque in ipso quoque Adamo, vnde vniuersa hæc malorum seges enata est, vlla omnino, aut noxa, aut macula erant, sed pœna tantum ex noxa consecuta. Neque id asserere est Christum eiusque Apostolum conculcare, ut diaboli præstigijs fascinati homines furiosè clamitant, suisque in Synagogis & Artotomijs ad nauseam vsque inculcant: sed est ipsissimam Euangelij veritatem astruere, & diui Augustini doctrinam apertè profiteri, eiusque vestigijs piè & orthodoxè inniti. Nec illius solum, sed cæterorũ præterea omnium, quotquot, vel ante, vel post ipsum ea de re in Ecclesia Catholica catholicè scripserunt.

Lib. 4. cap. 5.
cont. Iulian.

Augustinus: Sed tu, Iuliane, tanquam in cœlo iam inter Angelos immortaliter habitans, verba infirmitatis & mortalitatis irrides, & ea exponens non secundum meum sensum, sed secundum dolum tuum, dixisse me affirmas, quod gratia non perfectè hominẽ nouũ faciat. Non hoc dico, Attẽde quod dico: Gratia perfectè hominẽ nouum facit, quando quidem & ad corporis immortalitatẽ plenamq; felicitatem ipsa perducit. Nunc etiam perfectè innouat hominem, quantum attrinet ad liberationem ab omnibus omnino peccatis, non quantum ad libera-

liberationem attinet ab omnibus malis, & ab omni corruptione mortalitatis, qua nunc corpus aggrauat animam. & infra: Tu qui putas, quòd si malum esset concupiscentia, careret ea qui baptizatur, multum erras. Baptizatum carere omni peccato, non omni malo. Omni enim peccato caret, non omni malo. Quod planius ita dicitur, Omni reatu omnium malorum caret, non omnibus malis. & infra rursum: Percipitur in Baptismate Christiano perfecta nouitas, & perfecta sanitas ab eis malis nostris quibus eramus rei, non ab eis cum quibus adhuc conflegendum est ne simus rei, cum & ipsa in nobis sint, nec aliena, sed nostra sint. & libro primo de nuptijs & concupiscentia: Ipsa concupiscentia iam non est peccatum in regeneratis, quando illi ad illicita opera non consentitur, atque ut ea perpetrent, à regina mente membra non dantur, ut si non sit quod scriptum est, Non concupisces: fiat saltem quod alibi legitur, Post concupiscentias tuas non eas. Cap. 7. eiusdem lib. & libro secundo de peccatorum meritis: Hec autem lex peccati, (concupiscentia) quod etiam peccatum Apostolus appellat, non sic manet in membris eorum qui ex aqua & spiritu renati sunt, tanquam non sit eius facta remissio, ubi omnino plena & perfecta sit remissio peccatorum, omnibus inimicis interfectis, quibus separabamur à Deo: sed manet in vetustate carnis tanquam superatum & peremptum, si non illicitis consensionibus quodam modo reuiuiscat. At primi animorum motus consensione expertes sunt. & libro primo contra duas epistolas Pelagij: Dicunt Baptisma non dare omnem indulgentiam peccatorum, nec auferre crimina, sed radere, ut omnium peccatorum radices in mala carne teneantur. Quis hoc aduersus Pelagianos nisi infidelis affirmet? Dicimus enim Baptisma dare omnium indulgentiam peccatorum, & auferre crimina, non radere, nec ut omnium peccatorum radices in mala carne teneantur, quasi rasorum in capite capillorum, unde crescant iterum rescanda peccata. Hec Augustinus, quibus nihil de hac controuersia, aut dici, aut scribi potuit planius.

Baptizatum carere omni peccato, non omni malo.

Cap. 7. eiusdem lib.

Cap. 23.

Exod. 20.

Ecclesi. 18.

Cap. 24.

Cap. 13.

Baptismum omnia peccata auferre, non ea modo radere.

Ser. de ped.
ablut.

Cyprianus: De abdito & secretissimo Spiritus sancti munere huius gratiæ liquor emanat, sic lauans quos parentalis labes infecerat, ut nec actualis, nec originalis macula aliqua sui post ablationem illam vestigia derelinquat.

In apolog.
David.

Ambrosius: Non tam sapius, quam plenius lauari petit David, ut conceptam sordem possit eluere. Nouerat secundum legem plura quidem mundandi esse subsidia, sed nullum plenum atque perfectum. Ad illud ergo perfectum tota intentione festinat, quo iustitia omnis impletur, quod est Baptismatis Sacramentum. & alio rursus loco: Dum homo exterior abluitur, mutatur interior, & fit noua creatura ex veteri: vasa iræ in vasa misericordiæ transferuntur, & in corpus Christi conuertitur caro peccati: de impijs iusti, de captiuis liberi, de filijs hominum fiunt filij Dei.

Ser. de Baptif.

Basilius: Baptismus est captiuorum redemptio, debitorum remissio, mors peccati, regeneratio animæ, indumentum lucidum, sigillum cui nullæ insidiæ fieri possunt, vehiculum ad cælum, regni largitor, adoptionis donum. & infra: O rem admiratione dignam? renouaris, & non conflaris: reformaris, & non contereris: curaris, & non dolore afficcris.

Ad cap. 19.
Astor.

Chrysostomus: Quum imposuisset Paulus illis manus, venit Spiritus sanctus super illos: hoc autem Ioannis Baptisma non habebat, ideo & imperfectus erat. & subdit: Hinc ostenditur dogma magnum, quod perfecte purgantur à peccatis, qui baptizantur. & alibi rursus: Ostendemus vobis à totius malitiæ vinculis absolui, & ab omni immunditia liberari eos, qui lauacrum promerentur.

Tom. 1. cont.
hæres.

Epiphanius: Figure in lege fuerunt, veritas autem in Evangelio est. Illic circumcisio fuit carnalis, quæ inseruiuit temporis vsque ad magnam circumcisionem, hoc est, Baptismus, qui circumcidit nos à peccatis, & obsignat nos in nomen Dei.

Ad cap. 9. Ios.
4. Reg. 5.

Cyrillus: Quid Naaman Syrus septies in Iordano ablutus, & à

& à lepra mundatus, nobis innuit, nisi Baptismo Christi lotos, Luc. 4. Num. 31.
 ab omni prorsus animę lepra, peccatoque purgari? Quid aqua
 expiationis & lustrationis secundum veteris legis ritum, tol-
 lens immunditiam ex contactu morticinoque contractam,
 denotat, nisi aquam Baptismi omnem penitus animę impu-
 ritatem abstergere.

Gregorius Magnus: Si qui sunt qui dicunt peccata in Ba- Ep. 39. lib. 9.
 ptismate superficietenus dimitti, quid est hac prædicatione in-
 fidelius, in qua ipsum fidei Sacramentum festinant soluere?
 in quo principaliter ad cœlestis munditię mysterium anima
 ligatur: vt absoluta radicitus à peccatis omnibus, soli illi inhe-
 reat, de quo Psalmista ait: Mihi autem adhærere Deo bonum Psal. 72.
 est. In Euangelio Dominus dicit: Qui lotus est, non indiget Ioan. 13.
 nisi vt pedes lauet, sed est mundus totus. Si igitur peccata in
 Baptismate funditus minimè dimittuntur, quomodo is, qui
 lotus est, mundus est totus? Totus enim mundus dici non
 potest, cui de peccato aliquid remansit. Sed nemo resistit voci
 veritatis, quę ait: Qui lotus est, mundus est totus. Nihil ergo
 ei de peccati sui contagione remanet, quem totum fatetur
 mundum ipse, qui redemit.

Arnobius: Nullus inuenitur in omnibus his mille genera Ad psal. 104.
 tionibus baptizatis vel vnum peccatum habens in hora Ba-
 ptismatis: alioqui si peccatum habet, nõ credidit, & cum Aegy-
 ptijsmersus est.

Clemens: Regeneratis ex aqua & Deo, renouata fragili Ep. 3 ad Iul.
 tas prioris natiuitatis, quę per hominem facta est, ampu-
 tatur.

Innocentius primus: Christus per nouę regenerationis pu- Ep. 25. ad Cõ-
cil. Carthag.
 rificationem, præteritum omne vitium sui Baptismatis laua-
 cro purificauit.

Hesychius: Lauatur omne corpus per aquam Baptismatis, Ad cap. 16.
Leuit.
 quia totum nostrum lauat & renouat hominem.

Mittimus reliquos, omnes enim idem dicunt, eandemque
 vim & energiam Baptismi Sacramento tribuunt. Iure proinde
 meri-

meritoque Tridentina Synodus ijs omnibus anathema dēcernit, qui de ipsa secundum se concupiscentia, eius ve pondere, vel de repentinis quoque illius assultibus diuersum hūc statuunt. Verba Concilij sic habent:

Sess. 5.

Manere in baptizatis concupiscentiam vel fomitem, hęc sancta Synodus fatetur & sentit, quæ cū ad agonem relicta sit, nocere non consentientibus & viriliter per Iesu Christi gratiam repugnantibus non valet: quinimō, qui legitimē certauerit, coronabitur. Hanc concupiscentiam, quam aliquando Apostolus peccatum appellat, sancta Synodus declarat Ecclesiam Catholicam nunquam intellexisse peccatum

Rom. 7.

Concupiscentiam peccatū dici, tū quōd ex peccato sit, tū quōd ad peccatum inclinet.

appellari, quōd vere & propriē in renatis peccatum sit, sed quia ex peccato est, & ad peccatum inclinat. Si quis autem contrarium senserit, anathema sit. En summam Concilij huius & veterum Theologorum de hac controuersia consensionem.

Nec est quōd, vel huic, vel illis inscitia notam suo more impingant. Nam quicquid illi de perfecta hominis renati emundatione affirmant, hoc non ipse solum Scripturæ disertē confirmant, sed ipsa quoque ratio, peccatiq̃ue natura apertē demonstrant. Constat enim id verē, & maximē personalis noxæ vim assequi non posse, quod nulla ex parte voluntarium est:

Omnis concupiscentia expertem vitam agere, perinde facile est, ac nunquam mori, vel esurire.

atqui nullo vnquam carnis sensu tangi, aut omnis omnino concupiscentia expertem viuere, illud in hoc rerum statu equē facile est, atque nunquam mori, vel nunquam esurire. Nec enim secūs humanam naturam secundum se absolutē sumptam consequitur concupiscendi vis, aut concupiscendi pronitas, quā eandem consequitur esuriendi, vel moriendi necessitas.

Quinquam primi parentis voluntate concupiscendi pronitas libeta fuerit, non ob id tamen in renatis vim obtinere peccati. Ad Gal. 3.

Neque causam obtineas, si eiusmodi concupiscentiam, aut concupiscendi pronitatem, primi parentis voluntate liberam extitisse cauilleris. Siquidem verē renati non sunt iam amplius in Adamo, sed in Christo. scriptum est enim: Quicumque in Christo baptizati estis, Christum induistis. Quōd si baptizati

Chri-

Christum verè induère, consequens sit ergo vt peccati vetustatem, quam ex Adamo contraxerant, iam verè exuerint: atque adeò, vt iam non ampliùs in Adamo, sed in Christo uiuant. Imò, vt nuperrimè dicebamus, tantum abest, vt innata illa ad carnis oblectamenta propensio, citra actum, aut actus eiusdem citra voluntatis consensum, in verè renatis verè culpe sit obnoxia, vt in ijs etiam, qui fide & iustitia destituuntur, propriæ noxiæ rationem non sortiantur: Licet illa, vel ob suam in mentem iniquitatem, vel ob mentis quoque in illam indulgentiam, noxiæ nomine interdum designetur.

Aequè certè exploratæque veritatis est, in ea, quæ mente & ratione destituuntur, peccatum cadere non posse. Quod enim liberè non sit, sed vi, vel solo naturæ impetu, id vt præmium non meretur, ita neque supplicio quoque dignum habetur. Atqui hominis caro, & quicquid demum in hominis carne existit, secundum se, hoc est, citra ordinem ad rationis iudicium aut voluntatis consensum, perinde brutum & rationis exors est, atque ea quæ comperiuntur in leone, aut alio quouis animante, vel animantis specie. Quam ob rem naturalis illa carnis ad ea, quæ sensum oblectant, inclinatio, aut motus eiusdem carnis, vt rationis iudicium, aut voluntatis consensum subterfugiunt, in veri nominis peccatis haberi nequaquam possunt.

Ut in ea quæ ratione carèt peccatum cadere non potest, ita nec in ea quæ in hominis carne citra rationis iudicium & voluntatis consensum repetiuntur.

Quodd si illi carnem nō pro infirma hominis parte vsurpant, vt fortè non vsurpant, sed pro toto homine: in illud rursus incommodum incidunt, vt vnum & eundem hominem totum carnalem, & totum rursus spiritalem pronunciet. Nam vt id, quod natum est ex carne, caro est: ita ediuerso, quod natum est ex spiritu, spiritus est. Vt autem idem secundum idem simul carnale sit, & spiritale, id fieri neutiquam potest.

1022. 1.

Præterea Euangelium ea tantum hominem coinquinare docet, quæ de corde, hoc est, ex deliberata hominis voluntate procedunt, vt sunt furta, adulteria, homicidia, & sexcenta id genus alia: Atqui concupiscentia, vt concupiscentia est, hoc

Ea tantum hominem contaminat, quæ ex deliberata nascuntur voluntate.

Dd est,

est, vt quędam ad carnis voluptates propensio, propēsa' ve animi vis est, non prodit ex corde. Quòd si subitum aliquē auctum interdum profundit, is, vt omnino subitus est, ex corde interiori' ve voluntatis consensu, ac deliberatione ortus non est, atq; ita hominem interiùs contaminare non potest.

Nisi Christi beneficio im-
pie aliquid
detrahere ve-
limus, neces-
se est, eius gra-
tia & merito
non solùm
intrinsicè, sed
& perfectè
nos iustifica-
ri, vt existi-
memus.
Rom. 5.

Adhęc nisi Apostolum negare, amplissimoq; Christi bene-
ficio studio tenebras velimus offundere, nō possumus minus
virium tribuere Verbi incarnati gratię & merito, quàm Adæ
præuarcationi & peccato. Scriptum est enim: Non sicut deli-
ctum, ita & donum. rursus: Vbi abundauit peccatum, ibi su-
perabūdauit & gratia. Si ergo Adamus nō imaginariè aut im-
putatiuè, vt isti loquuntur, sed verè ac propriè nos contami-
nat, sicut reuera contaminat: (Nam per inhærentem pecca-
ti maculam verè, propriè, ac formaliter peccatores sumus, &
peccatores denominamur) consequens sit, vt Christi gratia &
merito integrè, & non inani tantùm opinacione, aut solùm ex
parte à peccato emūdemur: nec rursus imputatiuè solùm p-
candē iustificemur, vel sanctificemur, sed intrinsicè ac pfectè.

Imputatiuam
iustitiam, &
peccati quam
ingunt con-
donationem,
pugnare cum
Christi meri-
tis, & Scriptu-
rę phrasī.

Adde, externā illā iustitię imputationē, cōmentitiāq; pec-
cati condonationē, nō solùm cū Christi gratia aptè pugnare,
verùm etiā à familiari Scripturę phrasī prorsus alienā esse. Ne-
mo enim nescit, aliud esse, peccatū tollere vel remittere, aliud
idē tegere vel abscondere: aliud rursū, sordes verè eluere vel ex-
tergere, aliud elutas vel exteras, cū adhuc inhæreant, cōfin-
gere, vel animo concipere: aliud tandē, reipsa sanctificare vel
iustificare, aliud quod iustum vel sanctum non est, sed im-
mundum peccatisq; scdè cōtaminatum, iustum ac sanctum
predicare, vel reputare. Atqui Scriptura peccatum per Chri-
stum tolli, elui, remitti, cōdonari, emundariq; prædicat, iustitiā
verò & sanctitatem per eundē infundi, vel conferri. Legimus
hīc enim inter alia multa: Sed abluti estis, sed sanctificati estis,
sed iustificati estis. rursus: Effundam super vos aquam mun-
dam, & mundabimini ab omnibus inquinamentis vestris.
item: Ecce agnus Dei, ecce qui tollit peccata mundi. demum:

Nihil

1 Cor. 6.

Ezech. 36.

Ioan. 1.

Nihil ergo nunc damnationis est ijs qui sunt in Christo Iesu. ce Rom. 8.

Quin & pessimè quoq; commentum hoc de peccato non verè condonato, vel non verè expiato, sed tantùm tecto, vel non imputato: de iustitia rursus non verè inherente, sed extrinsecus tantùm assistente, cum crebra illa, & insolenti admodum Antagonistarum gloriatioe congruit. Constat enim plerosque ex illis plenis buccis iactitare, ac prædicare solere, se Christi meritum, fœdissimè antè obscuratum, & tantùm non extinctum, è tenebris rursus in lucem protulisse, verumique illius vsum ac vim Christiano orbi patefecisse: Et tamen si Christi gratia, si eiusdem satisfactio & meritum, peccatum re ipsa non tollit, sed tantùm radit, vel tegit: si eadem Christi gratia peccatorem verè non sanctificat, vel non iustificat, sed eam, quæ, vel nusquàm est, vel tantùm in Christo est, vel (vt quidam quoq; ex illis nugantur) in sola essentia diuina est, iustitiam ipsi tantùm imputat: citra vllam controuersiam multò plus Christi gratiæ tribuunt Catholici, quàm noui illi Elymazitæ. Catholici enim certò credunt, picque, & publicè protestentur, iniustum per Christi gratiam verè iustificari, à peccatis rursus verè ac integrè absolui: ita vt nihil veræ noxæ, aut veræ quoque condemnationis in ipso maneat reliquum.

Plus tribuitur à Catholicis meritis & gratiæ Christi, quàm à nouis istis Elymazitis.

Eidè illi Catholici firmissimè citra vllā omnino hēsitationem credunt, infantes Christo per Baptismi Sacramentū verè insitos hinc excedētes, rectā mox ad superos euolare. Atqui si regenerationis lauacrū originis labē re ipsa nō eluit, penitusq; non expiat, sed, vt isti dicunt, tantùm tegit, vel radit, vel, ne in pœnā imputetur, solūm obruit: profectò eiusmodi infantibus expeditus ad cœleste regnū aditus nō patebit, quippe quod nihil omnino admittat, nisi verè, pfecte, & integrè ab omnibus peccati sordibus emundatū, & veris rursus virtutibus ac Spiritus sancti donis intrinsecè ornatū ac perpolitū. Sed quis nisi putidus, planèq; marcid⁹ hereticus hinc illos excludere audeat?

Si Baptismus originis labē re ipsa nō eluit, sed modò radat, infantes baptizatos, statim si discesserint, aditū ad cœleste regnum nō habituros

Deniq; existimandum non est peccatū hoc naturæ maioris malitiæ, maioris ve tenacitatis, aut adhesionis esse peccato

Cū peccata personæ gratia Christi tollantur, multò

magis iudi-
candum est
penitus tolli
Baptismo pec-
cata originis

personę : Imò est hoc illo multò peius curatuque difficilius : sicut hoc ipso quoq; magis voluntarium, & magis quoq; proprium exisist. Atqui cetera omnia per gratiam verè abolètur, & in profundum abyssi demerguntur : Nam aliàs, qui in humanis diu agerent, & turpiter agerent, ingenti peccatorum mole pressi vix subsisterent : Siquidem promeritam pœnam non exigere, aut admissum peccatum ad pœnam non imputare, non est animæ vires, quæ per peccatū maiorem in modum leduntur, & ad præstandū officium subinde ineptiores ac debiliores redduntur, à morbo sanare, aut ad pristinū vigorem reuocare.

Firmissimè proinde credendum, ac nullatenus dubitandum est, Baptismi Sacramentum ritè susceptum, & originalem, & omnem aliam noxam perfectè expiare, omnemq; pœnam in supremi iudicis foro debitā penitus abolere : & p consequens, concupiscentiam, quæ post susceptum Baptismi Sacramentum in renatis residua comperitur, neque noxam esse, neque verè rationis pœnam esse, sed tantum virtutis materiam.

Firmamenta, quibus nituntur, qui concupiscentiam, quæ post Baptismi Sacramentum ritè susceptum in renatis sit reliqua, lechiferum peccatum esse contendunt, non esse satis firma, imò ne firma quidem, sed asystata planè & putrida.

TRACTATUS QVINTVS DECIMVS.



Ec quicquā Catholicæ huic veritati aduersatur illud Apostoli : Quod operor, nō intelligo. Non enim quod volo bonū, hoc ago : sed quod odi malū, hoc facio. & infrā : Video aut aliā legē in mēbris meis, repugnātem legi mentis meæ, & captiuantē me in lege peccati. Infelix ego homo, quis me liberabit de morte corporis huius? nec illud rursus eiusdē : Caro & sanguis regnū Dei possidere nō possūt. Sapiētia enim carnis inimica est Deo. Legi enim Dei nō est subiecta : nec enim potest, nec illud Exodi : Nō cōcupisces. nec illud Deuteronomij : Diliges Dominum Deum tuum ex toto corde tuo, ex

tota mente tua, & ex omnibus viribus tuis.

Nec illud Augustini: Concupiscentia carnis, & peccatum est, quia inest illi inobedientia contra dominatum mentis: & poena peccati est, quia reddita est meritis inobedientis: & causa peccati est, defectione consentiētis, vel contagione nascentis. & infra: Si circumspectus & cautus esses, cognosceres utique veram esse iniquitatem, quod vires inferiores hominis repugnant superioribus. nec illud eiusdem: Quam diu viuis, peccatum necesse est esse in membris tuis. Nec illud Ambrosij: Malos equos restringit & reuocat, bonos incitat. Boni equi sunt quatuor, prudentia, temperantia, fortitudo, iustitia. Mali equi, iracundia, concupiscentia, timor, iniquitas. Nec cetera denique omnia, quæ, vel ex sacris literis, vel ex Patribus in hunc locum conferunt: omnia nanque in eundem scopum tendunt, eandemque responsionem admittunt. Veruntamen quod fidei Catholica hostes magnam in illis vim facere soleant, non vna quadam generali responsione omnibus simul obuiâ ire, sed singula seorsum excutere & explorare, visum est.

Quâdo ergo Apostolus ait, Non enim quod volo bonum, illud ago: sed quod odi malum, illud facio: non de vero aliquo peccato conqueritur, sed de graui concupiscentiæ onere, moietisque eiusdem certaminibus, quorum neutrum est voluntarium. Quod autem voluntarium non est, hoc nec proprium est, neque peccatum est. Quare eodem illo capite illud se operari negat, ait enim: Nunc autem non ego operor illud, sed quod habitat in me peccatum. At quod ego non operor, hoc meæ voluntatis peccatum non est. Solum enim originis peccatum in nobis sine nobis, hoc est, absque formali nostro consensu & opere, comperitur. Motus itaque concupiscentiæ, nisi quis spontè illis assentiatur, ex Pauli doctrina non sunt peccata: tametsi tropo Scripturis familiari & extrinseca quadam denominatione peccatum interdum appellantur.

Quod si concupiscentia, vel qualescunque naturales illius imperus secundum se veræ rationis peccatum essent, profectò

Lib. 5. c. 8
cont. Iulii.

Tract. 41. in
Ioan.

De Iane & a-
nima. cap. 3.

Concupiscen-
tias, si illis
non consen-
tiamus, ex D.
Pauli sententia
non esse pec-
cata.

Si concupis-
centia in re-
natis peccatū

efficit, sine cau-
sa D. Paulus
quosque mo-
netet ne illi-
us impulsibus
cederent.
Rom. 6.

Apostolus non scriberet: Non regnet peccatū in vestro mortali corpore, vt obediatis concupiscentiis eius. Sed neque exhibeatis membra vestra, arma iniquitatis peccato: sed exhibete vos Deo, tanquam ex mortuis viuentes: & membra vestra, arma iustitiæ Deo. Peccatum enim vobis non dominabitur. Hic clarè sanè docet malum, quod membris nostris inhæret, tum demum renatis in noxam cedere, quum per liberum voluntatis consensum prauæ illius inclinationi, aut impulsioni mos geritur. Nam si quietem in membris nostris agens, vel animum tantum pulsans, peccatum existeret: frustra, ne impulsibus illius cederemus, nos admoneret. Quis enim nisi fatuus Aethiopi dicat, Caue ne denigreris? aut sordibus omni ex parte iam cooperto, Vide ne contamineris? Candidis ac nitidis aptè hæc dicuntur, non nigris, aut immundis.

Cū Christus
& Belial, in
ijsdem mem-
bris simul ef-
se nō possint,
necesse est vt
regeneratis
nullum am-
plius morti-
ferum pecca-
tum insidet.

Rursum si iustorum membra plena sunt semper iniustitia & peccato, cur tam seriò hîc commonesiunt fideles, ne illa iniquitati & iniustitiæ arma exhibeant? Nunquid simul in iisdem membris sedem obtinere possunt, Christus & Belial? lux & tenebræ? seruitus iustitiæ & iniustitiæ? Spiritus Domini bonus & spiritus Domini nequā? non opinor. Atqui istuc omnino necessarium est, si verè ac perfectè regeneratorum membris aliquod adhuc mortiferum peccatum insidet. Nam veniale, quod illi nullum agnoscūt, cum vera iustitia, & sanctimonia non pugnat.

Demum si quod isti dicūt Spiritus sancti oraculum, & non merum Sathanæ & insanorum hominū cōmentum est, quomodo cum ratione constabit, quod Apostolus hoc loco ait: nempe per Baptismum ex mortuis nos factos esse viuentes? Nunquid idem simul & semel viuens potest esse, & mortuus? diuino spiritu vegetatus, ac diaboli iugo, peccatiq̃ue seruitute pressus? Nec enim alia est mors animæ, quàm peccatum: per peccatum nanque vtraque mors intrauit in terrarum orbem. Quiduis ergo potius renatorum membris tribuit Apostolus, quàm damnabile peccatum, cuiusmodi id solum est, quod certam

certam mortem animæ adducit.

Etſi verò iſthęc omnia certiffima veritate nitantur, non defunt tamen graues & orthodoxi Apoſtoli interpretes, qui omnia, quę de carnis & ſpiritus inter ſe colluſatione, maloque inhabitante, toto illo ſeptimo ad Romanos capite in Pauli perſona exponuntur, & capite quinto ad Galatas compendio repetuntur, non tam ad Apoſtolum, vel Apoſtoli perſonam referenda exiſtiment, quàm ad promiſcuam totius humani generis multitudinem, à peccati vinculo per Chriſti gratiam nondum abſolutam. Nec id ſanè abſque aliqua probabili ratione. Nam præterquam quòd Apoſtolus ea modèſtè in ſe transferre ſoleat, quę in ſe alioqui nō cōueniunt, ſed in alios: vt cū ſumpta eorū perſona, quę legem anteceſſerant, quandoque abſque vlla omnino lege ſe vixiſſe proſitetur: videntur hęc ipſa quoque cum ſumma illa perfectione, vitæq; integritate, & ſanctimonia, qua is cumulatiffimè ornatus erat, parum admodum conuenire.

Ea quæ à D. Paulo cap. ſeptimo ad Romanos, & cap. quinto ad Galat. de ſpiritus & carnis luſta referuntur, non tam ad eius perſonam, quàm ad eorum, quæ Chriſti graua necdum à peccato mundati ſunt, quorundam ſententia, pertinere.

Quomodo enim aptè iſtud in illum conueniat: Peccatum per mandatum in me operatum eſt omnem cōcupiſcentiam. item illud: Lex ſpiritalis eſt: ego autē carnalis ſum, venundatus ſub peccato. tum illud rurſum: Peccatum occasione accepta per mandatum ſeduxit me, & per illud occidit. tum reliqua denique, quę toto illo epiſtolę ſegmento percenſentur, qui alibi, de ſua ſuiq; ſimilium fide, cōſtantia, ſingulariq; perfectione, & ſanctitudine, ab his lōgè diuerſiſſima cōcionatur. Quis, inquit, ſeparabit nos à charitate Chriſti? tribulatio? an anguſtia? an fames? an nuditas? & paucis interiectis: Certus ſum, quod neq; mors, neq; vita, neq; Angeli, neq; inſtantia, neq; futura. & rurſum: Viuo iam nō ego, viuít verò in me Chriſtus. itē: Anima liſ homo nō percipit ea, quę ſunt ſpiritus Dei. Nos autē ſenſum Chriſti habemus. iterum: Nos in carne ambulantes, nō ſecundum carnem militamus. Mittimus hęc reliqua, ſunt enim plura, & in illius epiſtolis paſſim obuia. Cū hęc igitur ita habeant, non temere, quæ ſeptimo illo capite de carnis infirmitate

Rom. 7.

Ibidem.

Rom. 8.

Gala. 2.
1. Cor. 2.
2. Cor. 10.

mitate exponuntur, ex persona Apostoli ad eos, qui Baptismi gratiam nondum consequuti fuerant, à Chrysostomo, Ambrosio, Origene, Theophylacto, & ab alijs præterea compluribus Patribus transferuntur.

Augustinus
negat in rena-
tis concupi-
scentiam esse
peccatum.

Lib. 2. cont.
Iulianum.

Non ita exponit hunc locum Augustinus: at is interim malum, de quo hîc agitur, hoc est, carnis concupiscentiam reatorum membris inherentem, verum peccatum esse constanter negat. Ecce, inquit, quâtam nos pugnam cum mortuis habere peccatis, ille strenuus Christi miles, & Ecclesiæ fidelis doctor ostendit. Quomodo enim peccatum mortuum est, cum multa operetur in nobis, reluctantibus nobis? Quæ multa? nisi desideria stulta & noxia, quæ consentientes mergunt in interitum & perditionem, quæ utrique perpeti, eisque nõ consentire, certamen est, confictus est, pugna est. & infrà: Quantum ad nos attinet, sine peccato semper essemus, donec sanaretur hoc malum, si ei nunquam consentiremus ad malum. & alio rursus loco: De ista concupiscentia carnis falli eos credo, vel fallere, cum qua necesse est, ut etiam baptizatus pia mente confligat. Sed hæc, etiam si vocatur peccatum, non utique quia peccatum est, sed quia peccato facta est, sic vocatur, sicut scriptura manus cuiusque dicitur, quod manus eam fecerit. Hæc Augustinus & multa alia in eandem sententiam cum in hoc libro, tum in reliquis quoque omnibus, quos contra Pelagianos edidit. Quæ omnia planissimum faciunt locum ex epistola ad Romanos allegatum contra assertam veritatem nihil quicquam obtinere.

Lib. 1. c. 13.
cont. duas
epist. Pelag.

At multò minùs obtinet alter ille, qui de carne & sanguine, & carnis sapientia adferebatur: siue cum τροπικῶς exponere lubeat, siue ἀσχηματισμένως & sine tropo. Nam si cum diuinorum oraculorum interpretibus, per carnem & sanguinem acceperint hominem ventri gulæque deditum, carnalibusve vitij obstrictum, nulla inter nos & illos pugna constituetur. Quandoquidem & nos ipsi quoque eiusmodi ventris mancipia, nisi inexplibilis ventris ingluuiei, cæterisque, quæ hinc nasci

nasce solent, vitij atque flagitij nuncium miserint, à regno extorres futuros prædicamus. Sin autè per carnem & sanguinem humanam naturam, vel materialem eiusdem nature partem, intellexerint: in Eutychij patriarchæ Constantinopolitani errorem aperte degenerant: aut si huc non inclinant, cequonam hac Scripturæ autoritate tendant, ipsi nobis planum faciant.

Greg. 14. c. 1.
& 32. Moral.

Dicent forsàn, non carnem simpliciter, sed carnem concupiscentem, quòd eiusmodi Deo exosa inimicaque sit, regni aditu se prohibere. Sanè si hoc volunt, in partem admitti possunt. Certum est enim carnem, quæ ad coelorum regnum olim admitteretur, ab omni prava concupiscentia, corruptione, & infirmitate liberam fore: non quòd Deus carnem interitui, aut infirmitati, vel concupiscentiæ quoque vitio obnoxiam exosam habeat: diligit enim illam: nam nisi diligeret, tot gratij ac prærogatiuis in vita, & interdum quoque post hanc vitam, illam non ornaret; neque tanta diligentia, ac providentia custodiret; neq; ipse tandem eiusmodi carnem infirmam, & mortis lege obstrictam sibi coniunxisset: sed quòd illi statui non conueniat. Alia enim placent & decent in patria, alia in via; alia in pugna vel lucta, alia post pugnam in victoria; alia demum nocte, alia die.

Carnem eam
quæ olim ad
Dei regnũ su-
metur, omni
prava concu-
piscẽtia & in-
firmitate fore
liberam

Membrum quod huic annectebatur, nobiscum facit. Neque enim Apostolus carnem ipsam Deo inimicam asserit, sed carnis sapientiam, quæ utique, ut ex ijs, quæ proximè antegrediuntur, manifestum est, aliud nihil est, quàm affectio, vel vita hominis secundum carnem viuentis, vel sapientis. ait enim: Qui secundum carnem sunt, quæ carnis sunt sapiunt. qui verò secundum spiritum sunt, quæ sunt spiritus sapiunt. Nam prudentia carnis, mors est: prudentia autem spiritus, vita & pax. Quoniam sapientia carnis inimica est Deo. Atqui nos illos, qui Christo iam per Sacramentum incorporati sunt, ipsique adhærent, non ea quæ carnis sunt sapere, hoc est, probare & amplecti dicimus, sed ea quæ sunt spiritus.

Rom. 8.

Ec

Locus

Præceptum,
Non concupi-
ſces, nō vetat
concupiſcen-
tiam ejuſque
inordinatos
in nobis mo-
tus, ſed in hiſ
omnibus cō-
ſenſum

Rom. 10. 33

Math. 11. 33

1. Ioan. 5. 33

Locus porro ex Exodo allegatus, prima ſtatim facie nonnihil difficultatis offert: attamen vi neruoque illius inſpecto excuſſoque, planam ſententiam exhibet. Nam etſi, ne vlla nobis concupiſcentia cohæreat, vel ne vllus inordinatus carnis vel concupiſcentiæ motus vnquam in nobis ſe prodat, hîc inhibituſ videri queat, neutrum tamen horû hoc loco vetatur. Siquidem præceptû omne, vt & omne quoque conſilium, non quorumlibet eſt, ſed eorum ſolûm, quæ fieri à nobis poſſunt, maximè autem diuinû. de hoc enim ſcriptum extat: Propè eſt verbum in ore tuo, & in corde tuo vt facias illud. rurſum: Iugum meum ſuaue eſt, & onus meum leue. item: Mandata eius grauiâ nō ſunt. Atqui ex carne & ſanguine cōcreti non poſſumus non *κτισμένοι*, cōcupiſcibiles, & interdû quoq; concupiſcētes non eſſe: quippe cū habitualis concupiſcētia, vel cōcupiſcēdi pronitas nobis ſit congenita; actualis verò adeò familiaris & domeſtica, vt vix vllû vnquam tranſigamus diem, omni vanæ concupiſcētiæ motu prorsus vacuû.

Ecquid ergo hoc præcepto cauetur, vel prohibetur? Aliud ſanè nihil, quàm ne prauæ concupiſcētiæ moribus acquieſcentes, carnis noſtrę deſideria perficiamus, aut perficere ſtudeamus. Præceptum enim hoc non datur carni, vt quæ ex ſe, & ſecundû ſe præcepti nullius capax exiſtat. Et ſi quod opus naturę illius conſentaneum ipſi indicēdum eſſet, vel indicî quoque poſſet, hoc ipſum vtique, quod nunc vltro præſtat, ipſi indiceretur, & aliud nullum. Nam ſi ſecundû ſe abſolutè eam ſpectes, nō minûs ipſi naturale eſt in ea, quæ ſenſum oblectant, prono curſu ferri, quàm boui, aut alteri cuiſcunque animanti. Datur autem præceptum hoc homini: quod autē homini præcipitur, id ſecundû eam partem illi præcipitur, quæ rationis compos eſt. At verò quod homo ſecundû hanc partem agit, hoc liberè agit. primi autem concupiſcentiæ morus, nō ſunt liberi, ſed merè naturales: nec inhærent menti, ſed ſenſui. Quamobrem præcepto illo, Non concupiſces, nequaquam inhibentur naturales concupiſcentiæ motus, multò verò minùs

nus ipsa concupiscendi facultas, vel ipsa quoque concupiscendi pronitas: prohibetur autē ipse tantum voluntatis consensus. Nam, ut modò aiebamus, idem est omnino, Non concupisces, quod, Illicitis concupiscentiæ motibus ne acquiescas: aut, Rem malam, vel malè concupitam assequi ne labores.

De dilectionis præcepto quod in eadem illa argumentatione adferunt, quorsum adferant, non satis intelligo. Nam ut maximè præceptum hoc ea perfectione & constantia hinc impleri non posset, qua in patria impletur, & in omnem eternitatem implebitur: Sicut reuera ea integritate hinc impleri non potest: multa enim in vitæ huius peregrinatione occurrunt, quæ intensum illud & continuum diligendi studium impediunt ac remorantur: Aut tanta quoque perfectione hinc impleri non posset, quanta alioqui hoc loco præscribi videtur; adhuc non sequeretur concupiscentiam, quæ in renatis reliqua deprehenditur, mortiferam noxam esse. Aliud est enim nullis carnis desiderijs seruire, aliud infra summum illum dilectionis gradum consistere. Multi enim carnis insulibus resistunt, qui tamen minus feruidè diligunt. Hinc, inquit Augustinus, præceptum est ne peccemus, illic præmium erit non posse peccare: hinc præceptum est ut desiderijs peccati non obediamus, illic præmium erit ut desideria carnis non habeamus.

Deut. 6.
Matth. 22.

Sed sanè si hoc dilectionis præceptum verè rationis præceptum est, non ob id solū propositū, ut ad eius scopum atque perfectionem pro viribus enitamur; verū ob id maximè, ut illud opere ipso in hac mortali vita expleamus, ut tale præceptū esse nihil quicquam dubitamus: certum est impleri illud posse, & quidem magna cum facilitate, & animi tranquillitate. Si quidem misericordiarum pater nihil exigit ab homine, quod gratuito illius auxilio adiutus, citra magnam difficultatem præstare non queat.

Præceptū de
Deo diligēdo
quomodo in
hac mortali
vita possit à
nobis imple-
ri.

At quomodo, inquis, fieri potest, ut totum semper cor, totumque semper animum, & mentem in Deum defixam habeamus, qui vnum vix psalmum citra mentis euagationem

Ec 2 absol-

absolvere valemus? Næ, vt non illi solùm iusti, vel sancti, vel perfecti censentur, qui ad summam iustitiæ, vel sanctitatis, vel perfectionis culmen iam peruenerunt; sed illi quoque, qui primum iustitiæ, vel sanctitatis, vel perfectionis gradum iam attigerunt, vel aliquos iam progressus in iustitia, vel sanctitate, vel perfectione fecerunt: rursus vt non illi tantum hominum numero vel loco habentur, qui ad virile robur iam euecti sunt; sed illi quoque, qui in primo vitæ limine consistunt, vel nonnullum iam vitæ spatium confecerunt: demum vt non illa tantum animalia sunt, & animalia rectè appellantur, quæ mente & ratione prædita sunt; sed illa quoque, quæ vno tantum, aut altero sensu potiuntur: Ita non illi tantum Deum Opt. Max. toto pectore diligunt, & tota vi mentis diligere rectè dicuntur, qui toto semper animo & pectore in ipsum intenti sunt, beataque illius præsentia coram iam perfruuntur: sed illi quoque, qui nihil dilectioni illius contrarium in pectore gerunt: Cuiusmodi sunt omnes illi, qui à lethali bus criminibus immunes existunt. Tum illi rursus, qui nihil, vt ipsum, vel supra ipsum, sed omnia in ipso, & propter ipsum, & infra ipsum diligunt. Tum illi denique, qui ipsum non fucant, aut seruiliter, sed syncerè & ex animo diligunt, & colunt. Sicut illi quoque toto corde eum querere, vel ad eum sese conuertere, vel mandata eius seruare rectè dicuntur, qui candidè ex animo illum querunt, vel ad eum sese cōuertunt, vel mandata illius seruare & exequi satagunt. Constat ergo, quæ ad euertendam Baptismi energiam, vel ad stabiliendum fœdus illum de peccato nunquam non inherente errori ex sacris literis Sectarij hinc inde corradunt, nullarum esse virium prorsus.

Sed nec illa quoque magni alicuius roboris sunt, quæ in malæ causæ suæ præsidium ex Augustino & Ambrosio asciscunt. Nam dum beatus Augustinus concupiscentiam secundum se peccatum esse asserit, nō tantum peccati causam, aut peccati effectum; peccati nomine nō aliquem culpæ reatū, sed naturæ tantum

Quid B. Augustinus nomine peccati accipiat, cum se-

cundum se
concupiscen-
tiam asserit
peccatum.

tantum vitium, aut defectum insinuare voluit. Erat enim illi certamen cum Iuliano Pelagianorum Antesignano, qui ut nullum omnino agnoscebat originis peccatum, ita nullum quoque admittebat naturę virium. Postea tamen, quod, quæ ex sacris literis contra illud suum commentum adferebantur, diluere non posset, concessit, quæ patimur incommoda, pœnas dici posse, non quidem sceleris alicuius, quod in nobis esset, aut in nobis aliquando extitisset, sed transgressionis Adæ. Verum quod idem ille Iulianus omnem omnino pœnam citra ullam exceptionem, & bonam, & iustam, & ex Deo profectam mordicus defenderet: & carnis libidinem, & virium inferiorum contra superiores rebellionem, & naturæ nostrę corruptionem ac infirmitatem, & quicquid tandem, vel turbatum, vel præposterum, vel inordinatum in homine cernitur, hoc totum ille, & bonum, & naturæ nostrę consentaneum, & ex Deo ortum contendebat. Huic igitur manifestatio errori Augustinus caput obiectans, ostendit non omnē omnino pœnam simpliciter bonam esse, sed aliquam etiam malam: declarat hoc autem internę cæcitatē, & cōcupiscentię, quam sustinemus, exemplo.

Sed detur aduersario concupiscentiam, quæ in allegata auctoritate peccatum appellatur, non analogicōs, aut tropicōs peccatum esse, aut peccatum dici, sed verē & propriē: at vnde probabitur Augustinum de ea concupiscentia locutum hīc esse, quę in renatis sit reliqua? Siquidem nulla omnino renatorum hīc fit mentio, ne minimo quidem verbo. Imō, verò quod hīc Augustini locus ad illos, qui regenerationis gratiam consecuti sunt, referri non possit, id ex illis, quę prolixē paulō antē ex illo citauimus, & fusiū ex eodem, si opus id foret, citare adhuc possemus, tam certum est, quā id, quod certissimum. Vbiq̃ue enim inculcat eiusmodi concupiscentiam secundum se à culpa immunem esse: culpabilem tamen, ac peccaminosam fieri posse, si renati voluntas illi assentiatur. Atque hoc ipsum terriō Antagonistę, si importunus esse pergat, re-

sponderi queat. Indubitatum est enim omnem omnino prauam concupiscentiā, quę per voluntatis ignauiam non retunditur, peccatum gignere, in quocunq; tandem illa extiterit.

Per hæc patet, quid ad alterum Augustini locum dici queat, & dici quoque debeat. Est enim reuera magna quædam iniquitas, hoc est, insignis quædam *ἀνισομαλία* & inæqualitas, naturæque deformitas, vires inferiores, quæ in prima hominis institutione promptè, & alacriter, & citra vllam tergiuersationem superioribus parebant, licèt eam obsequendi vim & promptitudinem ex se non haberent, primæ conditionis suæ quasi oblitæ, insolenter nunc contra illas subinde insurgere. Quia ergo Iulianus, vel errore deceptus, vel malitia obcæcatus, hanc naturę prauitatem, iniustamque virium inter se pugnam, non ad peccatum tanquam ad veram ac propriam causam referebat, sed ad internam ipsius naturę qualitatem, meritò ab Augustino illi occinitur: Si circumspectus & cautus esses, cognosceres vtique veram esse iniquitatem, quòd vires inferiores hominis repugnant superioribus. & alia in hunc sensum plura. Crebrò nanque & variè his & similibus illius inscitiam malitiamque incescit. Sed hæc interim incescitio non probat, concupiscentiam, vel aliud quodcunque post susceptum Baptismum reliquum incommodum, noxam esse æterna damnatione dignam. De talismodi enim noxa hîc agimus, non de nauis, qui iugi illo carnis & spiritus conflictu non infrequenter accidunt.

Sed & illud quoque, quod ex Ambrosio adferebatur, eandem equè interpretationem recipit. Nec ipse Augustinus, fidus alioqui Ambrosianæ mentis interpres, aliter illud exponit. Ambrosius, inquit ille, legem peccati, cuius manentis reatus in sacro fonte remissus est, propterea vocauit iniquitatem, quia iniquum erat, vt caro aduersus spiritum concupisceret. Hæc ille, & rectè. Nec enim iniquum, hoc est, præposterum & inordinatum esse non potest,

Lib. 1. cont.
Iulian.

Quo sensu B.
Ambrosius
concupiscentiam
appellet
iniquitatem.

si vxor infurgat in maritum, seruus in herum, serua in dominam. Coeli superiores motu suo rapiunt inferiores, non contrà inferiores superiores.

Quòd si cui hæc Augustiniana interpretatio tametsi vera & propria, non probatur, is Dauidicę apologię caput duodecimum percurrat, & clarè mox conspicabitur Ambrosium nihil minùs vnquam somniâsse, quàm concupiscentiam, quæ in certamen & exercitium regenerationis gratia potitis relinquitur, veram esse culpam. Imò verò hoc ipso loco concupiscentiam ab iniquitate, tãquam quoddam ab ea diuersum, sequestreat. Nam vt iracundiam prudentiæ, timorem fortitudini, iniquitatem iustitiæ, ita concupiscentiam opponit temperantiæ. Aliud ergo secundùm Ambrosiũ est iniquitas, aliud concupiscentia, tametsi hæc in illam ad modum iam expositum inclinet, & sæpe quoque deiciat.

Ad illud tandem: Quàm diu viuus, tam diu necesse est peccatum esse in membris tuis, responderi solet, & istuc verè, Augustinum peccati vocabulum perinde istic vsurpare, atque illud vsurpat Apostolus, dum seriò, ne peccatum in mortali corpore nostro regnet, nos admonet. Nam hũc ipsum Apostoli locum ille exponens, hæc adfert: Apostolus autem, vt antè ostensum est fuisse, non propriè istic loquitur, sed impropriè & figuratè. Sed agedum ipsemet Augustinus pro se loquitur, etatem enim habet, & iudicio valet. Ipsa, inquit ille, concupiscentia nō est peccatum in regeneratis, quando ei ad illicita opera nō consentitur: sed modo quodā loquendi peccatum dicitur, quod peccato facta est, cùm iam in regeneratis nō sit ipsa peccatũ. hæc ibi. Et in eodẽ illo quadragesimoprimo tractatu, qđ priùs cũ Apostolo vocauerat peccatũ, postea infirmitatis nomine designat, ait enim: Quicquid à nobis peccatũ est antea, deletũ est in Baptismo. & addit: Nunqđ quia deleta est tota iniquitas, nulla remãsit infirmitas? & paulò altius: Nō reconciliamur nisi ablato eo, quod in medio est: & posito, qđ in medio sit. Est enim mediũ separãs, quod est peccatũ: est & mediator

Tract. 41. in Ioan.

Rom. 6.

Lib. 1. de nup. & concup.

Tract. 41. in Ioan.

Nullam fieri
reconciliati-
onem homi-
nis cum Deo,
nisi ablato
peccato.

diator reconcilians, qui est Dominus Iesus. Vt ergo tollatur materia separans, quod est: peccatum, venit ille mediator, & factus est sacrificium sacerdos ipse. En hinc clarè ac disertè docetur nullam inter Deum & hominem fieri posse reconciliatorem, peccato è medio non sublato. Aut ergo nulla vera inter Deum & hominem fit reconciliatio, quod dictu impium est: aut per Christi gratiam omnis omnino noxa, quæ inter Deum & hominem ab alienationem faciebat, è medio tollitur. Nihil est ergo quòd ex Scripturis, aut Patribus veritatis artem impugnent. Siquidem nihil hinc peti potest, quod sanè intellectum veritatem non confirmet veriùs, quàm infirmer.

Sophisticæ ca-
uillationes,
quibus Ely-
mazitæ co-
nantur doce-
re concupi-
scentiam esse
peccatum.

Et quia, qui acutiores inter illos haberi volunt, hoc non ignorant: ideo armis, quibus alij fidunt, & ipsi quoq; aliquando fiderant, tanquam minùs ad rem idoneis abiectis, ad putidas quasdam, planeq; Sophisticas cauillationes sese conuertunt. aiunt enim: An non id iure, meritoq; in veri nominis peccatis haberi debet, quod legi Dei, & rationis lumini repugnat? Quod hominem veluti adhuc carnalem & animale sub peccati seruitute venundatum tenet? Quod Deus vt reprobum, ac ab se alienum, malèq; frugis seminarium odit, ac nos odisse præcipit? Quod Dei verbum contemptui ducit, nec ipsum Deum, vt patet, agnoscit, nec colit? Quod denique non vulgares homines tantùm, sed illos ipsos quoque, qui illustrem sanctimoniam & perfectionem consecuti censentur, ad Deo credendum, legiq; eius obediendum tardos ac difficiles; ad ea verò, quæ caro aduersus spiritum cõcupiscit, pronos & expeditos reddit?

Accedunt alij, his quasi succenturiati, ac quæstionem mouent hinc variam. Cur, inquiunt, si per Baptismum renouamur, & ab omni poena & culpa absoluihur, in tot adhuc miserijs, ac vitæ huius calamitatibus iacemus? Cur, quem in Adamo felicitatis statum acceperamus, non recuperamus? Cur, si in renatis nihil odit Deus, tam multi ex illis in peccatum prol-
buntur,

buntur, & pereunt? Cur tandem, cū ex æquo baptizentur omnes, non ex æquo sanantur omnes? videmus enim originalis peccati reliquias alijs plus, alijs minus negotij faceſcere. Hę præcipuę eorum ſunt rationes, qui concupiſcentiã, & quæcum ea cognationem habent, nō in infidelibus tantū, ſed in renatis quoque, & iuſtificationis beneficium iam adeptis, damnablem eſſe cōtendunt. Sed omnes maiorē in partē rudes, ac debiles, & iam antē, quatenus diſcuſſione aliqua egere videbantur, ferme dilutæ atq; diſcuſſę. Verūm vt ijs quoq; hīc fiat ſatis, quī ea tantū capiunt, quæ planē atq; diſtinctē proponuntur, & quaſi præmanſa in os ingerūtur, placuit vniuerſam hanc telam ex multis partibus malē cōſutam retexere, ſingulasque illius partes ſeorſum euoluere, & explicare.

Ad id ergo, quod de carnalis concupiſcentiæ rebellionē, in ipſa ſtatim argutationis acie proferunt, breuiter reſponſum eſto: Concupiſcentiã ſecundū ſe ſumptā, nempe vt vis quędam animæ eſt, ad carnis oblectamenta propendens, ſecūdū ſe abſolutē, nec Dei, nec rationis legi obniti, ſed tantū ratione motuum, quos in nobis excitat. Atqui non omne quod ad malum inclināt, vel allectat, ſtatim etiā peccatum exiſtit: niſi quis forſan ita inſaniat, vt & mundum, & carnem, & dæmonem peccatum appellandum cenſeat. nam quidlibet horum ſuo modo ad peccatū puocat. Sed nec id omne quoque, quod legi quouis modo aduerſatur, aut repugnat, illico peccati vim obtinet. Nam & quod legem violat, & quod legē deprauat, & quod vt falſam damnat, & quod in peregrinum ſenſum detorquet, & quod ad eius tranſgreſſionem quauis arte prouocat, aut ſolicitat, legi aduerſari rectē dicitur: & tamen nihil horum eſt peccatum, neq; peccatum, niſi admodum improprie, appellari poteſt.

Eſt autem id proprie & verē, & ſolum peccatum, quod legi formaliter repugnat: cuiusmodi id vnū eſt, quod lege ſecūdū ſe abſolutē prohibitum eſt. At malum in carne noſtra inhabitans: ſiue id ſpiritus nequam ſit, vt poſt Origenem alicubi

Concupiſcentiam non obniti Deo & rationi ſecundū ſe, ſed tantū motu ratione, quos in nobis ſuſcitāt.

Non omne, quod ad peccatum allectat, poſſe dici peccatum.

Non habere vim peccati id omne, qd quoquo modo legi repugnat.

Peccatum eſſe proprie & verē id ſolū, quod legi formaliter aduerſatur.

insinuat Ambrosius; siue carnis concupiscentia, hoc est, naturalis illa ad mollia & carnis sensui suauia propensio, quod nobis ex Ecclesiæ doctrina, & communi hominum doctorum sententia certum est; siue aliud quodcunq; eiusmodi: nulla lege prohibitum extat. Vnde Apostolus Paulus non dicit, Malum, aut peccatum, aut concupiscentia non sit, aut non maneat, aut non habitet in vestro mortali corpore, aut in membris vestris: Nôrat enim in hoc rerum statû, & vitæ corruptione fieri non posse: sed dicit, Non regnēt peccatum in vestro mortali corpore. quasi dicat: Posteaquam vi nulla, aut industria cuitare potestis, quin hostis ille domesticus interdum insurgat, & impugnet, saltem ne expugnet, aut victoriam obtineat, seriam operam nauate.

Rom. 6.

Apostolum
nusquam do-
cere, concu-
piscenciam,
aut legi Dei,
aut legi à
Deo carni in-
dixit, repu-
gnare.

Et vt maximè id omne peccatum foret, quod legi Dei, aut legi, quæ ipsi rei à Deo impressa est, quouis modo repugnat, adhuc aduersa pars litem hîc non obtineret. Siquidem Apostolus nusquam docet, carnis concupiscentiam, aut legi Dei, aut legi quoque ipsi carni à Deo inditæ repugnare: docet autem repugnare legi mentis; Siue hæc lex quædam per se lex sit; siue quædam diuinæ legis participatio, hoc enim ad præsentem disputationem nihil attinet. Atqui hæc carnis rebellio, legi, quam Deus ipsi carni impressit, hoc est, naturæ ipsius carnis, non est dissidentanea, aut contraria; sed, vt suprâ ostensum est, est eidem absolutè secundum se, & quasi in abstracto considerata, maximè consentanea. Nam vt grauius, sublato impedimento, naturaliter feruntur ad ima: ita sensus carnis, nisi frëno aliquo inhibeatur, naturaliter fertur ad mollia. Et quia hæc latio spiritus sensui aduersatur, fit vt caro post originalem iustitiam sublatam naturaliter spiritui refragari dicatur.

Carnem non
peccare, dum
mentem ad
malum pro-
uocans, eius
desiderio ob-
iungitur.

Caro igitur mentem ad malum pronocans, aut mentis desiderio obnitens non peccat, facit enim illa, quod suarum est partium: Sed si hîc quid peccatur, ideo peccatur, quia carni inuitanti, vel pronocanti, à voluntate, quæ obistere debuit, & obli.

obstistere quoque illi potuit, malè obeditur. Hæc non nostra primùm, sed expressa diui Augustini sententia est. Attende, inquit ille, vtrum rectè vituperes quod ita est, sicut esse debuit? non opinor, sed vtrique quod non est ita, vt esse debuit. Qui igitur peccat, homo est carni consentiens, quia facit, quod facere non debuit, repugnans legi menti suæ inditæ: Caro autem non peccat, quia facit, quod facere debuit: habet enim illa aliam legem à mente. Quod autem caro facit, non facit homo, nisi homo consentiat carni. Hæc Augustinus.

August.

Quauis ergo concupiscentia animum pulset, quauis ad peccatum inuitet, quauis prauos in nobis motus excitet: per se tamen, neque peccatum est, neque peccati causa est; sed tantùm per accidens, quatenus nimirum per ignauiam ipsi ceditur, aut studio secundùm illius legem ambulatur. Atque hic eorum sensus est, qui de concupiscentia perinde atq; de peccato concionantur. Concupiscentia, inquit Apostolus Iacobus, cum conceperit, parit peccatum. Concipit autem, dum prauis illius motibus obeditur; dum vetus homo studio & quasi data opera fouetur, & nouus negligitur, vel per contemptum abiicitur; dum calcata iustitia, iniustitiæ seruitur; dum, vt verbo absoluam, corpus peccati studiose edificatur.

Concupiscentiam nec peccatum esse; nec causam peccati, nisi per accidens.

Iacob. 1.

Quin & alterum quoque aduersarijs concedi potest, nam oppidò importunè vrgerè id solent, videlicet fideles in Christo renatos aliqua adhuc ex parte carnales, ac vetustatis Adæ participes esse. Certum est enim, & quotidiana experientia manifestum, veram illam mentis nouitatem, & spiritualitatem, quæ in Christo, vel per Christum, vel per Christi Sacramentum contingit, non omnē penitus carnis vetustatem & infirmitatē excludere: hoc est, nō omnibus statim partibus, & numeris perfectam esse: Non quòd totus homo verè per Christi gratiam non innouetur, & adoptetur, (adoptio enim, & sanctificatio, & innouatio non sunt partis, hoc est, solius

Spiritalem illam per Baptismum innouationem non omnem penitus excludere carnis vetustatem.

carnis, vel solius spiritus, sed totius hominis: homo est enim, qui adoptatur, & innouatur, non sola mens, aut sola caro) sed quòd ad summum illud perfectionis culmen non statim pertingat. Etenim ut in charitate, iustitia, & sanctitate crescere potest, & quotidie, si sibi non defuerit, progressus facit: ita quotidie quoque maiori spiritus nouitate, hoc est, animi robore, ac mentis vigore potitur. Quò enim verus Adam per iugem carnis subiugationem redditur infirmior, cò nouus efficitur vegetior. At hinc interim inferri non potest, eosdem simul iustos esse & iniustos: simul intra & extra peccati regnum, cò nimirum, quòd inhærens peccatum ad damnationem illis non imputetur.

Ex eo quòd
fomes in re-
natis mane-
at, non colli-
gitur in ijs
peccatum ef-
fe mortiferū,
sed modò nō
tam esse per-
fectos, quin
studio & la-
bore in vita
fieri possint
perfectiores.

At multò verò minùs inferri hinc potest, fomitem, qui in regeneratis superest, mortiferum peccatum esse. Quòd si quid ex carnali vel animali hominis sensu, quòd malè Sectariorum causæ suffragetur, colligi potest, vnum hoc solum hinc colligi potest: nempe hominem, dum in hoc seculo viuit, nunquam ita perfectum & spiritalem esse, quin studio & diligentia perfectior & spiritalior euadere queat. Sed hæc tamen crescendi facultas non impedit, quin suo interea modo perfectus dici, & perfectus quoque haberi valeat. Sicut etiam infans vitæ iter iam primùm ingressus, verè & rectè appellatur homo, & homo quidem perfectus, licet ijs viribus destituatur, quibus iuuenes & adultæ ætatis homines pollere solent.

Et quemadmodum puero infanti corporis infirmitas vitio verti non potest, nisi forsàn suo incremento obstaculum poneret: ita recens iustificato spiritus debilitas culpæ dari iure non valet, nisi forsàn in via Domini consistere vellet. Stare nanque in via iustitiæ, quodam modo est retrocedere. Dicuntur quoque filij hominū, tametsi iustificationis gratia potiti, adhuc carnales, vel animales, quia nō assequuntur cam spiritus libertatem, & carnis obedientiam, quam possidebat Adam ante peccatum: Multò enim hic vitæ status illo est, & difficilior,

Iustificati cur
animales &
carnales ap-
pellentur.

& periculosior, & incertior, & impurior. Vt enim firmus hîc consistas, magna opus est violentia, magna opus cautione & diligentia, nedum alteram illam, quam post communem carnis resurrectionem obtinebunt iusti, & electi omnes.

Porrò autem dum fomitem, carnisve concupiscentiã, vel ipsam quoque carnem concupiscẽtem, ob id in peccatis censendam iudicant, quòd Deus illam vt improbam, multorumque flagitiorum & scelerum radicem, & ipsi præterea spiritui aduersam infestamque, odio habeat, nobisque easdem ob causas illius odium imperet, oppidò insulsè & imperitè iudicant. Nec enim id totum statim peccatū est, quòd Deus Opt. Max. quacunque de causa odit, cuiusve fugam vel odium nobis indicit. Odit enim ille diabolū, & omnem omnino cuiuscunque appellationis hereticum, & impiū. Sic nobis patris & matris, fratrum & sororum, mundi, & eorum denique omnium quæ in mundo sunt, odium imperat. Omnium enim vna amandi, vna auersandi est ratio & causa: Nam vt omnia, quæ orbis ambitu concluduntur hæcenus amare par est, quatenus viam nobis ad Deum ostendunt, vel eius in nobis amorem incendunt: ita omnia hæcenus odisse fas est, quatenus à diuino amore & cultu nos impediunt, vel ad peccatum, legisve præuaricationem quouis modo inducunt: & tamen nihil horum omnium secundum se peccatum existit.

Insulsè ex eo colligi, esse peccatū concupiscẽtiam, q̃ Deus illam odio habeat.

Quatenus omnia sint & amanda & auersanda.

Deinde verò vt nulla est illa argumentatio: Deus amat aquam, ergo odit ignē, quia hîc illi aduersatur: ita nulla quoque, imò verò stulta & planè insana est ea collectio: Deus amat spiritum, ergo odit carnem. Deus enim neutrum contrariorum odit, cū vtrunque fluxerit ab ipso. Nec enim ille aquam, aut spiritum tantum creauit, sed carnem quoque, & ignem: licet hanc naturali agente interueniente, illum per se proximè. Solum ille peccatum odit verè ac propriè, dæmonemque, & hominem propter peccatum: Siquidem peccatum illius bonitati & sanctitati quàm maximè aduersatur. Tentat sanè caro & ad malum prouocat, sed hoc officium non

Carnem non habere ex Dei institutione ut nos ad malum prouocet, sed ex prima hominis prauaricatione.

Cōcupiscentiam non esse per se scelerū radicem, sed rātū motū subitōrum, & inanium desideriorū, scaturiginem.

Propria peccati radix est mala voluntas

1. Cor. 15.

Carni diuini cultus neglectum cōtempnionemque affingere, perinde est ac illa ipsa boni ac lapidi tribuere.

habet ex prima Dei institutione, sed ex prima hominis prauaricatione. Quamquam & si cum ea quoque indole primò instituta esset, adhuc mala censeretur non posset, multò verò minùs peccatum. Siquidem ista illius ad mollia propensio, naturæ illius, ut nuperrimè dicebamus, non est dissentanea; neque est tanta, cui obsisti non queat, & obsisti quoque non debeat.

Sed neque est illa vllorum quoque scelerum per se radix, ut falsò in argumento sumebatur, sed quædam tantum subito, rum motuum, ac inanium desideriorum scaturigo. Hi autem sensualitatis motus per se non sunt peccata, sed certa virtutis exercendæ materia. Voluit enim Deus ut contra hoc malum depugnaremus, depugnandoque, & superando corona potiremur. Vera autem & propria peccati causa & radix est mala voluntas. Hæc enim cum eiusmodi motibus obsistere potuisset, & obsistere quoque debuisset, non obstitit, sed vltro hosti manum porrexit. Eiusmodi autem voluntas non comperitur in verè renatis, nisi quam ipsi spontè sibi acciuerint. Tandem licet Apostolus fornicationem, immunditiam, iram, inuidiam, & alia id genus complura, carnis fructus, vel carnis opera appellet; non ob id tamen carnis concupiscentiam, aut carnem ipsam peccati condemnat. Nam carnis nomine, non carnis naturam designat, aut carnis rebellionem, sed hominem carnalibus vitijs deditum. Quo sensu alibi carnem & sanguinem regnum Dei possessura negat.

Cæterum cum Dei ignorance, verbiq; eiusdem contemptum, ac cultus neglectū carni deinde carnisve sensui admetiuntur, eque illustre inscitie sue testimoniū proferunt, ac dum eundem secundum idem iustū simul & iniustum, æterna vita & sempiterna rursus morte dignū esse cōtendunt. Quid enim ineptius, ac à ratione alienius, q̃ brutam carnem ob id in ius vocare, capitalisq; sceleris condemnare, quòd Deum, neq; agnoscat, neq; diligat, neq; verbo illius fidē habeat? Hæc enim non sunt carnis, aut certè nō sunt solius carnis officia, sed hominis non secundum carnē, sed secundum nobiliorem sui partem

tem

tem viuientis munia. Poterant sanè eadem sapientia & licentia, & boues, & oues, & lapides quoque peccati accusare. Si quidem nihil inter hæc & illam, si mentis gubernaculo priuatam finxeris, discriminis intercedit. Quòd si carnem vnà cum mente, hoc est, totum hominem, inculant: iam ea scelera non erant in solam carnem reijcienda, in quam noxa nō cadit; sed in hominem, vel prauam hominis voluntatē.

Præterea qua ratione rationis experti carni, vel carni concupiscenti, Dei ignorationem, verbiq̃ue eiusdem cōtemptum, ac cultus neglectum affingunt, eadem, vt antè quoque monuimus, affingere illi poterant cetera omnia scelera: est enim omnium eadem omnino ratio. Verū tantum abest, vt sola caro, aut sola carnis concupiscentia, hæc tanta ac tam nefaria committat, vt ne vllius quidem renati voluntas, nisi regenerationis gratiam per summam ingratitudinē abs se abijciat, eiusmodi designet. Quamuis tunc quoque non solis originalis peccati reliquijs, de quibus hīc præcipuè agitur, teneatur, sed grauissimis personæ sceleribus. Non omne id ergo peccat, quod Deum non cognoscit, aut eundem non diligit, aut verbo illius nō credit, aut prauis quoque carnis desiderijs non resistit: sed id solū, quod per ceteram, aut rationis vsuram, aut voluntatis libertatem eiusmodi officia præstare potest, & præstare quoque debet, & nō præstat, neque, vt præster, laborat.

Quid in Deū
proprie peccet.

Ad eandem vesaniam arcem contendunt, dum non vulgares tantū Christianos, sed eximie quoque sanctimoniam perfectionisque viros, in ea mentis cecitate, in ea incredulitate, & Dei ignoratione, in eo tandem diuini verbi contēptu cultusque neglectu iacere asserūt, vt neque verè credant, nec verè sperent, nec verè diligant, vel vllius virtutis studiū sectentur verè. Planum est enim nihil hoc in selecta Christi membra dici potuisse contumeliosius, aut in eiusdem Christi gratiā iniuriosius, aut contra internam Spiritus sancti attestationem vanius, aut contra apertam denique Scripturarum asseuerationem absurdus.

Impium esse
contra; scripturā asserere, homines sanctimoniam ornatos, in mentis cecitate, Dei ignoratione, diuini verbi contēptu, & similibus, versari.

- Ephes. 1. » An hæc, quæso, Benedictus Deus & Pater Domini nostri
 » Iesu Christi, qui benedixit nos in omni benedictione spiritali,
 » in cœlestibus, in Christo. In quo habemus redemptionem per
 » sanguinem eius (remissionem peccatorum), secundum diui-
 » tias gratiæ eius, quæ superabundauit in nobis in omni sapien-
 » tia & prudentia, vt notum faceret nobis sacramentum volun-
 Deut. 7. » tatis suæ. item: Deus fidelis absque vlla iniquitate, rursum:
 Psal. 18. » Testimonium Domini fidele, sapientiam præstans paruulis.
 Psal. 118. » item: Quàm dulcia faucibus meis eloquia tua. & infrà: Di-
 » lexi mandata tua super aurum & topazion. Dulciora fauci-
 » bus meis eloquia tua melle & fauo. & infrà rursum: Confige
 » timore tuo carnes meas: à iudicijs enim tuis timui, & à verbis
 Rom. 8. » tuis formidauit cor meum. tandem: Certus sum quòd neque
 » mors, neque vita, neque futura, neque instantia separabunt
 » nos à charitate, quæ est in Christo Iesu. An, inquam, hæc & alia
 id genus innumera, quæ in sacris literis nusquam non occur-
 runt, vllam omnino sapiunt, aut Dei ignorance, aut in-
 credulitatem, aut desperationem, aut verbi illius contemptio-
 nem, aut aliquid aliud eiusmodi? Absit.

Quòd si his Spiritus sancti oraculis, apertisque eiusdem
 testimonijs, internæ suauitatis, pacis, consolationis, ac tran-
 quillitatis experimenta, quæ sancti partim de seipsis, partim quo-
 que de alijs prodiderunt, adiungere contendam, narrationis
 finem haud facile inueniam. Quàm procùl igitur Sectarij &
 Hæretici omnes, qui alios ex suo animo metiuntur, spectant,
 & iudicant, absunt à vera illa mentis pace & tranquillitate, à
 vera Dei cognitione & fide, à vera fiducia & spe, à vera illius
 charitate & dilectione, à vero tandem illius cultu, verbiq;
 eiusdem gustu ac sensu; tam procul absunt verè pij & sancti
 homines à Dei ignorance & incredulitate, à verbi illius cõ-
 temptione & omni animi fluctuatione, ab omni demum con-
 tumacia, odio, & desperatione.

At verò dum illorum præsidarij sciscitantur, Cur per Ba-
 ptismi gratiam adeò in pristinum illum innocentiae & tran-
 quilli-

quillitatis statum non restituamur, vt maioribus interdum
 iactemur casibus, grauioribusque afficiemur erumnis, & im-
 portunioribus carnalis concupiscentiæ agitemur procellis,
 quàm illi ipsi, qui nihil quicquam vnquam de Christi lege au-
 diuerunt: respondere licet, vnum hîc certum, & apud pios
 omnes indubitatum esse: nempe *φιλάνθρωπον* Deum malum
 illud concupiscentiæ tam inquietum & pertinax, cæteraque,
 quæ malum hoc naturaliter comitantur, non eo consilio in
 carne nostra reliquisse, vt peccemus, aut vt illius occasione
 malè pereamus: sed ob id maximè, quò impigrè pugnantes,
 ac motibus illius strenuè obnitentes vincamus, vincentesque
 gloriæ corona, quæ omnibus legitimè certantibus proposita
 est, certò pòtiamur. Tū ob id rursum, vt Christo capiti nostro
 in partem conformemur: Nam & ipsum quoque cum dæmo-
 ne & morte luctari, & secundum carnem pati oportuit, & ita
 intrare in regnum suum. Tum ob id demum, ne falsa quadam
 felicitatis spe delusi, in earum rerum vacuitate, quæ hîc mo-
 lestant & excruciant, vltimum finem nostrum stultè constitu-
 amus.

Cur Deus ma-
 lum concupis-
 centiæ, cetera-
 que, quæ id
 comitatur, in
 renatis mala
 reliquerit.

Sed & vicissim quoque quæri ab illis posset: Cur Deus per
 filium suum, cū in alio modo & medio potuerit, orbem redi-
 mere voluerit? Vel si, vt hoc faceret, causam habuerit: cur in
 formam serui, & peccatoris similitudinem eundem in hunc
 mundum miserit, cū in aliam mittere licuerit? Siquidem in
 fidei mysterijs nihil tam receptum, nihil tam exploratum vel
 explicatū extat, de quo eiusmodi aliqua quæstio institui non
 queat. Si dixerint, vt fortè dicent, Verbum in ea humilitate, &
 carnis infirmitate venisse, vt, quæ prostrata deiccta que iace-
 bant, erigeret, labefactata que instauraret, & confusa in ordi-
 nem redigeret: & nos item respondemus, Deum nobis hanc
 cum carne, cum dæmone, cum mundo pugnam reliquisse, ne
 otio tabesceremus, ne capiti nostro dissimiles essemus, ne
 hanc vitam cursus nostri metam existimaremus.

Ad alterum dicitur, Perabsurdè quæri, cur ex renatis pere-

Gg

ant

Renatos peri-
re, quod inno-
cētiam semel
acceptā, iterū
polluerint.

ant nonnulli. Quis enim ferat eiusmodi argumentationem: Deus in verē renatis nihil odio habet, ergo nullus ex illis perit? Non enim ob id pereunt, quia renati sunt; sed ob id, quod regenerationis gratiam, & innocentiam stolam, quam in ipsa regeneratione acceperant, per voluntariam nequitiam denuo perdidērunt, ac polluerūt. Aequē ineptē colligunt, qui hunc in modum colligunt: Regeneratus est, ergo impeccabilis est: vel, Deus in renatis nihil odit, ergo peccare nequeunt. Nihil enim ille in primis parentibus & Angelis prauaricatoribus ante lapsum exosum habebat, & tamen non erant ἀναμάρτητοι. Rudis ergo & planē ἀόυστος eiusmodi est collectio: Potest peccare, ergo dignus est odio. Siquidem posse peccare, ac deficere, propriū est creaturæ: & si qua est, quæ nec peccat, nec amplius peccare potest, ea firmitatem illam ex se nō habet, sed ex gratia diuina. Solus enim Deus est, qui secundum naturam suam ἀναμάρτητος est.

Miserias quas
renati perpetu-
antur nō esse
proprie ratio-
nis pœnas,
sed appendi-
ces delictorū
condonato-
rum, ad virtu-
rum exercita-
tionē relictas

Ad postremum responsum est iam antē dictum est enim, vitæ huius miseras, ac cruces, quas regenerati patiuntur, nō esse propriæ rationis pœnas, sed quasdam tantum condonatorum debitorum appendices, ad meritum, & virtutum exercitacionem relictas. Quod autē vnus plus altero affligitur, maiorive impetu ad hoc vel illud vitiū naturaliter fertur, hoc inde non prouenit, quod originis peccatum, aut maius, aut verius sit in vno, quàm in altero. Est enim par in omnibus, sicut & ipsa quoque natura, cum qua transfertur: omnes nanque ex e quo originis iustitia destituuntur; omnes secundum naturam concupiscētiæ vitio, & morti, & corruptioni ex e quo obnoxij: omnes tandem causæ, ex qua peccatum hoc ortum ducit, æquē affines: Inobedientia enim Adæ respicit ex e quo omnes.

Sed neque inde quoque disparitas illa prouenit, quod Baptismus ritē susceptus, vnum à culpa & pœna absoluat verius, aut perfectius, quàm alterū. Tollit enim ille omnem culpam & pœnam, qualemcunque tandem vel quantamcunque compererit. Prouenit autem inde, quod non vna corporum omni-

um

um sit constitutio, nec idem omnium virtutum studium, nec eadem in omnes cœlestis patris liberalitas atque propensio: hic enim non secùs atque natura vni sæpe dat, quod alteri negat. Nec idem denique parentium omnium meritum: Nam vt illorum scelera in eorundem liberis interdum plectuntur, ita vice versa eorundem virtutes, & pietatis studia in illorum sobole aliquando remunerantur. Et hæc hætenus de carnis concupiscentia in regeneratis reliqua: restat vulneris libero arbitrio infligti explicatio.

Ex diuersa corporum constitutione nasci, vt vnus altero ad hoc illudve vitium maiori impetu feratur.

*Liberum arbitrium neque actum esse, neque habitum, neque ali-
quid aliud eiusmodi; sed naturalem animæ facultatem,
sola ratione à voluntate di-
stinctam.*

TRACTATVS SEXTVSDECIMVS.



DE vulnere libero arbitrio per originis peccatum infligto, propter insanos Sectariorum clamores, variosque eorundem circa hanc rem errores, multa hoc loco tractanda, & explicanda forent: Verùm quia argumentum hoc prolixum est, & controuersiæ de gratia & diuina prædestinatione, quàm huic præsentì, cognatiùs est, & ab alijs præterea fusè & eruditè explicatum est: non omnia, quæ de eo adferri huc poterant, & huc adferri quoque, si ex instituto explicandū susci- peretur, fortassis debeant, huc adferam, sed ea tantùm, quæ huius loci maximè vidètur propria, idque scholastica methodo, & breuiter.

Liberi arbitrij explicatio ad argumentum de Prædestinatione & Iustificati-
one pertinet.

Et quidem de nomine nihil, quod magni alicuius ponderis existat, hoc loco annotandum occurrit. Constat enim, vt non rationis solùm, neque voluntatis tantùm actum includit, sed vtriusque simul: (licet id alia, & alia ratione) ita appellatione suâ

Liberum arbitrium à ratione & voluntate denominatur.

Græci liberum arbitrium ἀντὶ τοῦ λόγου appellant.

Lib. 1. Instit. Caluino nomen ἀντὶ τοῦ λόγου exosum.

ab utroque mutuari: Ab altera nanque liberum, ab altera rursum arbitrium dicitur. Quandoquidem ut voluntatis est velle, vel eligere, ita rationis opus est, ecquodnam ad hoc vel illud obtinendum, vel euitandum, opportunius videatur, discernere, ac dijudicare. Solum monuerim, quod nos voce complexa liberum arbitrium dicimus, hoc Græcos Scriptores vno ἀντὶ τοῦ λόγου vocabulo exprimere. Quod sanè nomen, quò nostro est neruosius, & ad rem accommodatius, eò ætatis huius hæreticis est exosius. Apud Latinos, inquit Caluinus, liberi arbitrij nomē semper extitit, Græci verò multò arrogantius vsurpauerunt vocabulum ἀντὶ τοῦ λόγου, quod significat sui ipsius potestatem, ac si illa esset penès homines.

Lib. 1. d. 14. Quid liberum arbitrium, Petro Lombardo definitore Petri Lomb. definitio contrahitur.

Est autem liberum arbitrium, Petro Lombardo definitore, facultas rationis & voluntatis, qua, vel bonum eligitur gratia assistente, vel malum eadē gratia deferente. Verum hæc Petri descriptio, liberi arbitrij munus insinuat veriùs, quàm internā illius vim dilucidè explanet: & hoc ipsum adhuc multò, quàm par est, contrahiùs. Neque enim solum iusti, sed & iniusti quoque, & peccatores, & in puris naturalibus constituti, bonum aliquod interdum eligunt. Quare, ut in eiusmodi rebus fieri solet, multæ in Scholis de liberi arbitrij quidditate, & notione ortæ sunt quæstiones, & opiniones: alijs hoc, alijs illud propugnantibus. Nostriusmodi quæstiones tanquam ad præsentis controuersie qualemcunque explicationem minùs necessarias paucis expediemus.

Liberum arbitrium non est quilibet hominis actus.

Actus sunt succedanei, & certi, & inconstantes: liberum arbitrium totum simul est indifferens, & perpetuo constans.

Et primò quidem, ut certum in hac disputatione ponimus, liberum arbitrium ita actus nomenclationem præ se ferre, ut tamen secundum se, & οὐσιωδῶς non sit aliquis actus homini proprius. Siquidem humanæ actiones suapte natura sunt succedaneæ: (neque enim illæ totæ simul existunt, sed serie quadam decurrunt) at liberum arbitrium est quiddam constans, totumque simul existens. Adhæc si liberum hominis arbitrium esset aliquis humanus actus, secundum se ad utrunque ἀδιάρκον non esset: Quandoquidem nullus omnino humanus actus

actus secundum se indifferens est, sed omnis omnino eiusmodi, vel bonus, vel malus est : liberum autem arbitrium secundum se ad hoc & illud, & ad horum rursus opposita, indifferens est. Denique nullus actus homini proprius, in hac præsertim vitâ, semper ipsi adest: liberum arbitrium autem nunquam illi deest, ne tum quidem, cum nulli prorsus interno vel externo operi intentus est. Non est ergo liberum arbitrium actus quispiam hominis.

Aequè certum est liberum arbitrium non esse infusam, vel acquisitam intellectus speciem, aut patibilem mentis affectionem. Siquidem istiusmodi species intellectus rei similitudinem complecti traduntur. Vnde & Ideæ quoque nonnunquam appellantur : & sensuum ministerio ordinaria lege comparantur, & nisi subinde instaurentur, & excitentur, facili negotio corrumpuntur, & euanescent : At liberum arbitrium, nec intellectus rei similitudo est, nec sensuum opera comparatur, nec vnquam deperditur. *Itaque* autem, ut & patibiles qualitates quoque breues sunt, & hominibus brutis communes sunt, & liberæ non sunt. Dicit enim solet, & verè dicitur, Quod ex errore, vel passione fit, id liberè non fieri. At liberum arbitrium æquè ac anima ipsa æternum est, & homini proprium est, & supapte natura ἀδιάφορον, & liberum est.

Lib. arbitrium non est infusa vel acquisita intellectus species.

Lib. arbitrium nec passio est, nec patibilia qualitas.

Sed nec veri quoque nominis habitus est. Siquidem omnis omnino habitus, aut innatus, aut acquisitus, aut infusus est. At liberum arbitrium non est habitus per actus acquisitus : Nam aliàs actus, qui eiusmodi habitum, vel habitus eiusmodi ortum antecederent, non essent liberi : quandoquidem liberum arbitrium omnis omnino liberi actus principium existit : posterius autem prioris causâ, aut principium esse nequit. Et quia actus illi, qui liberi arbitrij exortum antecirent, liberi non essent : ex consequenti, nec vitiosi quoque, nec studiosi, nec qui liberum arbitrium ex se progignerent, idonei essent. Eiusmodi namque sunt habitus, cuiusmodi actus, ex quibus oriuntur. At hæc omnia sunt absurda, & à rationis iudicio aliena. Præterea

Lib. arbitrium non est habitus per actus acquisitus.

Lib. arbitrium, liberi actus principium.

Habitus acquisiti ad vñū inclinant.

Quod per actus acquiritur, per actus rursū deperdi potest.

Lib. arbitriū nō est habitus infusus.

Habitus infusus nec ex equo nec semper, nec omnibus insunt

Lib. arbitriū non est habitus congenitus.

Quæ naturaliter expetuntur, non cadunt sub liberum arbitriū.

Habitus habitibus non inhzrent.

Lib. arbitriū non est potentia habitu perfecta.

Habitus ubique sui similis.

Vt lib. arbitrium indifferens sit, nullo habitu indiget.

Lib. arbitriū est potentia.

habitus, qui ex actibus progenerantur, non ad vtrumlibet ex equo, sed ad alterum oppositorum determinatē inclinant: liberum arbitrium autem non ad alterū præcisē, sed ad vtrumuis fertur liberē. Demū vt habitus per actus acquiritur & cōfirmantur, ita per actus oppositos denuo remittuntur, & infirmantur, & tandem omnino deperdunt: at liberum arbitrium secūdum se equabile est semper, & simpliciter indelebile.

Nec est habitus rursū infusus: Quia eiusmodi habitus, nec omnibus insunt; neque, quibus insunt, æqualiter insunt, sed dispari ratione, & quantitate, prout nimirum ei visum fuerit, qui illos infundit; nec perpetuō insunt: sed liberum arbitrium, vt verē liberum est, hoc est, vt ab omni necessitate & coactione immune est, & omnibus hominibus inest, & æqualiter inest. Postremò non est habitus congenitus: Nam ea, in quæ naturaliter ferimur, vt in assensum primorum principiorum, in beatitudinem, aliaque similia, non cadūt sub liberum arbitriū. Præterea naturales habitus non promiscuē ad quiduis, vel ad vtrumuis, sed ad vnum aliquod certum ac determinatum inclinant. Mitto hūc, habitus habitibus inherere non solere: atqui libero arbitrio complures habitus inhzrent. Non est ergo liberum arbitrium habitus quispiam innatus, vel acquisitus, vel infusus.

Omnes hæ rationes, & si quæ sunt aliæ his affines, ostendunt quoque liberum arbitrium non esse potentiam habitu perfectam. Nam ubicunque habitus extiterit, semper sui similis existit. Quibus & illud quoque addi queat, nempe liberum arbitrium nullius habitus, vt in actum prodeat, vel vt vim suam exerat, indigere: Siquidem suapte natura actuum potens, & ad vtrumlibet indifferens est. Cū ergo liberum arbitrium non sit aliquis actus, nec habitus, nec intellectus species, nec patibilis qualitas, nec aliquid aliud eiusmodi, consequens sit, vt sit potentia: Nam quicquid tandem in anima existit, aliquid istiusmodi sit oportet.

At vna ne, inquis, potentia est liberum arbitrium in vno homi-

homine, an plures? Quidam ex lata liberi arbitrij ditione, vulgataq; eiusdem definitione rem hanc metiētes, plures animæ facultates in se completi arbitrati sunt. Verū hęc sentētia, Lib. arbitrii intrinsecè nō constat pluribus potentijs quæ recipiatur, non est satis idonea. Nam si liberum arbitrium plures, vel omnes animæ vires in se contineret, tot in vno homine existerent *αυτεξούσια*, vel certè *αυτεξουσιου* partes, quot in eo sunt organa, aut proxima operationum principia. Adhęc si ex æquo plures, vel omnes animæ vires in sua ratione includeret, proprium illius munus, quod est eligere, ex æquo in plures, vel in omnes conueniret: sed non conuenit in plures, vel in omnes, sed in vnum duntaxat. Tandem si liberum arbitrium ex omnibus, vel pluribus animæ viribus secundū se prorsus indemutatis intrinsecè constaret, non esset aliquod vnum simpliciter, sed vnum tantū per aggregationem. At non est vnum aggregatione, sed vnum simpliciter, inter synderesim & sensualitatem medium quodam modo iter tenens. Siquidem synderesis semper inclinatur ad bonum, sensualitas semper ad malum; liberum arbitrium autem modò ad hoc, modò ad illud. Lib. arbitrii inter synderesim & sensualitatem medium obtinet

Neque rationes, quibus, qui secūs hīc sentiunt, mouentur, magni alicuius roboris sunt. Siquidem aliud est, potentiam vnā aliquā alterā in sui ratione includere: aliud, alterā, vt operetur, mouere, vel dum operatur, vel vt operetur, alterius potentie ope niti. Quare licet liberi arbitrij vis ius suum in reliquas oēs animę vires exerceat, earundemq; actus, & functiones in vsum suū transferat, atq; ideo illas, illarumq; actus virtute in se contineat: (neq; enim volūtas aliquid confectari, aut auersari solet, nisi cognitū: nostra aut cognitio Lib. arbitrii aliarum potentiarum actus in suum vsum conuertit voluntas nō fertur in incognitum.) nullam tamen ex omnibus essentialiter in se includit. Quauis, inquam, animę vires ex se inuicem non oriantur, neque se inuicem quoque essentialiter includant: vnus tamen origo alterius ortum ponit; & vnus rursus actus, alterius actum vt materiam, circa quam operetur, necessariò deposcit. Certum est enim in humanis dilecti.

In humanis
dilectio po-
nit electionē.

dilectionem ponere electionem : hanc rursum iudicium, consilium, & inquisitionem : hæc demum, si non proximè, saltem remotè, sensuum ministerium.

Lib. arbitriū
potentis vna
in vno homi-
ne.

Est ergo, vt paulò antè assertum est, liberum arbitrium in vno homine potentia vna : siue vna hæc potentia voluntas sit essentiā, & intellectus energiā, siue contrā intellectus essentiā, & voluntas energiā : nam, alterum horum esse, extra controuersiam est. Constat enim, quauis alia potentia vel facultate, præter rationem, vel intellectum, & voluntatem circumscrip̃ta, hominem eligere posse : naturam autem, quod paucis potest, multis id moliri non solere : tum nullum aliquando celebrem Philosophum, aut eruditum quoque Theologum extitisse, qui alias in hominis mente vires re ipsa inter se distinctas collocaret, quàm intellectum, & volūtatē, qui ṽe substantias à materia sciūctas, quę ṽtique liberę sunt, alioqui peccare aut studiose agere non possent, secūs quàm in intellectu & voluntatem diuideret ; vel qui potentias per se rationis compotes aliter quàm in cognoscentes & appetentes distribueret. Liberum itaque arbitrium, non est quippiam à ratione & voluntate distinctum, sed necessariò alterum horum est formaliter vel essentialiter, alterum verò radicaliter vel causaliter.

Lib. arbitriū
essentialiter
alterutrum est,
ratio videlicet,
aut volū-
tas.

In mente ho-
minis duz
tantum sunt
potentię, re-
ipsa inter se
distinctę, in-
tellectus ni-
mirum, & vo-
luntas.

Lib. arbitriū
est volūtas
formaliter, &
intellectus
causaliter, aut
vice versa.

At vtrum ex illis est veriùs ? Id sanè haud meliùs aliunde cognoscere liceat, quàm ex proprio illius actū, vel munere. Nam vt actus dinoscuntur, & distinguuntur per obiecta : ita potentię vicissim deprehenduntur, & inter se secernuntur per actus. Atqui proprius liberi arbitrii actus est electio. Hoc ipso nanque liberi sumus, & rectè liberi dicimur, quòd duobus pluribus ṽe propositis, vno repudiato, alterum eligere ; vel contrā vno selecto, alterum repudiare possumus. Electio autem, etsi rationis opus, hoc est, consilium, vel deliberationem, qua, quid alteri tanquam vtilius, vel conuenientius prælatum oporteat, diiudicetur, necessariò deponat : non est tamen cognoscentis cuiuspiam partis actus, sed appetentis. Siquidem pro-

Potentię se-
cernuntur, &
cognoscun-
tur per actus,
hi per obiecta.

Electio est a-
ctus rationis
& volūtatē :
huius, vt eli-
ciētis ; illius,
vt proponen-
tis.

proprium electionis obiectum est bonum, ad finem aliquem obtinendum commodum. Bonum autem, vt eiusmodi, appetentis facultatis obiectum existit.

Quare licet Philosophus alicubi hereat, electio ne intellectus appetens, an verò appetitus intelligens dici debeat, tertio tamen Ethicorum volumine preconiliari appetitum appellat. Cum igitur omnis omnino appetitus, aut naturalis sit, aut animalis, aut rationalis: liberum autem arbitrium, neque naturalis sit, neque animalis; Nam aliàs in ea, quæ vita & mente carent, verè ac propriè conueniret: consequens sit rationis appetitum esse: At hic idem est cum voluntate. Liberum itaque arbitrium reipsa idem est cum voluntate, ratione tantum ab ea dissidens.

Omnis appetitus aut naturalis, aut animalis, aut rationalis est: Lib. aut arbitrium, nec naturalis, nec animalis appetitus est, sed rationalis. Lib. arbitriū reipsa idē est cū voluntate.

Quæ ratio discriminis? Ea ferè, quæ est rationis & intellectus. Nam vt eadem intelligendi vis, quatenus simplici notitia in principia fertur, vocatur intellectus; quatenus verò circa conclusiones syllogistica collectione ex eiusmodi principiis deriuatas occupatur, rationis appellatione designatur: ita certa quadam proportionem & analogia, (oportet namque appetentes vires apprehendentibus commensurari) idem ad numerum appetitus, vt desiderio tendit in finem, vel in bonum absolute sumptum, appellatur voluntas; vt autem in media, quibus eiusmodi finis, vel bonum obtinendum est, liberi arbitrij nomine exprimitur.

Differunt eo ferè modo lib. arbitrium & voluntas, sicut ratio & intellectus.

Et quia vtraque facultas suo modo discurret, & ratiocinatur. Nam vt intellectus in genere cognitionis vnum deducit ex altero; ita voluntas in genere appetitionis ex vno fertur in alterum: sicut vt vtraque secundum essentiam rationalis quoque; appelletur. Non est sanè idem simpliciter velle, & eligere, aut velle, quod eligere; sicut aliud quoque est ratiocinari, aliud simpliciter intelligere: attramen non est discrimen hoc tantum, vt essentialem inter liberum arbitrium & voluntatem differentiam constituat; aut vt ea, & si non omnia, libero arbitrio tribuere non liceat, quæ aliàs voluntati attribui asso-

Vtraque potest ratiocinari suo modo discurret.

Quæ in volū-
tatem, ea &
in liberū ar-
bitrium quo-
que maiorem
in partē con-
ueniunt.

Libertatis ra-
dix, ratio vel
intellectus.

Iudex & con-
siliarius vo-
luntatis, vel
liberi arbitrii,
ratio.

Bona. 2. d. 25.

Motus speci-
em à termi-
nō sortitur.

Rectius ap-
pellatur lib-
arbitrium,
quàm arbi-
traria liber-
tas.

Sola volūtas
essentialiter
libera.

lenti: Nam vt voluntas reliquis viribus imperat, ita & liberum arbitrium quoque. Rursū vt voluntate benè & malè agitur, ita & libero arbitrio quoque. Tandem vt voluntas absolutè cogi non potest, ita nec liberum arbitrium quoque. Sola itaq; voluntas verè, ac propriè libera est.

Verum enim verò licet libertas formaliter conueniat in solam voluntatem, huius tamen libertatis principium, ac quasi radix, non insidet voluntati, sed rationi. Nam, vt suprà ostensum est, & certa experientia notum est, voluntas non fertur in aliquod bonum, neque auersatur aliquod malum, nisi mens, vel ratio consulta, quod expetit, bonum; vel, quod refugit, malum esse ostenderit. Et quemadmodum volūtas in nullum omnino obiectum desiderio, vel odio fertur, nisi ratio viam ad illud aperiat: ita nullum quoque per consensum approbat, vel per dissensum refutat, nisi ratio interrogata illud suadeat, vel dissuadeat. Quare rectè à quodam traditum extat, hominis libertatem à ratione inchoari, in voluntate autē consummari.

Et quia motus speciem sortitur non à principio, sed à termino; omniūque in re & operatione magis semper spectari solet consummatio, quàm inchoatio: (nam id vnde fit motus vel operationis exordium, se habet per modum materiæ; illud verò in quo tanquam in termino pedem figit, per modum forme, quæ adiectiuo nomine exprimi consuevit) fit vt facultas hoc vel illud liberè eligendi, liberum arbitriū appelletur frequentius, & familiarius, quàm arbitraria libertas; voluntatiq; tribuatur verius ac planius, quàm rationi: tamen & rationi tribui, & arbitrariæ quoque facultatis appellatione possit designari.

Imò verò non desunt, qui libertatem equè verè, formaliter, ac propriè in rationem conuenire existimant, atq; in voluntatem. Sed sanè si de ea libertate hoc affirmant, quæ coactioni, vel necessitati opponitur, vt affirmare videntur: à veritatis scopo non parum aberrant. Certum est enim volūtatē in hoc libertatis genere modis omnibus principatū obtinere.

Quare

Quare etiam ipsi vni, non solum electio, quæ propria liberi arbitrii functio existit, ab omnibus tribuitur, sed meritum quoque & peccatum. Licet ea interim absque ratione, neque mereatur, neque peccet, neque eligat.

Quod si verò non de ipsa libertate secundum se istuc asseuerent, sed de libertatis radice: nihil quicquā absurdi asseuerant. In confesso est enim torius huius libertatis basim, ac quasi fontem, eam esse intellectus notitiam, qua certò dinoscitur aliud quod omnino medium, ut hoc vel illud bonū, in quod voluntas fertur, obtingat, necessariò deponci; non tamen hoc vel illud præcisè, sed hoc vel illud indeterminatè. Ex hoc nanque, quod iudicamus hoc vel illud medium, ad hunc vel illū finem obrinendum, præfinitò & absolutè non esse necessarium, iudicium, quo illud eligendum esse cōcludere licebat, suspendere possimus, & per consequens ab illius quoque electione desistere.

*Libertatis ratio
radix &
fons est ratio
rationis quæ
discursus.*

Sed & per idē quoque principiū, eandēque notitiā ea omnia refutare & repudiare licebit, quæ mediū hoc vel illud præcisè necessarium esse persuadere fortè poterāt. Quod si verò aliud quod eiusmodi medium idoneum iudicatur, & ut eiusmodi à voluntate acceptatur, liberè profectò talismodi esse iudicatur, & liberè quoque, ut talismodi à voluntate acceptatur. Nam cum ad finem absolutè non esset necessarium, potuit aliquod aliud idoneum iudicari, & ex consequenti eligi.

*Ratio liberè
iudicat hoc
vel illud me-
dium idone-
um, vel in-
dignum esse.*

Sed nunquid, si quem finem voluntas absolutè & efficaciter velit, medium, quod ad eiusmodi finem obrinendum simpliciter necessarium iudicatur, ipsa pro sua illa libertate respuere poterit? Posse pro summa illa, qua pollet, libertate defendant multi. Est tamen perdifficile intellectu, aliquem efficaci voluntate velle aliquod bonum, vel aliquem finem: & interim nolle medium, quod ratio non errans ad illud bonum, vel illum finem impetrandum absolutè necessarium iudicat. Quā, quæso, consentaneè dici potest, hunc vel illum absoluta efficaciā; voluntate sanitatem velle, & pharmacum, vnde illa simpliciter dependeat, nolle

*Qui efficaci-
ter vult finē,
non potest nō
velle mediū,
quod ratio iu-
dicat absolu-
tè necessariū.*

haurire? aut cœlesti beatitudine velle potiri, & tamen nolle mandata seruare? aut velle eruditionem non vulgarem consequi, & tamen nolle studium eam in rem ponere? Annon, qui ardentè efficaciterque quippiam volunt, quò optato illo bono potiantur, extrema conari soliti sunt?

Libertas à vi, coactione, vel necessitate veriùs in voluntatē conuenit, quàm in rationem: extēz libertatis species ex æquo in vtrāque facultatē conueniunt.

Vt omne velle est secundum naturalem voluntatis inclinationem; ita omne intelligere est secundum naturalem intellectus propensionem.

Libertas à coactione non sat est ad constituendam veram libertatis rationē.

Verum enim uerò licet ea libertas, quæ cum necessitate pugnat, veriùs in voluntatem conueniat, quàm in intellectum; ceteræ tamen libertatis species in vtrāque facultatem ex æquo conueniunt. Certum est enim beatorum intellectum ab omni miseria & culpa perinde liberum, ac immunē esse, atque eorundem est voluntas. Tum eundem rursus secundum se quæ sui gratia, & independentem esse, atque est ipsa voluntas. Tum denique ea libertate hunc ratiocinari ac intelligere, qua illa vult, & eligit. Nam vt omnis omnino voluntatis actus est secundum naturalem voluntatis propensionem; ita omnis quoque intellectio est secundum naturalem intellectus inclinationem. Intellectus namq; vt omnium capax est, ita omnia quoque absq; vllò omnino discrimine intelligere desiderat. Fatendum est tamen hanc à coactione immunitatem, non sat esse ad veram libertatis rationem constituendam. Nam aliàs non solum in sensibus, & inferioribus hominis partibus constituenda esset libertas, vel liberum arbitrium, sed in brutis quoque animantibus: Siquidem omnia hæc vltroneo, ac naturali quodam motu in sua obiecta feruntur. Verum de hac libertatis participatione, vt & de varia quoque vocabuli huius notione, non est hic nunc agendum latiùs. Sat sit impræsentiarum mediocri perspicuitate ostensum esse, Liberum arbitrium, nec actum esse, nec habitum esse; sed naturalem animæ facultatem, sola ratione à voluntate distinctam. Nunc de liberi arbitrij obiecto, primoque eiusdem subiecto, nonnulla quoque in medium proferamus.

Liberum

Liberum arbitrium, nec omnibus inesse, nec promiscuè circa omnia occupari; sed vel solum, vel præcipuè circa media, & illa quæ aliter habere possunt.

TRACTATVS SEPTIMVSDECIMVS.



His porro, quæ de intrinseca liberi arbitrij ratione hæcenus exposita sunt, perspicile est colligere quarumnam rerum liberum arbitrium cum subiectiue, tum obiectiue quoque existat. Et quidem ad liberi arbitrij subiectum, hoc est, ad res, in quas illud cadit, quod attinet, satis compertum est, brutis animantibus, cæterisque his inferioribus, nihil quicquam cum libero arbitrio commune esse. Nam, ut supra explicatum est, proprius liberi arbitrij actus est electio. Electio autem cum sit actus rationis & voluntatis, huius quidem ut exequentis, & elicientis; illius verò, ut proponentis, ac determinantis: in ea tantum conuenit, quæ mente & ratione prædita sunt, quæque de mediorum & finis inter se proportionem iudicare possunt: Atqui bruta, & cætera omnia his subiecta, & mente carent, & ad vnum aliquod certum determinata sunt, (videmus enim omnia eandem speciem sortita, eandem semper operandi rationem tenere) nec de mediorum ratione quicquam omnino cognoscunt, aut statuere possunt: Et quod maxime rem hanc confirmat, non tam ex instituto agunt, quam naturæ instinctu aguntur. Quod si qua veræ libertatis pars in illis existeret, nihil obstarer, quò minus mereri, absoluteque cum homine conferri possent: Quandoquidē nobilissimum, quod homini obtigit, est liberum arbitrium. Nullo itaque modo in brutorum animantium naturam liberi arbitrij ratio competit.

Brutis animantibus nihil commune est cum libero arbitrio, sicut neque cum electione quoque.

Bruta ad vnum certum naturaliter determinata sunt.

Bruta naturæ instinctu aguntur.

Existit autem liberum arbitrium & primo, & excellenti modo in supremo illo spiritu, quem Deum appellamus: siue id liberum voces, quod omni culpa & miseria vacat; siue illud, Lib. arbitriū excellenti modo est in Deo, quamcunque

eādem liber-
tatis speciem
spectaueris.

quod sui solius est gratia, nulla ex parte ab altero dependens; siue illud, quod nulla vi cogi, nulla interna externave necessitate ad hoc vel illud potest adigi; siue illud tandem, quod ad vtrunque oppositorum secundum se ἀδιάφορον existit. Certum est enim nullam in Deum miseriam, nullā noxam, nullā vim, aut coactionem cadere posse: vt qui sit summa felicitas, summa sanctitas, primum efficiens, & vltimus omnium finis.

Non eodem
modo est lib-
arbitrium in
Deo, quo in
Angelis & ho-
minibus.

Deus non sui
sed aliorum
ratione liber
est.

Quod Deus
semel vult,
semper vult,
& contrā.

Deus eligit ci-
tra delibera-
tionem & cō-
siliū.

Deus ad ma-
lum in se cō-
siliū nō potest: cō-
tra omnia
ex se possunt.

At non eo interim modo liberi arbitrij est Deus, quo nos, vel etiam Angeli. Neque enim is sui, sed aliorum tantum à se ratione liber existit. Non sui, quia se naturaliter vult & amat: aliorum autem, quia alia omnia à se vult, nō ex naturæ instinctu, sed ex iudicio libero. Vult verò alia à se, non vt sunt bona, vel mala culpæ, sed tantum vt sunt diuersa bona, vel diuersa mala poenæ. Mitto hîc, libertatem non ita esse in Deo, quasi possit velle, & non velle; velle hoc, & velle oppositum successiue: (semel enim ad hoc vel illud determinatus, semper determinatus manet; & semel rursus non determinatus, nūquam determinatur, vt qui omnis mutationis expers sit) sed quia secundum se absolute cōsideratus, indifferens est ad volendum opposita. Nam quicquid aliud à se vult, hoc, vt modò dicebamus, non ex aliquo naturæ impulsu vult, quasi ab alio sit motus, sed omnino liberè, & à se.

Exponam discrimen hoc clariùs: Vt Deus intelligit citra discursum, & mouet citra vllam sui mutationem, & procreat citra vllum sui detrimentū: ita idem citra vllum omnino consiliū, deliberationem, vel inquisitionem eligit. Nos autē citra isthæc, neq; eligimus, neq; diligimus. Rursus cū reipsa non aliud sit in illo, liberum esse, & Deum esse, & bonum esse, & quoduis aliud eiusmodi esse, sed vnum idemque penitus: liberum eiusdem arbitrium incuruari, aut ad malum in se cōsiliū omnino non potest: at verò liberum cuiusq; rei creatæ arbitrium, si secundum se, vel ex natura sua spectetur, ad peccatum incuruari potest. Quòd si quod ex illis, vel in illis huc non incuruatur, hoc ex natura sua non habet, sed ex gratia.

Deniq; cū Deus Opt. Max. secundum se, & suus, & reliquo-

rum omniū sit finis, in quo formaliter, vel eminenter existunt omnia; nihil ille necessariò vult, aut eligit propter alterū. At verò cū homo non sit suus finis, neq; citra mediū ad finem, quem sibi præfigit, peruenire queat: quò optato sine potiatur, necessariò aliquod medium eligere, & adhibere compellitur: quanuis non necessariò semper hoc vel illud præcisè. Verū omnia hæc discrimina, & si quæ eiusmodi sunt alia, nō impediunt, quò minùs verè, ac propriè in Deo sit liberū arbitriū. Verè enim quicquid ille extra se vult, eligit, & efficit, hoc totum liberè vult, eligit, & efficit. Vnde omnia secundū voluntatis suæ beneplacitum facere, & administrare dicitur; bonusque illius Spiritus singulis, prout vult, distribuere legitur.

Secundū Deum liberū arbitriū in Angelis, ac beatis illis spiritibus proximū locū sibi vendicat. Quanuis enim vtriq; in bono firmati culpæ malū per se non velint, neq; velle aliquādo, aut eligere queant, non ob id tamen nō verè ac propriè liberi sunt. Siquidem peccati malū velle, aut eligere, aut illud quoq; velle, vel eligere posse, de intrinseca liberi arbitrij ratiōe nequitiam existit. Nam vt propriū voluntatis obiectum est bonū, ita & liberi arbitrij quoque. Quamobrè vt voluntas, quicquid tandē vult vel affectat, semper illud sub boni alicuius ratione vult & affectat: quippe cū iuxta verissimam diuinissimi Dionysij sententiam, Nemo intendens ad malum operetur: ita quicquid liberum arbitrium eligit, semper sub boni alicuius vtilis, aut conuenientis ratione illud eligit.

Ad intrinsecam proinde liberi arbitrij rationem non pertinet, malum eligere, aut malum eligere posse. Imò vero liberum arbitrium per se malum eligere non pōtest, sed si illud quandoq; eligit, ideo eligit, quia, vel vires, quæ ipsi subseruiūt, vel ipsummet secūdum se vitio aliquo tenetur. Ex eo nanq; q ratio apprehendit quippiam tanquam conueniens ad bonum aliquod obtinendum, illudque sub conuenientis, vel vtilis, vel idonei ratione voluntati offert, cū tamen re ipsa eiusmodi non sit, contingit liberum arbitrium interdum malè eligere. Quod

Deus nihil
necessario e-
ligit propter
alterum.

Primum locū
post Deū lib.
arbitriū obti-
net in Ange-
lis, cæteris q;
beatorum spi-
ritibus.

Posse pecca-
re, non est de
intrinseca li-
beri arbitrij
ratione.

Quicquid lib.
arbitriū eli-
git, sub ratio-
ne alicuius
boni eligit.

Liberū arbi-
trium per se
nō potest fer-
ri in malū sub
ratione mali.

Si lib. arbitri-
um viresque
quæ illi sub-
seruiunt ef-
ferunt p omnia
sana, nunquā
malū elige-
ret.

Ad propriam
lib. arbitrii
rationē perti-
ner, è pluri-
bus medijs,
vnā præ alte-
ro eligere.

Quicquid dē-
mones & da-
mnati delibe-
rātē volūt, id
semper ad ma-
lū finem re-
ferunt.

Peccatū natu-
rales propri-
etates rei nō
adiungit.

Damnati cre-
bro ducuntur
vera boni spe-
cie.

Aliud est, ha-
bere lib. arbitriū,
aliud ha-
bere lib. arbitrii
vsum, aliud ha-
bere
verum & pro-
prium lib. ar-
bitrii vsum.

re. Quod si liberum arbitrium secundum se esset perfectum, hoc est, ab omni malitia, curuitate, & infirmitate verè liberū, & vires nihilominus, quæ ipsi subseruiunt, ab omni errore ac miseria immunes, cuiusmodi sunt sanè Angelorum & beatorum omnium: liberum arbitrium nec malè vnquam, nec malum vnquam, sed semper bonum, & semper benè eligeret. Ad propriam autem, intrinsecamque liberi arbitrii rationem pertinet, duobus pluribusve propositis medijs, vnum præ altero complecti, vel vno repudiato alterum eligere posse.

Sed fortè hîc cauillaberis: Si liberum arbitriū secundum se est tantum bonorum, nullum ergo in dēmonibus, cæterisque damnatis liberum arbitriū erit, vt quorum animus semper in malum pronus feratur? Næ quicquid dēmones, cæterique damnati deliberatē volunt, esto secundum se, quod volunt, malum non sit, ordinaria tamen lēge nunquam ad bonū finem referunt: nec ob id tamen arbitrii libertate destituti putandi sunt. Nam hæc libertas intelligentem naturam intrinsecè consequitur: peccatum autem vt naturam non tollit, ita naturales quoque rei proprietates non extinguit. Sed nec verum quoque est simpliciter, quod in argumēto vt simpliciter verum sumitur, puta damnatorum voluntatem in malū semper ferri. Fertur enim semper in bonum, licet non semper in verum bonum; sed in illud vt plurimum, quod ab ipsis verum iudicatur, quanuis reuera tale nō sit, ducuntur enim falsa subinde boni specie.

Missum hîc facio longè aliud esse, habere vel retinere liberū arbitriū, aliud rursus habere vel retinere illius vsum, aliud tandem habere verum & propriū illius vsum. Multi enim habent liberum arbitrium, qui tamen illius vsum, vel certè vero & proprio illius vsum, destituuntur: quemadmodum illud de damnatis, & obstinatis peccatoribus manifestum est. Sed & infantes quoque, somno pressi, phrenetici item & lethargici, & alij id genus permulti, liberum arbitrium possident integrè, & tamen nullum verum illius vsum obtinent: vnde cunque tan-
dem

dem impedimentum illud proueniat, de hoc enim opinari, & disputare licet. Est ergo liberum arbitrium non solum in Angelis, cæterisque beatis, verum etiam in dæmonibus, cæterisque damnatis.

Iam si liberum arbitrium in beatorum spiritibus, in spiritibus rursus eternæ damnationis vinculo obstrictis secundum se integrum adhuc remanet, remanebitque semper, quanuis bonum in his, malum in illis vsum nunquam fortia-
 tur: multo magis hærebit illud in viatoribus tametsi peccatoribus, inter spem & metum adhuc constitutis? Constat enim illorū tantum esse, & bene, & male mereri posse, peccare rursus & studiosè agere. Hæc autem non solum liberum arbitrium deponunt, sed verum quoque & plenū ipsius liberi arbitrij vsum. Verum de hoc paulo post latius. Est enim vnum hoc præcipuum totius huius controuersię, & disputationis caput. Nunc quæ de liberi arbitrij subiecto, & obiecto explicanda adhuc reliqua sunt, eo, quo cœpimus, ordine, & methodo persequamur.

Sed nunquid, inquis, quæ libera sunt & libera appellantur, æquè libera sunt omnia? Nequaquam, de quacunque tandem libertatis notione quæsitum accipiat. Nemo enim dubitat, quin maior, & à culpa, & ab omni quoque peccati misc-
 ria, libertas existat in iustis & sanctis, quàm in iniustis & peccatoribus, in beatis rursus ac cœlesti gloria iā donatis, quàm in damnatis & viatoribus; in Deo tandem, quàm in reliquis omnibus rebus creatis. Aequè certum est, non parem omnibus à seruitute immunitatē adesse. Deus enim à nullo omnino depēdet, nec vlli omnino obnoxius existit: cætera omnia, & à Deo, & à se inuicem dependent, sibi que mutuò obnoxia sunt. Vix enim quicquam vsquam ita perfectum, sibi que sufficiens comperias, quod alterius ope & opera interdum non indigeat.

Sed neque ea quoque libertas, quæ coactioni, vel necessitati opponitur, æquè ampla perfecta que in omnibus compe-

li ritur.

Lib. arbit. in damnatis nūquam bonū, in beatis nūquam malū vsum fortitur.

Liberum arbitrium est in omnibus hominibus, etiā in iniustis & peccatoribus

Quæ libera sunt, nō æquè libera sunt omnia.

Maior libertas à culpa & miseria in iustis, q̃ in peccatoribus.

Deus à nullo dependet: cætera omnia & ab ipso & à se inuicem.

Deus liberri-
mus ab omni
coactione &
necessitate

ritur. Planum est enim, quod à nullo, vt agat, impelli cogi-
potest, à nullo rursus, ne agat, impediri potest; id multò il-
lo liberius esse, quod multis modis ad opus cogi potest, mul-
tis rursus modis ab instituto opere impediri potest: At nullo
interna, vel externa vis, vel necessitas Deum ad externum
opus adigere, si nolit; nulla rursus ab eiusmodi opere im-
pedire potest, si operari velit: nam quicquid ille absolute
vult, siue in coelo siue in terra, siue intra vel sub terra, id
statim citra ullam moram, aut difficultatem effectum est.

Deus facit
quicquid vult
in coelo & in
terra.

psal. 148.

» Dixit enim, & facta sunt: mandauit, & creata sunt. At ve-
rò ne Angelus, & quicquid infra Angelum positum cerni-
mus, ne quicquam omnino velit, aut instituatur, aut faciat,
aut etiam vt diuersum ab eo, quod ipse primò volebat,
vel instituebat, fiat, sola diuina voluntate, & quidem fa-
cillimè, fieri potest. Potest enim Deus nolle ad hoc vel illud
votum, vel opus concurrere: potest vnā illi speciem adi-
mere, & aliam oppositam infundere: potest, vt paucis di-
cam, omnem omnino creatam voluntatem in nihilum redi-
gere.

Angelus mul-
tis modis im-
pediri potest,
ne velit, & ne
hoc velit.

Angelus per
Angelū impe-
diri non po-
test, ne velit,
homo autem
potest.

Pari modo Angelus hoc libertatis schemate multò li-
berior est homine: Nam etsi Angelus per alterum fortio-
rem, aut nobiliorem impediri queat; ne id exequatur,
quod volebat, & interdum quoque impediatur, velle ta-
men illius per nullam vim creatam impediri potest: pen-
det hoc enim à specie, & interna illius constitutione, in
quam alter Angelus ius nullum habet. At verò ne homo
velit, & ne hoc vel illud velit, & ne id, quod volebat, per
se, vel per alterum efficiat, multis modis, & vijs impedi-
ri potest. Nam quicquid impedit hominis cognitionem,
hoc necessariò impedit eiusdem quoque electionem: at ho-
minis cognitionem innumera impedire possunt, & sæpe quo-
que impediunt.

Quicquid im-
pedit intelle-
ctus operati-
onem, & vo-
luntatis quoque
opus impedit:
rationis aut
opus plurima
impedire pos-
sunt, & impe-
dire quoque
solent.

Verumenimverò licet humana voluntas propter cau-
sam iam obiter assignatam multis modis, ne id velit, vel
expetat,

expetat, quod alioqui expetiturus erat, impediri possit; & multis rursum modis, vt id velit, quod antè volebat; vel vt id nolit, quod antè volebat, induci ac persuaderi queat; & absolutè tandem, quod ad actus ab ipsa imperatos attinet, cogi valeat: nulla tamen creata aut increata vi, vt inuita velit, cogi potest: Siquidem actus, qui est secundum naturæ inclinationem, non potest, aut coactus esse, aut violentus esse: nec enim aliud est velle, quàm ipsam voluntatem ad hoc vel illud propendere, vel ad hoc vel ad illud inclinatum esse. Imò implicat aliquod velle coactum esse, aut violentum: Si enim quis vult, & tamen inuitè vult, habet is vtrique simul velle, & non velle. omnis nanque inuitus habet nolle, vel non velle; nam aliàs non esset inuitus. Non potest ergo voluntas adigi, vt inuita velit.

Nulla creata
vel increata
vis voluntatē
cogere potest
vt inuita velit

Qui inuitus
vult, simul
vult & non
vult, quod im-
possibile est.

Et quod de interna ac propria voluntatis operatione hinc asseritur, hoc certa quadam proportionem de cuiusvis alterius quoque potentia functione assertum accipiatur. Nam neque oculus inuitus videt, neque auris coacta audit, neque intellectus inuitus intelligit: sed vnumquodque horum agit secundum intrinsecam, ac propriam naturæ suæ conditionem ac propensionem. Quare licet dici soleat, Intellectum per euidentem demonstrationem ad assensum cogi: minùs tamen propriè id dicitur. Nam vt in ipsa naturalis quædam inclinatio ad quidvis intelligendum existit, ita quædam quoque naturalis vis ac procliuuitas insita est illi ad euidenter veris assentiendum.

Nulla naturalis potentia
inuita fertur
in suum obiectum.

Ad nullum assensum intellectus propriè cogitur.

At quauis voluntas secundum se (prout nimirum quædam naturæ proprietates est) nullam admittat intentionem, aut remissionem: attamen, quod non minùs spectare consueuerimus ipsarum proprietatum, vel actuum fundamenta, hoc est, naturas, vnde dimanant, quàm ipsas proprietates, vel ipsos actus; sit vt vniuscuiusque libertas eò censeri queat maior, quò natura, cui inhæret, vel ex qua dima-

Eò cuiusque libertas censeri queat maior, quò natura, cui adia-

ect, extirerit
excellenior.

nat, fuerit excellentior. Cùm ergo natura diuina multis partibus sit præstantior natura angelica, & natura rursum angelica natura humana: simpliciter assuerare licebit, in Deo extare maiorem libertatem, quàm in Angelo; & maiorem in vno Angelo, quàm in homine.

Immunitas
ab induciõe
patitur ma-
gnam inten-
sionem & re-
missionem.

Denique si id, quod suprà de libertatis paritate vel disparitate quærebatur, ad libertatem vel immunitatem ab induciõe, vel impulsione referatur, absolutè respondere licebit, liberum arbitrium, vel voluntatis libertatem subinde intendi atque remitti. Constat enim, quandoque multa adesse, quæ prouocant ad bonum vel malum, quandoque pauca, interdum nulla, prout sunt temporum vel rerum status, vel hominum conditiones. Patet ergo in quibus sit liberum arbitrium, & quo gradu vel discrimine in ijs insideat, quibus insidet.

Quod lib. ar-
bitrij sit obie-
ctum, ex pro-
prio illius o-
pere faciliè
colligitur.

Obiecta ad
potentias eo
ferè modo se
habent, quo
principia vel
causæ ad sua
effecta.

Lib. arbitrij
est eligere, e-
lectio autem
non est omni-
um, sed eorū
solum, quæ
sunt ad finē.

In quas naturas liberum arbitrium cadat, explanatum est hætenus: nunc verò, circa quasnam res tanquam circa propriam materiam, proprium ve obiectum præcipuè occupetur, paucis quoque enodare lubet. Hoc autem eò fieri poterit facilius, quò de proprio illius munere constat certius. Nam vt effectorum naturæ deprehenduntur ex causis, ita vicissim causarum ratio ex earum effectis colligitur. Potentialium autem obiecta ad earundem actus relata, eo ferè modo sic habent, quo principia vel causæ ad sua effecta. Sed ad rem. Suprà indicatum est, proprium liberi arbitrij opus esse eligere. Electio autem non est omnium simpliciter, sed eorum tantum, quæ ad finem, quem nobis proponimus, idonea censentur. Nec enim animæ aut corporis sanitatem, aut Reipublicæ tranquillitatem, aut ab hoste victoriam, aut alia his cognata eligere consueuimus, sed simpliciter desiderare, & quasi naturali quodam instinctu in ea ferri.

Veruntamen si hæc ipsa, quæ modò in exemplum à nobis proposita sunt, aliaque huius generis complura, quæ adhuc

adhuc in exemplum proponi poterant, accipiantur non vt fines, sed vt media quæ ad vltiorem aliquem, vel nobilior finem obtinendum conferant: & que sub electionem cadent, atque media illa, quibus antea ad illa ipsa tendebatur. Imò verò in tota rerum vniuersitate nihil, vltimo fine secluso, in hominis potestate alioqui positum, exstat, quod electionis materia esse non queat. Etenim vt vicius parsimoniam eligere licet, quò temperantiæ habitum consequi; & hunc rursus, vt temperanter viuas: ita temperanter ac moderate ex instituto viuere eligere potes, quò coelestem gloriam obtineas. Et idem de reliquis omnibus virtutum omnium actibus medijs, ac finibus statuere licet.

Et quemadmodum electio non est finis, vt finis est, vt qui in practico syllogismo conclusio esse non queat, sed conclusio nis tantum principium; sed eorum solum, quæ sunt ad finem: ita eadem quoque non est simpliciter impossibile, vel absolute necessarium, aut illorum quoque, quæ in nostra potestate nullo modo sunt posita. Nam quæ in nostra facultate posita non sunt, cuiusmodi sunt, quæ neque per nos, neque per alios nobis obuenire possunt; ea rursus, quæ secundum se fieri nulla ratione queunt, aut absolute impossibilia sunt; ea tandem, quæ simpliciter necessaria sunt, vel aliter ac sunt habere non possunt: ea deliberationis, aut consultationis materia esse nequeunt, & ex consequenti medijs rationem subire non possunt. Atqui electio, vt iam aliquoties repetitum est, & mediorum est, & consilij vel deliberationis conclusio est: Vel, vt ille definit, præconscripti, hoc est, illius, quod præeunte consultatione, vel deliberatione, ad hoc vel illud impetrandum, vel conficiendum, vel euitandum, haud inefficax fore iudicatum est, appetitio est.

Liberum itaque arbitrium, vt deliberans, vel consultans, vel disquirens est, non est impossibile, aut absolute necessarium: sed contingentium tantum, & possibile. Verum si vis hæc animi consideretur, non vt deliberans, vel consultans

Quicquid medijs rationem subire potest, id & electionis quoque materia esse potest.

Nihil in hominis potestate positum exstat, quod electionis materia esse non queat, solo vltimo fine secluso.

Vt lib. arbitrium non est finis, ita nec absolute quocunque necessario, vt nec absolute rursus impossibile, nec eorundem quoque, quæ in nostra potestate nullo modo sunt posita.

Lib. arbitriū, vt deliberat, est tantum contingentium, & possibile, & in nostra facultate positum.

Voluntas est
placenz e
necessariu.

Velleitas est
quorundā im
possibilium.

Lib. arbitriū
non est abso
lutē bono
rum, nec est
absolutē iur
sum malorū.

Voluntas cir
ca absolutē
bona & mala
est libera li
bertate con
tradictionis,
non libertate
contrarieta
tis.

Lib. arbitriū
& electio cir
ca ea versan
tur, quæ me
dio modo
sunt affecta.
Quicquid lib.
arbitrium res
puit, sub ra
tione malie
spuit: quic
quid rursus
eligit, sub ra
tione bonie
ligit.

est, sed vt absolutē libera est, siue vt quēdā imperfecta volūtas, vel quēdā velleitas est: & necessariorū, & quorundam quoq; impossibiliū esse potest. Certum est enim, nō Angelorū & beatorum hominum voluntatē tantū, sed ipsius quoque Dei quādā immutabilitatis, ac complacenz necessitate teneri. Sic quoque licet simpliciter *adūata* deliberatē optare nō possumus, possumus tamen ea desiderare, quæ ex hypothesi eiusmodi sunt. Quā multa, & quā stulta sæpe optamus, circa quæ tamen, nisi mentem amiserimus, non deliberramus?

Denique vt liberum arbitrium secundū propriam rationem non est absolutē impossibile, aut absolutē necessario: ita idem quoque non est absolutē bonorum, aut absolutē quoque malorum. Nam vt id, in quo nulla prorsus boni, aut conuenientis ratio apparet, non potest completi: ita ediuerso id, in quo nulla penitus mali, aut disconuenientis ratio cernitur, non potest auersari. At pro sua tamen libertate circa vtrunque oppositorum genus ad certum vel incertum tempus a ctus exercitium potest suspendere.

Electio proinde circa ea præcipuē versatur, quæ nec absolutē mala, nec absolutē rursus bona, sed medio quodam modo affecta sunt. Cuiusmodi sunt, quæ & boni, & conuenientis, & mali rursus, & incommodi, vel disconuenientis speciem aliquam præ se ferunt. Si quid tamen ex huiusmodi medijs eligit, semper sub ratione boni illud eligit. Sic quoque si quid aliquando ex hoc mediorum genere respuit, semper illud sub mali, vel incommodi ratione respuit. Liberum itaque arbitrium circa media omni ex parte liberum est: circa absolutē autem bona, vel mala, ex altera tantū parte liberum est. Nam etsi non possit velle miseriam, aut nolle felicitatem: potest tamen de neutro cogitare, aut actum circa vtrunque suspendere: hoc autem est liberum esse libertate contradictionis, non etiam libertate contrarietatis, vt in Scholis loquimur.

At

At dices forſan : Si liberum arbitrium aut voluntas non poſſunt in malum ferri ſub ratione mali, aut malum velle, vt malum exiſtit : ergo nullus erit uſquam, qui ex certa malitia malè agat, aut peccet ; ſed omne omnino peccatum ex errore, aut infirmitate continget ; ex eo nimirum, quòd ratio errore decepta, aut ſenſualitatis impetu oppreſſa, aliquid ſub ratione boni, ac conuenientis voluntati, aut libero arbitrio obtrudit, quod re vera eiſmodi non eſt?

Ratio proba
nullum dari
peccatum ex
certa malitia

Ad hanc, ſiue obiectionem, ſiue difficultatem, quę proſectò non eſt omnino leuis, nedum nulla ; reſpondent quidam, voluntatem biſariam conſiderari poſſe : Vno modo abſolutè, nempe vt eſt quædam animæ facultas ſecundùm ſe omnino libera : altero modo relatè, nimirum vt ab obiecto quopiam idoneo, vel aſtu mouetur, vel certè moueri nata eſt. Et quidem hac poſteriori conſideratione, vt dicunt illi, quodcunque tandem vult, aut eligit, id ſemper ſub alicuius boni, aut conuenientis ratione vult, & eligit : & quicquid ediuerso reſpuit, hoc ſemper ſub alicuius mali vel incommodi ratione reſpuit. Quòd ſi verò priori modo conſideretur, nihil, ſecundùm illos, extat, quod ipſa pro ſumma ſua libertate non queat velle & nolle, nolle & non velle. Atque ita, ſi iſti vera prædicant, voluntas propter innatam illam libertatem, poterit velle malum ſub ratione mali, & nolle bonum, vel auerſari bonum ſub ratione boni.

Voluntas bi-
ſariam conſi-
derari poteſt:
abſolutè, &
relatè.

Verùm hæc ſententia, & cum ratione, & cum certa quoq; experiētię fide pugnat. Nemo enim experitur ſe hoc vel illud deſteſtari, quia bonū eſt : aut contrà hoc vel illud ſeſe cõplecti, quia malū eſt. quin potiùs in vtroq; genere oppoſitū experitur: nempe nihil quicquā vnquā ſe auerſari, niſi ſub ratione mali : nihil quicquam ruruſum ſe vnquā conſeſtari, niſi ſub ratione boni. Sed & certū quoq; eſt, nullius omnino naturalis potentia vim eſſe tantam, quę in illud ferri poſſit, quod intra obiecti

Opinio quo-
rundam exi-
ſtimentium
voluntatem
poſſe ferri in
malum ſub
ratione mali.

Opinatio ex-
iſtimentium
voluntatē fer-
ri poſſe in ma-
lum ſub rati-
one mali, pu-
gnat cum ra-
tione & ex-
perientia.

Nulla natu-
ralis potentia
ferri poteſt in
id, quod intra

obiecti suam
plitudinē nō
continetur

Obiectum vo-
luntatis, ve-
rum bonum,
vel apparet
bonum.

Omne pecca-
tum adiunctū
habet aliquā
ignorantiam.

13. q. 78. ar. 1.

Triplex igno-
rationis ge-
nus in tripli-
ci peccatorū
genere locum
obtinet.

iecti sui latitudinem nullo modo se continet : nec enim ocu-
lus ferri potest in sonum, aut auditus in colorē. Atqui bonum
sub ratione boni est obiectum voluntatis in cōsecrando : qua-
re etiam Philosophus bonum id esse definit, quod omnia appe-
tunt : Malum autem sub ratione mali eiusdem obiectum est in
aduersando.

Ecquid tandem ad argumentum ? omnes ne ergo qui pec-
cant, ex infirmitate aut ignorantia peccant, ex certa autem
malitia nullus prorsus ? Ne ad omne peccatum aliqua semper
ignorantia interuenit ; quanuis non omnis statim ignorantia
peccantem excusat, aut peccati malitiam eleuat. Affectata
enim adeo non excusat, vt magis quoque incuset. Verū ad
hunc locum, vel loci huius explicationem quod attinet, di-
uus Thomas triplex ignorantie genus assignat. Vnum, quo
nescitur hoc particulare dictum, factum, vel concupitum, se-
cundū se malū esse. Alterum, quo ignoratur, hoc dictum, fa-
ctum, vel concupitū, hoc nunc loco, vel tēpore, vel rerum sta-
tu malum esse, tametsi clām non sit, secundū se, ac genera-
tim sumptum bonum non esse. Tertium & postremum, quo
nescitur, vel non consideratur maius bonum antelātū opor-
tere minori bono : Vel quo stultē creditur minus bonū præ-
ponendum esse maiori bono : Vel quo falsō persuasum est,
hoc nunc malum perpetrare licere, quō obueniat hoc nunc
bonum, quod citra mali illius perpetrationem obtingere non
poterat. Qui prima ignorantia tenti labuntur, ij, secundū
eundem, simpliciter ex errore, vel ignorantia peccare dicun-
tur. Qui secunda, ex infirmitate, vel mentis perturbatione.
Qui tertia, de industria, vel ex malitia : Sciunt enim illi, quod
faciunt, malum esse, nec vlla, aut loci, aut temporis, aut alia
quacunque circumstantia à peccato excusari posse : attamen
ne commodo, quod cōsecantur, frustrentur, scientes volen-
tesque contra legem committunt.

Verumenimuerò quod hæc malitiosi peccati explanatio
nimis latē patere, nimisque multos ambitu suo complecti vi-
dea-

deatur, (perpauci enim legum præuaricatores comperiuntur, qui, quod faciunt, secundum se malum, & lege inhibitum esse, etiam hoc loco, & tempore, & rerum statu certò non intelligant) dici potest, non omnes illos, qui scientes in legem præuaricantur, ex certa ac destinata malitia peccare: sed illos dum, qui ipsammet malitiam, vel ipsammet Dei offensam, si non pro formali, saltem pro materiali obiecto habent. Et quoniam non ita multi comperiuntur, qui ideo peccant, ut peccent, hoc est, ut Deum offendant: fit ut peccatum hoc in demonibus, ac sempiterni ignis supplicio addictis obtineat familiarius, quam in sanæ mentis hominibus.

Non omnes, qui sciunt, quod faciunt, peccatū esse, ex certa malitia peccant, sed qui ipsam Dei offensam operis sui obiectum habent.

Nō ita multi peccāt ex certa malitia.

At obtinet peccatum hoc & inter quosdam quoque viatores nonnunquam. Inueniuntur enim quidam ita deploratè scelerati, ut cum secus, ac sperabant vel expectabant, fors illis ceciderit, pleni furia ac rabie in Deum ipsum impiè insurgant, dirisque conuicijs eundem lacerant, nullum alium insanix suæ scopum, quam solam Dei offensionē præfigentes; vel certè nulla alia re, quam sola Dei offensa insani animi libidinem explere enitentes. Constringunt enim hoc ipso ab illo se lesos, quòd improbis eorum studijs non fauerit; & quia alio modo imaginariam illam iniuriam vlcersi non possunt, tota vi insanis maledictis in eum feruntur. Patet ergo, peccatum ex malitia, utcumque tandem accipiatur, non omnem penitus boni electionem excludere: atque ideo voluntatem cum tota sua illa innata libertate non posse in vllum omnino malum sub mali ratione ferri. His autem de liberi arbitrij quidditate & natura breuiter, methodiceque prælibatis, nunc vulneris per originis peccatum inflicti qualitatem & quantitatem paucis quoque expendamus. de hac enim re maius cum,

Comperiuntur ex certa malitia peccantes.

Peccatum ex malitia non excludit oēm boni electionem.

Antagonistis nobis certamen est, quàm de cæteris omnibus, quæ in liberi arbitrij disputationem cadunt.

Originis peccatum liberum hominis arbitrium non extinxisse, sed tantum vulnerasse : atque hoc ipsum ex Scripturis, & Patribus, tum ex ipsa quoque rationis luce, & certa experientia fide evidens esse.

TRACTATUS DVODEVIGESIMVS.

Proprius cuiusque potentia vsus operatio.

Omnis libertas à Deo est. Idem hominis & lib. arbitrij finis.



DE causa porrò liberi arbitrij effectrice, deq; vero ac proprio eiusdem fine, quatenus hic à proprijs illius actibus secernitur, (Nam proximus cuiusque potētiæ, practicaque virtutis finis est operatio) nulla hîc instituenda est quaestio, nulla disputatio. Cōstat enim omnem omnino libertatem, cū naturæ, tum gratiæ, tum etiam gloriæ, Deum Opt. Max. authorem habere. Tum non alium hominis, alium liberi arbitrij finem esse, sed eundem penitus. Sed neq; de ipso quoq; libero arbitrio secundum se sumpto, prout nimirum quædam animæ facultas est, eadem reipsa cum ipsa voluntate, vel ipsa met anima, vel mens cum tali affectione, vel proprietate, multum hîc nobis laborandum erit. Siquidem nullus verè Philosophus, aut Theologus extitit vsquam, qui hanc mentis vim negaret, tametsi de illius quidditate, & ratione non idem omnium iudicium esset.

Difficultas est de lib. arbitrij viribus. Alij. lib. arbitrio nimis parum, alij nimis multum tribuunt: alij nimis obscurè & inconstanter de eo differunt.

Tota itaq; difficultas est, fuitq; semp, de liberi arbitrij viribus. Extiterūt enim, q̄ oēm ipsi, & benè, & malè agendi energiam adimerēt: Credebant lsi illud, nō secūs atq; primā materiā, ad oēm omnino motū, & impressionē merè passiue sese habere. Fuerūt alij, qui nimis multū ipsi tribuerēt: Aiebant enim liberū arbitriū q̄uis citra diuinā gratiā prestare posse: nec hoc gratiæ p̄sidio ad vllū omnino piū, vel arduū opus simpliciter, & absolutè egere; sed tātūm secūdum qd, quō nimirū, quod aliās facere poterat, minori cū difficultate, vel, quod in idē redit, maiori cū facilitate perficere posset. Non defuere tādē, sicut & hac quoq; tēpestare nō defunt, qui hac de re nimis obscurè, lubri-

lubricè, & inconstanter differerent: Concionabātur enim, liberū arbitriū in politicis & naturalibus aliquid posse, in spiritualibus verò & transnaturalibus omnino nihil, neq; ante susceptam iustificationis gratiam, neq; post eandem susceptam.

Cēterū qui vim omnem, omnemq; proprium vsum libero arbitrio adimebant, non eadē via gradiebātur omnes. Quidam nanq; ex illo grege fatalibus stellis constringi prędicabant: alij diuina pręscientia, vel prędestinatione impediri: nonnulli fatali quadam necessitate, ne quicquam omnino ex se posset, alligatum teneri contendebant. Multi hac ætate per originis peccatum extinctum clamant. Verū siue quis in perniciosissimi erroris huius patrociniū cum Priscillianistis alleget fatalium stellarū vim; siue cum Petro Abailardo, Vickleffio, Luthero, cæterisq; eiusdē factionis portentis occultā quandam ineuitabilis necessitatis legem; siue diuersam cum Manichæis in vno homine animarum indolem; siue sæuam cum recentioribus quibusdam originalis peccati tyrannidem; siue aliam quamecunque causam cum alijs errorum magistris: fœdam semper cum sacris literis, sanctorumq; Patrum decretis, ac quotidianę experientiæ indicijs pugnam inibit.

Non isdem rationibus mouentur omnes, qui lib. arbitrio vim omnem adimunt.

Quicumque lib. arbitrium negant, quicumq; de causa id faciant, semper cum Scripturis, & Patribus, & ratione pugnant.

Et quāuis hoc ipsum à multis orthodoxis Scriptoribus iam olim, & hac nostra quoq; memoria euidenter, & quasi ad oculū demonstratū sit: attamē quod malū hoc, licet milles cōprimatur, vsq; se erigat, ac serpat, non grauabimur ex salutaribus illis fontibus, ex quibus sua illa hauserūt, paucis ostendere. Inter plurimos, eosq; vanissimos etatis huius errores, nullum vno hoc, qui omnem, & cōsentiendi, & agendi libertatem homini adimit, extare, aut vaniorē, aut rebus humanis infestiorē, aut in Deum ipsum blasphemio rem. Neque enim teter hic error omnem tantū vitę ordinem hoc ipso conuellit & interuertit, quod omnes leges, omniaq; consilia & iudicia è medio tollit: sed ipsum quoque bonorum omnium fontem & authorem, omniū scelerum ac flagitiorum effectorem & incēso rem confingit. Quod immane piaculum, impiūq; & in Deum

Nullus error vanior, nullus perniciosior, nullus in Deum sceleratior eo, qui tollit homini liberum arbitrium.

blasphemum consecrarium vesani commenti huius patroni ad eò non inficiantur, vt illud publicè quoque profiteantur, magnoque conatu vulgò persuadere nitantur.

In epist. ad
Rom.

Nos, aiebat Philippus, docemus non solum Deum permittere creaturis vt operentur, sed ipsum omnia propriè agere. Sicut fatentur proprium Dei opus fuisse Pauli vocationem, ita fatemur propria Dei opera esse; siue quæ media vocantur, vt comedere, bibere, communia nobis cum brutis; siue quæ mala sunt, vt Dauidis adulteriũ, Manlii seueritatem animaduertentis in filiũ. & alio rursum loco, In quæstionem vocatur, Si ne libera volũtas, & quatenus libera sit: Respõsio: Quãdoquidẽ omnia, quæ eueniũt, necessariò iuxta diuinã prædestinationem eueniunt, nulla est arbitrij nostri libertas. Hęc Philippus, quæ alibi, vel rei indignitate exterritus, vel veritatis euidẽtia conuictus, non nihil mitigat.

Impia Philip.
pi sententia
de libero ar-
bitrio.

In Locis cõ-
munibus An-
no 21. editis.

Luth. ar. 36.
Blasphemia
Lutheri de
libero arbi-
trio sententia.

Aequè insana, & in Deũ blasphema sunt, quæ Philippi mystagogus eade re cruciat. ait enim: Liberum arbitrium propter peccatũ res est de solo titulo, & dum facit, quod in se est, peccat mortaliter. & infrà: Malè dixi q̃ liberũ arbitriũ ante gratiã sit res de solo titulo: simpliciter debui dicere, liberũ arbitrium esse figmentũ in rebus, seu titulum sine re: Quia nulli in manu sua est quicquã cogitare, vel malũ, vel bonũ, sed omnia, vt Viclephi articulus Cõstantiẽ dānatus rectè docet, de necessitate absoluta eueniunt. quod & Poeta voluit, quando dixit: Certant omnia lege. & paucis interiectis, Quomodo, inquit, potest se homo præparare ad bonum, cũ nec in potestate sua sit, vias sua malas facere? Nam & mala opera Deus in impijs operatur. Hęc Confessionistarũ Antesignani, & protomysticẽ de Deo malorũ ac scelerũ omniũ authore: à quorũ impia doctrina minimè illa abhorret, quæ eadẽ de re cõmentus est Bucerus, & post ipsum Ioãnes Calvinus. At q̃ hæc omnia cõtra Deũ dicere & impiè, & diuinẽ Scripturẽ dissetaneè ab ipsis differantur, & ppugnentur, istuc ex illis ipsis Scripturis, quas hic nũc speciminis cuiuspiam loco subijcimus, apertè cognoscere licebit.

Nõne

Nonne, inquit Dominus ad Cain, si benè egeris, recipies? Genes. 41.
 sin autem malè, sta tim in foribus peccatum tuum erit? Sed sub
 te erit appetitus eius, & tu dominaberis illius. En libertatem Caino liber-
 tas in rebus
 spiritualibus
 relicta.
 Caino, ad eadem & parricidium toto iam pectore anhelanti,
 integrè relictam. Nec enim aliud sonant verba hæc, Sed sub te
 erit appetitus illius, & tu dominaberis illius, quàm, Promeri-
 tam peccati poenam eiusdemque reatum certò euades, si ex
 animo id experieris, oblataque gratiæ non resisteris.

Acquè illustre Catholicæ huic veritati testimonium perhi-
 bet, & hoc Mosaicum quoque: Testes, ait, inuoco hodie cœ- Deut. 30.
 lum & terram, quòd proposuerim vobis vitam & bonum, be- Ethicæ vitæ
 mortisque
 optio datur.
 nedictionem & maledictionem. Elige ergo vitam, vt & tu vi- Daniel. 13.
 uas, & semen tuum. & hoc Susannæ: Angustiæ sunt mihi vn-
 dique, & quid eligam ignoro. si enim hoc egero, mors mihi
 est: si autem non egero, non effugiam manus vestras. Sed me- Susanna præ
 peccato, libe-
 re eligit mor-
 tem
 lius est mihi absque opere incidere in manus vestras, quàm de-
 relinquere legem Dei mei, & illud Sapientiæ:

Dulcedinem quam in filios habes, ostendebas: & deserui- Sap. 16.
 ens vniuscuiusque voluntati, ad quod quisque volebat con- Et hic libera
 proponitur
 ad vtrumvis
 conuersio.
 uertebatur. Et hoc Ecclesiastici: Deus ab initio constituit ho-
 minem, & reliquit eum in manu consilij sui. Adiecit manda- Ecclesi. 15.
 ta, & præcepta sua. Si volueris mandata seruare, conseruabunt
 te, & in perpetuum fidem placidam seruare. Apposuit tibi
 aquam & ignem: ad quod volueris, extende manum tuam.
 Ante hominem vita & mors: quod placuerit ei, dabitur illi. &
 hoc Hieremiæ:

Si poenitentiam egerit gens illa à malo suo, quod locutus Hiere. 18.
 sum aduersus eam:agam & ego poenitentiam super malo quod
 cogitavi vt facerem ei. Quòd si fecerit malum in oculis meis,
 vt non audiat vocem meam, poenitentiam agam super bono,
 quod locutus sum vt facerem ei. & hoc Ezechielis: Si impius
 egerit poenitentiam ab omnibus peccatis suis quæ operatus
 est, & custodierit omnia præcepta mea, & fecerit iudicium &
 iustitiam, vita viuet, & non morietur. Si autem auerterit se Et hic sermo
 est nō de po-
 liticis, sed de
 ijs, quæ ad in-
 ternæ vitæ cō-
 stitutionem
 obtinent.
Ezech. 18.
 Certè poeni-
 tētia est opus
 spiritale.

Esaï 1.
Ergo in nobis
scitum est au-
dire & obau-
dire diuinis
mandatis.

Matth. 23
Certe hæc
omnia ex in-
stinco de spi-
ritali libe-
rate disserūt.

Luc. 9.

Joan. 1.

Act. 5.

1. Pet. 5.

iustus à iustitia sua, & fecerit iniquitates, nunquid viuet? & hoc Esaïæ: Si volueritis, & audieritis me, bona terræ comedetis. Quòd si nolueritis, & me ad iracundiam prouocaueritis, gladius deuorabit vos. & hoc Christi Redemptoris:

Hierusalem Hierusalem, quoties volui congregare filios tuos, quemadmodum gallina congregat pullos suos sub alas, & noluisti. & hoc eiusdem: Si quis vult post me venire, abneget semetipsum, & tollat crucem suam, & sequatur me. & hoc Ioannis: Dedit illis potestatem filios Dei fieri. & hoc Petri ad Ananiam: Nōne manens tibi manebat, & venundatum in tua erat potestate? & hoc eiusdem: Pascite qui in vobis est gregem Dei, prouidentes non coactè, sed spontaneè: neque turpis lucri gratia, sed voluntariè. & hoc Pauli:

1. Cor. 7.
Quis liber
qui suæ vo-
luntatis po-
testatē habet.

2. Cor. 9.

Ad Philem.

Apoc. 2.
Ergo ad pœ-
nitentiam
conuerſi
possumus.

Qui statuit in corde suo firmus, non habens necessitatem, potestatem autem habens suæ voluntatis. & hoc eiusdem: Vnusquisque prout destinauit in corde suo, non ex tristitia, aut necessitate. hilarem enim datorem diligit Deus. Cui non absimile est alterum illud: Sine consilio tuo nihil volui facere, vt ne velut ex necessitate bonum tuum esset, sed voluntarium. & hoc tandem Apocalypseos: Dedi illi tempus vt pœnitentiam ageret, & non vult pœnitere à fornicatione sua. Ecce ego mittam eam in lectum, & qui mœchantur cum ea, in maxima tribulatione erunt, nisi pœnitentiam ab operibus suis egerint.

En omnia hæc disertissimè ostendunt, liberum arbitrium nostrum, neque per primi hominis peccatum extinctum esse; neque fatali aliqua necessitate constrictum teneri: neque ad vllum omnino bonum in hac vita ita hērere alligatum, vt inde auelli non possit; neque in vllū rursum malum tam profundè demersum iacere, vt Christi gratia adiutum inde emergere non queat: Sed sui iuris esse, ac liberum, non solum in politicis & externis actionibus, verum etiam in internis & spiritalibus. Quauis id non eodem modo: hīc enim cœlesti præsidio

dio opus est, ibi non item.

Et vt Scripturę nullius electionis aut optionis, nullius spontanei aut voluntarij, nullius præcepti aut consilij, nullius præmij aut supplicij, nullius deniq; alterius eiusmodi, quę voluntatis nostrę libertatē, & apertē & necessariò statuunt, ita vt nemo inficiari possit, nisi aut Scripturas ipsas rejiciat, aut ex vero ac proprio sensu ad alienū peruersissimē trāserat, mentionē facerent; adhuc ingentis arrogantia & temeritatis foret, tot illustres Patres ac Ecclesię doctores, qui in hanc doctrinę partem tam impigrē incubuerunt, tantaque consensione & eruditione cōtra fidei hostes eandem propugnāunt, tanquam spiritu Dei vacuos, flocci hac in re facere: præsertim cū plurimi ex illis nō solū Theologi, sed summi quoque Philosophi extiterint.

Summę temeritatis & impudentiæ est, Patrum consensum rejicere.

Quòd autem vniuersus penē Ecclesiasticorū Scriptorum cœtus, in omni omnino humano opere, cuiuscunque tandem generis vel ordinis illud extiterit, libero arbitrio suas partes deferat, id ne ipsi quidem, qui infamem hunc errorem tam obstinatē defendunt, inficiari audent. Magnū, inquit Calvinus, præiudiciū mihi attulisse forsā video, qui Scriptores omnes Ecclesiasticos, excepto Augustino, ita ambigūe & variē hac in re locutos esse confessus sum, vt certum quippiam haberi nequeat. Hoc enim perinde nonnulli interpretabuntur, quasi à suffragij iurē depellere ideo ipsos voluerim, quòd mihi sunt omnes aduersarij. En neutiquam obscurē fateor omnes in hac cōtrouersia sibi aduersari. Verūm ne ea exomologesi causam suam prægrauet, addit ad vnum omnes, vno duntaxat Augustino secluso, ita obscurē & inconstanter ea de re scripsisse, vt non possit perpetuò non fluctuare, qui hanc cōtrouersiam ex eorum sententia definire velit.

Cap. 2. Instir. Caluini sententia de Patrum consensu.

Si omnes sunt aduersarij, ergo omnes agnoscūt lib. arbitriū, nam Calvinus id negat.

At quòd hoc Caluini, aut Philippi (nam ex Philippo, vt alia multa, hæc mutuatus est Calvinus) iudiciū sit impudens quædam calumnia, hoc ex ijs planum fiet, quę ex illis ipsis Patribus, quorum inconstantiam pro sua impudentia in ius vocare

Calvinus Synophanta magis Patres

non

non est veritus, in loci huius firmamentum, iam nunc in medium adferemus. Luber autem ab illo ipso, vel allegationis, vel confirmationis exordium facere, quem vnū iste ex omnibus pro se stare, atque adeò de liberi arbitrij *ἐυδαιμόνῃ* rectè sensisse ac scripsisse nugatur.

In disput. 2.
cont. Fort.

Augustinus: Quod liberum arbitrium si non dedisset Deus, iudicium puniendi nullum iustum esse posset, nec meritum rectè faciendi: nec præceptum diuinum, vt ageretur poenitentia de peccatis: nec ipsa indulgentia peccatorum, quam nobis Deus per Dominum nostrum Iesum Christum donauit. & alio rursum loco :

Lib. 1. c. 1. de
grat. & lib.
arbitrio.

Reuelauit autem nobis Deus per Scripturas suas sanctas esse in homine liberum volūtatis arbitrium. Quomodo autem reuelauerit commemoro vos non humano eloquio, sed diuino. Primū quia ipsa diuina præcepta homini nō prodesse, nisi haberet liberum voluntatis arbitrium, quo ea faciens ad promissa præmia perueniret. & infrā :

Rom. 12.
Psal 3.
Prover. 1.
Matth. 6.
Matth. 10.
1. Cor. 15.
1. Ioan. 2.

Quid illud quòd tam multis locis omnia mandata sua custodiri & fieri iubet Deus? Quomodo iubet, si non est liberum arbitrium? & infrā rursum: Si non est liberum arbitrium, quomodo mandatū est, Noli vinci à malo. Nolite fieri sicut equus & mulus. Noli repellere consilia matris tuæ. Noli negligere legem. Noli intendere fallaci mulieri. Nolite vobis thesaurizare thesauros in terra. Nolite timere eos, qui occidūt corpus. Sobrii estote & nolite peccare. Nolite diligere mundum &c.

Hæc Augustinus in eos, qui negant liberum arbitrium vniuersè, & in eos rursum, qui negant illud in spiritualibus. Contra Astrologos verò & fati assertores hæc, quæ hîc subiicimus:

Lib. 5. c. 5.
de ciuit.

Quid est, quòd vno tempore, vno momento, sub vna eademque cœli positione concepti diuersa habeant fata, quæ illos perducant ad diuersarum horarum natiuitatem: & vno momento temporis, sub vna eademque cœli positione, de duabus matribus duo pariter nati, diuersa fata habere non possunt,

Fatum nō infringit liberū
arbitrium.

sunt, quæ illos perducant ad diuersam viuendi vel moriendi necessitatem? & contra Faustum:

Et nos quidem sub fato stellarum nullius hominis genesis ponimus, vt liberum arbitriū voluntatis, quo vel benè vel male viuitur, propter iustum iudicium Dei ab omni necessitatis vinculo vindicemus: quanto minùs illius temporalem generationem sub astrorum conditione credimus factam, qui est æternus vniuersorū creator & Dominus? Contra eos autem, qui diuina præscientia, aut prædestinatione humanam voluntatem, vel ne agat, impediri, vel vt hoc agat, & nō illud, vel hoc modo & non illo, cogi, vel occulta quadam necessitate adigi mentiuntur, hæc, quæ sequuntur:

Lib. a. c. 5.
Fatum in lib.
arbitrium
nihil potest.

Non ideo peccat homo, quia Deus illum peccaturum præsciuit: imò ideo non dubitatur ipsum peccare, cū peccat, quia ille, cuius præscientia falli non potest, non fatum, non fortunam, non aliquid aliud, sed ipsum peccaturum esse præsciuit, qui si nolit omnino, non peccat: sed si peccare noluerit, etiam hoc ille præsciuit. & paulò antè:

Lib. 5. c. 10. de
ciuit.

Præscientia
Dei voluntatis
libertatē
non infirmat.

Non ergo propterea nihil est in nostra voluntate, quia Deus præsciuit quid futurū esset in nostra voluntate. Non enim, qui hoc præsciuit, nihil præsciuit. Porro si ille, qui præsciuit quid futurum esset in nostra voluntate, non vtique nihil, sed aliquid præsciuit: profectò & illo præsciente, est aliquid in nostra voluntate. Quocirca nullo modo cogimur, aut retenta præscientia Dei, tollere voluntatis arbitrium: aut retento voluntatis arbitrio, Deum, quod nefas est, negare præscium futurorum: sed vtrunque complectimur, vtrunque fideliter & veraciter confitemur. Illud, vt benè credamus: hoc, vt benè viuamus. & capite proximè præcedente:

Lib. 5. c. 9. de
arbitrio & Dei
præscientia
optimè simul
consistunt.

Nos aduersus istos sacrilegos ausus atque impios, & Deum dicimus omnia scire, antequam fiant: & voluntate nos facere, quicquid à nobis non nisi volentibus fieri sentimus, & nouimus. & infra: Non est consequens, vt si Deo certus est omnium ordo causarum, ideo nihil sit in nostræ voluntatis

Lib. 5. c. 9. de
ciuit.

Ll arbitrio.

Vt humana
opera huma-
næ voluntatis
sunt effecta,
ita humanæ
voluntates di-
uinæ volun-
tatis sunt ger-
mina.

Lib. 1. cont. 2.
epist. Pelag.
cap. 2.
Humanæ vo-
luntatis liber-
tas nō perijt
per originis
peccatum.
Ioan. 8.

arbitrio. Et ipsæ quippe nostræ voluntates in causarum ordine sunt, qui certus est Deo, eiusque præscientia continetur: quoniam & humanæ voluntates humanorum operum causas sunt. Atque ita qui omnes rerum causas præsciuit, profectò in eis causis etiā nostras voluntates ignorare non potuit, quas nostrorum operum causas esse præsciuit.

Tandem quòd liberum arbitrium per primi hominis peccatum non sit penitus emortuum, ostendit idem Pater hac oratione: *Quis* autem vestrū dicat, quòd primi hominis peccato perierit liberum arbitrium de humano genere? Libertas quidem periit per peccatum, sed illa quæ in paradiso fuit, habendi plenam cum immortalitate iustitiam: propter quod natura humana indiget gratia, dicente Domino, Si vos filius liberauerit, tunc verè liberi eritis: utique liberi ad benè iusteque viuendum. & infrà:

Lib. 2. c. 5.

Peccato Adq̃ arbitrium liberum de hominum natura perisse non dicimus, sed ad peccandum valere in hominibus subditis diabolo: ad benè autem pieque viuendum non valere, nisi ipsa voluntas hominis Dei gratia fuerit liberata, & ad omne bonum actionis, sermonis, & cogitationis adiuta. Hæc eò prolixius, & articulatiùs ex diuo Augustino adferre placuit, quò manifestius illorum vanitas refellatur, & impudentia confundatur, qui inuictum hunc pugilem, secùs quàm Ecclesia Catholica sentit, & profiretur, de libero arbitrio sensisse ac docuisse inpudentissimè ementiuntur. At iam alios quoque ea de re discentes audiamus, & primò quidem Græcorum illustriores, mox & celebriores vetustioresque Latinos quoque audituri.

Lib. 1. Strom.

Clemens Alexandrinus: Nec laudes, nec vituperationes, nec honores, nec supplicia iusta sunt, si anima non habet liberam potestatem, & appetendi, & aggrediendi, sed sit vitium inuoluntarium. & infrà: *Quæ* cum ita habeant, & liberari ab ignorance, & à mala delectabiliq̃ electione, & ante omnia non assentiri fallacibus illis phantasijs & visis, situm est

est in nostra potestate.

Origenes: Est & illud definitum Ecclesiastica prædicatione, omnem animam rationalem esse liberi arbitrij & voluntatis: Esse quoque illi certamen aduersus diabolum & angelos eius, contrariasque virtutes, ex eo quòd illi peccatis eam onerare contendunt. Nos verò si rectè consulteque viuamus, nos ab eiusmodi onere exuere conemur. Vnde & consequens est intelligere, non ita nos necessitati esse subiectos, vt omni modo etiamsi nolimus, vel bona vel mala agere cogamur. Si enim nostri arbitrij sumus, impugnare nos fortassis possunt aliquæ virtutes ad peccatum, & aliæ iuuare ad salutem, non tamen necessitate cogimur, vel rectè vel malè agere.

Li. i. petiarc.

Nullus bona aut mala agere cogitur.

Iustinus philosophus & martyr: Concedit nos Deus patrare, quæ spontè proponimus mala, non per infirmitatē virium, sed vt nostrum arbitrium appareat, & ipsius longanimitas. & alio rursus loco idem: Non solùm vt simus, & vt bonum & malum scianus ac faciamus, potestatem nobis dedit Deus: sed etiam liberum arbitrium nobis largitus est, nosque dominos fecit præferendi ac eligendi, quod nobis videatur, ex ijs quæ cognoscuntur. Itaque non est cognitio causa vt simus boni & mali, sed propositum. & infrà: Nos, & id quod in nostra potestate est, differunt inter se. Nos quidem sumus mares & foeminae: in nostra autem potestate est, esse castos, aut scoratores. Coronamur ergo & punimur propter id, quod est penès nos.

Quest. i. cont. Scat.

Quest. 8. ad Orho.

Quest. 9.

Athanasius: Velim tamē intelligas, quòd quemadmodum, non ficti ratione, sed vtentium, partim hæc vasa preciosa red duntur, partim vilia, ex vno eodemque luto confecta: sic ex hominibus non natura, quippe quæ mater sit omnium, sed voluntas hos facit supplicio dignos, corona illos & præmijs.

Ad cap. 9. Rom.

Voluntatem nos facere vel supplicio vel præmio dignos

Chrysostomus: Si malignantes à seipsis non sunt, noli tuos seruos castigare; nec vxorem, si peccat, increpa, nec liberos verbera, nec amicos incusa, nec offendentibus inimicis inensus sis. Nam hi omnes, nisi spontè delinquant, non

Hom. 60. in Matth.

punitio, sed misericordia digni sunt. Non possum, inquit, ita philosophari. Certè si non illorum culpa quicquam factum esse perspexeris, sed quadam alia necessitate incumbente, non poteris nõ ita philosophari. Nam quando seruus ægritudine oppressus iussa non fecerit, non modò non criminaris, verum etiam valde misere scis.

Orat. Quòd
Deus non est
author ma-
lorum.

Hominẽ ma-
lum esse ex
ipsius libera
voluntate.

Basiliius Magnus: Hinc meritò alia quæstio de diabolo nascitur. Vnde diabolus, si non ex Deo, malus? Quid igitur dicemus? Satis facilis quidem responsio. Eadem omnino ratio huius fuerit interrogationis, quam & de hominis iniquitate suprà commemorauimus. Vnde quæso iniquus homo? Ex ipsius libera voluntate. Vnde malus diabolus? Ex eadem penitus causa. Habet enim & ipse liberam in agendo vitam, & instam optandi potestatem, aut Deum sequi, aut ab eo remoueri. & infrà: Vnde autem omnino mali capax est anima? Quoniã libero facta est arbitrio, quod creaturæ rationis participi maximè conueniebat. Soluta enim hæc omni necessitate, & vitam in sua potestate constitutam ex Deo accipiens, propterea quòd ad imaginem eius creata est. Bonum quidem intelligit, & iucunditatem illius nouit, potestatemque habet ac facultatem in boni contemplatione & spiritualium fruitione manendi, ac vitam sibi connaturalem conseruandi. Habet autem & à bono deflectendi quandoque facultatem.

De lib. arb.
cap. 3.

Partis ratio-
nalis alteram
esse theoreti-
cam, alteram
practicam.

Eũ qui con-
sultat, esse su-
arum actionũ
dominum.

Gregorius Nyssenus: Partis rationalis altera est theoretica, altera practica. Contemplatiua excogitat, qualiter habent ea, quæ sunt. Actiua, quæ & consultatiua, rerum gerendarum rectam rationem definit. Omnis autem qui consultat, quasi in eius potestate existente electione, de operabilibus consultat, vt quod per consilium decernitur eligat, & eligens faciat. Necessè est ergo cum, qui consultat, dominum esse actionum. Si enim non fuerit dominus actionum, ex superfluo habet consultare. Si vero hoc: necessariò igitur vi rationali assistit liberum arbitrium. Aut enim non erit rationalis, aut ratio-
nalis

nalis existens dominium suarum actionum obtinebit, dominari autem actionum omnino liberi arbitrij erit.

Gregorius Nazianzenus: Quod ipsum quoque singularis & eximie Dei bonitatis argumentum est: nimirum facere, ut nostra quoque aliqua ex parte sit virtus. Nec natura tantum inseratur nobis, sed voluntate quoque animique proposito excolatur, arbitrijque libertate parem in vtranque partem motum habente.

In oratione
de laud. Ba-
silij Magni.

Cyrillus: Voluntaria operandi facultate conueniebat rationalem creaturam insigniri, & electionis liberæ declarare fructum, in bonis operibus dexteritatem, & infra: Valde puerile est, quod dicit non potuisse cum amicorum suorum proposita mutare. Oblitus enim mihi videtur, tamen si sapius audierit, quod homo sit sui iuris, voluntarie vadens ad quodcumque sibi placuerit. Ita bene habere gloriam vniuersorum opificis, ut, & qui bene operari voluerint, laudandi sunt, & qui diuersam ineunt viam, vituperandi iuste ab omnibus.

Lib. 3. contr.
Iulij.

Hominem ad
quodcumque
liberit volun-
tariè ire.

Damascenus: Relinquitur igitur, hominem ipsum agentem & facientem, principium esse priorum operum, & potestate arbitrioque liberum. Si autem nullius principium actionis est homo, superflue id habet, ut consultet. Nam ad quid utitur consilio, si nullius actionis est dominus? Omne enim consilium, alicuius actionis gratia est. At qui optimum & honorabilissimum eorum, quæ in homine sunt, asserere superfluum, absurdissimum profectò fuerit. Si igitur consultat, actionis gratia consultat. nam consilium omne actionis gratia, & propter actionem est.

Lib. 2. c. 25. de
orth. fid.

Theodoretus Cyri Episcopus explanans illud Davidis, Pluuiam voluntariam segregabis Deus hereditati tuæ: Quem admodum, inquit, superius rores vocauit, hoc in loco pluuiam nuncupauit. Ad vtilitatem namque discipulorum, gratia asfatim præceptoribus suppeditabatur. Pluuiam enim, doctrinæ irrigationem vocat. Voluntariam autem appellauit ob liberum arbitrium: non enim ex necessitate irrigatur aliquis, sed

Ad psal. 47

do ſtrinæ acquieſcens, conſequitur gratiam.

Lib. I. in Le-
uir.

Hefychius : Admirabilis eſt legalium verborum ſubtilitas, non ſolùm, quia differentias conuerſationũ deſcribit : ſed etiam quemadmodum quaſdam conuerſationes ſecundùm legem, quaſdam verò ſuper legem ſignificet. Secundùm legem enim ſunt, boum & ouium oblationes, licèt ſpontaneæ dicantur. Secundùm legem quare ? Quia etſi munus in poteſtatem offerentis dedit, nimis rectè, (liberi quippe arbitrij Deus, hominem conſtituit) tamen quale offeratur, non iam voluntatis eſt, ne fortè mala offerantur.

Hominem li-
beri arbitrij
Deum con-
ſtituiſſe.

Homine non
ſolùm liberũ
eſſe in operi-
bus externis,
ſed & inter-
iis.

En omnes iſti Patres, puriorisq; antiquitatis, vt Sectarum ore loqui hîc nobis liceat, Scriptores, eodem ſpiritu, eodẽ ſenſu atq; conſenſu, hominem ſui iuris, ac liberum prædicant. Liberum autem non ſolùm in externis, & politicis, verùm maximè in ſpiritualibus, & internis. Nam de interna hac, & ingeniata circa virtutes & vitia ceteraq; ſpiritualia libertate illi ex inſtituto diſputant, licèt hinc gratiam non excludant.

Sed nunquid Latini Scriptores de hac humanæ voluntatis libertate, ſecũs ſentiunt, ac ſtatuunt, aut ſcribunt, aut aliquando ſenſerunt, aut ſcripſerunt, aut ſtatuērũt ? Minimè gentium: imò verò multò, quàm Græci luculentiùs, & accuratiùs ea de re diſſerunt, & ſcribunt : quemadmodum id ex diligenti vtro-
rumq; lectione, fidaq; inter ſe collatione, & in partẽ ex illis ipſis quoque, quæ hîc iam breuiter obijciemus, quãuis medicriter eruditus perfacilè cognoscere, ac dijudicare queat.

Epist. 3.

Clemens eius nominis primus: Si quis ſanè audiens ſermonem veri prophetæ, velit recipere, aut nolit, & amplecti onus eius, hoc eſt, mandata vitæ, habet in ſua poteſtate, liberi enim arbitrij. Nam ſi hoc eſſet, vt audientes eum, iam non haberent in poteſtate aliud facere, quàm audierant, vis erat quædam naturæ, per quam liberum non eſſet ad aliam migrare ſententiam. Aut ſi rursus ex audientibus nullus omnino reciperet, & hoc naturæ vis erat, quæ vnum aliquid fieri cogeret, & alteri parti non daret locum. Nunc autem quia
liberum

Quemque ef-
ſe liberi arbi-
trij.

liberum est animo, in quam velit partem declinare iudicium suum, & quam probauerit eligere viam, constat euidenter inesse hominibus arbitrij libertatem.

Irenæus Polycarpi discipulus : Homo rationalis est, & secundum hoc similis est Deo, liber in arbitrio factus, & suæ potestatis, ipse sibi causa est, vt aliquando quidem frumentum, aliquando autem palea fiat. & infra : Illud autem quod ait, Quoties volui congregare filios tuos, & noluisti, veterem legem libertatis hominis manifestauit : quia liberum eum fecit Deus ab initio, habentem suam potestatem, sicut & suam animam, ad vtendum scientiam Dei voluntariè, & non coactum à Deo. Vis enim non fit à Deo, sed bona scientia adest ei semper. Et propter hoc consilium quidem bonum dat omnibus : posuit autem in homine potestatem electionis, quemadmodum & Angelis. & capite proximè sequenti :

Lib. 4. c. 7. aduersus hæreses.

Deum hominem liberum fecisse, nec eum vi cogere.

Si natura quidam boni, quidam autem mali facti fuissent : neque laudabiles essent, quia boni sunt, tales enim facti fuerant : sed neque illi vituperabiles, & ipsi enim tales erant instituti. Sed quoniam omnes eiusdem sunt naturæ, & potentes retinere, & operari bonum ; & rursus potentes amittere id, & non facere : iuste etiã apud homines sensatos, quanto magis apud Deum, alij quidè laudantur, & dignum percipiunt testimonium electionis bonæ, & perseverantiz : alij verò accusantur, & dignum percipiunt damnum, eo quod bonum & iustum reprobauerunt. & ideo prophetæ hortabantur homines iustitiam facere, quia in nobis sit.

Tertullianus : Nec boni, nec mali merces iure pensaretur ei, qui aut bonus, aut malus necessitate fuisset inuentus, non voluntate. In hoc & lex constituta est, non excludens, sed probans libertatem de obsequio spontè præstando, vel transgressione spontè committenda. Ita in vtrunq; exitum patuit libertas arbitrij.

Lib. 2. contra Marcionem.

Legem non excludere, sed libertatem probare.

Lib. 1. Epist. 3.

Cyprianus : Nec præpositum seruum deserui à quibusdam miratur aliquis, quando ipsum Dominum magnalia & mirabilia summa facientem, & virtutes Dei patris factorum suorum testimonio comprobantem, discipuli sui reliquerint. Et tamen ille

Hominē suū
libertati esse
relictum.

ille non increpuit recedentes, aut grauitur comminatus est, sed magis conuersus ad Apostolos suos dixit: Nunquid & vos vultis ire? seruans scilicet legem, qua homo libertati suæ relictus, & in arbitrio proprio constitutus, sibimetipsi, vel mortem appetit, vel salutem.

Epist. ad Heb.

Hieronymus: Deus æquali cunctos sorte generauit, & dedit arbitrij libertatem, vt faciat vnusquisque quod velit, siue bonum, siue malum. Intantum autem dedit omnibus potestatem, vt vox impia disputet contra Creatorem suū, & causas voluntatis ipsius scrutetur. & alio rursum loco idem: Liberum sic confitemur arbitrium, vt dicamus nos semper indigere Dei auxilio, & tam illos errare, qui cum Manichæo dicunt hominem peccatum vitare non posse, quàm illos, qui cum Ioviniano asserunt, hominem non posse peccare. Nos verò dicimus hominem semper & peccare & non peccare posse, vt semper nos liberi confiteamur arbitrij.

Hominem præterea dici
peccare & non
peccare posse,
quod sit liberi
arbitrij.

Lib. de Isaac
cap. 3.

Ambrosius: Seruit omnis, qui auctoritatem purę conscientię non habet. Seruit, quicumque vel metu, vel cupiditatibus ducitur, vel indignatione exasperatur, vel mœrore deijcitur. At verò ille, qui voluntatis suę arbiter est, iudex consilij, interpret arbitrij, qui coercet corporeę appetentiam passionis, qui ea, quę agit, benè agit, benè autem agens, rectè agit, & quę agit, inculpate & irreprehensibiliter agit, habens suorum actuum potestatem, is solus liber est.

Lib. 1. c. 14. de
vera relig.

Augustinus: Et quoniam peccari non dubium est, nec hoc quidem dubitandum video, habere animas liberum voluntatis arbitrium. Tales enim seruos suos meliores esse Deus iudicauit, si ei seruirent liberaliter. Quod nullo modo fieri posset, si non volūate, sed necessitate seruirent. & alibi rursum: Ipsum igitur liberum arbitrium hominibus esse certa fide credimus, & prædicamus indubitanter.

Lib. 9. c. 10.
Moral.

Gregorius Magnus: Ad parcendum reprobis nulla ratione compellor: quia eis debitor ex sua actione non tencor. Idcirco enim nequaquam cœlestis patrię præmia æterna percipiunt:

unt : quia ea nunc dum promereri poterant, ex libero arbitrio contempserunt. Quod videlicet liberum arbitrium in bono formatur electis, cum eorum mens à terrenis desiderijs, gratia aspirante, suspenditur. Bonum quippe quod agimus, & Dei est, & nostrum est : Dei per præuenientem gratiam, nostrum per obsequentem liberam voluntatem. Si enim Dei non esset, unde ei gratias in æternum agimus ? Rursum si nostrum non est, unde nobis retribui præmia speramus ? Quia ergo non immeritò gratias agimus, scimus quòd eius munere præuenimur : & rursum quia nō immeritò retributionē querimus, scimus quod obsequēte libero arbitrio bona eligim⁹ quæ ageremus.

Bonum quod agimus, nostrum dici per obsequentem liberam voluntatem.

Leo primus Pontifex maximus : Non inde processit voluntas interficiendi & moriendi : nec de vno extitit spiritus atrocitas sceleris, & tolerantia Redemptoris. Non enim impias furentium manus immisit in se Dominus, sed admisit. Nec præsciendo, quod faciendum esset, coegit vt fieret, cum tamen ad hoc carnem suscepisset, vt fieret.

Serm. 16. de pas. Domi.

Lucidus Presbyter : Iuxta statuta concilij damno vobiscum sensum illum, qui dicit, Humanæ obedientię laborem, diuinæ gratiæ non esse adiungendum. Qui dicit, Post primi hominis lapsum, ex toto arbitrium voluntatis extinctum. Qui dicit, quod præscientia Dei violenter hominem compellat ad mortem, vel quòd cum Dei pereant voluntate, qui pereunt. Qui dicit, Ab Adam vsq; ad Christū nullos ex gentibus per primam Dei gratiā, hoc est, per legē naturę in aduentū Christi fuisse saluatos, eò quòd liberum arbitrium in primo parēte perdiderunt.

In epist. reus.

Faustus Episcopus : Si liberum arbitrium ex toto periit, quod vtique in amore innocentia, vel operatione iustitię, vel in corporis sanctificatione cōsistit. Si hoc ex toto in primi hominis præuaricatione sublatum est, quomodo legimus, Iustitiam discite, qui habitatis terram ? Nunquid penitus interiit innocentia, quia in primo eius gradu possessor eius stare neglexit ? Non opinor. scriptum est enim : Innocentes & recti adhæserunt mihi. Nunquid sanctificatio corporis ex toto amissa

Lib. 1. c. 5. de lib. arbit.

est? quia discussa est prima dignitas puritatis? Non utique, quia legimus: Ut exhibeatis corpora vestra hostiam viuam, sanctam, Deo placentem.

Colla. 1. c. 12.

Ioannes Cassianus: In quo cōsistit liberū arbitriū, si Deus in nobis omnia, quæ ad nostrā perfectionē tendunt, & incipit & consummat? Hoc vos rectē mouisset, si in omni opere vel disciplina principiū tantū esset, & finis, & nō etiā medietas interesset. Itaq; sicut occasiones salutis diuersis modis Deū cognoscim⁹ operari, ita nostrū occasionib⁹ à diuinitate cōcessis, vel enixiūs, vel remissiūs famulari. Nam sicut Dei vocātis fuit oblatio, Exi de terra tua: ita Abrahe fuit exeuntis obedientia.

Lib. de gratia & lib. arbit.

Libertatē arbitrij cunctis ratione ventionibus conuenire.

Bernardus: Ceterū libertas arbitrij cunctis pariter ratione ventionibus conuenit, non minor, quantum in se est, in malis, quā in bonis. Tam plena in hoc seculo, quā in futuro. & infra: Liberum arbitrium nos facit volentes, gratia beneuolos: ex ipso nobis est velle, ex ipsa bonum velle. Quemadmodum aliud est timere simpliciter, & aliud amare simpliciter, & aliud amare Deum: ita quoque aliud est velle, aliud velle bonum.

Ad c. 3. epist.

2. ad Timo.

Cur Deus homini liberum tribuerit arbitrium.

Anselmus: Liberum arbitrium dedit nobis Dominus, ut arbitrio voluntatis recedamus ab iniquitatē, & sumus ex illis, quos ipse nouit suos esse: vel permaneamus in iniquitate, & sumus ex illis, quos nouit ad se non pertinere. Nam hoc est aliud signaculum, quod fundamento nostræ fidei apparebit impressum, si propria sponte recesserimus ab iniquitate. Hec Anselmus, hec Bernardus, hæc Gregorius, hec reliqui, quos hactenus citauimus, & longa serie, si vsus id postulasset, citare adhuc poteramus.

Cum itaque tam clara, tamque illustria non solum in Scripturis, verum etiam in sanctorum Patrum monumentis de voluntatis nostræ libertate extent documenta, & testimonia: nulli mirum videri debet, si sacrosancta Synodus Tridentina seueriores in eos sententiam promulgaret, qui libero arbitrio vim omnem adimunt, aut secus, quā catholicum peccus

de-

deceat, de illius energia, vel synergia sentiunt, aut scribunt, aut publicè differunt. Verba Concilij sic habent:

Si quis liberum hominis arbitrium post Adæ peccatum a-
missum, & extinctum esse dixerit, aut rem esse de solo titulo,
imò titulum sine re, figmentum denique à Sathana inuectum
in Ecclesiam, anathema sit, rursus: Si quis dixerit, non esse in
potestate hominis, vias suas malas facere, sed mala opera, ita
ut bona Deum operari, non permissiue solum, sed etiam pro-
priè, & per se, adeò ut sit proprium eius opus non minus proditio
Iudæ, quàm vocatio Pauli, anathema sit, item: Si quis dixe-
rit, liberum hominis arbitrium à Deo motum & excitatum, ni-
hil cooperari assentiendo Deo excitanti atque vocanti, quò
ad obtinendam iustificationis gratiam se disponat, ac præpa-
ret, neque posse dissentire, si velit, sed velut inanime quoddam
nihil omnino agere, mereque passiuè se habere, anathema
sit.

His an clariùs de humanis viribus dici possit, non satis
video. Attamen quòd misericordiarum pater, pro sua im-
mensa in nos clementia, non solum limpidißimis diuina-
rum Scripturarum fontibus, fructuosissimisq; sanctorum
Patrum lucubrationibus Ecclesiam suam mirificè beare,
verùm etiam mente & rationis lumine egregiè nos ex-
ornare dignatus est, quò nimirum omnibus his armis ad
nominis sui gloriam, sacratissimæque fidei defensionem
commodè, & opportunè vteremur: vilius est ijs, quæ ex
sacris literis veterumque Patrum monumentis in verita-
tis confirmationem in medium contulimus, pauca adhuc
quædam ex Schola & mentis officina petita adijcere. Non
quòd magni quippiam apud Sectarios me illis effecturum
sperem: (Nam qui Concilia derident, qui Patres inscien-
tiæ & inconstantiae impudenter accusant, qui Scriptu-
ras more suo deprauant, & in partem quoque negant, hos
vel nullum, vel perquam exiguum humanis rationibus,
tamen si validis & eidentibus, locum concessuros esse, meritò

existimari potest) sed quòd rerum Theologicarum rudes, aduersus diaboli fraudes, ac ministrorum eiusdem, probè munitos, vehementer in Domino exoptem.

At erimus hîc tamen sobrij. Nam vbi tot Scripturarum adsunt præsidia, vbi tot præclara vetustissimorum Patrum suppertunt testimonia, ibi naturalibus rationibus explicâdis, vel amplificandis haud magna fortassis cum re insistitur: maximè verò, cum hîc nobis certamen sit, nò cum Ethnicis, aut infidelibus, sed cum ijs, qui aliud nihil crepant nisi Euangelium & purum Dei verbum, vel certè incorruptum purioris antiquitatis iudicium. Sed ad rem.

Credo equidem nullum in vniuerso illo Elymazitarum contubernio, ita malitia occæcatum, aut iudicio deprauatum, aut animo adedò obstinatum esse, vt humanas actiones causam aliquam habere inficiaseat: nullum, qui inter extrema medium aliquod intercurrere perneget: nullum, qui inter lapidum vel iumentorû, & hominum motus & actiones, eorundemq; motuum vel actionum principia, aliquid discriminis intercedere non agnoscat: nullum, qui in humanæ Philosophiæ ditione ethicæ, in animæ regno rationi, in sensuum choro experientiæ loci aliquid non indulgeat: nullum tandem, qui salutare leges, æqua iudicia, sana consilia, iusta præmia, digna pro meritorum ratione supplicia non laudet, non approbet, non extollat. His autem in totum, vel etiam in partem concessis, non poterit profectò non aliqua humanæ voluntatis libertas admitti. At singula propositæ argumentationis membra, eorundemque robor, quo propolita sunt ordine, nunc paucis expendamus.

Cùm igitur omnes & singulæ humanæ actiones (vt & cetera quoque omnia, quæ infra Deum posita sunt) necessariò causam aliquam sortiantur: Si homo proxima illarum causa non est, aut ergo Deus Opt. Max. vera, & propria, & proxima illarum causa est, aut absoluta rerum necessitas, aut fatum, fatalium, vel stellarum positus, aut natura, aut casus,

aut

aut fortuna. Atqui Deus per se proximum, ac proprium, ac totale omnium humanarum actionum principium dici non potest. Nam quæ proximè, & integrè, & per se ex Deo oriuntur, ea mala esse non queunt: (Deo enim authore nemo fit deterior) actus autè humani, vt ad sensum patet, modò boni sunt, & legi cōsentanei: modo mali, & legi, vel rationi dissentanei. Sed & implicat quoque, opus aliquod humanū esse, & integrè nihilominus & in solidum à Deo esse.

Deum nō posse esse omniū humanarum actionū proximum principium.

Nec rursus absoluta rerum necessitas illarum causa existit: Nam quæ ineuitabili necessitate proueniunt, ea secūs, ac eueniunt, euenire non possunt, & per consequens eodem semper modo proueniunt: (semper enim Sole ad horizontem nostrum accedente, die scit: ab eodem rursus abscedente, nocte scit) At humanæ actiones, & variæ sunt, & admodum incertæ, & inconstantes sunt. Sed nec fatum quoque, aut fatallium stellarum positus, eadem ratione earundem actionum principium censerī potest: Quādoquidem vt fatum à fati patronis & assertoribus confingitur necessariū, & modis omnibus indemutabile, ita & illud ipsum quoque, quod secūdum eiusdem seriē vel ordinē oritur, vel occidit, aut quouis alio modo euenit: (semper enim effecta causæ suæ naturam æmulantur) Atqui quod indemutabiliter euenit, hoc aliter, ac euenit, euenire nequit. Aut ergo non euenit, aut eodem modo euenit. At humanæ actiones non hoc vel illo modo præcisè eueniunt, sed vt casus tulerit, aut homini visum fuerit.

Absolutā necessitatem nō esse etiā causam humanarum actionū;

Fatum quoque ipsē causam non dare.

Nec denique natura, aut casus, aut fortuna legitimæ rerum causæ existunt. Siquidem natura, & sui similis est, & ad vnum determinata est, & nisi aliunde impediatur, semper efficax est, hoc est, sine, in quem tendit, aut nō frustratur, aut rareriter frustratur: At verò in actionibus humanis magna comperitur dissimilitudo, magna varietas & vanitas, maxima inconstantia & inefficacitas. Quàm sæpe illæ suo fraudantur sine? Fortuna autem & casus eorum duntaxat causæ sunt, quæ, & raro, & præter propositum accidunt: At humanæ actiones, &

Non posse aut naturam, aut casum, aut fortunam earūdem esse causam.

Hominē esse
suarum acti-
onū causam
per liberum
arbitrium.

Lib. 1 c. 1. de
lib. arbit.

crebræ, & vſitatę sunt, & ex destinato contingunt. Relinquitur ergo, hominem per solum liberum arbitrium operum & actuum suorum principium ac dominum esse.

Hanc ipsam rationē & Gregorius Nyſſenus assignat quoque, sed modo ab hoc aliquantulum diuerso. Omnium, inquit ille, quę sunt, vel Deum causam habent, vel necessitatem, vel fatum, vel naturam, vel fortunam, vel casum. Dei opus, est substantia, & prouidentia: necessitatis, eorum motus, quę semper eodem modo habent: fati, ex necessitate ea, quę per id sunt, perfici, etenim ipsum necessitatis est: naturę, generatio, augmētatio, corruptio, plantę, animalia: fortunę, ea, quę rarò sunt, & inopinabilia. Casus opus ea, quę inanimatorum sunt, vel rationis expertium symptomata. Cui igitur ea subiiciemus, quę per homines fiunt, si certè homo non est causa & principium actionum? Non enim fas est Deo adscribere turpes quandoque actiones, & iniustas. Neque necessitati, non enim eorum sunt, quę semper similiter se habent. Neque fato, non enim cōtingentium, sed necessariorum ea, quę fati sunt, esse dicunt. Neque naturę, nam naturę opera sunt plantę, & animalia. Neque fortunę, non enim rarò, & præter spem sunt hominum actiones. Neque casu, inanimatorum enim sunt, & irrationalium *συμπτώματα*. Relinquitur ergo, ipsum agentem & facientem hominem, principium esse propriarum actionum, & arbitrio liberum.

Quod de medio porrò inter duo extrema in eadem illa argumentatione dicebatur, huc tendit. Constat inter agentium classes aliquod extare, quod & liberè, & ex nihilo producit. Cuiusmodi agens, est solum primum agens. Solus enim Deus liberè agit, neque ad extra materiam vllam, ex qua agat, necessariò deposcit. Est aliud rursum agens, quod necessariò operatur, & ex nihilo non operatur. Cuiusmodi omne illud est, quod mente & ratione destitutum est. Nam quicquid eiusmodi est, id agitur veriùs, quàm agit. Erit ergo aliquod agens, quod ex aliquo operetur, neq; tamen necessariò operetur. Nam vt ali-
quod

quod agēs sit, quod aliquod opus ex nihilo molietur, & tamen necessariò illud molietur, id planè est impossibile. Istiusmodi autem medium agens, est homo, & Angelus. Homo igitur arbitrij libertate poller.

Idem validè corroborāt, quæ de motuum, deq; principiorū eorūdem discrimine, in tertio eiusdē ratiocinationis membro adferrebātur. Certū est enim, vt non vna motuum omnium est ratio, ita nec eadem quoq; motuū omniū principia existere. Quid intercedit? Multū per omnē modū. Sunt enim, quæ nullā motus sui causam fortiūtur, vt sunt ea omnia, q̄ externa vi adacta, cōtra naturæ suæ inclinationē quoquouersum impelluntur. Sunt alia, quæ motus sui principiū in se includunt: & hæc rursum bipertita. Quædam nanque ex his seipsa mouent, vt viuentia omnia: Alia seipsa non mouent, nec mouere possunt, tamen si motus sui principio non destituantur. Huius ordinis sunt elementa, & pleraq; ex his conflata. Hæc enim licet per formā suā moueri nata sint, seipsa tamē propriè non mouent, nec mouere possunt, vt quæ partes, & partes, hoc est, partes motas & mouentes, nullas habeant, mouentur autem per generationem. Sed & ea quoque, quæ seipsa mouent, nō eodem modo se mouent omnia. Siquidem quædam ex ijs naturæ instinctu aguntur veriùs, quàm vllò omnino iudicio agant: Alia verò certo animi proposito actiones suas instituūt: & hæc sola inter omnia verè libera sunt, & rectè libera appellantur.

Sed, cur, inquis, inter omnes animantes, soli homines iudicio & ratione agere dicuntur? Vt in quibusuis rebus naturalibus inuenitur forma naturalis, per quā hoc ipsum sunt quod sunt: & inclinatio rursus ad opus, quæ eiusmodi formā consequitur, q̄ appellari potest appetitio naturalis, ex qua deinde promanat actio naturæ cuiusque rei conueniens: (vtrunque enim, & forma, & appetitus, q̄ formam consequitur, est propter opus) Ita in homine præter formam essentialem, qua intrinsecè absoluitur, cōperitur altera quædam forma nō innata, sed sensuū & rationis opera comparata: & propensio rursus vel

Cur inter omnia animantia soli homines iudicio agant.

appe-

appetitio eiusmodi aſcetiſiam formam conſequens, ex qua deinde oriuntur omnes ſuperioris appetitus aſtiones.

Inter has autē formas, præter cætera, hoc intercedit, quòd hæc illa multò communior, multoque vniuerſalior exiſtat. Nā cum naturalis rei forma ſit indiuidua, (Indiuiduatur enim per materiam, in quam recipitur) inclinatio vel appetitio, quæ iſtiuscemodi formā naturalē cōſequitur, neceſſariò ad vñum aliquod eſt determinata. At verò forma, vel ſpecies intellectus, cum materiæ ſit expers, quemadmodum & ipſe quoque intellectus, cui inſidet, cum in repræſentando, tum etiam in efficiendo eſt vniuerſalis, multas particulares virtute in ſe complectens. Cum ergo aſtus omnes ſint ſingulares, & ſingularium, nullusque ex omnibus quantumuis nobilis formæ vniuerſalis vim exæquet, aut potentiam illius exhauriat: ſit vt rationis iudicium, & per cōſequens voluntatis deſiderium, (Talis nanque eſt inclinatio, qualis eſt apprehenſio) ſemper ad hoc, vel illud, vel iſtud, maneat liberum, & indeterminatum. Certum eſt enim, qui communē ciſtellæ formam mente concepit, multas illum particulares ciſtellarum formas rationis opera inde deducere poſſe, deducasque voluntati accipandas, vel repudiandas proponere.

Porro autem principium aſtionis in brutis animantibus medio modo aſſectum eſt. Nam etſi forma, quam per ſenſum haurit pecus, ſit ſingularis, non ſecùs atque forma illius naturalis, atque ideo hac ex parte ad vñum ſit determinatum: attamen quia non ſemper eandem apprehendit, ſed modò hanc, modò illam, exempli cauſa, modò triſtem, modò lætam; accidit, vt modò fugiat, modò conſectetur. Patet ergo vtrumque, nempe hominem iudicio & ratione agere, & per conſequens liberè: & cauſa rurſum, cur hic liberè agat, non etiam brutum.

Qui liberū negant arbitriū, pugnant cum manifesta ex-

Quòd autem omnes illi, qui liberū arbitrium negant, cum manifesta experientia pugnent, vniuerſamque hominis naturam, & omnem præterea moralem Philoſophiam, imò verò omnem

omnem verè sapientiæ sensum, penitus euerant, operosa probatione nulla indigeret. Nemo est enim, qui non animaduertat, si quid tamen animaduertit, quicquid tandem agit, molitur, vel instituit, se liberè agere, & instituere, ac moliri: hoc est, illud ipsum, quod agit, non agere, non moliri, non instituere, vel etiam oppositum moliri, vel instituere, vel agere potuisse, & posse.

perientia, &
hominis natu-
ram & philo-
sophiam me-
talè euertere

Sed nec dubium quoque homini præsertim erudito esse potest, in idem redire, negare hominē sui iuris vel liberum esse, & negare mente vel ratione orbatum esse: Siquidem liberum vel sui iuris esse, & ratione præditū esse, inter se reciprocant. Quicumque Deū accusant, inquit Gregorius Nyssēnus, quòd hominem non fecerit vitiorum neutiquam susceptibilem, sed arbitrio liberum, ignorant se Deum accusare, quòd rationalem fecerit hominem, & non rationis expertem. Necessè est enim horum duorum alterū, vel irrationalem productum esse, vel rationalem existētem, & circa agibilia versantem arbitrio liberum esse. Ex necessitate igitur omnis natura rationalis libero arbitrio est, & secundum sui ipsius naturam vertibilis est.

De lib. arbit.
cap. I.

Eodem tendunt & hæc Basiliensia quoque. Is, inquit ille, qui creatorem incusat, ut parum prouidum, parumque consulentem naturæ humanæ, quòd nobis peccandi non eripuerit arbitrium, nihil aliud opinari videtur, quàm naturā ratione carentem, ea quæ rationis particeps, potiorē esse. Hæc Basilius. Si ergo nobiliores hominis vires liberæ non sunt, nec ratione quoque compotes erunt.

Lib. q̄ Deus
non sit causa
mal.

Ceterū quòd hi vniuersæ moralis Philosophiæ fundamēta conuellant, penitusque euerant, qui humanæ voluntatis libertatem negant, id apud verè Philosophos quæstionem nullam habet. Nam ut naturalis philosophia, si motū tollas, constare non valet: neque transnaturalis, si omnē omnino à materia, & materiali affectione abstractionem præscindas: ita neque moralis quoque incolumis subsistere potest, si liberum arbitrium è medio submoueas. Nam ut Metaphysicus de vniuf.

Nn cuiusque

cuiusque *οὐσία*, substantijsque à materia sciundis: ita Ethicus disputat de virtutibus & vitijs, deque cæteris omnibus, quæ vel ex his oriuntur, vel ex quibus hæc ortum ducunt: at hæc omnia voluntatis libertatem deposcunt.

De lib. ar. ca.

Meditari, inquit Gregorius Nyssenus, & exercitari in nobis positum est. Meditationes autem habituum sunt causæ: mos enim natura est acquisita. Quod si causæ habitus meditationes sunt, & in nobis est meditatio, ergo & habitus quoque in nobis erit. At quorum in nobis habitus sunt, horum & actiones, quæ sunt secundum habitus, in nobis quoque existent. Operationes enim habitibus adhærent. Qui igitur iustum habitum possidet, iusta operabitur; & qui iniustum, iniusta. In nobis itaque est, & iustos, & iniustos esse. Qui igitur liberum arbitrium tollunt, omnem iustitiam, & fortitudinem, & temperantiam, omnemque aliam virtutem & studiosam actionem, & per consequens vniuersam morum scientiam è medio tollunt.

Omnes eos tollere virtutem, qui liberum auferunt arbitrium.

Tandem si nulla in homine extat facultas assentiendi, vel non assentiendi, faciendi, vel non faciendi, vel etiam oppositum faciendi: sed quicquid facit, dicit, aut instituit, id totum non potest non dicere, non facere, non instituere: vndeunque tandem hæc vis adferatur, vel hæc necessitas proueniat: nullus ex consequenti in vniuerso hoc sublunari orbe, aut laudi, aut vituperationi relinquetur locus. Si enim, quod facio, vel dico, vel instituo, aliter, ac facio, vel dico, vel instituo, aut facere, aut dicere, aut instituere nõ valeo: nullam promeror laudem, aut commendationem, nullam rursus reprehensionem, aut vituperationem.

Sublato libero arbitrio, tolli omnem & laudem & vituperationem.

Tollitur par ratione omnis consultatio, & deliberatio.

Nullus rursus consultationi, aut deliberationi, aut disquisitioni. Nam de his, quæ aliter euenire non possunt, frustra instituitur omnis deliberatio, omnis cōsultatio, & omnis inquisitio. Quis enim, nisi mente captus, de Solis ortu deliberet, aut de corporis morte perpetuò propulsanda consilium incat? Nullus pugne aduersus peccata, aut insita naturæ vitia. Quis enim

enim pugnet cum hoste, si citra pugnam victoriam obtinere queat? aut pugnando nihil quicquam efficere valeat? & hoc certò sciat? Atque ideo incassum illud nobis occineretur: Declina à malo, & fac bonum. & illud: Fugite fornicationem. Psal. 36. 1. Cor. 6. Ephes. 5. & illud: Nolite inebriari vino, in quo est luxuria: & alia eiusmodi sexcenta.

Nullus salutaribus legibus, nullus statutis, aut sanctionibus. Vt quid enim mihi indicitur pax, inhibetur furtum, cōsulitur carnis & mūdi odium, si propter fatum, aut originis peccatum, aut aliud quodcunque eiusmodi impedimētum, consulta capeffere, prohibita relinquere, præcepta explere nō valeo? Nullus præmio aut vlli omnino supplicio. Hæc enim, vt nemo nescit, ponunt meritum, hoc autem liberum arbitrium. Nullus denique virtuti aut vitio, admonitioni aut obiurgationi, doctrinæ aut institutioni.

Cū hæc omnia igitur sint absurdissima, & ab omni sensu & ratione prorsus aliena, quod de hominis libertate in Ecclesia Catholica doctum, creditum, ac traditū est semper & constanter, hoc nos quoque non credere, non docere, pro viribus nō tueri non possumus. Neq; pluribus nunc ea de re agendū censeo: præsertim cū multò, quàm initio statueramus, prolixius de insigni hac controuersia hætenus disseruimus.

Quæ ex Scripturis, vel Patribus, ab hæreticis contra humanæ voluntatis libertatem adferuntur, ea à multis iam olim eruditis ac pijs viris ad nauseam vsq; discussa ac refutata sunt: & ex his, quæ de libero arbitrio, vel hoc ipso loco in mediū allata sunt, nullo penè negotio dilui poterunt. Quassata sunt hîc enim & labefacta omnia fundamenta, & firmamenta, quibus Sectarij nituntur. Solū monuerim, quom Scripturæ, vel Patres libero arbitrio omnia tribuere videntur, non excludere Christi gratiam: neq; contrà liberum arbitrium, dum omnia adscribere videntur gratiæ. Credunt enim, & constanter tradunt, in omni omnino opere iusto, duo hæc indissociabili quodam societatis vinculo inter se apta atque connexa esse.

Si non, inquit Augustinus, est gratia, quomodo Deus saluat mundum? Et si non est liberum arbitrium, quomodo Deus iudicat mundum? Si non erat morbus, cur frustra medicus? Si ex nobis possumus quasi ex nobis, cur Deus dicit: Si ne me nihil potestis facere? aut si nihil possumus, aut nihil agimus, sed solus Deus agit, quid est ergo quod Apostolus ait: Omnia possum in eo qui me confortat? & quomodo imperatur nobis, ut velimus, & operemur, si non est in manu nostra quicquam penitus facere, aut secundum mandatum, aut contra mandatum? cur laudamur quia facimus, aut vituperamur quia non facimus? Hæc Augustinus, & alia multa in eandem sententiam.

Cur ea quæ
si iungi non
possunt, tū in
Patribus, tum
Scripturis
quandoque
diuſantur.

Sed quæris forsitan, Cur Scripturæ & Patres quoque interdum ſciungunt, quæ à ſe inuicem ſciungi nequeunt? Sanè id non faciunt, quòd vel ipſi vel ipſe ſecum pugnet, vel quòd nos in errorem ducant, abſit hoc: ſed quòd in pia quadam mediocritate nos contineant. Etenim Scripturæ illæ, quæ omnia tribuere videntur gratiæ, admonitos nos voluerūt, ne id noſtris admetiamur viribus, quod ſolius Dei proprium eſt: atque adeò ſategerunt ſuperbiæ noſtræ frænū inijcere, non liberum arbitrium tollere: Contrà verò quæ omnia adſcribere vni libero arbitrio, illæ ignauiam noſtram excitare ſtuduerunt, non etiam gratiæ neceſſitatem excludere. Poterat enim maleſanus quiſpiam exoriri, qui ita ratiocinaretur: Si nihil ſum, ſi nihil valeo aut poſſum, ſed gratia Dei vel Deus ipſe per ſe facit omnia: cur ingrato labore me conficio? quorſum ante tempus me excrucio? Ne ergo in hoc vel illud extremum incidemus, Spiritus ſanctus ea ſapiētia & ſua uitate amanuenſium ſuorum ſtylum moderatus eſt, ut & liberi arbitrij vires aperte palparemus, & diuinę nihilominus gratiæ munus nō ignoremus.

Ceterum quid liberum arbitrium ex ſe cum generali vel ſpeciali Dei Opt. Max. auxilio poſſit, quid item cum gratia iuſtificante, vel inherente; & alibi explicatum eſt ſuſe,
& in

& in disputationis huius initio indicatum est denuo succinè;
 neque vlla iam noua ea de re instituenda est tractatio aut dis-
 ceptatio. Nobis impræsentiarum sat sit, clarè hîc ostensum,
 quod hoc loco ostensum volebamus, nempe liberum homi-
 nis arbitrium per originis peccatum non penitus esse extin-
 ctum, ita vt sit inane tantùm nomen, aut titulus sine re: sed
 adhuc viuere & valere: ad malum quidem plùs satis, ad bonum
 autem morale minùs, quàm in statu naturæ integræ: ad bo-
 num autem spiritale meritoriũ seclusa gratia, nihil omni-
 no. Illi, qui liberum arbitrium suaque gratia sanat &
 tantùm in bono confirmat, sit honor & gra-
 tiarum actio in secula seculorũ, Amen.


Augustæ Vindelicorum Idi-
 bus Iuni], 1575.

L A V S D E O.

Nn 3

AD





AD REVEREN-
 DVM IN CHRISTO PATREM
 AC DOMINVM, D. AMBROSIVM MAIER-
 HOVERVM, AD DIVVM EMMERANVM
 RATISBONAE ANTISTITEM, AVTHORIS
 PRAEFATIO.



VT de vulneris ratione, Pater in
 Christo admodum reuerende,
 quod Adami scelere naturæ
 nostræ inflictū est, magna iam
 olim inter Catholicos Catho-
 licæque fidei hostes cōtrouer-
 sia extitit, neque parua etiam-
 num ea ipsa de re inter hos &
 illos existit: ita de inflicti vul-
 neris huius medico, infusique veneni antidoto, hoc
 est, de Christo, eiusdemque satisfactione & merito, non
 eadem quoque omnium fuit & est opinio. Quauis
 enim Sectis addicti plerique omnes filium Dei salutis
 nostræ causa hominem factum & mortuum non diffi-
 teantur: Imò verò magnifica quædam de illius satisfa-
 ctione & merito crepare soleant: re ipsa tamen vtriusque
 virtutem & energiam inficiantur. In confesso est enim,
 Verbum Dei ob id potissimum ad humanæ naturæ mi-
 serias se demisisse, mortemque degustasse, quò peccati
 regnum destrueret, cœlestique patri per suum sangui-
 nem

nem verè nos reconciliaret. At illi, vel superbia dementati, vel malitia occæcati, vtrunque hunc effectum minimè obscurè negant. Docent nanque, Peccatum per Christi meritum non tolli, sed tegi: non aboleri, sed, ne in pœnam imputetur, dissimulari: non euelli, sed crescentium pilorum instar|exteriùs tantùm abradi. Docent nihilofecius, nullum mortalium per propriam iustitiam aut sanctitatem Christo incorporari, sed ipsammet Christi iustitiam & sanctitatem his, qui in illum credunt, accommodari, quadamque extrinseca ratione & denominatione imputari. Catholici porrò diuersam ab hac viam ingressi, certæque diuinarum Scripturarum authoritati innixi, vtrunque mortis Christi effectum integrè agnoscunt: Credunt enim publiceque profitentur, Peccata per Christum non tegi, sed verè tolli: non abradi, aut dissimulari, sed aboleri, stirpitusque euelli. Tum non alienam his, qui idonei sunt, iustitiam infundi, sed suam cuique propriam: prout sua quoque cuique propria originis iniustitia cohæret.

Verumenimuerò licèt orthodoxè instituti vtrunq; beneficium, cæteraque omnia, quæ hæc consequuntur, vel his connexa sunt, per Christi meritum & satisfactionem nobis obtingere piè Catholiceque agnoscant: & vtrunque rursum magna cum gratiarum actione suscipiant: de ipso tamen satisfactionis modo & ratione nonnulli ex illis quæstionem mouent. persuasum

sum enim, nescio quomodo, habent, debitum à nobis conflatum maius extitisse, quàm vt à quoquam omnino ad iustum dissolui potuerit : atque adco satisfactionem, quam Verbum incarnatum nostri causa exhibuit, non tam operum mensura, numero, ac pondere niti, quàm cœlestis patris liberalitate, gratuitaque eiusdem acceptatione. Quia ergo isthac de iniquo satisfactionis pondere doctrina ita tolerata est hætenus, vt tamen Christi maiestati & dignitati non satis videatur consentanea : sicut altera illa de imputata Christi iustitia imaginariaque peccatorum condonatione, apertè est hæretica : existimaui rem non omnino inutilem, neque ab instituto meo alienam me facturum, si modesta disputatione contra vtroque suscepta, breuiter ostenderem Christum Deum non minùs verè ac propriè sua nos gratiam mundare, sanare, & saluare, atque Adamus suo nos peccato verè commaculat, fauciât, certæque damnationi & morti obligat : atque ideo Catholicos, qui id publicè profitentur, firmiterque, vt modò dicebamus, persuasum habent, multò plus citra vllam comparisonem tribuere Christi merito & satisfactioni, quàm eisdem tribuant Sectariorum gregi adscripti. Tum rursus Christum Seruatorem nostrum non ex parte, aut precario pro peccatis nostris fecisse satis, vt opinati sunt ex Catholicis pauci quidam : sed cumulatissimè & perfectissimè. Tum denique rationes & argumen-

ta, quæ illi ipsi contra cumulatam incarnati Verbi satisfactionem adferunt, aut quouis quoque modo adferre possunt, neque firma esse, neque vlla ex parte digna propter quæ communis Theologorum sententia deferatur, aut quouis modo in dubium vocetur.

Quicquid autem operæ in hoc opere positum est, hoc totum secundum Deum amplitudini tuæ dedicatum cupio. Neque enim video, quæ ingratitude labem effugere queam, si nullo argumento singularem illam humanitatem & beneficentiam, qua R. P. T. erga meosque collegas usa est, gratam nobis extitisse testatum faciam. Enimvero cum nunquam me antea vidisset, neque vllam ante id tempus, ut equidem opinor, cum nostris consuetudinem habuisset, primo statim aspectu non aliter nos excepit complexaque est, ac proprios in Christo filios. Sed neque primo illo congressu tantum effusum planèque paternum in nos animum declaravit, sed inde exorsa nunquam omni officiorum genere prosequi completique nos destitit. Possem plurima evidentia eius rei testimonia in medium adferre, sed superuacaneum existimo: Sat sit, nulla apertæ benevolentiae indicia, nulla Christianæ charitatis officia vnquam hîc fuisse desiderata. Pro istis itaque minimè exiguis, non in acceptorum beneficiorum compensationem, (neque enim æs alienum in sacro hoc loco contractum

Etum tam citò dissoluere cupio: neque, si cupiam facili quoque id valeam) sed in qualemcunque grati animi significationem, accipe exiguum hunc libellum: & accipe eo animo, quò offertur, sicut pro tua humanitate & charitate accepturum nihil quicquam dubito, hoc est, beneuolo & candido. Malui enim exiguum quippiam offerre, quàm omnino nihil: praesertim hoc tempore, quo propter noui honoris accessionem, cæteri quoque amici & familiares suum erga amplitudinem tuam studium certatim declarare student. Ea enim R. P. tua ornata est prudentia, & in rebus administrandis industria; ea grauitate morumque suauitate praedita, vt grauissimo omnium iudicio digna apprimeque idonea censa sit, quæ ad summum amplissimi loci huius magistratum eueheretur, magnaque omnium gratulatione summus ad diuum Emmeranum Antistes publicè renunciaretur. Quod quoque praesulatus munus nequaquam ambitum, sed vltro oblatum, tanta sapientia, fide, & religione administrat, vt meritò gaudeant, sibi que de sua electione gratulentur tui omnes. Neque dubitare possumus, ex præclaris A. T. virtutibus cōiecturam facientes, quin eo studio, fide, & diligentia in posterum illud administratura sit, vt iure de ministerio suo conquiri possit nemo: ipsaque lætum illud frugi & fidelis serui culogium: Euge serue bone & fidelis, quia in paucis fuisti fidelis, supra multa te constituam:

intra in gaudium domini tui : læta olim auditura sit.
Quod per suam gratiam faxit ille, qui te super familiam gregemque suum prudentem œconomum, vigilemque pastorem constituit : idemque R. P. T. Religioso Sodalitio suo in multos annos tueatur incolumem, Amen. Vale. Ratisbonę Anno M. D. LXXV. Idibus Octobribus.

R. P. & A. T. deditissimus

Theodorus Peltanus.

THEO-

THEODORI PELTANI, SOCIETATIS IESV THEOLOGI, DE CHRISTI SATISFACTIONE, ET MAIESTATE.

*Quæ primi parentis noxa conciderant, ea Deum Opt. Max. per
filium suum instaurare voluisse. Aliaratione instaurare potuisse:
Conuenientiori, nobisque salubriori modo redin-
tegrare nequiuisset.*

CAPVT PRIMVM.

IN priori volumine de eo parente à nobis
disputatum est, qui, & mortis, & rebellionis,
& iniustitiæ, & dolorum, & ærumnarum, &
exilij, & omnium denique calamitatum ac
miseriarum author nobis extitit; In hoc
porro de eo differere opportunū visum est,
quinos in sordibus iacentes, humique misce-
randum in modum prostratos, clementiæ suæ dextera rursum
erexit, mortisque conclusos carcere in lucem atque liberta-
tem denuo extulit.

Author mis-
eriarū Adam.

Libertatis
nostre author
Christus.

Digni eramus sanè, qui in contracto situ, squaloreque, &
luctu perpetuo relinqueremur: vt qui, vitæ totiusque sancti-
monię fonte deserto, ad impijssimi hostis castra vltro descuiis-
semus. Verùm misericordiarum pater non ita, vel nostra in-
dignitate, vel primi parētis præuaricatione (huius nanque sce-
lere primam mali labem contraximus, certumque ad omnem
nequitiam gradum fecimus) à genere nostro ab alienatus est,
vt statim illud tanquam insanabile, prorsusque deploratum
omnino abs se abijceret. Quin potius, quod primi hominis
noxa malè quassatum, peneque euersum fuerat, hoc ille pro
sua immensa misericordia, & in stirpem nostram clementia;

Non nostro
merito in li-
bertatē vin-
dicati sumus,
sed singulari
Dei beneficio.

alterius virtute, ac meritis iterum sarcindum, nec non in integrum restituendum existimauit.

Angelus mortalius genus in locis, unde deciderat, restituit ne quibat.

Homo hominem redimere non poterat

Cuius, obsecro, alterius? Non Angeli profecto: Angelus enim, neque per se pati, neque naturam, in qua pateretur, assumere poterat: neque, ut id forte potuisset, aut posset, in integrum quoque illud statim, quod collapsum erat, redintegrasset: Longè enim maius erat contractum à nobis debitum, quàm *λύτρον*, quod is vel extrema conatus dependere valebat. Nec hominis rursus: Siquidem homo in quamcunque partem, aut formam se verteret, eò sanctitatis euadere non poterat, ut naturæ vitium, quo obligatus tenebatur, ex vniuerso animæ regno integrè pfligaret. Nec eò fortitudinis, ut mortem, quam debebat, expugnaret. Nec ad eam animi *ἀσφάλεια* tranquillitatemque, ut nullos vnquā illicitos motus intra viscera sua grassantes sentiret. Nec eò demum felicitatis, ut earum miseriarum, quas præsens hæc vita secum adfert, expers viuere posset. Nec mali dæmonis tandè: Dæmon nanque seipsum damnationis vinculo expedire non valet, nec studet, nedum homines, quos ille infestissimè alioquin odisse solet. Cuius ergo? Illius utique, qui solus inter omnes & omnia nulli debito obstrictus tenebatur, solusque debitum omne à nobis contractum integrè exoluere poterat; & integrè quoque dependere volebat.

Dæmones humanæ salutis infesti.

Solus Christus Iesus profectè saluare & liberare nos potuit.

Deus alia ratione, quam per filium suum, humani generis instaurare poterat.

Poterat'ne secus velle, aut secus quoque facere? Poterat sanè: Quid enim obstarèt, quò minùs id posset? Non potentia: potest nanque, quicquid vult, & quantum vult, & quando vult. Nec rursus sapientia: penetrat enim explorataque, habet exactè omnia etià intima. Nec denique iustitia: Quandoquidem ubi nihil adest, quod patitur iniuste, ibi communi lege nihil quoque adesse solet, quod agat iniuste: (sunt enim isthæc inter se inuicem veluti relata) Atqui si Deus Opt. Max. humanum genus absque vlla prorsus satisfactione in pristinam dignitatem adseruisset, nihil quicquam hinc ex tota rerum vniuersitate ullam omnino iniuriam accepisset. Non homo: nihil

hil enim aliàs debitum illi hac ratione ademptum fuisset: quin potius aliquid alioquin indebitum gratuita hac condonatione illi accessisset. Nec diabolus rursus: quia nihil ille veri iuris in hominem allegare poterat, vt quem dolo ac fraude indignis modis circunuenisset. Imò verò ob insignem illam imposturam ipse nouum debitum sibi confàrat. Nec Deus tandem: Siquidem nullus sciens ac volens iniustum patitur.

Nullum ius diabolo in homine conueniebat.

Sciens & volens nō patitur iniustum.

Mitto hīc, eiusdem rationis esse insigne aliquod munus gratis impertiri, & debitum aliquod insigne liberaliter condonare. Si quis ergo sui iuris existens, salua per omnia iustitiæ lege, imò verò cum virtute & laude, potest alteri insigne aliquod donum impertiri, vt reuera potest: & aliquod rursus insigne debitum condonare: poterit profectò hoc ipsum & Deus quoque, vt cuius potentia & misericordia modum omnem excedat: & per consequens quicquid vīquam debitorum extabat, totum hoc ille gratis, citra vllam omnino satisfactionem, quæ, vel ab ipso, vel alio quouis dependeretur, relaxare poterat. Quòd si Christum pati oportuisse alicubi legatur, & ita intrare in gloriam suam, hoc ad absolutam aliquam necessitatem neutiquam referendum est, sed ad liberam Dei ordinationem: Voluit is enim liberè, & si non absque ratione, vt ita fieret: & vt liberè voluit, ita liberè quoque per Prophetas suos olim id fore prædixit: Et quod liberè voluerat, liberè quoque ordinauerat, & fore prædixerat, id tempore à se præfinito, per filium suum liberè quoque expleuit.

Eiusdē rationis est munus impertiri, & debitū condonare,

Deus citra vllam satisfactionem ad regnum admittere nos poterat. Luc. 24.

Verumenimverò licet nulla omnino lex, aut vis, aut necessitas præpotentem Deum ad illustre illud redemptionis nostræ opus operisve modum adigeret, nec vlla quoque adigere posset: Attamen ne, vel nostram salutem, vel suam quoque iustitiam flocci facere videretur, voluit illud exhibere, & eo quidem modo, quo exhibitum est. Cur eo modo?

Nulla iustitiæ lex adigebat Christum ad mortem.

Quia

Redēptionis
nostrę modus
přznobilis,
nobisque sa-
lutaris.

Honorificen-
tius habetur,
quod cũ meri-
to habetur, q̃
quod citra
meritum.

Quia vnus hic fuit omnium nobilissimus, nostręque saluti omnium conuenientissimus. Certum est enim multis partibus honorificentius id haberi, quod cum merito habetur, quàm quod citra meritum: at quod per iustam satisfactionem obtinetur, hoc vtique absque merito non obtinetur. Aequę certum est hominem per fidem, spem, charitatem, humilitatem, mentis corporisque castimoniam, aliasque id genus virtutes, virtutumque functiones satisfactionis huius participem effici: Atqui dum redemptionis nostrę modus accuratę expenditur, pioque animi affectu sp̃pertractatur, omnia isthęc vel oriuntur, vel antę iam orta, diuino afflante Spiritu, nouas vires & incrementa hauriunt.

Christi œco-
nomia omni-
um virtutum
seminariũ in
so complecti-
tur.

Quis enim Deo Opt. Max. proximę per se, & de se differen-
ti fidem non habeat? Quis tantam eiusdem charitatem, tam-
que ardens & incensum benemerendi studium considerans,
non omnia speret? non omnia bona de illius benignitate sibi
promittat? non ardens illum redamet? Quis naturam suam
vsque ad cõ exaltatam cernens, omne studium, ne peccatis
illam polluat, aut aliquid illa indignum committat, non ad-
hibeat? Quis tandem tantam filij Dei humilitatem ac patien-
tiam mente reuoluens, submissę de seipso non sentiat? iniu-
riasque omnes vñdecunque allatas æquo patientique animo
non ferat?

Cruciatuum
laborumque
Christi plu-
res extiterę
causę.

Voluit itaque filius Dei in hominis forma inter homines
versari, tantumque laborum, cruciatuum, & incommodo-
rum exantlare: Primò quidem, quò suũ in nos studium mul-
tis, apertisque indicijs declararet: deinde verò, quò illis labo-
ribus, illisque incommodis, atque supplicijs eos, quos re-
ctos, innocentesque, ac omnis mali expertes initio condide-
rat, ab omnibus miserijs, in quas sese coniecerant, eriperet,
creptosque, & patri iam plenę reconciliatos, ad cõlestis re-
gni hęreditatem transferret: postremò autem, quò viuiam,
perfectamque omnis iustitię, omnisq; sanctitatis imaginem se
illis proponeret. Vtrunque enim necessariũ nobis erat: nem-

pe vt pœnis, præcellentibusque meritis nos patri reconciliaret, nostrumque in se amorem hac ratione excitaret; & illustri innocentissimæ vitæ exemplo, & obedientia singulari ad virtutis studium incenderet.

Habuit sanè terrarum orbis Abrahamum, Moysen, Dauidem, & alios complures insignis pietatis & sapientiæ viros, quorum proinde doctrina & pietate erudiri, & ad omne virtutis studium poterat inflammari: Attamen omnis illorum iustitia, sanctitas, & obedientia, obscura, manca, multisque partibus imperfecta inuenitur, dum cum absolutissima illa & perfectissima Christi Domini nostri iustitia, sanctitate, & obedientia committitur. Quare etiam Apostolus Moysen, virum alioqui sanctissimum, mortaliumque omnium, vt Scripturæ testimonium faciunt, mansuetissimum, cum Christo Redemptore conferens, tantum inter hunc & illum intercessisse testatur, quantum interest inter seruum & filium: inter familiæ dominum eiusdemque administrum: inter domum tandem & domus architectum. ait enim: Moyses fidelis erat in tota domo eius, tanquam famulus, in testimonium eorum quæ dicenda erant: Christus verò tanquam filius in domo sua, quæ domus nos sumus. rursum: Amplioris gloriæ ipse præ Moyse dignus est habitus, quanto ampliorem honorem habet domo, qui fabricauit illam.

Omnis iustitia & sanctitas, cū Christi iustitia & sanctitate collata, est imperfecta.

Num. 12.

& Heb. 3.

Latum inter Christum & Moysen ceterosque Sanctos discrimē

Et vt maximè Moyses, Abrahā, Dauid, cæteri que illius ordinis integritatisque viri, ea secundum genus vel speciem præstare potuissent, quæ præstitit Christus: adhuc huius iustitia & obedientia cū in ratione meriti, tum in ratione quoque satisfactionis tantum illorum, cæterorumque omnium iustitiam, & obedientiam excelluissent, quātum Deus excellit hominem. Missum hinc facio, Abrahamum, Moysen, cæterosque virtute & sanctimonia præstantes heroes illos, non ita rectum semper vitæ cursum tenuisse, vt non interdum à via aberrarent: (nam & ipsi quoque iure meritoque dicere poterant: Dimitte nobis debita nostra. rursum: Si dixerimus, quoniam peccatum non

Christi meritum in infinitum excedit aliorum omnium meritum.

« Matth. 6.

» 1. Ioan. 1.

Pp habet.

» habemus, ipsi nos seducimus, & veritas in nobis non est. item:
 Iacob. 3. » In multis offendimus omnes.) solus autē Christus inter omnes
 Inter homi- extitit, quem nulla tentationis vis, nulla dēmonis aut mundi
 nes solus ho- potestas à patris voluntate vnquam dimouit, nec vnquam di-
 mo Christus mouere valuit: Qui proinde solus quoque absolutum, omni-
 à vniuersū busque perfectum numeris & partibus sanctitatis, ac perfecti-
 onis exemplū proponere potuit: sicut & reipsa quoque pro-
 posuit.

*Christum Iesum sua efficaci voluntate, perfectæque obedientia tan-
 tum construere potuisse, quantum Adamus sua peruersa
 voluntate & inobedientia euerterat.*

CAPVT SECVNDVM.



BEnè hæc habent, ais. at nondum clarè satis
 video integrè ne id totum per Christi virtu-
 tem, & obedientiam instauratum sit, vel in-
 staurari quoq; potuerit, quod Adami noxa
 & inobediētia cōciderat. Sanè plus ne ge-
 neri nostro prodesse potuerit Christus, q̃
 eidem obfuit Adamus, id ex ijs, quæ hæc-
 tenus, tamen si obiter, exposita sunt, haud difficulter dijudicare li-
 cet. At euadet hoc interim nō parum illustrius, si persona cum
 persona, causa cum causa, effecta cum effectis breuiter cōmit-
 tantur, hoc est, si Adamus cum Christo: Adami rursus factus
 & inobediētia cum Christi Domini obedientia & humilitate:
 Mala tādē, quæ hinc nata sunt ex vnius pręuaricatione, cum
 bonis, quæ inde orta sunt ex alterius obtemperacione, paucis
 conferantur.

Adamus ne
 plus potuerit,
 an Christus,
 ex triplici ca-
 pite colligi
 potest.

Et quidem ad personas quod attinet, dubium nullū est, quin
 multò plus in hanc partem posset Christus, si vellet, quàm po-
 terat Adamus in illam: Quandoquidem voluntas illius multò
 citra omnē controuersiam efficacior erat ad quoduis bonum
 promerendum, & quoduis rursus malum propulsandū, quàm
 volūtas Adæ, aut alterius cuiuscunq; rei creatę ad quodcunq;
 malum

Volūtas Chri-
 sti ad quoduis
 promerendū

malum conflandū, vel ad bonū quodeuncq; euertendū. Erat enim creata Christi volūtas, (de hac enim p̄cipue est hic sermo) propter personę humanā naturā sustentantis vnitatē, veri Dei voluntas, quanuis ob id hominis voluntas esse non desineret. Quia ergo Dei erat, potentissima erat: quia rursū sanctissimi hominis erat, Deo gratissima, & ad quiduis, quod petere vellet, impetrandum efficacissima erat: Adami autem voluntas nihil non humanū, suisq; limitibus p̄finitum continebat.

Acquē certum est, Christum Dominum sua illa potentissima efficacissimaq; voluntate ex instituto salutem nostram procurare voluisse, totūq; quod, vel operabatur, vel patiebatur, ad vnicū hunc scopum retulisse: Adamū autem legis mandatum ita p̄uaricatum esse, & p̄uaricari quoque voluisse, vt ea tamen p̄uaricatione seipsum, ac ceteros omnes, qui olim ex eo nascituri erant, destinato animi proposito perdere non voluerit, imò, si lex non obstitisset, oppositum potius voluisset.

Christus ex
instituto pro-
curauit no-
strā salutem.

Cū ergo Deus Opt. Max. pronior, vel certē æquē pronus sit ad parcendum & miserendum, quā ad feriendum, vel occidendū; cumq; Christum Deum ac Dominum nostrum, qui quicquid fecit vnquam aut pertulit, studio dataq; opera nostri causa fecit ac pertulit, incensius dilexerit, quā Adamū, qui p̄ter voluntatem suam, & quasi per accidens grandi nos debito oneravit, oderit: dubitare non licet, quin hic multo plus commodi adferre potuerit, quā ille incommodi. Verū de eximia Christi Domini excellētia, operūque eiusdem vi & energia, suo postea loco ex professo.

Deus incensius diligebat Christum, q̄ odio habebat Adamū.

De proximis porrò perditionis, salutisq; nostrę causis, eadē penē est ratio. Siquidem conatus operisve quantitas consequitur intensiōem, vel magnitudinem voluntatis. Vbi enim incensa adest volūtas, ibi magnus consurgit conatus, & magnum item opus, si per externum aliquod impedimentum non steterit. Cū igitur Christi Domini voluntas fuerit rectissima, eadēq; ad benē de nobis merendum, patriq; per

Conatus volūtatīs intensiōem emulatur.

omnia obsequendum incensissima, consequens fit illius conatum, obediendique studium fuisse summum.

Externū opus
certissimum
voluntatis
Christi index

Et quanvis hoc apud pios & eruditos quæstionem nullā habeat, ipsum tamē externum opus, quo internam animi promptitudinem ad viuum expressit, adeo potenter id persuadet, ut difficilioribus quoque iustus inficiandi locus reliquus nullus fiat. Constat enim vnum hunc salutis nostrę vindicem dum vitę, quam amiseramus, beneficium nobis procurat, ex æteq; cœlestis patris voluntati morem gerere studet, nullum laborem aut molestiam, nullum dedecus aut ignominiam subrefugisse vnquam. Et quī, quęso, vllam ille molestiam, aut ignominiam, aut aliud quodecunque externum, internumque incommodum, dum patri obediatur, nosque in eum locum, vnde decideramus, restituatur, subrefugiat, qui ardētissimo obsecundandi studio incitatus, flagrantissimoque ex inferorum faucibus eripiendi nos desiderio incensus, ne acerbissimū quidem

Christus salutis nostrę causa nullā molestiam, nullam recusauit crucem.

Phil. 2.

» ac probrosissimum illud crucis supplicium abnuī? Factus est
» enim obediens vsque ad mortem, mortem autem crucis.

Qui amicorum causā mortem oppeterent, vel ad mortem sese offerrent, reperti sunt nonnulli; qui verō inimicorū gratia promptē, & ex animo id facerent, maximē si æternū viuere possent, absque peculiari Christi Spiritu nulli vnquā. At vnigenitus Dei filius, qui plenam vitę mortisque potestatem habebat, quiq; corpus, quod nostri causā assumpserat, in omne æuum floridum, incorruptumque cōseruare poterat, nulla vi, nulla legis necessitate compulsus, sed nostri tantum, qui inimici eramus, redimendi studio inflammatus, vltronea morti inuicto imperterritoque animo sese obiecit.

Christus pro inimicis crucis supplicium subiit.

Percelebris
Christi obedientia in
Scripturis.

Eximiam hanc Christi Seruatoris charitatem & obedientiam, cū Prophetę & Apostoli passim, rum ipse quoque Christus non vno in loco nobis insinuat, paterneque commendat. ait enim: Non veni, ut faciam voluntatem meam, sed
» eius, qui misit me patris. A libi idem ardens illud promptumq;
» parendi studium non alio quā cibi nomine designat. Cibus,

Ioan. 6.

Ioan. 4.

inquit,

inquit, meus est, vt faciam voluntatem patris mei, qui misit me, & perficiā opus eius. Tandem cū impendente iam morte partis illius, quæ suapte natura, dura & aspera quæque auersari solet, patrociniū suscepisset, huncq; in modum precatus esset: Pater, si fieri potest, transeat à me calix iste, statim quasi sententiam retractans, hæc subiungit: Veruntamē non mea, sed tua voluntas fiat. Hæc autem & alia multa his cognata, quæ passim occurrunt, apertè indicant, vnum hoc illius votum studiumque extitisse; vno hoc desiderio incensum arsisse; vnum hoc, vt paucis dicā, sitienter appetiuisse, nempe vt per omnia, & in omnibus promptè alacriterque paternis obsecundaretur iussis. Multis itaque partibus illustrior, multoque maior extitit Christi obedientia & humilitas, quàm Adami inobedientia & fastus.

Matth. 26.

Maiores illi-
striorq; Chri-
sti obedientia
quàm Adami
inobedientia.

Habuit sanè Christus Dominus magna virtutum præsidia. Nam & sanctus erat, & Deus erat, & sanctitatem, vt & deitatem quoque, amittere non poterat: attamen quòd vltro in nostras misérias se deieccisset, communibusque carnis infirmitatibus, excepto peccato, obnoxius esset, non minùs illustris, imò verò multò illustrior huius extitit submissio & obedientia, quàm fœda & turpis illius elatio & inobedientia: Fuit hæc tamē insigniter fœda. Quo id ostendis? Iam dudum antè ostensum est, & ex peristalscon vtriusq; antithesi denuo, quòd dictum est, ostendi & illustrari potest. Enimuerò Adamus in primo illo mundi flore, summaque paradisi amœnitate, nec non in rerum omnium affluentia constitutus, omnibusque naturæ opibus egregiè munitus, primum infirmi iam tum adhuc hostis impetum non sustinuit: Christus verò in summa rerum omnium perturbatione positus, magnaque rerum necessariorum penuria pressus, ac communibus naturæ miserijs, vt modò dicebamus, circumseptus, eiusdem illius hostis latè iam tunc dominantis, vniuersumque mortalium genus tyrannide sua grauius obfidentis insultum, non solum infra cō animo excepit, sed vires quoque eiusdem perfregit, potentiamque

Adamus primum hostis
impetum nō
sustinuit.

Adamum nō
hostium mi-
næ, sed vxoris
blanditiæ in
peccatum de-
iecerunt.

debellauit. Adamum rursus non minæ, non cruces, non terrores, non aliud quodcunque eiusmodi, sed nuda vxoris blandimenta ad legis præuaricationem abduxerunt: Christum verò nulla hostium importunitas, aut rerum difficultas, aut cruciatuum diritas, aut communis humanæ naturæ imbecillitas, impedire potuit, quò minùs omni studio, omniq; alacritate ac contentione paterna decreta, eiusdemque imperata perficeret. Adamus tandem cum seruus esset, Domini imperium, si non absolutè contempsit, turpiter certè neglexit: Christus autem cum & heres, & Dominus, paternique splendoris imago, ac rerum omnium moderator potentissimus esset, serui forma sumpta, eò se demisit, vt nō patris tantum iussis obtemperaret, illique vel ad nutum in omnibus obsecundaret, verum etiā vt hominibus ministraret. Filius hominis, inquit ipse de seipso, non venit ministrari, sed ministrare, & dare animam suam redemptionem pro multis. Patet ex his ergo, quàm dissimilia vtriusque parentis extiterint studia.

Adamus ser-
uus Domini
sui imperium
violat: Chri-
stus heres &
Dominus ho-
mini seruo
ministrat.

Matth. 20.

»
»
»

Dissimiles A-
dami & Chri-
sti conatus,
dissimilesque
eorundē fru-
ctus.

Et quia vtriusque conatus ac studia extiterunt diuersa, fructus quoq; hinc orti fuerunt admodū dissimiles. Etenim Adamus sua rebellionē & fastu vniuersum hominum genus è vita in mortem, ex iustitia & sanctitate in iniustitiam & immunditiam, ex amplissimo felicitatis & dignitatis gradu in miseriam & ignominiam, ex libertate in seruitutem, ex summa pace & tranquillitate in perpetuam luctum & virium inter se seditionem, ex amœnissimo tandem paradisi horto in hoc sentibus vepribusque obseptum solum eiecit: Christus contrà dum non Deo tantum, sed homini quoque promptè sese submittit, fidelisque serui munera fideliter obit, ac in spontaneam mortem sese contradit, perditum illud ærumnosumque mortaliū genus, quod ad se quidem attinet, de morte transtulit in vitam, de peccato & iniustitia ad gratiam & iustitiam, de seruitute & condemnatione ad gloriam & libertatem, de pugna & luctu ad tranquillitatem & pacem; de miseria denique, variisque vitæ huius afflictionibus & crucibus, ad cœleste gaudium,

dium, æternamque felicitatem. At de obedientiæ & inobedientiæ vtriusque parentis fructibus effectisve aliquanto explicatiùs dicendum est. nam maior de his, quàm de vtriusque conatu, est disceptatio.

Christum Redemptorem nostrum sua illa præpotenti voluntate, expeditaque & prompta obedientia non modò tantum commodi adferre potuisse, quantum Adamus sua inobedientia attulit incommodi, sed re ipsa quoque tantum attulisse.

CAPVT TERTIVM.

Adamus sua inobedientia magnam bonorum vim generi nostro ademisse, magnamque eidem malorum cumulū adduxisse, id extra omnem quæstionem est. Nam vt alia nulla omnino adessent, præter ea, quæ in oculos aliosque sensus quotidie incurrunt, quæ tamen minimam eorū partem in se vix complectuntur: adhuc amplissimus iustæ querelæ locus extaret.

Insignium calamitatum author Adamus.

Verumenimuerò vniuersam illā malorum miseriarumque segetem, ad quatuor membra veluti ad summa quædam rerum capita reduci posse existimamus: Nempe ad peccatum vel maculam, quæ ex illa inobedientia ad nos dimanauit: siquidem ipse præuaricationis actus, quòd personalis esset, ad nos non transijt, neque transire potuit: Ad æternæ damnationis reatum: Ad carnis viriumque inferiorum contra superiores contumacem rebellionem, rebellemque contumaciā: Ad corporis demum interitum, cæteraque incommoda, quæ hunc, vel comitantur, vel certo quodam ordine antegrediuntur.

Quadruplex malorum genus ex Adam præuaricatione in nos exundauit.

De his membris, membrorumque appendicibus, in controuersia de originis peccato disputatū est fusè: nec sunt isthæc hîc nunc denuo repetenda, maximè cū ex sacris literis singula sint nota. Quis enim, vel non legit, vel certè aliquando non audiuit illud Apostoli: Per vnum hominem peccatum

Rom. 5.
intra.

- » intrauit in hunc mundum. & illud rursum: Iudicium ex vno
 Ephes. 1. » in condemnationem. & illud item: Eramus natura filij irę. &
 Rom. 7. » illud eiusdem iterum: Video autem aliam legem in membris
 » meis, repugnantem legi mentis meę. & illud tandem irati nu-
 Genes. 3. » minis ad Adamum: Quia audiuisti vocem vxoris tuę, & co-
 » medisti de ligno, ex quo pręceperam tibi ne comederes, male-
 » dicta terra in opere tuo: In laboribus comedes ex ea cunctis
 » diebus vitę tuę: Spinas & tribulos germinabit tibi: & come-
 » des herbas terre. In sudore vultus tui vesceris pane tuo, donec
 » reuertaris in terram de qua sumptus es: quia puluis es, & in
 » puluerem reuerteris.

Nullum ma- Contra omnia hæc singulaque capitalia mala ex primi
 lum per Ada- hominis inobedientia orta, per Christi crucem, summamque
 mum allatū, eiusdem obedientiam allatum est antidotum, non solum suf-
 contra quod ficiens & efficax, sed multis quoque partibus exundans.
 Christus non administrat antidotum. Scriptum est enim: Vbi abundauit delictum, superabundauit
 Rom. 5. » & gratia, rursum: Iudicium ex vno in condemnationem, gra-
 » tia ex multis delictis in iustificationem. denique: Si vnus deli-
 » ctio mors regnauit per vnum, multo magis abundantiam gra-
 » tię & donationis & iustitię accipientes, in vita regnabunt per
 » vnum Iesum Christum.

At verò vt nemo omnium Adamicę pręuaricationis da-
 mna sustinet, nisi secundum seminalem rationem ex Adamo
 nascatur: ita nemo quoque fructuum, quos Christi Seruato-
 ris obedientia ex se fundit, sit particeps, nisi ex Christo, & per
 Christum renascatur. Nam vt ille ex carne & sanguine gene-
 rans, originis vitio, & illo solo, coinquinat: ita hic ex aqua &
 Spiritu sancto regenerans, coinquinatos ab omni omnino
 peccati labe, vndecunq; illa accesserit, expiat. Rursum vt nul-
 lus eorum omnium, qui ex carne & sanguine nascuntur, quic-
 quam omnino ad ortum suum confert, sed quicquid ad gene-
 rationem faciens hinc agitur, id totum progenitorum opera
 agitur, & absoluitur: ita nullus quoque ex illis, qui ex aqua &
 Spiritu interius regenerantur, per propriam virtutem, aut
 actio-

Vt Adamus
 nulli obest,
 nisi ex illo na-
 scatur: ita
 Christus nul-
 li prodest, ni-
 si ex illo re-
 nascatur.

Vt nemo se-
 ipsum gene-
 rat, ita nemo
 quoq; seipsum
 regenerat.

actionem regeneratur, sed per alterius Spiritum, & ministerium. Nec enim aliud quicquam deposcitur à renascituro, quàm vt diuinæ gratiæ obicem nullum ponat.

Tandem vt omnes & singuli, quotquot naturaliter ex Adamo proseminantur, primæ illius inobedientiæ reatu & macula, non imaginariò, aut nuda tantùm inputatione contaminantur, sed verè, & propriè, ita vt verè, & propriè, & intrinsicè denominatione peccatores denominentur, & peccatores sint: ita qui Christo per Baptismum incorporantur, aut ex ipso regenerantur, non sola *δοκίμασι* inani ve opinatione, aut tantùm in partem à peccato, quod contraxerant, emundantur, sed verè, & integrè; ita vt iam toti sint innoxij & puri, toti Deo Opt. Max. accepti & grati, toti regni hæreditatis ve capessendæ idonei, nec isthuc citra errorem in dubium vocare licet. Nam nisi verè renati hæc omnia essent, infantes vtique, vel etiam adulti, qui post susceptum regenerationis lauacrum mox hinc excedunt, non restat statim ad cœlestes illas beatorum sedes euolare. Nec Scripturæ quoque, quæ eiusmodi ablutos, iustificatos, sanctificatos, ab omnibus inquinamentis enundatos, omnis damnationis expertes, Christoquæ *συνάμωσιν* prædicant, satis sibi constarent. Nec veteres illi Patres, Clemens, Cyprianus, Ambrosius, Augustinus, Gregorius, Innocentius, Basilius, Chrysostomus, Epiphanius, Hefychius, Arnobius, & alij præterea quàm plurimi tanta constantia, tantæve concordia isthuc docerent & prædicarent, docuissentquæ & prædicassent semper.

Quauis ergo peccandi facultas per Baptisma non tollatur, tollitur tamen per illud omne omnino peccatum, tam origine contractum, quàm propria voluntate conflatum, & per consequens multò plus commodi adfert natiuitas secunda, quàm incòmodi attulerat generatio prima. Hæc enim vnum duntaxat peccatum adducit, & illud non admodum magnum, imò inter lethalia omnium minimum: illa verò nullum non tollit, & certissimam nihilominus ad bonorum omnium fon-

Veij omnes, qui ex Adamo oriuntur, verè contra minantur: ita qui ex Christo regenerantur, omnes ve se expiaunt.

Ep. 3. De ablu. pe. In Apol. David. Lib. 6. cap. 5. cont. Iul. Lib. 9. ep. 39. Ep. 25 ad concil. Carth. In ser. de Bap. Ad c. 9. Act. Tom. 3. cont. hæres. Ad c. 9. Leui. Ad psal. 104. Baptismus nulli adimit peccandi facultatem.

tem viam munit. Constat enim Baptismi Sacramentum ritè susceptum conferre gratiam: hæc autem vitæ æternæ, omniumque præterea virtutum ac spiritualium donorum certissima radix existit.

Quicquid tollit reatū mortiferæ noxæ, simul quoque tollit debitū mortis æternæ.

Iam si ad vnum omnes, qui Christo per Baptismum incorporantur, ab omni mox peccato & vitio, tam naturæ, quam personæ, verè, perfectèque repurgantur, & expiantur: consequens fit vt statim quoque à damnatione, æternæ ve mortis reatu, cui propter peccatum antè obnoxij erant, absoluantur. Sunt enim duo hæc ita inter se apta atque connexa, vt à se inuicem diuelli nullo modo queant. Nam vt nulla vi fieri potest, vt quis inambulet, vel obequitet, & tamen motus exors existat: ita nullo quoque casu contingere valet, vt quispiam ab omni omnino crimine immunis ac liber existat, & tamen damnationis aut æternæ mortis vinculo obstrictus adhuc hæreat: Vel contrà vt lethalis peccati contagione animum infectum gerat, & tamen damnationis vel mortis legi non subiaceat. Et hîc rursus euidenter apparet excessus beneficij Christi super maleficium Adæ. Huius enim peccatum solius damni pœnæ reos nos constituit: illius autem Sacramentū ab omni prorsus pœnæ debito integrè nos absoluit.

Vnius Christi vitæ mortalium omnium vitæ præstat.

Colof. 2.

Et vt maximè gratia & immunitas ab æterna pœna necessariam inter se connexionem nullam fortirentur, sed alterum semoto altero existere, adesse ve posset: adhuc damnatio vel mors illa, quam secundam appellant, nullum in renatis verum ius, nullam ditionem propriā obtineret. Siquidem innocentissima Christi Redemptoris vita, quam ille nulla iustitiæ aut necessitatis lege coactus, sed infinita charitate motus & incitatus pro mortalium omnium salute, certaque eorundem à morte & damnatione liberatione, impendit, omnes mortalium omnium vitas infinitis partibus excedit. Atque huc spectat illud Apostoli: Cùm mortui essetis in delictis, & præputio carnis vestræ, conuiuificauit cum illo: donans vobis omnia delicta, delens, quod aduersus nos erat, chirographum decreti, quod

quod erat contrarium nobis : & ipsum tulit de medio, affigens
 illud cruci, & expoliās principatus & potestates, traduxit con-
 fidenter palām, triumphans illos in semetipso. & illud rursum
 eiusdem : Eripuit nos de potestate tenebrarum, & transtulit
 in regnum filij dilectionis suę, in quo habemus redemptio-
 nem, & remissionem peccatorum. & illud item : Christus nos
 redemit de maledicto legis, factus pro nobis maledictū (quia
 scriptum est : Maledictus omnis, qui pendet in ligno) vt in
 gentibus benedictio. Abrahę fieret. & illud tandem : Deus mi-
 sit filium suum in similitudinem carnis peccati, & de peccato
 damnauit peccatum in carne.

At quo, inquis, modo, quo' ve iure, vel arte ille peccatum
 in carne sua damnauit ? aut mortis chirographum ē medio
 tulit ? aut de tenebrarum potestate nos eripuit ? aut à legis
 maledicto redemit ? Acquisitissimo sanē, & planē admirabili. Nam
 cū ſequa illa truculentaque mors, quę ſoli peccato, vel, vt ve-
 riùs dicam, quę ſolis peccatoribus debebatur, iniuſtē in eum
 irrueret, quem nulla peccati labe contaminatum, ſed car-
 ne tantū veſtitum compererat: Rurſum cū legis maledi-
 ctum per iniuriam in illum quoque ſeſe effunderet, per quem
 vnum benedicuntur omnes, quicunque cœleſti benedictione
 potiuntur : Cū denique mortis damnatio per ſummum ne-
 fas in vitę authorem, in quem nullum omnino ius, nullum
 prorsus imperium habebat, vt qui nihil quicquam vnquam,
 vel in Adamo, vel in alio vlllo deliquiſſet, importunē inſurge-
 ret: accidit, prout aliter accidere nō poterat, nec aliter quoq;
 accidere debebat, vt & mors, & legis maledictum, & damnatio
 omnem vim, omnemq; authoritatem, & potestatem, qua du-
 dum antē potiebantur, iuſtiſſimē amitterēt. Dignus eſt enim,
 vt omni potestate exuatur, qui potestate ſua abutitur.

Hac igitur ratione innocens, impollutus, à peccatoribus
 ſegregatus, nullique debito obnoxius, in mortem crucisque
 damnationem, & maledictum contraditus, mortis, damnatio-
 nisque, & maledictionis debitum pro ſonte, pro polluto, pro

Æquo iure,
 admirabiliq;
 modo ē tene-
 brarum pote-
 state erepti
 ſumus.

Iuſtē poteſta-
 te exuitur, qui
 potestate ſua
 abutitur.

Mors inson-
tis multò ad
satisfaciendū
efficacior,
quàm fontis.

peccatore, pro mortis damnationisq̃ue ac maledictionis de-
bitore exoluit. Et quidem eò cumulatius perfectiusq̃ue illud
exoluit, quò damnatio, vel mors inson-
tis est durior, atque
ideo efficacior morte damnatione ve nocentis. Constat hinc
ergo pientissimum Redemptorem nostrum non solum à
peccato nos liberâsse, & quidem plenè perfectèq̃ue inde
nos liberâsse; verum etiam à morte, damnatione, & ma-
ledictione, quas propter primi parentis præuaricationem
incurreramus, vel proprio quoque scelere conflaueram-
mus.

Baptismusnō
tollit concu-
piscētiā,
vt vis animæ,
animæ ve p-
pensio est:
tollit autem
vt peccatum,
vel pœna pec-
cati est.

Rom. 8.

Ad virium porrò inferiōrum contra superiores rebellio-
nem, somitēnive vel carnis concupiscētiā, quod atti-
net, illam, vt quēdam animæ facultas, aut innata quēdam
ad mollia carniq̃ue suauia propensio est, per Baptismum
ille non abstulit, nec aufert: Abstulit autem, aufertq̃ue pe-
nitus, quatenus peccatum, vel peccati pœna est. Notum
est enim illud Apostoli: Nihil nunc ergo damnationis his,
qui sunt in Christo Iesu, qui non secundum carnem am-
bulant. & illud: Quicumque baptizati estis, Christum indu-
istis. & illud: Et hæc quidem fuistis, sed abluti estis, sed
sanctificati estis, sed iustificati estis, in nomine Domini Iesu
Christi.

Lib. 6. c. 5. &
c. 13. cont. Iul.

Et illud rursus Augustini: Gratia perfectè nouum ho-
minem facit. & infra: Dicimus Baptisma dare omnium
peccatorum indulgentiam, & auferre crimina, non radere.
& illud Ambrosij: Dum homo exterior abluitur, immu-
tatur interior, & fit noua creatura. & illud Gregorij: Si
qui sunt, qui dicunt peccata in Baptismate superficie tenus
dimitti, quid est hac prædicatione infidelius, in qua ipsum fidei
Sacramentum festinant soluere? & illud Cypriani: De secretis-
simo Spiritus sancti munere huius gratiæ liquor emanat, sic
lauans, quos parētalīs labes infecerat, vt nec actualis, nec ori-
ginalis macula sui post ablutionē illā vestigia derelinquat. &
illud Basilij: Baptismus est debitorum remissio, mors peccati,

rege-

Epist. ad De-
metriadem.

Lib. 9. ep. 39.

Ser. de loc. pe.

Ser. de Bapt.

regeneratio animæ, & illud Chrysostomi: Perfectè purgantur à peccatis, qui baptizantur. & illud tandè Cyrilli: Quid Naaman Syrus septies in Iordane ablutus, & à lepra mūdatus nobis inuit, nisi Baptismo Christi lotos, ab omni prorsus animæ lepra, peccatoque purgati? Hæc illi. Quod ergo antè hīc offēdebat, quod iram merebatur, quod peccatum, & propria peccati pœna erat, hoc totum per Baptismū aufertur: Si quid autem aliud præter hæc relinquitur, hoc integrè, ait Augustinus, ad certamen, & coronam relinquitur: nec potest illud obesse baptizato, si nullum ipsi regnum permittitur.

Et quemadmodum Deus Opt. Max. carnis concupiscētiā per Baptismum non extinguit, sed ab omni peccati inquinamento repurgatam ad virtutum exercitiū, & meritum relinquit: ita idem quoque vitæ huius miseras, cruces, atque calamitates per gratiam suam non tollit, tametsi tollere posset, si vellet, sed in meriti & satisfactionis materiam suauiter sapienterque conuertit. Prosumt hæc enim non parum, ad retinendam animi submissionem, ad virtutum culturam, ad otij fugam. Conseruant pios in obedientia, & salubri quodam timore: prouocant sceleratos ad pœnitentiam, & melioris vitæ frugem: vel certè iustè eosdem, si fortè contemnant, flagellant. Fit enim non infrequenter, vt ijs fideles exerceantur ad meritum, quibus obstinatè scelerati præparantur ad supplicium.

Porro autem ærumnarum omnium metam, hoc est, corporis mortem, graues ob causas, quas alibi attingimus, iam nunc non profligat, neq; enervat, sed præsentē hoc seculo currente patienter tolerat: profligabit autem atque ad eò regnum illius omnino evertet in vltima tandem carnis resurrectione. iuxta illud Apostoli: Nouissimè autē inimica destruetur mors: tum nimirum, cū mortale hoc induerit immortalitatem, & corruptibile incorruptionem. Planum est ergo, quicquid malorum per prioris Adami inobedientiam ac factum generi nostro allatum fuerat, hoc totum per posterioris obedientiam,

Baptismus vitæ huius miseras nō tollit: sed in virtutum exercitiū relinquit, meritiq; & satisfactionis materiam conuertit.

Graues ob causas Christi gratia corporis mortē hoc extrenno seculo non tollere.

1. Cor. 15.

submissionemque, vel omnino è medio sublatum, vel in certam salutis materiam conuersum esse: Atque adedò Christum Deum ac Dominum nostrum damna, quæ ex Adami scelere acceperamus, non solùm integrè sarcire potuisse, sed re ipsa quoque sarciuisse, & quidem cumulatiuissimè sarciuisse.

Sectarum duces plus virium largiri parenti primo in vulnerando, quàm secundo in sanando: Eosdem rursum multò minus tribuere Christi merito & satisfactioni in amolendo peccati malo, quàm eidem tribuere solent Catholica Ecclesie doctores.

CAPVT QVARTVM.

Esai. 28.

Quid originis
peccatum Se-
ctariorū sen-
tentia.



Baptis. Sectariorū opinatione peccatum non tollit, sed tantum radit, vel tegit.

Erùm qui nouitatibus student, ac mendacium spem suam constituerunt, non parum aliter de horum malorum vi, eorundemque interitu concionantur. Sentiant enim, magnaque contentione passim inculcant, originis peccatum, quod insana illorum opinatione non vnum aliquod vitium in se complectitur, sed omnia, quæ in hominem quouis modo incidunt, per Christi meritum, aut Baptismi Sacramentum (per hoc nanque illius communicatio ordinaria lege obtingit) non elui, non tolli, non extirpari; sed tantum radi, aut tegi, aut velari, aut, ne in pœnam imputetur, dissimulari. Quare si isti vera prædicant, qui Baptismi mysterio iniuntur, non verè regenerantur, nec verè mentis spiritu innotuantur, nec verè à contractis sordibus repurgantur, nec verè tandem ab inflicis per peccatum vulneribus sanantur; sed mentis tantum cogitatione regenerati, vel innouati, vel à sordibus expiati, vel à vulneribus in pristinam sanitatem instaurati confinguntur. Atque ita inter profanum, & initiatum nullum reale, nullum positium, vt in Scholis loquimur,

mur, discrimen intercedet, sed quoddam tantum imaginarium, ac commentitium.

Iam si Baptismi Sacramento initiati non verè regenerantur, nec verè innouantur, nec verè à vitiorum sordibus emundantur: hoc est, si peccatum per regenerationis lauacrum re ipsa non tollitur, non extirpatur, non aboletur, sed tantum raditur, vel tegitur, vel impunè inhærere sinitur: ergo nec mortis quoque, nec condemnationis chirographum, quod nobis aduersum erat, verè etiam proscinditur, aut abrogatur, sed solum premitur, vel ab usu suspenditur. Nam si in regenerato vera propriaque mortis condemnationisque causa verè ac propriè adhuc hæret, non potest profecto ipsum damnationis chirographum, vel ipsa mortis sententia, non verè ac propriè contra ipsum adhuc non stare. Quid aliud enim est, hominem damnabili peccato manere obstrictum, quàm morti & condemnationi manere obnoxium?

Mortis chirographum Antagonistarum sententia per Christum non aboleri.

At dicere solent: Esto, dum spiritum hîc ducimus damnabili peccato verè semper hæreamus obstricti, hæcenus tamen rectè ab eo liberari, vel emundari censemur, quatenus per Christum, & propter Christum à pœna illius absoluihur. Verùm dum hoc dicunt imprudentes inter peccatum mortis ve chirographum & iratum Deum Christum quodam modo medium constituunt. Nam ille propter inhærens peccatum chirographi ius contra falso renatum exercere vellet, & tamen propter filij sui intercessionem, ciuili quadam ratione, vel inducias concedere, vel certè ab usu illius abstinere compellitur. Et ipsum nihilominus damnationis, mortisque chirographum secundum se integrum intactumque relinquunt: & quod omnium est absurdissimum, Spiritum sanctum propemodum inuitum in vitiorum ac scelerum omnium sentinam contrudunt. Fatentur enim illum renatis, tametsi in incredulitate, in Dei verbi que illius contemptu, in desperatione, in iudiciorum eiusdem odio, in omni tandem inobedientia ac rebellione adhuc iaceant, certò obtingere:

Sectarij inter mortis chirographum & iratum Deum Christum quodam modo mediū constituunt: ipsumq; Spiritum sanctum in vitiorum sentinam suam sententia contrudunt.

tingere: quò nimirum externo illius præsidio armati, contra illud remanēs peccatum, & mortis decretum tota vita depugnent, & ad vitę nouitatem vsque contendant.

De concupiscentia post Baptismū. Aduersarij præposterè, Christianique sanguine indigne sentiunt.

De concupiscentiæ malo ac fomite æquè præposterè, & Christi sanguine indignè sentiunt. Negant enim illud vllò omnino sacramentali præsidio, aut Christi merito, aut hominis studio à peccati infectione in hac mortali vita posse repurgari: atque ideo non solùm ante, sed post Baptismum quoque verè propriæque rationis culpam esse, morte, æternæque damnatione, si per Dei misericordiam propter Christum non staret, verè dignam. Nomine autem fomitis, vel concupiscentiæ, quam ipsummet originis peccatum existere plerique ex illis contendunt, complectuntur non vulgare aliquem naxum, sed horrenda planeque nefaria crimina. Verba Philippi sic habent:

Melanchthonis iudicium de concupiscentia sic reliqua

Quòd si contenderint aduersarij fomitem esse quiddam *ἀδίαπορον*, reclamabunt non solùm Scripturæ, sed tota planè Ecclesia. Quis enim vnquam ausus est dicere hæc esse *ἀδίαπορα*, etiamsi perfectus consensus non accesserit? dubitare de ira Dei, de gratia Dei, de verbo Dei, irasci iudicijs Dei, indignari quòd Deus non eripit statim ex afflictionibus, fremere quòd impij meliori fortuna vtuntur quàm boni, incitari ira, libidine. &c. Et ne cui obscurum foret, de quibusnam isthæc tam dira, tamque capitalia assereret, paucis interiectis subdit: Et hæc agnoscunt in se homines pij, vt apparet in Psalmis, & Prophetis. Eructat eadem & Bucerus quoque.

In resp. cont. iud. Cleri Colon.

Bucer sententia de concupiscentia.

Quo modo, inquit Bucerus, in nobis non est iniquitas, & peccatum, quod in nobis reluctatur legi Dei? quod concupiscit aduersus spiritum, Verbum Dei contemnit: Deum creatorem suum, neque agnoscit verè, neque amat. Quam miseriam omnes Sancti in seipsis experiuntur, & deplorant. & infrà: Hoc est, vt cernis Christiane lector, quod Dominus ipse suo verbo de reliquijs peccati post Baptismū testatur: quod Apostoli, & omnes sancti Patres passi sunt, & docuerunt: quod in super

super omnes veri Christiani in seipsis experiuntur, & conqueruntur. Nimirum quòd iaceant adhuc in graui ignoràtia & Dei contemptu: vnde Deo in verbo suo tam promissionis, quàm fidei, non integrè credunt: ac propterea nò ex corde, nec fiducialiter inuocāt, nec ex toto corde timent, & amant. Sunt difficiles ac tardi ad obedientiam Dei: proni verò & expediti ad id, quod caro aduersus Deum concupierit. Hęc Bucerus & Philippus, quos sequuntur alij minorum gentium magistri.

Significant autem hi clareque citra vllas omnino ambages se credere declarant: innatam illam concupiscentiam non vnum aliquod leue peccatum in se completi, sed plurima, eademque grauissima scelera. Tum eādem rursus nò solùm ante susceptum Baptismi Sacramentum, sed post illud quoque susceptum veri proprijque nominis peccatum esse: atque ideo non in certamen & coronam relictam esse fidelibus, vt vniuersa credit ac profitetur Ecclesia Catholica, crediditque & professsa est semper: sed in perniciem, sed in laqueum, sed in condemnationem. Quo modo enim perniciosissimum id meritò non censeamus, quod tam perniciosos, tamque acerbos fructus continuò ex se fundit? nec fundit solùm, sed reipsa quoque, vt illis placet, in se includit?

Concupiscentia nò in virtutis exercitium, sed in condemnationem & mortis laqueum relinquitur, si Sectarij vera prædicant.

Ad externas tandem calamitates, corporisque afflictiones, quod spectat: (siue illę spontè ex naturę nostrę corruptione, vt pleręque solent, oriantur: siue vltro in poenā, & carnis mortificationem assumantur: siue propter occultam aliquā causam diuinitus irrogentur) non impediunt illi, quò minùs ciuilibus cuiuspiam exercitationis materia esse queant: At verò in meritum, aut satisfactionis partem cedere posse, id cōtra communem Orthodoxorum omnium sensum atque consensum obstinatè pernegant. Constat ergo, quàm parum, & penè nihil sit, quod cruci Christi, eiusdemque merito in amoliendo peccati malo tribuunt Antagonistæ, quamque præposterè, planèque peruersè eidem illi, nò solùm de ipso originis peccato secundum se, sed de peccati quoque huius remedijs loquātur &

Vitę huius miserias virtutis aut satisfactiōis materiā esse posse, Sectarij negāt.

Rr sentiant.

sentiant. Sed neque obscurum est quoque, quanto rectius de tota hac controuersia & causa disputent ac statuunt Catholici, quam noui illi Euangelici, eorumq; magistri. At clarius aliquanto istuc euadet, si breui quadam antithesi vtrorumque sententiam ob oculos hinc ponam.

Catholici longe honorificentius de Christi merito & satisfactione sentiunt, quam hæretici.

Catholici igitur vni vnicum originis peccatum assignant, idque comparatione aliorum leue: Sæctarij vni omnia, eaque grauissima. Catholici vnicum illud, & quicquid poenarum illi debebatur, in Baptismo & per Baptismum prorsus aboleri & extirpari credunt: Sæctarij totum illud vitiorum ac scelerum chaos integrè in renatis reliquũ fieri contendunt, tamen Dei misericordia quasi velo quodam extrinsecus obnubatur & cõtegatur. Catholici ex aqua & Spiritu sancto regeneratis veram innocentiam pollicentur: Sæctarij nudam tantum impunitatem. Catholici mortis chirographum per Christi gratiam proscindi, planeq; abrogari, ac è medio tolli profitetur: Sæctarij per Christi intercessionem tantum suspendi, vel solum à legitimo vsu suo præpediri nugantur.

Sæctarij inter animæ vires, earumq; habitus & actus nihil scerant.

Catholici carnis concupiscentiam ab omni peccati nexu per Baptismum prorsus absolui, & expiari tradunt: Sæctarij à peccati ratione in hac mortali vita exui posse contumaciter inficias eunt. Catholici eadem illam à peccato iam absolutam ad certamen & coronam valere asserunt: Sæctarij ad hoc tantum conducere ineptiunt, vt homo quoque se vertat semper peccet. Catholici carnis concupiscentiam à deliberatis & semideliberatis eiusdem facultatis actibus, vt fructus ab arbore, sapienter scernunt: Sæctarij actus cū potentijs, & potentias rursum cum actibus imperitè confundunt. De originis peccato, eiusdemq; peccati remedijs ita tandè disceptant Aduersarij, vt hinc Manicheis, inde Pelagianis multò insaniore se ostendat.

Sæctarij Pelagianis & Manichæis se infaniores ostendunt.

Minus enim absurdè defenditur paruulũ baptizari, vt Christo incorporetur, etiam si peccatum nullum habeat, vt docebant Pelagiani, quam defenditur paruulũ, aut quemlibet etiã alium Christo per Baptismum verè incorporari, & vero nihilominus

hominus damnabiliq̃ue peccato obſtrictum adhuc teneri: hoc enim defendere, aliud nihil eſt, quàm lucem & tenebras, Chriſtum & Belial ſimul in vna ſede collocare. Minus quoque durè aſſeritur peccatum omne à dẽmone proficiſci, quod dicebant Manichæi, quàm aſſeritur quicquid homo quouis modo molitur, id propter concupiſcentiæ virus ſuapte natura lethale crimen eſſe ſemper: tametſi non omne eiꝯſmodi, propter Dei miſericordiam, in noxam ſemper imputetur.

Catholicos doctores non ſolum in amolendo peccati malo, quod oſenſum eſt hætenus; verùm etiam in impertiendo virtutis, iuſtitieq̃ue & gratiæ bono multò plus tribuere Chriſti liberatoris merito, quàm eidem tribuunt communes Sectarum magiſtri. Confirmatur rurſum, eoſdem illos errorum magiſtros multo plus roboris admetiri. Adamo infundenti venenum, quàm Chriſto adhibenti antidotum.

CAPVT QVINTVM.



Porro autem, vt Sectarij diuinam gratiam Chriſtiq̃; meritum & ſatiſfactionem in proſigãdo peccato, ſemouendoq̃; pœnæ malo ex peccato nato maiorem in modum enervant, & tantum nõ omnino negant: ita ijdẽ illi in procurando impertiendoq̃ue iuſtitie bono, quod peccato opponitur, plurimum quoque vtrique derogant. Cõtendunt enim nullam omnino veram iuſtitiam, aut veræ iuſtitie partem homini ex Chriſto obuenire, quẽ ipſum verè formaliterq̃ue iuſtificet, aut ſanctificet, aut Deo plenè abſoluteq̃ue reconciliet.

At ne nihil tamen omnino (quod impium prorsus abſurdumq̃ue videbatur) cruci Chriſti tribuere cenſeantur, Chriſti iuſtitiam per fidem nobis imputari comminiſcuntur. Hęc illi perfidẽ quidem & in Chriſti ſudores omnino contumelioſè, ijs tamen principijs ac fundamentis, quibus nituntur, oppidò conſentaneè. Nam ſi peccatum, ſi iniuſtitia, ſi impuritas, ſi incredulitas, ſi deſperatio, ſi odium Dei, ſi cœleſtis verbi con-

Vt Sectarij plurimũ de-rogãt merito Chriſti in amoliedo peccati malo, ita nõ parũ quoque eidẽ detrahũt in impertiendo virtutis bono.

Sectarij ex vniuẽſis Chriſti ſudoribus nudam iuſtitiam imputati- onem reliquã nobis faciũt.

temptus, si cetera, quæ ipsi formali originalis peccati rationi includunt, aut ipsum originis peccatum esse definiunt, per Baptismi Sacramentum & Christi gratiam ex animæ regno reipsa non exiguntur, sed tantum tecta, vel rasa, vel dissimulata isthuc perpetuo herere sinuntur: fieri sanè nullo modo potest, ut iustitia, vel puritas, vel fides, vel spes, vel charitas, vel aliquid aliud istiusmodi istuc ingrediatur. Quandoquidem ut vnum ad numerum secundum idem non potest simul nigrum esse & candidum, intensè frigidum & calidum, humidum & siccum, dulce & amarum: ita idem quoque animus, vel eadem mens, vel idem homo non potest simul & semel iustus esse & iniustus, nudus & immundus, spe bona erectus, & desperatione pressus, Dei amore incensus, & eiusdem odio inflammatus, gratia tandem perfusus, & lethalibus criminibus contaminatus.

Sectarij nullam
veram iustitiam
partem ad-
mittunt.

Theologicæ
virtutes reli-
quarum præ-
sidio destitu-
tæ, infirmæ &
penè nullæ.

Fides Secta-
riorum senren-
tia vncus tan-
tum, vel ma-
nus, qua Chri-
sti iustitia ap-
prehenditur.

Dicebamus Sectarum Antesignanos nullam omnino veram aut propriam iustitiam, nec ullam rursus veram aut propriam iustitiæ partem renatis per Christi beneficium concedere: Nam cum vera consummataque iustitia in se complectatur fidem, spem, & charitatē, & reliquas præterea virtutes, citra quas tres illæ primariæ suis numeris perfecte esse non possunt: imò ne esse quidem satis propriè & commodè possunt: illique fidem suam plenè semper buccis iactent, ac prædicent, nihilque non per unam hanc effici impetrarique posse cõtendant, iure meritoque ita quispian apud se cogitare poterat: Et si novi illi didascalici charitatem, reliquamque virtutum *παραπλίσαν* formali iustificationis rationi non includant, includent saltem fidem. Sed nec isthuc quoque, si rem rectè expendamus, faciunt. Docent namque fidem tantum methodum quandam esse, qua ad iustitiam devenitur: aut vncum, vel hamum, vel manum, qua Christi iustitia, quæ aliàs extra nos posita est, illique uni ac soli inhærens est, apprehenditur: menteque & cogitatione tanquam manu quadam apprehensa ad nos rapitur, vel extrinseca quadam imputatione in nos transfunditur, aut imaginaria quadam ratione nobis communicatur.

Sectarij

Secſarij itaque non ſolùm ſpem, & charitatem, cæterasque virtutes à formali iuſtificationis ratione excludunt, ſed ipſam quoque fidem, ſiue ſuam illam inanẽ fidutiam: Catholici autem nihil horum omnium à vera iuſtitia ſecludunt, ſed omnia hæc illi includunt. Imò verò iuſtitiam, qua intrinſecè formaliterque iuſti ſumus, ab illis virtutibus diuelli poſſe conſtanter negant. Siue illa ſit idem quippiam reipſa cum illis, quaſi totum quoddam integrum ex illis partibus conſtatum, quod non eſt prorsus improbabile: (Nec enim aliud eſſe videtur iuſtitia noſtra, quàm fides, ſpes, charitas &c. aut fides charitate perfectæ. Vnde tanta & non maior, nec etiam minor ſolet eſſe noſtra iuſtitia, quanta ſunt hæc tria: & tanta rurſum hæc tria, quanta eſt noſtra iuſtitia) ſiue quiddam re & ratione ſimul ab illis diſtinctum: ita vt tria hæc inchoata ad perfectam iuſtitiam viam muniant, perfectæ verò & conſummata ex ipſa proximè fluant, quod alijs magis probatur.

Fides, ſpes, charitas, cæterasque virtutes à vera iuſtitia non auelluntur.

Quauis ergo certum ſit, Chriſtum Dominum noſtrum ſua illa perfectæ obedientia, iuſtitia, & ſanctitate, omnem noſtram iuſtitiam, & ſanctitatem promeritum eſſe: nuſquam tamen, neque in Scripturis, neque in Patrum monumentis, neque in Synodorum decretis proditum comperitur, eandem ad numerum iuſtitiam, qua ipſe formaliter & intrinſecè iuſtus eſt, noſtram formalem intrinſecamque iuſtitiam exiſtere. Imò verò ſua illa inhærens iuſtitia noſtra formalis iuſtitia citra apertum miraculum eſſe non poteſt. Nec enim vnum ad numerum accidens diuerſis numeroque inter ſe diſtinctis ſubiectis naturaliter inhæreſcere contingit.

Chriſtus iuſtitiz & ſanctitatis noſtræ cauſa meritoria.

Non eadem formali iuſtitia caput & membra iuſti ſunt.

Vnum ad numerum accidens non inſormat diuerſa ſubiecta.

Dicunt illi: Agnoſcimus & nos quoque ordinaria lege id fieri non poſſe. Quare ne aliquod eiufmodi incommodum admittere cogamur, docemus publiceque proſitemur Chriſti iuſtitiam nobis non inhæreſcere: ſed extrinſecus tantùm imputari. Audimus, boni viri, quæ dicitis, publiceque docetis. Verùm dum hoc docetis & dicitis, omnem nobis veram iuſtitiam adimitis, & ex tantis Chriſti vigilijs, ſudoribus & pœnis

Sectatorum
iustitia nuda
relatio, funda-
mento desti-
tuta.

Lutherani
Hosiandri-
zant.

nudam tantum relationem, & illam adhuc fundamento destitutam: vel quandam extrinsecam tantum denominationem reliquam nobis facitis, & in insanum nihilominus Hosiandrinorum errorem incauti inciditis. Concionamini enim fidem simul Christi obedientiam, & Dei misericordiam apprehendere, & dum vtrunq; simul apprehendit, simul vtrunque in apprehendentem transfundere; ita ut vtrunq; iam illi in iustitiam, & sanctitatem imputetur. Certum est autem diuinam misericordiam à diuina essentia formali ratione non secerni: sed re formalique ratione eandem esse prorsus cum illa.

Commertum
de imputati-
ua iustitia pu-
gnat cum in-
ani Sectatio-
rum gloriati-
one.

Pugnat præterea hoc imputatæ iustitiæ commentum cum insulsa, inaniq; vestra gloriatione non parum. Gloriabundique iactare soletis vos Christi satisfactionem & meritum (quod humanis traditionibus antè fœdè obscuratum penèq; sepultum iacebat) cœlesti vestra doctrina mirificè illustrasse: Et tamen vestra nequaquam cœlesti, sed apertè scelestæ imputationis doctrina vehementissimè, si vllialij, illud extenuatis & obscuratis. Nam si nullam veram, inhaerentemq; iustitiā nobis promeritus est Christus, ut vobis nugari lubet: tam exiguum profectò, & reipsa tenue, vel etiam nullum est, quod ille vobis promeritus est, ut mercedis meritivè nomē vix pro-

Christus non
sua, sed no-
stra iustitiæ
causa in hunc
mundum in-
gressus est.

mereatur. Constat enim Christū Deum ac Dominū in hunc mundum venisse, non ut sibi ipsi aliquam iustitiā, aut sanctitatem, aut vllam omnino internam perfectionem emeretur. Meruit sanè corporis & nominis exaltationem, sed illa sunt quædam externa potius, quàm interna.

Christus nul-
lam sanctita-
tē aut inter-
nam animæ
perfectionē
sibi meruit,
sed neque vl-
lam quoque
mereri pou-
it.

Sed neque quicquam quoque mereri sibi poterat: Quandoquidem secundum naturam æternā patri per omnia æqualis erat: nec mereri valebat, ut qui omnia, quæ sub meritū quouis modo cadere possunt, naturaliter & essentiāliter in se cōtineret: nec vllū, à quo mereretur, superiorē haberet. At secundum naturā assumptā omnē iustitiā, & sanctitatē, & mētis perfectionem primo statim cōceptionis suæ instāri cōsequutus est, ita ut postea in gratia & sanctitate nihil quicquā creuerit, nec cre-

scere

scere potuerit. Descendit autem in sublunarem hunc orbem, quô sua doctrina, suaque morte, & vita id instauraret, quod per peccatum conciderat, hoc est, quô nobis perfectam iustitiam, veramque apud Deum reconciliationem obtineret.

Quam ob rem si nulla eiusmodi iustitia nobis adesset, qua verè, propriè, ac forialiter, coram Deo censeremur iusti, & sancti, & à grauioribus peccatis liberi, sed quedam tantum aliena, vel extrinsecus imputata nobis suppeteret: profectò neq; nos verè iusti, neq; Christus vllam omnino veram, aut perfectam iustitiam nobis promeritus dici posset: Siquidem quod nobis reipsa non inest, neque inesse, aut inherere potest, sed mente tantum, & cogitatione adesse, vel inesse confingitur; hoc verè, proprièque eiusmodi nos non efficit, cuiusmodi esse dicimur: sed tantum secundum quid, puta extrinseca quadam denominatione. Mitto hîc, Christum Dominum nostrum illam, quæ nobis extrinsecus imputari falsò asseritur, nequaquam promeritum esse: vt qui primo mox incarnationis sue momento gratis illam acceperit. Nisi quis fortè dicat illum per ea, quæ postea fecit & pertulit, illam promeritum esse: Cuiusmodi quippià de felicibus illis mentibus quidam commentantur. Sed hoc ineptum est: omne enim propriæ rationis meritum præmiû tanquã causã suû effectû antegreditur.

Dicent fortè, Christum Seruatorem sua perpeffione & morte, neque suam, neque nostram iustitiam promeritû esse: per isthęc tamen extrinsecã illam denominationẽ vel imputationẽ nobis promeritû esse. Noui quosdã huc cõfugere solere: sed sanè indignû, imò verò aptè blasphemû est dicere, filiû Dei hominẽ factû, ea solùm de causã tantum laborû hausisse, tantumq; cruciatuû ptulisse, ac precû supplicationumq; fudisse, quô quandam solùm externam denominationem, aut nudam tantum rationis relationem nobis promereretur. Constat enim externam illam imputationem, vel denominationẽ nullum in nobis reale fundamentû, nullã realem causam habere: sed quicquid causę, vel fundamenti habet, hoc totû in Christo habet.

Imputata iustitia non verè iustificat.

Christus eam iustitiam, quæ nobis imputari falsò asseritur, non promeruit.

Per absurdè asseritur Christum solã iustitię imputationem nobis promeritum esse.

habet. In ipso enim iustitia est: in ipso obedientia est: in ipso meritum est: in ipso misericordia est: in homine autem, qui iustus ab illis prædicatur, nihil horum omnium quicquam est. Sicut nec in columna quoque vlla omnino dexteri, aut sinistri ratio vel basis est.

Tota Sectariorum iustitia merum ens rationis est.

Illyric. cont. Tilet. c. 6. de iust.

Regenerati ea ratione Sectarios sententia dicuntur iusti vel mundi, quia Christus peccator.

Sectarij minorem vim eribuit Christi obedientie, quam Adam inobedientie.

Orig. peccati Sectariorum sententia indelebiter animæ inhæret.

Quapropter si illa imputatio omnino aliquid est, solum ens rationis est. Atque ita qui egregios meritorum Christi præcones sese venditant, huc suo illo imputatio phanaticoque commento euadunt, vt vniuersum Christi meritum ad inane quoddam rationis ens redigant. Neque hoc ipsi, quum rationum pondere adacti vera interdum loqui compelluntur, insicias eunt. Profitentur enim imputationem illam non esse formam aliquam realem, sed tantum rationalem; hoc est, ens quoddam rationis, quod subiectiue vel inheresiue nusquam est, obiectiue autem tantum in mente, vel intellectu est.

Profitentur iidem quoque regeneratos non aliter iustos, aut mundos, aut sanctos dici, quam Christus peccator, vel debitor dicitur. Christus autem cum peccatum nullum fecerit, nec dolus vllus in ore eius inuentus fuerit, non est peccator vere, sed, vt ipsi loquuntur, potentissima tantum patris imputatione. Appellatur sane Christus peccatum in Scripturis, non quod ratione sui, aut vere peccator, aut vere quoque debitor quispiam sit, sed quia peccatorum nostrorum poenas pertulit, veraque hostia, & sacrificium pro peccatis nostris extitit.

Quæ hætenus exposita sunt planum faciunt, Sectarios longe minorem vim & energiam largiri Christi Redemptoris nostri submissioni & obedientie, quam primi parentis factui & inobedientie: Fatentur enim Adamicæ præuaricationis reatum non tantum in poenam nobis imputari, sed vere, formaliterque inherere. Inherere autem non quouis modo, aut gradu, aut spatio: sed ea pertinacia, vt nulla vi, durante hac mortali vita, inde euelli queat. Ea rursus virulentia & vehementia, vt totam hominis naturam non tam peruerat, quam in peccati materiam planè conuertat. Aiunt enim hoc animi morbo

morbo infectos, nihil quicquam ex sese fundere, sed nec fundere quoque posse, nisi peccatum, etiam tum, cum ad optima quæque nituntur.

Patet es iisdem quoq; Catholicos omnes longè maiorem efficiendi vim tribuere Christi satisfactioni & merito, quàm eidem illi tribuunt Sæctis dediti. Catholici nanque non externam tantum, vel imputatiuam solum, vt illi; sed veram, inherenterq; iustitiam nobis per Christum conferri credunt. Si quis dixerit, inquit Synodus Tridëtina, homines sine Christi iustitia, per quam nobis meruit, iustificari: aut per eã ipsam formaliter iustos esse, anathema sit. rursus: Si quis dixerit homines iustificari, vel sola imputatione iustitiæ Christi, vel sola peccatorum remissione, exclusa gratia, & charitate, quæ in cordibus eorum per Spiritum sanctum diffundatur, atque illis inherere: aut etiam gratiam, qua iustificamur, esse tantum fauorem Dei, anathema sit. Hæc Ecclesiæ Catholicæ de nostra iustificatione est confessio, quæ vtique tantum distat à Sæctariorum doctrina, quantum lux à tenebris, dies à nocte, candidum à nigro.

Porro autem fundamenta, quibus suam illam imaginariam imputatiuamq; iustitiam stabilire nituntur, huc in medium adferre, allataq; refellere, nullum est operæ precium. Nec enim ex instituto de hominis iustificatione, aut iustificationis eiusdem ratione ac modo hîc disputamus: sed de plenitudine tantum, & perfectione satisfactionis Christi. Hanc etenim, vt nunc ostensum est dilucidè, Catholici omnes vnanimi sententia agnoscunt, & prædicant, & quantis possunt præconijs & laudibus euehant: Sæctarij contrà multis nominibus & modis eandem obscurant & eleuant, Imò totam penè eneruant & abnegant. Et cum hæc illi faciant, & quidem apertè faciant, tanta tamen impudentia, ne grauius quid dicam, laborant, vt publicè prædicare audeant, Christi satisfactionē, & meritum iam olim apud Catholicos extinctum, obliuioniq; contradictum, sua sedenuq; industria & opera in lucem extulisse, pri-

Catholici plus tribuunt Christi merito & satisfactioni, quàm Sæctis dediti.

Sess. 6. Cap. 10

Can. 11.

Aliud Catholicici sentiunt & statuunt de nostra iustificatione, aliud Hæretici.

Quantum Orthodoxi Christi satisfactionem extolunt, tantum eandem Hæretici deprimunt.

Diaboli & ministrorum eius consuetudo.

stinoq; splendori & integritati restituisse, & alia præterea multa æquè inepta & splendide conficta, quæ in illorum commentarijs, & εἰκαιολογίαις nusquam non sunt obuia. At hæc ventus diaboli ars est: cùm enim ille vero destituitur, falsitatem & nequitiam, qua ipse laborat, per calumniam & mendacium in alios transferre satagit.

Imputatiuè iustificatus, non est verè iustus, nec verum Christi membrum, nec verè a peccatis absolutus.

Sed valeant illi, habeantque suam illam imaginariam iustitiam, suam imaginariam peccatorum remissionem, suā imaginariam fidem, spem, & charitatem, suum imaginarium cœlum & paradysum, (imaginarium enim infernum, nisi illā imaginationem exuant, habere non poterunt) cæteraque omnia imputata & imaginaria: nobis interim relinquunt veram iustitiam, veram peccatorum remissionem, veram fidem, spem, & charitatem, & cætera omnia realia & vera. Nam si imputatiuè, vel imaginariè tantum, & non verè essemus iusti, vel à peccatis absoluti, vt isti apertè profitentur: ex consequenti nec verè essemus Christum induti, nec verè redempti, nec vera Christi membra, sed omnia hæc essemus imputatiuè, & imaginariè. Et quoniam effectus æmulatur naturam suæ causæ: si non essemus verè iusti, aut verè à peccatis absoluti, nullum verum iustificatorem, neque vllum verum redemptorem, aut Saluatorem, aut salutis nostræ assertorem haberemus. Quandoquidem veri redemptoris, veri reruatoris, veri liberatoris est, verè redimere, verè saluare, verè liberare, non imputatiuè, aut imaginariè.

Maxime afficiunt Christum iniuria, qui dicunt eum non verè iustificare, nec verè peccata dimittere, sed tantum imaginariè.

At pluribus hæc vrgere non attinet: piè enim benedq; affectis dictum est plus satis: alienos autem, & iam olim in reprobum sensum cōtraditos nullè dictorum, aut rationum, aut auctoritatum Iliades sanent, aut ad sanam mentem reuocent. Vnum hoc solum epilogi loco addiderim: nempe maiori iniuria, atrociori que contumelia Christum, cuiusque meritum affici non posse, quàm si dicatur ipsum non verè iustificare, nec verè peccata condonare, nec verè nos Deo reconciliare, sed tantum imputatiuè, vel imaginariè. Nam, si rem rectè, vt par

par est, expendamus, hoc dicere, aliud nihil est, quàm vniuersam crucis illius vim penitus euacuare, aut certè ipsummet Christum peccati ministrum & confortorem sacrilegè confingere. Nam aut Christus Dominus reatum sua gratia, verè abolere & tollere potest, & non tantùm radere, aut tegere, aut dissimulare: vel illud gratiæ suæ præsidio præstare non potest. Si verè peccatum auferre non potest, profectò infirmum & penè nullum est, quod sua ille morte, & cruce nobis promeritus est. Sin autem id potest, & tamen non vult, magna sanè sit coniectura illum peccati sordes non odisse, non execrari, non auersari. Quomodo enim, si auersatur, si odit, si detestatur, illud non tollit? nisi forsan ex parte peccatoris quippiam extet, quod vim illius impediat, aut sistat: at ponimus nihil eiusmodi hîc intercedere.

Similem & de ipsa quoque iustificatione, vel iustitia rationationem instituere licet. Aut enim salutis nostræ author veram nobis iustitiam impertiri potest, aut illud non potest. Si non potest, utique debilis, vel impotens est. Si eiusmodi autem quippiam impertiri potest, & tamen non impertit, ergo, quod absit, inuidus censeri potest. Statuimus hîc enim pereum, qui iustificationis beneficio potitur, non stare, quò minus veram perfectamque, & inhærentem iustitiam, perfectamque & veram peccatorum remissionem consequatur. Liquet ergo vtrunque euidenter: nimirum posteriorem Adamum, hoc est, Christum, id integrè instaurasse, quod collapsum erat per priorè: & Catholicos rursus multò plus citra ullam omnino comparisonem tribuere Christi merito & satisfactio-
ni, quàm eidem illi tribuant
quinti Euangelij
mystæ.

Statuere Christi
solum solum
imputatiue
iustificare, aliud
nihil est, quàm
dicere integrè iustifi-
care non posse, vel
certè non velle.

*Citra fidei errorem satisfactionis Christi modum in questionem
vocari posse.*

CAPVT SEXTVM.

Quæ primi
hominis no-
xa concide-
rant, per Chri-
stum in meli-
orem statum
euecta sunt.



Quæ hætenus explicata sunt, perspicuè demonstrant, quæ primi parentis culpa labefacta conciderant, ea per Christum, alterum vtique generis nostri columen ac stirpem, non solum in integrum instaurata, verum etiã nouis quibusdam luminibus illustrata, & accessibus aucta, ad statum pristino non parum nitidiorem, nobilioremque euecta atque promota esse.

In mortali
hac vita non-
dum apparet,
quantum per
Christum no-
bis collatum
sit.

1. Cor. 15.

At fatendum est tamen istiusmodi incrementa & lumina veteris Adami reliquijs, quasi caligine quadam obducta atque impedita, in hac mortali vita obscurius lucere, suamque vim & energiam remissiùs exercere. Lucebunt autem & coruscabunt radijs tum demum puris, totamque vim suam explicabunt integrè, cùm inimica morte destructa penitusque abolita, mortale hoc induerit immortalitatem, & corruptibile hoc incorruptionem. Sumus sanè iam nunc filij Dei, si boni sumus: at necdum id sumus, quod tunc erimus, vel necdum eiusmodi nunc sumus, cuiusmodi tunc erimus, quum altera quoque stola potiti erimus, in quem nunc credimus, & spem nostram reijcimus, amoreque & desiderio ferimur, facie ad faciem, hoc est, coràm & clarè contuebimur.

1. Ioan. 3.

1. Cor. 13.

Rom. 7.

Quosdam in
questionem
vocare, eam
copia satis-
factum sit pro
personalibus,
qua satisfac-
tum est pro
originali.

Verumenimuerò licet certum sit ibi superabundasse gratiam, pacem, iustitiam, & sanctitatem, ubi dudum antè abundauerat peccatum, iniquitas, & certa perniciēs: non omnis tamen questionis difficultatisque expers est apud omnes: An, quemadmodum filius Dei homo factus cumulatè perfectèq; debitum illud dependit, quod ex Adami scelere contractum vnà cum ipsa natura in nos transfunditur: ita plenè quoque copioseque totum illud dependerit, aut etiam dependere po-
tue-

ruerit, quod primario postea adiunctum est, aut quouis modo, aut temporis spatio, aut hominū numero adiungi adhuc potest: An verò accessorium illud tantum secundum legis iustitiam, aut gratuitam Patris acceptationem exoluerit: non etiam secundum rei in debiti contracti solutionem impensæ æqualitatem.

Quæstio hæc de satisfactionis Christi qualitate, & modo, non est omnino nulla, nec omnino etiam noua: Exercuit enim doctorum hominum ingenia ante multos annos non parum, alijs hanc, alijs illam partem non contemnenda prorsus rationum vi & autoritatum pondere vrgētibus. Nam cum controuersia isthæc ex sacris literis non esset omnino manifesta & euident, neque certò quoq; ab Ecclesia definita: citra fidei iniuriam licuit illis Scholæ iure & foro hîc vti, rationesq; & argumenta, quæ in vtranque partem adferuntur, inter se committere, quantaque vi singulæ pollerent, discutere, ac tandemum in alteram, quæ pluribus & validioribus nixa videbatur, pedibus abire. Et quod veteribus Theologis fas ea in re fuit, hoc ipsum recentioribus vel hac ipsa quoque tempestate nefas fortassis non fuerit: quippe cum eadem prorsus, & dubitandi, & disputandi quoque causæ nunc vrgeant & obtineant, quæ tunc vrgebant & obtinebant. Quandoquidem vt ante mille annos nihil certi ea de re cautū, definitūve extabat: ita nec hac nostra memoria quoque quicquā omnino in hanc vel illam partem ex instituto ab Ecclesia cautū, aut definitum extat. Sed neque in vna hac controuersia solū eiusmodi rationem inire inculpatè licet, sed in cæteris quoque omnibus, quarum obiectum non est ipsa fides, aut aliquod fidei dogma, sed fidei tantum modus.

Satisfactio-
nis Christi
modus ex sa-
cris literis
non est eui-
dens.

De satisfacti-
onis Christi
modo nihil
hucusque de-
finitum ab
Ecclesia.

Exēplo, quod dicimus, vno aut altero illustremus. Torqueantur ne sceleratorum spiritus apud inferos, id tanquam rem dubiam in disputationem adducere nequaquam licet: est enim id exploratissimæ fidei, & veritatis certæ: At citra vllū omnino sacrilegium, aut fidei præiudicium, rationibus hinc

Torqueantur
ne damnato-
rum spiritus
apud inferos,
in dubiū vo-
care nō licet:
inquirere au-
tem licet, quo
modo, vel
medio tor-
queantur.

inde collatis disquirere licet, corporeo ne igni solo torquean-
tur, an & alio modo, vel medio: Et si solo corporeo, qua via,
aut ratione eiusmodi ignis in substantias corporis expertes
agere queat, vel etiam agat. Pari modo, Christus ne ex virgine
matre natus sit: Clausis ne ianuis ad Apostolos introierit:
Totus ne secundum vtranque naturā in sacrosancto Eucha-
ristiæ Sacramento præsto adsit: Eadem ne ad numerū, quæ po-
suerāt, corpora omnibus olim restitutus sit, istuc tanquam
quiddam adhuc pendens ac dubium in controuersiam arces-
sere neutiquā licet. sunt enim hæc omnia ex Scripturis eui-
dentia. At verò, quo modo hoc vel illud factū sit, aut fieri po-
tuerit, aut olim futurum sit, id argumentando & conferendo
peruestigare aded non est illicitum, vt verè quoque in sacris
philosophandi rationi quàm maximè sit consentaneum.

Salua religi-
one in dubiū
verti non po-
test, damnen-
tū ne, qui ob-
stinato animi
fesu in Luth-
eranismō, vel
Caluiniani-
smo, vel alia
quocunque
heresi mori-
untur.

Sic tandem, Anilli, qui obstinato animi sensu in Arriani-
smo, aut Calvinianismo, aut Lutheranismō, aut Anabapti-
smo, aut alio quocunque istiuscemodi errore, aut Secta vita
hac mortali defuncti sunt, sempiternis Gehennæ flammis ad-
didici, æternum moriantur, & viuant tamen semper, id salua fi-
de in dubium vocari non potest. Constat enim ex Scripturis,
vt vnus est Deus, & vnum item Baptisma; ita vnam quoque
orthodoxam Catholicamque fidem esse. Constat hinc nihilo-
secius nulli omnino citra eiusmodi fidem salutem contingere
posse. Constat denique cū ex his ipsis Scripturis, certisque
Spiritus sancti oraculis, tum ex diserta quoque Ecclesiæ Ca-
tholicæ definitione, perpetuaque eiusdem Ecclesiæ traditio-
ne, eiusmodi orthodoxam, Catholicam, & Apostolicam fidem
non esse penēs Lutheranos, aut Calvinistas, aut Anabaptistas,
aut alios quoscumque ab Ecclesia proscriptos hereticos: At-
tamen disputare, Ecquænam ex ijs Sectis erret absurdius, &
per consequens apud inferos ardeat vehementius: istuc cum
nulla labe, Christianæ ve religionis discrimine coniunctum
est.

Ad rem propositam: Satisfecerit ne Christus Dominus
pro

pro totius mundi peccatis, illud tanquam adhuc inexploratum & incertum in disceptationem adducere nulli omnino mortalium licet. Scriptum est enim: Ecce agnus Dei, ecce qui tollit peccata mundi. item: Ipse est propitiatio pro peccatis nostris, non pro nostris autem tantum, sed etiam pro totius mundi. rursus: Verè languores nostros ipse portauit. & alia plurima in hunc sensum alibi. At verò de satisfactionis ratione & qualitate, (puta an ex operis dignitate satisfecerit, an alio gradu, vel modo) modestam ac sobriam disputationem instituere neutiquam nefas fuerit. Imò verò propter recens natos cadere errores cumprimis vtile existit.

Quauis autem vtraque opinio, & ea, quæ secundum reï æqualitatem, & ea rursus, quæ secundum legis præscriptum tantum Christum Seruatorem pro scelere omnium ratione, numero, & pondere satisfecisse contendit, suos authores, suasque rationes, & firmamenta habeat: prior tamen Scripturæ sacræ, veterumque doctrinæ, & rationis quoque luminis est multò conformior, & in summam illam Christi Domini maiestatem ac excellentiam multò convenientior. Decet autem pectus pium, & in diuinis liberaliter institutum, vt omnem Christo Redemptori gloriâ, efficiendique vim, & energiam admetiatur, quam salua fidei veritate admetiri eidem valet: Et tota rursus animi contentione id omne ab eo semouere, ac amoliri satagat, quod amplissimæ illius dignitati, maiestati, excellentiæ, ac celsitudini quacunque ex parte aduersari cognoscitur: hoc præsertim tempore, quo Sectis additi propter Christi meritum & satisfactionem Orthodoxos multis grauib; calumnijs onerant.

Hæc igitur cum ita habeant, planum facere conabimur, & illo, cuius causa hîc agitur, & gloria propugnatur, planum omnino & euidens faciemus, vnigenitum Dei filium nostræ salutis causa carnem factum, cæsum, crucifixum, mortuum, ac tertio demum die ex mortuis exusci-

Certa fide tenendum est, Christum pro totius mundi peccatis satisfecisse. 3. Ioan. 1. 1. Ioan. 2. Esai. 53. Modus satisfactionis Christi si non cadit sub fidem.

Id totum Christum esse largientem, quod salua fide eidem largiri potest.

Minus reue-
renter agunt,
qui cumula-
tâ Christi sa-
tisfactionem
acrius impu-
gnant.

exuscitatum non quouis modo pro omnibus mortaliû omni-
um peccatis, quocunque tandem nomine illa censeantur, fe-
cisse satis, sed cumulatissimè, modisque omnibus perfectissi-
mè: Neque illorum rationes, & argumentationes, qui alteram
huic aduersam quæstionis partem acrius, quàm fortè par est,
vrgerè, ac propugnare solent, oppositum euincere. Aspiret
ille pijs conatibus, qui hæc tanta, cùm nulla iustitiæ lege ad id
obstringeretur, nostri causa perpeti, tantumque pro redem-
ptione nostra λόγρον pro sua infinita misericordia ac clemen-
tia impendere non recusauit: imò vltro offerre voluit, & qui-
dem ardentè voluit.

*Purum hominem humanæ salutis causa id præstare non potuisse,
quod eiusdem gratia præstitit Christus. Potuisse id tamen, & quid-
dam eo etiam amplius, si ponatur non ad exactam iustitiæ
rationem, sed tantum secundum legis præ-
scriptum, vel Patris acceptationem
fecisse satis.*

CAPVT SEPTIMUM.



Vod igitur benignissimus parens, certissi-
musque salutis nostræ vindex Christus
Dominus non vulgari modo, & quasi pre-
cariò pro totius mûdi sceleribus Deo pa-
tri fecerit satis: sed ea plenitudine, eaque
perfectiõne, mensura, & pondere, vt ex
parte satisfactionis, vel satisfaciẽtis, nihil
amplius exigì possit, etiamsi Deus sum-
mo iure cum genere nostro agere velit, illud ex solo œcono-
miæ illius opere, vt cætera decissent, non omnino obscurè col-
ligi queat.

Etenim si labores, si molestiæ, si cruces, si ignominia, si cæ-
tera omnia, quæ admirabile illud incarnationis opus conse-
cuta sunt, & nostri causa ab incarnato Verbo suscepta atque per-
fec-

Ex sola Chri-
sti œconomia
satisfactionis
eiusdem ple-
nitudo cõsti-
tui potest.

perfecta sunt, non erant satisfactoria ex iustitia absolutè, sed tantum ex lege, aut liberali creditoris acceptione: Si, inquam, quæ Christus Deus & homo, siue operaretur, siue pateretur persoluebat, debitum ab vniuerso humano genere contractum non exæquabant simpliciter, sed hæcenus tantum, quatenus vt paria vel iusta clementer admittebantur; eo nimirum; quòd plura, quæ dependi possent, in virium vel facultatum illius thesauris nulla extarent: nulla necessaria ratio apparet, cur, quod filius Dei homo factus præstitit, purus homo vel Angelus integrè præstare non potuerit.

Si Christus plenè nõ satisfecit, nulla apparet ratio cur homo vel Angelus satis facere nõ potuerit.

Etenim vt Deus Trinitas Christi Seruatoris nostri satisfactionem secundum se finitam, vt isti dicunt, suisque limitibus circumscripam, atque ideo contracto debito, imparem, veluti parem in communem omnium salutem ac redemptionem liberè liberaliterque admisit: ita cuiuslibet quoque puri hominis opus tanquam sufficiens in iustum totius humani generis *λόγους* admittere potuisset, etiam si illud, quod Christus impendit, multis partibus maius extitisset. Statuit nanque contrariæ partis opinatio, opera filij Dei, neque ex se, neque ex eo, quòd diuinæ hypostaseos pignora erant, ad iustitiæ amulsi fuisse satisfactoria: sed tantum ex diuina liberalitate, & acceptione. Atqui consecrarium hoc, nempe purum hominem pro omnibus mortalium omnium peccatis satisfacere potuisse, veluti absurdum, & in Christi œconomiam planè contumeliosum à veneranda antiquitate omnino rejicitur.

vt homo in integrum restitueretur, Deum hominè fieri oportuisset, tradit veneranda antiquitas.

Omnes nanque concordibus suffragijs decernunt purum hominem, neque pro peccatis omnium satisfacere, nec omnium salutem promereri vlla ex parte potuisse: sed ad vtrunque filij Dei incarnatione opus fuisse. Non quidem absolutè (poterat enim Deus alio modo & medio mundum sibi reconciliare) sed quò exactè & plenè diuinæ iustitiæ fieret satis. Sed agè, vnum aut alterum ex pluribus ea de re differentem audiamus.

De Verb. in-
carn.

In incarnati-
onis mysteri-
um neutiquā
cūctose in-
quirendum.

Nisi Deus ho-
mo fieret, hu-
mana natura
innocentiam
consequi non
poterat.

Homil. 13. in
psal. 48.

Homo redi-
mere nos non
poterat.

Homil. 10. in
Ioan.

Lib. 3. c. 1. fid.

Redemptor ē
ἀναμάρτητος
esse oportebat.

Quicumq; sta-
nuunt Deū in-
carnari oportu-
iuisse, ex cō-
sequenti statu-
tunt ad exat-
tam iustitiæ
rationem pro
homine satis-
fecisse.

Athan.
Basil.

Greg. Naz.

Athanasius: Suademus vobis, vt traditam fidem retinea-
tis, & auerſemini profana vanitatis verba. Et reliquis præci-
patis, vt exhorreant tanti mysterij inquisitionem. Et vt Deum
in carne manifestatum esse secundum Apostolicam traditio-
nem ad iustitiam confiteantur, quam habet Dominus in Spi-
ritu, hoc est, non humano more, sed diuina puritate. Alioqui
impossibile est puritatem & innocentiam in humana natura
exhiberi, nisi Deus credatur in carne fuisse, qui iustitiā omni
peccato liberam in mūdum introduxit: cuius quia participes
facti sumus, viuemus, & saluabimur.

Basilius Magnus: Si frater non redimit, redimet homo?
Si verò homo nos redimere non potest, qui nos redemit, non
est homo.

Gregorius Nazianzenus: Indigebamus omnino vt Deus
carnem assumeret, & mortem subiret.

Chrysostomus: Cecidit natura nostra eo casu, vt nullo
modo restitui posset. Nec enim resurgere poterat homo,
nisi qui eum effinxerat à principio manum porrigeret.

Damasceus: Etenim qui redempturus erat, oportebat
prorsus ἀναμάρτητος, & nulli per peccatum mortis obnoxiiū esse.
At solus Deus suapte natura ἀναμάρτητος existit.

En omnes hi Patres diserta oratione exponunt, ad exhi-
bendam eiusmodi satisfactionem, cuiusmodi Deus ab homi-
ne exigebat, opus fuisse viribus humanis maioribus: Et ex
consequenti clarè ostendunt incarnatum Verbum debitum
à nobis contractum non ex parte, sed integrè dependisse. Nam
quomodo iustitiam omni omnino debito liberam exhibuit:
aut hominem fieri necessum fuit, si ad iustum, quod debeba-
tur, non exoluit? Quomodo homo hominem redimere non
potuit, si Deus homo factus æs alienum ab homine consti-
tutum ad rei æqualitatem non dissoluit? Quomodo indigeba-
mus, vt Deus mortem subiret, si tantum precariò, & ex le-
gis

Chrysoſt.

Damaſc.

Ser. 4. de nat.
Nifi Deus ad
humana deſcēderet, nul-
la forma ſa-
piētiz homi-
nē à captiui-
tate diaboli
liberaret.

Ser. 5. de nat.

Ser. 1. de nat.

Lib. 13. c. 14.
de Trinit.
Diabolus iu-
ſtitia victus
eſt, non po-
tentia.

In ep. ad He.
Non poteta-
mus ſaluari,
niſi vnigeni-
tus Dei filius
p nobis mo-
reteretur.

gis præſcripto ſatiſfecit? Quomodo homo reſurgere non poterat, niſi qui cum finxerat, manum porrigeret, ſi quod per hominem conciderat, per filium ſuum inhumanatum integrè reſtituere nequibat? Quomodo Redemptorem *ἀναμαρτυρον* eſſe oportuit, ſi non ad iuſtitiz legem, ſed tantum ad legis iuſtitiam ab eo factum eſt ſatis? Similes de neceſſaria diuini Verbi incarnatione, copioſaque eiſdem ſatiſfactione ſententias, & apud Latinos quoque Scriptores comperias.

Leo huius nominis primus: Minus mirum eſt hominem ad diuina proficere, quam Deum ad humana deſcendere. Hoc autem niſi facere dignaretur omnipotens, nulla quinquam ſpes iuſtitiz, nulla forma ſapiētiz à captiuitate diaboli, & profundo æternæ mortis erueret. & infrà: Niſi Verbum Dei caro fieret, & habitaret in nobis, niſi in communionem creaturæ creator deſcenderet, regnaret mors ab Adam uſque in finem: & damnatio ſuper hominem inſolubilis permaneret. & alio ruruſum Sermone: Talis natiuitas decuit Dei virtutem & ſapiētiam Chriſtum, qua nobis, & humilitate congrueret, & diuinitate præcelleret. Niſi enim eſſet verus Deus, non adferret remedium: niſi eſſet verus homo, non præberet exemplum.

Augustinus: Quæ eſt igitur iuſtitia qua victus eſt diabolus? Quæ niſi iuſtitia Ieſu Chriſti? & infrà: Nunquid iſto iure diabolus vinceretur, ſi potentia Chriſtus cum illo agere, non iuſtitia voluiſſet? Sed poſtpoſuit quod potuit, vt prius ageret quod oportuit. Ideo autem illum eſſe opus erat, & hominem, & Deum. Niſi enim homo eſſet, non poterat occidi: Niſi & Deus, non crederetur noluiſſe quod potuit, ſed non poſuiſſe quod voluit.

Ambroſius: Tantum fuit peccatum noſtrum, vt ſaluari non poſſemus, niſi vnigenitus Dei filius pro nobis moreretur debitoribus mortis. Sed ſic dignos fecit Teſtamenti & promiſſæ hæreditatis. & alio ruruſum loco idem:

In epist. ad
Roma.

Decreuerat Deus propter primum peccatum non intromittere hominem in paradysum, nisi in vno homine tanta existeret humilitas, quæ omnibus suis proficere posset: sicut in primo homine tâta fuit superbia, quæ omnibus suis nocuit. Non est autem inuētus inter homines aliquis, quo id posset impleri, nisi leo de tribu Iuda, qui aperuit librum, & soluit signacula eius: implendo in se omnem iustitiam, hoc est, consummatissimam humilitatem, qua maior esse nō posset: Nam omnes alij homines debitores erant, & vix vnicuique sua sufficebat virtus & humilitas.

Lib. Cur De-
us hom.

Anselmus: Nihil est quod super omne sit, quod Deus non est, nisi Deus. B. Verum est. A. Non ergo potest hanc satisfactionem facere nisi Deus. B. Sic sequitur. A. At nec facere illam debet, nisi homo. B. Non videtur aliquid iustus. A. Si ergo, sicut constat, necesse est vt de hominibus perficiatur illa suprema ciuitas, nec hoc fieri potest, nisi fiat prædicta satisfactio, quam, nec potest facere nisi Deus, nec debet nisi homo, necesse est vt faciat illam Deus homo.

Plenè pro ho-
mine satisfac-
turi, Deum
& hominem
esse oportuit.

Et hi quoque, & alij præterea quàm plurimi, quos breuitatis studio missos hic facimus, purum hominem pro mortalium omnium peccatis satisfacere potuisse disertè negant.

Si Christus
iuste non sa-
tisfecit, nihil
præstitit, qd
purus homo
præstare non
potuit.

Atqui si Christus Dominus secundum exactam iustitiæ rationem patri non satisfacit, neque satisfacere potuit: nihil profectò obstat, quò minùs alius, qui Deus non esset, id præstaret, quod ipse præstitit.

Si Christus ad
exactam iustitiæ
rationem nō
satisfecit, ho-
mo vel Ange-
lus æquè co-
piosam vel e-
tiam copiosi-
orem satisfac-
tionē adfer-
re potuit, ac
attulit Chri-
stus.

Imò verò si Christus Redemptor noster debito contracto par non reddidit, neque vltima conatus par, vt isti dicunt, reddere valuit; sed id tantum, quod secundum paternæ legis præscriptum redditum oportuit: consequens sit hominem vel Angelum non solum æquè perfectè ac copiosè, atque Verbum ipsum in carne satisfacere potuisse, sed illo ipso quoque Verbo aliquanto perfectiùs & cumlatiùs. Nam cum Deus homo, vt istis placet, neque per singula seorsum, quæ vel operatus est nostri causâ, vel eadem de causa perpeffus est: neque

neque per omnia simul aliquid dependit, quod in meriti, vel satisfactionis ratione esset infinitum: sed quicquid dependit, aut quouis modo dependere potuit, id totum, & in genere rei, & in genere satisfactionis, & in genere meriti fuit finitum, & limitatum: & omni finito dependi possit aliquid maius: licuit sanè præpotenti Deo, potētia saltem absoluta, gratiam vsq; ad eò excellentem alicui homini, vel Angelo impertiri, vt & maioris meriti, & maioris quoque satisfactionis officia ederet, quàm edidit filius Dei. Sed quis hæc tā absurda, salua Christiana pietate, concedere audeat, aut assuerare quoque non horreat?

Potentia absoluta Deus maiore gratiam conferre ponit homini vel Angelo, quàm consulit Christo.

Quod si nulli omnino creatæ naturæ tantum gratiæ præsidium conferri posse contendant, quantum Christo collatum credimus: atque ideo id, quod sumebatur, inficias eant: certè cum ratione inficiari non possunt quin, vel tertia, vel decima, vel centesima, vel millesima tantę illius gratiæ portio vni alicui homini, vel Angelo potuerit infundi. Hoc autem posito, consequens mox fiet tres, aut sex, aut decem, aut centum, aut mille homines, vel Angelos, par cum Christo satisfactionis pondus, aut etiam maius in medium adferre potuisse. Sic quoque (nisi quis fortè studio proteruire velit) negari non potest, quin Deus Opt. Max. si suæ imperferutabili sapientiæ ita visum fuisset, opus hominis communibus Christi operibus impar, hoc est, minori ex charitate ac spiritus seruire natum, quàm erant ea, quæ ex eiusdem Christi Redemptoris voluntate prodibant, in omnium cūm hominum tum demonum quoque salutem, pro sua infinita potentia & misericordia admittere potuerit. Hoc autem dato, sicut ex assignata hypothesi dari necessum est, efficietur vt puri hominis meritum vel satisfactio, Christi meritum & satisfactionem multis partibus excedant: vt quæ iam non in hominum tantum salutem sese extendant, verum etiam in tartareorum spirituum liberationem. Atqui omnia hæc mera sunt paradoxa, iam olim, vt absurda, maiestate quæ Christi prorsus indigna, ex sobrijs Catho-

Negari cum ratione non potest quin. Deus tantam gratiam conferre potuerit pluribus hominibus vel Angelis, quàm consulit vni Christo.

Ponit Deus communis hominis opus in omniū hominum & demonum salutem admittere.

licorum Scholis meritò explosa. Patet ergo ex prima hac argumentatione Christum Dominum par debito contracto precium dependisse.

Christum Redemptorem nostrum integrè pro omnibus mortalium omnium peccatis fecisse satis, ex integræ satisfactionis conditionibus, alijsque Scholæ rationibus, & argumentis in eundem scopum collimantibus demonstratur.

CAPVT OCTAVVM.

Quatuor perfectæ satisfactionis partes.

Deo ad iustū satisfactorius, & iustus sit, & integræ satisfactionis causa existat, & ex proprio satisfaciatur, & aliās indebitum soluat, oportet.



Diximus huic rationi, quæ præpotens est, adde, si lubet, communi Theologorum sententia, Satisfactionem numeris omnibus & partibus perfectam quatuor duntaxat conditiones, vel qualitates deponere. Harum prima est, ut is, qui satisfacit, sit iustus. Nam etsi Deus iniustorum officia in solutionem, aut certè in aliquam solutionis partem admittere queat, & interdum fortè admittat, nulla tamen lege ad id obligatur. Altera est, ut satisfaciatur ex proprio, non ex alieno. Neque enim seruo aut œconomo ius est damnum, quod domino vel alteri cuicunque intulerat, ex herilibus facultatibus resarcire. Tertia est, ut integræ satisfactionis causa existat. Nam etsi verè & integrè satisfaciatur, qui totum illud exoluit, quod creditori debebat: attamen si, vel ipse creditor, vel alius cuius æris soluti partem gratis donet, citra quam gratiam vel cōdonationem aliās plenè satisfacere non potuisset, profectò eiusmodi debitor non potest integræ satisfactionis causa verè dici, sed tantum partialis: iuuat enim alter, qui precij partem contulit. Quarta & postrema est, ut, quod satisfactionis nomine persoluit, nullo id alio titulo creditori debeat. Nam qui id numerant, quod alio alioqui titulo vel nomine debebant, non tam à contracti debiti vinculo sese liberant, quàm debi-

biti modum, vel qualitatem demutant. Hęc autem omnia & singula absolutissima ratione comperiuntur in eo. satisfacti-
onis genere, de quo hīc differimus.

Primò nanque, qui satisfaciebat, sanctissimus, Deoque, cui
satisfaciebat, gratissimus erat : vt pote omni gratia, scientia,
veritate, & diuinitate plenus. Verbum, inquit Ioannes, caro fa-
ctum est, & habitauit in nobis, & vidimus gloriā eius, glori-
am quasi vnigeniti à patre, plenum gratiæ & veritatis. & Pau-
lus : In ipso inhabitat omnis plenitudo diuinitatis corporali-
ter. & coelestis pater : Hic est filius meus dilectus, in quo mihi
complacui.

Christus sa-
tisfaciens
erat iustus, ac
Deo præ o-
mnibus gra-
tus.

Ioan. 1.

Colos. 2.

Matth. 3. 17.

cc

Mox quod in conflati debiti solutionem dependebat, non
ex alieno dependebat, sed ex proprio : Siquidem gratia, qua
satisfaciebat, non erat ipsi aduentitia, vt creaturæ solet, sed
ob singularem illam naturarum inter se vnionem, & *ἰδιωματὶν*
κοινωνίαν, erat ipsi propria : Vnde & naturalis ipsi extitisse dici-
tur. Et quidem verè & propriè id dicitur : non ob id solum,
quòd à natiuitate, vel ab ipso conceptionis momento hoc
habuerit humana natura, vt singularis gratiæ dono secun-
dum animam præ omnibus alijs ornata esset : Verum ob id
maximè, quòd à persona vel natura diuina tanquam à prin-
cipio ipsi Christo penitus interno in naturam humanam
dimanaret. Erat sanè natura, vnde vis illa dimanabat, tri-
bus diuinis hypostasibus communis : attamen vt ipsa natu-
ræ acceptio non constituit filium debitorem, (accepit
enim illam non precariò tanquam alienam, sed naturali-
ter ac necessariò tanquam propriam, sibi vè debitam : vn-
de & ex proprio operari dicitur) ita nec gratia quoque, quę
ex eiusmodi communi natura profluit, alteri ipsum obno-
xium reddit, ita vt verè dici possit illum eiusmodi gratiæ
præsidium ab altero mutuari, & non ex proprio, vel à seipso
petere.

Gratia Chri-
sto naturalis
& propria, nō
aduentitia.

Gratia Chri-
sto duplici de
causa natu-
ralis.

Tertiò Seruator noster non erat satisfactoriæ actionis cau-
sa ex parte, sed integra simpliciter. Nam cum satisfactoriæ
actionis,

Christo sto-
talis satisfa-
ctionis causa.

Duo merito-
riæ actionis
principia, gra-
tia, & liberū
arbitrium.

actionis, sicut & meritorie quoque, dux assignari solent cau-
se, vel duo principia : videlicet liberum arbitrium, & gratia,
vel Spiritus sanctus per gratiam mentem excitans : hæc utra-
que in Christo interna extitit. Quandoquidem cum vnus
idemque simul esset Deus, vnus eiusdemque essentia & po-
tentia cum Patre & Spiritu sancto, & simul nihilominus ve-
rus esset homo mente & libero arbitrio præditus, fiebat, ut
quicquid is in satisfactionem adferret, id totum integrè, & in
solidum ex seipso, & quasi ex proprio peculio adferret.

Quicquid per-
soluebat Chri-
stus, id totū
tanquam in-
debitum per-
soluebat.

Tandem quicquid idem persoluebat, hoc totum tanquam
indebitum persoluebat. Nec enim vllum omnino debitum,
aut vlla omnino iustitiæ ratio Christum vrgebat, ut id depen-
deret, quod in morte dependit. Peccatum enim nullum omni-
no designauerat, propter quod tam dira, & tam immania sup-
plicia expenderet. Pro beneficijs autem in humanam natu-
ram, quam assumpserat, imò verò in vniuersam mortalium
naturam collatis, citra mortem, tantorumque sudorum ex-
antlationem, & cruciatuum perpeffionem abundè satisfacere,
vel gratias agere poterat : tum quia singule illius actiones
propter summam illam persone, quæ satisfaciebat, vel gratias
agebat, excellentiam infinitam quandam vim & energiā for-
tiebantur : tum maximè, quia pro eiusmodi beneficijs nihil
quicquam debebat ex diuino præcepto, sed si quid hæc debebat,
hoc solum debebat ex morali quadam gratitudine : Atque ita
mors, & quæ illam antecesserunt, quod ad illum quidem attri-
nebat, erant simpliciter indebita, & per consequens poterant
alteri secundum totam suam vim, & meritoria, & satisfacto-
ria quoque esse.

Singule Chri-
sti actiones in
ratione me-
riti infinitæ.

Sed ponamus officia illa fuisse debita, & conflata debita in
partem quoque infinita : (Nam inter cætera & vnionis gratia,
hoc est, esse personale Verbi humanæ naturæ communica-
tum continebatur quoque) adhuc citra vllam mortem, aut
vllum omnino cruciatum pro se satisfacere potuisset. Nec
enim Verbum incarnatum plus debebat, quàm acceperat, vel
quàm

quàm ipsummet secundùm se totum erat. Offerendo itaque se totum ad patris beneplacitum, totum vtique quod debebat in solidum exoluisset. Nihil enim maius, nihil melius acceperat seipso toto. Christus itaque non precariam aut imperfectam, sed plenam perfectamque satisfactionem æterno patri exhibuit.

Quin & alia quoque ratione probari id potest. Nam si filius Dei homo pro homine factus & mortuus secundùm impenſi operis dignitatem, vel rei equalitatem pro sceleribus nostris non satisfecit, neque satisfacere potuit, sed tantùm secundùm legem à patre præfinitam: sequitur id vnum tantùm in satisfactionis rationem dependiſſe, quod iuxta factam virium eiusdem æſtimationem, & debebatur abſolutè, & à creditore depoſcebatur ſimpliciter, & nihil quicquam amplius. Iam ſi hoc verum eſt, falſum erit vulgatiffimum illud, & apud omnes receptiſſimũ axiomã, quo cõſtanter aſſeritur, quodq; fideliter quoq; creditur, Chriſti merita non pro hoc tantùm mundo ſat eſſe potuiſſe, ſed pro alijs quoq; innumeris, ſi in numeri extarent, vel alicubi extare poſſent. Nam ſi per ſe abſolutè pro vno hoc mundo verè & propriè ſat non ſunt, quomodo pro infinitis mundis ſat erunt?

Sed & vanum quoque & commentitiũ videri poterit, quod de Eccleſiæ theſauro prædicatur, & certa fide in vniuerſa Eccleſia tenetur. Nam ſi incarnati Verbi ſatisfactio non eſt exundans, multò minùs diuorũ ſatisfactiones exundantes erunt. Atque ita nihil ſuppetet Eccleſiæ, vnde vt pia mater filiorum ſuorum inopiam per modum condonationis ſubleuare interdum valeat. Et per conſequens Indulgentiarum vſus per ſe, nec vtilis erit Chriſti fidelibus, nec ſalutaris. Quod etſi Sæcis adſcripti vltro concedant, Catholica tamen fide ſalua concedi omnino non poteſt: Conſtat enim poteſtatem condonandi peccata à Chriſto Eccleſiæ cõceſſam eſſe, ipſamque eius modi poteſtate diuinitùs ſibi tradita iam inde ab initio ſemper vſam eſſe, & quidem ſalubriter vſam eſſe.

Qui totum, quod acceperat, integre reddit, integre ꝑ omni- bus acceptis ſatisfacit.

Non rectè ſaris dicitur & creditur, Chriſti merita pro innumeris mûdis ſat eſſe poſſuiſſe, ſi ne pro vno quodam ſecundũ iuſtitiz rigorem ſatis fu- erant.

Derogant In- dulgentiæ ſi dei, qui ſatis- factiois Chri- ſti iuſtitiam impugnant, vel negant.

Præterea certum, & apud omnes orthodoxè institutos indubitatum est, misericordiarum patrē æquē propensum promptumq; esse ad pēsandum opus aliquod, ex vera charitate perfectaque obedientia natum, atq; ad plēndum scelus quodcunque ex inobedientia legisve contēptione profectū. Quare paribus hinc inde gradibus assignatis, maius, aut certè non minus erit prēmium charitatis & obedientiæ, quàm supplicium contemtionis ac inobedientiæ. Quòd si obedientiæ vel charitatis gradus inobedientiæ vel desipientiæ gradibus ampliores intensiores ve extiterint, meritum charitatis & obedientiæ citra vllam controuersiam multis partibus excedet peccatum rebellionis & inobedientiæ. Siquidem meriti ac demeriti quantitas sequitur quantitatem & excellentiam principij. Eò nanque vnumquodque pietatis officium magis apud Deum est meritorium & satisfactorium, quò maiori illud ex charitate, & perfectiori obedientia fuerit natum: Sicut versa quoque vice eò vnumquodque peccatum & scelus cæteris exequatis censeri solet grauius & sceleratius, quò ex maiori legis contemtionem, acriori ve rebellandi studio dimanauerit. Atqui in nullo vnquam mortalium tanta comperta est animi rebellio, aut legis contemptio, quanta in Christo Redemptore obedientia & dilectio, cū quo ad affectum, tum etiam quo ad effectum, hoc est, non solum secundum internum feruorem, animæ ve contentionem, verum etiam secundum efficientiam, & opus ipsum externum.

Deus non ita seuerus est in plēndis peccatis, sicut liberalis est in remunerandis actibus studiosis.

Eò vnūquodque opus magis est meritorium, quò oritur fuerit ex maiori charitatis feruore: eò rursum vnumquodque peccatum grauius, quò ex maiori contemtionem fuerit natum.

Charitas Christi maxima, cū quo ad affectum, tum quo ad effectum.

Erat, inquam, charitas incarnati filij Dei, qua ille ob patris vnice dilecti honorem in generis nostri salutem ferebatur, secundum feruorem, internamque animi affectionem maxima: utpote tota voluntatis vi, totoque reliquarum virium nixu expressa; ac per vniuersum vitæ decursus eodem semper ardore, contentione, atque perfectione continuata. Nec enim incarnatum illud Dei Verbum mortalium salutem aliquando sitiebat ardentius, aliquando remissius, minusve ardens, sed

nun-

*Secundum efficien-
tiam opusq; exter-
num Christi
in nos dile-
ctio summa,*

nnquam non ardentissimè. At verò secundum efficientiam & opus ipsum externum Christi in genus nostrum dilectio & studium fuit tantum, quantum nulla cogitatione consequi possumus. Neque enim contentus is erat patibili carnis nostræ natura assumpta, communes vitæ huius misérias & calamitates nostri causa experiri, multisq; & magnis laboribus atque vigilijs delassari: tum varijs quoq; contumelijs affici, & iniurijs onerari: Verum omnem dilectionis modum longè prætergressus, ne nos inimici illius moreremur, aut in morte, quam iam incurreramus, perpetuò iaceremus, ipse immanissimo mortis genere è medio tolli, publicumq; pro nobis maledictum ac probrum fieri voluit.

Non inficiamur compertos esse quandoque, qui vitam fortunatq; omnes impendere maluerint, quàm fidem fallere, aut officium negligere, aut aliquid turpe in se admittere: Imò verò, qui reipublicæ, vel priuati amici causa mortem non dubitarent oppetere: Attamen vt omnes mortalium omnium vitæ in vnum consentur, constataq; ac simul omnes sumptæ in mundi precium impendantur, adhuc multò minus impenderur, quàm Christus salutis nostræ causa solus impendit. Vita nanque, quam is ex flagrantissimo charitatis ardore pro nobis ad mortem obtulit, ipsi rerum vniuersitati multis partibus præstabat. Erat enim vita veri Dei, hominisq; sanctissimi, & innocentissimi, nec non omnibus Spiritus sancti donis cumulativè locupletati.

*Vita Christi
mortalium
omnium vita
præstantior.*

Mitto hîc, qui, vel amici, vel officij, vel reipublicæ causa vitam contemnunt, vel impendunt, non tam vitam amittere, vel mortem oppetere, quàm aduentanti morti, quæ nunquam procùl abest, paululùm obuiam procedere, hoc est, aliquanto maturiùs, quàm à natura constitutum erat, vita defungi. Nam vt hac vel illa ciuili causa impulsu non morerentur, paulò post alia vel inuiti morituri erant, cum non essent immortales. At verò Christus, qui in infamem illam crucis mortem vltro propter nos sese

*Qui amici vel
officij causa
moriuntur, nò
tam moriuntur,
q; mori
paululùm obuiam
procedunt.*

Christus, si
voluisset, æ-
ternum vine-
re poterat.
Ioan. 10.

contradidit, æternum, si voluisset, vivere poterat. Ego, inquit, pono animam meam, & iterum sumo eam. Nemo tollit eam à me, sed ego pono eam à meipso. Potestatem enim habeo ponendi eam, & potestatem habeo iterum sumendi eam.

Omne depen-
dens & im-
perfectum pen-
det ab aliquo
perfecto &
independen-
te.

Addiderim hisce rationibus & argumentis & hoc quoque, nempe omne omnino dependens & imperfectum ab aliquo absolute perfecto & independente dependere solitum esse. Neque enim datur hîc progressio nullis circumscripta limitibus: alioqui enim nullum vnquam imperfectum perficeretur, aut aliunde dependens firmaretur. Cùm igitur nostra sa-

Nostra satis-
factio totum
suam robur &
vim mutua-
tur à Christi
satisfactione

tisfactio sit infirma, & debito contracto impar, omnemque, qua pollet, vim & robur à Christi satisfactione mutuetur, eademque tota quanta est vt fundamento inniratur: sit, vt vna hæc absolute perfecta, & independents censenda sit. Nam si huius quoque vis & energia, vel à divina acceptatione, vel ab alio quocunque principio externo dependet, nihil omnino erit causæ, cur nostram illi veluti basi incumbere tueri debeamus.

Aut nemo,
quod dici nõ
debet, aut
Christus con-
flatum à no-
bis debitum
ad exactam
iustitiæ rati-
onem dissol-
vere potuit.

Denique, aut nullus conflatum ab homine debitum ad exactam iustitiæ rationem dissolvere, gratiamq; & gloriam ex condigno nobis pmereri potuit, (id quod defendi non debet, neq; citra aliquam temeritatis notam defendi quoque potest. Quis enim credat plus apud Deum posse noxam, quàm gratiam? mortem, quàm vitam? prauam peruersam, vè voluntatem, quàm piam, rectam, ac sanctam?) aut Christus vtrunque excellenter potuit. Imò sola illius mors totum illud iustè promerebatur, quod nobis, vel in hac, vel in altera vita exoluendum erat. Tanti nanque erat mors illa, quanti erat vita, quæ per illam interinebatur. Ea autem, vt nuperrimè dicebamus, præcis erat infiniti, vtpote vita veri Dei.

Dignissimus
Christus, qui
exaudiretur,
quicquid tã-
dem peteret.

Quod si & morte, & ceteris omnibus, quæ fecit, vel passus est, seclusis, solam precum ac supplicationum, quas fundebat, iustitiam & energiam spectes, nullum, neque in cœlo, neque in terra, neq; infra terrâ, vno hoc, qui exaudiretur, digniorem com-

comperias. Erat enim ille innocens, impollutus, à peccatoribus segregatus, maiestate cœlis altior: humilitate, singulariq; animi submissione inferno profundior: charitatis ardore mari terraque diffusior. Sed nec quicquam omnium, aut expeti-
Nihil peti potuit honestius, nihil eodem iustius eo, quod efflagitabat Christus.
 potuit honestius, aut concedi iustius, atque illud, quod ille as-
Cuiusmodi extiterint Christi vota, qualiaq; potere solitus erat.
 sidua animi contentio ne vrgebat, ardentibusque votis vsque expetebat. Neque is enim efflagitabat mundi gloriam, aut opum copiam, aut vulgi fauorem, aut inimicorum vindictam, aut aliquid aliud eiusmodi: sed paterni honoris & nominis amplificationem, maiestatisque ac potentie eiusdem notitiam & venerationem, ac nostram tandem cum Deo pacem, & reconciliationem. Vnde etiam in diebus carnis sue preces, & supplicationes offerens pro sua reuerentia exauditus traditur. Constat hinc ergo, & nisi vehementer fallimur, euidenter & clarè constat, Christum Deum, ac Dominum nostrum non solum sufficienter pro omnium sceleribus fecisse satis, verum etiam copiosè & affluenter. Extat namq; apud ipsum non quæuis misericordia, aut propitiatio, aut redemptio, sed copiosa,
Psal. 129.
 & plena, & cumulata, & superabundans.

Eadem illa copiosa Christi Seruatoris redemptio, meritorumque eiusdem magnitudo graui quorundam Patrum auctoritate demoustratur, & confirmatur.

CAPVT NONVM.

Poterant sanè hæ rationes, ceteraque, quæ ex mutua vtriusque parëtis inter se comparatione petuntur, & iam antè allegatæ sunt, lectori non omnino moroso sat esse. Verum quòd sententiam hanc pio Christianoq; pectore apprimè dignam, omnibus persuasum vehementer cupiam: alteram verò huic oppositam omnino explosam, æternæque obliuioni consecratam, Patrum sententijs,

Explodenda sententia, quæ Christi satisfactionem con tracto debito imparè fuisse propugnant.

Sanctorumque testimonijs, quibus suprà demonstratum est, vt homo in integrum restitueretur, oportuisse Deum hominem fieri, pati item, ac mori, ac tertio demùm die ex mortuis exuscitari: paucas quasdam alias, quę de Dominicę satisfactionis plenitudine, & perfectione ex instituto agant, adijcere hoc loco visum est.

Lib. de Verb.
Incar.

Athanasius: Cùm certum haberet Verbum Dei, corruptionem non aliter desitutam esse in hominibus, nisi omnes morerentur, & se mortis capax non esse, ideo corpus, quod mori posset, assumpsit: vt illud rationis particeps effectum, & pro omnibus morti traditũ, ad plenã satisfactionẽ pro omnibus sufficeret. Obserua hic Christũ Redemptorẽ non ad quamlibet, aut precariam satisfactionem mortem degustasse, sed ad plenam. At quomodo plena est, si perfecta non est? aut quomodo perfecta est, si contracti debiti quantitati par non est?

Corpus Christi
stipre omnibus
morti traditum
ad plenam
satisfactionẽ
sacerat

Ser. de Christi
natiuit.

Cyrillus: Obtulit semetipsum immaculatum sacrificium Deo, & patri in odorem suauitatis. Ingens pro vita nostra precium, vtpote proprium sanguinem impendit. Vnus hic nanque cunctis præstabat. Imò vniuersam creaturã multis partibus excelebat, & alio rursus loco: Quo pacto autem vnus pro omnibus mortuus iustum pro omnibus precium exoluere potuit, si perpeffionem illam puri cuiuspiam hominis fuisse dicamus? Quòd si verò Verbum secundum humanam naturam passum proprię carnis perpeffiones quas proprias in se transtulit, sibi quę vendicauit, tunc demum vnus mortem secundum carnem omnium hominum vitę præpoderasse rectissimè asserimus. His nihil clariùs dici potest: disertè enim asserit vnus mortem secundum carnem omnium vitę præpoderasse: tum precium pro vita nostra depensum vniuersę creaturę valorẽ multis partibus excelluisse.

Christi sanguis
vniuersę
sanę creaturę
multis partibus
excelebat.

Orat. cont.
Nestor.

Vnius mors
secundum carnem
omnium
hominum vitę
præponderat.

Orat. de Christi
natiuit.

Proclus Episcopus Cyzicenus: Alterutrum necessum erat, aut vt omnes propter condemnationem præcipites abirent in mortem, omnes enim peccauerant: aut certè vt eiusmodi precium in solutionem dependeretur, quod exactum,

con-

contractumque debitum ad iustitiæ amissim exæquaret. At qui homo, quod peccati debito subiaceret, saluare non poterat: Angelus verò, quod tanto redemptionis precio destitueretur, humanum genus redimere nequibat. Supererat ergo vt ille pro omnium peccatis moreretur, qui nulli peccato obnoxius erat: atque vnica hæc restabat mali solutio. & paucis interiectis rursus: Eiusmodi nullus vnquam fuit, nec est, nec erit, nisi vnus ille, & solus ille, qui secundum diuinam dispensationem ex virgine natus Deus simul & homo est. Nec enim eam solùm vim obtinet, quæ redimendæ culpæ obnoxiorum multitudini par sit, sed eiusmodi, quæ multis modis excedat. Hæc de profusa Christi satisfactione Proclus Cyzicorum Antistes.

Solus Christus ad iustitiæ amissim satisfacere poterat: quia solus Deus & homo peccati expers erat

Basilii Magni: Quid potest inuenire homo tantum, vt det pro redemptione animæ suæ? Sed inuentum est vnū omnibus simul comparandum, quod datum est in precium redemptionis animarum nostrarum: nimirum sanctus & preciosus sanguis Domini nostri Iesu Christi, quem pro omnibus nobis effudit. Quapropter etiam magno precio redepti sumus. At quomodo vnū omnibus simul sumptis ritè comparari potest: si vnū illud non omnibus par, aut etiā maius est? Nam si vnum illud omnibus minus extitit, neutiquā tanta illa impensa opus fuit. Minus enim, non solùm in Angelo comperiri potuit, verùm etiam in homine.

Hom. 13. in psal. 48.

Sanguis Christi cum omnibus debitis nostris comparari potest.

Clemens eius appellationis sextus: Vnigenitus Dei filius de sinu patris in vterum dignatus est descendere matris, in qua & ex qua nostræ mortalitatis substantiam diuinitati suæ, in suppositi vnitate, ineffabili vnione coniunxit: id quod fuit permanens, & quod non erat assumens: vt haberet, vnde hominem lapsum redimeret, & pro eo satisfaceret Deo patri, & infrà: Non corruptibilibus auro & argento, sed suis ipsius agni incontaminati & immaculati precioso sanguine, nos redemit: quem in ara crucis innocens immolatus, non guttam sanguinis modicam, quæ tamen propter vnionem ad Verbum

c. Vnigenitus in extrauag. De poenit. & remiss.

1. Pet. 3.

Vna sanguinis Christi gutta ad totius humani generis redemptionem faceret.

Verbum pro redemptione totius humani generis suffecisset, sed copiosè velut quoddam profluuium noscitur effudisse, ita vt à planta pedis, vsque ad verticem capitis, nulla sanitas inueniretur in ipso. Et ne tanta illa sanguinis vis nullo fructu, aut temere profusa videri queat, subdit:

Ecclesie thesaurus ex te-
duntantibus
Christi meri-
tis constat.

Luc. 19.

Merita Christi
sunt infinita.

Quantum ergo exinde, vt nec superuacua, inanis, aut superflua tantę effusionis misratio redderetur, thesaurum militanti Ecclesie acquisiuit, volens suis filiis thesaurizare pius pater, vt sic sit infinitus thesaurus hominibus. Quem quidem thesaurum non in sudario repositum, non in agro absconditum, sed per beatum Petrum cœli clauigerym, eiusque successores, suos in terris vicarios commisit fidelibus salubriter dispensandum: Ex proprijs & rationabilibus causis, nunc pro totali, nunc pro partiali remissione pœnæ temporalis, pro peccatis debitæ, tam generaliter, quàm specialiter verè pœnitentibus & confessis misericorditer applicandum. & paucis interiectis: De cuius thesauri consumptione aut imminutione non est aliquatenus formidandũ, tam propter infinita Christi (vt prædictum est) merita, quàm pro eo, quod quanto plures ex eius applicatione trahuntur ad iustitiam, tanto magis accrescit ipsorum cumulus meritorum.

Nō ob aliquā
pactionē, aut
patris acceptationē, sed
ob personę pa-
cientis digni-
tatem Christi
sanguis infi-
nitę virtutis
erat.

En solidum veniarum Ecclesiasticarum fundamentum: En luculentum assertę veritatis testimonium. Definatur hîc enim claris disertisque verbis, vnicam duntaxat Dominici sanguinis guttam, non ob aliquam pactionem, aut gratuitam patris acceptationem, aut aliam quamcunq; causam externam, sed ob admirabilem illam humanę naturę cum Dei Verbo coniunctionem, in totius mundi redemptionem sufficere potuisset. Tum meritorum Christi thesaurum non esse angustum, exiguis' ve cancellis circumscriptum, sed infinitum, modisque omnibus inexhaustum. ait enim: Quantumcunque indè hauriatur, ob sui infinitatem exhauriri nūquam posse. quæ omnia vanè planeq; præposterè dicerentur, si redemptionis nostrę

λύτρον secundum se, vt isti dicunt, finitum esset. Tum demum

Christi

Christi meritum non solum per Sacramenta, sed extra Sacramenta quoque fidelibus communicatum efficax esse. Atque vnum hoc solum Sedis Apostolicę oraculum ad dirimendam hanc litem sat esse poterat. Nec enim hæc obiter, & quasi per transennam inter aliud agendum attinguntur, sed ex instituto definiuntur, & ex cathedra pronunciantur. Scopus enim Pontificis fuit vtrunque planum facere, nempe Indulgentias Christi fidelibus viles, ac salutares esse: easdemque non vulgari, sed validissimo solidissimoque fundamento niti, puta in exhausto infinitorum meritorum Christi thesauro: disputat ibi enim de plenaria illa Indulgentia, vel remissione, quę anno Iubileo concedi solet.

Anselmus: B. Si omne bonum tam bonum est, quàm mala est eius destructio, plùs incomparabiliter est bonum, (esse, vel vita Christi) quàm sint ea peccata mala, quę sine existimatione superat eius interemptio. A. Verum dicis. Cogita etiam quia peccata tantum sunt odibilia, quantum sunt mala: & vita ista tantum amabilis, quantum est bona. Inde sequitur, quia vita hæc plùs est amabilis, quàm peccata odibilia. & addit: Putas ne tantum bonum, tam amabile posse sufficere ad tollendum, quod debetur pro peccatis totius mundi? B. Imò potest plus, quàm infinitum. A. Vide ergo quomodo vita hæc vincat omnia mundi peccata, si pro illis detur. His Anselmianis an de plenitudine satisfactionis Christi clariùs aliquid dici possit, non video.

Lib. 2. Cur Deus homo.

Vita Christi bonitas infinitum excedit malitiam omnium peccatorum.

Thomas Aquinas: Vita corporalis Christi habebat quandam infinitum valorem ex coniuncta diuinitate, in quantum non erat vita puri hominis, sed Dei & hominis. Et ideo potuit esse sufficiens recompensatio vitę spiritualis, & præcipuè ratione eximie charitatis, ex qua offerebatur. & alio rursum loco idem: Ille propriè satisfacit pro offensa, qui exhibet offenso id, quod æquè vel magis diligit, quàm oderat offensam. Christus autem ex charitate & obedientia patiēdo, maius aliquid Deo exhibuit, quàm exigeret compensatio totius offensę humani

1. d. 10. 3.

Vita Christi ex coniuncta diuinitate habebat infinitum valorem.

3. p. q. 48. 2.

generis: Primò quidem propter magnitudinem charitatis, ex qua patiebatur. Secundò, propter dignitatem suæ vitæ, quam pro satisfactione ponebat, quæ erat vita Dei & hominis. Tertiò, propter generalitatem, & magnitudinem doloris assumpti. Et ideo passio Christi non solum sufficiens fuit, sed etiam superabundans pro peccatis humani generis, secundum illud Ioannis: Ipse est propitiatio pro peccatis nostris, non pro nostris autem tantum, sed etiam pro totius mundi.

Passio Christi pro humani generis peccatis non solum sufficiens fuit, sed superabundans.

In Breuiolo. p. 4. cap. 7.

In Christo fuit omnis meriti perfectio & plenitudo.

Bonauentura: De Christi merito sentiendum est, in ipso fuisse omnem meriti perfectionem, & plenitudinem. Primò, quantum ad eum, qui merebatur, quia non tantum fuit homo, verum etiam Deus. Secundò, quantum ad tempus, in quo merebatur, quia ab instanti conceptionis suæ usque ad horam mortis. Tertiò, quantum ad id, per quod merebatur, quia per perfectissimum habitum charitatis, & perfectissimum exercitium virtutis, in orando, in agendo, in patiando. Quartò, quantum ad eum, cui merebatur, quia non tantum sibi, verum etiam nobis: imò omnibus iustis. Quintò, quantum ad illud, quod merebatur nobis, quia non tantum gloriam, verum etiam gratiam, & veniam: & non tantum gloriam spiritus, sed etiam stolam carnis, & apertionem ianuæ coelestis. Sextò, quantum ad id, quod sibi merebatur: quia licet sibi non mereretur glorificationem mentis, quam iam habebat, merebatur tamen glorificationem corporis, & accelerationem resurrectionis, & clarificationem sui nominis, & dignitatem iudiciariæ potestatis. Septimò, quantum ad modum, quo merebatur. Cum enim tripliciter dicatur aliquis mereri: vel de indebito faciendo debitum, vel de debito faciendo magis debitum, vel de debito vno modo faciēdo debitum alio modo: omnibus istis modis meruit nobis, tertio autem modo tantum sibi. Hæc illi, qui propter eximiam vitæ sanctimoniam, singularemque eruditionem, inter Scholæ Theologos principem locum facile obtinent. Cæteros iuniores, quod plerique omnes horum sententiæ subscribant, lubenter missos hinc facimus.

Trifarij conringit aliquem aliquid mereri.

facimus. Subscribit eidem & Romana Catechesis quoque ex sacrosanctæ Synodi Tridentinæ decreto superioribus annis edita.

Prima, inquit illa, & præstantissima satisfactio est illa, qua pro scelerum nostrorum ratione, etsi Deus summo iure nobiscum agere velit, quicquid à nobis debebatur, cumulâtè satisfactum est. Hæc verò eiusmodi esse dicitur, quæ Deum nobis propitium ac placatum reddidit: eamque vni Christo Domino nostro acceptam ferimus, qui in cruce precio pro peccatis nostris soluto, plenissimè Deo satisfecit. Neque enim vlla res creata tanti esse potuit, quæ nos tam graui debito liberaret, & paucis interiectis: Hæc igitur plena & cumulata satisfactio est, scelerum omnium rationi, quæ in hoc seculo commissæ sunt, pariter æqualiterque respondens, cuius pondere hominum actiones apud Deum plurimum valēt, & sine ea nulla prorsus æstimatione dignæ haberentur. Hęc de controuersia hæc Catechesis Romana, cuius autoritas etsi nō est tanta, quantæ Concilij generalis, est tamen non omnino parua.

Quicquid Deo à nobis debebatur, cumulâtè per Christum solum est. Christus in cruce plenissimè satisfecit.

Licuiſſet multò plures Patrum sententias in hunc locum allegare, sed censuimus pauca hæc in rem præsentem sat esse. Quòd si qui tamen sunt, qui plures desiderant, legant hi Origenem, Chrysostomum, Theophylactum, Euthymium, Theodoretum, Ambrosium, & alios præterea quàm plurimos sacrarum literarum interpretes ad caput quintum Epistolæ ad Romanos, & præcipuè ad illum locum, Non sicut delictum, ita & donum: Tum ad illud Hebræorum quinto rur-

Qui authores quorū loco de plena cumulataque Christi satisfactione agant.

sum, Ex auditus est pro sua reuerentia: Tum ad illud Psal-
mistæ demum, Apud Dominum misericordia,
& copiosa apud eum redemptio. & com-
periet permulta sententiam, quam
hîc defendimus, validè cor-
roborantia.

Christum Deum ac Dominum nostrum cumulatè id totum, quod debebatur, exoluisse, sacras quoque Scripturas non prorsus obscurè testatum facere.

CAPVT DECIMUM.



In rebus precipue cōtro-
uersis nō idē
omnibus sen-
sus, nec eadē
omnium ad
capeſſendum
verum prom-
ptitudo.

Scripturæ &
Patres fami-
liariùs agunt
de ipsa Satis-
factiōe secun-
dum se, quàm
de satisfacti-
onis modo.

Cap. 53.
Matt. 8.

Quæ hæcenus ex Patrum monumentis, hu-
manæque rationis thesauris in medium at-
tulimus, ea Christum Redemptorem no-
strum nō vulgari imperfectiōve modo pro
scelerum nostrorum ratione satisfecisse o-
stendunt, sed perfectissimo absolutissimo-
que: Atque ideo, si omnes eiusdem essent
animi, aut ad verum capeſſendum æquè parati, alijs firma-
mentis nullis opus hîc esset. At quia non desunt, qui Spiritus
sancti oraculis, Scripturæque testimonijs quanquam minùs
evidentibus, & magis mouentur, & faciliùs quoque persua-
duntur, quàm Scholæ argumentis, vel Patrum sententijs: non
erit ab instituta disputatione alienum, si ad propositam hîc
controversiam nonnihil lucis & authoritatis ex sacris quo-
que literis adiunxerimus. Agunt sanè Scripturæ, quemadmo-
dum & multi quoque Patres, & veteris Ecclesiæ doctores, de
ipsa Christi satisfactiōe secundum se familiariùs, q̃ de satisfac-
tiōis modo: Veruntamen ut ex ijs, quæ hoc loco subijcere
visum est, liquet, ipsi quoq; modū nō prorsus dissimulant.

» Eſaias: Vidimus eum despectum, nouissimum virorum, vi-
» rum dolorum, & scientem infirmitatem. Verè languores no-
» stros ipse tulit, & dolores nostros ipse portauit. Et nos reputa-
» uimus eum quasi leprosum, & percussum à Deo, & humili-
» tum. Ipse autem vulneratus est propter iniquitates nostras, at-
» tritus est propter scelera nostra. Disciplina pacis nostræ super
» eum: & liuore eius sanati sumus. Omnes nos quasi oues erra-
» uimus: & posuit Deus in eo iniquitatem omnium nostrum. Et
» Dominus voluit conterere eum in infirmitate. His cognata
sunt hæc Apostolorum principis:

Chri-

Christus, ait, passus est pro nobis, vobis relinquens exemplum, vt sequamini vestigia eius. Qui peccatum non fecit, nec inuentus est dolus in ore eius. Qui cum malediceretur, non maledicebat: cum pateretur, non comminabatur: tradebat autem iudicanti se iniuste. Qui peccata nostra pertulit in corpore suo super lignum, vt peccatis mortui iustitiæ viuamus: cuius liuore sanati sumus. & capite proximè præcedente: Non corruptibilibus auro vel argento redempti estis de vana vestra conuersatione paternæ traditionis, sed precio suo sanguine quasi agni immaculati Christi, & incontaminati. & hæc rursum discipuli dilecti:

Filioli mei, hæc scribo vobis, vt non peccetis. Sed & si quis peccauerit, aduocatam habemus apud patrem Iesum Christum iustum. Et ipse est propitiatio pro peccatis nostris, non pro nostris autem tantum, sed etiam pro totius mundi. & infra: Scitis quia ille apparuit, vt peccata nostra tolleret, & peccatum in eo non est. & alio item loco: Sanguis Iesu Christi filij eius emundat nos ab omni peccato. & in sua reuelatione: Dilexit nos, & à peccatis nostris lauit nos in sanguine suo. & in Euangelio: Ecce agnus Dei, ecce qui tollit peccata mundi. & hæc tandem Apostoli Pauli:

Vnus enim Deus, vnus & mediator Dei & hominum, homo Christus Iesus, qui dedit redemptionem semetipsum pro omnibus. & ad Hebræos: Christus assistens pontifex futurorum bonorum, per amplius & perfectius tabernaculum non manu factum, id est, non huius creationis, neque per sanguinem hircorum, aut vitulorum, sed per proprium sanguinem introiuit semel in sancta æterna redemptione inuenta. & ad Romanos: Omnes peccauerunt, & egent gratia Dei, iustificati gratis per gratiam ipsius, per redemptionem quæ est in Christo Iesu, quem proposuit Deus propitiatorem per fidem in sanguine ipsius, ad ostensionem iustitiæ suæ in hoc tempore. & infra:

Si cum inimici essemus, reconciliati sumus Deo per mortem

» tem filij eius : multò magis reconciliati, salui erimus in vita
 » ipsius. & paucis interiectis : Sed non sicut delictum, ita & do-
 » num. Si enim vnus delicto multi mortui sunt, multò magis
 » gratia Dei & donum, in gratia vnus hominis Iesu Christi in
 » plures abundauit. Et non sicut per vnum peccatum, ita & do-
 » num. Nam iudicium quidem ex vno in condemnationem,
 » gratia autem ex multis delictis in iustificationem. Si enim
 » vnus delicto mors regnauit per vnum, multò magis abun-
 » dantiam gratiæ & donationis & iustitiæ accipientes, in vita re-
 » gnabunt per vnum Iesum Christum. Et contentionem illam
 » inter Christum & Adamum absoluens, hæc subdit: Igitur sic-
 » ut per vnus delictum in omnes homines in condemnatio-
 » nem, sic & per vnus iustitiam in omnes homines in iustificati-
 » onem vitæ. Sicut enim per inobedientiam vnus hominis pec-
 » catores constituti sunt multi, ita & per vnus obedientiam iu-
 » sti constituentur multi. Lex autem subintravit, vt abundaret
 » delictum. Vbi autem abundauit delictum, ibi superabundauit
 » & gratia, vt sicut regnauit peccatum in mortem, ita & gratia
 » regnet per iustitiam in vitam æternam, per Iesum Christum
 » Dominum nostrum.

En quæ de iusta plenaque Christi satisfactione hucusque
 asserta sunt, ea cum diuinis Scripturis aded non pugnare, vt
 valida quoq; firmamenta inde colligant. Nam si vnigenitus
 Dei filius homo factus ad iustitiæ legem pro peccatis nostris
 non satisfecit, neque satisfacere potuit, vt isti dicunt: quomo-
 do, obsecro, pijsissimus pater, qui mortem non fecit, nec delecta-
 tur in pœnis mortaliū, vnicū gnatū suum tam diris modis pas-
 sus est concidi, vulnerari, cōspui, humiliari, atteri? An non sat
 erat posteaquam, quod debebatur, integrè exoluere non po-
 terat, vt istis placet, vti bona fide, promptoq; animo id præsta-
 ret, quod commodè præstare poterat, citra tantam, tamque
 immanem, ac indignam vexationem, excarnificationem, de-
 spectionem? Certè principes, ciuilesque magistratus, vades,
 vel obsoles alioqui insones, non ita excipere solent, etiam si
 aliās

Sap. i.
 Si Christus
 ad iustitiæ le-
 gem satisfa-
 cere non po-
 tuisset, cele-
 stis pater di-
 ros illos cru-
 ciatus ab eo
 nō exegisset.

aliàs seueriores extiterint. Quomodo rursum omnes ille languores, dolores, ac iniquitates nostras verè portauit, vt hic clarè asseritur, si integrè perfecteque eas non portauit? nec enim aliud est verè portare, hoc est, pœnas debitas in corpore suo luere, quàm integrè perfecteque luere. Sicut quoque aliud non est verè, quod debebatur, dissoluere, quàm integrè perfecteque dissoluere: nec aliud est verum aurum, aut verus homo, quàm perfectum aurum, aut perfectus homo.

Qui integrè non satisfaciunt, nec verè quoque satisfaciunt.

Quomodo cœlestis pater non mirus rerum estimator est, qui maioris facit nostram mortem, quàm filij sui vitam? aut contrà maioris nostram vitam, quàm filij sui mortem? tantamque vsq; ad eò nobilis, ac preciosi sanguinis profusionem? Sanè si vnâ duntaxat sanguinis guttam pro vniuerso debito ab homine contracto, incarnatum Dei Verbum dependisset, multum per omnem modum dependisset, & fortè tantum, vel eo etiam amplius, quâ tum erat totum illud, quod debebatur.

1. Pet. 1.

e. Vnigenitus extrauag.

Quanto ergo magis nunc totum illud integrè exoluit, cùm iam non vnâ aut alteram tantùm sanguinis guttulam dependit, sed omnes ad vltimam vsque: imò verò seipsum totum in sacrificium & holocaustum tradiderit? Si ergo his omnibus nondum factum est satis ad iustum, profectò, aut vita mortaliū estimator nimis magno, aut certè vita & sanguis Christi nimis paruo: eligant illi vtrum horum voluerint.

Si Christi sanguine pro peccatis nostris nondum plenè est satisfactum, aut Christi sanguis & mors ducitur nimis paruo, aut certè vita nostra estimator nimis magnò.

1. Ioan. 2.

Quomodo certa, vt Ioannes asserit, pro totius mundi peccatis propitiatio existit, si ne pro vno quidè homine ad exactam iustitiæ bilancem satisfecit, neque satisfacere potuit? Si quidem rationes, quibus illi euincere se credunt ad iustitiæ æqualitatem mundum redimere non potuisse, si quid probant, probant etiam ne vnum quidem hominem ad iustum simpliciter redimere, aut ex peccato liberare potuisse. Quomodo omnis peccati expers, & innocens per omnia apparuit, quò peccata nostra tolleret, si, vt quidam docèt, peccata nostra reuera non tollit, sed tantùm radit? aut si non æquo iustoque precio, sed congrui tantùm, à peccati & diaboli seruitute nos liberauit?

Si quid probant Antagonistarum rationes, probant Dei filium ne vnum quidè hominem ad iustitiam redimere potuisse.

1. Ioan. 3.
Ioan. 1.

Quo-

1 Ioan. 1.
Apot. 1.

Quomodo sanguis Iesu Christi ab omni peccato nos emundauit, aut suo nos sanguine abluit: si à peccatis non verè expiamur, aut emundamur, sed expiati tantum vel emundati censemur, cum intus interim eque ac antè immundi maneamus? aut si ipse Christi sanguis sua virtute, & merito nos non expiat, sed patris tantum acceptatio, gratuitaue eiusdem condonatio? Quomodo vnus ille Dei & hominum mediator, homo Christus Iesus, semetipsum pro omnibus in redemptionem dedit: si nullum ex omnibus iuste redemit, aut redimere valuit?

1 Tim. 1.
Frustra Christus pro omnibus redemptionem se dedit, si nullum iuste redemit
Heb. 9.

Quomodo non per hircorum, aut taurorum, sed per proprium sanguinem in *ἀρχαίον ἱερόν* illud tabernaculum ingressus, æternam redemptionem inuenit: si per se, aut ex se illam non inuenit, aut integrè non inuenit, sed ex minima tantum parte? Statuunt illi enim, quicquid Christus exoluit, aut quouis modo exoluere potuit, totum illud simpliciter finitum extitisse: Debitum autem conflatum simpliciter fuisse infinitum. Clarum est autem finitum omne minimam infiniti partem vix in se complecti: quippe cum inter hoc & illud nulla vera ac propria intercedat proportio. Certè Apostolus non ita abiectione de Christi sanguine sentit, & loquitur, sed planè heroicè, ac magnificè. Si, inquit ille, sanguis hircorum, & taurorum, & cinis vitulæ aspersus, inquinatos sanctificat ad emundationem carnis, quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortis, ad seruandum Deo viuenti? quasi dicat, nullæ animorum sordes sunt tantæ, nulla scelera tam nefaria, quæ preciosus ille sanguis integrè ac purè expiare & abolere non queat.

Nullæ sordes, nulla scelera tanta, quas vel quis preciosus Christi sanguis integrè expiare & abolere nõ queat.
Rom. 1.

Quomodo Deus Christum in sanguine suo propitiatorem proposuit ad ostensionem iustitiæ suæ, si per sanguinem illum ne minima quidem parte suæ iustitiæ factum est satis? Quomodo Deo per mortem filij sui verè reconciliati sumus, si mors illius non fuit vera & propria illius reconciliationis causa, sed causa

Rom. 5.

causa tantum sine qua non : Quia videlicet Deus Opt. Max. hoc medio ad salutem nostram vti voluit, non quod sufficiens, aut per se idoneum esset, sed quod præceteris illud placeret? Quomodo tandem maius est donum, quàm delictum, aut vberior gratia, quàm culpa, si illud ipsum donum, vel illa ipsa gratia culpam non exæquat, sed multis partibus infra illā existit? Cùm ergo omnia hæc sint absurda, maiestateque, & charitate, qua erga nos vsus est filius Dei, prorsus indigna: simpliciter statuendum, publiceque prædicandū est, Christum Deum ac Dominum nostrū, non manca, aut mutila, aut imperfecta mensura pro scelerum nostrorum ratione fecisse satis, sed conferta, sed coagitata, sed supereffluente, vt est in Euangelio.

Rom. 5.
Antagonista-
rum scotētia
multa absur-
da, maiesta-
teque & cha-
ritate Christi
indigna, in-
cludit.

Luc. 6.

*Quæ contra confertam illam cumulatamque Christi Domini satisfactio-
nem ab Antagonistis adferuntur, ea, quæ enixè illi obtinere con-
tendunt, valide non obtinere.*

CAPVT VNDECIMVM.

Primum ac præcipuum Antagonistarum argumentum.

QUæ de absolutè iustā Christi Domini nostri satisfactione exposita sunt hætenus, ea illustriora euadent, si illorum rationes & firmamenta proposuerimus, propositaque refutauerimus, qui Christum Seruatorem nostrum non tam ad rei æqualitatem pro peccatis nostris satisfecisse arbitrantur, quàm secundum legis iusticiam, liberalem vè æterni patris acceptionem. Et primò quidem eiusmodi argumentationem instituere solent: Finitum & infinitum, neque inter se reciprocant, neque se mutuò exæquant, neque inter se reciprocant, aut se inuicè exæquare vllō modo possunt: Atqui peccatum simpliciter est infinitum, meritum autem & satisfactio Christi simpliciter sunt finita, suisque limitibus circumscrip-
ta. Christus itaque non ex condigno promeritus est nobis gratiam, aut

Antagonista-
rum arg. De-
bitum infini-
tum, redem-
ptiois nostræ
pretium fini-
tum, non er-
go iustum.

gloriam, aut peccatorum remissionem, aut aliud quodeunque, eiusmodi, sed tantum ex congruo: hoc est, non ex æqualitate rei impetræ, sed tantum ex gratiosa Dei Opt. Max. acceptatione.

Quod autem quoduis mortiferum peccatum (nam de venialibus hic non disceptamus) simpliciter sit infinitum, hoc est, non solum obiectiue, & extrinseca quadam ratione, ex eo nimirum, quod infinitè bono, infinitèq; potenti ac sapienti aduersum existat; verum etiã secundum se, ac intrinsecè, id ex tribus vteunque, perspicui colligiq; potest: nempe ex pœna, quã iuste pmeretur, & qua iuste quoque, nisi per pœnitentiã aboleatur, apud inferos multatur: tũ rursus ex dāno, quod suo auctori conciliatur: tum demũ ex malo, quod vitę auctori, si quod malũ in illum caderet, inferre natum est. Cõstat namq; vnumquodq; capitale flagitium infinita pœna secundum se dignũ esse. Infinita autem non tantum secundum morã vel extensionem, verum etiam,

Mortiferi peccati infinitatẽ ex tribus colligunt Anagnostæ: nimirũ ex pœna, qua plectitur: ex dāno, quod auctori suo adfert: & ex detrimento, quod Deo inferre natum est.

Lethale peccatum infinita pœna dignum.

Peccatũ mortale plectitur infinita pœna Christi cruciatus non fuerunt infiniti, neque extensiuẽ, neque intensiuẽ.

ut pijs quibusdam & eruditis viris placet, secundum acerbitatem, vel intensiõem, si quam eiusmodi pœnam, iustus scelerum ultor Deus peccatori inferre vellet, vel homo peccator tantę huius pœnę capax existeret. Sed neq; sempiterna morte, immensaq; illa pœna dignum solum vnumquoduis mortiferum scelus secundum se censetur: sed reipsa quoq; eiusmodi pœna apud inferos plectitur. Christus autem, neque infinito tempore, neq; infinita quoq; acerbitate nostri causã excruciatuẽ aliquando, neq; infinitè quõq; excruciaci quandoque potuit. Quod si pœna, quę vni dũtaxat sceleri debetur, tantum excedit omnem pœnam & cruciatum, quem Christus Dominus vnquam in hac mortali vita sustinuit: quid nos de ijs pœnis ac supplicijs cogitare par est, quę omnibus mundi peccatis in vnum conflatis debentur? & iam vel auctu peccatoribus irrogantur, vel olim in omnem æternitatem irrogabuntur?

Tantum est damnum, quod peccatum adfert, quantum est comodum quo priuatur. Lethiferum peccatum orbat bono infinito

Constat deinde vnumquodq; lethale peccatum tantum damnum suo auctori adferre, quantum est comodum vel bonum, quocundẽ orbat: At priuat illũ bono modis omnibus infinito, nempe Deo: tũ sempiterna illa cœlestis regni hereditate, iucundissimoque diuorum & Angelorum omniũ consortio, nec non

perpetua eorundem amicitia & familiaritate: tum æterna tandem animæ & corporis vita. Nā etsi neutrum horum intercat vnam simpliciter, iuris tamen fictione vtrumque intermori dici potest. Quandoquidē in perpetuis miserijs, & cruciatibus miserum spiritum trahere, aliud nihil est, quàm perpetua quadam morte, & internecione vrgeri: Vel quadam potius assidua animi contentione ad interitum festinare, & tamen ad vitæ terminum nunquam peruenire. At Christus nihil horum per se simpliciter attulit, neque adferre potuit, sed tantum secundum quid. Mors enim illius non est primaria, ac principalis tantarum opum causa, sed causa tantum sine qua non.

In diris cruciatibus perpetuo viuere, est quoddam perpetuum mori.

Constat tandem quoduis peccatum, per se, & quasi data opera malum quoddam infinitum præpotenti Deo intetare. Nam si vlla omnino tristitia animi, ve ægrotudo in illum caderet, profecto offensa in illum admissa non posset grauem illi animi molestiam non adferre, & per consequens interna beatitudine, totoque, quod habet, esse eundem non orbare: quippe cum non aliud sit ipsi esse, & Deū esse, & beatū esse, sed vnū idemque, prorsus. Christus autem per nulla omnino, quæ, vel ageret, vel pateretur, aliquod infinitum bonum, aut aliquod infinitum esse adferre ipsi potuit. Imò ne bonum quidem vllum, vt qui, neque per se, neque per accidens maioris alicuius boni capax existat. Et vt maximè aliquod recens natum gaudium in illum caderet, adhuc totum illud esset externum & aduentitium, & per consequens omnis felicitatis fontem per se beatum efficere non posset: Nec enim summa illa felicitas adest illi ab aliquo extrinseco, sed ab intrinseco: peccatum autem, vt modo ostensum est, intrinsecus illius beatitudini exitium molitur: tametsi aliunde impeditum huc peruenire non queat.

Peccatum diuini beatitudinis aduersum.

Peccatum intrinsecus Dei felicitati aduersatur.

Et quod de mortifero peccato hoc loco asseritur, hoc ipsum & de originis vitio suo quoque modo asseritū accipiat. Nam & illud quoque ortum est ex malitia quadam infinita, nempe ex primi hominis scelere: & impellit ad malum quodammodo infinitum, puta ad quæuis flagitia, vel certè nunquam ad tam multa, quin semper velit & possit ad plura.

Originis peccati suo modo est infinitum.

Vis infinita
minor mort.
peccati mali-
tia expugna-
re non potest

Patet et ergo peccatū nō solum extrinsecè vel obiectivè malum quoddā infinitū esse, verū etiam intrinsecè: Atq; ideo vim infinita minorem illius malitiam expugnare nequaquam posse. Quod aut, quæ Christus Dominus salutis nostræ causa fecit, vel pertulit, ex se nō fuerint infinita, sed finita, suisq; cæcellis interclusa, illud eiusmodi ratiocinatione ostēdi potest: Si incarnati Verbi opera in ratione meriti, vel satisfactionis fuissent infinita: (in genere enim rerū finita fuisse nemo dubitat) aut eā infinitatē traxissent ex intrinseca ipsorum operum vi, per passionum vè natura: aut ex gratia, ex qua tanquā ex principio interno proximè dimanabant: aut certè ex personæ, quæ operabatur, vel patiebatur, dignitate. Primum horum dici non potest: siquidem Christus homo eiusmodi opera edere potuisset, etiam si à Verbo seiunctus *ἀπορροήνους* substitisset. Imò verò id genus officia secundū speciem, à quovis homine edi possent. Quid enim fecit, aut pertulit Christus, seclusis miraculis, quæ diuinæ virtutis opus erant, quod alius cœlestis gratiæ dono ornatus, secundū n genus aut speciem non fecerit, aut non pertulerit, aut certè perferre aut facere non poterit? Ieiunavit Christus, ieiunârunt & alij quoque: oravit, & alij: docuit, docuerunt & alij: diros cruciatus pertulit, pertulerunt & alij: cruci tandem affixus mortem oppetiit, simili supplicio extincti sunt & alij: Et tamen nihil horum omnium ad iustum simpliciter pro omnium hominum peccatis, aut meritorium, aut satisfactorium erat.

Miraculū di-
uinæ virtutis
opus.

Christi gratia
non fuit infi-
nita.
Peccata mor-
taliū non au-
mero, sed pō-
dere sunt in-
finita.

Sed neq; secundū quoq; concedi potest. Nam etsi donetur Christi gratiā extitisse tantā, quantā pura creatura capere potest: communi tamen Theologorū sententia non erat infinita. Peccata aut in Deum commissa, & quæ in eundem committi adhuc possunt, quāvis non numero, pondere tamen & malitia sunt infinita: Quare, ut paulò antè demonstratum est, & ex Scripturis quoque manifestum est, puniuntur tempore infinito. Præterea si ex gratiæ magnitudine infinita illa satisfaciendi aut promerendi vis dimanasset, solus homo (quod ta-
men.

men antè negatum fuit, & rectè negatū fuit) pro totius mundi sceleribus perfectè satisfacere potuisset. Quandoquidem integrum erat prępotenti Deo tantam diuo Petro, vel Paulo, vel alteri cuiunque homini gratiam infundere, quantam infuderat Christo. Opera ergo Christi Redemptoris ex gratię magnitudine non erant infinitè satisfactoria, aut infinitè meritoria.

Si qua ergo Christi Domini opera infinita merendi, aut satisfaciendi vi pollebant, eam vtiq; vim non aliunde, quàm ex hypostascos, cui humana natura indissociabili vinculo cōiuncta erat, immensitate & maiestate, hauriebant. Sed neque hinc quoque infinitum aliquod robur hausisse putandum est. Nam etsi Christus verè fuerit Deus, pro nobis tamen non satisfaciebat vt Deus, sed vt homo. Nec enim orabat, aut ieiunabat, aut iter faciebat, aut defatigabatur, aut patiebatur, aut moriebatur vt Deus, vt nōrunt omnes, sed vt homo. Quandoquidem quod faciebat vt Deus, nō solus faciebat, sed vnà cum Patre, & Spiritu sancto. Atqui secundū hominem nō solūm Patre & Spiritu sancto, verū seipso quoq; minor erat. Christus itaque, vt homo, non erat infinitus, sed finitus, suisq; cellis ac limitibus circumscriptus. Solus enim Deus, vt Deus, simpliciter est infinitus.

Christus non
satisfaciebat
vt Deus, sed
vt homo.

Quæ facit vel
fecit Christus
vt Deus, non
solus facit,
sed vnà cum
Patre & Spi-
ritu sancto.

Quæ de filij Dei secundū naturam assumptam circumscriptione hoc loco dicuntur, ea illis, qui Apostolos legerunt, vel Christi œconomiam, quæ in Euangelijs & Symbolis nobis proponitur, accuratè expenderunt, ignota esse non possunt. Legimus hīc enim: Quid est homo, quia memor es eius? aut filius hominis, quoniam visitas eum? Minuisti eum paulominus ab Angelis, gloria & honore coronasti eū Domine. rursum: Eum, qui modico quàm Angeli minoratus est, videmus Iesum propter passionem mortis, gloria & honore coronatum, vt gratia Dei pro omnibus gustaret mortem. demum: Si diligeretis me, gauderetis vtiq; quia vado ad patrem: quia pater maior me est. Certum est autem hic illum de natura as-

Christus secū-
dū naturā
assumptam
patre minor.

Psal. 8.

Heb. 2.

Ioan 14.

sumpta seorsum nō loqui, sed de persona, quatenus in eiusmodi natura subsistēs iam tum immolatum se ibat. Sed planius de hoc ipso Athanasius in Symbolo: Fides, inquit ille, recta est, vt credamus, & confiteamur, quia Dominus noster Iesus Christus Dei filius, Deus & homo est. Deus ex substantia Patris ante secula genitus: homo ex substantia matris in seculo natus. Aequalis Patri secundum diuinitatem, minor Patre secundum humanitatem. Hic sanē non de hac, vel illa natura seorsum describit Athanasius, sed de persona secundum hanc, vel illam naturam. Hęc vna enim est, quę eadē ad numerum manens, modò æqualis, modò minor affirmatur.

Primi argumenti epilogus.

Cum itaque Verbum incarnatum per mortem, & crucem, & cetera, quę paulò antè exposuimus, gratiam, & gloriam, & peccatorum remissionē, & cetera eiusmodi nobis promeruerit: consequens sit, opera illa ex se non fuisse infinita simpliciter: quippe cum ipsamet persona operans secundum naturam assumptam non esset infinita absolutè, sed finita, vtpote patre minor: sed tantum secundum quid, nempe secundum gratiosam æterni Regis acceptationē. Nam cum hypostasis illa non solum secundum se, sed etiā secundum naturam assumptam Deo esset gratissima, potuit is, salua iustitię suę lege, Christi actiones, & perpeffiones, tametsi contracto debito secundum se impares, veluti pares ac omnino sufficientes, in plenam satisfactionem admittere.

Dilucida primi huius argumenti solutio.

Ad hoc argumentum, quod, quanta potuimus vi & energia, in Antagonistarum gratiam proposuimus, (Sunt enim viri Catholici, & de Catholica Ecclesia benè meriti) paucis responderi posset: Totam hanc argumentationis seriem falso principio niti. Ponit enim tanquam certum, quod est planè incertum, imò verò manifestè falsum: puta quoduis lethale peccatum secundum se absolutè & intrinsecè infinitum esse. Nam cum quæuis in Deum offensa certo aliquo hominis

actu

Primum Antagonistarum Arg. sumit tanquam certum, quod est planè incertum.

actu constet, (Peccatum nanque omne, Augustino definito, est dictum, vel factum, vel concupitum contra legem Dei) fieri nullo modo potest, vt vlla omnino earum intrinsecè, hoc est, secundum actus substantiam, actusve eiusdem deformitatem sit infinita simpliciter. Siquidem tanta, & non maior est actus cuiusque vitiosi prauitas, deformitas, vel obliquitas, quanta est bonitas, hoc est, modus, species, & ordo: aut ea certè rectitudo, aut venustas, quos vel quas actui eiusmodi, adesse oportebat, & non aderat. Quippe cum ex propria vi aliud sit nihil peccatum, quàm quædam voluntaria à legis præscripto exorbitatio: Vel certa quædam modi, speciei, & ordinis priuatio. Atqui eiusmodi bonitatē, modum, speciem, ordinem, rectitudinem, aut venustatem intra certos terminos contineri, ambigere non licet.

Mitto hinc, non vnum peccantium omnium scopum, nec eandem omnium malè agentium voluntatem esse, nec similem quoque scelerum omnium faciem: Siue rem, in quam illa cadunt, species: siue legem rursus vel præceptum, quod infringunt: siue virtutem tandem, cuius interitum molliuntur: sed aliam atque aliam. Et tamen si singula absolutè, hoc est, intrinsecè & extrinsecè essent infinita, difficile foret aliquod quantitatis discrimen inter adulterium & homicidium, cæteraque quæ mortifera appellantur, assignare. Nihil enim maius extat omni ex parte infinito.

Si qua ergo infinitas lethifero peccato cohæret, eam ex illo, in quem committitur, petere oportet. Dici enim solet, eò vnumquodque peccatum haberi grauius, quò id, in quod designatur, extiterit excellentius. Deus autem excellit summè. Verùm ad hanc peccati infinitatem infringendam, vel labefactandam haud magno opus fuerit molimine. Nam vt peccatum ratione obiecti, eiusve, in quem committitur, consideratione censetur magnum, vel paruum, finitum, vel infinitum: ita eadem illa obiecti æstimatione obseruata, quoduis quoque studiosum opus, propter

Deum

Nullum peccatum intrinsecè est infinitum.

Tanta est prauitas cuiusque actus mali, quanta est rectitudo, vel bonitas, quæ adesse oportuit, & non adest.

Non idè peccantium omnium scopus, nec eadè peccatorum omnium ratio.

Vt peccatū ratione obiecti dicitur infinitum: ita bonū quoque opus eadè ratione dici potest infinitum.

Deum summè dilectū exercitum, & quoduis rursus supplicium, eiusdem præpotentis Dei causa æquabili animo toleratum, vel ultro etiam susceptum, infinitum vicissim censeri potest. Et id quidem cō iustius, quò propensior est Deus ad exoluendum præmia benè merentibus, quàm ad irrogandum supplicia fontibus.

Per pauci ex absoluto contemptu in Deū peccant.
 Cui & illud quoque nō iniuria adiungi queat: nempe per paucos comperiri, qui ex absoluto contemptu in Deum peccant. Sunt enim, qui inter peccandum de Deo nihil quicquam cogitāt: vt vulgares maiori ex parte omnes. Sunt rursus, qui peccatum citra vllam Dei offensionem constare posse ex animo exoptant, & secūs constare non posse vehementer dolent: Cuiusmodi sunt nonnulli, qui etsi cætera sint non omnino mali, carnis tamē infirmitate victi, tentationum impetui male plerunque cedūt. Sunt denique, qui sceleribus suis gratum se Deo obsequium præstare credunt: Vt quondam pagani in sanctos Dei martyres immaniter sæuientes: & hac ætate infani quidam hæretici omnia sacra profanantes. Et hæc quidem vel sola in propositi argumenti solutionem sat esse poterant. Verū quia non minus studium est nobis in vtraque partem disputando materiā illustrare, & quæ suprà de cumulata Christi Redemptoris nostri satisfactione, & merito constituimus, confirmare, & viam nihilominus ad nostram satisfactionem paulatim munire, quàm rationes, quæ in alterius partis subsidium adferri poterant, refellere: singula primæ huius argumentationis membra, ac partes seorsum discutere, & explanare visum est.

Peccatum per accidens infiniti temporis poena plectitur.
 Cū ergo allegant iure tantam censendam esse noxam, quāta est poena, quam iustè promeretur; cuiusmodi autem, nec breuem esse, nec leuem esse, sed infinitam, longēque atrocissimam: cum grauibz quibusdam Theologis responderi potest, nullum omnino peccatum infiniti temporis poena per se puniri, sed si quod cuiusmodi poena punitur, per accidens tantum puniri. Vel, quod in idem redit: nullum omnino hominem,

nem, vel Angelum, quantumlibet sceleratum, per se primò, & proximè propter quodcunque flagitium infinitæ pœnæ debitione constringi, sed tantùm per accidens, & secundariò, & quasi ex consequenti. Hoc autem quâ fiat, aut cum ratione constet, paucis sic accipe.

Certum est, quicūque temere id violat, quod lege cautum extat, eum, & in legem, quam infringit, iniurium: & in proximum, quem malo exemplo grauiter lædit, & nonnunquam etiam perdit, iniquum: & in ipsum nihilominus legislatores, non proximum tantùm, sed primum quoque supremumque, (ab hoc enim proximè, vel remotè fluit omnis omnino bona, & sancta, & utilis, & necessaria lex) contumeliæ, sum existere: vt qui honorem, & reuerentiam, nec non obedientiam quocunque, quæ ab omni creatura summo iure illi debentur, nefariè ipsi deneget. Ex ea autem diuinæ legis contemptione, deneque vel violati honoris ac reuerentiæ scelere, quod legis præuaricationi perpetuò, ac necessariò coniungitur, nascitur odium, & animorum abalienatio. Ex animorum abalienatione porrò & odio confurgit certa quædam deliberataque vlciscendæ rebellionis voluntas: duratque ac perstat illud voluntatis propositum immotum, donec illius, qui offenderat, vel contempserat, voluntate per pœnitentiam demutata, id in integrum restituarur, quod per contemptum, vel rebellionem ablatum fuerat. (Inimicus nanque & improbus domini sui contemptor, quousque pertinaci animi studio in contemptione ac rebellionis scelere perstiterit, puniri debet, & quidem in omnem æternitatem, si in cōcepto contemptu vel odio in omne æuum obdurauerit: id, quod in dæmonibus, ac ceteris damnatis locum habet. Hi enim conceptum semel in Deum odium, fastum, cōtemptum, nunquam exuunt, nunquam remittunt. Et quia peruersam mentem nunquam mutant, conceptumque animo odium ac fastum nunquam relaxant, sit, vt à pœnis, miserijs, ac cruciatibus, quibus obstricti tenentur, nunquam emergant.) Tandem ex efficaci puniendi

In legem temere peccat, & in legem, & in legislatorem, & in proximum iniurius est.

Improbis domini sui contemptor, nisi resipiscat à pœnæ debito absolui non debet.

Ex legis prauaricatione nascitur ira vlciscēdiq̃ue studium, hinc consequitur pœna parua vel magna p ratiōe delicti

Ineensa pœnitētia tollit omnē noxam & pœnā, sed non eodem ordine.

Contritio ex debita infero rū pœna expungit æternitatem.

Vnigenitus Dei filius honorē per peccatū Deo ademptū restituens, sustulit pœnā debitum.

voluntate infertur pœna, sed nunquam æterna, nisi per accidens: ex eo nimirum, quod peccator à concepto contemptu, vel odio, vel rebellione nunquam desistit.

Quæ de obliqua, & quasi remota pœnarum debitione, eandemq̃ue condemnatione hîc exponuntur, ea ratione niti ex pœnitentiæ analogia persacilè colligi potest. Constat enim pœnitentiā, si modò ardens, vereq̃ue incensa extiterit, omnem prorsus noxam, & pœnā abolere: sed hanc obliquè & quasi remotè, illam proximè ac per se. Primò nanque & proximè & per se antè reum, hoc est, inimicū & exosum, in offensi gratiam & amicitiam restituit: gratia autem & amicitia offensi numinis instaurata, statim è pœna æterna, quam peccator antè debebat, expungitur æternitas. Nam etsi amicus, vel filius puniri queat, & puniri quoque, ne peccata impunita maneant, interdum solet, non tamen perpetuò: aliàs enim inter amicum vel filium, & capitalem hostem nihil discriminis intercederet. Quemadmodum ergo vera pœnitentia primò, & per se redintegrat amicitiam, per amicitiam autem perimit inferni pœnam, vel inde eximit æternitatem: ita actus vitiosus per se primò, & proximè, propter adiunctum formalem vel virtutalem contemptum, diuinique honoris & obseruantia neglectum, progignit inimicitiam, & odium: Hęc deinde in offenso numine excitant puniendi studium, vindictęq̃ue voluntatem: hęc tandem, si nulla intercedente pœnitentia vitæ ve emendatione impediuntur, promeritas irrogant pœnas.

Cum ergo vnigenitus Dei filius hominum causa homo factus, honorem, & reuerentiam, quas Adamus per se, vel per posteros suos, quod ad se quidē attinebat, abstulerat, per summum obedientia ac reuerentia cultum excellentissimo modo restituerit: fit, vt pro omni pœnarum reatu, ex Adami, vel alterius cuiuscunque scelere nato, cumulatissimè fecerit satis: etiamsi animo concipiatur, tanquam qui nullam prorsus pœnam, aut molestiam toto vitæ decursu fuerit perpeffus.

Quem-

Quemadmodum etiam vera pœnitentia absomit omnem omnino culpam, & omnem rursus infernalium pœnarũ reatum, etiam si nullum omnino sensilem dolorem, molestiam, aut cruciatum secum attulerit: nam internus animi dolor à vera pœnitentia sciungi non potest.

Vera pœnitentia absq; interno dolore consistere nō potest.

Et vt maximè peccati ratio per se primò & proximè offensi odium, aut inimicitia, nō respiceret, sed pœnam pœnæ vè debitum tantum, adhuc Antagonistarum argumentum causam non obtineret. Quandoquidē actionũ, perpeffionũve satisfactoriarum Christi vis non est spectanda ex pœnarum, quas pertulit, acerbitate, vel certè non ex ea sola: (Certũ est enim, si ipsos cruciatus, cruciatuũve, qui ab extrinseco adferuntur, modos secundũ se spectemus, nō illum, in quem cadunt, vel sœuiũt; viuum excoriari, lento igne torreri, membratim concidi, & alia multa eiusmodi, qualia permulti ex Martyribus perpeffi sunt, non minũs dirum, immane, ac pœnosum esse, atque taureis cœdi, vel clauis configi: & tamen omnes Martyres si-

Actionũ perpeffionũve Christi vis nō est spectanda ex pœnæ illatæquitate, sed ex psonæ patientis dignitate.

mul, ne pro vno quidē peccato integrè satisfacere potuissent, nedum pro totius mundi sceleribus) sed ex singulari personæ, quæ patiebatur, excellentia. Erat enim illa infinita, infiniteq; grata. Eò aut vnumquodq; pietatis officiu, ceteris exæquatis, solet esse magis meritoriu, & magis quoq; satisfactoriu, quò is, qui illud edit, est sanctior, Deoq; per charitatē cõiunctior. Quamobrè licet diros cruciatos, immanissimãq; supplicia experti sint Martyres, minima tamen Christi Domini perpeffio, minimumq; eiusdē opus, maioris momēti, maiorisq; meriti ac ponderis erat apud Deũ, q̃ Martyrum omniũ, qui sunt, fuerũt, vel futuri sunt, tormēta, etiã si innumeris partibus intendantur, vel extendãtur. Vno hoc paradigmtate nō nihil illustremus.

Minima Christi pœna maioris roboris erat, quàm omnium Martyrũ pœnæ in vnum conflatæ.

Sit ciuitas, vel prouincia quæpiã, quæ infano furore percita, in legitimũ suũ principem, iustum illũ, optimeq; de se meritũ insurgat, apertoq; Marte in interitum illius sœuiat, atque ideo mortis meritũ iustissima ratioe incurrat: quã pinde princeps ille equissima indignatiõe laceratus magna cũ seueritate exi-

gere obfirmato animi proposito decernat. Filius autē, quem & vnicum habet, & vnicē quoque charum habet, tot hominum interneccionem miseratus, pro omnibus illis mortis debitoribus, propriam vitam offerat: quam compensationem pater admittēs, in fontem illum crudelissimo probrosissimoque mortis genere ē medio tollat: quis dubitat, quin p̄ omnibus pœnis, quas omnes illi rebelles subditi iure debebant, plenissimē hic satisfaciāt? Nam et si vnus mors vel pœna, cum tot hominum pœnis vel mortibus, in ratione pœnæ vel mortis cōparari non queat: iusta tamen æstimatione maioris precij erat vna illa iusta & sancta regiæ prolis vita, quàm omnium rebellium subditorum vitæ simul in vnum conflata. Hic regiæ vitæ super communes subditorum vitas excessus, ex Scripturis euidentis est: Legimus hīc enim pœnam, quæ propter numerati populi peccatū vni Dauidi debebatur, septuaginta capitum millibus agrē admodum redemptam fuisse. Quod ergo de pœnarum, quæ peccato debentur, infinitate, vel atrocitate allegatum fuerat, id cumulatam illam Christi Domini satisfactionem nullo modo infirmat.

At multò verò minùs eandem infringit, quod de damno deinde ac bonorum iactura, quam quoduis capitale flagitium progignere natum est, in medium adferebatur. Nam vt quoduis lethale peccatum ex eo quandam infiniti rationem fortitur, quòd infinitè bonum grauiter offendat, immensoque bonorum thesauro architectum suum, si tamen antè iustus erat, orbet, orbatumque innumeris miserijs ac cladibus inuoluat, & inter ea, quæ malorum appellatione veniunt, primas facillè obtineat: ita quoduis quoque iusti hominis opus, certa quadam ratione, infinitum censeri solet, & iure quoque infinitum censeri potest. Nam & sempiterno illi infinitoque Spiritui Deo impensè placet, & effectori suo infinitum gloriæ pondus conciliat, & per consequens ab infinita miseria eundem liberat, & inter vera vitæ huius bona citra vllam controuersiam principatum tenet.

Maiores momenti est vna iusti principis vita, q̄ mille rebellium subditorum.

2. Reg. 25.

Vnius Davidis vita septuaginta capitum millibus redempta.

Infinitatis rationes, quæ conperiuntur in peccato, conperiuntur in quouis quoque iusto opere.

Sed dixeris: Si hæc solutio ratione fulta est, consequens fit purū hominē ad exactā iustitię rationē Deo satisfacere potuisse? Istuc hinc nō seqtur: siquidē boni opis infinitas non est ex homine, vel certerē nō tota ex homine, vt infinitas peccati; sed ex cœlesti munere, quod liberē, & gratis confertur. Accedit huc etiam, peccatum vtrinque infinitum esse: & ex parte obiecti, & parte rursus subiecti. Nam nō cō solūm offensa est grauior, quō is, in quem peccatur, est dignior, sed cō etiam, quō is, qui offendit, est vilior: Atqui peccator Deum offendens a diuina illa maiestate & dignitate infinito interuallo distat: opus autem meritorium ex altera tantū parte quandam infinitatem participat. Iam si studiosi hominis opus, ad modum iam expositum, infiniti rationem participat, peccatiq̃ue malitiam suo modo exæquat, vndecunque tandem vim illam hauriat, hoc enim ad rem impertinens est: quid nos de carū actionum perpeffionumq̃ue vi, ac pondere sentire par est, quas filius Dei humana carne indutus, toto vitæ huius decursu edidit, ac pertulit?

Quod tertio porrò loco de peccato diuinę beatitudini exitium intentante adducebatur, acriterq̃ue tanquam magnum quippiam vrgebatur, id nequicquam sanē adducebatur, & vrgebatur. Constat enim eam esse præpotentis Dei maiestatem, potentiam, & perfectionem, vt nulla prorsus rei creatę vis, aut machinatio, nedum peccatum, quod formaliter quædam tantū priuatio est, quicquam omnino obesse illi possit: eam rursus illius sanctitatem, vt à nulla re, quantumlibet immunda, contaminari valeat: eam tandem eiusdem beatitudinem ac in seipso oblectationem, vt nulla ampliùs, neque per se, neq; per accidens ad felicitatis illius cumulum accessio fieri queat, nec vllus omnino doloris sensus in illum cadat. Veruntamen si ter maximū illud Numen mortalium more vtriusq; affectionis capax existeret, multò citra vllam dubitationem plus oblectationis ex Christi Domini nostri obedientia, incensaq̃ue eiusdem charitate hausisset, quàm ex Adami scelere, aut

Infinitas peccati est tota ex homine: boni operis autem infinitas ex cœlesti munere.

Peccatum vtrinque infinitū, ex parte videlicet obiecti, & subiecti.

Eò vnaqueq; noxa est grauior, quō is, in quem peccatur, est dignior, & is rursus, qui offendit, est vilior.

Ea Dei Opt. Max. est potentia, vt à nullo legi; ea puritas, vt à nullo contaminari; ea felicitas, vt nullo nouo gaudio, nec vllō omnino merore possit affici.

Deus nullum
vnquam ita
exosum ha-
buit, aut habe-
bit, vt Christū
dilexit & di-
ligit.

alterius cuiuscunque prauaricatione hauserat ægritudinis : Quandoquidem nullum vnquam, quantumlibet sceleratum & impium, ita inuisum exosumq; habuit aliquādo, sicut charum semper acceptumq; habuit Christum Dominum. Habuit enim hunc infinitè charum: nullum autem vnquam peccatorem infinitè exosum habuit, sed pro cuiusq; improbitate ac merito, vnum plūs, alterum minūs. Atque ita posita illa hypothesi plus commodi attulisset meritum & obedientia Christi, quàm incommodi peccatum, & inobedientia Adami, aut alterius cuiuscunque hominis.

Infinītū sim-
pliciter in in-
finitum sim-
pliciter non
agit.

Infinitas, quæ
in peccato
cōperitur, nō
impedit iustā
satisfactio-
nem.

Non solū
mortale, sed
etiam venia-
le peccatū ex
se natum est
Deo tristitia
adferre.

Sed & argumentum quoq; seipsum in partem iugulat. Nam hoc ipso quod peccatum, quantumlibet nefariū, Deum contristare nequit, non leuis coniectura sit nō esse malū aliquod modis omnibus infinitum. Nam etsi infinitum simpliciter in infinitum simpliciter agere propriè non queat : (Debet enim omne illud, quod in alterum agit, eo, in quod agit, præstātoris virtutis esse) attamen ipse conatus, vel ipse mutuus confliktus ingrati quippiam secum adferret. Includit tamen quoduis lethale crimen aliquam infiniti rationem, sed ea interim infinitas nihil impedit, quō minūs filius Dei pro omnibus & singulis mortalium omnium & singulorum peccatis facere potuerit satis, & reipsa quoque satisfecerit. Denique si argumentum hoc, quod tanti faciunt, validè, quod isti volunt, probaret: probaret etiā, quoduis veniale peccatum, non solū extrinsecè & obiectiue infinitè malum esse, sed etiam intrinsecè. Si quidem nullum extat peccatum, quantumlibet leue, quod Deo non displiceat, nonnullamque tristitiam illi adferre ex se natum non sit. Punit enim ille & prohibet omne omnino peccatum: atqui non puniret, neque prohiberet quoque, si ipsi non displiceret, & per consequens incarnatum Dei Verbum ne pro vno quidem veniali næuo ad iustum satisfacere valuisset.

Porrò autem ad originis peccatum quod attinet, fatemur ingenuè propagari illud posse in infinitum: At negamus sua infinitate excedere Christi gratiam. Nam & illa quoque in in-
fini-

finitum diffundi, ac propagari potest: & quidem multò maiori copia & vbertate, quàm originis macula. Neq; enim Christi Redemptoris nostri gratia solam originis peccati labē expurgat: sed omnem omnino noxam, quantamcunq; & qualemcunq; compererit, & omnem præterea poenam peccato debitam. Hinc illud Apostoli: Non vt delictum, ita & donum: sed vbi abundauit peccatum, ibi superabundauit & gratia. & excessus rationem explicans, subdit: Nam iudicium quidem ex vno, in condemnationem: gratia autem ex multis delictis in iustificationem.

Christi gratia
nō minus est
propagabilis,
quàm peccatum
originis.

Rom. 8.

Constituto, peccati malitiā vtrinq; spectatā & agitatā secundum se non esse simpliciter infinitā, (nam ex parte effectus quandam infinitatē sortiri nemo negat) restat vt ea iam breuiter diluamus, & explicemus, quæ contra immensum Christi Domini meritum, copiosamq; eiusdem satisfactionem obieciabantur. Id quod cō minori negotio fieri poterit, quò minor hīc inter nos & Antagonistas nostros controuersia intercedit. Pugnamus enim de vno solo, in ceteris amicè conspiramus. Agnoscimus nanque vltroq; illis concedimus Christi Redemptoris nostri opera trifariā potuisse & etiam nū posse considerari: primoq; & secundo modo cū in genere rei, tum in ratione quoque meriti & satisfactionis fuisse finita, suisq; limitibus circumscrip̃ta: certum est enim ex se, & ex parte gratiæ fuisse finita: At negamus tertia consideratione, prout nimirum ex diuina hypostasi dimanabāt, extitisse eiusmodi. Erant enim ea cōsideratione infinita: quauis nō simpliciter: Quia nec Deus erāt, nec diuinitas erāt, sed tantū in ratione meriti, & satisfactionis. Erāt nanq; personæ infinitæ, infinitoq; modo Deo gratæ acceptæq; . At quò vnaqueq; persona, vel studiose agēs, vel propter iustitiā iniuste patiens, Deo est acceptior, cō actio, vel permissio illius ad merendum & satisfaciendum est efficacior, eiusdemq; oratio ad impetrandum potentior: modò tamen, qui patitur, vel operatur, in eo statu versetur, in quo mereri, vel satisfacere adhuc queat.

Peccatum ex
parte effectus
sortitur quan-
dam infinita-
tem.

Opera Christi
secundum se
finita, in ra-
tione meriti
& satisfacti-
onis infinita.

Et

Licet filius
Dei humana
secundum di-
uinam natu-
ram non ope-
raretur, nec
pateretur: ve-
rè tamè ipse
alia operaba-
tur, & patie-
batur, & qui-
dem verius, q-
ipfa natura
humana.

Et quanuis illa ipsa persona secundum diuinam naturam humana non operaretur, nec pateretur, sed tantum secundum humanam: verè tamen, & propriè operabatur, & patiebatur. Imò verius operabatur, & patiebatur, quàm ipsa met natura secundum se sumpta: siquidem adiones & perpassiones suppositorum, hoc est, singularium per se subsistentium sunt verius, quàm formarum, aut naturarum in suppositis existentium, vel subsistentium: Quanuis & harum quoque sint. Nam & homo, & anima, & mens vel intellectus intelligere: & ignis rursus & calor calefacere, vel inflammare rectè dicuntur, tametsi id alia atque alia ratione, & modo. Vnde licet vtrunque dici possit: nempe Deum, vel hominem nostri causa mortem degustasse, gratiamque & gloriam, vel peccatorum remissionem promeritum nobis esse; & rursus humanam naturam hæc omnia, vel patrâsse, vel perpassam esse: eò tamen verius, magisque propriè alterum illud, quàm hoc dixeris, quò id, quod agit vel patitur, principalius est eo, quo agit vel patitur, hoc est, coniuncto vel separato instrumento.

Quam ob rem sicubi legeris, vel audieris Christum Redemptorem nostrum gratiam, vel gloriam, vel peccatorum remissionem nobis promeritum esse, vel pro nobis fecisse satis, non vt Deus erat, sed vt homo erat: id ita admittas, vt tamen diuinam personam hinc non excludas, sed tantum diuinam naturam. Tantundem est enim, ac si legeris, vel audieris filium Dei meritum esse, vel satisfecisse secundum humanam naturam, non etiam secundum diuinam. At hoc interim non impedit, quò minùs, qui operabatur vel patiebatur, verè ac propriè Deus esset: Erat enim non homo tantum, aut humana natura tantum, sed verè, per se, ac propriè Deus, in humana simul & diuina natura subsistens, non in diuina natura tantum. Et quanuis humana natura nihil obtineret, quod Deo obligatum non esset, atque ideo per se ad iustum satisfacere non posset: at tamen persona, quæ satisfaciebat, nulli quicquam debet, ne ipsi quidem patri, vnde processerat: Quare vniuersum con-
tra-

Idem est di-
ctu, Christus
satisfecit vt
homo, non vt
Deus, quod
est, Satisfecit
secundum hu-
manam natu-
ram, & non
secundum di-
uinam.

Humana na-
tura debebat
omnia, filius
Dei nihil o-
mnino.

tractum debitum plenissimè dependere poterat.

Conclusum itaque & cōstitutum sit, Christi Domini nostri perpeſsiones & opera fuisse infinita, nō quidē in genere rei, aut simpliciter, sed in ratione meriti, & satisfactionis: Eamq; infinitatē non prouenisse ex operis natura, vel ex gratiæ, qua vel per quam merebatur, vel satisfaciebatur, copia: quanuis & hinc quoq; ingentem vim traherent, & fortè tantam, quanta, vt iratum patrem placatum nobis redderet, sat erat: sed ex eius virtute & dignitate, quod satisfaciebatur, vel merebatur, hoc est, suppositi, vel personæ. Persona nanque, quæ nostri causa suadavit & alſit, erat infinitè sancta, Deoque infinitè grata: utpote verus, naturalis, & vnicus illius filius existens.

Opera Christi ingentem vim trahebāt ex gratia, ex qua dimanabant, sed multo maiore ex persona.

Aliud contra eandem Christi satisfactionem argumentum, ex eo, quod iam dilutum est, veluti ramus quispian ex trunco, proximè enatum.

Sed instas: Si, quæ filius Dei nostri causa patrauit vel pertulit, ideo infinita statuuntur, quòd persona, quæ operabatur vel patiebatur, erat infinitè grata, vel secundum se absolutè infinita: ergo omnia & singula Christi Domini nostri opera non solum erant infinita, sed omnia quoque & singula erant inter se paria: Siquidem omnia ex vno illo ad numerum principio absolutè infinito prodibant. Ergo tantum pro merito est primo abs se edito opere, quantum per mortem, & passionem, & cætera omnia, quæ vtrunque antecesserunt. Ergo ante ipsum passum & mortuum, imò verò ante ipsum natum, diuinæ iustitiæ ad iustum erat satisfactum. Ergo totum, quod in morte, & sub mortem impendit, fuit superuacaneum, aut saltem non necessarium. Atqui omnia hæc non solum contra sacram Scripturam, communemque sanctorum Patrum sententiam inferuntur, verum etiam contra manifestam rerum experientiam. Constat nanque veteres illos heroes ac patres, qui ante Christi ortum in limbo detinebantur, non prius lumine gloriæ fuisse perſusos, inferorumque è carcere eductos, quam Verbum animam posuisset in cruce. Nec vlla alia huius

Ante Christi mortē diuinæ iustitiæ nō erat satisfactum.

rei causa ab orthodoxis Theologis assignatur: sed neq; vlla alia quoq; assignari potest, quàm quòd redemptionis precium ante illud tempus nòdum erat persolutum. Neq; enim equisimus rerum meritorumq; aestimator Deus electos suos vel ad vnam horam in obscuris illis ergastulis herere sinisset, si ante Christum passum ad plenum ipsi satisfactum fuisset.

Secundi argumenti, allatae 've infirmationis depulsio.

Sanè si hæc ratio necessariò concluderet, còcluderet etiam omnia iustorum merita inter se paria, & suo quoq; modo infinita esse: vt quæ omnia ab vna voluntate oriàtur, & in vnum obiectū omni ex parte infinitū tendant. Nam quicquid homo molitur, hoc totum, si non est cōtra, aut præter Deū, necessariò est secundum Deum. Sed quid ad argumenti formam? Id quod modò insinuatum est, nempe eiusmodi consecutionem esse planè a systatam. Nam etsi cōcedi queat ex parte principij vel subiecti omnia inter se fuisse paria: Omnia nanque erant eiusdem personæ, eiusdem naturæ, eiusdē gratiæ: sicut omnia quoque opera Dei vnus eiusdemque sunt potentiæ, essentiæ, & sapientiæ: Secundum se tamen & ex parte rei inter se paria extitisse concedi non potest. Aliud enim secundum se opus erat docere, aliud ambulare, aliud dormire, aliud cibo vel potu corpus reficere. Aliud item supplicij genus circuncidi, aliud vinculis constringi, aliud flagellis cēdi, aliud spinis coronari, aliud tandem clavis configi. Paucis ergo & clarè dici queat personaliter quidem & ex parte principij inter se paria extitisse: quidditatiuè autem partim paria, partim disparia. Entitatiuè enim nobiliora erant, quæ erant nobilioris obiecti, vel genere suo perfectiora. Nobilior enim erat actus charitatis, quàm iustitiæ; iustitiæ rursum, quàm temperantiæ, & sic de reliquis.

Opera Christi personaliter erant inter se paria, quidditatiuè partim paria, partim disparia.

Sed quia solutio hæc, tametsi plana & vera, non omnem forsā scrupulum eximet omnibus: cum eruditis quibusdam Theologis aliter respondemus, nempe Christum Deū ac Dominum nostrū per quoduis quidem opus, quod salutis nostræ causa

causa patrabat: per quamuis rursus molestia, quam eadem de causa subibat, vniuersum orbem redimere potuisset, si vnum. quodque seorsum in vniuersi orbis redemptionem offerre lubisset. Magnis tamen de causis non singula seorsum, quæ operabatur, & patiebatur, sed vniuersa simul in vnam perfectam consummatamque satisfactionem eterno patri obtulisse: Ipsumque vicissim patrem non singulas filij sui actiones & perpeffiones seorsum, sed omnes simul in vnam numeris omnibus absolutam satisfactionis rationem acceptasse. Atque ideo mortalium genus ante Christum passum & mortuum non simpliciter Deo fuisse reconciliatum, aut à peccatis liberatum, sed tantum secundum quid.

Christus per vnumquodq; opus, quod operabatur, vel patiebatur, vniuersa orbem redimere poterat, si illud in totius orbis precium efficere voluisset: magnis tamē de causis id voluisse.

Eccur, inquis, vel hic non singulas seorsum offerebat, vel ille quoque non singulas seorsum acceptabat? Vana est hæc questio. Quis enim ex omnibus sensum Domini ita perspectum exploratumque habet, vt omnium statim operum illius rationem certo reddere valeat? Dici tamen potest, non singula seorsum, quæ operabatur vel patiebatur, sed omnia simul in vnam perfectam, omnibusque partibus & numeris absolutam satisfactionem obtulisse, quò hac ratione saluti nostræ magis consuleret, suamque erga nos dilectionem apertius declararet. Voluit, inquam, non quouis vulgari, sed præclarissimo & euidentissimo quodam argumento suum erga nos incensum animum significare, eaque incensi animi significatione nostrum vicissim amorem & animum in se prouocare. Voluit non ieiunam aut tenuem, sed copiosam pro nobis redemptionem exhibere. Voluit vno modo, & semel debitum, multis variisque modis ac rationibus nobis deberi. Voluit, ne singulas causas persequar, illustre singularis patientiæ, humilitatis, ac obedientiæ exemplar seipsum nobis proponere. Quare licet multa non prorsus necessaria nostri causa pertulerit, nihil tamen pertulit frustra, aut inutiliter, aut superuacaneò.

Diuinorum operum certa ratio reddi non potest.

Graues cause, cur Christus tam multa humani generis causa voluerit pati.

Christus sanguinis sui precium non omnibus simpliciter, nec omnimodo, nec omnimodum mensura; sed certis, & certo, & definita.

Et quemadmodum hæc voluit, cum tamen secus velle, & facere quoque; ipsi licuerit: ita mortis perpeffionisque; suæ meritum, sanguinisque; sui precium, non omnibus simpliciter, nec omnimodo absolutè prodesse voluit quoque, sed certis, ac certo. Noluit enim illud prodesse adultis ab omni opere ociosis, aut media, quibus illud applicari solet, & applicari quoque; debet, aspernantibus: aut in capitali scelere extinctis: aut peccatis obstinatè seruientibus: aut calcato spiritu, eiusdemque; libertate, carnis libertatem impigrè sectantibus. Nec infinitè ullis omnino, sed definitè, & limitatè, videlicet pro cuiusque merito ac dispositione. Nam quòd eandem ad numerum Christi iustitiam per fidem in nos deriuari, & quasi transfundi nungantur Sectarij, id iam antè, quantum oportuit, refutatum est: & secundum se vsque adèd insulsum, & à ratione alienum est, vt nulla omnino refutatione indigeat.

Insulsum imputationis commentu.

Tertium Antagonistarum contra eandem Christi satisfactionem argumentum.

Qui debitum proprio nomine contractum integrè exolvere non potest, multò ille minùs alienum ad iustum exoluet. Nam, vt suprà explanatum est, integra satisfactio cõstat opere vel precio aliàs indebito. Atqui Christus homo pro collatis in se beneficijs, par Deo reddere nequibat. Quandoquidem dijs, parentibus, ac præceptoribus, si Philosophum audimus, paria rependere nemo mortalium valet: maximè verò Deo, cuius beneficia ipsa gratiarum actione crescunt: quippe cum illud ipsum, quo gratias habemus, vel agimus, non aliunde obueniat, quàm ab ipso. Quibus accedit munera, quæ gratis omnino Christo obtigerant, non fuisse communia, aut vulgaria; sed singularissima, & omnium, quæ in hominem cadere possunt, simpliciter maxima. Siquidem inter alia & ipsum quoque personale esse, quod simpliciter est infinitum, accepit. Non ergo ad exactam iustitiæ rationem, vel ad iustum simpliciter pro nobis satisfecit Christus, sed tantum ad iustum legale.

Dei beneficia ipsa gratiarum actione crescunt.

Munera in Christi humanitatem collata summa.

Tertij huius argumenti discussio.

Hæc ratio plura sumit, vt vera, & certa, quæ tamen, vel falsa sunt, vel certè dubia sunt. Ponit primò eiusdem operæ esse, alienum munus explere, vel debitum exoluere, & proprium: & tamen sæpe id fallit. Potest nanq; munus vel debitum, quod mihi explendum vel exoluendū incumbit, tantæ molis ac difficultatis esse, vt illi nequaquam par sim: alterius contrà tam leue & expeditum, vt multò illi maior existam. Ponit deinde parit facultatis esse, æquas p acceptis beneficijs gratias referre, & pro contracto debito, vel conflata noxa satisfacere: & tamen, vt quiuis per se faciliè intelligit, aliud est, æs alienū suo alteriūsve nomine conflatum dissoluere, aliud pares pro acceptis beneficijs gratias referre. Fieri enim potest vt conflata aliena nomina multò minora sint, quàm accepta beneficia. Exemplo, quod dicimus, planum fiat. Certum est, si emptio- nis, aut locationis, aut alterius ciuilis contractus ratione parenti, vel præceptoris aliquid debeam, nec ad iustum, imò etiam supra iusti rationem exoluere illud possè: & tamen neutri eorum pro acceptis beneficijs par faciliè rependerim: Alteri nanque debeo ipsum esse: alteri verò ipsum bene esse, quod æquè præstans censeretur, atque ipsum esse.

Non eiusdem est semper operæ, suum & alienum munus explere.

Non parit est semper facultatis, contractum debitum exoluere, & pares pro acceptis beneficijs gratias referre, vel etià habere.

Ad eundem itaque modum, quia multis partibus minora erant, quæ offenso humini propter scelera nostra debebatur, quàm, quæ naturæ humanæ, quam Verbum assumpsit, obtigerant: Licet Antagonistæ donaretur pro amplissimis illis susceptæ naturæ prerogatiuis secūdum absolutam iustitiæ normam satisfacere nequiuissè, adhuc pro scelerum nostrorum ratione ad exactam iustitiæ bilancem satisfacere potuisset. Adde huc, debitum culpæ, vt & poenæ quoque, ipsa solutione, vel satisfactione è medio tolli, planeque inducitur, vero luxurians debitum, ipsa gratiarum actione crescit. Nam, vt in argumento rectè tangebatur, ipsa met gratiarum actio nouo nos beneficio Deo obstringit. Demum extare potest creatura, quæ pro sua, vel alterius noxa nihil quicquam debeat. Vt autè aliqua extet,

Minora erant nostra debita, quàm beneficia in Christi humanitate collata.

Ipsa gratiarum actio nouo nos beneficio obstringit.

Nulla est, nec
esse potest cre-
atura, quæ nõ
debeat Deo
gratiarũ acti-
onem pro ac-
ceptis benefi-
cijs: at multæ
sunt, quæ rati-
one culpæ ni-
hil illi debet.
Nullus mor-
taliũ plura
debet Deo, q̃
Virgo mater.

quæ pro acceptis beneficijs nullam debeat gratiarum actio-
nem, id planè est impossibile. Imò verò quò vnaquæque ca-
rum extiterit præcellentior, donisque cœlestibus cumulatior,
cò Deo Opt. Max. est obæration. Vnde Virgo mater multò
plura debet Deo, quàm vllus omnino hominum, aut Angelo-
rum.

Quauis ergo donaretur, vt disceptationis causa Antago-
nistæ modò donabatur, Christum Redemptorem nostrum,
parcs acceptis beneficijs gratias agere, vel habere nequiuissè:
adhuc hinc iustè inferri non posset, pro debitis nostris cumu-
latè satisfacere non potuissè. Mitto hîc, vt vnigenitus Dei fi-
lius ad absolutè perfectam iustitiæ rationẽ satisfaceret, opus
non fuisse, vt sua morte ad eum nos statum perduceret, aut
dignitatis gradum eueheret, in quo nihil omnino debere-
mus. Sat enim erat, si in eum nos locum restitueret, vnde cul-
pa nostra excideramus. Imò verò tanto copiosius pro nobis
satisfecit ille, quò plurium ac maiorum beneficiorum debito-
res nos constituit.

Et quemadmodum perfectæ satisfactionis ratio illam ab
omni omnino debito immunitatem non exigebat, sed neque
ex parte nostra ferebat quoque: ita eadem quoque non depo-
scebat, vt Verbum homo factum id nostri causa Deo patri
offerret, quod nullo prorsus iure aut titulo ad ipsum attine-
bat. Fieri enim hoc non poterat, cùm absolutum ille rerum
omnium dominiũ obtineat, & ita obtineat, vt se ab illo exue-
re aut denudare nulla prorsus potentia valeat. Sat autem erat,
& quidem abundè sat erat, si mortem, quam ille nulla iusti-
tiæ lege debebat, nostræ salutis gratia patienter toleraret,
vitamque tot malis, laboribus, cruciatibus, atque dolo-
ribus, quorum ipse debitor non erat, exerciram, cœlesti pa-
tri pro nobis offerret: Quatenus, quæ illius erant per v-
niuersale dominium, eiusdem quoque fierent per volun-
tariam filij sui, propter nos nostramque salutem passi, obla-
tionem.

Aequa satis-
factionis ra-
tio nõ depo-
scebat, vt id
Deo exhibe-
retur, quod
nullo iure ad
illum attine-
bat. hoc enim
erat impossi-
bile, vt q̃ ab-
solutus rerũ
omniũ domi-
nus existat.

Ponit eadem tandem argumentatio vt certum infirmæ huius structuræ fundamentum, Christum Seruatorem nostrum pro collatis in se beneficijs ad iustū satisfacere nequaquam potuisse: & tamen hoc adeò non est certum, vt omnino quoque sit falsum. Poterat enim vnico solo voluntatis actu pro vniuersis beneficijs in se collatis cumulatè satisfacere. Nihil enim acceperat, propter quod vllam omnino satisfactio- nem, aut gratiarum actionem debebat. Collata erant sanè multa præclara naturę assumptę dona: at ea interim illum debitorum non constituiebant, vt quę aliunde petita non essent, sed ex hoc in illam proximè dimanassent. Totum enim ille à seipso petebat, & quo satisfaciebat, & quo merebatur, & quo gratias agebat, & quo assumptam naturam exornabat. Siqui- dem omnia patris, præter paternitatem, non ex libero dono, sed naturaliter illius sunt. Et vt nihil horum esset, adhuc tamen non video cur magna ratione dici defendiq̃ue non posset, vni- cum illum salutis nostrę vindicem Christum Iesum, quādo in- credibili incensus amore se, suamq̃ue vitam vltro in cruce ob- tulit, non solum debitis à nobis contractis par dependisse, ve- rùm etiam gratijs, prærogatiuis, ac beneficijs omnibus natu- ræ abs se susceptę quocunque modo impensis. Erat enim ob- latio illa in cruce infiniti ponderis, cum in ratione satisfacti- onis, tum in ratione quoque gratiarum actionis. Obtulit nan- que seipsum totum, & quicquid in seipso erat. Seipso autē to- to nihil maius habebat, nihil melius à Deo acceperat. Nihil enim ille à Deo acceperat, quod, vel ipse non esset, vel in ipso non esset. Quia ergo totum illud, quod acceperat, integrè & in solidum nulla sibi parte reseruata restituit, fit, vt pro omni- bus beneficijs, non quouis modo, sed perfectissima ratione satisfecerit. Quod si aliud nihil omnino præter promptā volun- tatem obtulisset, adhuc oblatum in vtroque genere immensū precij & efficacitatis extitisset. Sed debitum, vt paulò antè asserbatur, ipsa gratiarū actione crescit. Crescit in nobis, qui omnia, quę quouis modo habemus, aliunde accipimus: & qui- dem

Filius Dei ni-
hil debebat,
neque ratio-
ne sui, neque
ratione natu-
rę assumptæ.
Sed neq̃ de-
bere quoque
potebat.

Oblatio Chri-
sti in cruce
fuit infiniti
pōderis, & in
ratione satis-
factiōis, & in
ratione rur-
sum gratiarū
actionis.

Gratiarū acti-
one beneficia
in Christo nō
crescunt : in
nobis necessa-
riō crescunt

Pater in diui-
nis Filiū non
liberē, sed na-
turaliter ge-
nerat: atque
ita hic illi ra-
tione genera-
tionis nihil
debet.

Plura debe-
bat Virgo ma-
teri filio, q̄ fi-
lius matri.

Vnionis gra-
tia neque no-
bis, neq; Ver-
bo fuit cōmu-
nicata, sed tā-
tū naturæ
assumptæ: hæc
autem nō sa-
tisfaciebat p-
se, sed psona.

dem necessariō in nobis crescit. Nam ipsa quoque gratiarum actio, est nouum quoddam beneficiū. In Verbo autem, quod omnia & singula à seipso petebat, & petit, crescere non poterat, nec potest.

Porrō autem cū Philosophus asserit, nullum mortalium dijs, parentibus, ac præceptoribus par reddere posse, id asserit quod in humanis perpetuō verum est, atque ideo generatim sumptum simpliciter admitti potest. In Verbo autem incarnato id locum non habet: tum quia persona infinita est, tum maxime quia nullo debito obstringi potest. Nam etsi Pater Filiū generet, non liberē tamen illum generat, vt hominem liberē creat: sed merē naturaliter & necessariō. Neque enim in Patris potestate positum est Filium non gignere. In humanis autem parentes non necessariō generant, sed liberē. Quare filij hominum parentibus suis plurimum debent: filius autem Dei patri suo nihil quicquam debet. Itaque cōmune illud & protritum in Scholis axioma hīc fallit. Certum est enim Virginem matrem multō plura debuisse filio suo Christo, quā Christus filius debebat sanctissimæ Virgini matri: non ob id solū, quōd secundū naturam illam creāssset, verū ob id etiam, quōd liberē ex illa natus esset. poterat enim alteri eam maternitatis prærogatiuā indulgere. Quauis ergo humana natura præcisē ac seorsum secundū se sumpta, pro acceptis beneficijs, & gratijs, quantas debebat, gratias referre non potuerit: potuit tamen pares, vel etiam maiores referre, vt Verbi hypostasi in-nixa erat. Ad postremum argumēti membrum respondetur, esse diuinum, vnionisve gratiam, neque nobis, neque personæ quoque fuisse communicatum, sed naturæ tantū assumptæ. Naturam autem non satisfecisse, sed personam. Et quauis totum illud, quod natura obtinebat, debito obstrictum esset: ipsa tamen persona ab omni debito immunis erat. Atque ita nihil est, quōd tertium argumētū nos conturbet, aut contra Christi satisfactionem instiget.

Quartum

Quartum eorundem argumentum.

At vrges porrò: Vbi lex vel præceptum, ibi & debitū quoque & obligatio obtinent. Vbi autem proprii debiri ratio militat, ibi plena pro altero satisfactio locum non habet. Neque enim ære illo, quod Titio debeo, id, quod Mæuio debebam, iure exoluere valco. Atqui Christus Dominus mortem, & legis obseruationem, & cætera, quæ mortem antecesserant, patri debebat. Siquidem expressio patris mandato, & patri, & mori, & legem, non solum naturalem, sed & Mosaicam quoque explere, & obseruare tenebatur. Legimus enim oportuisse illum pati, & ita intrare in gloriam suam. rursum: Ad mortem vsque obedientem factum esse. demum: Non venisse vt legem solueret, vel, vt suam voluntatem faceret, sed vt legem adimpleret, eiusque, qui illum miserat, voluntati morem gereret. Nihil ergo reliquum erat illi, quod in plenam pro peccatis nostris satisfactionem offerre posset.

Christus mortis & obseruationis legis mandatum accepit.
Luc. 24.
Phil. 2.
Math. 5.
Ioan. 6.

Quarti huius argumenti refutatio.

Ad hoc respondent quidam, neque imperitè, summam illam filij cum patre concordiam atque consensionem præcepti ac legis nomine designari. Quorum sententiæ inter alios & ipse quoque Cyrillus, exponens illud Euangelij, Potestatem habeo ponendi animam meam, & potestatem habeo iterum sumendi eam. Hoc mandatum accepi à patre. disertè astipulatur. ait enim: Beneplacito patris filius passus est. Neque ab extrinseco aut aduentitio filius nouum à patre mandatum accepisse intelligendus est, quod prius non habuerit: sed in Verbo vnigenito est omne patris mandatum. Cum autem filius accepisse dicitur, quod substantialiter habet, non potestas minuitur, sed generatio ostenditur. Pater enim filio, quem perfectum genuit, omnia gignendo dedit. Hæc ille, & rectè. Certum est enim propriam mandati rationem necessariò quandam disparitatem includere. Est enim maioris mandare, minoris iussa capeßere. Atqui filius, vt huiusmodi, nec

Summa filij cū patre concordia præcepti nomine significatur.

Ioan. 10.

Cytil. ad cap. 10. Ioan.

Propria præcepti ratio disparitatem ponit.

patre minor, nec patre infirmior erat, sed in omnibus, & per omnia ipsi par erat. Quare nullis ille paternis legibus tenebatur tanquam inferior: sed si qua lege, aut mandato tenebatur, ea ratione tantum naturæ assumptæ tenebatur: quanvis ne hoc quoque satis propriè.

Lex iustæ satisfactio-
nis rationem non
infringit.

Sed & dato quoque Christum Dominum proprii præcepti, legisve vinculo constrictum fuisse, adhuc tamen hinc consequens non fieret, ad iustum pro nobis satisfacere non potuisse. Nam, ut ex politicis manifestum est, lex iustæ satisfactio-
nis rationem non infringit. Planum est enim, qui alterius debi-
tum spontè vel iussus in se suscepit, satisfactio-
nis lege teneri: & tamen, ea lege vel obligatione non obstante, ad exactam iustitiæ rationem nomina, quæ in se receperat, dissolvere potest. Quanvis ergo Christus Dominus, cum liber alioqui es-
set, nostrum in se debitum verè transtulerit: Sacris enim li-
teris proditum est, maledictum factum esse, quò nos à legis
Gal. 3. maledicto liberaret: tum legi ultro se subiecisse, quò eos, qui
Gal. 4. sub lege erant, redimeret: tum servi denique forma susce-
pta usque ad mortem morigerum dictoque parentem exti-
tisse: per hoc tamen non præpediebatur, quò minùs cumu-
laram satisfactio-
nem in medium adferre posset.

Debitum le-
gis, obedi-
entia, vel chari-
tatis, iustitiæ
debito nihil
oneris adiū-
git.

Quòd si cui hæc non placent, is breuiter responsum ha-
beat, debitum legis, vel obedientiæ, vel charitatis, iustitiæ
debito nihil quicquam, quod eius cumulum exaggeret, solu-
tionem eiusdè aggrauet, adiungere prorsus: Vna nanque
eademque ad numerum solutione, si iusta, fuerit, integrè sa-
tis fit omnibus illis debitis. Qui enim creditori soluit cen-
tum, quos tantum debebat, una simul opera, & iustitiæ, &
legi, & obedientiæ, & charitati satisfacit. Christus autem
nullo omnino iustitiæ debito ex sese obstrictus teneba-
tur. Nihil enim ille peccauerat, nihil suppliciorum promeri-
tus fuerat, sed quicquid ex se debebat, hoc solo obedi-
entia iure, vel charitatis lege debebat. Hoc autem obedi-
entia debitum, quò confluat, quoque modo cumula-
tam

Christus nul-
la iustitiæ le-
ge tenebatur,
sed solè cha-
ritatis & obe-
dientia

tam

tam illius satisfactionem non impediuerit, paucis sic accipe:

Homo propter peccatum, in quod spontè, deliberataque animi voluntate sese coniecerat, debebat centum millia talenta, quorum solutionem creditor magna cum seueritate urgebat: ex se autem ne vnum quidem denarium exoluere poterat. Hic iam, vt pia quadam meditatione animo conciperelicet, pater ad filium: En homo tantam summam debet, & nihil, quo tantum æris exoluat, possidet. Ne igitur homo pereat, tu fili, licèt nulla iustitiæ lege ad id tenere, communis nostri plasmatis misertus humanam naturam posses assumere, eaque assumpta pro homine satisfacere. Filius porro, cùm hominis salutem æquè ardentè sitiret ac pater, alacri promptoque animo patris, imò communi omnium decreto paret. Suscepta itaque humana natura, homoque factus sudat pro homine, patitur pro homine, crucifigitur pro homine, moritur tandem pro homine: Patientdoque & moriendo pro homine centuplo plus exluit, quàm debebat homo. Quis iam dicere audeat, cœleste decretum, vel ardens filij in obediendo, & procurando hominis salutem studium impedimento illi fuisse, quò minùs ad contrahendi debiti æqualitatem satisfaceret? Profectò si debitum obedientiæ, vel legis, iustam solutionem infirmaret, nullus unquam iustè satisfacere posset: quippe cùm hoc debitum illi perpetuò indiuulsè cohæreat. Quicunque enim obstrictus est debito iustitiæ, simul quoque obstrictus est debito legis, vel obedientiæ, quanuis non contrà. Christi itaque Domini obedientia, humilitas, subiectio, & si qua id genus sunt alia, copiosam illam redemptionem non infirmant, sed confirmant: non euertunt, sed stabiliunt: non obscurant, sed illustant.

Cōmune sacrosanctæ Triados decretū Christi satisfactionē non infirmat, sed amplificat.

Quintum argumentum.

Argumentari & in hunc quoque modum quispiam posset: Si, quæ filius Dei in humani generis liberationem obtulit,

Qui totū integre, quod debebat, exsoluit, nulla indiget creditoris gratia.

Christus Dominus serio atdenterque salutis nostræ causâ orauit. Heb. 5.

tulit, conflat is à nobis debitis paria erant : quorsum ergo modò pro hoc, modò pro illo, modò pro omnibus tantæ animi contentione, tantoque spiritus ardore deprecabatur ? Nam qui ad exactam iustitiæ rationem, quod suo, vel alterius nomine debebat, exsoluit, is precibus, quibus creditoris gratiam emereatur, aut exasperatum offensus animi deliniat, non indiget. Illis, qui soluendo non sunt, opus est precibus, non ijs, qui opibus affluentes, debitum supra debitum exsoluunt. Et ne quis hîc fortè causetur deprecantis personam præ se tulisse veriùs, quàm seriò orasse, occurrat Apostolus, non quouis modo peccatorum nostrorum remissionem, & gratiam, ceteraque ad vitam nobis salubria, vel necessaria à cœlesti patre efflagitasse asserens, sed valido clamore, & lachrymis. Qui, inquit, in diebus carnis suæ preces supplicationesque ad eum, qui posset eum saluū facere à morte, cum valido clamore & lachrymis offerens, exauditus est pro sua reuerentia. Hæc ille, quibus cæteri Apostoli & Evangelistæ consentanea concionantur.

Solutio argumenti quinti.

Luc. 6. 23.
Matth. 26.
Marc. 6. 14.

Christus non orabat, quod meritorum suorum ponderi diffideret, sed quod de negligentia & indignitate nostra sollicitus esset.

Sed hæc quoque ratio, quæ de cumulato Christi merito, plenaque ac perfecta eiusdem satisfactione suprâ constituta sunt, non enervat. Nam etsi non orantis solū personam sustinuerit, sed & verè quoque & prolixè sæpe orauerit, (siquidem in oratione Dei pernoctasse, & aliàs crebrò orasse legitur) non ea tamen de causâ orabat, quod meritorum suorum ponderi diffideret, aut quod de satisfactionis suæ virtute, aut perfectione dubitaret ; sed quod de nostra indigentia, & indignitate sollicitus esset. Quanvis, inquam, Christus Dominus ardentè sæpe cœlestem patrem rogaret, nunquam tamen rogabat, quò is filij sui merita veluti conflato debito secundum se imparia, aut diluendis criminibus nostris ex se minùs idonea vel efficacia, pro sua clementia veluti paria & idonea admittè dignaretur : Eiusmodi enim orationē fundere non poterat.

poterat. Certò enim nôrat, quęcunque agebat, vel patiebatur, ea cœlesti patri summè grata, summeque ad quiduis obtinendum efficacia existere. Rogabat autem, vt, quę in se, & secundùm se plenissima, & efficacissima, modisquę omnibus iustissima erant, vel in omnibus simpliciter suam vim & energiam sortirentur, vel certè in omnibus electis. Nam pro obstinate sceleratis, ac ad finem vsque impijs, vel non orâsse credibile fit, vel certè non absolutè orâsse. Aliàs enim & ipsi quoque salute potirentur: quippe cùm pater nihil deneget filio, quod is absolutè efflagitat.

Christus neque orabat, neque orare poterat parrem, quò ea acceptaret quę salutis nostrę causâ operabatur, vel patiebatur.

Christus non eodem modo preces fundebat pro præcitis, quò pro electis.

Dixerim credibile fieri, Christum Deum ac Dominum nostrum paternę volûtatis, quam implere venerat, oppidò gnarum, mortem & crucem suam pro electis, & in electis suis non solum sufficientem esse voluisse, verùm etiam efficacem: pro alijs autem, & in alijs, quos propter scelera sua à patre reiectos certò intelligebat, & ipse proinde mundum appellat, ait enim: Non pro mundo rogo, sed pro eis, quos dedisti mihi optâsse quidem efficacem esse, non simpliciter tamen & absolutè pro ijs obtulisse, vt qui sua vi, suoque fine in eiusmodi hominibus frustratum iri exploratissimum haberet, non certò quoque sciri. Nam quî salutis nostrę vindex in illos affectus fuerit, quos ad mortem vsque nequam & impios fore præiudicabat, quid ve, vel precum pro ipsis fuderit, aut operum eorundem causa exhibuerit, id nobis liquidò non constat. Certò tamen statui potest infelicem illorum vicem ex animo doluisse. Nam qui propter Hierosolymorum excidium vsque adedò dolenter ac tenerè illachrymatus est, cum ex tot animarum iactura maximum doloris sensum cepisse veri similitimum est.

Orabat itaque filius Dei, vt, quam ex se vim & energiam mors & crux illius continebant, eam validè in nos exercerent. Orabat, vt, quę ex merito illius debebantur cumulatè, cumulatè quoque nobis obuenirent. Orabat, vt se verum perfectumque hominem ostēderet. Orabat, quò aduersus blasphemam

Ioan. 17.
Christus præcitos mundū quidē appellat. Qui autē erga eiusmodi affectus fuerit, id certò non constat.

Orationum, precū, & supplicationum Christi multę graues causę.

Filius Dei da-
tus nobis nō
solum vt Re-
demptor, ve-
rū etiam vt
morum do-
ctor.

mam ludæorum insultationem, se Deo aduersum non esse, clarè aperteque declararet. Orabat tandem, vt præclarū orandi exemplum nobis proponeret. Nec enim Christus tantum vt Redemptor venerat, verū etiam vt vitæ, morumque magister, ac doctor. Quòd igitur filius Dei & crebrò orasse, & pro sua pietate vel reuerentia exauditus legitur; id plenissimo illius merito nullum præiudiciū parit. Non enim rogabat, quò illud in se, vel secundum se perfectum vel efficax existeret: vtrunque enim secundum se erat: sed quò in nobis eiusmodi esset. Quemadmodum & Catholica quoque Ecclesia petere interdum solet, vt Christi Domini Sacramenta efficaciter id præstent, quod significant. Non quòd de eorū virtute ambigat, sed quòd de nostra indignitate, & indispositione formidet. Qualis autem erat oratio, talis erat & exauditio quoque.

Quæ ratione
Ecclesia oret
vt Sacramen-
ta præstent,
quod signifi-
cant.

Argumentum sextum.

Satisfactio
absolutè iusta
excludit oēm
creditoris gra-
tiam & mise-
ricordiam.

Instant sextò eiusmodi ratione: Satisfactio ad absolutam iustitiæ trutinam exhibita, excludit omnē creditoris gratiam, omnemque eiusdem misericordiam, & liberalitatem: Christi autem meritum & satisfactio diuinam liberalitatem, & gratiam non excludunt, sed necessariò includunt. Non solum singularem illam hypostaticæ vnionis, quam principalem, vel fundamentalem appellare licet; sed & alteram quoque illam, quam communis, vel habitualis nomine designare solent. Erat enim insignis liberalitatis & gratiæ, quòd cœlestis pater tot illum virtutum præsidij muniret, totque donorum ornamentis cumlaret, gratijsque ac prærogatiuis augeret.

Solutio sexti argumenti.

Creditoris
liberalitas
non pugnat
cum satisfac-
tionis iusti-
tia.

Ad hanc argutationem paucis responderi potest, creditoris liberalitatem cum iustæ solutionis ratione non pugnare. Potest enim debitor, magna antè creditoris munificentia vsus, totum quod debebat, ad iustum, imò etiam supra iustum exoluere. Exemplo id vno ostendamus: Debebat Plato rerum omnium inops Socrati auri talenta decem,

cem, quæ proinde Plato ne minima quidem ex parte ex suis censibus exoluere valeat. Socrates porro, hominis miserię inopiãq; penè extremę misertus, vnicā gnatam cum viginti talentorum dote vltro ipsi in vxorem tradat. Iam si Plato ex insperato vxore amplissimaq; dote auctus, ex dotali pecunia socero suo Socrati renumerat vndecim, aut duodecim auri talenta: certum est Socratem creditorem post eam remunerationem nihil ampliùs à Platone quondam debitore exigere posse, et si summa seueritate cum illo agere vellet. Soluit enim Plato totum illud, quod debebat, integrè, & aliquid etiam eo ampliùs. Erat tamē singularis gratiæ & beneuolentię, quòd filiam, tam egregiè dotatam, tam nullius fortunæ fortisq; homini in coniugium traderet.

Pari ergo modo licèt homo contractū à se debitum exoluere nequaquam posset, nisi misericordiarum pater vnigenitum filium suum admirabili quodam vinculo humanæ naturæ vnitum mundo donaret: Eo tamen in Redemptorem, & doctorem orbi semel donato, humanæque naturę tanquam legitimæ sponsæ indissociabili nexu semel copulato, non solum conflato debito par dependere potuit, & reipsa quoque dependit, sed aliquid etiam eo maius. Deindè verò esto, humana natura eximiam in se Dei benignitatem liberalitatemque hoc ipso experta sit, quòd tantis gratiarum ac charismatum opibus cumulata, in diuinam hypostasim assumpta fuerit: filio tamen Dei, qui verè pro nobis satisfecit, nulla omnino gratia obtigit. Nam cùm per assumptionem naturam dignitatis gradum, aut statum non mutaret, neque mutare posset; debebatur illi, vt, quamecunque tandem naturam sibi adiungeret, illa Deo infinitè grata, atque adedò ad merendum & satisfaciendum infinitè valida esset.

Imò verò licèt Christi Redemptoris anima nullam inherentem, habitualemente gratiam sortita fuisset, adhuc Verbi incarnati pathemata & opera Deo Opt. Max. infinitè grata, in-

Homo per Christū multo plus exoluit, quàm debebat.

In humanam naturam plurima beneficia collata, in filiū Dei aulā omnino.

Quisvis Christi anima habituali gratia fuisset destituta, adhuc illius opa Deo extitissent infinite grata.

ta, infiniteque ex consequenti ad merendum & satisfaciendum fuissent efficacia. Quandoquidem Christi humanitas eiusmodi sanctificantis inhærentis ve gratiæ munere destituta, cœlesti sponso adhuc arctius familiarisq; fuisset vnita, quàm vlla omnino creatura, per quamcunque, vel quantamcunque gratiam vniri ipsi possit. Et quemadmodum filius Dei citra vllam inhærentem gratiam, propter eximiam suppositi dignitatem, perfectè pro nobis satisfacere poterat: ita, vt quibusdam placet, licèt ea, quæ salutis nostræ causa operabatur, ex hypostaseos excellentia & dignitate nullum merendi aut satisfaciendi robur habuissent, sed ex sola infusa gratia liberoq; arbitrio, prout in ceteris iustis fieri solet; adhuc per eiusmodi officia ad rei qualitatē satisfacere potuisset: Siquidem gratiam, cuius virtute satisfaciebat & merebatur, non ex alio, sed ex seipso petebat: Id quod in nullam puram creaturam conuenire poterat. Hęc illi.

Opinio quorundā de efficacitate gratiæ Christi.

Verum hæc opinatio non est satis certa, nec satis fortassis, quæ recipiatur, idonea: Quandoquidem cū habitualis hæc gratia non fuerit tanta, quin maior conferri potuerit, si non vni, certè grandi hominum multitudini: consequens fieret, vel vnum iustum, vel grandem iustorum multitudinem pro omnibus mortalium omnium peccatis ad iustum satisfacere potuisse: & tamen hoc iustè & rectè antè negatum fuit. Est sanè aliquid, ex se habere gratiam, sed non est hoc tantum, vt ob id opinationem hanc admittere nos oporteat. Sed satisfaciebat, inquit, per gratiam, quam acceperat, ergo non ex condigno? Satisfaciebat sanè per illam, sed non per illam solam, vt sæpe iam dictum est. Aut certè non per illam, prout in esse habitus, aut qualitatis sumebatur: sed prout sumebatur secundum patris acceptionem: Atqui ea gratia, vel acceptatio Christo satisfaciendi erat naturalis: Naturaliter enim dimanabat ex vnione Verbi ad humanam naturam. Quare licèt ex eo quod Verbum vnitum esset humanæ naturæ, non necessariò consequeretur illud ens, vel illa qualitas, quæ

Christus satisfaciebat gratiam, sed non per gratiam solam, nec per illam quoque vt gratia spiritalis quædam qualitas est. Gratia vt dicis cœlestis patris acceptionem, erat Christo naturalis.

quę appellatur gratia: naturaliter tamen & necessariò sequebatur, vt omnes illius actiones à Deo acceptarentur, eidemq; gratę essent. Siquidem persona operans naturaliter erat accepta & grata: Et huc tendunt, qui Christi gratiam in esse gratiæ infinitam, in esse verò qualitatis finitam esse dicunt.

Gratia Christi in ratione qualitatis finita, in ratione gratiæ infinita.

Argumentum septimum.

Sed esto, ais, nulla ex parte precij p̄soluti interuenerit gratia: at summæ c̄tra vllā ambiguitatem gratiæ & liberalitatis erat, q̄ eternus pater Christi Domini nostri sudores, eiusdēq; percussiones, tartarearū p̄cnarū loco admittere non recusabat, ad hoc enim nulla lege cōpellebatur. Non enim obligatur creditor diuersum specie in solutū recipere, verbi gratia, frumentum, si debetur aurum, vel argentū: aut vice versa aurum vel argentum, si debetur frumentū: præcipuè verò Deus, qui ad extra nihil necessariò amat, aut acceptat, sed iuxta sanctissimę ac liberrimę voluntatis suę beneplacitum omnia contingenter, & liberè: Atqui genus nostrum sempiternos gehennę cruciatus debebat.

Creditor non obligatur diuersum specie in solutū accipere.

Deus ad extra nihil acceptat, aut amat necessariò, sed omnia liberè.

Solutio septimi argumenti.

Ad hoc argumentum in partē responsum est iam antè. Dictum est enim, & quidem magna probabilitate dictum est, hominem per se primò, & proximè inferni tormenta non debuisse, sed integram tantū sinceramq; ad Deū conuersionem, hoc est, obedientiam, honorē, & reuerentiā, quas res legis præuaricatione Deo, quod in se erat, nefariè ademerat. Siquidem præcipua peccati ratio consistit in actuali vel habituali à Deo auersione: Cui (vt communis Scholæ sententia habet) proximè non debetur p̄cna sensus, sed p̄cna tantū damni. Ex illa tamen auersione, honorisque, obedientiæ, ac reuerentię iniusta subtractione, tartareę p̄cnę reatus necessariò confurgit, debitorē tantisper obstringens, dū id, quod per peccatū abstulerat, per se, aut per alterum in solidū restituat. Restituit autem per vnigenitū Dei filiū. Hic enim hominū causa homo factus, maiore sua obediētia, & humilitate, honoris & obseruantię

Quicquid homini per peccatū Deo abstulerat, hoc totum p̄ Christum illi restituit.

cultum Deo detulit, quàm homo sua superbia, & inobedientia, eidẽ, quod ad se quidẽ attinebat, detraxerat. Veruntamen non copiosa apud ipsum redẽptio extaret, nõ fuit contentus ea honoris, famę, reuerẽtię, ac obseruatię restitutione, sed insuper omne quoque pœnarum ac cruciamentorum genus, imò verò mortem ipsam nostri causa experiri voluit: atq; ita non solùm honorem honore, verùm & pœnã pœna pensauit.

Sed & dato quoque, quod argumentum sumebat: puta id, quod Christus Dominus exoluit, non eiusdẽ omnino rationis extitisse cum eo, quod debebatur: hinc tamẽ non cõficitur ad exactam iustitię rationẽ non fecisse satis. Nam de perfectę satisfactionis ratione non est, vt creditor id suscipere teneatur, quod exoluitur, sed vt id integrẽ depẽdatur, quod simpliciter debetur: siue, vt iuxta precij æqualitatem tantum soluatur, quantũ iure debebatur: ita vt creditor nihil eo amplius quod exhibetur, iustẽ exigere possit. Impertinẽs est itaque ad rem, obligatus ne pater fuerit ad id acceptandum, quod filius iniuriarũ compensationẽ offerebat, an secus. Sat est, Christum Redemptorem multò plus citra vllam comparationem restituisse, quàm per hominem fuerat ablatum: maiorisq; precij extitisse, quod obtulit ipse, quàm quod homo abstulerat.

Adde, cùm id, quod in contracti debiti solutionem hĩc dependebatur, ab eo dependeretur, qui patri infinitẽ gratus erat, eidemq; per omnia equalis: quod filius dependebat, non potuisse patrem in solutionem non admittere: ne, quod per absurdum est, Deus id nollet admittere, quod idem ad numerũ Deus vellet offerre. Tandem vt penès patrem, & filium, & Spiritum sanctum erat, hoc vel illud in compensationem, vel satisfactionem admittere, vel acceptare: ita penès eundem filium vt Deum erat, hoc vel illud in redẽptionis nostrę precij offerre. At Deus, aiebas, nihil necessariò acceptat ad extra: fuit ergo peculiaris gratiã, q̃ filij sui sudores in nostrã satisfactionem admitteret. Nã absolutẽ nihil vult extra se. Posito tamen, aliqd extra se velle, nõ potest quoq; id nõ velle, quod absolutẽ & necessa-

De perfectę satisfactionis ratione vnum hoc est, vt id integrẽ depẽdatur, quod debebatur, siue specie cõsentiat, siue dissentiat.

Pater nõ poterat reijcere quod filius offerrebat, quod cunquetandẽ obulisset.

necessa-

necessariò ad illud, quod formaliter volebat, naturaliter cõsequitur: Vt si vult hominẽ, vult etiam animal, & corpus, cætèraque, quæ ad hominis integritatẽ deposcuntur. Ad rem positam: Licet Verbum humanam naturam liberè assumpserit, posita tamen eiusmodi assumptione, non potest assumptum infinitè non amare, omniaque illius opera infinitè non approbare, qualiacunque ea demum extiterint.

Et si Deus extra se nihil velit, tamen si quod eiusmodi liberè velit, non potest id non velle, quod necessariò ad illud consequitur.

Brentiani argumentum hoc, quod de pœnis tartareis obijcitur, facili negotio expediunt. Defendunt illi enim filium Dei incarnatum ipsissimas inferorũ pœnas, cum in corpore, tum etiam in anima pertulisse: Atque ideo contractum à nobis pœnarũ debitum non secundum æqualitatem solũm dependisse, verũ etiam secundum speciem. Sed sanè eiusmodi infernalem de Christi Domini nostri satisfactione doctrinam, infernalibus illis Theologis libenter relinquimus: nobis de Christi Domini nostri œconomia, sanctitate & innocentia saniora edoclis, compertissimum est, filium Dei ipsa inferni tormenta, nec passum esse, nec pati vlla ratione potuisse. Constat enim eiusmodi pœnam, præter cruciatus, qui extrinsecus adferuntur, completi pœnam damni, diuinęque visionis priuationem: tum atrocissimum rursus conscientię vermem ex iugipatratorum scelerum memoria natum. At Christus à primo ortus sui instanti clarè perfecteque Deũ videbat, omnisq; peccati & doli expers erat: Impossibile est ergo aliquando pertulisse inferni pœnas. Mitto hĩc, tartareos cruciatus vt causam propriã & necessariã ponere capitalẽ noxã, eamq; propriam, atq; adeò inter Deum & inferni cruciatibus mancipatum capitalẽ inimiciã. Talismodi aut̃ inimicitia, & animorũ abalienatio inter patrem & filium nequaquam intercedebat. Erat enim vnus ille inter omnes, in quo patris Spiritus infinita quadam suauitate & iucunditate conqueſcebat. Sed nec vllò quoq; casu, aut rerũ euẽtu intercedere poterat: vt q̃ innocentiam & sanctitatẽ suã nullo peccato amittere posset. Summã illã indelebilemque Christi innocentiam nõ solũ impugnant, |

Brentianis filius Dei ipsissimas inferorum pœnas sustinuit.

Infernalis Brentianorũ de Christo doctrina.

Inferni pœna ponit propriam noxam, eamque capitale.

sed aptè quoq; negāt Calviniani tamen, & Brentiāni & Melan-
thonij. Blasphemāt enim, Christū Dominū in cruce desperāsse,
atq; ideo illud Daudicū, Deus meus, Deus meus, vt qd dereli-
sti me: valido clamore ingemināsse. Sed hoc equè tartareū atq;
alterū illud. Nā si filius Dei in cruce desperauit, vt isti blasphe-
mo ore eruāt: ergo mūdi huius principē nō debellauit, neq;
nos ab improba illius seruitute asseruit: sed miserē ab illo deui-
ctus superatusq; & sauciatus succubuit: neq; oīs doli & sceleris
exps, planeq; innocēs, & impollutus, & à peccatoribus sēgrega-
tus mortē p nobis oppetiit, sed horrendo peccato obstrictus:
Siquidē peccatorū omniū pessimū, peneq; maximū, est despe-
ratio. At tēdet cū horrēdis istiuscemodi portētis plurib' agere.

Argumentum octauum.

Vrgent octauū: Si Deus ac Dominus noster Iesus Christus
ea plenitudine & perfectione satisfecit, quam vos prädicatis,
aur ergo satisfecit vt homo, aut vt Deus. Nō vt Deus, quia tūc
nec solus satisfecisset: siquidem opera trium diuinarum hy-
pothēon ad extra sunt indiuisa, & indiscreta: Nec ad exactam
iustitiā amissum fecisset satis: quandoquidem perfecta iusti-
tię ratio eiusdem ad seipsum constare non potest. Ratio enim
iustitię non est ad seipsum, sed ad alterum: Deus autem vnus
est. Nec rursus satisfecit vt homo: nam secundū naturam
assumptam quēuis illius actio tam externa, quā interna erat
finita, cū non esset rei infinitę, sed finitę, & intra certos
quidditatis limites conclusa.

Solutio octauī argumenti.

Et hæc quoq; argumētatio maiori ex parte iā antè soluta
est. Assertū est enim, & euidenter quoq; ostensum est, filiū Dei,
neq; præcisē satisfecisse vt hominē, neq; præcisē rursū vt De-
um, sed vt Deū hominē: Satisfecit enim psona diuina: sed non
secundū diuinā naturā. Demonstratū est nihilosecius falso
asserri Verbū incarnatū nullā peculiarē, sibiq; propriā in illis
functionibus, ac ppressionibus, quibus redēpti, & in pristinā li-
bertatē restituti sumus, efficiētiā habuisse, & vtrunque rectē.

Planum

Psal. 24.

Christus in
cruce nec de-
sperauit, ne-
que despera-
re potuit.

1. Pet. 2.
Heb. 7.

Opera exter-
na Trinitatis
sunt indiuisa.

Eiusdem ad
seipsum nul-
la est iustitia.
Aut ag. sen-
tentia.

Christus sa-
tisfecit vt De-
us homo.

Christus sa-
tisfecit & pa-
sus est solus:
non Pater,
nec Spiritus
sanctus.

Planū est nanq; Christū Redemptorē per ea, q̄ in natura humana, nō Patris, aut Spiritus sancti, sed sūc hypostasi vnita perpe-
sus & operatus est, proximā redēptionis nostrē causam extitisse. Satisfecit itaque Deus, sed non secundū deitatem, sed secundū humanitatē. Satisfecit & homo quoque, sed non in hominis persona, sed in hypostasi diuina, atque ideo infinitē.

Christus Deus satisfecit, sed non secundū deitatem: satisfecit rursum Christus homo, sed nō in hominis persona.

Eiusdem ad seipsum extat iustitia, modō is geminā personā sustineat.

Sed & falsō quoque sumitur eiusdem ad seipsum nullā extare iustitiam, neque extare posse: potest enim, modō tamen vnus ille creditoris simul & debitoris personā induat: quem admodum vsu venire id solet, dum vnus quispiā ex vniuerso mercatorum collegio, damno cōmuni æriillato ex proprijs censibus facto, postea ex æquo cum collegis lucri partē capit. Hic enim, vt damnum omnibus illatum solus refundit, debitoris; vt aut ex re sua impensa iam facta & instaurata cum ceteris emolumentum accipit, creditoris personam sustinet. Et vt maximē in ceteris locum id nō haberet, in Christi tamen oeconomia habet, & quidem opportunū & necessarium habet. Hic vnus enim inter omnes, quotquot sunt, fuerūt, aut erunt vnquam, ita vna ad numerū persona existerat, vt tamen propter geminam naturam, quam in vna illa persona sustentabat, duarum vicē verē gereret, duarumq; munia verē perfectēq; obiret, ac duarum tandem attributa & prædicata verē propriēque admitteret. Verē enim & propriē patibilis dicebatur & impatibilis: finitus rursum & infinitus: seipso minor, seipso maior, & quicqd demū eiusmodi alterutri naturę rectē attribui potest.

Propter geminam naturam Christus duarū personarū vicē verē gerebat, duarūque munia vere obibat.

Quæ ergo, inquis, actionum Christi ratio erat? quæ earundem discrimina? Vna hæc paucis: Omnes & singulæ, quæ secundū diuinitatem in Verbū cadebant, illæ entitatiuē erant infinitæ, illiq; cum Patre, & Spiritu sancto communes: quæ autem in illud conueniebant ratione naturę assumptę, illę in genere rerum & quidditatiuē erant finitæ, eidemq; propriæ. Neq; enim Pater passus est aliquando, aut Spiritus sanctus mortuus, sed solus Filius. Hic vnus enim mirabili quodam modo extra seipsum egrediens, & tamen intra se manens, factus est homo,

Christi actiones secundū diuinitatē infinitæ, illique cum Patre & Spiritu sancto communes: secundū humanitatē aut finitæ, illique propriæ.

Christus si-
mul debitor
& creditor, si-
mul soluens
& solutio-
nem exigens.

qui debebat: idemq; manēs, quod erat, hoc est, Deus, & factus, quod non erat, videlicet homo, sibi ipsi vt Deo factus est debitor. Atque ita vnus idemq;ue, non secūs ac si gemina hypostasi substitisset, simul debitor & creditor, simul soluens & solutionem exigens erat. Decuit nanque vt contractum ab se debitum homo solueret per seipsum, & non per alium. Patet ergo quā personæ vnitas, neque integræ satisfactioni, neque merito quoque aduersetur condigni.

Argumentum nonum.

Iustus sibi ex
condigno, al-
teri ex con-
gruo mereri
potest.

Instant nonò: Non minorū est virium pro seipso satisfacere, quā pro altero: sicut quoq; non minoris, imò maioris difficultatis est, alteri cuiusq;ue, quā sibi ipsi mereri. Sibi enim iustus ex condigno mereri potest, alteri ex congruo tantum. Atqui si Christus homo pro humanę naturę imbecillitate in aliquod capitale flagitiū cōcidisset, nō potuisset secundū integrā iustitię rationē pro seipso satisfacere, ergo neq; pro nobis quoq; ad iustū simpliciter satisfecit, aut satisfacere potuit.

Solutio noni argumenti.

Plus mereri
potest iustus
alteri non ius-
to, quā in-
iustus sibi ipsi

Rationis huius vis nulla est prorsus. Multò nanq; citra vllā comparationē plus mereri potest innocens, sanctus, & impollutus alteri quantumlibet impuro, ac scelerato, quā improbus scelerosusq; peccator sibi ipsi. Et quanuis Christi humanitas quandiu Verbo associata maneret, peccare non posset: Nam vt persona operās infinitè erat grata, ita oīa illius opera Deo infinitè placebant: Attamen dato, quod argumentum sumit, pfectò, qui p alijs ad iustitię legē satisfecit, idem ille & suę quoq; humanitatis debitū integrè, & ad rei æqualitatē exolvere potuisset. Nulla enim apparet ratio, cur filius Dei id pro se suāve natura præstare non potuerit, quod præstitit pro alijs.

Qui pro alijs
satisfecit, pro
se quoq; satis-
facere potuis-
set, si quo de-
bitō obstric-
tus fuisset.

Argumentum decimum.

Christi satis-
factio empti-
onis & redē-
ptionis nomi-
ne significa-
tur.

Christi Domini satisfactio passim in Scripturis emptionis & redemptionis nomine designatur. Atqui eiusmodi locutiones sunt improprie & metaphoricę: Siquidem nullus hīc apparet emptor, nullus venditor, nulla merx, preciū nullū: ergo Ver-

Verbum incarnatū nō propriè satisfecit, sed tantūm impro-
priè & imperfectè, & per consequens non ad rigorem iustitiæ.

Solutio argumenti.

Ad hunc cauillū paucis dici potest, eiusmodi locutiones es-
se proprias, Scripturisq; & Patribus maximè familiares. Quod
autē ad contractus partes attinet: Venditor in hoc cōmercio
non est diabolus, huic enim nullū verum ius in hominē com-
petebat, vt qui per meram fraudē & imposturā Dei peculium
inuasisset: sed Deus Trinitas, huius enim iustitia lēsa fuerat.
Emptor, Christus Dominus: illius nanq; hēreditas facti sumus.
Precium, nō aurum, aut argentū, aut aliquid aliud eiusmodi,
sed preciosus vnigeniti filij Dei sanguis. Merx, populus genti-
um, cēteri que, qui salute potiuntur. iuxta illud Psalmistæ: Po-
stula à me, & dabo tibi gentes hēreditatē tuam, & possessionē
tuam terminos terræ. Appellatur autē contractus hic emptio,
propter precij equalitatem: redemptio verò & liberatio, pro-
pter seruitutem, quam genus mortaliū seruiebat peccato &
diabolo. Nā etsi is nullā iurisdictionē in hominē haberet, Deus
tamen permisit illi vt suā in hominem tyrannidē exerceret: &
iustè id permisit, tum quia in diaboli potestatē vltro sese cōtra-
diderat: tum maximè, quia ppter insignē suā inobedientiā, vt
eiusmodi tortorem pateretur, iure optimo promeritus fuerat.

In humani
generis Re-
demptione
venditor De-
us Trinitas &
emptor, Ver-
bum incarna-
tum: precii
Christi san-
guis: merx,
homo.

Psalm. 1.

Cur humani
generis libe-
ratio appelle-
tur emptio,
cur item re-
demptio.

Argumentum undecimum & postremum.

Argumentantur tandem hunc in modum: Si Christus Do-
minus cumulatè, & supra condignū pro omnibus mortalium
omniū peccatis satisfecit, cur ergo non omnes saluantur? cur
miseri mortales tot ærumnis, ac cladibus passim premuntur?
cur deniq; Deus Opt. Max. nō solūm peccatorū detestationē,
accuratamq; eorundē confessionē, verūm etiā pceptorum
obseruationē, & iustā de admissis sceleribus satisfactionē exi-
git? Hęc enim omnia, & alia pterea multa his cognata, cum
copiosa illa satisfatione, & meritorum Christi plenitudine
non satis constare posse videntur. Non ergo ad exactam illam,
& seueram iustitię rationem pro nobis ab eo factum est satis.

Solutio

Solutio argumenti postremi.

Christus, & gratiâ, & ea omnia, quibus præparamur ad gratiam, nobis promeritus est.

Causæ, cur non omnes cumulatæ satisfactionis Christi participes fiant.

Hic aries in eo tractatu ex instituto retundetur, quæ de nostra satisfactione adornamus, & hunc propediem, si Dominus permiserit, consequetur: nunc obiter dixerim, Christum Dei filium gratiam, & gloriâ, & peccatorum remissionem, & cetera omnia, quibus ad hæc obtinenda præparamur, vel adiuuamur, plenissimè, iustissimèq; nobis promeritum esse: Nec ideo tamen omnes saluos fieri. Cur ita? Quia non omnes ea præsidia & media adhibere student, quibus passionis Christi vis & meritum in mortaliu animos transfundi debet. Nec enim Christus Dominus ideo mortuus, suppliciaq; adeo dira perpeffus est, quod nos ociosam, atq; ab omni studiofio opere feriatam vitam ducemus: sed quod ipsius exemplo excitati, & auxilio nixi in virtutum studio impigrè curremus, ijsq; antidotis & pharmacis, quæ ipse non absq; ingentibus sumptibus sudoribusq; in peccatorum nostrorum expiationem comparauit, pie, religiosè, & tempestiuè vteremur. Quia ergo non pauci isthæc neglectui, alij etiâ contemptui ducunt, non obstante meritum Christi magnitudine, & multitudine, sit vt plurimi sine, ad quem conditi erant, frustrati in omnem æternitatem pereant. Sed de hoc argumento suo loco fusiùs.

Nihil adferretur ab Antag. quod plenam Christi satisfactionem vlla ex parte la- befaciat.

Constat ex his ergo, quicquid contra cumulatam illam Christi Satisfactionem adfertur, id totum inualidum infirmumq; esse, nec satis idoneum, quod vlla illam ex parte obscuret, nedum conuellat, aut euertat. Constat nihilofecius multò plus commodi nobis attulisse Christi Redemptoris humilitatè & obedientiam, quàm incòmodi primi parentis nostri superbiam & rebellionem. Cõstat tandem catholicos Scriptores longè maiorem vim & energiam tribuere Christi merito, & satisfactioni, quàm eisdem tribuant hæreticorum duces. Illi, qui tantum salutis nostræ causa thesaurum æterno Patri exoluit, & obtulit, sit honor, & gloria, & gratiarum actio in perpetuas æternitates. Amen.

LAUS DEO.

DISPV.

DISPUTATIO
DE MAIESTATE
HOMINIS CHRISTI,

IN CELEBRI ACADEMIA INGOL-
stadiana ad normam veræ piæque doctrinæ per Theses expli-
cata, aduersus impias Iacobi Andreæ Schmidelini Theses, de
hac eadem hominis Christi Maiestate, Tübingæ
propositas publicèque defensas.

Aequus iudicet Lector, & veritatem contra
falsitatem ingenuè tueatur.

P R A E F A T I O.



Ircunferuntur dogmata quæ-
dam, authore Schmidelino,
de Maiestate hominis Chri-
sti, non quæ Apostoli docu-
erunt, sed noua planè & per-
niciosa, & cum Christi, Apo-
stolorum, Prophetarum, Mar-
tyrum, Confessorum, & cum
omnium denique totius Ec-
clesiæ Catholicæ Patrû doctrina ex diametro pugnan-
tia. Quoniã verò Apostolus grauiter monet, ne doctri-
nis varijs & peregrinis abducamur, iubetque doctri-

Heb. 13.

Ddd nam,

1. Tim. 6.

nam, quæ secundum pietatem est, tueri salutem in Ecclesia: operam nos, neque inutilem, neque à professione nostra alienam, sumpturos existimauimus, si aduersus novos & impios Schmidelini errores, veram & orthodoxam Ecclesiae sententiam vindicaremus. Proponimus ergo Theses, ut ille fecit, sed meliore fide tractaturi graue hoc & scitu dignum Argumentum. Ac duplicem quidem ordinem Thesium posuimus, ut primum haberet lector totius negotij, quod plerisque; forsan obscurum videbitur, necessariam explicationem: deinde verò, ut de Schmidelini ineptijs, imò aperta & horrenda impietate, boni omnes rectius iudicarent. Quare Theses alias explicatorias, alias confutatorias fecimus.

Hunc nostrum laborem, quisquis es veritatis studiosus, boni ut consulas per Christum rogamus. Ingolstadij calendis Iulij, Salutis Anno millesimo quingentesimo sexagesimo quarto.

EX

EX VINCENTIO LIRINENSI
ANTIDOTVM ADVERSVS PRO-
FANAS HAERESVM NOVITATES.

Cum primum mali cuiusque erroris putredo erumpere cæperit, & ad defensionem suæ sacrae legis verba furari, eaq; fallaciter & fraudulenter exponere: statim interpretando Canonis, Maiorum sententiæ congregandæ sunt, quibus illud quodcunq; exurgat novitiū, ideoq; profanum, & absque vlla ambage p̄datur, & sine vlla retractatione damnetur. Sed eorum duntaxat Patrum sententiæ conferendæ sunt, qui in fide & communione Catholica, sanctè, sapienter, constanter viuentes, docentes & permanentes, vel mori in Christo fideliter, vel occidi pro Christo feliciter meruerunt.

EX EODEM VINCENTIO.

Hæretici diuinæ scripturæ testimonijs vtūtur, & vehementer quidem. Nam videas eos volare per singula quæq; sanctæ legis volumina. Siue enim apud suos, siue alienos: siue priuatim, siue publice: siue in sermonibus, siue in libris: siue in conuiuijs, siue in plateis: nihil inquam penè de suo proferunt, quod non etiam Scripturæ verbis adumbrare conentur. Et paulo post: Sed cum cæperint illas voces, non iam proferre tantum, sed etiā exponere: nec adhuc iactare solum, sed etiam interpretari: tūc amaritudo illa, tunc acerbitas, tunc rabies intelligitur: tunc novitiū virus exhalatur: tunc profane novitates aperiuntur: tūc primum scindi sepem videas: tunc transferri Patrum terminos: tunc Catholicam fidem cadi, tunc Ecclesiasticum dogma lacerari. Tales erant ij, quos percutit Apostolus Paulus in secunda ad Corinth. dicens: Nam eiusmodi, inquit, Pseudoapostoli, operarij subdoli, transfigurant se in Apostolos Christi. Quid est, transfigurant se in Apostolos Christi? Proferebant Apostoli Psalmorum auctoritates, proferebant & illi: proferebant Apostoli sententias Prophetarū, & illi nihilominus proferebant. Sed cum ea, quæ similiter protulerant, interpretari non similiter cæpissent, tunc simplices à subdolis, tunc infucati à fucatis, tunc relli à peruersis, tunc postremò veri Apostoli à falsis Apostolis discernebant vr.

THESES EXPLICATO- RIAE DE MAIESTATE HOMINIS CHRISTI.

I.



Um omnis hæc de Maiestate hominis Christi disputatio ex hypostatica duarum naturarum in Christo vnione peri debeat & intelligi, res ipsa postulare videtur, vt ante omnia discrimen, quod inter hypostasim & naturam intercedit, hoc loco repetamus & animaduertamus. Quod sanè discrimen si negligatur, non minus erit nobis periculi, quàm plerisque accidit in illo veterum Hæresiarcharum albo, qui inter hypostasim & ουσίαν non distinguentes, in varios, eosque pudendos & impios errores impeerunt.

2. Sic Arrianidum ex personarum trinitate, naturarum trinitatem inferunt: Filium à Patre, & Spiritum sanctum ab vtroque τρεῖς οὐσίαις astruunt. Ediuerso Sabelliani, quoniam ex vna τριάδος οὐσίᾳ vnam subinde hypostasim colligunt, non solum Filium, sed & Patrem & Spiritum sanctum incarnatos ac passos esse fingunt. Sic & Nestoriani, dum ex duabus Christi naturis quas in Christo hypostases faciunt, non κατ' ὑπόστασιν, sed κατὰ συμβεβηκός Deum cum homine coniungunt. Contrà verò, Eutychiani, dum ex vna Christi hypostasi vnam quoque naturam deducunt, vnam tantum οὐσίαν, quemadmodum & vnam personam in Christo Domino constituunt atque definiunt.

3. Nec sanè dissimilis fuit Monothelitarum inscitia, qui dum vnam duntaxat in Christo personam contra Nestorium: duas verò naturas, contra Eutychetē rectè profitentur: rati tamen, ad personæ vnitatem, proprietatis quoque & operationis vnitatem esse necessariam, quò Nestorij hæresin declinent, vnam tantum

Eusebius H.
E. li. 10. c. 29.
Theodoretus
cont. Sabell.
Damasceus
lib. 3. cap. 1.
Boem. in lib.
de duab. nat.
S. Maximus
in quadā ora-
tione. Ana-
stasius Mona-
chus Sinai.

tantum utriusque naturæ proprietatem atque operationem, ob personæ unitatem in Christo constituunt, atque ita utriusque naturæ proprietates non minus imperitè quàm impiè confundunt.

4. Quauis verò natura, substantia, essentia seu *οὐσία* (quæ promiscuè in hac tractatione, veterum more, passim vsurpabimus) varias sortiantur significationes, si quis exactè nomina peruestiget, hic tamen pro eo sumuntur, quod definitione, qua, quid res est, explicatur, comprehenditur.

5. Natura itaque seu *οὐσία* ab hypostasi, quam Latini Theologi personæ vel subsistentis nomine solent appellare, eo distinguitur, quòd natura solam rei quidditatem complectitur, quæ ex se quidem multis indiuiduis est còmunis, totamque *οὐσιώδη* singulorum perfectionem continet, cuiusmodi est, humanitas. Hypostasis verò dicitur indiuiduum, quod à cæteris omnibus eiusdem naturæ singularibus, quadam proprietate discretum, ita per se & in se existit, vt nulla ratione in altero sustentetur, aut sustentari queat, vt Petrus, Iohannes, &c.

Hier. in Sym. explanat. ad Damasum. Basiliscus còtra Eunomium. Theodoretus contra Sabel. Damascenus lib. 3. c. 3. & 4. Eusebius H. E. lib. 10. c. 29. Talassius Hecaton. 4. Ansel. de incarnatione verbi c. 3. &c.

6. Vbi ne vocum *δμωυμία* generet obscuritatem, accuratè discernendum est inter eas proprietates, quas *προσωπικὰς*, & eas, quas *οὐσιώδεις* vocant. Nam in explicatione personæ, non de essentialibus, sed de personalibus locuti sumus.

7. Ex hac porrò distinctione id cum primis manifestum euadit, quam ratione, vnā quidem *οὐσίαν* contra Arrium, & tres hypostasēs contra Sabellium, in sacrosancta Triade profiteamur: cò nimirum, quòd vna tantum eademque simplicissima in augustissimo illo Trinitatis mysterio communis essentia reperiatur, quæ totam in se deitatis continet perfectionem: tres verò proprietates personales, quibus tres personæ constituuntur ac inter sese distinguuntur.

Conc. Nicen. Còstantin. 1. Ephc. 1. Chal. Const. 2. & 3. Nicen. 2. Latera genera. &c.

8. Veruntamen sanctissimæ Trinitatis sacramentum planè est incomparabile, adeoque rerum naturam, omnemque mentis humanæ, imò & angelicæ capacitatem in immensum excedit, in eo, quòd essentia illa in tribus diuinis personis subsi-

Damas. lib. 1. c. 11. &c.

stans, non specie aut sola ratione, vna, sicut in creaturis vsu venit, sed vna sit penitus atque simplicissima.

9. Hinc & illud sit perspicuum, aliud esse, quædam in vnam eandemque naturam vniri, aliud verò in personæ vnitatem coagmentari. Illa siquidem in natura dicimus vnita, quæ in vna conueniunt *diuisa*, siue id fiat absque vlla concretione, mixtione aut conuersione, vt in diuinis personis inuenitur: siue sola compositione, vt in hominis ex anima & corpore constitutione: siue denique intercedente mixtione aliqua, confusione aut conuersione, vt in elementorum transmutatione & mixtorum productione accidere constat.

10. At verò illa in hypostasi vnita esse dicimus, quæ ad eum modum sunt coniuncta, vt eadem prorsus existât subsistentia: Cuius generis est animi atque corporis in vno aliquo homine compositio. Præterquam enim quòd hæc tanquam partes essentielles ad naturæ vnius perfectionem coeunt, in vna quoque persona connequantur, cum vna ytrique communis sit subsistentia.

11. Iam verò vt ad rem ipsam aliquantò propiùs accedamus, veramque & Catholicam de duarum naturarum in Christo vnione sententiam explicemus: Credimus in primis, vnanimique consensu profiteamur Christiani, duas naturas, diuinam, inquam, & humanam, in vno Christo hypostaticòs vnitæ esse: eam autem vnionem ideo cum sancta & Apostolica Ecclesia hypostaticam seu personalem appellamus, quòd duæ illæ naturæ secundum subsistentiam in Christo vnitæ sint, vt sacrosanctæ generales Synodi iampridem definiere. Sic enim in Ephesina Synodo decretum est: Carni secundum subsistentiam vnitum est Dei Patris Verbum.

In epist. ad
Nestorium &
Anath. 2.

c. 4. Et in quinta Synodo generali: Sancta verò Dei Ecclesia, vtriusque, scilicet Nestorij & Eutychetis, perfidiæ impietatem eiiciens, vnitionem Dei Verbi ad carnem secundum compositionem confitetur, quod est secundum subsistentiam. Et sequenti Canone: Si quis non confitetur Dei Verbum

bum carni subsistentialiter vniri, & propterea vnā eius subsistentiam vel vnā personam, & ita sanctam Chalcedonensem Synodum vnā subsistentiam Domini nostri Iesu Christi confiteri, talis anathema sit. In Decretis etiam Synodalibus Martini primi sic habetur: Si quis non confitetur secundum sanctos Patres propriē & verē ex duabus naturis deitate & humanitate secundum subsistentiam vnitis, inconfusē & indiuisē eundem & vnum Dominum nostrum IESVM Christum esse, sit condemnatus. Et in sexta Synodo sic legitur: Afferimus duas eius esse naturas ^{AA. 17.} in vna eius radiantes subsistentia. Ad eundem sanē modum ceteræ Synodi & Patres vnionem personalem intellexerunt.

12. Nec ita tamen naturas illas in vna hypostasi vnitas existimare decet, quasi ex duabus subsistentiis, humana videlicet & diuina, tercia coaluerit aliqua, quæ partim diuina sit, partim humana: Non enim adiectionem personæ vel subsistentiæ (vt cum quinta Synodo loquamur) sancta Trinitas suscepit ex incarnato Dei Verbo, sed vna est duntaxat eademque indiuidua in Christo Domino subsistentia, ipsius nimirum Verbi propria, quæ propter immensam Verbi perfectionem atque virtutem, hypostaticōs humanam sustentat naturam, quam propria (vt sic dicamus) personalitate destitutam, sibi asciiuit atque coniunxit. Vnde Damascenus: Ipsius Verbi hypostasis, vtriusque naturarum hypostasis existens, nullam insubsistentem esse permittit, neque alterius esse hypostasceos. Neque quandoque quidem huius, quandoque verò illius, sed semper vtriusque indiuisibiliter & inseparabiliter est hypostasis: tota huius, & tota illius, impartibiliter & plenissimē. Non enim in propria subsistentia sustentata est Dei Verbi caro, neque in alia hypostasi facta est, quā in Dei Verbi hypostasi, sed in ipso sustentata & subsistens potius, neque secundum propriam subsistens hypostasin facta est. Quapropter
neque

neque insubſiſtens eſt, neque Trinitati ſuperaddit hypoſtaſin. Hæc ille.

Syno. Ephes.
Cōſtant. &c.
Alexander.

13. Atq; hinc iam abſque vlla difficultate intelligitur, quanta humanitatis cum diuinitate ſit vnio. Non enim tanta eſt, quanta trium perſonarum in vna eſſentia diuina, neque tam parua etiam quàm ea eſt, quæ in ſolius gratiæ, gloriæ, virtutis, authoritatis, dignitatis aut poteſtatis communicatione conſiſtit, aut quæ alio quouis accidentario modo efficitur. Nam neque perſona, in qua vniuntur, neque naturæ ipſæ, accidens aliquod cenſeri debent aut poſſunt.

14. Imò ſi rem, in qua vnio hæc facta eſt, penitiùs intueare, haud facilè parem in rerum natura comperias vnionem. Etenim diuina illa ſubſiſtentia, in qua naturæ conueniunt, ſi per ſe conſideretur, rerum omnium, quæ exiſtere poſſunt, eſt ſimPLICIſſima: quanuis ſi naturas ipſas vnitas ſpectes, compoſita quodammodo dici queat, cō quòd in duabus ſubſiſtat naturis.

15. Eſt autem hæc vnio vſque aded ſingularis, vt nullo prorfus exemplo ſatis commodè explicari queat. Nam licèt vnio animi cum corpore, vt cætera omittamus, nonnullum cum diuina illa vnione affinitatem habere videatur, & idcirco ad eandem explicandam à ſanctis Patribus interdum aſſumatur, quatenus in vtraque vnione duæ res diuerſæ in vna hypoſtaſi ſine vlla mixtione, confuſione ac conuerſione ſuſtentantur: tamen ſi rem omnem rectè perpendas, longiſſimo hæc diſtant interuallo: animus enim & corpus nequaquam integræ & perfectæ ſunt eſſentiæ, ſed vnius eſſentiæ partes: diuina verò & humana natura in Chriſto, eſſentiæ ſunt, ſic integræ atque perfectæ, vt nulla ratione vnam tertiam eſſentiam abſoluere poſſint.

Athanaſius in
Sym. Synod.
Ephes: Cynl
de Incarnat.
Auguſt. tract.
78 ſup Ioan.
Gregor. Nazianz.
Epist.
ad Celidon.
Lyrinen. Damasce-
nus li.
3. c. 3. &c.

16. Hæc quibuſdam erunt obſcura fortafſe, ſed ſcitu ſanè digna, vt ex hac perſonalis vnionis explicatione confutetur impius Sabellius, & intelligatur non Patrem, qui ſolus ingenuitus eſt, nec Spiritum ſanctum, qui ex Patre

* Filioque

*Filioque procedit, sed solum Filium, Dei^b verbum, Deum verum de Deo verò, genitum, non factū, Patri *ὑποούσιον*, in plenitudine temporis hominem factum esse, nobis non modò *ὑποούσιον*, sed etiam per omnia similem absque peccato, eumq; solum pro nobis passum fuisse.

17. Nam etsi vna omnino Patris & Filij & Spiritus sancti *οὐσία* sit & *ἕξωσις*, Maiestas quoque & dignitas, ^c non tamen in essentia aut quacunque essentia perfectione siue essentiali aliqua proprietate, (quæ omnia toti Trinitati sunt communia) sed in solius Filij hypostasi, qua à Patre & Spiritu sancto re ipsa distinguitur, vnionem illam factam esse cuncti in Ecclesia profitentur.

18. Quòd si in sola essentia aut in essentiali aliqua perfectione vnio illa facta fuisset, tota vtique Trinitas incarnata (quod sentire sit nefas) pari ratione affirmaretur: cùm essentia & quæuis essentialis perfectio in tribus illis personis ex æquo reperiatur.

19. Liquet etiam ex iam dictis insaniuisse Nestorium Nestorianique dogmatis sectatores omnes, cōtra quos cum Ephesine Synodo apertè profitendum est, non duas Christi personas, aut duos filios, alterum videlicet Dei, alterum Virginis Matris, totidem vè Christos, sed vnā duntaxat personam, vnum Filium, vnumq; Christum, qui verus Deus & verus homo sit, constituendum & adorandum esse: quia non duas, sed vnā tantummodo hypostasin in eodem Christo agnoscimus ac veneramur.

Iaritate persone, id est, in eo quod propriū est Filio, non q̄ cōmune est Trinitati. Vide Lirinen, vbi connumerat Patres, quorum beata illa Synodus doctrinam tenens de fidei regulis pronunciauit.

20. Ex his præterea, confirmamur in Christiana & necessaria confessione, quam approbavit sacra Chalcedonensis Synodus contra Eutychetem, nimirum: Vnigenitum Dei filium in duabus naturis inconfusè, inconuertibiliter, indiuisè, inseparabiliter existere, nunquam sublata differentia naturarum propter vnionem, sed potius salua vtriusque nature proprietate. Quandoquidem non conuersione diuinitatis in carnem,

a Cōc. Epho.
in Epist. ad
Nestoriū. La-
teran. Lugd.
Floren. Tole-
tan. j. 4. 6. 8. 11.
Brach. j. An-
glic. 2. Horm.
Epist. 1. Leo
1. Epist. 91. A-
than. sermo-
ne de imagi-
ne Iesu in Be-
tyto, recitatio
in j. Synodo
actio. 4. & in
symbolo. Hi-
lar. lib. 2. de
Trinit. Didy-
mus lib. 2. de
spiritu sancto.
Amb. lib. 1. de
spiritu sancto
c. 10. Basiliius
cont. Eunom.
Augustin. lib.
17. de Trinita.
c. 26. Epipha-
nia in ser. angy-
roto &c.
b Ioan. 1. Gal.
4. Heb. 2. 4.
Con. Nicenū.
Constā. 1. 2. 3.
Ephē. 1. Chal-
ced. &c.
c Con. Tolet.
6. c. j. vbi sic
habetur, solus
Filius susce-
pit humanita-
tem in singu-
la
Synod. Eph. 2.
Constantin. 2.
Atha. Symbo.
Aug. 1. de Tri-
nit. c. 7. Liri-
nenf. Damas.
lib. j. c. 2. Al-
cuin. lib. 2. de
Trin. c. j. &c.

a Lirin. Damasc. lib. c. 5.
Maximus de duabus Christi naturis.
Leont. Byzant. c. 1. contra Severum.

b Psal. 134.
Matth. 16.
Matc. 7. 14.
Luc. 2. 12.
Phil. p. 2.
Hebræ. 2. &c.
Cōstan. 2. c. 7
Martinus. in suis decretis
Synod. c. 9.
Vide Epistolā Agathenis receptam in 4. Synod. vbi citat. Amb. August. Dionys. Are. Leonē, Greg. Nazian. Atha. Grego. Nyss. Chyso. Cyril. Hilar. Iustinū Philosophum, Euphemiu Anathoch. Episc.

Conc. Tol. 6.
c. 1. Tolet. 11.
in p̄fess. fidei.
August. 1. de Trinitate. c. 4.
Damasce. lib. 3. c. 4. Greg. Nyssen. tomo 5. contra Eunomium.

aut carnis in diuinitatem, sed assumptione humanitatis in Deum, non confusione, aut transfusione substantiæ, aut vnus tertię naturę compositione, sed vnitatem personę, siue substantiæ, vnus est manetque Christus, in duabus subsistens naturis.

21. ^a Itaque sicut in Deo vna est substantia & tres personę: ita in Christo vna est persona & duæ substantiæ siue naturæ.

22. ^b Ex quo illud etiam contra Monothelitas euidenti ratione consequitur, vt, quemadmodum in Domino nostro Iesu Christo duas naturas indiuisē inconuertibiliterque vnitas esse confitemur, ita & duas proprietates duasque naturales operationes (vt sextę Synodi verbis vtamur) indiuisē, inconuertibiliter, incōfusē, inseparabiliter, in eodem Christo agnoscere debeamus, ac venerari, alteram videlicet humanam, alteram verò diuinam.

23. Quod profecđo Monothelitę minimē negauissent, si Philosophiæ præceptionibus mediocriter saltem fuissent instructi. Nam rationē naturali perspicuum est, essentialis seu naturales proprietates ac operationes, non ex personę, sed ex naturæ seu formę vnitatem & distinctionem sortiri. Id quod supernaturali quoque Trinitatis exemplo apertē confirmari potest, vbi propter naturę vnitatem, vna essentialis proprietas vnaque operatio in tribus illis sacrosanctis personis reperitur, secundū illud Theologicum axioma: Opera Trinitatis ad extra sunt indiuisa.

24. Atq; hinc rursus manifestum euadit, de neutra in Christo natura alterius proprietates dici posse, manet enim incōfusa in Christo tam carnis, quā diuinitatis proprietatū contemplatio, cū vtraque natura absq; vlla confusione, mixtione aut conuersione proprietates suas distinctas omnino incolumesque retinuerit.

25. Quapropter sicut humanitas, diuinissima hac vnione diuinam naturam non reddidit infirmam: ita nec natura diuina huma-

humanitatem omnipotentem effecit, cum nec forma serui, Dei formam in Christo ademerit, nec forma Dei formam serui minuerit, ut D. Leo eleganter dixit.

26. Verum quauis post admirandam hanc vnionem duæ in Christo naturæ earumque proprietates, distinctæ impermixtæque perstiterint: tamen, quoniam vna est persona Christi in illis duabus naturis subsistens, eidem Christo velut vni eidemque personæ ascribimus voces omnes, tam diuinas quam humanas, quæ vel in Euangelicis, vel Apostolicis scripturis, vel in Patrum monumentis passim reperiuntur: tamen si inter se pugnare videantur, & reuera pugnent, propter naturarum, quas concernunt, diuersitatem.

27. Et hæc ipsa personæ vnitas, in causa est, ut, quæ Dei sunt propria, sæpe in Scripturis ascribantur homini: ea verò quæ carnis sunt propria, attribuantur Deo.

28. Vnde non potest non apertè constare, quòd verè prorsus & Catholicè vnus & idem Christus, Deus & homo dicatur, idemque mortalis & immortalis, Patri æqualis & minor Patre, Creator & creatura, omnipotens & infirmus, vbique existens & certo loco circumscriptus, æternus & in tempore natus. Demum ob hanc eandem personæ vnitatem, & hominem Dei filium, Creatorem etiam & omnipotentem: ediuerso verò Deum, Virginis filium, passum quoque & crucifixum, redissimè confitemur. Non enim interest (inquit Leo) ex qua Christus substantia nominetur: cum in se parabili manente vnitatem personæ, idem sit & totus hominis filius propter carnem, & totus Dei filius propter æternam cum Patre deitatem.

29. Quæ cum ita sint, non est Grammatica tantum, seu verbalis *ἰδιωματικὴν κοινωσίαν* in persona Christi: in natura verò, ne Grammatica quidem seu verbalis fieri potest. Siquidem vni & eidem Christi personæ, in qua naturæ sunt unitæ, vtriusque naturæ attributa re ipsa conueniunt, cum eadem sit hypostasis vtriusque naturæ: in neutra verò natura, alterius

Epistola ad
Flavianum in
Chaleed. Syn-
odo recepta,
quæ eiusdem
est cum Syn-
odo ipsa au-
thoritatis.
Synod. Ephe.
Anathem. 4.
&c.

Con. Hi'pal.
2. c. 11.
Amb. lib. 2.
de fide ad
Grat. Imper.
cap. 4.
August. 1. de
Trin. c. 7. Epi-
stola ad Dar-
danum.
Le. Epist. 95.
Lirinen.
Damas. lib. 1.
c. 1. & 4. Cyril.
Ioan. 1.
Beda Ioan. 1.
Theophyl. &
Rupertus. &c.
ibidem.
In Epist. ad
Palæstinus.

Idem qui
suprà.

proprietates insunt, sed nec inesse queunt: cùm neque in natura, neque in naturæ proprietate aliqua vnio aut confusio facta fuerit, aut etiam fieri possit.

30. Accuratè ergo obseruandum est, quæ nomina personam, & quæ naturam significant, ne ex verbis aut malè prolati, aut falsò intellectis, error in re tanta perniciosissimus fortè oriatur. Nam cùm hæc naturarum vnio in persona facta sit, non in natura, nominibus non naturam, sed personam significantibus perpetuò vtendū est ad idiomatū cōmunicationem.

31. Propterea enim enunciatioines hæc veræ sunt & catholicæ, Homo est Deus, omnipotens, immortalis, impatibilis: Item, Deus est homo, infirmus, mortalis, patibilis: falsæ sunt itidem hæc, simul & hæreticæ: Humanitas est Deus vel deitas: Humanitas est omnipotens, immortalis, impatibilis: Item, Deitas est homo, vel humanitas: Deitas est infirma, mortalis. Neque id alia sanè ratione, quàm quòd modò concretis, modò abstractis vtamur nominibus, quæ in concreto sumpta ὑπόστασις, in abstracto verò ἐνυσία significant, si ad vim & proprietatem sermonis attendamus. Vnde sic ait Damascenus: Diuinitatem dicentes, non de illa nominamus ea, quæ humanitatis sunt propria: neque de carne, id est, humanitate prædicamus ea, quæ diuinitatis sunt propria. Non enim dicimus deitatem aut passibilem, aut creatam, neque dicimus carnem, id est, humanitatem increatam. At verò de ὑποστάσει, siue ex vtraque, siue ex vna naturarum eam nominemus, vtriusque naturarum propria illi adiijcimus. Hæc Damascenus.

32. Cæterum licèt vni & eidem Christi personæ, vtriusque naturæ proprietates & operationes, indiuisè & inseparabiliter adscribantur, tamen (vt rectè monet Leo), intelligendum est, & syncerè fidei contemplatione cernendum, ad quæ prouehatur humilitas carnis, & ad quæ inclinetur altitudo diuinitatis. Enimuerò necesse est (teste Cyrillo) reddere Deo quæ sunt Dei, & humanitati, quæ ei debentur, ne id, quod

crea-

lib. 3. c. 4.

In Epist. ad
Leon. Imper.

Citatur ab A-
nast. Archiep.
Antioch. in 6.
Syn. actio. 10.
g Cyril. 23. fer

creatum est, ad diuinam deducentes essentiam, aut id, quod est diuinę naturę, ad locum qui creaturis cōgruit, deponentes, in aliquem incidamus errorem.

33. Non enim alio ex fonte Arrius, Paulus Samosatenus, Photinus, & ceteri id genus hæretici suos hausērunt errores, quàm ex præpostera peruersaque eorum intelligentia, quę in Scripturis sacris Christo attribuntur: quod nescierunt aut noluerunt inter ea secernere, quę ratione diuinitatis, & quę ratione humanitatis, de vno eodemque Christo passim dicta leguntur. Hinc Athanasius contra Arrium scribens: Vtriusque, Aug. ser. 166.

igitur naturę opus (inquit) noscentes, & vtraque ab vna persona agi videntes, recte credemus, & nūquam errabimus. Nec aliud ferē idem beatus Pater contendit, quàm vt prædicta discretio inter Christi attributa conuenienter adhibeatur. Huc etiam illud sancti Ambrosij spectat: Seruemus (inquit) distinctionem diuinitatis & carnis: vnus in vtraque loquitur. lib. 4.

Dei filius, quia in eodem vtraque natura est: & si idem loquitur, non vno semper loquitur modo: intende in eo nunc gloriam Dei, nunc hominis passiones, quia quasi Deus, loquitur quę sunt diuina, quia Verbum est: quasi homo, dicit quę sunt humana, quia in mea substantia loquebatur. Sic quoque lib. 2. de fide ad Gratianū Imp. cap. 4.

Gregorius Nazianzenus ijs verbis admonet: Vno autē capitulo moneo, vt altiora quidem adscribas diuinitati, humiliora autē naturę humanę attribuas, quę ex parte infirmitatis nostrę assumpta est. Nec dissentit his D. Augustinus dicens: Distinguiamus, quid in Scripturis sonet, secundum formam Dei, & quid, secundum formam serui. Quid autem, & propter quid, & quid secundum quid, dicatur, prudens & diligens & pius Lector intelliget. Et ibidem: Non itaq; immerito Scriptura vtrumque, lib. 1. de Trinitate c. 13.

dicat: & æqualem Patri Filium, & Patrem maiorem Filio: illud enim propter formam Dei, hoc autem propter formam serui, sine vlla confusione intelligitur. In sermone de Filio.

34. Et hic locum habet regula catholice fidei, cuius Beda post Augustinū meminit: Cum aliqua in Scripturis dicuntur de lib. 1. de Tri. cap. 7.

1. ad Cor. c. 15
1 de Tri. c. 11.

Filio, quibus demonstratur quòd Patre sit minor, ea secùdum humanitatem intelligantur. Cùm verò ea dicuntur, quibus Filius Patri demonstratur æqualis, secundùm quòd Deus est accipiantur, nec aliter sanè Patres omnes docuère.

35. Ex quibus omnibus manifestè deducitur, eos grauissimè errare, naturarumque proprietates còfundere, qui contra Patrum omnium definitionem & consuetudinem, vel humana diuinitati adscribunt, vel humanitati diuina.

36. Superest vt concludamus ex superioribus genuinam, sanam & orthodoxam de Maiestate hominis Christi sententiã, quæ breuiter in eo consistit: Dominum nostrum Iesum Christum, in forma Dei, æqualem esse cum Patre, imò eandẽ omnino gloriam, Maiestatem, potentiam, sapientiam, &c. sicut & *ὁυσίας* communem habere, eademque Maiestate & prouidentia, qua Patrem, rebus omnibus & singulis, etiam minimis *ὁυσίων* præsentem adesse. Sic Catholici credimus, & ingenuè profitemur. Vnde Ambrosius ait: Eadem Verbi gloria, eadem Patris gloria est, sicut scriptum est: Dominus Iesus Christus in gloria est Dei patris. Ita igitur secundùm diuinitatem, Dei Filius suam gloriam habet, vt Patris & Filij vna sit gloria. Non est ergo minor in claritate, quia vna gloria: non minor in diuinitate, quia plenitudo diuinitatis in Christo est.

37. Addimus etiam, eundem Dominũ nostrum Iesum Christum, propter inexplicabilem illam, & arcanam naturarum vnionem, nulla ratione secundùm humanitatem diuinitati æqualem euasisse: quin potius non sola essentia, sed etiam gloria, Maiestate, potestate, cæterisque attributis omnibus & proprietatibus Deo minorem permanuisse: vt vniuersi Patres, diuinis scripturis instructi, vnanimi consensu profitentur. Ita enim humana natura donis gratuitis in Christo exornata est, vt creaturæ tamen limites nullatenus excesserit.

38. Non tamen hinc sequitur, in Christo Domino, nihilo plus dignitatis aut eminentiæ, quàm in quibuslibet alijs hominibus inueniri. Nam inter diuinam illam altitudinem seu excellen-

Philip. 1.

Sapient. 1.

Lib. 1. ad
Grazianũ cap. 4.
Philip. 2.

Ioan. 14.

cellentiam, & eam dignitatem, quę communi hominum generi obtingere solet, singularis quędam eminentia intercedit, quam soli Christo propter vnionem illam hypostaticam, secundum humanitatem, vt par est, attribuimus.

39. Nec ea quidem ratione Christum, secundum naturam assumptam, redigimus in sanctorum angelorum aut beatorum hominum ordinem, vt cum illis vlla ex parte (quod ad dona gratuita attinet) adæquemus. Absit hæc impia suspicio: quin illum singulari quadam gloria & honore coronatum, supra omnem Principatum, & Potestatem, & Virtutem, & Dominationem, & super omne nomē, quod nominatur non solum in hoc seculo, sed etiam in futuro, agnoscimus ac veneramur.

Psal. 8.
Heb. 2.
Ephes. 1.
Phillip. 2.

40. Nam solus is est primarium fundamētum, Caput omnis Ecclesie, Primogenitus in multis fratribus, in omnibus primatum tenens, Mediator Dei & hominum, in quo instaurata ac pacificata sunt omnia, siue quę in cœlis, siue quę in terris existunt, Dominus omnium, Legislator & iudex viuorum & mortuorū. Et ne multis: Solus is ita plenus gratia & veritate, tantisq; Spiritus sancti donis repletus, tanta Maiestate, gloria, potestate & authoritate cumulatus est, vt nulla gratia, nulla veritas, nullū Spiritus sancti donū, nec maior Maiestas, gloria, potestas, aut authoritas in hac ipsa Christi humanitate desiderari queat. Quippe quę affatim sortita sit, q̄ natura finita, qualis ipsa post psonalē illā vnionē pman sit, fortiri aut capere potest.

1. Cor. 3.
Ephes. 1.
Rom. 1.
Colos. 1.
1. Tim. 2.
Ephes. 1.

41. Quę sanè dignitas, & incomparabilis eminentia, quantum ab immensa Dei celsitudine quàm longissimè distet, tamen in alia creatura nulla, quęcūque tandem illa sit, locum vllum obtinet. In cæteris enim, etsi gratiæ & Spiritus sancti dona reperiuntur, non tamen coaceruatim & cumulativim, vt in Christo, sed diuisim, & iuxta mensuram donationis Christi, de cuius plenitudine nos omnes accepimus.

Roma. 10.
Iacob. 4.
Acto. 11.
Ioan. 1.
Esaie 55.
Lucæ 4.

42. Excellit igitur Christus secundum humanitatem Maiestate, potestate, gratia & gloria, cæterisq; bonis gratuitis, creaturas omnes, & mirum in modum excellit, sed manet nihilominus

1. Cor. 12.
Ephes. 4.
Ioan. 1.

Ioan. 14.
1. Cor. 15.

Math. 28.
Ioan. 3.
Ephes. 1.

minus secundum eandem humanitatem creaturæ limitibus circumscriptus, & minor Patre, eidemque subiectus, qui omnia ei dedit atque subiecit.

43. Atque hæc est omnis illa *θεωρία* in cœlo & in terra, hic Spiritus non ad mensuram, hæc sessio ad dexteram Patris, quæ Christo, quatenus homo est, attribui sentiunt Orthodoxi.

44. Neque tamen negamus ex his iam allatis Scripturæ locis vel alijs similibus, æqualem cum Patre potestatem, Maiestatem, gloriam, aut quidvis aliud diuinæ naturæ proprium, Christo attribui posse, & à quibusdam Patribus in explicatione Scripturæ attributum esse: Sed adhibeatur necesse est, Catholicæ fidei regula, quæ iisdem Patres diligenter observant, ut istiusmodi omnia de Christo secundum diuinitatem interpretemur, ne perperam alioquin, quisquis diuinitatis propria, humanæ naturæ admiscuerit, utriusque naturæ proprietates, cum Monothelitis confundat. Atque hæcenus si fortasse prolixè, at certè quidem non inutiliter explicata sunt, quæ ad Christi Maiestatem & gloriam ritè cognoscendam imprimis conferunt.

THESES CONFUTATORIAE

ad impias Schmidelini opiniones dissol-
ciendas & explodendas.

I

Nunc ut alterum caput, quod in confutatione aduersarij opinionis est positum, aggrediamur. Non potest sanè vilo modo constare, quod Schmidelinus nouus Theologus nouis Thesis firmare & persuadere conatur, in quibus quid loquatur, aut de quibus affirmet, prorsus ille non intelligit, ut ex his quæ in explicatorijs Thesis constitutum satis constat, & iamiam clariùs euincemus.

1. Tim. 2.

Thesi. 20. 21.
24. 24.

2. Definit personalem vnionem, ut sit communicatio plenitu-

nitudinis omnis deitatis. De hac, inquit, Apostolum ita loqui: 22.
 In quo sunt omnes thesauri sapientiæ absconditi. Et iterum:
 In ipso inhabitat omnis plenitudo diuinitatis corporaliter.
 Plenitudinem verò diuinitatis vocat, totius præsentiae Dei se- 20.
 cundum *ἐν ᾧ* in Christum effusionē, ita vt iam extra ipsum
 nihil, sed in homine, & per hominem Christū omnia in omni-
 bus operetur. Et postea eandem diuinitatis plenitudinem ap- Theſſ. 19.
 pellat æqualitatem Maiestatis, gloriæ & potentiae cum Ver-
 bo, ita vt humana in Christo natura, non iam potens tantū Theſſ. 19.
 sit, sed etiam omnipotens, humana, inquam, natura, non sola
 diuina, propterea quòd diuinitas realiter (vt ipsius verbis no-
 bis loqui liceat) suas proprietates humanitati communicau-
 rit, suasque perfectiones in eam effuderit, & quasi transfude-
 rit, & hac sola *ἰσομετρίαν κοινωύει* hypostaticam vnionem defini-
 endam esse docet. Igitur si mirabilem huius authoris senten- Theſſ. 24.
 tiam recipiamus, nihil erit aliud hypostatica seu personalis
 duarum naturarum in Christo vnio, quàm quædam totius
 energiae diuinæ in humanitatem effusio, aut quædam æqualis
 potentiae, gloriæ & Maiestatis communicatio.

3. His iactis porrò fundamentis, quæ sunt verè putrida, pro-
 greditur ad colligendū humanam Christi naturam, ex vi per- Theſſ. 14.
 sonalis illius vnionis, eadem omnino Maiestate, qua diuini-
 tatem, corporaliter vbique adesse præsentem. Vt omittamus
 alia eiusdem farinæ deliramenta, quæ hic Neotheologus atte-
 xit postea, vt absurdum vnum ex alio deducat.

4. Iam ad fabricandam hanc egregiam (si superis placet) per-
 sonalis vnionis doctrinam, nullius Concilij definitionem, nul-
 lius Patris sententiam, nullam rationem, auctoritatem deni-
 que nullam, hic supercilij Artifex producit, sed vno tantū Colos. 2.
 Scripturæ loco fraudulenter exposito, hoc phantasma suum Theſſ. 11.
 adumbrare conatur, & non tam persuadere, quàm fidei arti-
 culum sua solius auctoritate id efficere sperat.

5. Verū, vt simul & imperitia & impietas noua coarguatur:
 Primū ostendemus istiusmodi potentiae & Maiestatis vnio-

nem, aut plenitudinis diuinitatis communicationem, qualem ille fingit, minimè factam fuisse, imò ne fieri quidem vllò pacto potuisse. Tum vt concedamus factam illam fuisse, tamen eam nec personalem esse, nec ad personalem constituendam sufficere docebimus. Postremò Christum secundum assumptam naturam non vbiq; sed in cœlo tantum, & in Eucharistiæ Sacramento præsentem adesse planum faciemus.

6. Quòd igitur humana in Christo natura parè aut eandem cum diuina potètiā, Maiestatem, gloriam, aut quamuis aliam perfectionem sortita non fuerit, ex eo manifestè constat, quòd naturę post hypostaticam illam vnionē, absque vlla permixtione, confusione, aut conuersione, proprietates suas saluas & distinctas retinuerint, vt ex Concilijs & Patribus suprā docuimus: ita nimirū, vt nec humanitati, diuinę proprietates: nec diuinitati, humanę adaptari queant. Id quod nulla cōstare ratione posset, si diuina natura suas proprietates humanitati communicāset, aut illas in humanitatem effudisset aut transfudisset. Id enim alteri dicitur communicari, quod alteri commune efficitur. Id autem quod duobus ex æquo commune factum est, alterius proprietas dici non potest. Vnde non aliud profectò sacris Concilijs aut Patribus est, naturarum proprietates in Christo confundere, (vt docti nōrūt) quàm vel humanas ascribere diuinę naturæ, vel ediuerso diuinas humanæ, vel easdem vtrique attribuire, quemadmodum iste palàm facit.

7. Hoc verò incommodum hic Theologaster subodoratus, errori suo patrociniū aucupatur hac oratione. *Cum (inquit) dicitur, vnionem duarum naturarū in Christo factam hypostaticam, seruatis vtriusque naturæ proprietatibus, sobriè admodum intelligendum est & explicandū. Neque enim ita diuinitas Verbi sua energia, que ipsa est simplicissima, sese intra se continet, vt nullam in naturam humanam quasi transfundat perfectionē, quin potius humanitas plenitudinis omnis particeps diuinæ naturæ, duarum naturarum in Christo, hac sola ἰδιότητα, hypostatica vnio definienda est.* Hæc ille, fidus scilicet & sobrius admodum interpret, qui lucem inferre vult venerandis

Theſi. 35.

Theſi. 24.

dis

dis sanctorum Patrum & Conciliorum decretis: sed clariora illa sunt, quàm vt aliena, & falsò emendicata luce indigeant, vt ex his, quæ suprà copiosè citauimus, satis constat. Quòd si adhuc plura & clariora desideras testimonia, quæ ex diametro cum huius Nouatoris doctrina pugnent, audi Hieronymum sic loquentem: Illorum quoque similiter execramur blasphemiam, qui nouo sensu asserere conantur, à tempore susceptæ carnis, omnia quæ erant deitatis in hominem demigrasse, & rursus quæ erant humanitatis in Deum esse transfusa, vt quod nulla vnquam hæresis dicere ausa est, videatur hac confusione, vtraque exinanita substantia, deitatis scilicet & humanitatis, & à proprio statu in aliud esse commutata. Hætenus ille. Audi iterum Damascenū: Diuinitatē, inquit, dicentes, non de illa nominamus, quæ humanitatis sunt, propria: neque de carne, id est, humanitate prædicamus ea, quæ deitatis sunt propria. Hæc Damascenus. Sic quoque reliqui Patres loquuntur.

8. Quod vt clariùs intuearis, adde: Quòd si vna eademque in Christi Domini humanitate & diuinitate potentia constituitur, vna etiā cōstituenda erit operatio. Rursus, si diuina natura suas proprietates & attributa in humanitatē effudit aut transfudit, (vt iste somniat) sequetur & illud necessariò, vt vnū, communemque; vtriusque naturæ intellectum & voluntatē defendamus, cum hæc ad naturales diuinę essentię proprietates pertineant, & vnum & idem omnino cum omnipotentia existant.

9. Quare huius sententia hac in parte non modò falsa est, verum etiā damnatā Monothelitarū hæresin sapit, cum vtriusque naturę proprietates atque operationes in Christo cōfundat impiè. Atque hinc forsàn accidit, vt cum aliarum priscarum, & iam olim profligatarū hæresum in suis Thefis meminerit, nullam tamen omnino Monothelitarū fecerit mentionem.

10. Quòd autem vult diuinitatem per proprietatum suarum seu perfectionum communicationem, effusionem, aut quasi transfusionē, humanę naturę esse coniunctam: Quid est hoc aliud tandē, quàm affirmare humanitatē in vna aliqua, vel in

In Thefis explicatorijs.

In Symb. expla. ad Dam.

lib. 2. c. 4

Thef. 17. 19.

Thef. 1. 22. 23

omnibus diuinę naturę perfectionibus, quę tribus personis communes sunt, diuinitati esse coniunctam?

Ephesin. 1.
Constan. &c.

11. Hic illi opponimus Oecumenica Cōcilia & orthodoxos Patres, quorum est vna eademque semper in hac re sententia, ex diuinarum Scripturarum autoritate pendens, nimirum: Naturarum in Christo vnionem, non secundum essentialem aliquam diuinitatis perfectionem, toti Trinitati cōmunem, sed secundum subsistentiam, quę Verbo propria est (vt antę quoque non semel meminimus) factam esse.

Thesi. 2.

Thesi. 26. 27.

12. Et quis inter Christianos adeo sit rudis rerumque omnium ignarus, qui creaturam vllam, quantalibet excellētia pręditam, omnipotentem esse statuatur: aut in gloria & Maiestate, aut in quacunque alia perfectione eam exęquet creatori? Facit hoc tamen Schmidelinus, dum humanam Christi naturam, quam creaturam esse fatetur, non solum in omnipotētia, sed etiam in gloria, sapientia, Maiestate, & autoritate, Patri Deo audet exęquare.

Genes. 1.
Exod. 15.
Psal. 61. 80.
Esa. 42. 43. 45.
1. Tim. 6.
Symb. Apost.
Atha. Nicen.
Const. Ephes.
&c.

13. Nec intelligit, in quacunque tandem partem sese prōriperit, se captū & comprehensum teneri, vt elabi non possit, quin hac sua *καταδοξία* concedere cōstringatur, duas esse naturas omnipotētes: duos item creatores: creaturā ipsam, creatorem esse, & omnipotentē: Deniq; creatorē quendam recentē, & nouū in tempore factū esse. Verū hęc omnia, cum expressis sacre Scripturę testimonijs, cum Apostolorū, & Conciliorū Symbolis, & cum perpetuo totius Ecclesię consensu planē pugnant. Et vbi legas probatū vllum authorē, qui vel somniauerit alium, pręter Deum, creatorem & omnipotentem esse?

Ioan. 1.
Ibidem.
Colos. 1.
Galat. 4.
Marc. 14.
Philip. 2.
Ioan. 4.
Matth. 4.

14. Quapropter pijs & mediocriter peritis rerum sacrarum, persuasum id semper fuit, Christum secundum naturam diuinam, creatorem esse, & omnipotentem, per quem omnia facta sunt: At secundum humanitatē non creatorē esse, sed creaturam: non infinite virtutis aut omnipotentē, sed infirmum, humilē, sitientē, esurientem, flentē, tēdio, pauori, sudori, tristitię, morti, alijsq; miserijs, & afflictionibus humanis obnoxium, vt
qui

Ioan. 8.
Luc. 19.
Marc. 14.
Luc. 22.
Math. 26.
Esa. 53.
Luc. 1.
Heb. 4.
Ibid. 2.

qui verè lāguores nostros ipse tulerit, & ppter viscera misericordiæ suæ dolores nostros in sua carne portauerit, vt à tyrannica dēmonis seruitute nos liberaret: vt etiam per omnia fratribus, assimilatus absque peccato, infirmitatibus nostris compati posset, & eis qui tentantur auxiliari. Quæ omnia si mul cum omnipotentia, cæterisque diuinis perfectionibus in vna natura existere neutiquam possunt. Ex quibus proinde sancti Patres duas Christi naturas colligebant.

Philip. 2.
Luc. 2.
Hebr. 2.
1. Tim. 2.

15. Quòd si Christus secundum humanitatem potentia & cæteris naturæ diuinæ perfectionibus, diuinitati æqualis est, iam neque Patri vsque ad mortem obediens, neque Matri & Iosepho subditus esse, neque sibi vel nobis mereri, neque Mediator Dei & hominum esse aut dici potuit. Siquidem hæc & id genus similia, quæ in Scripturis passim occurrunt, inæqualitatem sonant, non solum in essentia, sed etiam in potentia, vnde hæc opera proficiscuntur.

16. Et quidem vel ex hoc solo apertè conuinci potest humanitatem Christi haud esse omnipotentem, quòd plurima posset Deus, & ante ipsam etiam Christi humanitatem conditam potuerit & fecerit, quæ humanitas nulla ratione efficere potest, nec vnquam potuit. Etenim vt cætera innumera omittamus, non potuit humanitas ipsa se fingere, neque resuscitare, neque se nunc potest in nihilum redigere, non est igitur humanitas diuinæ naturæ in potentia vilo pacto exæquanda.

17. Qui ergo cum Schmidelino errare nolint, Paulum duces sequantur, & vtrasque naturæ proprietates & operationes, ita distinguant, vt tribuant, humanitati quidem, infirmitatem: diuinitati verò, virtutem, in qua Christus Dominus prædestinatus est Filius Dei. Et sicut duas voluntates & duas iidem operationes, singulas in singulis naturis esse credunt cum Ecclesia: ita quoque duas virtutes seu potentias, alteram infinitam in diuinitate, alteram finitam in humanitate, sine vlla permixtione, cōfusione, trāsfusionē, effusione vel infusione, cū eadē sancta & Apostolica Ecclesia simpliciter cōfiteantur.

2. Cor. 13.
Rom. 1.

Matth. 23.
Pfal. 3.
Ephes. 1.
Ioan. 1.

18. Abutitur autem quibusdam Scripturę locis nouus iste Macarius, vt probet humanitatem potentia, authoritate, Maiestate, gloria, scientia & sapientia diuinitati æqualem esse. Tameñ enim largiamur illi, quòd in citatis locis aliqua cum Deo æqualitas Christi designetur : hinc tamen non sequitur illud, humanitatem diuinitati æqualem esse. Aliud enim est, si dicas (vt antè declarauimus) Christo omnem datam esse potestatem in cœlo & in terra, aliud humanę eius naturę donationem eam factam fuisse. Nam personę diuinę, quę Christi nomine significatur, omnipotentia & quęcunque alia diuina perfectio verè ascribi potest, creatę verò naturę, qualis est Christi humanitas, non potest.

Esa. 9.
Philip. 3.
Ioan. 1.
Ioan. 10.
Hebrę. 1.

19. Certè si omne illud, quod vel in Scripturis sacris, vel in Patrum monumentis, quocunque modo Christo ascribitur, humanitati Christi statim tribuatur, profectò & Catholicè affirmare licebit, humanitas Christi est Deus, increata, æterna, per quam omnia facta sunt, vnum & idem cū Patre, splendor Patris & figura substantiæ eius, quoniam hæc omnia de Christo verissimè prædicantur.

Colos. 1.

Hunc locum
citar ad idem
probandum
Paulus Mo-
nothelita.

20. Imprudentiùs verò & insulsiùs colligitur : Apostolus asserit plenitudinem diuinitatis in Christo corporaliter inhabitare, & omnes in eo thesauros sapientiæ & scientię reconditos esse, igitur plenitudo diuinitatis, id est, æqualis gloria, Maiestas, sapientia & potentia, humanitati Christi est communicata, & in eam effusa, aut quasi transfusa : ita vt iam humanitas Christi, verè sit & dicatur omnipotens, sicut ipse Deus, humana, inquam, natura, non sola diuina, æqualique gloria & Maiestate cum Deo ipso prædita.

21. Hic monendus est Lector, vt obseruet, personam Christi cum natura manifestè ab hoc Theologo confundi, quandoquidem ex eo, quòd quippiam in Christo esse dicitur, concludit, id ipsum quoque in eius humanitate statui oportere.

22. Deinde, vt fingamus Apostolum dixisse, plenitudinem diuinitatis in humanitate Christi corporaliter inhabitare, omnesque

omnesque thesauros sapientiæ & scientiæ diuinæ in eadem humanitate reconditos latere, quod à Diuo Paulo dictum non est, tametsi Catholicè id affirmari posse nouerimus, cum tota & plena diuinitas humanitati personaliter sit vnita, & in ea lateat abscondita. Cæterum falsò inde colligitur, ergo equalis Maiestas, sapiëntia & potentia &c. humanitati Christi est communicata, ita vt humanitas dicatur omnipotens, quemadmodum Deus. Eodem enim argumentationis genere deducetur, Deitatem naturæ humanæ communicatam esse, ita vt humanitas Deus verè dici possit, sicut omnipotens: cum verissimè asseueretur diuinitatem ipsam in humanitate Christi corporaliter inhabitare. Præsertim cum nihil sit aliud Deitatis plenitudo, quàm Deitas plena atque perfecta.

23. Adde, quòd cum anima rationalis in corpore humano corporaliter inhabitet, nò solùm hypostatica vnione illi coniuncta, sed etiam essentiali: si huius authoris explicationem sequimur, integrum erit inferre, animam cum omnibus suis facultatibus & affectionibus, ad eum modum corpori communicatam esse, vt corpus perinde atque animam intelligens sit & volens, arte Mathematica & Medica, cæterisque scientijs præditum. Quis autem nisi stultus id fateatur?

24. Imò verò cum domos corporaliter inhabitemus, sequetur etiam nos illis ita communicatos esse, vt eisdem proprietatibus & perfectionibus domus affectæ dicantur, quibus nos ipsi affecti sumus. Qualis ergo est authoris huius explicatio, qua pro eodem inhabitationis & communicationis nomen audet vsurpare?

25. Nec obstat, quòd aliter diuinitas in humanitate habitet, nimirum hypostaticè cū illa cōiuncta. Nā licet id verū sit, nò ideo tamē consequitur, idē esse, aliqd in altero corporaliter inhabitare, & illi cōmunicatū aut hypostaticè coniunctū esse. Vnde Cyrillus sic ait: Neq; idē fuerit dicere, Verbū factum fuisse hominē, & putare, Deum habitare in homine, etiā si, vt est, vera beati Pauli vox est, q̃ complacuit in ipso habitare omnem

Contra Theodoretum Nestorianum.

Colos. 2.

pleni-

1. Cor. 7. 11.

plenitudinem deitatis corporaliter. Sed vnum inquit esse Deum Patrem & Filium Dominum Iesum Christum, per quem omnia. Et hinc est quod Nestorius, qui hypostaticam diuinitatis cum humanitate vnionem reiciebat, libenter eo testimonio vteretur, quod videret aliud esse, aliquid in altero inhabitare, & illi hypostaticòs coniunctum esse.

26. Quocunque ergo modo hic interpretetur Scripturæ testimonia, siue de persona, siue de natura Christi, nulum inde firmum satis præsidium petere poterit, cum vtrovis modo accepta, longè quidem aliter explicari debeant, & à Patribus secùs explicentur, quàm ab hoc authore intelliguntur.

Thesi. 15.

27. Nec tamen ideo, quod diuinitas proprietates suas humanæ naturæ non communicauerit, consequens est, Grammaticam tantum seu verbalem idiomatum diuinæ naturæ communicationem in persona Christi fieri, vt hic homo inferre conatur: eadem enim omnino ratione conuinceretur, idiomatum humanæ naturæ communicationem, cum persona diuina nullatenus esse factam. Nam vt fides orthodoxa docet, & Schmidelinus quoque apertè confitetur, humana Christi natura proprietates suas diuinæ naturæ nullo pacto communicauit.

Thesi. 19.

28. Sicut ergo Deus dicitur hominis Filius, infirmus, crucifixus, mortuus & sepultus &c. propter naturam humanam sibi personaliter vnitam: ita etiam homo Christus, Dei Filius appellatur, omnipotens, æternus, immortalis &c. non propter aliquam effusionem aut transfusionem, sed propter inconfusam vnionem, qua humana natura cum diuinitate coniuncta est in vnitate personæ.

29. Dicet aliquis inter idiomatum diuinorum & humanorum communicationem multum interesse discriminis: quoniam diuina non solum voce, sed etiam re ipsa de humana natura dicuntur, humana verò idiomata, non re, sed voce tantum diuinitati ascribuntur, id quod haud obscure quidem & ille
hiscæ

hiſce verbis ſubindicat: *Diligenter verò diſcernendum eſt, inter idiomata humane naturæ, quæ propter unionem perſonalem diuine tribuntur, & idiomata diuine naturæ, quæ propter eandem unionem humane aſcribuntur. Humanitas enim diuinitatem non aſſumpſit, ſed ipſa aſumpta eſt à diuinitate in unitatem perſonæ, quam infirmam reddere non poteſt: eſi verè & rectè dicitur perſona, quæ Deus & homo eſt, laborare & mori. Cum e contra humanitas à diuinitate perficiatur, quæ realiter ſuas proprietates humanitati communicat, ut ſit non modò vna, ſed viuificatrix quoque, non potens tantum, ſed etiam omnipotens: humana inquam natura, non ſola diuina. Hęc ille inſignis ſcilicet diſputator.*

30. Primùm hîc explicandum erat apertiùs, de perſona, an de natura loquatur, nam vtranque paſſim more ſuo confundit, & vtriuſque vocabulis citra vllum delectũ abutitur. Quòd ſi de natura loquatur, ut ſanè loqui videtur, non minùs falſum eſt, quod ait, diuinas proprietates humane naturæ realiter eſſe communicatas, quàm ediuverſo, communicatas eſſe humanas diuine naturæ, ut ex his quæ antea diximus liquidò conſtat: etenim nec voce nec re ipſa vnius naturæ proprietates alteri conueniunt, nec de altera dici queunt. Nec minùs repugnat, humanam naturam diuinis affici proprietatibus, quàm diuinitatem humanis infirmitatibus obnoxiam fieri.

31. Si verò de perſona diſſerit, ut ibidem quoque facit, dum inquit: *Eſi verè & rectè dicitur perſona, quæ Deus & homo eſt, laborare & mori*: non minùs & id falſum eſt, ſcilicet idiomata humana, voce duntaxat, non re ipſa, de perſona, quæ reuera diuina & humana eſt, affirmari, cum vni eideſque perſonæ vtriuſque naturæ attributa re ipſa conueniant. Quòd autem fieri nequeat, ut voce & non re ipſa humana idiomata de perſona Verbi enūcientur, id ex peruulgato illo Philoſophi dicto clare intelligitur: Ab eo, quòd res eſt vel non eſt, oratio dicitur vera vel falſa. Vnde omnibus compertum eſt nō poſſe aliquid voce de altero affirmari, ſi res ipſa aliter habeat, quàm voce ſignificetur.

32. Ex eo verò, quòd humanitas diuinitatem non aſſumpſerit,

rit, sed ipsa assumpta sit à diuinitate in vnitate personę, & diuinitas infirmari nequeat, humanitas autem à diuinitate perficiatur: nequaquam sequitur, ipsam Verbi personam, infirmitates humanas nō sustinuisse, aut humanam naturam equę perfectam esse, atque diuinam: sed hoc tantum hinc inferri potest: nihil imperfectionis ex ea vnione diuinitatem accepisse, humanitati verò maximam accessisse perfectionem, quā particeps, non equalis effecta est diuinę naturę, vt D. Basilius his verbis docet: Humana Domini caro, ipsa participauit deitate, non propriam debilitatem diuinitati distribuit.

Concione de
Natiuit.

33. Vnde, quod ad naturas ipsas attinet, rectè quidem hoc discrimen statui potest, quòd ex hypostatica diuinitatis cum humanitate vnione, nihil omnino imperfectionis diuinę obtigerit naturę, humanę verò magna quædam & singularis excellentia obuenerit. Sed interim hæc perfectio, quæ ex vnione illa humanę accessit naturę, non est idioma diuinum, sed humanum, non quidem naturale, sed gratuitum.

34. Quantum verò spectat ad idiomatū communicationem in persona, citra vllum omnino discrimen, & diuina homini, & humana Deo, tanquam vni & eidem personę, in diuina & humana natura subsistenti, non voce tantum, sed & re ipsa rectissimè attribuuntur, cum vna reuera sit Dei & hominis persona. At verò idiomata diuina neque voce neque re ipsa naturę humanę possunt ascribi, sicut nec humana diuinę, quòd, secundum sacrorum Conciliorum sanctiones & Patrum traditionem, naturę semper distinctę & impermixtę cum suis proprietatibus permanserint.

35. Nunc vide obsecro huius Theologi imperitiam impiam, & impieratem imperitam, qui dum nouum quoddam & hactenus inauditum discrimen comminiscitur, ab omni Christiana veritate in re tanta discedit. Nam attributa diuina palàm humanę ascribit naturę, ediuerso verò humana non reuera, sed voce solum diuinę personę accommodat.

36. Iam illud est expediendum, & seruata quidem methodo: huius-

huiusmodi Maiestatis, potentie, sapientie communicatio-
nem, quam iste confingit, ne fieri quidem potuisse. Primum
enim certissimum est, nullius omnino proprietatem, in alteram
naturam seu speciem transferri posse. Etenim ut eruditè Cy- In propho-
netico ad
The. dosium.
riilus dixit, & ratio ipsa dicat: Quorum operatio & virtus in-
differenter vna est, ijs necesse est speciei vnitate seruare. Quis
enim diceret aptitudinem ad disciplinas capiendas, ad riden-
dum, ad ratiocinandum, quæ hominis propria, lapidi aut trun-
co infundi posse? Multò minùs verò diuina proprietates, quæ
infinita est, naturæ finitæ & creatæ poterit communicari: cum
in confesso sit, quòd res finita certisque terminis cōclusa, rem
infinitam & immensam intra se capere nequeat.

37. Adhuc cum Dei potentia, sicut & scientia, & quolibet
eius perfectio, ipsissima & simplicissima eius sit essentia, ut
etiam vltro aduersarius fatetur, euidenti & necessaria colle- The. 34.
ctione efficitur, si diuina omnipotentia &c. humanæ naturæ
fuerit communicata, quemadmodum ille somniat, ipsissi-
mam quoque & simplicissimam Dei essentiam eidem natu-
ræ humanæ fuisse communicatam: ita ut humanitas sit facta
Deus, sicut omnipotens.

38. Præterea cum idem hic *θεορία*, potentia, gloria, & Maie-
state, humanitatem diuinitati exæquet, fateri vel inuitus debet,
θεορία quoque, essentia, natura atque substantia, humanā Chri-
sti naturam diuinitati æqualem esse: cum hæc omnia in Deo
sint vna eademque simplicissima Deitatis natura.

39. Hinc quoque colligitur, idem prorsus esse, si dicas, diui-
nitatem realiter suas proprietates humanitati communicasse,
ita ut diuinæ naturæ proprietates de illa verè prædicentur,
ac si dicas, diuinitatem semetipsam humanitati communicasse,
ita ut ipsa diuina natura de humana affirmetur: & vnionem
proinde duarum naturarum in Christo, non in persona, sed in
natura factam esse.

40. Nec aliud esse potest humanam naturam omnipoten-
tem euasisse, quàm creaturam esse transmutatā in creatorem

Psal. 109.
Malach. 3.
Hebræ. 1.

ac Deum, quod nec fieri, nec intelligi vlla ratione potest, cum neque Deitas in humanitatem, nec humanitas in Deitatem conuerti queat aut commutari.

41. Quæ cum ita sese habeant, non potest hic aduersarius, quicquid etiam garriat, à damnata Eutychianorum hæresi excusari, qui duas Christi naturas impiè iuxta ac imperitè confundebant: nam, vt ostendimus, diuinas in Christo proprietates, quas tamen prorsus idem cum ipsa diuina essentia esse fateatur, cum humana natura manifestè confundit atque permiscet.

Thess. 22.

42. Quod cum nouus hic Eutyches quadantenus animaduertisset, & absurdiùs ab se dictum nonnihil mitigare vellet, hæc verba inseruit: *Neque verò à hac reali plenitudinis omnis diuinitatis communicatione, natura humana cum diuina miscetur, aut, sicut quibusdam videtur, planè aboletur, sed quod diuine per essentiam est, id humane sua modo per. accidens communicatur.* Quibus quidem verbis non sanat hic homo, sed aperit magis & pestilentio rem reddit morbum animi sui, nouasq; euomit absurditates, tantum abest vt diluat obiectum argumentum.

43. Nam si illa plenitudinis diuinitatis communicatio per accidens est, vt loquitur, sequitur vnionem hypostaticam, quæ, secundum Eutychiani huius sententiam, in illa plenitudinis communicatione sita est, per accidens esse. Verum id falso asseri, inde colligas licet, quòd hac ratione fieret, vt Christus Deus esset per accidens, & ipsa quoque diuinitatis plenitudo accidens quoddam esset: & reliquæ etiam diuinæ perfectiones, quæ cum plenitudine diuinitatis idè prorsus existunt, accidentia quædam haberentur. Sed hæc tam impiè quàm absurdè affirmari, nemo sanæ mentis dubitare potest.

44. Iam verò vt ad illud quoque progrediamur, licèt hæc Maiestatis, potestatis, authoritatis & gloriæ vnio fieri aliquo modo potuisset, aut etiam re ipsa facta foret, ita vt in ea sola, non in essentia, duç in Christo naturæ vnitæ fuissent, tamen hypostaticam vnionem non efficeret.

45. Nam

45. Nam, vt ſuprà multis oſtendimus, Patres omnes cōſtan-
ter aſſeuerant vnionem hypſtaticam eſſe vnionem in ſubſi-
ſtentiā, nō in aliqua eſſentiali proprietate toti Trinitati com-
muni: Idiomatum verò. cōmunicatiōem in perſona, vnione
illa perſonali naturę ordine poſterioſiorem eſſe, eamque iam fa-
ctam neceſſariò conſequi. Ideo enim dicunt vtriuſque naturę
idiomata de vna eademque perſona Chriſti aſſirmari, quia il-
lę duę naturę in vna Chriſti perſona ſunt vnitę: quod proſectò
conſtare nō poſſet, ſi ipſametidiomatum communicatio per-
ſonalem efficeret vnionem.

46. Quòd autem ſola illa poteſtatis & Maieſtatis cōmuni-
catio, qualem iſte fingit, ad hypſtaticam vnionem non ſuſſi-
ciat, docet Ephreſina Synodus in hęc verba: Non poteſt vnire
naturas (de vnione hypſtatica loquitur) ſola dignitatis aut
poteſtatis ęqualitas. Et ruruſus: Dicere Deum & hominem ſibi
in vicem velut dignitatis & authoritatis vnitate coniunctos,
nouitas vocis eſt, & nihil aliud. Sic illa Synodus.

Epist. ad Ne-
ſtorium.

47. Quę res vt per ſimilitudinē illuſtretur, ſi fortē Princeps
aliquis, quocunq; modo in Maieſtate, poteſtate & authori-
tate alteri ſi ęqualis, non inde conſequitur, vtrunq; Princi-
pem in eandem coaluiſſe perſonam: ſicut nec deo duæ Apo-
ſtoli, quod exemplū Synodus eadem in re præſentem adducit,
vna perſona dici poſſunt, quòd pariter fuerint poteſtatis, au-
thoritatis, aut dignitatis.

In Epist. ad
Neſtor.

48. Quòd ſi Paulo credimus, Chriſtus ſua obedientia vſque
ad mortem, humanitatis ſuę exaltationem promeruit & Ma-
ieſtatem. At ſi Maieſtatis cōmunicatio hypſtaticam perfice-
ret vnionem, fieret ſanè vt ſua paſſione ſuam quoq; cum diui-
nitate, promeruiſſet vnionem: quod ridiculum eſt aſſerere.

Philip. 2.
Heb. 2.

49. Imò cū Chriſti corpus ante reſurrectionem non fuerit
glorioſum, ſed patibile, & mortale: manifeſtè ſequitur, anteq̃
Chriſtus reſurgeret, ſacraſſimum rei corpus diuinitati hy-
poſtaticè vnitum non fuiſſe, ſi quidē, vt hic homo vult, in glo-
rię & Maieſtatis communicatione vniō hypſtatica conſiſtit.

50. Præterea, si in illius potestatis & Maiestatis communica-
tione, hypostatica Christi vnio cōstituitur, non poterit vlla ra-
tione Deus naturam aliquam in persona sibi copulare, quin
eiuscemodi potestati &c. ei impartiat. Quod sanè nemo ad-
mittet, nisi qui diuinā omnipotentiam ignoret, & quid hypo-
statica vnio sit planè nō intelligat. Cōstat enim corpus Christi
etiam in triduo; cū iam rationali animo esset destitutū, hy-
postaticōs diuinitati coniunctū fuisse: quod tamen gloriæ, po-
testatis, Maiestatis, sapientiæ, & scientiæ diuinę capax minimè
fuisse, nullus, nisi qui ratione caruerit, ambigere poterit.

51. Iam si hic author putat, corpus aliquod, præsertim animę
rationalis expers, omnes aut aliquas diuinas perfectiones ca-
pere posse: insignis sanè cuiusdam inscitia notam euadere ne-
quit. Sin verò eas capere non posse censuerit, vt res ipsa habet:
illud euitare nō poterit, quin asserat corpus Christi, præsertim
in triduo, Diuinitati vnitum haud quaquam remansisse, imò
nec remanere potuisse. Sed id falsum esse & hæreticum, Theo-
logus nullus ignorat.

52. Adhęc, cū Pater, & Filius, & Spiritus sanctus, nō modò
ęqualis, sed vnus planè & eiusdem sint potestatis, Maiestatis,
authoritatis & gloriæ, cū etiam eadē prorsus diuinitatis ple-
nitude in tribus illis personis reperiatur: si potestatis &c. vni-
tas, æqualitas, aut *κοινωνία* vnā personam constitueret, vt hic
vanè fingit, non iam tres, sed vnā tantū hypostasim in Deo
esse, cum impio Sabellio, fateri prorsus cogemur.

53. Præterea, cū potestas diuina & reliqua attributa omnia,
in tribus illis diuinis personis vnum & idem omnino existant,
ex eodem illo principio apertè deduceretur, Patrem & Spi-
ritum sanctum eque incarnatos ac passos esse atque Filium, si
quidem vnio facta sit in re toti Trinitati ex æquo communi.

54. Quam absurditatem cū Sabellius effugere nō posset,
hoc suę Sectę nomen promeruit, vt ipsius sectatores omnes,
Patripassiani appellarentur. Quamobrem cū hic etiam Au-
thor suo commento in Sabellij se hæresin præcipitet, non vide-
mus,

mus, quo pacto Patripassiani nomen effugere queat.

55. Postremò, vnionē illam potestatis, Maiestatis &c. hypostaticam neutiquam esse, in ipso Trinitatis mysterio clarè conspicitur. Etenim tres illæ diuinę Personę in potestate quidem, Maiestate, & reliquis perfectionibus quàm maximè sunt vnitæ, totamq; deitatis plenitudinem habent, cùm nihilominus inter se verè & personaliter sint maneatque distinctæ.

56. Igitur sola potestatis, virtutis, aut Maiestatis communicatio, quæcunq; tandem illa sit, hypostaticam vnionem efficere nulla ratione potest. Quod ex eo etiam apertè deducitur, quòd potestatis, virtutis, aut Maiestatis, in genere considerata, communicatio, ad id nō sufficiat: cùm potestas, virtus & Maiestas nihil minùs quàm hypostasim significant.

57. Vnde in Ephesina Synodo Nestorius condemnatus est, quòd hac sola Maiestatis, honoris & potestatis seu virtutis cōmunicatione duas Christi naturas vniret, duasq; proinde personas, ac totidem filios in Christo constitueret. Verba porrò Synodi sic habent: Si quis in vno Christo diuidit subsistentias post vnitionem, sola societate coniungens ea, quę secundum dignitatem est, vel etiam auctoritatē aut potestatem, & non magis conuentu, qui per vnitatem factus est, naturalem, anathema sit. In quinta etiam Synodo generali hæc ipsa Nestorij hæresis hisce verbis damnatur: Si quis dicit secundum gratiam ^{c.4.} vel secundum operationem vel secundum dignitatem, vel secundum æqualitatē honoris, vel secundum auctoritatem aut relationem aut effectum aut virtutem, vnitionem Dei Verbi ad hominem factam esse, &c. anathema sit.

58. Dubium iam ex his nulli esse potest, Schmidelinum insignem esse Nestorianum, cùm nullam aliam Dei & hominis in Christo vnionem agnoscat, quàm eam, quæ Maiestatis, auctoritatis, potestatis, virtutis seu energię cōmunicatione, aut effusione efficitur: vt his ipse verbis disertè cōfitemur. *Neq; imaginanda (inquit) aut fingenda est alia Dei in Christo, quàm in creaturis reliquis omnibus, quo ad cōsuetudinem diuinitatis p̄sentia. Quæ vt in creaturis*

Anathema-
tis. 3.

Thefi. 30.
Similes lo-
quēdi forma-
z passim in
actis Synodi
Ephesinz à
Nestorianis
vsurpatæ le-
guntur.

ἐν ὅμοιότητι

*legē eiā discernitur, q̄ alia in alijs agat, & operetur: ita in Christum tota effunditur, ut iam extra ipsum nihil, sed in homine & per hominem Christum omnia in omnibus operetur. Atque hac est communicatio plenitudinis omnis deitatis, de qua idem Apostolus loquitur: In quo, inquit, sunt thesauri sapientiæ & scientiæ Dei absconditi. Et iterum: In ipso inhabitat omnis plenitudo diuinitatis corporaliter. Haftenus ille, apertissimè Nestorizans, nisi quodd in eo hebetior & Nestorio imperitior videri potest, quodd nesciat eam solam coniunctionem, ad illam *ὑποσύνθεσιν* efficiendam, non sufficere, id quod neutiquam ignorabat Nestorius.*

59. Iudicent ergo æqui & boni omnes de hoc Nestoriano, & animaduertant quæso, qua fronte audeat Maiestatem hominis Christi, nō solū obscurare, verū etiam utrique Christi naturæ, quā plurimum derogare: Humanæ quidem, quia sola virtutis seu potestatis, & nescio qua Maiestatis vnione, quam ipse fingit, eam cum Verbo coniungit. Diuinæ verò naturæ non minū detrahit, quia humanitatem *ἐκουσία*, potentia, gloria atque Maiestate, diuinitati hic ineptus censor exæquat. Tum, utrique naturæ simul in hoc maximam vim irrogat & iniuriam, quodd eas earumque proprietates insulsè permiscet, atque confundit.

In præfatione

60. Grauius adhuc peccat & à sacrilegij crimine defendi nō potest, qui adhuc sua perniciosā tantaque impietate referta aliāq; plura insana dogmata confirmanda, non veretur sacræ legis verba furari. Sic ab initio, ut alijs veritatis & antiquitatis ignaris facilius imponeret, quædam Vincentij Lirinensis verba, suis præfixit Thesisibus. Tum nō minū impudenter quā arroganter ausus est polliceri eam se doctrinam repetiturum, sincereq; declaraturum, quam nobis Prophetæ, Apostoli, primitiue Ecclesiæ Patres, Martyres & Confessores tradiderunt. At in progressu nullum ex his omnibus suorum dogmatum profert comprobatorē cuius se patrocinio tueatur. Hoc demum est, sinceram veritatis & Euāgelij doctrinam vindicare.

61. Quid multa? Si volumus noua huius Veteratoris impiaq; figmen-

figmēta inter se aliquo pacto coherere, illud etiā admittamus oportet, vt veteres & olim damnatę hereses, quauis inter se maximē disiunctę atq; dissectę, in orbē veluti postliminio reuocentur, & veluti ab ipsius Orci faucibus iterū resuscitentur.

62. Etenim, vt manifestē conuicimus, hic Sectaris in Christo cum Monothelitis proprietates confudit: cum Eutychete naturas in vna essentia coniungit: cum Nestorio personas distinguit ac separat: cum Sabellio Patripassiano Patrem & Filium & Spiritum sanctum in persona vnit, totamque, vt sic dicamus, incarnat Trinitatem.

63. Nec opus est vlla hīc noua censura aut condemnatione. Iudicāunt de hac causa celeberrimę Synodi, & pronūciārūt anathema his omnibus, qui veterum impietatum essent, cum Schmidelino propagatores aut sectatores.

Constant. i. 2.
Ephes. 2.
Chalce.

64. Nec potest hic Author, vt omnium harum heresum notam euadat, ad illud perfugium se recipere, quod initio dixerit, se duas naturas personaliter in Christo vnitatem agnoscere, cum postea illud ipsum suo modo interpretatus, damnatis illorum heresiarcharum opinionibus apertē suffragetur. Neq; enim satis est (vt Ephesina Synodus testatur) fidem voce duntaxat confiteri, nisi rectē quoque eam interpreteris.

In Epist. ad
Nestor.

65. Sed quid tandem ad impias & absurdas has opiniones renouandas impulit Schmidelinum? Non id sanē, vt Christi hominis Maiestatem extolleret, sicut Thematum illius titulus pollicetur, sed vt sacrosanctę Eucharistię dignitatem & excellentiam, quoad eius fieri posset, obscuraret, omnesque Sectarios, plurimū inter sese dissectos atque diuisos, contra Christum Christi que sponsam Ecclesiam Catholicam hac ratione vni-
ret ac coarmaret.

Ad Lectore.

66. Huc vt perueniret, viam putauit expeditissimam sibi fore, si contra communem Ecclesię Apostolicę sensum probare posset, Christi humanitatem corporaliter vbique pręsentem adesse. Ex hoc enim principio, mox sequebatur, nihil singulare aut admirabile in hoc Eucharistię Sacramēto accidere, quan-

H h h tum

tum ad præsentiam corporis & sanguinis Christi attinet, quod non in cæteris itidem rebus omnibus & creaturis vsu veniret. O artem verè Sathanicam, quæ postea nobis apertius detegenda erit atque refellenda.

Theſ. 14.

67. Nunc ordo postulat vt demonstremus Christi humanitatem non esse ubiq; corporaliter præsentem, quemadmodū hic Theologus præcipuè cōvincere studet. Et hac quidem sola ratione ductus. *Cum diuinitas (inquit) in vnitatem personæ assumpserit hominē, cuius ratio & definitio est plenitudinis Dei cōmunicatio, in quo omnis Deitas corporaliter inhabitat: sequitur, ipsam quoque humanitatem Christi ubique præsentem esse. Et iterum: Restat tertia Maiestatis ratio, qua sine corporis extensione & diffusionē, humanitas Christi à Verbo ita perficitur, vt eadem Maiestate res præsentēs habeat rebusq; præsens sit, qua diuinitas.* Hæc Schmidelinus.

68. Vbi primū obserua quod Vbiquetarius iste, vt alibi, sic nūc etiam nullam Scripturæ authoritatem, nullum ex probatis Patribus aut Synodis testimonium in re tanta comprobanda producit, imò contra! luculentas Scripturās, & Patrum sentētiās vnica solius Lutheri Magistri sui authoritate, nescio quā fidelitè recitata, contentus, & vnica ratione humana fultus, causam agit atque concludit. Ita qui maximè Scripturis gloriari solent, & ab omnibus illas exposcūt, sine Scripturis sua sæpe somnia venditant.

69. Quod si rationem ipsam velimus expendere, falsum reperiemus antecedens quod assumit, in eo nimirum sensu, quo ipsemet superius illud explicauit. Nomine enim vnionis personalis & plenitudinis diuinitatis inhabitationis, nihil aliud intelligit, quàm totius diuinæ *ἡγεμονίας* in Christum effusionem, aut diuinæ potestatis, authoritatis &c. communicationem. Quam quidē sentiētiā erroneam esse, multis antè argumētis comprobauimus. Deinde, vt antecedens illi maximè cōcedamus: non hinc conficitur, humanitatē perinde atque diuinitatem Christi ubiq; adesse præsentem. Quandoquidem ex eo, quod duo Principes parīs sint omnino Maiestatis, authorita-

tis & potestatis, malè colligitur, sicubi alter eorum fuerit, ibidem statim alterum quoque constituendum esse.

70. Sed nec ideo aliquid aliquo in loco *ὡρισμένως* existere cōuincitur, quòd in eo vel operari possit, vel re vera operetur, quod est, potentia esse in loco, vt Philosophi vocant. Nam & Solem certa quadam parte orbis sui cōtentum ac circumscriptum esse cōstat, qui tamen in toto hoc sublimari orbe operatur, ac proinde potentia sua ibidē adest, vbi secundum suā essentiam nō esse, certissimū est. Sic ambiguū nō est, quin quilibet Princeps toti suo regno potestate adsit, q̄ tamē secundum essentiam totum regnū neq; occupat, neq; occupare potest.

71. Iam si spectemus veram hypostaticam Christi vnionem, quę multò maior est, quàm fictitia illa solius energię & potestatis cōmunicatio, neque sic etiam colligitur, humanitatem Christi in omnibus rebus corporaliter esse, vt omnes verè docti nōrunt. Satis nanque est ad hypostaticam naturarum vnionem, si diuina humanę suam communicauerit subsistentiam, ex quo id tantum conficitur, aliquo in loco humanitatem esse, in quo ipsa etiam adest diuinitas.

72. Sicut etiam ad hoc vt anima rationalis corpori sit vnita, necesse non est, vt vbicunque sit anima, ibidem & corpus existat. Nam sic fieret, vt caput esset in pede, & pes in capite, & in quauis alia corporis parte, cū anima ipsa tota sit in toto corpore, & tota in quauis parte ipsius.

73. Quòd si hoc argumentationis genus hīc nequaquā procedit, cū tamen anima & corpus nō in hypostasi solū, sed etiam in natura sint vnita: multò minùs in vnione duarū naturarū in Christo procedet, vbi sola vnio hypostatica reperitur. Rectè ergo & prudēter Aug. de Christi humanitate loquens,

De præsencia
Dei ad Dar-
danum Ep. 57

dixit: Nō est consequens, quod in Deo est, ita sit vbique; vt Deus. Hęc sufficere poterant, præsertim cordato lectori, ad planè refellendā huius noui Vbiquetarij & Sectarij argumentationem, siue assumptum, siue illationem expendas. Nam & antecedens aperte falsum, & consecutionē ineptam esse satis

ostendimus. Vt tamen veritas magis elucescat, & omnis dubitandi occasio submoueat, apertis Scripturę sanctorumque Patrum testimonijs, perspicuis etiam rationibus, ex fidei fundamentis deductis, palam faciemus, Christum secundum assumptam carnem non vbiq; presentem adesse, eadem, qua diuinitatem, Maiestate, neque presentem aliquando fuisse.

75. Distinctionem tamen, ob varias quę hinc se offerunt quęstiones, premittemus, ne dum vnum errorem extremum confutamus, alterum illi oppositum confirmare videamur. Si quidem alia quęstio est, An ex eo quod humanitas Verbo vnita est, vbiq; corporaliter sit præsens eadem Maiestate, qua ipsa diuinitas. Alia verò, An ea ipsa Christi natura per Dei omnipotentiam in pluribus locis, vel vbiq; locorū possit existere. Alia denique, An Christi humanitas talem aliquam potestatem sit sortita, qua se ipsam vel vbiq;, vel in pluribus locis valeat collocare.

76. Hic ergo non disputamus, An humanitas Christi omnipotentia diuina in pluribus locis existere possit, id enim posse fieri, imò re ipsa quotidie accidere, minimè dubitamus: sed hoc quęrimus atq; spectamus, ex hypostatica illa naturarum vnione nequaquam consequi, Christi humanitatē aut vbiq;, aut in multis simul locis existere: sed quò id fiat, nouo opus esse miraculo. Illud præterea constanter tuemur atque defendimus, humanā Christi naturā nec semper fuisse, nec nunc quoque corporaliter vlllo pacto vbiq; esse presentem, neq; eiusmodi aliquam in ea facultatem esse, qua se vbiq; sistere valeat.

77. Atque rem ita habere, vel hinc facile sit colligere: quod caro assumpta, propter hypostaticam cum Verbo vnionem, naturales suas proprietates & affectiones neutiquam amiserit, nec proprietatem aliquam diuinam acquisuerit, vt suprà latè demonstrauimus. Certo autem loco circumscribi ac definiri, inter naturales corporis affectiones recensetur: sicut & potestas ad existendū vbiq; ad diuinas pertinet proprietates.

Vnde Damascenus, post illam vnionem, incircumscriptum, id est,

est, diuinitatem, mansisse incircumscriptum: & circumscriptum, id est, humanitatem, circumscriptum mansisse asserit. Non est enim, inquit, coextensa carocum eius incircumscripta diuinitate. Idem ferè Gregorius Nazianzenus & alij Patres de eadem Christi humanitate docent.

Ibidem c. 7.

Epist. ad Ce-
lidon Augu-
de praf. Dei.
Mart. i. c. 4.
&c.

78. Huc accedit, quòd potentia ad existendum, & re vera existere vbique, soli Deo ita est proprium, vt nulli alteri attribuat. Sola nanque diuinitas, vt Damasceni verbis vtamur, est infinita, incircumscripta, incomprehensibilis: cætera verò certo quodam loco definiuntur. Hinc Alcuinus dixit: Solius diuinitatis fuit, loco non contineri. Et Fulgentius: Hæc est Trinitas vnus Deus, qui sicut potuit solus vniversa condere, sic potest omnia solus implere.

lib. i. c. 17.

lib. 3. de Tri-
nita. c. 16.
lib. de im-
menfitate di-
uinitatis Filij
Dei.

79. Hoc autem omnibus vsque adeò certū semper fuit atq; persuasum, vt Ambrosius, tanquam firmissimo argumento, Spiritus sancti diuinitatem contra Eunomium probare volens, in hæc verba loquatur: Cūm omnis creatura certis nature sue sit circumscripta limitibus, quomodo quis audeat Spiritum sanctum creaturam appellare? qui non habet circumscriptam determinatamque virtutem, qui & in omnibus & vbique semper est: quod vtique diuinitatis & dominationis est propriū. Hæc ille. Et Cassiodorus super illa verba: Quò ibo à Spiritu tuo &c. Cūm tali predicatione vbique Spiritum sanctum esse noscimus, dubium non est, Spiritum sanctum coæternum & coæqualem Patri & Filio reperiri. Hieronymus: Ex quo intelligimus Deū esse, qui totus vbique sit. Si ergo Christi humanitas non est circumscripta, sed vbique semper omnibus rebus creatis adest, vt hic Vbiquista docet, non est creatura sed Deus, vt colligunt Ambrosius, Hieronymus & Cassiodorus, quia solus Deus vbique est.

lib. i. de Spi-
ritu sancto.

In Psal. 139.

Ibidem.

Thesi. 54.

80. Adhæc, si Christus Dominus secundum humanitatem, propter hypostaticam naturarum vnionē, in omnibus rebus existeret, vt ipse Deus, fieret sanè, vt à primo cōceptionis suæ momento, vbique fuisset, in cœlo, in terra, in mari, in inferno:

Hhh 3

fiqui-

siquidē ab eo tēpore humanitas diuinitati psonaliter vnita est.

81. Sēd aliter Scriptura nos docet, dū affirmet, Christum
super terram & mare ambulāsse, totam Galilęam circumuiſ-

Matth. 4. 14-4.

Ioan. 10.

Ioan. 11.

Marc. 16. &c.

In disputati-
one cōtra Ar-
riū super illa
verba, Vado
ad Patrem.

De fide ad
Gratia. lib. 2.
cap. 4.

Tom. 12. cōt.
Euno.

In disput. ha-
bita cū Pyr-
rho.

se, ex vno loco in alium subinde commigrāsse, & ianuis clau-
sis ad discipulos introiisse; nec falsum esse potest illud, Gaudeo
propter vos quia non eram ibi: item, Surrexit, nō est hic. Non
enim verē moueri aut motu defatigari potest; aut ab aliquo
loco abesse, quod omnem occupat locum, quocunq; demum
id modo fiat. Vnde Athanasius sic ait: Eius est ire & venire, qui
aliquibus locorum terminis circumscribitur, & cum in quo
erat deferens locum, vt ad eum vbi non erat veniat. Ambrosi-
us quoque de eadem Christi humanitate loquens, in hæc ver-
ba docet: Neque enim Deus de loco ad locum transit, qui
vbique semper est, vt homo est qui vadit, ipse est qui venit. Et
Gregorius Nyssenus: Qui dicit, Vado, localem discessum si-
gnificat. & paucis interiectis: Quod autem per omnia gradi-
tur, & in omnibus existit, & omnia continet, non habet quō
discedat, eō quōd à diuina plenitudine nihil est vacans. Et S.
Maximus: In sanctis Euāgelijs de Domino scriptū est: Postri-
die voluit Iesus ire in Galilęam. Ire nimirum voluit, quatenus
ibi non erat: Non erat autem humanitate, diuinitate enim
vbique est. Quid ad dilucida hæc Scripturę & Patrum testimo-
nia respondebit Schmidelinus? nisi fortē cum Manichæo di-
cat & sentiat omnes motus & operationes Christi non veras,
sed phantasticas fuisse.

82. Adde, quōd si ab eo tempore, quo Deus incarnatus est,
eius humanitas vbique existeret, apertē cōsequeretur, illum,
priusquam ex matre Virgine nasceretur, extra maternum vte-
rum corporaliter fuisse, & postquam in lucem editus fuit, in
vtero nihilominus, sicut antē erat, remansisse, & ex vtero pro-
inde materno exiuisse nunquam. Id autem constat absurdum
esse, & verę natiuitatis rationi planē contrarium.

83. Iam si Christus vbique pręsens corpore aderat, ergo vbique
loquebatur, vbique patiebatur: siquidem vnum & idem os,
cadem

eadem lingua, idem corpus non potest in vno, nec in diuersis locis actiones illas exercere, & simul ab iisdem vacare.

84. Deniq; Scriptura & omnia Fidei Symbola cōclamant, Christum post mortē ad inferos descendisse, & post suā resurrectionem ad cōelos ascendisse, non quidem secundū diuinitatem, sed secundū humanitatē, secundū quam Christum tunc nondū in cōelis fuisse Patres omnes simpliciter & absque distinctione vlla contestatur. Vnde sic ait Cyprianus: Ascendit ergo ad cōelos, nō vbi Verbum Dei antea nō fuerat, quippe qui erat semper in cōelis, & manebat in Patre: sed vbi Verbum caro factum non sedebat. Et Gregorius: Cūm Christus per humanitatem ascenderet in cōelum, per diuinitatem terram pariter continebat & cōelum.

85. Quare vnīuersus Patrum chorus, locum illū Ioan. 3. Nemo ascendit in cōelum, nisi qui descēdit de cōelo, Filius hominis, qui est in cōelo: non aliter exponit, quā Filium hominis ratione deitatis, ppter idiomatū in persona cōmunicationē, tum tēporis in cōelis fuisse, cūm adhuc in terris nobiscū versaretur: quemadmodū etiā propterea eandem *ἰδὺς καὶ τὸν νοῦν*, Deus passus, mortuus & sepultus rectē dicitur. Hinc Augustinus: Secundū hominem in terra erat, non in cōelo vbi nunc est, quando dicebat: Nemo ascendit in cōelum: quanuis secundū quod Filius Dei erat, esset in cōelo, secundū verò quod Filius hominis erat, adhuc esset in terra, nondū quē ascendit in cōelum. Et Chrysostomus: Filium hominis hoc loco non carnem, sed à maiori substantia totum seipsum, vt sic dicam, intelligit. Hic nanque ei mos est, vt nunc à diuinitate, nunc ab humanitate totum nuncupet. In eundem quoque sensum Beda loquitur: Non, inquit, caro Christi descendit de cōelo, neq; ante tempus ascensionis erat in cōelo, nisi quia vna Christi persona est in duabus existens naturis. Damascenus etiam eisdem consentit, dicens: Propter vnitatem personę Filius hominis ante passionē se in cōelis esse confessus est. Et Fulgentius: Vt immensitatē diuinitatis suę in terra positus

Aug. ad Dardan. Hieron. Beda. Theop. Haymo. Sedulius. Ansel. glossa in Eph. 4. Cyprian. in expositione Symbo. idem quoq; habes in Symb. Rufini. Gregor. hom. Mar. 16. Ioan. 3.

De presentia Dei ad Dard. & tract. 12. super Ioan. sic ait: Ecce hic erat, & in cōelo erat: hic erat carne, & in cōelo erat diuinitate, imò vbique diuinitate. Idem ser. 27. super Ioan. & Psal. 75. Homil. 26. super Ioannem. Ioan. 5.

lib. 3. c. 7.

lib. de immensitate diuinitatis Filij Dei

demon.

demonstraret, & secundum hominem, quem susceperat, in terra positus, secundum Deum, quod semper erat, presentem se etiam celo doceret, ait: Nemo ascendit in celum &c. Non quia humana Christi substantia ubique fuisset diffusa, sed quoniam vnus idemque Dei Filius atque hominis filius, verus Deus ex Patre, sicut homo verus ex homine, licet secundum veram humanitatem suam localiter tunc esset in terra, secundum diuinitatem tamen (quæ loco nullatenus continetur)

Theoph. gloss.
(a. int. Euthy.
Rupertus, Cy-
ril. in Ioan. 1.
Hilarius 10.
de Trinita.
Alcuin. lib. 3.
de Trin. c. 11.
Ansel. in Eph.
4. &c. Bernar.
serm. 11. &c. 19.
in præfatiõe.

coelum totus impleret & terram. Hec ille. Idem Theophylactus & reliqui tam Græci quàm Latini interpretes sentiunt.

86. Hic iam est operæ precium meminisse lectorem, quod Schmidelinus ipse rectè & verè, Lirinenfis personam indutus, præfatur, horrendum peccatum esse, si quis noui dogmatis author existat vel propagator, cuius Christi, Apostolos & Prophetas non habet authores. Quanto igitur est hoc crimen & piaculum execrabilius, ô Schmideline, censendum? quod tu cum paucis nouum & tot seculis inauditum dogma contra Christum, Prophetas, Apostolos & omnes Doctores inuehis atque propagas: nempe Christum non solum ratione diuinitatis, sed etiam ratione humanæ naturæ corporaliter ubique presentem adesse: cum hætenus Orthodoxi omnes vnanimi consensu, vnum hoc ratione solius diuinitatis Christo attribuendum esse docuerint, expressèque dixerint eum secundum humanitatem non esse ubique presentem.

87. Verum vt nonnulla Scripturæ loca à nobis allata, & iuxta sanctorum Patrum sensum explicata, peruertat, forsan ad illam triplicis distinctionis, quam construxit, arcem, confugiet. Vult enim vnus eiusdemque corporis Christi triplicem esse considerationem: vnā Physicam, qua ipsum naturalibus proprietatibus & affectionibus subiectum fuit, quod patibile, inquit, appellamus, & eo modo non ubique præsens esse fateatur. Alteram, qua corpus Christi iam est & dicitur impatibile, ratione gloriæ, sed ne hoc quidem modo ubique illud existere asseuerat, sed in celo duntaxat. Terriam Maiestatis, qua corpus

Thefi. 35.

Thefi. 36.

Thefi. 35.

Thefi. 37.

Thefi. 37.

pus

pus in diuinitatis consortium assumptū, in pari gloria est, & Maiestate cum Verbo, à quo in vnitate personę assumptum est, & hac ratione omnibus rebus eādē Maiestate, qua diuinitatem, corpus Christi præsens adesse decernit.

Theſ. II.

88. At incassum laborat noster Vbiquetarius, in hac noua distinctione fabricanda, siquidē ea consistere non potest, cū illam Maiestatis vnionem, vnde suam illam tertiam considerationem deducere conatur, quō aperta sacrę Scripturę testimonia facilius deprauet atque eludat, satis perspicuē iam antē ostenderimus, falsam & ineptam esse: Patribus verō tam recentioribus, quā vetustioribus hactenus incognitam prorsus & inauditam esse. Atqui in rebus tanti momenti, maxime quę ad fidem pertinentibus, nulli fas sit nouas pro arbitratu suo distinctiones fingere, aut sacram Scripturam, vt beati Clementis verbis vtamur, secundū proprii ingenij intelligentiam legere aut docere, sed ex Patrum traditione. Etenim non pauca verba passim in Scripturis occurrūt, quę trahi possunt ad eum sensum, quem sibi vnusquisque spontē præsumpsit. Sic Clemens. Imō, vt ait Cyrillus, & experientia ipsa apertē commonstrat, Hæretici omnes de Scripturis diuinitus inspiratis, erroris sui colligunt occasiones, & ea, quę à Spiritu sancto dicta sunt, sua malitia corrumpunt.

Epist. 5.

Epist. ad Paul.
Jum Antioch.
recitata in Cal
ced. Synode.

89. Ad rem redeamus. Si ex vnione illa hypostatica Christus Dominus hoc est cōsecutus, vt rebus omnibus secundū humanitatē præsens adesset, ergo priusquam in vltima illa cœna Eucharistiā cōfecisset, corpus & sanguis ipsius, in pane & vino pręsentia cōtinebātur, vt nūc in Sacramēto Eucharistię cōtinentur: cū panis & vinū ante verba cœnæ, plata, res quędam essent. Quocirca secundū huius Vbiquistę sententiā, qui corpus & sanguinē Christi in Sacramento Eucharistię cum substantia panis & vini simul esse confingit, corpus & sanguis Christi, non aliter nunc in Eucharistia essent, quā fuissent, etiā si verba cœnę Dominicę nunq̃ à Christo essent p̃nūciata.

90. Id autē quis vnquā dicere vel cogitare ausus fuit pręter

Ad Lectore.

hunc Vbiquistam? qui Lutherum tot sectarum Antistitem & Magistrum secutus, vt ipse testatur, veritus non est, tantam & tam inusitatam blasphemiam, contra vniuersam Ecclesiæ Catholicę traditionem effutire. Et gloriatur adhuc, in illo suo Vbiquëitatis commento Lutherum non parui pendendum robur sententię suę posuisse, eundemque constanter affirmasse, vel ea sola Vbiquëitate, veram corporis & sanguinis Christi præsentiam asseri & confirmari posse, si maximè verba cœnæ nunquam à Christo dicta esse.

Ioan. 6.
Psal. 77.

91. Quid mirum verò, si nouator iste nihil ibi absurditatis animaduernerit, qui non modò in pane & vino, verum etiã in hordeo & foeno & quibuslibet rebus, licèt vilissimis, (quod pudor est referre) eodem modo corpus & sanguinem Christi adesse, sicut in Sacramento Eucharistiæ comminiscitur. Verum facessat impietas, non vt foenum vel hordeum, iumentorum pabulum, pij omnes habēt Eucharistiā, quam vt panem viuū, qui de cœlo descendit, Angelorum cibum, diuinis honoribus cum sancta Ecclesia summo iure prosequuntur.

92. Tandē vtcunq; imageretur, & somniādo sensū suū interpretetur, tueri tamē nulla ratione potest, corp⁹ Christi, & vbiq; corporaliter præsens adesse, & vero Physicoq; ac corporeo motu moueri, cū id tātū corporeo motu ferri agitariq; dicatur, qđ ex vno loco trāsīt in aliū, vbi prius nō erat corporaliter.

93. Sed nec vllō etiam modo fieri potest, vt idem Christi corpus in vno eodemque loco circumscriptum sit & incircumscriptum, definitum & indefinitum, visibile & inuisibile, patibile & impatibile, quod tamen iste Neotheologus, modò sibi constet, fateri cogitur.

94. Adhæc ne fingi quidem, animo' ve concipi potest, corpus Dominicum ante Christum passum in pari gloria & Maiestate cum Verbo vbiq; fuisse, & nihilominus pati & mori potuisse. Quomodo enim id, quod dolori, passioni, morti, ceterisque humanis miserijs obnoxium est, eādē cum Verbo, gloria & Maiestate præditum esse, aut dici queat?

95. Quod

95. Quòd si dixeris, ante resurrectionem corpus Christi non fuisse in omnibus rebus eàdem Maiestate & gloria, qua Verbum, consequens est, ante resurrectionem corpus Christi non fuisse cum diuinitate hypostaticòs vnitum: siquidem, vt tu somnias, in gloriæ & Maiestatìs communicatione vnio hypostatica consistit. Alterum itaque Schmideline ex duobus asseras oportet, aut corpus Christi ante passionem æquali gloria & Maiestate cum Verbo præditum fuisse, quod alicubi haud ob-
Theſ. 17.
 scurè doces, aut ipsum ante resurrectionem cum Verbo non fuisse vnitum hypostaticòs: vtrunque autem impium est & hereticum.

96. Quocirca qui asserit cum isto Vbiquetario ac pertinaciter defendit, corpus Christi à conceptionis suæ tempore, vbique, hoc est, in cœlis, in terra, & in inferioribus terræ partibus, eàdem Maiestate & gloria, qua diuinitatem, corporaliter vbique semper præsens fuisse, is re vera negat Christum secundum humanam naturam nouem mensibus in materno vtero fuisse conclusum, & ex eodem in hanc lucem editum: negat eum passum, in crucem sublatum, mortuum, sepultum, iterumque ex sepulchro suscitatum: negat eundem ipsum ad inferos descēdisse, & inde reuersum ad cœlos ascēdisse: negat demum ad iudicandum viuos & mortuos tandem aliquando rediturum.

97. Nos igitur cum Ephesino Concilio Christum, vt Deum, omnia replere & repleuisse dicimus, etiam cum adhuc paruulus esset. Nam quod diuinum est, sine quantitate & mole esse agnoscitur. At secundum humanitatem Christum vbique esse vel fuisse, cum toto sanctorum Patrum ordine pernegamus.

In Epist. ad Nestorium.

Cypria. in expositi. Symb. Atha. disput. contra Arium. Ambro. lib. 2. de Fide ad Grat. c. 4. Gregor. Nyſ. Tomo 11. contra Eunom. August. de præsen. Dei ad Dardanum. Tract. 12. super Ioan. &c. Gregor. Nazianz. Epist. ad Celidon. Gregor. 1. Hom. Mar. 16. Maxim. disput. cum Pyrrho. Beda Ioan. 3. Theophyl. Ioan. 3. Casu. Psal. 73. Euth. Rupert. Ioan. 3. Alcuin. lib. 3. de Trinita. c. 11. Ansel. Ephe. 4. Damasc. lib. 1. c. 17. & 3. c. 3. Russi. in suo Symbolo. Beinar. Serm. 18. 19. Fulgen. lib. de immanitate Filij Dei &c. Petr. Lombard. 3. lib. d. 22.

98. Nec ideo tamen, quòd Christum secundum corpus vbique esse inficiamur, consequens est, cum facta nostra, nostras, v. e. cogitationes ignorare, aut secundum humanitatem

assumptam apud Deum & Patrem pro nobis non intercedere, aut nullam rerum nostrarum curam gerere. Quin imò licet absens corpore sit, ita tamen perfectè in sua diuinitate, quæ nusquam deest, nostra omnia nouit ac perscrutatur, vt nihil eum latere queat, nec secus ^a pro nobis interpellat, nostra quæ gubernat, & ^b quæ ad salutem nostram faciunt, procurat & operatur, ac si corpore præsens adesset.

99. ^c Sed nec ipse solus rerum humanarum, tametsi absens corpore sit, cura tangitur, verùm etiã Sancti & Beati omnes ad paternam hæreditatem iam admissi, pro nobis intercedunt, quicquid veteres & noui Vigilantiani obstrepant, res quæ nostras multò melius ac felicius procurant, quàm si corpore eos præsentem haberemus.

100. Vbi nobis prætereundum non est quod alicubi Schmidelinus ita loquitur: *Humanitas Christi eadem Maiestate res præsentem habet, rebusque præsens est, qua Diuinitas, & si alio modo fiat in Diuinitate, quàm in humanitate, quia humanitas manet creatura.* Hæc ille. Qui cauto silentio tegit, quisnam ille modus esset, videbat enim Deum non aliter vbique præsentem existere, quàm illimitatum, & incircumscripsum, totum in toto mundo, & totum in singulis eius partibus, quo omnino modo humanitatem vbique præsentem esse priùs astruxerat. Quare non alio modo humanitatem omnibus rebus adesse, quàm diuinitatem, ex eius principijs rectè concluditur.

101. Illud autem diuina quadam prouidentia effectum videri potest, vt ad explicandam suam illam humanitatis Christi Vbiuëitatem, nullius Patris sententiam aut exemplum attulerit, præterquam vnus Augustini, qui istum ex professio errorem impugnat atque refellit. Vnde & nullum iste citat locum peculiarem, vbi Augustinus hoc doceat, quod ipse illi falsò tribuit, sed tantùm allegat Lutherum sic asserentem.

102. Ostendimus hætenus ex sacris literis, Concilijs, Patribus quæ, & totius Ecclesiæ Catholicæ consensu, quid sit hypostatice naturarum in Christo vnio, quantaquæ Christi Maiestas & eminent.

^a Rom. 8.

^b Hebr. 7.

^c Conc. Tur.

1. c. 13. in re-

scripto Ioan.

Hieros. Epif.

& Epif. qui

sub illo sunt,

recitato Syn.

Const. 1. act.

3. & Marian.

ibid. Conc.

Cabilon. c.

1. 6. Synodo,

actioe 13. in

Liturg. sancti

Iacobi, Bas.

lij, Chryso-

stomi &c.

Thefi 38.

Thefi. 41.

De præsentia

Dei ad Das-

danum.

eminentia, vnde manifestè deduximus, Christum secundum corporalem humanitatis præsentiam nō esse omni in loco, eadem Maiestate, qua Deus: id quod Schmidelinus Vbiquetarius, tanquam accommodatissimum omnis erroris & absurditatis operculum, ex falsa hypostaticæ vnionis intelligentia imperitissimè colligebat. Illud vnum superest explicandum, vbi nam locorum Christus Saluator noster secundum præsentiam corporalem contineatur.

103. Quod vt facilius expediamus, primū omnium, corpus Christi bifariam considerari posse meminerit lector: Vno quidem modo vt visibile & circumscriptum est, ea nimirū forma, qua Christus in hoc mundo conuersatus & in cœlum assumptus est. Altero verò vt inuisibile & incircumscriptum, qua ratione spirituale quodammodo dici potest. Nam licet verū corpus sit, & idem planè numero, cum illo quod nunc in cœlis à Beatis conspicitur, tamen sic consideratum neque videtur, neque in loco est, vt res corporales esse solent.

104. Priori modo in cœlis tantū Christus Dominus modò habitat, non quidem totius cœli ambitū suo corpore implens, non enim dilatatur neq; in immensum diffunditur, aut multiplicatur, huiusmodi enim humani corporis veritati omnino aduersantur, vt etiā hic Author asseuerat: sed certam quādam cœli partē secundum quantitatis suę modū occupans, quemadmodum & cætera Beatorum corpora olim occupabunt.

Theſi. 37.

105. Huc spectat, quod alicubi dicit Augustinus: Christus (inquit) visibilem hominis formam accepit, non solū natus in ea, sed etiam ascēdit in cœlum, & sedet ad dexteram Patris in ea. Et alibi; Christum Dominū vbique præsentem esse non dubites, tanquam Deum, & in loco aliquo cœli propter verū corporis modum. Atque hoc eodem modo Scripturæ & Sancti omnes loquuntur, cum Christum in cœlis tantū existere, aut circumscriptum esse asseuerant.

2. lib. contra
Max.

De præsentia
Dei ad
Dardanum.

106. Constat mediocriter eruditis, cœlum illud Beatorum domicilium, locum esse corporeum, & sicut cætera corpora

quantitate affectū, quanuis qualitatibus illis destituatur, quæ locum Physicum constituūt atq; naturalem. Quapropter vel inuitus aduersarius fateatur necessum est, in cœlo locum esse, non quidem Physicum seu naturalem, sed Mathematicum & cœlestem, nisi dicere maluerit, Beatos omnes nusquam esse, qui non alibi quàm in cœlo illo continentur.

107. Nec tamen Christum cæterosque beatos vni cœli parti, veluti conchas marinas scopulis, affixos, aut veluti stipiti alligatos teneri existimabimus, hæc enim conditio miserrima foret, & cum glorificatorum corporum felicitate planè repugnans, tantum abest vt hoc illis proprium sit & necessariū, vt noster Vbiquista somniat. Sed pro liberrima volūtatē sua cœlites moueri posse, & interdum etiam moueri, intrepidè profiteremur. Cuius modi autem motus talium corporum sint futuri, temerè definire (inquit Augustinus) nō audeo, quod excogitare nō valeo. Tamen & motus & status sicut & species ipsa decens erit. Certè vbi volet spiritus, ibi protinus erit corpus: nec volet aliquid spiritus, quod nec spiritū possit decere nec corpus. Hæc Augustinus.

108. Sanctorum porrò felicitati non repugnare, quòd in loco sint aut de loco in locum moueantur, ex coliquet, quòd quocunq; tandem ferantur, priuari non possunt summo æternōq; bono, Deo scilicet, quem intra sese possident felicissimè.

109. Hinc est quod scriptura sacra testatur, administratorios illos spiritus, in ministerium aliquod missos, ad nos sæpe descendere, & nobiscum manere eos, qui nostræ custodiæ sunt additi: Christum præterea Saluatorem nostrum, post resurrectionem suam, cum iam perfecta simul animi & corporis beatitudine potiretur, toto quadraginta dierum spatio in hoc mundo hæsisse, varijsq; in locis apparuisse, & tandem ad cœlos ascendisse: Tum multa corpora sanctorum cum Christo resuscitata in sanctam Hierusalē introgressa esse legimus, quos tamen, ideo beatitudinem aut nō habuisse, aut habitam, vel ex toto, vel ex parte amisisse, nemo vnquam rectè putabit. Et hæc

fatis

Ad Lectorē.

Lib. 22. de
Ciuitate Dei.
cap. vlti.

Heb. 1.
Genes. 16.
Tob. 3. &c.
Luc. 1. 2. &c.

Act. 1.


Matth. 27.

fatis de priori corporis Christi consideratione dicta sint.

110. Quantum verò ad posteriorem considerationem attinet, certa fides est & sana confessio Orthodoxorum, non novum aliquem Deum, aut ex pane aut vino fabricatum, (vt Schmidelino fingere libet) sed illud ipsum Christi corpus, quod pro nobis traditum est, quodq; in cœlis visibile esse diximus, in sacrosancto quoq; ac diuinissimo Eucharistiæ Sacramento, invisibile tamen, incircumscriptum, indefinitum, id est, non localiter, sed Sacramentaliter, (vt dicunt) verissimè contineri, ibidemq; manere, donec species sacramentales consumantur.

Theſ. 75.
Math. 26.
Marc. 14.
Lucæ 22.
Ioan. 6.
1 Cor. 11.
Con. Nicen. 2.
Ephesin. 1.
Lateran.
Florent.
Constant.
Trident. &c.

Præterimus consultò, ne simus longiores, reliquas Schmidelini tam absurdas quàm impias opinioniones, quas ex præclaro illo Ubiquitatis fundamento colligit atque deducit. Multa ille in sacrosanctâ Eucharistiâ horrenda & blasphema euomit. Multas in Ecclesiam Catholicam, Catholicæque fidei Professores detorquet calumnias, sed magis ex more Sectæ & Lutheri lacunis, quàm vt noui aliquid adferat. De quibus non attinet repetere, quæ multi & docti Theologi sæpe aduersarijs responderunt. Nobis propositum fuit ea, quæ ad Christi Maiestatem asserendam pertinent, & à Schmidelino perquam iniquè traduntur, ad normam Catholicæ veritatis reuocare & breuiter explicare. Tantùm meminerit Lector, qui salutis suæ cupit benè consultum, ne nouis eiusmodi, qui nunc subinde sparguntur, libellis, omnium errorum & heresum seminarijs, fidat; quin Ecclesiam potiùs Catholicam & eius probatos auctores petat, audiat atque sequatur.



LAVS DEO.

Sub præsidio THEODORI PELTANI Doctoris
Theologi proposuit, publiceque defendit, M.
ALPHONSVS PINEDANVS, Philosophiæ
Professor ordinarius.







5-3-2

11

